

თეიმურაზ ქორიძე

# საუბრები ქურნალისტიკაზე

თბილისი  
2010 წელი

რედაქტორი: **რევაზ მიშველაძე**

დიზაინერი: **გია ჩიქვანაია**

ტექნიკური  
რედაქტორი: **ქეთი ხეტეშვილი**

კორექტორები: **მზია ქორიძე,**

ოპერატორი: **დარეჯან მზარელუა**

ISBN 978-9941-0-2943-1



**გამომცემლობა**  
**„ზერიკა“**  
75-62-24; 899 202 413

## ზეგ არ იქნება გვიან

ჩემი ქვეყნის წინაშე ორი გამოუსწორებელი „დანაშაული“ მიმძღვის — დავიბადე ძალიან ადრე და ჟურნალისტიკის პრობლემათა დავინტერესდი ძალიან გვიან. ასე რომ, ბევრი ჩანაფიქრის შესრულებას, ალბათ, ვერ მოვასწრებ. იმედი მაქვს, ამას ჩემი მომავალი თანამოაზრეები და ოპონენტები გააკეთებენ.

ფრიდრიხ ნიცშეს თაყვანისმცემლებს არ ვეკუთვნი, მაგრამ უნდა გავიხსენო ერთი პატარა აბზაცი მისი „ანტიქრისტიანის“ წინასიტყვაობიდან:

„ეს წიგნი ერთეულებისთვის დაიწერა. შესაძლოა, ისინი ამქვეყნად ჯერაც არ მოვლენილან. ჩემი დღე ზეგ დადგება — ზოგი ხომ წუთისოფლიდან წასვლის შემდეგ იბადება“.

ნიცშეს\* „ანტიქრისტიანის“ დამჯერმა ხალხმა „ზეგ“ ქვეყნიერება კინალამ უფსკრულში გადაჩეხა — ნაცისტურ-ლენინურ იდეოლოგიებს და მასზე დაყრდნობით აღმოცენებულ სოვეტო-ფაშისტურ სახელმწიფოებს ვგულისხმობ. კაცობრიობამ უდიდესი ძალისხმევითა და ენით აუნერეელი მსხვერპლის ფასად, ფაშიზმიც და სოციალიზმიც დაამარცხა, მაგრამ ისინი არ მომკვდარან და მხოლოდ ისტორიის შესწავლის ობიექტებად არ ქცეულან — მსოფლიოს ბევრი ქვეყნის ხელისუფლებებში დღესაც ცოცხლობენ და ახალ-ახალი „ზეადამიანების“ გამოსაჩეკად, უსასტიკესი დიქტატურების დასამყარებლად ემზადებიან. 2003 წლის ნოემბრის „ვარდების რევოლუციისას“ ქართული საზოგადოება ამ მზადების პროცესის მოწმედ და უნებლიე მონაწილედ იქცა.

იქ, ჩვენგან შორს, ცივილიზებულ სამყაროში, სადაც ქვეყანას მართავენ კანონები და კანონმორჩილი ადამიანები, დიქტატორული რეჟიმის დამყარება, ბელადების გამოჩენა პრაქტიკულად გამორიცხულია. სამაგიეროდ, „დიდი ლიდერები“, ბელადები და, შესაბამისად, დიქტატორული რეჟიმები მრავლად აღმოცენდნენ „მსოფლიო სოციალისტური თანამეგობრობის ბანაკის“ დაშლის შემდეგ.

იმ საერთაშორისო ძალებს, მრავალი წლის განმავლობაში მეთოდურად რომ ანგრევდნენ სოციალისტურ სისტემას, იმ ორგანიზაციებს და პიროვნებებს შიგნიდან, ხშირად საკუთარი სიცოცხლის ფასად, ამ სისტემის, ნგრევისთვის ხელის წაშველებას რომ ცდილობდნენ, ალბათ, გულწრფელად სწამდათ, რომ შედე-

გად ლიბერალური დემოკრატიის სახელმწიფოებს მიიღებდნენ. ამ გულუბრყვილო იმედმა ბევრგან არ გაამართლა — სოციალიზმის უღელგადაგდებული სახელმწიფოები და ხალხები ამჟამად არ აღმოჩნდნენ მზად მმართველობის თვისობრივად ახალი, დემოკრატიული სისტემისთვის. საქართველო და მისი ხალხი ერთ-ერთია იმედგაცრუებულთა შორის. ჩემი ფიქრით, ყველაზე ტრაგიკული ამ ისტორიაში ის არის, რომ ოდესღაც უდიდესი კულტურის შემოქმედი, მსოფლიო ცივილიზაციის ნაწილი — საქართველო იქცა მსოფლიოს სუპერსახელმწიფოების, იქაური მთავრობებისა და მეცნიერების დაკვირვებებისა და ექსპერიმენტების ობიექტად.

მსოფლიო გამოცდილებისთვის საქართველოში მომხდარ და მოსალოდნელ მოვლენებს მართლაც უდიდესი მნიშვნელობა აქვს. „განვითარებულებს“ (რომელთა საქონლის გასაღების ბაზრად და იაფი მუშახელის ბაზრად უნდა იქცნენ „განუვითარებლები“) ისტორიის სცენარის უმცირეს დეტალებამდე დახვეწა და მოვლენათა მსვლელობაზე სრული კონტროლის დამყარება სურთ. საქართველო მათთვის საექსპერიმენტოდ იდეალური ქვეყანა გამოდგა: ჰავა — შესანიშნავი, გეოგრაფიული მდებარეობა — სანატრელი, წარსული — საამაყო, აწმყო — სავალალო, მომავალი — ბუნდოვანი, ხალხი — დამჯერი, ამბიციები — უზომო, ნიჭი — უსაზღვრო, ჭკუა — მცირე, პატრიოტიზმი — საყველპურო, ლიდერები — ნახევარი მსოფლიოს სამყოფი!..

ვეროპელი და ოკეანისგალმელი „ცივილიზებულები“ არ ჩქარობენ. ის, რაც ქართველი ხალხისთვის ტრაგიკულია, მათთვის ერთუცნობიანი განტოლებაა, რომლის ამოხსნაც მომავალში, შესაძლოა, გაცილებით უფრო რთული (მრავალუცნობიანი) განტოლების ამოხსნაში დაეხმაროს. ჩვენი მრავალსაუკუნოვანი კულტურა მათთვის ყოვლად ჩვეულებრივი ეგზოტიკაა, ჩვენი ამბიციები — ბავშვის ჭირვეულობა, ჩვენი ხელისუფლების მახინჯი მიდრეკილებები — ნაცნობი თამაში, ჩვენი ხალხის უკიდურესი ეკონომიკური სიდუხჭირე — სტატისტიკა. ისიც შესანიშნავად იციან, რომ სადღაც სამხრეთ კავკასიაში, შავი ზღვის პირას მოკეკლუცე ძველი ტრაქტირი მყვირალა აბრით — „თავისუფალი, დამოუკიდებელი საქართველო“ — უახლოესი ათწლეულების განმავლობაში ვერც თავისუფალი გახდება, ვერც დამოუკიდებელი და ვერც დიდი „მეგობრების“ ღირსეულ პარტნიორობას შეძლებს.

ჩვენს თავს ჩვენვე უნდა მოვუაროთ, ჩვენს სენს ჩვენვე უნდა ვუმკურნალოთ. უპირველეს ყოვლისა, ეს ხელისუფლების ვალია, მაგრამ მან რომ თავისი ფუნქცია სრულფასოვნად და უანგაროდ შეასრულოს, ჩვენ, ამ ქვეყნის მოქალაქეებმა, სრულფასოვანი და უანგარო ხელისუფლება უნდა ავირჩიოთ. თუ დღეს არა, თუ ხვალ არა, ზეგ მაინც. ეს წიგნიც ამ არჩევნისთვის მზადების დასაწყისი მგონია.

დარწმუნებული ვარ, ჩემს „საუბრებს“ საქართველოს არც დღევანდელი და არც ხვალინდელი ხელისუფლება არ შეიმენს — ასე ყოფილა ათადან-ბაბადან და ასე იქნება მომავალშიც, ვიდრე იარსებებს ძალადობრივი სახელმწიფო, ვიდრე ძალაუფლების პათოლოგიურად ტრფიულ ადამიანებს უმადლესი ხელისუფლებისკენ მიმავალი ყველა გზა არ ჩაეკეტება. „საუბრები“ საინტერესოა არა იმ ადამიანებისთვის, ვისაც დღეს ხელისუფლებაში ირჩევენ, ან ვინც უკვე აირჩიეს, არამედ იმათთვის, ვინც ეს ადამიანები ხელისუფლებაში მიიყვანა, ან ხვალ მიიყვანს.

ჩემი (და „საუბრების“) მიზანი მოკრძალებულია — თანამოქალაქეებს როგორმე ჩვენს წინაშე მდგარი პრობლემები დავანახო. გაკვრით იქნებ ამ პრობლემების წარმოშობაზეც მივუთითო, მაგრამ არა პრობლემათა გადაჭრის გზებზე, რადგან ამისთვის ერთი ადამიანის გონება მეტისმეტად უძლური მეჩვენება.

რა თქმა უნდა, ყველა ამ და კიდევ ბევრ სხვა მტიკივნიულ საკითხზე ბევრი მსჯელობა, ბევრნაირი დასკვნის გაკეთება შეიძლება — პრობლემათა ნუსხა ხომ უსასრულოა.

დიდი მადლობა კოლეგებს და ყველას, ვინც ამ წიგნზე მუშაობის დროს მხარში ამომიდგა, მათ შორის, ჩემი ოჯახის წევრებს.

რაც შეეხება მიძღვნას, ნება მიბოძეთ, ცნობილ უნგრელ კონსტიტუციონალისტს, პროფესორ ანდრას შაიოს\* დავუძღვებ:

ამ პატარა ტრაქტატს ვუძღვნი იმათ, ვინც ამას ყველაზე მეტად იმსახურებს — საქართველოს ხელისუფლებაში მყოფ ადამიანებს, რომელთა ამპარტავნობამ და უფიცობამ მაიძულა ამ წიგნის დანერა.

თეიმურაზ ქორიძე  
31. XII. 2006





## თავი I

### უმოკლესი გზა პოპულარობისკენ

ამ მომხიბვლელ ახალგაზრდას ყველა იცნობს. უცნობებიც კი ღიმილით ესალმებიან. მისით ამაყობენ, რჩევას ეკითხებიან, სერიოზული პრობლემების გადაწყვეტას ანდობენ; მასთან დამეგობრებას თვით უმაღლესი რანგის ჩინოვნიკებიც ცდილობენ; მას ხანდაზმული ადამიანებიც კი ბაძავენ.

იგი არც ცნობილი სპორტსმენია, არც მსახიობი, არც ესტრადის მომღერალი, არც ვუნდერკინდი ფიზიკოსი, არც ტოპ-მოდელი და, წარმოიდგინეთ, ვერც განსაკუთრებული გარეგნობით დაიკვეხნის.

იგი ჟურნალისტია!

ჟურნალისტის კარიერაზე მსოფლიოში უამრავი ახალგაზრდა ოცნებობს. ოცნება, როგორც წესი, ტელეეარსკვლავობიდან იწყება. დაღვინებასთან, ანუ ასაკის მომატებასთან ერთად, უპირატესობა თანდათან ენიჭება პრესის ჟურნალისტობას — როგორც უფრო რთულს და უფრო პრესტიჟულს.

სარბიელი ხომ, რომ ინატრებთ, ისეთი უკიდევანოა — ასობით დასახელებისა და უკლებლივ ყველა გემოვნების შესაფერისი გაზეთი, ჟურნალი და საინფორმაციო სააგენტო. თუ ქართული ანბანის ყველა ასო უშეცდომოდ იცი, თანაც, ჟურნალისტობის დაუოკებელი სურვილიც გაქვს, ხელს ვერაფერი შეგიშლის. შეგიშლის კი არა, ძალიან ბევრი ქართველი ჟურნალისტი კარიერას პირდაპირ გაზეთის ან ჟურნალის მთავარი რედაქტორობიდან იწყებს.

არ მეგულება მსოფლიოში მეორე ქვეყანა, სადაც ერთ სულ მოსახლეზე ამდენი ჟურნალისტი მოდიოდეს. საქართველო ამ მხრივ მართლაც უნიკალურია. რაც მთავარია, არ მეგულება ჟურნალისტი, ვინც თვით „ნიუ-იორკ თაიმსის“ მთავარ რედაქტორობაზე იტყოდა უარს.

**ეს წიგნი იმ ადამიანებისთვის დაინერა, ვინც ფიქრობს, რომ სანამ პოპულარობისკენ მიმავალ ბილიკზე აირბენდეს, იქნებ გაიზიაროს იმ ადამიანის მოკრძალებული გამოცდილება, ვისაც ეს მიმზიდველი, მაგრამ ძნელი ბილიკი ოდესღაც უკვე გაუვლია.**



გონებამახვილი ვენეციელი, როცა მეთექვსმეტე საუკუნის დასაწყისში ხელნაწერ საინფორმაციო ფურცელს უშვებდა და ორიოდ გაბეტად (გროშად) ყიდდა, ალბათ ვერ წარმოიდგენდა, რომ მსოფლიო საგაზეთო ინდუსტრიას უყრიდა საფუძველს. ხოლო მას შემდეგ, რაც მეჩვიდმეტე საუკუნის დასაწყისში საფრანგეთში პირველი რეგულარული გაზეთები გამოვიდა, არ წყდება კამათი, ზოგადად, პრესის რაობაზე. ზოგის აზრით, ეს არის ინფორმაციის გავრცელების საშუალება და მეტი არაფერი. არცთუ უსაფუძვლოდ იმასაც ფიქრობენ, რომ ეს არის საზოგადოებაზე ზემოქმედების მძლავრი იარაღი, უებარი საშუალება საზოგადოებრივი ცნობიერების ჩამოსაყალიბებლად. სხვები დარწმუნებული არიან, რომ ეს არის იდეოლოგიური იარაღი — პოლიტიკური მანიპულაციების ინსტრუმენტი. გავიხსენოთ, თუნდაც, ლენინის „ისკრასთან“ დაკავშირებული იმედები და ამ გაზეთის როლი ბოლშევიკების ხელისუფლებაში მისვლაში; გავიხსენოთ, რა იმედებს ამყარებდა ქართულენოვან გაზეთზე დიდი განმანათლებელი სოლომონ დოდაშვილი; ილია ჭავჭავაძის ხელმძღვანელობით გამომავალი გაზეთების მნიშვნელობა იმ ეპოქის ქართული საზოგადოებრივი აზრის ჩამოყალიბებაში და მრავალი სხვა. თანამედროვე სამყაროში გაზეთს, ზოგადად, უზარმაზარი პოლიტიკური მნიშვნელობაც აქვს — ხელისუფლების მოპოვებისთვის დაუნდობელ ბრძოლაში გადამწყვეტი უპირატესობა ენიჭება იმ ჯგუფს, რომელსაც პრესაზე რეალური გავლენა გააჩნია.

გულახდილად რომ ვთქვა, პრესის რომელიმე ფუნქციისთვის რაიმე განსაკუთრებული უპირატესობის მინიჭება ძალიან მიჭირს, ვინაიდან თანამედროვე პირობებში პრესას აქვს ყველა ეს ფუნქცია და ბევრი სხვაც. მაგალითად — დეზინფორმატორის, საზოგადოებრივი აზრის გამმრუდებლის, პოლიტიკური მონინაალმდეგის გამანადგურებლის, ძილის წამლის, ძეხვის გასახვევი ქალაქის და ა. შ. უსასრულოდ.

ძალიან მოკლედ, ჟურნალისტიკა შეიძლება ასეთნაირადაც განვმარტოთ: **ჟურნალისტიკა არის მკითხველისთვის ინფორმაციის მიწოდების ხელოვნება.**

აქედან გამომდინარე, ბუნებრივად ჩნდება კითხვა:

### 306 არის ჟურნალისტი?

90-იანი წლების დასაწყისში პატივი დამდეს და თბილისში, ჟურნალისტის სახლში პრესის შესახებ კანონის რომელიღაც ვერსიის განხილვაზე მიმინვიეს. ეს იყო რამდენიმე ათეულ გვერდზე გადაჭიმული და, ფაქტობრივად, არაფრისმთქმელი დოკუმენტი. მისი ძირითადი ნაკლი ის გახლდათ, რომ თითქმის სიტყვასიტყვით იმეორებდა კონსტიტუციის, სისხლის, სამოქალაქო და ადმინისტრაციული სამართლის კოდექსების, სხვა ნორმატიული აქტების ცალკეულ მუხლებს. რაც მთავარია, მოცემული იყო ჟურნალისტის განმარტებაც. იგი დაახლოებით ასე ჟღერდა: „ჟურნალისტი არის პიროვნება, რომელსაც აქვს სპეციალური საუნივერსიტეტო ჟურნალისტური განათლება და მუშაობს რომელიმე გაზეთში, ჟურნალში, სააგენტოში, რადიოში, ტელევიზიაში ან გამომცემლობაში ნებისმიერ თანამდებობაზე“.

ამ განმარტებიდან გამომდინარე, მე უკვე აღარ მერქვა ჟურნალისტი, ვინაიდან საუნივერსიტეტო განათლებით ჟურნალისტი კი არა, აღმოსავლეთმცოდნე-ისტორიკოსი ვიყავი. სამაგიეროდ, კანონის პროექტში ჟურნალისტად მოიხსენიებოდა ყველა, ვისაც თბილისის სახელმწიფო უნივერსიტეტის ჟურნალისტიკის ფაკულტეტი დაემთავრებინა, რომელიმე გაზეთის კორექტორად მუშაობდა და არასოდეს არც ერთი სტრიქონი არ დაენერა!

სხვათა შორის, საბჭოთა პერიოდში „რესპუბლიკის დამსახურებული ჟურნალისტი“ საპატიო წოდებები ხშირად ენიჭებოდა ასოთამწყობებს, კორექტორებს, გამომშვებებს, მბეჭდავეებს, გაზეთის გამსაღებლებს და ბევრ სხვა ტექნიკურ მუშაკს. ეს იყო კლასიკური საბჭოთა სტილი.

კანონის იმ პროექტს ბევრი სხვა ნაკლიც ჰქონდა და იგი პარლამენტმა განსახილველად არ მიიღო. მაგრამ აქ მთავარია თვით საკითხის დასმა — ვინ მიაჩნდათ ჟურნალისტად იმ პერიოდში: ის, ვინც უშუალოდ ქმნიდა ჟურნალისტურ პროდუქციას, თუ ის, ვინც გამოცემის ტექნიკურ მხარეს უზრუნველყოფდა.

კითხვა, ვინ არის ჟურნალისტი, დიდი ხნის განმავლობაში, მართლაც, ძნელად საპასუხო აღმოჩნდა. ამბობდნენ, რომ ეს არის ის ადამიანი, ვინც წერს, არედაქტირებს, ან აკორექტურებს პრესისთვის განკუთვნილ მასალებს. მაგრამ ისიც ხომ შეიძლება, ერთი მოიპოვებდეს ინფორმაციას და მეორე წერდეს? საბოლოოდ, 1994 წელს, ბერლინში ყოფნისას ასეთი განმარტება

მოვისმინე: „ჟურნალისტი არის პირი, ვისი შემოსავლების 30 პროცენტზე მეტი ჟურნალისტურ საქმიანობაზე მოდის“.

მთლად იდეალური, ალბათ, არც ეს განმარტებაა, მაგრამ ჩვენებურ ვერსიაზე გაცილებით მრავლისმეტყველია, თუმცა, აუცილებლად მოითხოვს ცნების, „ჟურნალისტური მოღვაწეობა“, განმარტებას.

ვისაც ოდესმე მასობრივი ინფორმაციის საშუალებებში უმოღვანია, უთუოდ იცის, რომ „ჟურნალისტური მოღვაწეობა“ ნიშნავს ინფორმაციის მოპოვებას, მასალის გამოსაცემად მომზადებას, სხვის მიერ მომზადებული მასალების რედაქტირებას, ზოგადად, — სარედაქციო სამუშაოს.

**ჟურნალისტიკა არის აზრის სწორად, ნათლად და ლაკონურად გადმოცემის ხელოვნება.** ამ თვისებების შექმნა ყველაზე პრესტიჟული უნივერსიტეტის აუდიტორიებშიც კი თითქმის შეუძლებელია. დიად საბჭოეთში ამაზე საუბარიც კი ზედმეტი იყო, ვინაიდან საბჭოთა ჟურნალისტიკის წინაშე იდგა ცხადზე ცხადი ამოცანა — კომუნისტური პარტიის საქმიანობის, მისი იდეოლოგიის პროპაგანდა და არასოციალისტური სამყაროს წინააღმდეგ მიმართული აგიტაცია. მართალია, დავალება არცთუ კორექტულია, სამაგიეროდ, აბსოლუტურად გასაგები და, ამის გამო, დიდად დასაფასებელიცაა.

კომუნისტური რეჟიმისთვის პრესა მართლაც იყო იდეოლოგიური ბრძოლის ძალიან მძლავრი იარაღი. ამას არც არავინ მალავდა. ბრძენი კომუნისტური პარტიის დავალებით, ნებისმიერი გაზეთის, ჟურნალის, რადიოსა თუ ტელევიზიის ყველა თანამშრომლის საიმედოობას სპეცსამსახურები გულმოდგინედ ამოწმებდნენ. ასეთ ვითარებაში, ჟურნალისტის პოპულარობა დამოკიდებული იყო არა პიროვნების ნიჭზე, უნარზე, ცოდნაზე ან, თუნდაც, სიმამაცეზე, არამედ... ყოვლისმცოდნე პარტიაზე — პოპულარული იყო ის, ვისაც პარტია დაავალებდა ყოფილიყო პოპულარული.

ეს არ ნიშნავს, რომ იმდროინდელ პრესაში ნიჭიერი ადამიანები არ მოღვაწეობდნენ. რა თქმა უნდა, იყვნენ, მაგრამ მათი შესაძლებლობების გასამჟღავნებლად პირობები, ფაქტობრივად, არ არსებობდა. ბუნებრივია, ძალიან ძნელი იყო კომუნისტურ პრესაში მუშაობის დაწყებაც. იმასაც ნუ დავივიწყებთ, რომ საბჭოთა ქვეყნის თვით უკანასკნელ წუთებამდეც კი, პრესის ავტორიტეტი უაღრესად მაღალი გახლდათ, — საზოგადოებისთვისაც

და უმაღლესი რანგის პარტიული და საბჭოთა ფუნქციონერებისთვისაც.

სწორედ იმ დროს აღმოვჩნდი „თბილისში“, საქართველოს კომპარტიის თბილისის საქალაქო კომიტეტის გაზეთში. წარმოიდგინეთ, უპარტიო, უმუშევარი აღმოსავლეთმცოდნე-ისტორიკოსი და პარტიული გაზეთის კორესპონდენტი! ეს იყო ყოველად გაუგონარი მკრეხელობა, დანაშაული ლენინის ანდერძის წინაშე. მაგრამ ეს იყო სინამდვილე.

## **როგორ გავხდი ჟურნალისტი**

1985 წელს საბჭოთა უმუშევართა რიგებს შევუერთდი — ნაქირავები ბინა, ცოლი, შვილები და... არავითარი შემოსავალი.

ღვთისა და ახლობლების წყალობით, საქართველოში კაცი ამას გაუძლებდა, მაგრამ ჩემს მდგომარეობას ართულებდა მილიციის უბნის რწმუნებული — შუახნის სიმპათიური მაიორი, ფილოსოფიის მოყვარული ინტელექტუალი. იგი ყოველ ორსამ დღეში ერთხელ მოდიოდა ჩემთან. ვსაუბრობდით ლიტერატურაზე, ისტორიაზე, ზოგადად, ცხოვრების ამაოებაზე. მერე ადგენდა ოქმს ჩემი უსაქმურობის თაობაზე და აკრავდა „საქმეში“. „საქმე“ იზრდებოდა და თანდათან იკვეთებოდა ჩემი, საზოგადოების ხორცმეტის სახე.

არადა, ვწერდი განცხადებებს რაიკომში, აღმასკომში, ქალაქკომში, ცეკაშიც კი და ვითხოვდი რომელიმე ქარხანაში მუშად მიღებას. ჩემი განათლების ცენზის გათვალისწინებით, მუშად არ მიმიღეს. სამაგიეროდ, ჩამწერეს უმუშევარი ისტორიის მასწავლებლების სიაში 325-ე ნომრად, რაც ნიშნავდა, რომ რიგის მიხედვით, სკოლის მასწავლებლის ადგილს მივიღებდი 103 წლის ასაკში.

მამინ აღმასკომებში მოქმედებდა მუქთახორობისა და პარაზიტიზმის წინააღმდეგ მებრძოლი კომისია. ყოველ ორ კვირაში ერთხელ მიბარებდნენ ამ კომისიის სხდომაზე და უბნელ ქურდბაცაცებთან ერთად მკიცხავდნენ უსაქმურობისა და უსაქციელობის გამო. ახლანდელ თაობას, ვისაც კომუნისტურ ეპოქაში არ უცხოვრია, ჩემი ნაამბობი გადაჭარბებულად მოეჩვენება, მაგრამ, მერწმუნეთ, მართლაც ასე იყო. ცოტა უარესადაც.

ვითარება მეტისმეტად დაიძაბა 1986 წლის მაისში — შეიქმნა

ჩემი ე. წ. „შრომითი იძულების“, უფრო პროზაულად რომ ვთქვა, შრომა-გასწორების კოლონიაში (ციხეში) გაგზავნის რეალური საშიშროება. სწორედ მაშინ ჩვენი ოჯახის დიდი მეგობრის, მსახიობ ზეინაბ ბოცვაძის შუამდგომლობით გაზეთ „თბილისის“ რედაქტორ არჩილ გოგელიასთან აღმოვჩნდი.

ზეიკომ ბატონ არჩილთან ისე დამახასიათა, ჩემი თავი თვითონვე მომეწონა. თანაც, ჩემი ოჯახური მდგომარეობაც აუხსნა.

— როგორ, მთელ თბილისს ვიცნობ და ამ ბიჭს სამსახურს ვერ გამოვუძებნიო?! — დაჰპირდა ჩემს პროტექტორს ბატონი არჩილი, მე კი მთხოვა, მის სახელზე დამენერა განცხადება, რაც შეიძლება დანვრილებით.

გრძელი განცხადება მეორე დღესვე მივიტანე და მისაღებში მდივანს დავუტოვე. თუმცა, არც არჩილ გოგელიას დიდი იმედი გამჩენია, ვინაიდან არცერთ ჩინოვნიკს, ვისაც მაშინ მივმართავდი, ჩემს დახმარებაზე უარი არ უთქვამს.

მესამე დღეს, ზუსტად მახსოვს — 1986 წლის 18 მაისს — დამირეკეს, რედაქტორი გიბარებსო.

მივედი.

— კაცო, შენი განცხადება ნავიკითხე და სამი ღამეა არ მიძინია, — მითხრა ბატონმა არჩილმა, — ნუთუ, ყველაფერი მართლაც ასეა?

— ასეა-მეთქი, — დავუდასტურე.

— იცი, რას გეტყვი, მე უამრავ ადამიანს ვიცნობ, დღეს-ხვალ ზოგ-ზოგებს დავუკავშირდები და რალაცას გამოგიძებნი. შენ ნუ შეგეშინდება, ხან ასეა, ხან — ისე. მილიციაში და აღმასკომში უკვე დავრეკე, ხელს არავინ გახლებს... არ მჯერა, ნუთუ, მართლა ასეთი ამბები ხდება!

რედაქტორს დავემშვიდობე, კარამდეც მივედი, რომ არჩილმა ისევ დამიძახა:

— მოიცა, ერთი, თუ ძმა ხარ, არ გენყინოს და, შენ რომ განცხადება მომიტანე, ვისი დანერული იყო?

— ჩემი, ვისი უნდა ყოფილიყო-მეთქი, — გამიკვირდა და, ცოტა არ იყოს, მეწყინა კიდეც.

— მაშინ, იცი რა, მოდი, ჩემთან მიგიღებ, რედაქციაში. ხელფასი ჯერჯერობით მაინცდამაინც დიდი არ გექნება, მაგრამ თანდათან ყველაფერი გამოსწორდება. ჰა, რას იტყვი?

რა მეთქმოდა.

მესამე დღეს კომუნისტური გაზეთის რედაქტორმა, რო-

მელიც ჩემს ერთადერთ „ნანარმოებს“, განცხადებას, იცნობდა, დაწერა ბრძანება „თბილისის“ კორესპონდენტად ჩემი დანიშვნის თაობაზე.

იმ დროს ეს იყო ყოვლად ნარმოუდგენელი შემთხვევა. „თბილისის“ კორესპონდენტად დანიშვნას ცეკას მდივნის დონე სჭირდებოდა. არჩილ გოგელია არ ცნობდა ნომენკლატურულ საზღვრებს. იგი გამოდიოდა საქმის ინტერესებიდან და თავის სარედაქტორო სამზარეულოში ზემოდან ჩარევის უფლებას არავის აძლევდა, თვით ცეკას ყოვლისშემძლე მდივანსაც კი. ამაში მერე და მერე უფრო დავრწმუნდი.

„თბილისი“ არჩილ გოგელიას ხელში უმშვენიერეს გაზეთად იქცა. მისი ტირაჟი ყოველდღიურად იზრდებოდა. არჩილმა შექმნა პრეცედენტი, რომ, თურმე, შესაძლებელი ყოფილა მმართველობის კომუნისტური რეჟიმის სერიოზული კრიტიკა თვით კომუნისტურ გაზეთშიც კი.

თავად ის ფაქტი, რომ მე, „ვილაც ქუჩიდან მოსული“ არაჟურნალისტი, რამდენიმე თვეში უკვე პოპულარული ჟურნალისტი ვიყავი, თავისთავად მეტყველებს არჩილ გოგელიას, როგორც რედაქტორის არაორდინალურ აზროვნებაზე, მამულიშვილობაზე, საქმის ცოდნასა და სიმამაცეზეც. მაშინდელ „თბილისში“ ისეთი რამეები იბეჭდებოდა, რასაც ოფიციალური ბევრ, მართლაც დემოკრატიულ ქვეყანაშიც კი ვერ ბედავს.

არჩილ გოგელიას „უფროსები“ ხშირად ურეკავდნენ, ბიუროკრატებზე და სხდომებზე იძახებდნენ, საყვედურობდნენ, ემუქრებოდნენ კიდევ, მაგრამ ყველაფერი ეს ჩვენამდე, უშუალო შემსრულებლებამდე არასოდეს არ მოდიოდა — არავითარი „სოციალური დაკვეთა“, არავითარი შეზღუდვა, არავითარი საყვედური! არჩილი იყო არა მხოლოდ შესანიშნავი რედაქტორი, არამედ ჩვენი, რედაქციის ყველა თანამშრომლის უახლოესი მეგობარი, მასწავლებელი და შემწე.

არჩილ გოგელიას, ჩემს უფროს მეგობარს, ჩემი ოჯახის დიდ მოამაგეს ბევრჯერ უთქვამს, რომ მან „შექმნა ჟურნალისტი თეიმურაზ ქორიძე“.

დიახ, არჩილ გოგელიამ შექმნა ჟურნალისტი ქორიძე და არა მხოლოდ ის. ამ ნიჭიერმა, უანგარო და უბოროტო კაცმა მეოცე საუკუნის ქართულ ჟურნალისტიკას აჩუქა ყოველგვარი კონიუნქტურისგან თავისუფალი, პატიოსანი, თავდადებული, მაღალპროფესიონალი ჟურნალისტების მთელი თაობა.

იმჟამინდელი „თბილისის“ რედაქტორმა მაშინ შეძლო ის, რაც მანამდე თითქმის შეუძლებელი ჩანდა — პარტიულ ცენზურას თავისი პირობები წაუყენა და აიძულა კიდეც მიეღო ისინი. მან, საკუთარი კარიერის რისკის ფასად რედაქციაში მიიწვია ბევრი ადამიანი, რომელთა დიდი უმრავლესობა სწრაფად იქცა პოპულარულ ჟურნალისტად. კარგი გაზეთის შექმნას და კარგი ჟურნალისტის აღზრდას უდიდესი მოთმინება, საზოგადოების ცოდნა, ალღო და ალბათ რაღაც ენით გამოუთქმელი სპეციალური ნიჭიც სჭირდება. ჩემი პირველი მასწავლებლები პრესაში ბატონ არჩილთან ერთად იყვნენ ლია გოდერძიშვილი, ირაკლი ბერიაშვილი, მარინე მაისურაძე, ოთარ ხუციშვილი და სხვები. ერთი მასწავლიდა, რა უნდა დამეწერა, მეორე — როგორ უნდა დამეწერა. მეც, ეტყობა, ბეჯითი მონაფე გამოვდექი.

იყვნენ ნამდვილი, ორთოდოქსი კომუნისტი ჟურნალისტებიც. იმათიც დიდად მაძღობელი ვარ: **რომ არა ისინი, ვერასოდეს ვერ ვისწავლიდი, როგორ არ შეიძლება წერა.**

ერთ კურორტულ ფაქტს გავიხსენებ.

„თბილისში“ ჩემს მორიგ პუბლიკაციას პარტიის ქალაქკომის იდეოლოგიური განყოფილების მხრიდან მორიგი მწვავე რეაქცია მოჰყვა. ამხანაგმა იდეოლოგებმა (შემდეგში, „ქვეყანა რომ გადაბრუნდა“, თითქმის ყველა მათგანი მაღალი რანგის თანამდებობის პირი და „ეროვნული მოღვაწე“ გახდა!) კატეგორიულად მოითხოვეს ჩემი „პარტიული ხაზით“ დასჯა. ბატონი არჩილი შვებულებაში იყო და რედაქტორის მოვალეობას ქალბატონი ნარგიზა მგელაძე ასრულებდა. მოიწვიეს რედაქციის საერთო პარტიული კრება და სამაგალითოდ დამსაჯეს — სასტიკი საყვედური უკანასკნელი გაფრთხილებით, პარტიულ საადრიცხვო ბარათში შეტანით! გაფორმდა ოქმი და გაეგზავნა ქალაქკომს.

საქმე ის არის, რომ არც კომუნისტური და არც რომელიმე სხვა პარტიის წევრი არასოდეს არ ვყოფილვარ. ეს, რა თქმა უნდა, იცოდა იუმორის ნიჭით დაჯილდოებულმა ქალბატონმა ნარგიზამაც.

— აკეთე, ძამიკო, შენი საქმე და ესენი რამდენჯერაც მოითხოვენ, იმდენ საყვედურს გამოგიცხადებ, — დამამშვიდა მან კრების შემდეგ.

და მაინც, რომ არა ის ვერაგი და საშინლად ცნობისმოყვარე მილიციის მაიორი, ჩემი უბნის რწმუნებული, ჟურნალისტობაზე, ალბათ, ვერასოდეს ვიოცნებებდი.

## ჟურნალისტის პროფესია — მითი და სინამდვილე

ოდესღაც არჩილ გოგელიამ მწარედ იხუმრა, ადამიანების უმრავლესობა დარწმუნებულია, რომ გაზეთები ჯიხურებში გამოდისო. მთლად ასე არ უნდა იყოს, მაგრამ ადამიანების უმრავლესობამ ნამდვილად არ იცის, რა დგას ჟურნალისტობის, ამ ინტელიგენტური პროფესიის უკან.

ჟურნალისტობა მართლაც არის ერთ-ერთი ყველაზე პოპულარული პროფესია მთელ მსოფლიოში. იმას რა სჯობს, როცა გინვევენ ყველაზე პრესტიჟულ წვეულებებზე; შენთან დამეგობრებას ცდილობენ ცნობილი ბიზნესმენები, პოლიტიკოსები, არისტოკრატები და თვით სამეფო ოჯახების წევრები; შენს ეკრანზე გამოჩენას, ან შენს საგაზეთო პუბლიკაციას მოუთმენლად ელის მილიონობით ადამიანი; გიგზავნიან წერილებს, გთავაზობენ ნაირნაირ მომხიბლავ წინადადებას...

ისიც გაითვალისწინეთ, რომ თქვენი კარიერა არ არის სპორტსმენის ან ტოპმოდელის კარიერასავით სწრაფნარმავეალი — თქვენმა ვარსკვლავმა იქნებ რამდენიმე ათეული წლის განმავლობაში იკაპკაშოს!

მომხიბლავი პერსპექტივაა და ამიტომაც ასე ელტვის ახალგაზრდობა ჟურნალისტის პროფესიას.

არის კიდევ ერთი ფრიად სერიოზული მიზეზი — პროფესიის მოჩვენებითი სიიოლე. სიტყვა „მოჩვენებითი“ შემთხვევით არ მიხსენებია. პრესის ბევრი მუშაკი, ჟურნალისტი დარწმუნებულია, რომ ან თვითონ არის გენიოსი, ან მისი პროფესიაა მეტიმეტად უბრალო. მთელი უბედურება ის არის, რომ 90-იანი წლების საქართველოს სინამდვილე მართლაც იძლეოდა ასეთი დასკვნის საშუალებას. წარმოიდგინეთ ოთხმილიონიანი ევროპის განაპირა სახელმწიფო ექვსასამდე დასახელების გაზეთით, ორასამდე ჟურნალით, ასამდე ტელე და რადიოკომპანიით, ამდენივე საინფორმაციო სააგენტოთი, ათეულობით პრესსამსახურითა და ათი ათასობით ჟურნალისტით! ადვილი რომ არ იყოს, ამდენი ხალხი ერთბაშად როგორ გაჟურნალისტდებო, იფიქრებთ და მართალიც იქნებით. უფრო კონკრეტულად, მართალი იქნებით იმ შემთხვევაში, თუ ნამუშაკარს იმ ათეული ათასობით ადამიანისა, ვინც საკუთარ თავს ჟურნალისტს უწოდებს, მაღალი ან თუნდაც საშუალო ხარისხის პროდუქციად მიიჩნევთ.



სამნუხაროდ, სინამდვილე ერთობ პროზაული და უნუგემოც  
კია.

მეოცე საუკუნეში საქართველო ორჯერ აღმოჩნდა და-  
მოუკიდებელი ქვეყნის როლში და ორივეჯერ თავისუფლება მას  
მოულოდნელად დაატყდა თავს. საქართველოს საზოგადოება  
მოუმზადებელი აღმოჩნდა თავისუფლებისთვის — ეკონომიკუ-  
რადაც, პოლიტიკურადაც, ფსიქოლოგიურადაც. საზოგადოების  
ნაწილმა თავისუფლება აღიქვა ყველაფრის კეთების (თქმის),  
თვითნებობის, თავზნდობის უფლებად. ლოგიკა უმარტივესია —  
თუ ჟურნალისტიკა არის უმოკლესი გზა თავის გამოჩენისკენ,  
ხოლო პრესა არის უძლიერესი იარაღი ქვეყანი კაცის ხელში,  
რატომაც არ უნდა გავაკეთო გაზეთი (ჟურნალი, რადიო, ტელე-  
ვიზია), თავიც გამოვიჩინო და ზოგიერთებს ჭკუაც ვასწავლო?!  
გაზეთის „კეთება“ კი ძალიან იოლია: იყიდი საგამომცემლო კომ-  
პიუტერულ სისტემას, დაიქირავე რამდენიმე ტექნიკურ მუშაკს  
და უმუშევარ ფილოლოგს, გაივლი რეგისტრაციას და, კახელი  
მიხოსი არ იყოს, მიდი!..

ასეც მოხდა. საქართველოში არც მაშინ და არც დიდი ხნის  
შემდეგ არ არსებობდა პროფესიონალი ჟურნალისტების ის რა-  
ოდეობა, რომელიც ასეულობით მედიასამუშალებას განვდებოდა..  
მეტიც, არ არსებობდა სრულფასოვანი ჟურნალისტური სკოლა,  
სადაც მსმენელებს დამოუკიდებელ აზროვნებას, ნააზრვეის ქა-  
ლალზე სხარტად და გასაგებად გადატანის კულტურას ასწავ-  
ლიდნენ. იმიტომ კი არა, რომ ჩვენ ეს არ გვინდოდა — საბჭოთა  
საქართველოში არ იყო ამის ობიექტური პირობა.

1992 წელს ერთ ჩემს კოლეგას რამდენიმე გაზეთის გაერ-  
თიანების და მათ ბაზაზე ერთი სერიოზული გაზეთის გამოშ-  
ვების იდეა შევთავაზე. მაშინ ჯერ კიდევ გულუბრყვილოდ  
მჯეროდა, რომ საქართველოში ნებაყოფლობით გაერთიანება  
შესაძლებელი იყო. იდეა კი მოენონა, მაგრამ ისე შემათვალიერა,  
როგორც „საერთაშორისო იმპერიალისტური შეთქმულების“  
მონაწილე. მართლაც, რა გაერთიანებაზე შეიძლებოდა ფიქრი,  
როცა ირგვლივ ყველაფერი იშლებოდა. დაუკვირდით, თუნდაც  
გაზეთების დასახელებებს: „შვიდი დღე“ და „ახალი შვიდი დღე“,  
„საქართველო“ და „ახალი საქართველო“, „ეპოქა“ და „ახალი ეპ-  
ოქა“, „კაბადონი“ და „ახალი კაბადონი“, „მერიდიანი“ და „ახალი  
მერიდიანი“...

ყველაფერი ეს განკერძოების, განდაგანობის, უსაფუძვლო

ამბიციურობის მანიშნებელია — ასე იყო ქვეყანაში და ასე იყო ამ ქვეყნის პრესაშიც.

ჟურნალისტობა უმაღლეს კვალიფიკაციასთან, მრავალმხრივ ცოდნასთან, გამოცდილებასა და უსაზღვრო მოთმინებასთან ერთად, უზარმაზარ ყოველდღიურ შრომას მოითხოვს. თუ კაცს ღმერთმა ჟურნალისტობის ნიჭი უბოძა, ამას რა სჯობს, მაგრამ ნიჭი და სიზარმაცე ყოვლად შეუთავსებელი ცნებებია. თავისი სპეციფიკის გამო, ჟურნალისტიკა ვერ ითმენს საქმის რამდენიმე წუთით გადადებასაც კი. იგი მთელ ჩვენს რესურსებს მოითხოვს. სისტემატური შრომით სავსებით შესაძლებელია საშუალო ნიჭის ადამიანი ჟურნალისტიკის ვარსკვლავად იქცეს. ისიც შესაძლებელია, უნიჭიერესი კაცი არცთუ სისტემატური უსაქმურობის გამო, ჟურნალისტიკისთვის სამუდამოდ დაიკარგოს.

ჯერ კიდევ „თბილისში“ მუშაობის დროს ჩემი კოლეგა და მეგობარი, ლევან თოფურიძე დაინტერესდა ჩემი მუშაობის წვრილმანით. კერძოდ, ამტკიცებდა, რომ ვიცოდი რალაც საიდუმლო, რაც სარედაქციო დავალების ძალიან სწრაფად შესრულების საშუალებას მაძლევდა. შინაც მესტუმრა. სანამ ლევანი სამზარეულოში ჩემს მეუღლესთან ერთად ცხოვრების ამოებაზე მსჯელობდა, საგაზეთო მასალა მოვამზადე და ლევანს ვაჩვენე. თან „საიდუმლოც“ გავუმხილე: **შენ ჯერ სამუშაო მაგიდასთან ჯდები და ფიქრს მერე იწყებ, მე ჯერ ვფიქრობ და სამუშაოდ მერე ვჯდები-მეთქი.**

წმინდა ფიზიკური თვალსაზრისითაც ჟურნალისტობა საკმაოდ მძიმე სამუშაოა. 90-იანი წლების ბოლოდან მშვენიერი სქესის მოზღვავებამ ქართული ჟურნალ-გაზეთების უმრავლესობა მდარე ხარისხის ფლირტაობაში ჩაითრია. აღარაფერს ვამბობ სერიოზულობის ქურქში გახვეულ ამკარა სიყალბეებსა და შეუნიღბავ პროვინციულ ჭორიკნობაზე. ოდესღაც ე.წ. მეზრძოლი გაზეთები სალონური კინკლაობისა და კულუარული ანგარიშსწორების ასპარეზად იქცა. ღმერთმა დამიფაროს, ყველაფერს ქალებს ვაბრალებდე. უბრალოდ, იმის თქმა მინდოდა, 90-იანი წლების მიწურულს ოდესღაც „ვაჟკაცური“ ქართული პრესა ცოტა ფემინისტური გახდა-მეთქი. ჟურნალისტად მუშაობა თავისთავად გულისხმობს 24-საათიან სამუშაო დღეს, ფათერაკიან თავგადასავლებს, სიცოცხლისთვის ამკარა ხიფათს, ოჯახურ კონფლიქტებს, უამრავ ყოვლად გაუთვალისწინებელ შემთხვევას...

თბილისის ზოოპარკში დიდხანს არ იყო სპილო. ბოლოს ხმა დაირხა, კიევის ზოოპარკმა ჩვენებური სპილოს მოყვარულების ინტერესები გაითვალისწინაო. „თბილისმა“ პატარა სპილოს სახელის დასარქმევად კონკურსი გამოაცხადა. ატყდა ერთი ამბავი. ზოოპარკის ახალი ბინადრის ჩამოსვლის დღეც დაინიშნა. დეკემბერი იყო, ციოდა. სალამოს რვა საათისთვის „ბაჩო“ ჯერ კიდევ არ ჩანდა. არც ათზე, არც თორმეტზე არ გამოჩენილა. მოკლედ, რედაქციის დავალებიდან შინ დილის ხუთ საათზე დავბრუნდი — მშიერი, გაყინული და ლამენათევი.

ცოლის ალერსიან შეკითხვას, ამდენ ხანს სად ჯანდაბაში დახეტიალობდიო, მიამიტად ვუპასუხე, — ზოოპარკში-მეთქი.

იქნებ მაჩვენოთ რომელიმე ცოლი, ვინც დაიჯერებს, რომ მისმა ქმარმა დეკემბრის სუსხიანი ღამე ზოოპარკის ბინადართა თვალღერებაში გაატარა.

არადა, მართლაც ზოოპარკში ვიყავი!

„დრონის“ პირველი ნომერი 1991 წლის 1 ივნისს გამოვიდა და რამდენიმე კვირაში უპოპულარეს გამოცემად იქცა. იმდროინდელ „დრონი“ მოღვაწეობდა საქართველოს ისტორიაში, ალბათ, ყველაზე „ყოჩაღი“ ჟურნალისტებით დაკომპლექტებული გუნდი: **არჩილ გოგელია (რედაქტორი), თეიმურაზ ქორიძე, თეიმურაზ მეტრეველი, გიორგი ჩოჩიშვილი, თამარ ჩიქოვანი, სოსო სიმონიშვილი, მერაბ რატიშვილი.** დრო ძალიან მძიმე იყო. ირგვლივ მოახლოებული სამოქალაქო ომის მძაფრი სუნი ტრიალებდა. ქვეყანა, ფაქტობრივად, რუსთაველზე, მთავრობის სასახლის წინ განლაგებული ე. წ. „კარავთა ქალაქიდან“ იმართებოდა. პრეზიდენტი თავის გადანწყვეტილებებზე ამომრჩევლებს საინფორმაციო მიტინგებიდან ესაუბრებოდა. ურა-პატრიოტული ლოზუნგებით შეიარაღებული პრიმიტივი დემაგოგები ყოველ კუთხე-კუნჭულში თავისუფლებისა და დამოუკიდებლობის სანაცვლოდ ხალხს ბალახის ჭამისკენ მოუწოდებდნენ. შეურიგებელი ოპოზიცია პრეზიდენტის და მისი ხელისუფლების გადადგომას მოითხოვდა. ხელისუფლება, თავის მხრივ, ყოველ დღე ათობით ახალ აგენტსა და მოლაღატეს „ამხელდა“. მასობრივი ინფორმაციის საშუალებები თითქმის მთლიანად მონოპოლიზებული იყო ხელისუფლების მიერ. დაუბრკოლებლად მხოლოდ „დრონი“ გამოდიოდა.

იმის გარდა, რომ სამთავრობო გაზეთები, რადიო და ტელევიზია თითქმის ყოველდღიურად ქართველი ხალხის მოსისხლე

მტრად, რომელიღაც ქვეყნის აგენტად და სამშობლოს მოღალატედ მომიხსენიებდა, ჩემს ბინაში ხშირად იმართებოდა დაახლოებით ასეთი შინაარსის გულთბილი სატელეფონო საუბარი:

— ქორიძის ბინაა?

— დიახ.

— თემური შინ არის?

— არა, ჯერ არ დაბრუნებულა.

— ჰოდა, არც დაბრუნდება — უკვე ჩამოვახრჩეთ კოჯრის ტყეში.

ასეთი და კიდევ უფრო „ტკბილი“ მუსაიფის შემდეგ, ნუ გაგიკვირდებათ, ჟურნალისტის ოჯახის წევრებმა ჟურნალისტიკისადმი ყოველგვარი ინტერესი რომ დაკარგონ.

ჩემი ძველი და კეთილი მეგობარი, ტელეჟურნალისტი გურამ გორელიშვილი პირველიდან ბოლო დღემდე აფხაზეთის ომში იმყოფებოდა და თითქმის ყოველდღიურად რეპორტაჟებს გადმოსცემდა საბრძოლო მოქმედებების ადგილებიდან. ოჯახის წევრები და ჩვენ, გურამის მეგობრები, გულის ფანცქალით ველოდით მის ტელეეკრანზე გამოჩენას. ძალიან დიდი იყო სიცოცხლის რისკი — ტყვია ხომ არავის ინდობს. 1993 წლის აგვისტო-სექტემბერში, გურამის „არაოფიციალური მიწვევით“ სოხუმში მეც გახლდით და იმდროინდელ ამბებზე ნაწილობრივი წარმოდგენა რომ შეგექმნათ, ერთი მოგონების ფრაგმენტებს შემოგთავაზებთ:

### თოლიებზე ნადირობა

...აფხაზეთში ისეთი რამ მოხდა, მტერს რომ არ ვუსურვებდით — ერთმანეთის პირისპირ აღმოჩნდნენ გუშინდელი მეგობრები, მეზობლები, ნათესავები. ამ დროს ძნელია გარკვევა, ვინ არის მტერი და ვინ — მოყვარე. ტრაგედიას ისიც ამძიმებს, რომ ორივე მხარე თავისივე ხელით ნაშენებს ანგრევს. დანგრეულის ხელახლა აშენება კი ოდესმე ორივეს ერთად მოუწევს. მოყვრების მოსისხლეებად გადაქცევა ერთ დღეშიც შეიძლება, მოსისხლეების შერიგებას კი დიდი დრო და უზარმაზარი მოთმინება სჭირდება. ქართველს და აფხაზს სხვა სამშობლო არ გააჩნია. შთამომავლობის, სამშობლოს წინაშე ორივე ვალდებულია საკუთარ თავს მოერიოს, როგორმე ბოღმა და სიძულვილი დაითმინოს, რომ მტრობით დანგრეულის სიყვარულით შენება შეძლოს...

სოხუმის ერთ-ერთ ქუჩაზე მონყობილ იმპროვიზებულ ბაზრობაზე უთუოდ შეამჩნევთ ფრთამოტეხილ და დაკოჭლებულ მტრედს. იგი ამ ძმათამკვლელი ომის სიმბოლოა.

...სოხუმის აეროპორტის ადმინისტრაციული შენობის გვერდით გდია თავდია კუბო. ისიც ამ ძმათამკვლელი ომის სიმბოლოა...

— ჰოხ, გამარჯობა, გურამ, ჯიმა. სად ხარ, კაცო, თხის მწვადებზე რომ გეპატიჟებოდი, რატომ არ წამოხვედი!

— გმადლობ, ჩემო ბატონო. აგერ, დამთავრდება ომი და მერე ვიქეიფოთ.

— კი, ვიქეიფოთ, ბატონო, მარა, თხის მწვადი აღარ იქნება მაშინ.

— რაო, რა მოუვიდა თქვენს თხას?

— რა მოუვიდა, ჩემო გურამ ბატონო და, აფხაზები რომ შემოვიდნენ შრომაში\*, გადავიდა ჩემი თხა არძინბას მხარეს!..

გურამ გორელიშვილს, საქართველოს ტელევიზიის კორესპონდენტს, სოხუმში ყველა იცნობს. ისიც ყველას იცნობს — რიგით მებრძოლებს, მეთაურებს, რესპუბლიკის ხელმძღვანელებს, სოხუმელ მოქალაქეებს, გლეხებს... იცნობენ კი არა, გურამი, უბრალოდ, უყვართ — მისი სიმამაცის, ობიექტურობის, საქმის სიყვარულისა და ერთგულების გამო.

მეთერთმეტე თვეა, აფხაზეთშია. ომის ყველა დეტალი და ნიუანსი იცის. იცის, ვის რა უჭირს და ვინ რით ცხოვრობს.

სოხუმში, საზოგადოდ, აფხაზეთში, ფრონტის ორივე მხარეს ბევრი ჟურნალისტი მუშაობს. ისინი მამაცი ადამიანები, პროფესიონალები არიან. მათ არ უჭირავთ ხელში იარაღი. მათი იარაღი საკუთარი თვალი, ყური, გონება და სინდისია. ჩვენში ასეთი ტრადიციაა — ჟურნალისტებზე არავინ წერს, ფილმს არავინ იღებს. ჟურნალისტს არავინ აჯილდოებს. ხოლო თუ ვინმეს ჟურნალისტის ლანძღვა-გაკიცხვა მოუხდა, იცოცხლეთ, ქვეყნის ამშენებელი რომ იყოს, მისთვის ერთ ტკბილ სიტყვასაც არავინ გაიმეტებს.

გურამ გორელიშვილი აფხაზეთში დიდსა და პატარას მისი ობიექტურობისა და კაიკაცობისთვის უყვარს.

გურამმა იცის, რომ ამ ობიექტურობისა და კაიკაცობისთვის ოდესმე იქნებ დასაჯონ კიდეც. ამბობს, ჩემი შვილების და ჩემი თავის წინაშე ხომ მაინც მართალი ვიქნებო.

გურამ გორელიშვილი არ არის გმირი. იგი პატიოსანი კაცია

და პატიოსნად იხდის ვალს სამშობლოს წინაშე: იგი ამ საზარელი ომის ისტორიას ქმნის.

აფხაზეთში ბევრი ჟურნალისტი მუშაობს. განსაკუთრებით აღსანიშნავია თავგანწირვა ადგილობრივი გაზეთების და ტელევიზიის თანამშრომლებისა, რომლებსაც ერთი წუთითაც არ შეუწყვეტიათ მუშაობა. მათზე, ალბათ, ოდესმე ცალკე უნდა ითქვას და დაინეროს. ახლა მხოლოდ ერთ მათგანზე, გურამ გორელიშვილზე გითხარით ორიოდ სიტყვა.

წურავის გენციენტებით — გურამი ჩემი ძველი, ძველი მეგობარია.

მე ვამაყობ ამ მეგობრობით“ („დრონის“ ინფორმაცია).

აქვე ბარემ იმასაც გეტყვით, რომ მოგვიანებით, საქართველოს ისტორიაში ერთ-ერთი ყველაზე პოპულარული ჟურნალისტი, გურამ გორელიშვილი საქართველოს სახელმწიფო ტელევიზიის მშობლიური პირველი არხიდან ისე უბოდიშოდ დაითხოვეს, მიზეზიც არ უთქვამთ.

**და მაინც, ნუ შეგეშინდებათ, ჟურნალისტობა არ არის რთული — მთავარია, იპოვოთ საჭირო სიტყვები საჭირო აზრის გადმოსაცემად.**

ოფიციალური ცნობა:

გაეროს ადამიანის უფლებათა დაცვის კომისიის ცნობით, 1980-1999 წლებში მსოფლიოს სხვადასხვა ცხელ წერტილში დაიღუპა 2335 ჟურნალისტი. უგზო-უკვლოდ დაიკარგა — 201. მონაცემები არ არის დაზუსტებული.

ახლა, თუ ჯერ კიდევ არ გადაგიფიქრებიათ ჟურნალისტობაზე ოცნება, გავაგრძელოთ საუბარი.

## **მწერლები და ჟურნალისტები**

დიდი ხნის წინათ ცნობილმა ქართველმა მწერალმა კონსტანტინე გამსახურდიამ\* ბრძანა, ჟურნალისტიმანარყვნა მწერლობაო.

მწერალ გამსახურდიას დროინდელი ქართული ჟურნალისტიკა, ანუ ქართული საბჭოთა ჟურნალისტიკა, ვერ ვიტყვი, გარყვნილი-მეთქი, მაგრამ უკიდურესად ტენდენციური რომ იყო, ამას წყალი არ გაუვა. იგი, როგორც ყველაფერი დანარჩენი საბჭოეთში, კომუნისტების დიად და აბსურდულ მიზანს ემსახურებოდა. უფრო ზუსტად, ემსახურებოდა კომუნისტური პარტიის დიქტატის შენარჩუნებას, ისევე, როგორც უშიშროების კომიტეტი, შინაგან

საქმეთა სამინისტრო, არმია, პროკურატურა, სასამართლო, რაიკომი, აღმასკომი, კომკავშირი და... მწერლობაც.

ოლონდ, თუ მწერლები საკუთარი სიცოცხლის რისკის ფასად მაინც ახერხებდნენ ანტისაბჭოთა ნაწარმოებების შექმნას, ჟურნალისტებისგან ამის გაკეთება განუზომლად რთული იყო — მრისხანე ცენზურა გაზეთიდან დაუყოვნებლივ აქრობდა ყოველ საეჭვო სიტყვას.

რა თქმა უნდა, იმ დროსაც იყვნენ ნიჭიერი ჟურნალისტები, მაგალითად, ჩვენი თანამემამულე რუსი ჟურნალისტი მელორ სტურუა, მაგრამ მათი ნიჭიერება, ძირითადად, იმაზე იხარჯებოდა, რომ „ბედნიერი“ საბჭოთა ხალხისთვის როგორმე „დამპალი“ იმპერიალისტური სისტემა შეეძლებინა და მსოფლიოს ჩაგრული ხალხები შეეყვარებინა.

როცა ბატონი კონსტანტინე ჟურნალიზმის მიერ მწერლობის წარყვანაზე (ნახდენაზე) საუბრობდა, უპირველეს ყოვლისა, იმ პერიოდის პრესაში გაბატონებულ საგაზეთო ენას და სტილს გულისხმობდა. გადაშალეთ საბჭოთა პერიოდის ნებისმიერი გაზეთი და მწერლის სიმართლეში უმალ დარწმუნდებით:

„ლაგოდეხელი მეთამბაქოები უდიდესი შრომითი აღმავლობით შეხვდნენ სკკპ XXIV ყრილობაზე სკკპ ცენტრალური კომიტეტის გენერალური მდივნის, სკკპ პოლიტბიუროს წევრის, ამხანაგ ლეონიდ ილიას ძე ბრეჟნევის\* გამოსვლას. ამხანაგ ლ. ი. ბრეჟნევის ღრმა შინაარსიანმა სიტყვამ, სადაც მოცემულია თანამედროვეობის სრული და ამომწურავი ანალიზი, ლაგოდეხელი მშრომელები კიდევ ერთხელ და სამუდამოდ დაარწმუნა კომუნიზმის დიადი იდეის ურყევობასა და ჭეშმარიტებაში. ამხანაგ ლ. ი. ბრეჟნევის მგზნებარე სიტყვით აღფრთოვანებული ლაგოდეხელები პირობას დებენ, რომ მომავალ ხუთწლიან გეგმას სამ წელიწადში შეასრულებენ. საკოლმეურნეო მინდვრებში, ბრიგადებში, რგოლებში, ფერმებში, პარტიულ და კომკავშირულ უჯრედებში იმართება სახელდახელო მიტინგები. ახალი ძალით მჩქეფარებს სოციალისტური შეჯიბრება. ლაგოდეხელი მეთამბაქოები ახალ-ახალ შრომით ნობათებს უძღვნიან თანამედროვეობის უდიდეს პოლიტიკურ ფორუმს, სკკპ XXIV ყრილობას და ამ დიდ ფორუმზე მსოფლიო პროლეტარიატის უდიდესი ბელადის, ამხ. ლეონიდ ილიას ძის გამოსვლას...“

შეიძლება, შევცვალოთ თარიღები, გვარები და მოვლენები, მაგრამ საბჭოთა ეპოქის საგაზეთო პუბლიკაციების პათოსი

ამით ნამდვილად არ შეიცვლება. დიდი-დიდი, შეიძლება დაახლოებით ასეთი სახე მიიღოს:

„სამტრედიის აბრეშუმის ძაფსაღები ფაბრიკის მუშა-მოსამსახურეები გუშინ სასწრაფოდ შეიკრიბნენ ადგილობრივი პარტიული კომიტეტის ინიციატივით. პარტკომის მდივანმა, ამხანაგმა პ. სტურუამ დამსწრეთ გააცნო სკკპ ცენტრალური კომიტეტის დადგენილება ანტისაბჭოთა ელემენტების, საბჭოთა ხალხის პირსისხლიანი მტრების რიკოვის\*, ზინოვიევის\*, კამენევის\* და სხვა მენშევიკ-ტროცკისტთა დაპატიმრების შესახებ.

სიტყვაში გამოსულმა ამხანაგებმა ერთხმად დაგმეს პროლეტარიატის დაუძინებელი მტრების ანტისაბჭოთა ძირგამოთხრელი საქმიანობა და მათთვის სასჯელის უმაღლესი ზომა, დახვრეტა მოითხოვეს. კრების მონაწილეები მქუხარე ტაშით შეხვდნენ ორატორთა ინიციატივას და მშრომელებს კიდე უფრო მეტი სიფხიზლისაკენ მოუწოდეს, ვინაიდან ჩვენს შორის შესაძლოა კიდე ბოგინობდნენ ჩვენი კლასობრივი მტრები.

კრების მონაწილეებმა მხურვალედ დაუჭირეს მხარი სკკპ ცენტრალური კომიტეტის დადგენილებას და აღუთქვეს დიდ სტალინს, პოლიტბიუროს, პარტიის ცენტრალურ კომიტეტს, დიდი სტალინის ღირსეულ თანამებრძოლს, ამხ. ლავრენტი ბერიას\*, რომ...“

ენა მართლაც საოქმო-კაზიონურია, სტილი საბჭოთაა, შინაარსი შემადრწუნებელია. სწორედ ეს შემადრწუნებელი შინაარსი განსაზღვრავდა იმ ეპოქის ჟურნალისტიკის სტილსა და ენას. ეს იყო მაუზერის ენა და სტილი და ამაში კონკრეტულად ვინმეს დადანაშაულება, უბრალოდ, უაზრობაა.

ჟურნალიზმმა კი არ გარყვნა მწერლობა, მმართველობის საბჭოთა პარტიულმა სისტემამ გარყვნა ჟურნალიზმიც, მწერლობაც, ხელოვნებაც, ზნეობაც და ასე შევეგებეთ თავისუფალ საქართველოს.

კონსტანტინე გამსახურდიამ, ალბათ, მშვენივრად იცოდა ყველაფერი ეს, მაგრამ სათქმელი ბოლომდე რომ ეთქვა, მასაც უბოდიშოდ იმ გზას გაუყენებდნენ, რომელსაც მანამდე მიხეილ ჯავახიშვილი, ტიცვიან ტაბიძე და მრავალი სხვა გაუყენეს.

მწერლებს, ჟურნალისტებთან შედარებით, უზარმაზარი უპირატესობა აქვთ — განუსაზღვრელი დრო და შეუზღუდავი თემატიკა. ჟურნალისტიკაში საქმე სხვაგვარადაა — რედაქციის ყველა თანამშრომელი და, მათ შორის, მისი უდიდებულესობა



რიგითი ჟურნალისტი — შეზღუდულია დროშიც, სივრცეშიც და თემატიკითაც. როგორც წესი, ჟურნალისტი ასრულებს დავალებას მკაცრად განსაზღვრულ თემაზე, მკაცრად განსაზღვრულ დროში და მკაცრად განსაზღვრული მოცულობით. მოკლედ, ასე: ხუთშაბათს, ორ საათზე, 80 სტრიქონი, ინტერვიუ აკაკი ასათიანთან მისი პოლიტიკური მრწამსის შესახებ.

ბიჭი ხარ და, ნუ შეასრულებ!

იმის მიუხედავად, რომ საქართველოში კატასტროფული რაოდენობის (თუმცა, ჟურნალისტებზე ნაკლები) გამოჩენილი მწერალი გვყავს, მათ შორის არ მეგულება ორიოდეც კი, ვინც ჟურნალისტიკობას მოინდომებდა. სამწუხაროდ, ისეთებიც თითებზე ჩამოსათვლელია, ვინც ჟურნალისტიკობას შეძლებდა. მწერლობასა და ჟურნალისტიკობას შორის დაახლოებით ისეთივე მსგავსებაა, როგორიც თბილისის „გუბერსკის“ ციხესა და ოპერის თეატრს შორის — ორივე აგურითაა ნაშენი.

მწერლებსა და ჟურნალისტებს შორის არის კიდევ ერთი „პანანინა“ განსხვავება: პოპულარული ჟურნალისტი რომ გახდეს, ამისთვის იქნებ რამდენიმე თვეც საკმარისი იყოს; მწერლის აღიარებას კი აუცილებლად სჭირდება მომავალი თაობების დასტური.

## **რატომ კითხულობენ გაზეთს?**

სტაჟიანი მკითხველები ამ შეკითხვას არც სხვას და არც საკუთარ თავს არასოდეს არ უსვამენ. ხომ არ მოგეწონებათ, ვინმემ რომ გკითხოთ — რატომ ჭამთ? რატომ ოცნებობთ? რატომ იძინებთ?..

ოდესღაც, რადიოსა და ტელევიზიის გამოგონებამდე, გაზეთი მასობრივი ინფორმაციის ერთადერთი საშუალება იყო. ინტერნეტის ეპოქაში საინფორმაციო სივრცეში უსასტიკესი კონკურენცია გაჩაღდა და გაზეთის გამომცემლებსაც საქმე განუზომლად გაურთულდა — გაზეთმა დაკარგა მკითხველისთვის ინფორმაციის ოპერატიულად მიმწოდებლის ფუნქცია. ბუნებრივია, დღეში სამჯერაც რომ გამოვიდეს, იგი რადიოს, ტელევიზიას და ინტერნეტს მაინც ვერ გაეჯიბრება. მაგრამ მას, მასობრივი ინფორმაციის სხვა საშუალებებთან შედარებით, დარჩა ერთი უმნიშვნელოვანესი უპირატესობა — ფაქტებისა და მოვლენების კომენტარის და

ანალიზის შესაძლებლობა. სწორედ ეს გახლავთ ის საიდუმლო, რაც გაზეთს (მით უფრო — ჟურნალს) მრისხანე მეტოქეებთან დაუნდობელ ბრძოლაში უპირატესობას ანიჭებს.

გაზეთს კითხულობენ იმიტომ, რომ უკეთ და სწრაფად გაერკვნენ ურთულეს პოლიტიკურ, ეკონომიკურ, სოციალურ, სამართლებრივ... პრობლემებში. არც ოპერატიულობა, უნივერსალიზმი (იქნებ, ამ განსაზღვრებას „მრავალფეროვნება“ სჯობდეს!), გამოცემებს შორის არსებული მოკლე ინტერვალი და მკითხველისთვის მასალების მიწოდების საშუალება (კომუნიკაცია) — ენა უნდა დავივიწყოთ. რა თქმა უნდა, მნიშვნელოვანია, რას ვამბობთ, მაგრამ კიდევ უფრო მნიშვნელოვანია, როგორ ვამბობთ. მშობლიურ სალიტერატურო ენაზე უბრალოდ და გასაგებად დაწერილი ინფორმაცია ადამიანის ცნობიერებაში გაცილებით ღრმა კვალს ტოვებს, ვიდრე თუნდაც გენიალური პიროვნების საუბრის უნაკლო სინქრონული ტელეთარგმანი. ხოლო თუ ტელეეკრანიდან რამდენიმე გენიოსი ერთდროულად გველაპარაკება, თანაც, თუ მათი გენიალური აზრები ერთმანეთს არ ეთანხმება, მსმენელის ცნობიერებაზე ზემოქმედების ალბათობა მინიმუმამდე მცირდება.

მკითხველი გაზეთს მისთვის მოსახერხებელ დროს მიუბრუნდება. თუ ამის საჭიროება არსებობს, სტრიქონებს შორის ჩამალული აზრის აღმოჩენასაც შეეცდება, მისთვის საინტერესო მოსაზრებებსაც მოინიშნავს და ავტორისთვის თუ პასუხის გაცემა გადანიშნავს, დოკუმენტური მასალაც ხელთ ექნება.

თანამედროვე პირობებში (XXI საუკუნის დასაწყისის ვგულისხმობ) გაზეთს რამდენიმე მიზეზის გამო კითხულობენ:

ა) ცოდნისადმი გაცნობიერებული ან ქვეცნობიერი ლტოლვა;

ბ) მომხმარებლური (მერკანტელური) მიდგომა, ანუ გაზეთებიდან იმის შეტყობის სურვილი, რაც მას (მკითხველს), შესაძლოა, თავის პროფესიულ საქმიანობაში გამოადგეს (რეკლამა, ასტროლოგიური პროგნოზი, ამინდი, მდგომარეობა საფინანსო ბირჟაზე, საკანონმდებლო ორგანოების გადაწყვეტილებები, მოსალოდნელი ცვლილებები საგადასახადო კოდექსში...);

გ) ნაკითხულ მასალებზე დაყრდნობით, მკითხველებთან, რედაქციასთან, ჟურნალისტთან, კომპანიასთან... ურთიერთობის დამყარების შესაძლებლობა;

## დ) თავისუფალი დროის რაციონალურად გატარების შესაძლებლობა.

ეს მოსაზრებები, ძირითადად, ყუბანის უნივერსიტეტის პროფესორ ჩერედნიჩენკოს დავესესხე, რომელმაც, თავის მხრივ, დასკვნები რუსი, ევროპელი და ამერიკელი სპეციალისტების აზრის გათვალისწინებით გამოიტანა. თავს ვერ დავდე, რომ ისინი ზუსტად მიესადაგება საქართველოში ან სხვა პოსტკომუნისტურ ქვეყანაში შექმნილ ვითარებას. ალბათ, არსებობს კიდევ ბევრი მიზეზი, რის გამოც ადამიანები მდარე ხარისხის ტელესერიალებისგან გამოთაყვანებას, ჟურნალ-გაზეთების გულისყურით კითხვას ამჯობინებენ.

ამ სტრიქონებს იმ დროს ვწერ, როცა საქართველოში და მსოფლიოს თითქმის ყველა საქართველოსნაირ (ეკონომიკურად დაცემულ და პოლიტიკურად დეზორიენტირებულ) ქვეყანაში უფრო აქტუალურია კითხვები — რატომ არ კითხულობენ გაზეთებს? ან რატომ უნდა კითხულობდნენ გაზეთებს? (მერწმუნეთ, ეს კითხვები მთელ მსოფლიოში მრავალი წლის შემდეგაც აქტუალური იქნება).

მეორე კითხვა შედარებით იოლია და ზემოთ მას ნაწილობრივ ვუპასუხეთ კიდევ — თუ თქვენთვის სულერთი არ არის კაცობრიობის ბედი, თუ ადამიანთა საზოგადოებაში ადგილის დამკვიდრება გასურთ, გაზეთებიც უნდა იკითხოთ. თუმცა, ეს კითხვა-პასუხი განკუთვნილია მკითხველებისთვის. ჟურნალისტებისთვის უფრო აქტუალურია სხვა კითხვა — როგორი უნდა იყოს გაზეთი, რომ იგი წაიკითხონ?

ჩვენი ვალია, ისეთი გაზეთი (ჟურნალი) გამოვუშვათ, რომელსაც ადამიანები წაიკითხავენ, იქ სათავისოს მუდამ იპოვნიან, მიეჩვევიან და დაიმეგობრებენ კიდევ.

მართლაც ურთულესი ამოცანაა.

რა თქმა უნდა, იმის იმედი არ მაქვს, რომ ამ წიგნის წაკითხვის შემდეგ, მცირერიცხოვან საქართველოში მოღვაწე ურიცხვი ამბიციური რედაქტორი კალამს გადადებს და ალექსანდრე ყაზბეგივით, მეცხვარეობას დაიწყებს. თუ ვინმე ზოგიერთ რჩევას გაითვალისწინებს და საკუთარი გაზეთის წარუმატებლობას მთლიანად პრეზიდენტ შევარდნაძეს, ჯორჯ სოროსს\* ან არარსებულ საერთაშორისო მასონურ ორგანიზაციას არ გადააბრალებს, ესეც კარგი იქნება.

1992 წლის ბოლოს თუ 93-ის დასაწყისში პრეზიდენტ შე-

ვარდნაძის ყოფილმა კომპარტიელმა თანამებრძოლმა, უკვე გარდაქმნილ-გარდასახულმა, ალბათ, პრეზიდენტისვე დავალებით, ქვეყნის მასშტაბით ყოველდღიური, დამოუკიდებელი საზოგადოებრივ-პოლიტიკური გაზეთის გამოშვება გადანწყვიტა. ჩატარდა რალაც შინაურული კონკურსიც. მასში ორი შემოქმედებითი ჯგუფი ვმონაწილეობდით. ჟიურისა და უზენაესი მსაჯულის როლი თვითონ იმ პარტიულმა ბოსმა იკისრა.

დათქმულ დროს წარვადგინეთ ჩვენი კონცეფცია გაზეთის სანიმუშო ნომერთან ერთად. ახლა, ამ ამბიდან მრავალი წლის შემდეგ ვიცი, რომ ჩვენს კონცეფციას ბევრი ნაკლი ჰქონდა, მაგრამ ეს იყო მაინც ცენზურისგან თავისუფალი, დამოუკიდებელი გაზეთის შექმნის მცდელობა. ბოსი (სხვათა შორის, არცთუ უნიჭო ადამიანი) ყურადღებით გაეცნო ჩვენს მოსაზრებებს და თავისიც გაგვაცნო. მისი ღრმა რწმენით, გაზეთი უნდა ყოფილიყო თავისუფალი და დამოუკიდებელი, ოღონდ უნდა დარქმეოდა „მოქალაქე“ (იმდროინდელი მმართველი პარტიის, „მოქალაქეთა კავშირის“ ანალოგიით), რედაქცია უნდა დაკომპლექტებულიყო ამავე პარტიის თანამგრძობი ჟურნალისტებით, გაზეთში უნდა გატარებულიყო პარტიის „გენერალური ხაზი“, გამოსაქვეყნებელი მასალები უნდა შეთანხმებულიყო პარტიის შესაბამის ინსტანციებთან და, რაც მთავარია, გაზეთის უმთავრესი მიზანი და დანიშნულება „ახლებური აზროვნების“, „დემოკრატიზმის პრინციპების“, მაშინ უღმერთოდ ექსპლუატირებული „პლურალიზმის“ დამკვიდრება, სამოქალაქო საზოგადოების ჩამოყალიბებისთვის ხელშეწყობა უნდა ყოფილიყო! გაზეთის გამოცემას პრეზიდენტის ფონდი დააფინანსებდა.

ვცადე მისთვის ამეხსნა, რომ პარტიული გაზეთი ვერ იქნებოდა ვერც თავისუფალი და ვერც დამოუკიდებელი; ვერასოდეს ვერ მოახერხებდა საზოგადოების ინტერესების გამოხატვას, ვერ მოიხვეჭდა პოპულარობას და განწირული იქნებოდა წარუმატებლობისთვის. იმის ახსნაც ვცადე, რომ ფულის და დროის უქმად ხარჯვა არ ღირდა.

მოვიშველიე კიდევ ბევრი არგუმენტი; ვისაუბრეთ, ზოგადად, თავისუფლებასა და დამოუკიდებლობაზე; ფორთოხლის წვენიც ბლომად დავლიეთ. ბოსი შეუვალი იყო — ერთ-ერთი დიდი ქარხნის პარტიული კომიტეტის მდივნობისას, მრავალტირაჟიან გაზეთს ვუშვებდი და პრესის ავან-ჩავანი თქვენზე ნაკლებ არ მომეხსენებო.

ბუნებრივია, ვერ შევთანხმდით, მაგრამ მალე ერთი სახელიანი ჟურნალისტის რედაქტორობით „მოქალაქე“ მაინც გამოვიდა. მან სულ წელიწადნახევარს იცოცხლა და უსახელოდ გარდაიცვალა. მისი ბედი შემდეგ ბევრმა არანაკლებ ამბიციურმა გამოცემამაც გაიზიარა. მათ შორის აღმოჩნდა მილიარდელ ბადრი პატარკაციშვილის მედია-ჰოლდინგი „მთავარი გაზეთი“. ეს სავსებით ლოგიკური იყო, რადგან, როგორც ზემოთაც ვთქვი, მკითხველს აინტერესებს პრობლემების ორიგინალურად გადწყვეტის მცდელობა, განსჯის პროცესში უშუალო მონაწილეობა და არ აინტერესებს რომელიმე პარტიული ბოსის კაბინეტში შეთხზული უალტერნატივო რეცეპტები.

„მთავარის“ გაკოტრების მთავარი მიზეზები გახლდათ მისი სრული დეზორიენტაცია, ხელისუფლებისთვის „კოჭის გორების“ დაუძლეველი სურვილი; რედაქციის „სამზარეულოში“ „ზემოდან“ სისტემატური და უხეში ჩარევები; შემოქმედებითი კადრების „სანდოობის“, „ერთგულების“ და პოლიტიკური პრინციპების, ანუ სრული უპრინციპობის მიხედვით შერჩევა. შედეგად, მედია-ჰოლდინგის ხელმძღვანელობაში აღმოჩნდნენ სიმპათიური, განათლებული და სერიოზული პრესისთვის ყოვლად შეუფერებელი ადამიანები, მოკლედ — პროფანები.

იყო, რა თქმა უნდა, სხვა მიზეზებიც: არასწორი მენეჯმენტი, შეფასების კრიტერიუმების არარსებობა, სისტემატური რუბრიკაციის უგულებელყოფა, დავალებათა შესრულების დაბალი დონე და, როგორც დეილ კარნეგი\* იტყოდა, სხვა „დიდი წვრილმანი“. მაგრამ მისი ტრაგედიის მთავარი მიზეზი მაინც მისივე სწორხაზოვანი პარტიულობა იყო. გთხოვთ, მენდოთ — ლიკვიდაციამდე ცოტა ხნით ადრე, მფლობელთა დავალებით, ჰოლდინგის წარუმატებლობის მიზეზები საკმაოდ საფუძვლიანად შევისწავლე. ამ გამოცემაზე ასე დანვრილებით იმიტომ გვიამბეთ, რომ იგი, იმჟამინდელი ქართული სინამდვილის გათვალისწინებით, საკმაოდ კარგად იყო დაფინანსებული.

**სანამ გაზეთს ან ჟურნალს გამოსცემდეთ, კარგად უნდა მოიფიქროთ, ვინ იქნება თქვენი ძირითადი მკითხველი — ფერმერი, პედაგოგი, არისტოკრატი, ბიზნესმენი, აზარტული თამაშების ტრფიალი, თინეიჯერი, ცივისსხლიანი ბერიკაცი, ინტელექტუალი უსაქმური, თუ ყველა ერთად. ისიც უნდა იცოდეთ, სად გავრცელდება თქვენი გაზეთი — მთელ**

## **პლანეტაზე, მთელ ქვეყანაში, რეგიონში, კოლექტში, თუ ქარხნის საქმიან ეზოში.**

სასურველია, გაზეთს საკუთარი სახე ჰქონდეს. ეს არ ნიშნავს რალაცის გამოგონებას. საუბარია დიზაინზე, ფორმატზე, რუბრიკებზე... მოკლედ, ვიზუალურ მხარეზე. რა თქმა უნდა, ფორმა უნდა შეესაბამებოდეს შინაარსს. საბავშვო გამოცემებისთვის დამახასიათებელი „სიჭრელე“ სასაცილო და დამლუპველია სერიოზული პრესისთვის. ისევე, როგორც შეუძლებელია ყვითელი პრესისთვის დამახასიათებელი დიზაინის საზოგადოებრივ-პოლიტიკური გაზეთისთვის მისადაგება.

გაზეთის იერსახის ხშირი და რადიკალური ცვლა ძალიან სახიფათოა — მკითხველს დაკარგავ ან, თუ არ გყავს, ვერ შეიძენ. ამის მიზეზი უბრალოა — მკითხველი ეჩვევა გაზეთს. ამიტომ ცვლილებები აუჩქარებლად უნდა განხორციელდეს. ალბათ, ისიც უნდა ითქვას, რომ თელაველ მკითხველს იაპონიის სანაპიროებთან ქარიშხალ „ივანის“ მიერ დატრიალებულ ტრაგედი-აზე მეტად კურდღელაურში მოსული სეტყვის შედეგები ან ექიმ ლევან ჯამრულიძის ოჯახური ამბები აინტერესებს. როგორც გითხარით, ძალიან დიდი მნიშვნელობა აქვს მენეჯმენტს, რედაქტორების, ჟურნალისტების, რედაქციის მუშაობის სტილს, პროფესიონალიზმს, ტექნიკურ შესაძლებლობებს და ა. შ.

თუმცა, მთავარი მაინც ფულია. მით უფრო, თუ ცხოვრობ იმ ქვეყანაში, სადაც მკითხველთა უდიდესი უმრავლესობა უმძიმესი არჩევანის წინაშე დგას — ან გაზეთი, ან პური.

გაზეთის დამოუკიდებლობას, ძირითადად, მისი ფინანსური დამოუკიდებლობა განსაზღვრავს და არა შემსრულებლების ნიჭი, მონდომება და ამბიცია. ჩემი, ჟურნალისტის, თავისუფლება და დამოუკიდებლობა, კანონით ჩემთვის მონიჭებული უფლებები, სამწუხაროდ, გაზეთზე არ ვრცელდება.

თავის მოტყუებას ვერავინ დაგიშლით, მაგრამ იმის იმედი ნუ გექნებათ, რომ დეკლარირებული თავისუფლებით მკითხველს მოატყუებთ. თანაც, პოლიტიკური ამბიციების არმქონე ფულიანი მეცენატის მოძებნაც ძალიან ძნელია...

თუმცა, არც ხელის ჩაქნევა ღირს — ოცდამეერთე საუკუნის მიწურულისთვის ყველაფერი კარგად იქნება.

## თავი II

### ყოველმცოდნე ჟურნალისტები...

#### როგორ მოვამზადოთ საგაზეთო მასალა

ამაზე უკვე ვისაუბრეთ: ჟურნალისტის პროფესია ახალგაზრდობას საკუთარი ცხოვრებისეული გამოუცდელობისა და პროფესიის მოჩვენებითი რომანტიკულობის გამო მოსწონს — მე, ჟურნალისტი ქარივით თავისუფალი ვარ: ვაკეთებ, რასაც მინდა, მივდივარ, სადაც მინდა, შევხვდები, ვისაც მინდა...

მართლაც მომხიბლავი პერსპექტივაა, თუ დავუმატებთ, რომ თქვენ უკვე გიცნობენ პოპულარული პოლიტიკოსები, სამხედრო პირები, სპორტსმენები, ჰოლივუდის ვარსკვლავები და კრიმინალური სამყაროს წარმომადგენლებიც კი.

იქნებ ოდესმე მართლაც ასე მოხდეს, მაგრამ სინამდვილე რომანტიკისთვის ადგილს არ ტოვებს. წარმოიდგინეთ, ასეთი ტიპიური ვითარება: დილის სარედაქციო თათბირზე ჟურნალისტებს დავალებებს აძლევენ — თბილისში მსოფლიო სახელის პრიმაბალერინა ნინო ანანიავილი ჩამოსულა; სახელგანთქმულ ნინო რამიშვილს ოთხმოცი წელი შესრულება; ფილარმონიაში ლეგენდარული რასტროპოვიჩი\* დაუკრავს; თბილისის „დინამო“ ინგლისურ „ვესტ ჰემს“ ეთამაშება; შინაგან საქმეთა მინისტრი თანამდებობიდან გადაამდგარა; დისიდენტი მერაბ კოსტავა ციხიდან გამოუშვიათ; ავჭალის კოლონიაში პატიმრების ამბოხი დაწყებულა...

მართლაც მდიდარი არჩევანის გაქვთ, მაგრამ დავალებებს ხომ რედაქტორი იძლევა! ჰოდა, ეს „რედაქტორი“ რედაქტორი გავალებთ მოამზადოთ საგაზეთო მასალა შრომის სამინისტროს ერთ-ერთ ჩინოვნიკთან. შეგიძლიათ უარი თქვათ ამ არცთუ პრესტიჟული დავალების შესრულებაზე, მაგრამ გაითვალისწინეთ, რომ ასეთ შემთხვევაში, რედაქტორსაც შეუძლია უარი თქვას თქვენთან თანამშრომლობაზე. უფრო გასაგებად — სავსებით შესაძლებელია, უმუშევარი დარჩეთ. თქვენც ბედს ურიგდებით. მეტიც, ცდილობთ ამ დავალებიდან რაც შეიძლება მეტი „გამონეროთ“.

ინყებთ ინფორმაციის შეგროვებას ბატონ ვახტანგზე — პირობითად ასე დავარქვათ ჩინოვნიკს. კოლეგა-ჟურნალისტი გკარნახობთ, რომ ამ სამინისტროს საზოგადოებასთან ურთიერთობის განყოფილებაში მუშაობს მისი თანაკურსელი ქალბატონი, რომელსაც შეუძლია ინფორმაცია მოგანოდოთ ამ პიროვნებაზე. ხვდებით ქალბატონ ლიზას და არკვევთ, რომ ბატონი ვახტანგი ამ თანამდებობაზე თურმე, სულ ორი წელიწადია მუშაობს. მანამდე ჯერ მძღოლი ყოფილა, მერე გარაჟის გამგე. იმავე ქალბატონ ლიზასთან არკვევთ, რომ თქვენი მომავალი რესპონდენტის თაობაზე საინტერესო ინფორმაცია შეიძლება მოგანოდოთ სამინისტროს გარაჟის ყოფილმა გამგემ, რომელიც ამჟამად სიღნაღში ცხოვრობს.

მიემგზავრებით სიღნაღში. ხვდებით ბატონ ნიკოს, რომელსაც იქაურები „წინკანას“ სახელით იცნობენ. მას ჯერ არ უნდა წარსულის გახსენება, მაგრამ, მერე, მწვადზე და ჭიქა ღვინოზე ფრიად საინტერესო ამბებს ჰყვება. ჰო, კინალამ დამავინყდა: **ეცადეთ, არ გამოიყენოთ დიქტოფონი, მით უფრო — ვიდეოტექნიკა, ინფორმაცია არ ჩაინეროთ. თქვენს ხელში დანახული რაიმე ტექნიკა, თვით ავტოკალამიც კი, მოსაუბრეს თქვენს მიმართ ერთგვარი შიშით და უნდობლობით განაწყობს. მას, არც მეტი, არც ნაკლები, პოლიციის ან სასამართლოს ასოციაციები უჩნდება. ინყებს სიტყვებისა და მოვლენების შერჩევას. მოკლედ, ფსიქოლოგიური დისკომფორტი ექმნება. მაშ, ყველაფერს როგორ დაიმახსოვრებთ? — ძალიან კარგად! — მთავარია, საუბრის დროს შეძლოთ ყურადღების კონცენტრაცია. გახსოვდეთ, რომ თქვენ აქ ჩამოხვედით სამუშაოდ და არა დროის სატარებლად. საუბრის შემდეგ, ეცადეთ, გაიხსენოთ ყველაფერი, რასაც, შესაძლოა, საქმესთან რაიმე კავშირი ჰქონდეს. ისიც გახსოვდეთ, ვიდრე მასალა არ მოგიმზადებიათ, არ არსებობს არავითარი მეორეხარისხოვანი ინფორმაცია — ყველაფერი პირველხარისხოვანია.**

მოკლედ, ძია წინკანა, ოდესღაც გარაჟის გამგე, ახლა კი ფერმერი-მევენახე გაიმბობთ, რომ ბატონი ვახტანგი, მეტსახელად „მაღაზია“, მისი გარე ბიძაშვილი და თანასოფლეელია. ვიდრე დედაქალაქში ჩავიდოდა, ღვინის ქარხანაში შოფრად მუშაობდა.



დაბადებულია 1945 წელს. ჰყავს ცოლი და სამი შვილი. განათლებულია. კარგი ორატორი და საინტერესო მოსაუბრეა. ხშირად ცრუობს, ოღონდ, შენიღბულად. როცა აქაურ უფროსობასთან საქმე გაფუჭებია, დასახმარებლად წინკანასთან მისულა. მასაც სამინისტროს გარაჟში მოუწყვია. სულ მალე მინისტრს მოხვედრია თვალში და მის პირად შოფრად გადასულა. მერე იმდენი უქნია, თავისი კეთილისმყოფელი წინკანა გარაჟის გამგეობიდან მოუხსნევენებია და მისი ადგილი დაუკავებია. მერე სამეურნეო განყოფილების უფროსად და, საბოლოოდ, მინისტრის მოადგილედ დაუწინაურებიათ.

ძია წინკანას თქმით, ვახტანგი-მალაზია ნიჭიერი, თუმცა დაუნდობელი და ორპირი კაცია. საქმე, რომელიც აბარია, არ იცის, მაგრამ ამას შესანიშნავად ფარავს მოჩვენებითი სერიოზულობითა და სიმკაცრით. ტიპიური კარიერისტია. იცის უფროსობასთან თავის დაჭერა. თუ დასჭირდა, არც ქრთამის აღებასა და გაცემაზე ამბობს უარს. კარგად მღერის. მალე თვრება და საკუთარ მოქმედებაზე ყოველგვარ კონტროლს კარგავს. ამის გამო ხშირად ძალიან უხერხულ მდგომარეობაში ვარდება. თანამშრომლებს არ უყვართ და ზურგს უკან დასცინიან კიდეც.

რას იტყვით, საკმაოდ მსუყე ინფორმაციაა, არა? ახლა იგი უნდა შეამონმოთ და გაამდიდროთ. ამიტომ კვლავ სამინისტროში მიდიხართ. ოღონდ, ძალიან ფრთხილად მოქმედებთ. იქაურმა თანამშრომლებმა უნდა იცოდნენ, რომ თქვენ იქ უკეთილშობილესი მიზნით მიხვედით.

გახსოვდეთ, რომ განაწყენებული თანამშრომლები უფროსების მიმართ მაინცდამაინც დიდი ობიექტურობით არ გამოირჩევიან. ამიტომ უნდა იმოქმედოთ ე.წ. „ორმაგი დაზღვევის“ პრინციპით — შეაგროვოთ ცნობები მომხრეებისგანაც და მონინალმდეგეებისგანაც. განსაკუთრებით, თუ საქმე ეხება რაიმე კრიმინალურ ისტორიას. თუ ორივე მხარის მოსაზრებები გაქვთ, მათი შეჯერება და დასკვნის გამოტანა თქვენს გონებამახვილობაზე, გამოცდილებაზე და, რაც მთავარია, თქვენს სინდისზე დამოკიდებული. შესაძლოა, ჩვენს პირობით გმირზე, ბატონ ვახტანგზე შეგროვებული ინფორმაცია თავისთავად საინტერესო იყოს, მაგრამ ვიდრე მასალას ამზადებთ, იგი იქნებ პენსიაზე გავიდეს, ან რაიმე უბედურება დაატყდეს თავს. ასეთ შემთხვევაში,

თქვენი ნაშრომი წყალში გადაყრილად ჩათვალეთ — პროფესიული ინტერესის გარდა ამქვეყნად არსებობს კიდევ ზნეობა.

ჩვენს შემთხვევაში ყველაფერი წესის და რიგის მიხედვით მიდის. უკვე ხელთა გაქვთ საკმაოდ სერიოზული ინფორმაცია თქვენი მომავალი რესპონდენტის ბავშვობის, სწავლა-განათლების, ხასიათის, ოჯახური და სამსახურებრივი მდგომარეობის, ინტერესების შესახებ. საგაზეთო მასალაში, რა თქმა უნდა, ყველაფერზე არ ილაპარაკებთ, მაგრამ ამ ცოდნით შეიარაღებული მიდინართ ბატონ ვახტანგთან. სავსებით შესაძლებელია, მან თქვენზე გაცილებით უკეთესი შთაბეჭდილება მოახდინოს, ვიდრე ელოდით. ასე იქნება, თუ ისე, თქვენ დაახლოებით იცით, „რა ენაზე“ უნდა ესაუბროთ რესპონდენტს. იცით, როგორ უნდა დაუხატოთ მკითხველს მისი პორტრეტი. **თქვენ ვალდებული ხართ უკუაგდოთ ყველა საექვო ინფორმაცია, რომელიც რესპონდენტის სასარგებლოდ არ ლაპარაკობს — ადამიანს ისედაც ბევრი ნაკლი აქვს და რაიმეს მიკერება სულაც არ არის აუცილებელი.** წინასწარ მიღებული ინფორმაცია გეხმარებათ პიროვნების ხასიათის გასახსნელად, ამ პიროვნების „გასაშიშვლებლად“.

დაახლოებით ასეთი პრინციპით მოქმედებს მსოფლიოს ყველა კვალიფიციური და სინდისიერი ჟურნალისტი. თუმცა, ამქვეყნად არც უსინდისო დაილევა, მაგრამ მათზე, მოდი, ნუ ვილაპარაკებთ.

და კიდევ ერთი — **ნუ დაივიწყებთ, რომ თქვენ, ჟურნალისტს, უბრალო მოკვდავთა (თუნდაც ეს „უბრალო“ ქვეყნის პრეზიდენტი იყოს) წინაშე დიდი უპირატესობა გაქვთ და ამის ბოროტად გამოყენება არ შეიძლება.** ასეთმა ერთადერთმა შემთხვევამაც კი, შესაძლოა, სამუდამოდ დაღუპოს თქვენი ჟურნალისტური კარიერა. პრესა არ შეიძლება იყოს წვრილმანი ანგარიშსწორების სარბიელი.

ინფორმაცია შეგროვებულია, შთაბეჭდილება ჩამოყალიბებულია. ახლა წმინდა ტექნიკური მხარე რჩება — ამ ყველაფრის ქალაქდზე გადატანა. თუ როგორ კეთდება ეს, ამის ნიმუშად შემოგთავაზებთ 1991 წლის სექტემბერში რუსულ „ნეზავისი-მაია გაზეტაში“ გამოქვეყნებულ ინტერვიუს საქართველოს მაშინდელ პრეზიდენტ ზვიად გამსახურდიასთან.

## ავტობორტრეტი

— ბატონო ზვიად, თქვენ დიქტატორი ბრძანდებით?

— აი-აი! რომელი დიქტატორი და რომელი დიქტატორული რეჟიმი აიტანს ანარქიას, რაც აქ ხდება — გესმით? ერთი შეტაკება იყო...

— 2 სექტემბერს? ტე-ეს-ენმა უჩვენა.

— დიახ. და მაშინაც მილიციას შეეშინდა, როცა დაუნყეს ცემა და ქვების სროლა, თვითონ ჰაერში ისროდა.

— იქ ხომ დაჭრილებიც იყვნენ...

— ამისთვის მილიციასაც ვსჯით. მეტი რა ვქნათ? ისინი კი... ახლა ამუქებენ, თითქოს ეს სისხლიანი რეჟიმი, დიქტატორული რეჟიმი... და ასე შემდეგ.

შეგახსენებთ, რომ ჩვენთან ბევრად მეტი დემოკრატიაა, ვიდრე საფრანგეთში, ამერიკის შეერთებულ შტატებში და... სადაც გნებავთ! არც ერთი დემოკრატიული სახელმწიფო არ აიტანს იმას, რასაც ჩვენ ვიტანთ, გესმით?

— ესე იგი, თქვენ გული გტკივათ და ეს ყველაფერი განუხებთ?

— ცოტათი მანუხებს, როცა ხედავ, რომ დიქტატორის იარაღი, რის წინააღმდეგაც ვიბრძოდი მთელი ცხოვრება, მე მაკერებენ, მე კი არ დამიმსახურებია — აი, ეს...

— „სვობოდამ“ გადმოსცა თქვენი გამოსვლა თბილისის მიტინგზე, სადაც თქვენ ხალხს მოუწოდებდით — სიტყვა-სიტყვით — „ოპოზიციის ჩაქოლვას“. როგორ შეიძლება ასე იყოს?

— აბსოლუტური სიგიჟეა! მსგავსი რამ არ ყოფილა. ალბათ ვთქვი, რომ ოპოზიცია გვესვრის ქვებს და, აი, ეს გადაასხვაფერეს, ვითომ ჩვენ ვესვრით... ერთადერთი, რაც ვთქვი, რომ — ჩვენ არ ავიტანთ... მოკლედ, თუ ისინი სამხედრო ძალადობას მიმართავენ, აი, მაშინ მიიღებენ პასუხს. და ეს ბუნებრივია. მათ კი ახლა აჩჩემეს: აი, ძალადობისკენ მოუწოდებსო! მე კი მხოლოდ ის ვთქვი, რომ შეიარაღებულ ძალადობას პასუხს გავცემთ. აი, მეტი არაფერი.

— თქვენ აკრძალეთ „ნეზავისიმაია გაზეტა“?

— მე მგონი, მაინც გამოდის... მაგრამ ცოტათი გვანყენინა თქვენმა წარმომადგენელმა ბროლაძემ. ჩვენ მოვითხოვთ ბროლაძის შეცვლას. ეს არაობიექტური ჟურნალისტიკა.

— ანუ, თქვენ ინტერვიუს აძლევთ გაზეტს, რომელიც თავადვე აკრძალეთ?

— შემდგომში ჩვენი მეგობრული ურთიერთობა „ნეზავისი-მაია გაზეტასთან“ ისევ აღდგება. ყველაფერი ბროლაძის გამო მოხდა. არაობიექტური ინფორმაცია დაბეჭდა.

— რომელი?

— მიჭირს ახლა გითხრათ. არ მახსოვს. ჩვენთან ყველაფერ ამაზე პრესცენტრი რეაგირებს. ის პასუხობს.

— და სად არის „იზვესტია“ და „კომსომოლკა“? ისინი რატომ არ გამოდიან?

— იმიტომ, რომ იქაც „ველურ“ რაღაცეებს ბეჭდავენ.

— თქვენი შეხედულებით, არსებობს გაზეთი, რომელიც საქართველოზე სიმართლეს წერს?

— რუსეთის?

— ან ცენტრალური.

— მე არ მინახავს. სიმართლე გითხრათ... ყველაფერი არც ვიცი, თვითონ საქართველოში არის ობიექტური გაზეთები. მაგრამ არის, რა თქმა უნდა, პროვოკატორულიც.

— რა ულტიმატუმი წაგიყენეს სამხედროებმა?

— უპირველესად, საბჭოთა ხელისუფლების, კომუნისტური რეჟიმის აღდგენა და დამოუკიდებლობის გაუქმება...

— მათ სურდათ, თქვენ კომუნისტი გამხდარიყავით?

— აი... თითქმის ეს. მე ვუთხარი, რომ ჩვენ სუვერენული სახელმწიფო ვართ, რომ ეს არ შეგვიძლია... ასეთი დიალოგი იყო. მაგრამ ისინი პირდაპირ იმუქრებოდნენ, რომ დაიწყებდნენ გვარდიის დაპატიმრებას. მე ვუთხარი: „ვერ გაბედავთ ამის გაკეთებას, რადგან ჩვენ გვარდიას უკვე მილიციის სტატუსი მივანიჭეთ“. ანუ გვარდია დარჩა, როგორც იყო, მხოლოდ ქალაქებში მოხდა ეს, მათ კი ახლა აიჩემეს, რომ გვარდია დავშალე. ეს ტყუილია...

— როგორ აფასებთ რუსეთის პოზიციას ჩრდილოეთ და სამხრეთ ოსეთის გაერთიანების შესახებ?

— ეს პროვოკაციული განცხადებაა, პირდაპირი ჩარევა ჩვენს შინაურ საქმეებში.

— პასუხს გასცემთ?

— რა თქმა უნდა, გაცემთ. ხვალ პარლამენტი იკრიბება.

— მაინც ვინ აწყობს ასეთ „პროვოკაციებს“, ბატონო ზვიად? როგორ ფიქრობთ?

— შოვინისტები. იმპერიული ძალები.

— კრემლის აგენტები?

— არ გამოვრიცხავ.

— რას გრძნობთ, როცა პარლამენტში შეურაცხყოფას გაყენებენ?

— დიახ, რა თქმა უნდა, აღშფოთებული ვარ, მაგრამ არ მინდა სისხლის სამართლის საშუალებები გამოვიყენო... პრეზიდენტის შეურაცხყოფისთვის კანონი კი არსებობს, მაგრამ სინდისი ხომ უნდა იქონიონ?

— მაგრამ როცა თქვენ თვითონ შეურაცხყოფთ პარლამენტში თქვენს მოწინააღმდეგეებს?

— იცით, ისინი ზოგჯერ მაიძულებენ, ვუპასუხო. მაგრამ ყოველთვის ვეძებ გამოსავალს. მინდა დავიჯერო, რომ ეს შესაძლებელია და ყოველი ძალით ვცდილობ.

— გასაგებია... მაინც აქამდე რატომ არ მიეცით გლეხებს მინა. გორბაჩოვმაც კი გააკეთა ეს. თქვენ ოპოზიცია ბრალს გდებთ, რომ პრივატიზაციას არ იწყებთ...

— ტყუილია! არა-არა, ეს ტყუილია!.. მაგრამ საჭიროა საკანონმდებლო საფუძველი. ჩვენ ახლახანს მივიღეთ კანონი. გავაკეთებთ.

**ტატიანა მალკინა, ანდრეი კარაულოვი („ნეზავისიმია გაზეტას“ ინფორმაცია).**

უმაღლესი კვალიფიკაციის ორმა ჟურნალისტმა, იურიდიული ჟარგონი რომ მოვიშველიო, ჯვარედინი დაკითხვის ქარცეცხლში გაატარა პოლიტიკურ ინტრიგებში გამოუცდელი პრეზიდენტი და მკითხველს მისი ნამდვილი სახე დაანახა. და ეს მოხერხდა ამ პიროვნების წინასწარი საფუძვლიანი შესწავლით.

კიდევ ერთი „პატარა“ შტრიხი — ამ ინტერვიუს სათაური. უფრო ვრცლად სათაურებზე მომავალში ვისაუბრებთ (თუ მანამდე ამ წიგნის გაცნობის სურვილი არ გაგიქრათ!), მაგრამ ნახეთ, რას არქმევენ ავტორები ამ ინტერვიუს — „ავტოპორტრეტი“.

ამით მათ „ნეზავისიმია გაზეტას“ მრავალმილიონიან აუდიტორიას არაორაზროვნად მიანიშნეს, ჩვენ, ბატონებო, არაფერი გამოგვიგონია, არც რაიმე შეგვიღამაზებია, არც რაიმე დაგვიმახინჯებია, უბრალოდ, რესპონდენტისვე ხელით შექმნილი ავტოპორტრეტი შემოგთავაზებთო.

მართლაც შესაშური პროფესიონალიზმი და გონებამახვილობაა.

სხვისი პორტრეტის შექმნით გართულებს ისიც ნუ დაგავიწყდებათ, რომ თქვენი ყოველი ჟურნალისტური ნაშრომი თქვენივე (ავტო)პორტრეტიცაა.

## ყოველმცოდნეობა საშიში სენია

ერთხელ საქართველოს მეორე პრეზიდენტმა ედუარდ შევარდნაძემ მიიღო ფრიად ორიგინალური გადაწყვეტილება — ყოველ ორშაბათს ჟურნალისტისთვის მიეცა რადიოინტერვიუ. პრეზიდენტი, ალბათ, ფიქრობდა, რომ ასეთი ნაბიჯი მას ხალხის მასებთან დაახლოებდა. ორშაბათის ინტერვიუ ყოველთვის ერთსა და იმავე ჟურნალისტს მიჰყავდა.

ქალბატონი ჟურნალისტი ამავე დროს გახლდათ პრეზიდენტის პრესსამსახურის თანამშრომელი\*, ხშირად ხვდებოდა თავად პრეზიდენტს, მის მომხრეებს და ოპოზიციონერებსაც. იგი ზედმინევნით კარგად იცნობდა პრეზიდენტის უახლოეს გარემოცვას, ტრიალებდა თითქმის ყველა პოლიტიკური მოვლენის ცენტრში. ბუნებრივია, მის განკარგულებაში იყო უზარმაზარი ინფორმაცია. ამიტომაც თუ გამოუცდელობის გამო, ძალზე სწრაფად ირწმუნა, რომ შეეძლო თვითონვე ეპასუხა პრეზიდენტისთვის დასმულ თითქმის ყველა კითხვაზე. ალბათ, ამის გამოც იყო, რომ „ორშაბათის ინტერვიუმ“ მალე დაკარგა აქტუალობა, მსმენელმა კი — მისადმი ყოველგვარი ინტერესი. პრეზიდენტის ინტერვიუ ანეკდოტების წყაროდ იქცა. კითხვა-პასუხი დაახლოებით ასე გამოიყურებოდა:

კითხვა: ბატონო პრეზიდენტო. ამას წინათ, პრეზიდენტ კლინტონთან\* შეხვედრისას აღნიშნეთ, რომ გაერომ უფრო მოქნილი და მკაცრი პოლიტიკა უნდა გაატაროს სეპარატიზმის გამოვლინებათა წინააღმდეგ. თქვენ აგრეთვე ბრძანეთ, რომ გაერო საკმაოდ „ზანტი“ ორგანიზაციაა და უჭირს გადაწყვეტილების ოპერატიულად მიღება. ასეთი მოქმედება, დამეთანხმებით, ხელს უწყობს სეპარატისტულ მოძრაობას. გაერო რომ ოპერატიულად მოქმედებდეს, საქართველო დიდი ხანია მოაგვარებდა პრობლემებს აფხაზეთთან, აზერბაიჯანი — მთიან ყარაბაღთან, რუსეთი — ჩეჩნეთთან და ასე შემდეგ. თქვენი აზრით, უნდა გარდაქმნას თუ არა მუშაობა გაერომ, უნდა ჰყავდეს თუ არა მას მობილური სამხედრო ძალა, უნდა შეეძლოს თუ არა გადაწყვეტილების სწრაფად მიღება?

პასუხი: დიახ, მართალი ბრძანდებით.

პრეზიდენტი ასეთ ლაკონიურ პასუხს იქნებ არც იძლეოდა, მაგრამ იგი ძალიან ხშირად იძულებული იყო, უბრალოდ, „გადაემღერებინა“ ჟურნალისტის ნათქვამი, ვინაიდან თავის კითხ-

ვაში ჟურნალისტიკა უკვე თქვა პასუხის ყველა შესაძლო ვერსია და პრეზიდენტს სათქმელი თითქმის არ დაუტოვა.

ჟურნალისტიკებს, მათ შორის საკმაოდ ცნობილ ჟურნალისტიკებსაც, ხშირად ერჩენებათ, რომ მკითხველს რაიმე თემაზე მათი საუბარი უფრო აინტერესებს, ვიდრე ამ საქმის სპეციალისტისა.

დიდი ხნის წინათ, საქართველოს ტელევიზიის პირველი არხით გადაცემოდა კლასიკური მუსიკისადმი მიძღვნილი გადაცემათა ციკლი. წამყვანი შესანიშნავად ერკვეოდა კლასიკურ მუსიკაში და გადაცემასაც მშვენივრად უძღვებოდა. მაგრამ მაყურებლისა და მსმენელისთვის გაუგებარი იყო ამ გადაცემაში მიწვეული სპეციალისტის მონაწილეობა — მთელი გადაცემის განმავლობაში იგი ან უბრადა იჯდა ან, თუ წამყვანი რაიმეს ჰკითხავდა, უმაღვე სიტყვას ჩამოართმევდა და საკუთარ შეკითხვას თვითონვე პასუხობდა.

თავისი სიტყვაძენობით ცნობილ საქართველოს სამხედრო მინისტრს, გენერალ თევზაძეს ერთმა ტელეჟურნალისტიკა დაახლოებით ასეთი შინაარსის შეკითხვა დაუსვა:

— ბატონო მინისტრო, ქვეყნის წლევანდელი სამხედრო ბიუჯეტი ...მილიონი ლარია. ეს თანხა ჯარის მხოლოდ გამოკვებისთვისაც კი არ არის საკმარისი. იარაღის შეძენასა და სამხედრო მომზადებაზე ლაპარაკიც ზედმეტია. არა გვყავს საშუალო და უმცროს მეთაურთა შემადგენლობა. ამას ზედ დაერთო ბიუჯეტის სეკვესტრი, რომელმაც თქვენი უწყების ფინანსური შესაძლებლობები კიდევ 30 პროცენტით შეამცირა. ასეთ ვითარებაში, შევძლებთ თუ არა დაკარგული ტერიტორიების იარაღის ძალით დაბრუნებას?

ჟურნალისტიკა ამ შემთხვევაშიც ყველაფერი იცის, ყველაფერს ამბობს და „სანყალ“ მინისტრს სათქმელს არაფერს უტოვებს. ამიტომ გენერლის პასუხიც უკიდურესად ლაკონიური და გროტესკულია:

— თქვენ რას ფიქრობთ?

ერთ-ერთი საპრეზიდენტო არჩევნებისას საქართველოს ტელევიზიის პირველი არხით გადაიკვ ვრცელი ინტერვიუ შევარდნაძესთან. აქ უცნაური, რა თქმა უნდა, არაფერია. უფრო ზუსტად, არაფერი იქნებოდა, ერთი გარემოება რომ არა — ინტერვიუ მოქმედი პრეზიდენტის და მომავალი ასპროცენტიანი პრეზიდენტის, ედუარდ შევარდნაძის უახლოეს მრჩეველს, გელა ჩარკვიანს მიჰყავდა.

ეტყობა, ვილაც ძალიან „ჭკვიანმა“ ურჩია პრეზიდენტს, რომ თუ ინტერვიუს ჩარკვიანი წაიყვანდა, ეს ამომრჩეველთა თვალში უფრო პრესტიჟულად გამოჩნდებოდა. სინამდვილეში, ფოლკლორიდან კარგად ცნობილი გუგულისა და მამლის დიალოგი გამოვიდა — კორესპონდენტი სამი საათის განმავლობაში განუწყვეტლივ ხოტბას ასხამდა რესპონდენტს. ამ გადაცემით, სავარაუდოა, შევარდნაძემ ამომრჩეველთა რამდენიმე ათეული ათასი ხმა დაკარგა.

ასეთი მაგალითების მოყვანა მსოფლიოს ყველა ქვეყნის პრესიდან შეიძლება. მდიდარი ინფორმაცია ხშირად აცდუნებს ხოლმე ჟურნალისტს — გაზვიადებულ წარმოდგენას უქმნის საკუთარ შესაძლებლობებზე. მას ხშირად ავიწყდება (ან შეგნებულად ივიწყებს!), რომ მკითხველს სამხედრო ამბების შესახებ ჟურნალისტისაზე მეტად გენერლის აზრი აინტერესებს, პოლიტიკის შესახებ — პრეზიდენტისა, მათემატიკის შესახებ — მათემატიკოსისა, ფეხბურთის შესახებ — მწვრთნელისა და ა.შ. **თუ არ გსურთ, სასაცილო ვითარებაში აღმოჩნდეთ, ნუ ეცდებით საკუთარი ცოდნის დემონსტრირებას — ეს თქვენი ნაწერიდან თუ ნათქვამიდან ისედაც გამოჩნდება. იმასაც ნუ დაივიწყებთ, რომ არიან ადამიანები, ვისაც ნებისმიერ დარგში თქვენზე განუზომლად მეტი ინფორმაცია აქვთ.**

ბევრმა ჟურნალისტმა საკმაოდ კარგად იცის ფსიქოლოგია, ფილოსოფია, ისტორია, პოლიტოლოგია, სამხედრო საქმე და ა.შ. შეუძლია სწორი დასკვნების გამოტანა და მომავლის წინასწარმეტყველებაც კი. თუ გავითვალისწინებთ, რომ ჟურნალისტს, პარლამენტის წევრისგან განსხვავებით, არა ჰყავს ოპონენტი, რომელიც დაუყოვნებლივ მიუთითებდა შეცდომაზე, მართლაც დიდია საკუთარი ცოდნა-განათლებით ნაკეკლუცების ცდუნება. რას ვიზამთ, ჟურნალისტებიც ადამიანები არიან და ადამიანური სისუსტეები არც მათთვის არის უცხო. მართალია, საკუთარი ცოდნით კომპლიაქსისთვის კანონმდებლობაში რაიმე სასჯელი არ არის გათვალისწინებული, მაგრამ სავესებით შესაძლებელია, ერთობ სასაცილო ვითარებაში ჩაიგდოთ თავი.

**ჟურნალისტის ნაშრომი (როგორც მწერლისა) აისბერგს უნდა ჰგავდეს — ხილული მისი მცირე ნაწილი უნდა იყოს. თუ საკუთარ საქმეს მაღალ პროფესიულ დონეზე ასრულებთ, მკითხველს აისბერგის ხილული ნაწილიდან მისი მთლიანი მოცულობის წარმოდგენა სულაც არ გაუჭირდება, მკითხვ-**



**ელს თქვენი ცოდნის და ტალანტის დადგენა თქვენი დაწერილი რამდენიმე წინადადებითაც კი შეუძლია. ასე რომ, თუ თავის გამოჩენა გსურთ, ნუ ეცდებით თავის გამოჩენას.**

ერთ ჭკუის სასწავლებელ ისტორიას გაიმბობთ:

1988 წლის ზაფხულში რედაქციაში მეცნიერი-მათემატიკოსი გვესტუმრა. ეს იყო ორმოცდაორი-ორმოცდასამი წლის კაცი, მეცნიერებათა დოქტორი. ბატონი ზურაბი ამტკიცებდა, რომ მან ამოხსნა დღემდე საიდუმლოებით მოცული განტოლება. მისი სიტყვებით, ამას გლობალური მნიშვნელობა ჰქონდა. ამტკიცებდა, რომ სამეცნიერო წრეები ხელოვნურად აჭიანურებდნენ მის აღიარებას, ვინაიდან მეცნიერებათა აკადემიის ზოგიერთ ჩინოვნიკ-მეცნიერს ამ აღმოჩენის მითვისება სურდა, ზოგს მისი შურდა, ხოლო სხვას — მისი არ ესმოდა.

უმაღლეს სამეცნიერო წრეებში შურთანობა სულაც არ არის ახალი ამბავი და არც გამკვირვებია. რწმენა ამ კაცის გენიალურობის თაობაზე მის რამდენიმე კოლეგა-მათემატიკოსთან საუბრის შემდეგ კიდევ უფრო განმიმტკიცდა. მეცნიერებათა აკადემიის ერთ-ერთ ხელმძღვანელსაც შევხვდი და ისიც დავადგინე, რომ ბატონ ზურაბს ინგლისის ერთი პრესტიჟული უნივერსიტეტი ეპატიჟებოდა.

ფორმულების ჯუნგლებში თვენახევრის ხეტიალის შემდეგ გაზეთში ბატონი ზურაბისა და მისი აღმოჩენის თაობაზე საკმაოდ ვრცელი წერილი გამოვაქვეყნე. გულის ფანცქალით ველოდი რეაქციას სამეცნიერო წრეებიდან. ყოველ შემთხვევაში, იმ ადამიანებიდან მაინც, ვინც ჩემს სტატიაში რეტროგრადებად მოვიხსენიე.

თქვენც არ მომიკვდეთ, არავითარი გამოსხმარება!

შეიძლებოდა მეფიქრა, რომ გავიმარჯვე, მაგრამ ბატონ ზურაბსაც რომ არავინ შეეხმინა, ამან დამაეჭვა.

კიდევ ერთხელ გადავამოწმე ჩემს ხელთ არსებული მასალები. კიდევ ერთხელ ვესაუბრე სპეციალისტებს და კიდევ ერთი სტატია გამოვაქვეყნე. ისევ დუმილი. მხოლოდ ნოემბრის ბოლოს დამირეკეს მეცნიერებათა აკადემიიდან და ბატონ ზურაბთან ერთად მიმიწვიეს.

დათქმულ დროს მივედით. კაბინეტში რამდენიმე დარბაისელი მეცნიერი გველოდა. კედელზე დაფა ეკიდა და ზედ სწორედ ის ბედნავსი განტოლება ეწერა. ბატონ ზურაბს ტაქტიანად სთხოვეს მისი ამოხსნა. მანაც დაიწყო, მაგრამ მალევე შეაჩე-

რეს და მსჯელობაში ხარვეზზე მიუთითეს. ბატონი ზურაბი ჯერ დაიბნა, მერე განინმატდა და, თუმცა, მისთვის ხმა უბატონოდ არავის გაუცია, გაგულისებულმა მიგვატოვა.

პატივცემულმა მეცნიერებმა ძალიან უბრალოდ ამიხსნეს, რომ ეს განტოლება მართლაც ყოფილა თეორეტიკოსი მათემატიკოსების მრავალი თაობის ვნებათაღელვის საგანი. საბოლოოდ, მეცნიერებას დაუდგენია, რომ ეს იყო ამოუხსნელი ფორმულა, „მათემატიკური თამაში“. ბატონ ზურაბს არავინ არ ჩაგრავს და მისი ნაშრომის მითვისებასაც არავინ არ აპირებს, ვინაიდან ამას არავითარი აზრი არა აქვსო. რაც შეეხება საზღვარგარეთ მიწვევას, ბატონი ზურაბი ცოტა ახირებული, მაგრამ უდავოდ ნიჭიერი ადამიანია, თუ თავისი თეორიული კვლევის სფეროს შეცვლის, წარმატებების მოპოვებაც შეუძლია და იმიტომაც იწვევენო.

ბატონი მეცნიერები თავის დროზე იმიტომ არ გამომეხმაურნენ, რომ მიხვდნენ, შევცდი. ისინი გაზეთის და, იქნებ, ჩემს სახელსაც გაუფრთხილდნენ. მადლობის მეტი რა მეთქმის. იმავე მეცნიერებს ძალიან მწარედ რომ გავეკრიტიკებინე, ღირსი ვიყავი — დავისჯებოდი ზედმეტი თავდაჯერებულობის გამო.

## თავი III

### სტატია ინყება სათაურიდან

#### სათაური

შეიძლებოდა ასეც გვეთქვა და ჭეშმარიტებასთან უფრო ახლოს იქნებოდა — ნამება ინყება სათაურიდან. დაუკვირდით: მსოფლიოს არც ერთი ქვეყნის არც ერთ გაზეთში უსათაურო სტატია არ ქვეყნდება. ეს იმიტომ ხდება, რომ საგაზეთო პუბლიკაციის კომპოზიციაში სათაური სრულიად განსაკუთრებულ, შეიძლება ითქვას, უნიკალურ ფუნქციას ასრულებს: სათაურად გამოტანილი ის ერთი ან რამდენიმე სიტყვა უნდა შეესაბამებოდეს პუბლიკაციის შინაარსს; უნდა იყოს ლაკონიური და გონებამახვილური; მკითხველს უნდა აიძულებდეს, გაეცნოს პუბლიკაციას. რთული ამოცანაა? — დიახ, რთულია და სწორედ ამის ბრალია, რომ ძალიან ხშირად თვით გამოცდილი ჟურნალისტებიც კი ცდილობენ, როგორმე თავიდან აიცილონ სტატიის დასათაურების შრომატევადი პროცესი. ამას ისინი უბრალოდ და გენიალურად ახერხებენ — რედაქტორთან უსათაურო სტატიები მიაქვთ.

ზოგი რედაქტორი ამას გაგებით, შემწყნარებლურად ხვდება, ზოგი ბუზღუნებს, ზოგი ბობოქრობს, მაგრამ, საბოლოოდ, ყველაფერი თავის ადგილას დგება: ყველა რედაქციაში მოიძებნება ერთი ან რამდენიმე ადამიანი, ვინც იცის, რომ სათაური სადღაც სტატიის სტრიქონებში (შინაარსში) ან სტრიქონებს შორის იმალება. უფრო ხშირად, მნიშვნელოვანი სტატიის სათაურს გუნდური წესით ეძებენ — რამდენიმე ადამიანი გულმოდგინედ ეცნობა სტატიის შინაარსს და ყველა თავის ვარიანტებს წერს. მერე ყველა ერთად ირჩევს ერთ შეჯერებულ ვარიანტს. ბევრ სერიოზულ გაზეთს სათაურის ოსტატის ერთი ან რამდენიმე მტატიც კი აქვს.

1985-1990 წლების მოდელის გაზეთ „თბილისს“ სტატიის დასათაურების ერთდროულად რამდენიმე დიდოსტატი ჰყავდა — თვით მთავარი რედაქტორი არჩილ გოგელია, ჟურნალისტები — ლია გოდერძიშვილი, ირაკლი ბერიაშვილი და ნანა ჯოხარიძე. „7 დღეში“ სათაურის გამოგონების გუნდური თამაში ვირტუოზულობამდე იყო აყვანილი და მასში რედაქციის თითქმის ყვე-

ლა თანამშრომელი, მათ შორის, ტექნიკური მუშაკებიც სიამოვნებით მონაწილეობდნენ.

სათაური არ არის რაიმე განყენებული ცნება. ის არის, თუ შეიძლება ასე ითქვას, მთელი სასათაურე კომპლექსის ერთ-ერთი (და მთავარი!) ელემენტი. თუ პროფესორ ვ.ი. ჩერედნიჩენკოს დავესხებით, **სასათაურო კომპლექსი შედგება ისეთი ელემენტებისგან, როგორცაა ანონსი, რუბრიკა, გაზეთის თემატური სვეტის დასახელება, ლიდი, საკუთრივ სათაური, ქვესათაური, ჩანართი ტექსტში.** პრესის აღქმის ფსიქოლოგიის კანონებით, მკითხველის მიერ წასაკითხი (გასაცნობი) მასალის შერჩევისას გადამწყვეტი როლი სწორედ სასათაურო კომპლექსს ენიჭება. ამ კომპლექსში კი ყველაზე მნიშვნელოვანი ადგილი საკუთრივ სათაურს უჭირავს.

პროფესორი ჩერედნიჩენკო იქვე ფრანგ კრიტიკოსს, ლუი ფორესტსაც იმონებს: **„კარგად დასათაურებული კარგი წიგნი აუცილებლად მოიპოვებს წარმატებას; ცუდად დასათაურებული კარგი წიგნი ვერასოდეს ვერ მოიპოვებს წარმატებას, კარგად დასათაურებულმა ცუდმა წიგნმა შესაძლოა მოიპოვოს წარმატება“.**

დავუბრუნდეთ სათაურის ფუნქციას. ჟურნალისტიკის ბევრი თეორეტიკოსის აზრით, ზოგ ნაშრომში (სტატიაში) სათაური მხოლოდ ასახელებს პრობლემას, რომლის გადაჭრის მცდელობა შემდეგ მოცემულია ტექსტში; სხვაგან — სათაური ტექსტში მოცემული შინაარსის თეზისი შეიძლება იყოს; ზოგჯერ კი ეს არის ე.წ. კოდი, ტექსტის გასაღები, რომლის გაშიფვრა მხოლოდ ტექსტის გულისყურით ნაკითხვის შემდეგ არის შესაძლებელი.

1994 წელს უცნობმა პირებმა დაუდგენელი მიზნით მოკლეს პრეზიდენტ შევარდნაძის ფონდის ხელმძღვანელი სოლიკო ხაბეიშვილი. პრესამ ძალიან მტკივნეულად აღიქვა ეს თავხედური მკვლელობა. ერთ-ერთი საგაზეთო პუბლიკაციის სათაური ასე იკითხებოდა: **„ვინ მოჰკლა სოლიკო ხაბეიშვილი?!“** ტექსტში მოცემული იყო მკვლელობის რამდენიმე შესაძლო ვერსია. ცნობილი დისიდენტის და პოლიტიკური მოღვაწის, გია ჭანტურიას მკვლელობასთან დაკავშირებით, გაზეთმა **„დრონმა“** გამოაქვეყნა ვრცელი სტატია ორიგინალური სათაურით — **„მე მოვკალი გია ჭანტურია“.** რა თქმა უნდა, გია ჭანტურია სტატიის ავტორს არ მოუკლავს. იგი გამოძიების მასალებზე დაყრდნობით და მკვლელობის შემდეგ განვითარებული მოვლენების ანალიზის საფუძ-



### როგორ დაიჭიროთ სააკაშვილი

საღ ჩახახოს იუსტიციის საბინისტროს კაბინეტი 806 ლარის ბანკნოტი



### ასლანა თევზის შეურთოვა გადათელა

„ოცდაათე საათში დაგვანდრის“ ანუ ძველის „ალურჩინებას“ რა უნდა

სამს. ტ. მინაძე

25-3

საქართველო

2012 წ. 19 ივნ

საქართველო

საქართველო

საქართველო

საქართველო

საქართველო

საქართველო

საქართველო


საქართველო

საქართველო

# ვერსია

შეგნებულნი გყავთ - ბავშვის ირგვლივ

როგორ ფიქრობთ, უნდა მოხდეს თუ არა პროტიპოვის ლეგალიზაცია?



## „გაგიჟო, მე კინაღა პანკისში ამოწყავი თავი“



აბრკორტის გზაზე „ახალი ვერსიის“ გამომცემლის ოჯახზე თავდასხმას ცდილობდნენ

2-4

### ბრძოლა „ახალი ვერსიის“ და „კოზმოსის“ წინააღმდეგ

„ციხე შევიდნენ ტყუილად“ - მეთოდი, რომელსაც კარგად იყენებენ

4

### ალეო ქარბოია მიხილ სააკაშვილს შუაზე

„გლეჯილი პრინციპით“ ახლა მასწავლებლები შეგვიბრუნენ



7



## ვინ ესვრის პირველ ქვას ქართველ ბეჭავს

### ქოქოლის სემოზის დასველებას მიივ ღვავი ელით



3

მიანც რა დვრია ასეთი მხაროს გზადაღებულ დოკუმენტში



### საითაზ მიღის ნაკომანისი - მონიარულ მხარეებს გზა

საქართველოში ნარკომანია სამკურნალო სპეციალური ცენტრი არ არის

13

### „ფეხბრუნა ანარია არ აჩივს“

კომუნისტები ეროვნულ მოძრაობას ასეთი ლოზუნგებით უპირისპირდებიან



10

19 თეშურ ბაბლანის: „ფიქრით აშენებული ძველები არ არსებობს“

20 სალი გვიანობა: „ათი წლის რუმ ვიგავი, მოდილობა მოვიდა“

23 ლეიან ლომიძის ძვრთული გლეჯ-გზავი რუსულ სცენას იყვროს

25 საჩუქარი კინოთეატრ ქოვგასავან

პროსპორდები 17, 18, 20, 21, 27, 28 ტელეპროგრამები 22 საოჯახო 17


# ველოსის უწყებანი



\* 28  
თიბერპალი

№ 21 (32)

ქვეყნის უწყებანი • დარბეჯი 1828 წ. • გამოცემა განიხილა 1996 წ. • 1997 წ. • გამოცემა ორშაბათობით, ოთხშაბათობით და პარასკობით • ყველა 40 თვედ



## პარლამენტი მიცაში იჩიქანუა

მცხეთის რაიონში, სოფელ ჩარდახში, წყრიანის ყოფილი მუწუნების ტერიტორიის დანაწილებამ და აჯაიანი გადაცემამ ადგილობრივი მოსახლეობის უკმაყოფილება გამოიწვია. საქმე ის არის, რომ აღნიშნული ტერიტორიის საუკეთესო მიწა-აგური (400 ჰექტარი) პარლამენტის სამუხრუტო სამსახურმა იჯარაში აიღო. მაშინ, როდესაც მოსახლეობისთვის ვერ კიდევ არ არის მოწოდებული მისთვის საკუთრება. ამჟამად მოქმედი განიხილვის თისახსნად კი სწორედ მათ ენიჭებათა უმარატესობა მისთვის შეპატრონებობაში.

3

## ონკოლოგიური მკურნალობა უფასო იქნება

დაიდგინდება ამის თაობაზე ოროდენ დღეში გამოცხადდება.  
შარში ვანდადვის სამინისტროს მხრე გამოყოფილი 390 000 ლარიანი ონკოლოგიის სამედიცინო ცენტრში სახელმწიფოს დახვედითი იმ-

კურნა 350-მა იგიდროფმა წელს ამ საცმანო-ურს გეოლოგიან-რეზული იყო 1077000 ლარი პარლამენტის 23 თებრელის სხდომაზე დეპუტატმა შალვა ნათელაშვილმა განაცხადა, რომ მოუტყვის მოდების მართა არ დედებრედი თუ სახელმწიფო თვისის თებრე არ იდებდა ონკოლოგიურ დიფიდებთა მკურნალობის ხარჯებს. მას შარში დეფარტე სხვი დებუბებებზე ფინანსო მინისტრმა გამოიხილა რეზერვები და გაიანყდა ვანდადვის-თვის გამოყოფილ სახსრებს დანახატის 3300 000 ლარი საუკეთესოდ ონკოლოგიური პრობლე მების მოსაგერებოდ. რიცე იმის ხოშტე, რომ ონკოლოგიური სამედიცინო ცენტრს წელს 5000 იგიდროფის უმკურნალებს უფასოდ.

## NATO

ზივს დიდი  
თივალევი აბვს

3



აზხაზაიტი  
შეტეგებები  
ვრძელდებთ

4

მუშების  
ბინეფა

5



ზადარია ფალიაზვილი  
ტრიბეტიხი არეიციდინ

6

მზატვარი  
თამაზ  
ბებებბბმ



7

## სპორტი 11

MENU

მიზიარე, ვისთან ერთად  
გვინახავ და გეტყვი,  
რა გეისაზმერება.  
სტენდარსა ლედი

# ასაჰად დასაჰადი

2002 წლის  
25 თებერვალი - 3 მარტი  
N9 (394)  
ფანი  
50 თეთრი

**უღანაგაულო ბენეფიცი  
დაგეგნება**



უღანაგაულო ბენეფიცი  
დაგეგნება

20-4 ზ.ბ.

**ნაზარ ჩუხუა:**

**პრეზი-  
დენტს  
«მუხა»  
მე პესროლი!**



20-4 ზ.ბ.

**რუსეთის იმპერიის  
ბპირბპირნი**

**პირიკი  
პუზირბპირნი**



20-7 ზ.ბ.

**რამაზ  
ჩხიკვაძე: გვიგეთ,  
მეზიოფაზა პოლიტიკა!!!**



20-3 ზ.ბ.

**კასი,**

**კომპლან  
დღაგინან  
შემოუშვარ,**



20-11 ზ.ბ.

**კოპა დავითაშვილი:**

**პინე პისტან  
არის  
შეკ-  
რუ-  
ლი?!**



20-5 ზ.ბ.

**ანა კალანდაია:**


**გული  
არაპისტინს  
გადავიშლია!**



20-8 ზ.ბ.

**ანთოლოგიადან  
ამოხეული ლექსი**

ანუ რეორი  
25 თებერვალი  
გუთია  
კოლაუ  
ნაღარაქმე  
გამომცემ-  
ლობის  
მუშაკებს



20-6 ზ.ბ.

**„სალონი“ უჩვეულო სტუმრები  
ურვეულო აგაღლაგები**



20-12 ზ.ბ.

**გიმინა პარათაშვილი:**

**პერა, პერ  
შეპქელი  
გარდაცხ-  
ლილი  
დღის  
ნახა...**



20-9 ზ.ბ.

**ცხნფალის  
თეატრის  
მსახიობი მამუკა  
ბაგლია შველი  
შეგარუნაძეს  
ერთ ყუთი წებოს  
სუგანის!**



20-6 ზ.ბ.

**ერთი სიზმრის  
იმპერია**

**პრიანა**



20-2 ზ.ბ.

ველზე ამტკიცებდა, რომ გამოძიება თავიდანვე არასწორი გზით წარიმართა და მკვლევარობაში ეჭვმიტანილის როლში, შესაძლოა, ნებისმიერი ჩვენგანი აღმოჩენილიყო. ორივე შემთხვევაში, სათაურში გამოტანილია პრობლემა, რომლის გადაჭრის მცდელობა შემდეგ მოცემულია ტექსტში. ტექსტში მოცემული შინაარსის ერთ-ერთი თეზისის სათაურად გამოტანის ნიმუშებად შეიძლება ჩაითვალოს ასეთი სათაურები: „თუ ხვალინდელზე არ ვიზრუნეთ, ზეგინდელზე ფიქრი არ დაგვჭირდება“, „ვალები მომავალი თაობებისთვის“ (**„მიმომხილველის“ ინფორმაციები**).

პირველ სტატიაში საუბარია, ზოგადად, განათლების პრობლემებზე, მეორეში — საქართველო-თურქმენეთის ეკონომიკურ ურთიერთობებზე.

ახლა, რაც შეეხება ე.წ. კოდირებულ სათაურებს. 1994 წელს გაზეთ „დრონი“ გამოქვეყნდა საკმაოდ ვრცელი ანალიტიკური წერილი სათაურით „განდაგანა“. ერთი შეხედვით, სათაური ამავე სახელწოდების პოპულარული ქართული ხალხური ცეკვის (იგივე — „აჭარული“) ასოციაციას იწვევს. სტატიაში მართლაც ხშირად გვხვდება სიტყვები „აჭარა“, „აჭარელი“, „აჭარული“ და ა.შ. მაგრამ აქ საუბარია არა მშვენიერ აჭარულ ცეკვაზე, ან უგემრიელეს აჭარულ ხაჭაპურზე, არამედ საქართველოს ცენტრალური ხელისუფლებისა და საქართველოს ერთ-ერთი რეგიონის, აჭარის ხელისუფლების ურთიერთობაზე. კერძოდ, აჭარის ხელისუფლების ცენტრალურისადმი ფაქტობრივ დაუმორჩილებლობაზე, მის ოჩნობასა და საქართველოსგან გან და გან თავის დაჭერაზე. მკითხველისთვის სათაურის ნამდვილი მნიშვნელობა მხოლოდ სტატიის შინაარსის გაცნობის შემდეგ ხდება ცხადი.

ერთი ასეთი მხიარული მაგალითიც. გაზეთმა „დრონი“ 1992 წელს გამოაქვეყნა მომცრო ინფორმაცია მყვირალა სათაურით „ირაკლი წერეთელმა ნატო შეაცდინა“.

ნატო, მოგეხსენებათ, საქართველოში და მთელ მსოფლიოში გავრცელებული ქალის სახელია. ერთი შეხედვით ჩანდა, რომ ახალგაზრდა ხმაურიანმა პოლიტიკოსმა მართლაც ვინმე ქალბატონი ნატო შეაცდინა. რა თქმა უნდა, მსგავსი არაფერი მომხდარა — ერთ-ერთ პრესკონფერენციაზე წერეთელმა ჩვეულებრივ ნაიტრაბახა, მე NATO — ჩრდილო ატლანტიკური სამხედრო ბლოკი — გავაცუცურაკეო. სტატიის (თუ სათაურის!) ავტორმა კი ცოტა „იეშმაკა“ და აბრევიატურა NATO ჩვეულებრივი ქარ-



თული ასოებით დანერა, რითაც ერთბაშად „დაშიფრა“ მთელი სათაური.

აღნიშნულის გარდა, საგაზეთო სათაური შეიძლება იყოს ინფორმაციული, ნომინაციური, ემოციურ-შეფასებითი, სარეკლამო, ინტეგრაციული, კომპოზიციური. ეს ჩამონათვალი შეიძლება გაგრძელდეს, სათაურებზეც შეგვიძლია კიდევ ბევრი ვისაუბროთ, მაგრამ მთავარი მაინც უკვე ნათქვამია — სათაური საგაზეთო სტატიის უმნიშვნელოვანესი ელემენტია. მან მკითხველის ყურადღება უნდა მიიქციოს, ტექსტის წაკითხვამდე დააინტერესოს; ტექსტიდან გამოჰყოს ყველაზე მნიშვნელოვანი, მკითხველს მიანოდოს წინასწარი ინფორმაცია, გაუადვილოს იმ უმთავრესის აღქმა, რისთვისაც მოცემული სტატია დაინერა. და, რაც მთავარია, დაეხმაროს მას სტატიის დამახსოვრებაში. სწორედ ის სტატია არის კარგი და მნიშვნელოვანი, რომელიც მკითხველს სათაურით ახსოვს.

ერთი პოპულარული ქართული ანდაზა გვამცნობს, თუ ურემი შეშას ვერ მოიტანს, იგი ხომ თვითონ შეშააო. წარმოვიდგინოთ ასეთი ვითარება — მთელი გაზეთი მხოლოდ სათაურებითაა გადავსებული. ასეთ შემთხვევაში, სათაური თვითონ ასრულებს ტექსტის მოვალეობას, თვითონ არის ინფორმაცია. გადახედეთ თანამედროვე გაზეთების პირველ გვერდებს და ამაში თავად დარწმუნდებით.

ეს მხოლოდ პირველი გვერდებია და მას თავისი ფუნქცია აქვს. მთელი გაზეთის მხოლოდ სათაურებით შევსება მართლაც ცოტა სასაცილოა, მაგრამ უნდა გავითვალისწინოთ, რომ XXI საუკუნის უკიდურესად საქმიან ატმოსფეროში ჩამოყალიბდა მკითხველთა უზარმაზარი არმია, რომელიც ინფორმაციას იღებს... სათაურებიდან. ამიტომ დღის წესრიგში კიდევ ერთი საჭირობო პრობლემა დგება — სათაურისა და ტექსტის შესაბამისობა, უფრო ზუსტად, სათაურისა და ტექსტის ურთიერთგავლენა და ურთიერთდამოკიდებულება. ყველაფერი გასაგები რომ იყოს, ასეც შეიძლება ვთქვათ: ზოგჯერ სტატიის ტექსტი შობს სათაურს, ზოგჯერ სათაური შობს სტატიის ტექსტს. მეტიც, **თუ სათაური ძალიან მახვილგონივრულადაა ნაპოვნი, შეიძლება ამ სათაურის თემაზე სტატიების მთელი ციკლი შეიქმნას.**

რა თქმა უნდა, უმჯობესია, ჯერ საკუთრივ სათაური ვიპოვოთ და სტატიის ტექსტი მერე დავწეროთ. ასეთ შემთხვევაში,

ავტორი უფრო დისციპლინებული და მიზანდასახული ხდება. **ტექსტის მთავარი მიმართულებიდან გადახვევა, ფუჭი წი-  
ალსვლები და ზედმეტი სიტყვაუხვობა თითქმის გამორიცხ-  
ულია.**

თვალშისაცემი სათაურების გამოგონებისას, მუდამ უნდა გახსოვდეთ, რომ არსებობს ზომიერება. არ შეიძლება „დაუკრე-  
ფავში გადასვლა“, ანუ თქვენი საგაზეთო მასალისთვის მისი სა-  
თაურით იმაზე მეტი მნიშვნელობის მინიჭება, ვიდრე მას სინამდ-  
ვილეში აქვს. წიგნიერი მკითხველი ისევე იოლად გრძნობს უმ-  
ციერეს გადაჭარბებას, როგორც სიმფონიური ორკესტრის დირი-  
ჟორი — ყალბ ნოტს.

1998 წლის მაისში გაზეთ „ალიაში“ გამოქვეყნდა ინფორმა-  
ცია სათაურით: „თევდორაძისთვის მოწყობა მისაღებია, მაგრამ  
ასე არა“. თავად ინფორმაციაში კი პარლამენტარი ელენე თე-  
ვდორაძე, საერთოდ, ნახსენებიც არ არის — სხვა პარლამენ-  
ტარის, გერმანე ფაცაცციას მოსაზრებაზეა საუბარი!

ახლა ორიოდ სიტყვა იმის თაობაზეც, როგორი სათაურები  
არ უნდა იყოს თანამედროვე პრესაში. სანიმუშოდ 1991 წლის  
მოდელის გაზეთი „თბილისი“ ავიღოთ;

- **თავისუფალ საქართველოში ეს ტყეც იშრიალებს;**
- **ახმეტელები და წალენჯიხელები თბილისში;**
- **ხეხილიც მოგვიძღვნეს ნობათად;**
- **იმპერიული, თავსმოხვეული კანონები — როდემდე?**
- **ერთობა ჩვენი ტახტია;**
- **ლამაზი ჰანგები — პატარებს;**
- **ნაგავი საბავშვო ბალის კარებთან;**
- **მტრის ჯიბრზე დაიზრდებიან!;**
- **ბაზარი, მისი არსი და მნიშვნელობა;**
- **მკაცრად დავიცვათ მოთხოვნები.**

და მრავალი, მრავალი სხვა. ბუნებრივია, ამგვარი სათაუ-  
რების წაკითხვის შემდეგ, მკითხველს ძირითადი ტექსტის გაც-  
ნობის ყოველგვარი სურვილი გაუქრება. სანიმუშოდ „თბილისი“  
იმიტომ ავირჩიე, რომ იგი ტრადიციული ოფიციალური წარმომად-  
გენელია. უფრო ზუსტად, ასეთი იყო 1991 წელს. პოსტკომუნის-  
ტურ, გარდამავალ ეპოქაში დასათაურების ასეთი ტენდენცია  
მეფობდა და ამ ერთი შეხედვით სასაცილო სათაურების გამო,  
რაიმე სერიოზული დასკვნის გამოტანა სარისკო საქმეა. კიდევ  
ერთხელ გავიმეორებ, რომ ეს არის პრესის ისტორია, ანუ ეს არც

შეცდომაა და არც პრესის საწინააღმდეგო რაიმე შეგნებული ქმედება. ეს არის მართვის კომუნისტური სისტემის გამოვლენა პრესაში. თუმცა, ვიმეორებ, 1991 წელს საქართველოში კომუნისტური რეჟიმი დე იურე აღარ არსებობდა. რატომ გააგრძელა „თბილისმა“ და ზოგმა სხვა გაზეთმა კომუნისტური ტრადიციები, ამის ახსნას მაშინ შევეცდები, როცა ზოგადად ხელისუფლებისა და პრესის დამოკიდებულებაზე ვისაუბრებთ.

მანამდე კი განსასჯელად კიდევ ერთ სათაურს შემოგთავაზებთ. სტატია, თუ არ ვცდები, 1992 წელს გამოქვეყნდა გაზეთში „კოლხური კომკი“: **„საბჭოთა ეთნოფაბრიკაციული შინაარსის დაკანონება და „რესპუბლიკის სახელის მატარებელი ხალხის“ დივერსიული სააზროვნო სტილისტიკის აღიარება“**.

როგორც წესი, ასეთი სათაურები (და, შესაბამისად, მაღალფარდოვანი ტექსტები), პრესაში ჩნდება რევოლუციური სიტუაციების დროს ან ე. წ. გადამავალ პერიოდებში. ერთი სიტყვით, იმ დროს, როცა ნოყიერი ნიადაგი იქმნება შარლატანობისთვის.

ამას, რა თქმა უნდა, არავითარი კავშირი არა აქვს ყურნალისტიკასთან, მაგრამ იგი არსებობდა და, ალბათ, მომავალშიც იარსებებს. მთავარია, არ შევცდეთ და ამგვარ ტექსტებში რაიმე სიბრძნის ძიება არ დავინყოთ — ადამიანების უმრავლესობა ხომ საკუთარი უფიცობის დაფარვას ხშირად უშინაარსო მაღალფარდოვნებით ცდილობს.

## პირველი გვირდო

პირველ გვერდს დაახლოებით ის ფუნქცია ეკისრება მთლიანად გაზეთისთვის, რაც სასათაურო კომპლექსს — საგაზეთო პუბლიკაციისთვის, ან „ქუდს“ და ანონსს — სატელევიზიო პროგრამისთვის.

ტელევიზორის ყურებისას ან რადიოს სმენისას ადამიანი შედარებით პასიურია — სავარძელში, ან, სულაც, სანოლში მოკალათებული თავს მაინცდამაინც არ იწუხებს — ზანტად ირჩევს პროგრამებს და ცდილობს მაქსიმალური კომფორტი შეიქმნას. რადიო ან ტელევიზორი მისთვის ინფორმაციის მიმწოდებლის გარდა, დასვენების უებარი საშუალებაა და ხშირად ძილის წამლის მოვალეობასაც ასრულებს. ამის გარდა, მოაზროვნე ადამიანების უმრავლესობას, ცოცხალი არ იყოს, აღიზიანებს მეტისმეტად

ჭკვიანური, დამრიგებლური ხასიათის ტელე და რადიოგადაცემები. ამის მიზეზი ძალიან უბრალოა — ერთი ტელე ან რადიო გადაცემის ფორმატში, მით უფრო, თუ ამ გადაცემაში რამდენიმე ადამიანი მონაწილეობს, რაიმე გარკვეული დასკვნის გამოტანა თითქმის შეუძლებელია — ყველა მონაწილეს თავისი სიმართლე აქვს და მისი გადარწმუნება მხოლოდ უიშვიათეს შემთხვევაში თუ ხერხდება. თანაც, ადამიანებს უყვართ ტელეკამერების წინ კეკლუცობა — ეძებენ ლამაზ სიტყვებს და გამოთქმებს, უადგილოდ ოხუნჯობენ ან ენამწარობენ, ცდილობენ თავი ოპონენტზე ჭკვიანად წარმოადგინონ... ამასობაში ხშირად თვით კამათის საგანიც კი სადღაც იკარგება. ამას დაუმატეთ გადაცემებში სარეკლამო რგოლების ხშირ-ხშირი ჩართვაც.

რა თქმა უნდა, ელექტრონულ მედიას ბეჭდურთან შედარებით ბევრი უპირატესობა აქვს. მეოცე საუკუნის მინურულს იმასაც ხშირად იმეორებდნენ, რომ გაზეთის ეპოქა მალე ისტორიის კუთვნილებად იქცეოდა, მაგრამ როცა საუბარი ფართო გაგებით ეხება ანალიტიკურ მასალებს, აქ ბეჭდური პრესის უპირატესობა აშკარაა. ყოველ შემთხვევაში, ასე იყო XXI საუკუნის დასაწყისში.

თუმცა, მომავალში რაც უნდა მოხდეს, ჟურნალისტიკას მაინც არაფერი ემუქრება — აზრების წერილობით გადმოცემის საჭიროებაზე კაცობრიობა უარს, ალბათ, ვერასოდეს ვერ იტყვის.

სულ ახლახანს თქვენ ნახეთ რამდენიმე გაზეთის პირველი გვერდები. ეს არის, არც მეტი, არც ნაკლები, გაზეთის მოკლე შინაარსი. მითითებულია, რომელ გვერდზე რა მასალაა გამოქვეყნებული და მინიშნებულია, რაზეა საუბარი ამ მასალებში. როგორც წესი და რიგი მოითხოვს, პირველ გვერდზე დომინანტური პოზიცია უჭირავს გაზეთის სათაურს. კომუნისტურ ეპოქაში ყველა საბჭოთა გაზეთის სათაურის ზემოთ დომინირებდა დიდი ლენინის უკვდავი მოწოდება-აფორიზმი: „პროლეტარებო, ყველა ქვეყნისა, შეერთდით!“ და კომუნიზმის მშენებლობაში გაზეთის დამსახურების აღმნიშვნელი ორდენები. თავად გაზეთების სათაურებიც დიადი კომუნიზმის მშენებლობის ეპოქის შესაბამისი იყო: „კომუნისტი“, „ახალგაზრდა კომუნისტი“, „კომუნიზმის განთიადი“, „კომუნიზმის მშენებელი“, „წინ, კომუნიზმისაკენ“, „ლენინელი“, „ლენინის გზით“, „ნორჩი ლენინელი“, „რკინიგზელის ხმა“, „პედაგოგის ხმა“, „მეაბრეშუმის ხმა“, „ფეიქართა ხმა“,

„კოლმეურნის ხმა“, „ენერგეტიკოსის ხმა“, „მესაზღვრის ხმა“, „არტილერიის ხმა“ და ა. შ. ასე იყო მთელ სოციალისტურ სა-  
მყაროში.

თვით სათაურებიდანაც ჩანს, რომ საბჭოთა პრესა ემსახურე-  
ბოდა მსოფლიო სოციალისტური სისტემის ერთიანობას, ნათელ  
კომუნისტურ მომავალს. არავითარი მინიშნებაც კი ეროვნულო-  
ბაზე, სახელმწიფოებრიობაზე, დამოუკიდებლობაზე.

მეორე უკიდურესობაში გადავვარდით „ურღვევი“ სოციალ-  
ისტური სისტემისა და ერთიანი საბჭოთა კავშირის დაშლის შემ-  
დეგ. პატრიოტული აღტყინება გაზეთების მხოლოდ სათაურე-  
ბიდანაც კი შესანიშნავად ჩანს: „საქართველო“, „საქართველოს  
რესპუბლიკა“, „თავისუფალი საქართველო“, „საქართველოს  
სამრეკლო“, „საქართველოს ცის ქვეშ“, „რესპუბლიკა“, „მამუ-  
ლი“, „კოლხური კოშკი“ და უამრავი სხვა.

პრესის ცენზურისგან გათავისუფლებამ შვა ისეთი გაზეთე-  
ბიც კი, როგორც გახლდათ „ბადრიჯანი“, „ბუს კვერცხები“ და  
მისთანანი.

მსოფლიოს ყველა ქვეყნის ყველა საკუთარი თავის პატივ-  
ისმცემელ გაზეთს ჰყავს პირველი გვერდის რედაქტორი. ამით  
ხაზგასმულია პირველი გვერდის მნიშვნელობა მთლიანად გაზე-  
თისთვის. მნიშვნელოვანია ყველაფერი — გაზეთის სასათაურე  
შრიფტი და ზომა, დევიზი, ფოტო (ან ფოტოები), მათი ზომები  
და განლაგება, გამოტანები, სიტყვიერი მასალა, მხატვრული გა-  
ფორმება, შრიფტებით „თამაში“ და უამრავი სხვა წვრილმანი და  
მსხვილმანი.

თანამედროვე მსოფლიოს სერიოზულ პრესაში უკვე დიდი ხა-  
ნია ჩამოყალიბდა ასეთი ტენდენცია: გაზეთის პირველ გვერდზე  
გამოტანილია რედაქციის აზრით, უმნიშვნელოვანესი ინფორმა-  
ციის შესატყვისი ფოტო, ერთი-ორი ძალზე მნიშვნელოვანი ინ-  
ფორმაცია და მენიუ, ანუ გაზეთის შიდა გვერდებზე გამოქვეყ-  
ნებული საინტერესო მასალების სათაურები (ან რამდენიმე სი-  
ტყვიანი ანონსები) შესაბამისი ფოტოებით ან უმისოდ. მოკლედ,  
„ტფილისის უწყებანი“ პირველი გვერდი გაკეთებულია სწორედ  
ამ ტენდენციის გათვალისწინებით. რაც შეეხება მეოცე საუკუ-  
ნის მიწურულისა და ოცდამეერთის დასაწყისის ძალიან ბევრი  
ქართული გაზეთის პირველ გვერდებს, ეს არის რალაც სამუალო  
კოლეჯების გაზეთებსა და ე. წ. ყვითელ პრესას შორის — რო-  
გორც მოგახსენეთ, ქართული პრესა ერთობ მოუმზადებელი

შეხვდა მოულოდნელად თავს დამტყდარ სახელმწიფოებრივ და პიროვნულ თავისუფლებას. ზოგმა ყოფილმა კომუნისტურმა გაზეთმა, საერთოდ, ყველაფერი უარყო, ზოგი ვერაფერს შეელია. საქმე ზოგჯერ კურიოზებამდე მიდიოდა. მაგალითად, 2003 წელს გამოშვებული ერთ-ერთი ყოფილი კომუნისტური, პატრიოტულად სახელგადარქმეული მრავალგვერდიანი გაზეთის პირველ გვერდზე შეგიძლიათ ნაიკითხვოთ ოცზე მეტი ინფორმაცია, მათ შორის ოთხი — პრეზიდენტის ხელმოწერით. აქვეა ინფორმაციები რუბრიკებით: „დოკუმენტი“, „სიტუაცია“, „ურჩი გადამხდელები“, „აღმასრულებელი ხელისუფლება მუშაობს“, „დაჯილდოება“, „კოლეგები“, „პალიტრა“, „უკანასკნელ საათს“, „ამინდი“, „ვალუტის კურსი“, „ინტერპანორამა“, „დღის ანეკდოტი“...

განსაკუთრებით საინტერესოა ბოლო რუბრიკა: „გვირეკავენ, გვეკითხებიან“. შეკითხვა ასე ჟღერს: „მყავს 5 შვილი. უფროსი 7 წლისაა, უმცროსი — ერთისა. მე და ჩემი მეუღლე უმუშევრები ვართ. ვცხოვრობთ რაიონში. გვეკუთვნის თუ არა სახელმწიფოსგან რაიმე დახმარება“.

ამ პატიოსან და შიმშილისგან განამებულ საზოგადოებას გაზეთის რედაქცია დაწვრილებით უხსნის, რატომ და რა ოდენობის დახმარება ეკუთვნის... თბილისში მცხოვრებ მოქალაქეებს. ეს გულთბილი საუბარი მადლიერ მკითხველსა და გულისხმიერ რედაქციას შორის ასე მთავრდება: „ზემოაღნიშნული ყველა შელავათი ფინანსდება დედაქალაქის ბიუჯეტიდან, ამიტომ რაიონში მცხოვრებ მრავალშვილიან ოჯახებზე მათი გავრცელება, სამწუხაროდ, გათვალისწინებული არ არის.“

ვერაფერი შელავათია საქართველოს ერთ-ერთ რაიონში მცხოვრები ხუთი მშვიერი შვილის მშობლებისთვის, მაგრამ გაუგებარი ის არის, რატომ აქვეყნებს ამ კითხვა-პასუხს გაზეთი საერთოდ და, მით უფრო — პირველ გვერდზე, თანაც, თუ ეს გაზეთი ხელისუფლების მხარდამჭერი და მისი აზრის გამომხატველია.

მოკლედ, პირველ გვერდზე არის ყველაფერი — პრეზიდენტის განკარგულებებიდან და დაჯილდოებებიდან დაწყებული, დღის ანეკდოტითა და ტაილანდში გამოგონებული სიქაჩლის წამლით დამთავრებული.

სამაგიეროდ, ამ სოლიდური, ისტორიული, ა-2 ფორმატის მრავალგვერდიანი გაზეთის პირველ გვერდზე არ არის არაფერი,

რაც გაზეთის შიდა გვერდების შინაარსზე მიგვანიშნებდა. ეს არის შეცდომა. შეცდომაა ისიც, როცა პირველი გვერდი მეტისმეტად გადაჭრელებულია, დამძიმებულია მუქი შტრიხებით, დაყოფილია კვადრატებად. **გახსოვდეთ, თუ თქვენს გაზეთში (ნებისმიერი ფორმატისა) ორი ნებისმიერი ჟურნალისტური ჟანრის საინტერესო მასალაა გამოქვეყნებული, იგი უკვე კარგი გაზეთია.** თუ პირველივე გვერდზე დაიწყებთ მკითხველის დარწმუნებას, რომ თქვენს გაზეთში ოცი საინტერესო და სენსაციური მასალა ქვეყნდება, ამას არავინ დაგიჯერებთ. სერიოზული მკითხველი გულში დაგცინებთ კიდეც. ასე რომ, თქვენი გაზეთის პირველი გვერდი ისეთივე უბრალო და კოპნია უნდა იყოს, როგორც ეზო იმერული ოდის წინ.

## ლილი

Lead ინგლისური სიტყვაა და დასაწყისს ნიშნავს. აქ, რა თქმა უნდა, არ არის საუბარი შესავალზე ან წინასიტყვაობაზე. ლილი არის ე.წ. „გაშლილი“ ქვესათაური, სადაც რამდენიმე წინადადებაში მოცემულია სტატიის ძირითადი არსი. სათაურებზე საუბრისას ვთქვი და ახლაც გავიხსენოთ, რომ ჩვენ ვცხოვრობთ დროის ქრონიკული დეფიციტის პირობებში. ამიტომ პრესის გაცნობისას მკითხველს უნდა შეექმნას მაქსიმალური კომფორტი — მან მინიმალურ დროში უნდა შეძლოს მაქსიმალური ოდენობის ინფორმაციის გაცნობა. სწორედ ამას ემსახურება ის ორისამი, იშვიათად, მეტი აბზაცი, რაც უშუალოდ სათაურს ან ქვესათაურს მოსდევს. ბევრ ჩვენგანს უნახავს საქმიანი ჯენტლმენი, რომელიც რამდენიმე დოლარს იხდის მრავალ ათეულგვერდიან გაზეთში. იქიდან რამდენიმე გვერდს იტოვებს, დანარჩენს კი გულგრილად უშვებს სანაგვე ურნაში. ადამიანები გაზეთებს კითხულობენ ტრანსპორტში, რესტორნებში, ქუჩაში, სამუშაო ადგილას და ა.შ. ასეთ ვითარებაში ძალიან დიდია ალბათობა, რომ თუ მკითხველს საგაზეთო სტატიის პირველივე ფრაზები არ დააინტერესებს, საერთოდ შეწყვეტს კითხვას.

გასათვალისწინებელია კიდეც ერთი, არანაკლებ მნიშვნელოვანი ფაქტორი — უსასტიკესი კონკურენცია გაზეთებს შორის მკითხველის მოსაპოვებლად. ამიტომ ლიდების (ისევე, როგორც სათაურების) შედგენისას რედაქციების, ავტორების

გამომგონებლობას, ფანტაზიასა და გონებამახვილობას საზღვარი არა აქვს. სწორედ ეს გარემოება ართულებს ლიდების კლასიფიკაციას, ლიდების ტიპების მეტნაკლებად სრულ დახასიათებას.

ვინაიდან, ზოგადად, ჟურნალისტიკაში სრულყოფილებაზე საუბარი ცოტა საჩოთიროდ მეჩვენება, ალბათ, სჯობს დავეთანხმოთ ჩვენთვის უკვე ნაცნობ პროფესორ ჩერედნიჩენკოს და ლიდის რამდენიმე სახეობის აღწერით შემოვიფარგლოთ.

**1. თხრობითი ლიდი** — ეს არის მოქმედების განვითარების აუჩქარებელი, თანმიმდევრობითი გადმოცემა ქრონოლოგიური ორიენტირების მითითებით. ასეთი ლიდი, როგორც წესი, გამოიყენება კრიმინალური ისტორიების გადმოცემისას, როცა უფრო საინტერესოა პასუხი კითხვაზე — „როგორ მოხდა?“ ვიდრე — „რა მოხდა?“.

„სკოლისკენ მიმავალმა მეშვიდეკლასელებმა ახალთახალი თეთრი „ჟიგული“ დაინახეს — შუა ქუჩაზე კაპოტახილი იდგა. მანქანის ირგვლივ სამი ბიჭი ფუსფუსებდა, ერთი საჭესთან იჯდა. სკოლის ზარის ხმაც გაისმა. გიომ და ირაკლიმ ფეხს აუჩქარეს. ისინი მანქანასთან ძალიან ახლოს იყვნენ. ისე ახლოს, რომ გაიგონეს, როგორ ჩაულაპარაკა საჭესთან მჯდომმა ამხანაგებს — მოდიან!

ბიჭებმა კაპოტი დახურეს, მანქანიდან „კალაშნიკოვის“ ავტომატები გადმოიღეს. ერთი მანქანასთან დარჩა, მეორე შუა ქუჩაზე დადგა, მესამემ პოზიცია „ჟიგულის“ მარცხნივ დაიკავა.

გაოცებული გიომ და ირაკლი უყურებდნენ, როგორ მიუახლოვდა შავი „ვოლგა“ ავტომატიანებს. პირველად კაპოტზე დაყრდნობილმა ბიჭმა გაისროლა. „ვოლგა“ გაჩერდა. ბიჭები უნილბოდ იყვნენ. ნაქსოვი ქუდეები ეხურათ. ისინი მშვიდად იდგნენ და სამი მხრიდან უწყვეტი ჯერით ტყვიას უშენდნენ შავ „ვოლგას“ (**„დრონის“ ინფორმაცია**).

**2. ლიდი-რეზიუმე** — ეს არის მოვლენების ან შედეგების მოკლე შინაარსი, სადაც ექვსი ძირითადი კითხვიდან (ვინ? რა? როდის? როგორ? სად? რატომ?) პასუხი 3-4-ზეა გაცემული. ეს თავისთავად უკვე არის ინფორმაცია. ხოლო ტექსტი, რომელიც მას მოჰყვება, უბრალოდ, ხსნის, ან აზუსტებს ლიდში ნათქვამს: „გუშინ ცნობილი გახდა, რომ მოსკოვის დროით 16 საათსა და 30 წუთზე ბარენცის ზღვაში ჩაიძირა რუსეთის სამხედრო ფლოტის სიამაყე, ნყალქვემა ნავი „კურსკი“. დაუზუსტებელი ინფორმაცი-



ით, მისი ეკიპაჟი 80 კაცზე მეტი იყო“ (**„დრონის“ ინფორმაცია**).

**3. ერთმნიშვნელოვანი (ცალკეული) ლიდი** — ასეთი ტიპის ლიდი გამოჰყოფს სტატიაში აღწერილი მოვლენის ერთ რომელიმე მნიშვნელოვან ასპექტს.

„1999 წლის არჩევნებში ხმა მისცა ორმა მილიონმა ადამიანმა, ანუ იმდენმა, რამდენი ხმის უფლების მქონე ადამიანიც ცხოვრობს ქვეყანაში. მწვანეთა აზრით, ეს ნიშნავს, რომ არჩევნები გაყალბებულია — ფაქტია, რომ მასში ამომრჩეველთა 100 პროცენტს მონაწილეობა არ მიუღია“ (**„დრონის“ ინფორმაცია**).

„უზენაესი სასამართლო აგრძელებს სისხლის სამართლის საქმის განხილვას რაფიელ ასაბამვილისა და თამაზ ხოლოაშვილის მიმართ, რომლებსაც ბრალად ედებათ პოლიციელების მძევლად აყვანა, ყაჩაღობა და მატერიალური ზიანის მიყენება“ (**„დრონის“ ინფორმაცია**).

**4. ლიდი** — **„დაყოვნებული ნახტომი“**. აქ, ალბათ, მცირე განმარტება იქნება საჭირო. „დაყოვნებული ნახტომი“ არის საპარაშუტო სპორტში გავრცელებული ტერმინი (როგორც საბჭოთა საჰაერო-სადესანტო ჯარების ყოფილ ოფიცერს, შეგიძლიათ, მენდოთ). იგი გამოიყენება იმ სიტუაციის აღსანიშნავად, როცა პარაშუტისტი თვითმფრინავიდან გადმოხტომიდან სამი წამის შემდეგ კი არა, მღელვარებისგან სუნთქვაშეკრული მაყურებლების წინაშე მხოლოდ უკანასკნელ წამს ხსნის პარაშუტის გუმბათს.

ასეთი ტიპის ლიდი ყოფითი მოვლენებისა და სცენების აღწერით იწყება. დაახლოებით ისე, როგორც ნებისმიერი ანეკდოტის კულმინაციური ფრაზა — აქაც მთავარი სათქმელი გადატანილია ლიდის ბოლოს.

„დნებრისპირა დიდი ქალაქის გარეუბანში, მყუდრო, მწვანეში ჩაფლულ ქუჩაზე, „ხრუმროვის“ ბინაში ცხოვრობს 86 წლის სანდომიანი, ცოცხალთვალე და მკვირცხლი გონების ქართველი მანდილოსანი. იგი საბჭოთა კავშირის ისტორიაში არასოდეს არ ასრულებდა რაიმე მნიშვნელოვან პოლიტიკურ როლს, მაგრამ თითქმის თხუთმეტი წლის განმავლობაში იყო საბჭოთა კავშირის უპირველესი ლედი, მეუღლე კაცისა, ვის სახელს დღესაც ერთგვარი შიშით და კრძალვით ვახსენებთ — ლავრენტი ბერია!“ (**„7 დღის“ ინფორმაცია**).

**5. მიზეზ-შედეგობრივი ლიდი.** როგორც მისი დასახელებიდანაც ჩანს, ამ ტიპის ლიდისთვის დამახასიათებელია მიზეზ-

შედეგობრივი კავშირის არსებობა. მიზეზიც და შედეგიც, შესაძლოა, ერთ აბზაცში იყოს მოცემული, შესაძლოა, ისინი რამდენიმე ფრაზით, ან აბზაცითაც კი იყვნენ დაშორებული — გემოვნების და ოსტატობის საქმეა. ამ ტიპის ლიდების ერთი დამახასიათებელი ნიშანი ისიც არის, რომ ხშირად ჯერ შედეგზეა საუბარი, მერე — მიზეზზე.

„გიორგი ჯაბაური კიდევ ერთი „ჩეკისტია“, ვინც მის მიმართ განხორციელებული რეპრესიების გამო, სასამართლოს სარჩელით მიმართა. უშიშროების ოფიცერი რეაბილიტაციას და მისთვის მიყენებული მორალური ზარალის ანაზღაურებას — 10 ათას დოლარს ითხოვს“ (**„დრონის“ ინფორმაცია**).

6. **ლიდი — „ცრუ მანევრი“**. ეს არის ეფექტური დასაწყისი კვანძის გახსნით. მკითხველს უყვარს მწვავე შეგრძნებები და ავტორიც „თამაშობს“ — ინყებს საოცარ ისტორიას და მას მოულოდნელი ფაქტით ამთავრებს. ასეთი ლიდის გამოყენებისას ძალიან დიდი სიფრთხილეა საჭირო — მკითხველმა შეიძლება არ გაპატიოს იმედის გაცრუება და თქვენი ნაწერები აღარასოდეს ნაიკითხოს.

„არგენტინელ ვამპირებს გარეგნულად არაფერი აქვთ საერთო სავალალოდ სახელგანთქმულ გრაფ დრაკულასთან, თუმცა, ჩაკოს პროვინციის მოსახლეობას მათი ხსენებაც კი შიშის ზარსა სცემს. ღამის სიბნელეში ისინი უჩუმრად თავს ესხმიან მსხვერპლს, სხეულში ბასრ კბილებს არჭობენ და სისხლს სწოვენ. ნაკბენის ადგილას კი ოდნავ შესამჩნევ ნაჭრილობებს ტოვებენ.

პირუტყვის სისხლის მსმელი ღამურები დიდ ზიანს აყენებენ ჩაკოს პროვინციის მესაქონლეობას...“ (**პროფ. ჩერედნიჩენკოს ინფორმაცია**).

7. **დრამატული ლიდი**. ტექსტიდან გამოტანილია, ავტორის აზრით, ყველაზე დრამატული მომენტი. ხშირად, ასეთი ლიდი წინ უძღვის საომარი მოქმედებების, ავარიების, კატასტროფების, დანაშაულობებისადმი მიძღვნილ მასალებს.

„თორმეტის თხუთმეტ წუთზე ტენზურის ქუჩიდან ჩიქოვანის ქუჩაზე ესკორტი შევიდა. მაშინვე გაისმა გამაყრუებელი აფეთქების ხმა. ძველი, წითელი „ზაპოროჟეცი“ ჰაერში აფრინდა და უამრავ ნამსხვრევად გაიშალა. ირგვლივ ყველა სახლის ფანჯარა ჩაილენა.

ხუთი წლის ოთარ ერაძე ველარასოდეს ითამაშებს ფეხბურთს — იგი აფეთქების ტალღამ მოკლა. დაიღუპა კიდევ ოთხი ადა-

მიანი. ოცამდე კაცმა სერიოზული ტრავმა მიიღო“ (**„საქართველოს რესპუბლიკის“ ინფორმაცია**).

**8. ისტორიული ლიდი.** ავტორი, მკითხველის ყურადღების მისაპყრობად, ისტორიიდან იხსენებს რომელიმე საინტერესო ფაქტს, რომელიც თავისი შინაარსით უკავშირდება სტატიის ალტერნატიულ მოვლენას.

„1989 წლის 9 აპრილს ტრაგედიით დამთავრდა საქართველოს ისტორიაში ერთ-ერთი უგრძესი საპროტესტო მიტინგი — ხელისუფლება სასტიკად გაუსწორდა მომიტინგეებს, დაიღუპა 16 უდანაშაულო ადამიანი“ (**„მიმომხილველის“ ინფორმაცია**).

„1511 წელს უფლისწულმა გიორგიმ ღალატით მოკლა მშობელი მამა — მეფე ალექსანდრე პირველი, თვალები დათხარა ძმას, დიმიტრის და ორიოდე წლით დაისაკუთრა კახეთის მეფის ტახტი.

მამის მკვლელსა და არამზადას შთამომავლობა დღესაც ასე მოიხსენიებს — **„ავგიორგი“ („თბილისის“ ინფორმაცია)**.

**9. ლიდი „ვა-ბანკი“.** ავტორი ცდილობს პირველივე წინადადებით გააოგნოს, ააფორიაქოს მკითხველი. არც ერთი ლიტონი სიტყვა, არც ერთი ყალბი ნოტა! „ნასროლი“ აუცილებლად „ათიანში“ უნდა მოხვდეს, სხვანაირად ყველაფერი დაღუპულია. ასეთ ლიდს მიმართავენ განსაკუთრებით მნიშვნელოვანი, ხშირად, უკვე გახმაურებული ინფორმაციის შემცველი სტატიის (როგორც წესი, პუბლიცისტურის) გამოქვეყნებისას. ავტორს უნდა ჰქონდეს ასპროცენტიანი გარანტია, რომ მისი ნათქვამი მკითხველში ზუსტად ნავარაუდევ ემოციებს გამოიწვევს. რისკი ძალიან დიდია. თუ წარმატებაში ოდნავ მაინც გეპარებათ ეჭვი, სჯობს თავი შეიკავოთ და გაკაფული გზით იაროთ. ამისთვის არავინ დაგძრახავთ. ამ ტიპის ლიდის შეთხზვას ნიჭთან ერთად დიდი გამოცდილება, სიტყვის უდიდესი გრძნობა და ვირტუოზული ოსტატობა სჭირდება. თუ დარწმუნებული ხართ, რომ ყველაფერი ეს გაქვთ, მით უფრო მეტი სიფრთხილე გმართებთ — თქვენ გენიალობასა და ბანალობას შორის გადებულ ბენვის ხიდზე გადიხართ.

ამგვარი შესავლის კლასიკურ ნიმუშად ითვლება 1906 წელს სან-ფრანცისკოში მომხდარი გამანადგურებელი მიწისძვრისადმი მიძღვნილი ჯეკ ლონდონის\* სტატიის პირველი წინადადება: **„სან-ფრანცისკო აღარ არსებობს“**.

სტატიის ავტორისთვის საკუთრივ ამგვარი შინაარსის ლიდის

შექმნა კი არ არის საფრთხე, ან გადაულახავი სიძნელე, უაღრესად ძნელია თქვენს მიერ უკვე პირველ ფრაზაში ნათქვამის დასაბუთება, მკითხველის დარწმუნება, რომ ეს მართლაც ასეა. არ დაივიწყოთ, რომ ძალიან ხშირად მკითხველს მისთვის კარგად ნაცნობ თემაზე ესაუბრებით.

ამ ტიპის ლიდის კიდევ ერთ ნიმუშს შემოგთავაზებთ: „სამარისებურ სიჩუმეში თითქოს შორიდან მოისმა მოსამართლის მრისხანე სიტყვები: „დანაშაულისთვის, რომელიც გათვალისწინებულია საქართველოს სისხლის სამართლის კოდექსის...“ ბრალდებული სკამზე დაეშვა, სახეზე ხელები აიფარა და ისე მოისმინა უკანასკნელი ფრაზა: „მიესაჯოს სასჯელის განსაკუთრებული ზომა — სიკვდილი...“

განსასჯელის სკამზე იჯდა კაცი, რომელსაც სულ ცოტა ხნის წინ ტაშს უკრავდა მთელი მსოფლიო“ (**„თბილისის“ ინფორმაცია**).

**10. ლიდი-რემარკა.** ეს ფრანგული სიტყვა (remarque) შენიშვნას, მინანქრსაც ნიშნავს და პიესაში ახალი მოქმედების დაწყების წინ სცენის აღწერასაც. ამგვარი ლიდები ხშირად გამოიყენება ისეთი ჟურნალისტური ჟანრით სარგებლობისას, როგორცაა ნარკვევი ან ჩანახატი. თუმცა, ვინაიდან ჟურნალისტიკა არ არის ზუსტი მეცნიერება (მე თუ მკითხავთ, ჟურნალისტიკა, საერთოდ, არ არის მეცნიერება!), ნებისმიერი შინაარსის სტატიას შეგიძლიათ მიუსადაგოთ ნებისმიერი ტიპის ლიდი.

ამის მაგალითსაც შემოგაშველებთ:

„მხატვრის ღარიბული ნათელი ოთახი; შუაგულში — მივიწყებული მოლბერტი; მაგიდაზე — შენიშვნებით აჭრელებული ქალღლები; კედლებზე ნახატები და წიგნები; ჰაერში — სიგარეტის სქელი ბოლი. გარეთ თბილი წვიმა მოდის, მაგიდას სამნი უსხედან და ცხოვრების ამაოებაზე საუბრობენ“ (**„დრონის“ ინფორმაცია**).

როგორც ხედავთ, ლიდი აშკარად რემარკის სტილისაა. სტატია კი სულაც არ მიეკუთვნება ნარკვევის ან ჩანახატების ჟანრს — ეს უფრო არის მშვენიერი პოეტური კრებულის მხატვრული რეცენზია. თუმცა, გირჩევთ წინასწარ გულს ნუ გადაიღვეთ ჯერ კიდევ დაუწერელი სტატიების ტიპებსა და ჟანრებზე ფიქრით. უბრალოდ, უნდა იცოდეთ მათი არსებობის შესახებ. პრაქტიკულ საქმიანობაში მათი გამოყენების გზებს კი თვითონ პრაქტიკა გიკარნახებთ. არსებობს ერთი ძალიან უბრალო და უკვდავი წესიც:

ჯერ უნდა შექმნათ ნაწარმოები თავისი რუბრიკით, სათაურით, ქვესათაურით, ლიდით, ეპილოგით, დასკვნითა თუ შეგონებით და მერე იფიქროთ მის რომელიმე ჟანრზე მიკუთვნებაზე, მის კომპოზიციურ აგებულებაზე, თუნდაც, — ლიდის სტილზე. თუ ვერაფერს მოიფიქრებთ, ამითაც ბევრი არაფერი დაშავდება — გააგრძელეთ მკითხველისთვის საინტერესო ნაწარმოებების შექმნა, მათი მეცნიერული შესწავლა კი ჟურნალისტიკის თეორეტიკოსებს დაუთმეთ. აი, იმათ, ჟურნალისტიკის სფეროში თეორიულად ყველაფერი რომ იციან და პრაქტიკულად არაფერს არ აკეთებენ.

ლიდებზე საუბარი ისე გაგვიჭიანურდა, ალბათ, თავი მოგანყინეთ კიდეც. რას ვიზამთ, როგორც დიდი პროლეტარული მწერალი, მაქსიმ გორკი (ალექსეი პეშკოვი) ამბობდა, ხელოვნება მსხვირპლს მოითხოვს. ჟურნალისტიკა კი ხელოვნებაა.

**11. ლიდი — ირონია.** ალბათ უჩემოდაც მიხვდით, რომ სტატიის (ან საუბრის) დასაწყისში ავტორი რაღაც მოვლენის საილუსტრაციოდ და მკითხველის კეთილგანწყობის მოსაპოვებლად ირონიას იყენებს. ამგვარი ლიდების დიდოსტატად თავის დროზე ითვლებოდა საქართველოს ტელევიზიის პირველი არხის წამყვანი, პროგრამა „ენერჯის“ ავტორი, მერაბ ბერაძე. ძალიან საჭირო გამოგონებაზე, ბიუროკრატიაზე, უსამართლობაზე, მოკლედ, უსერიოზულეს თემაზე საუბარს ბატონი ბერაძე დაახლოებით ასე იწყებდა:

„სვანს ქალაქიდან სტუმარი ენვია, სოფლის დათვალიერების დროს შენიშნა, კოშკიდან ვიღაც თოფს უმიზნებდა და შეშინებული მასპინძელს მივარდა — არიქა, მგონი მკლავენ, რამე მიშველეთ.“

— მაგ საქმეს ველარაფერს ვუშველი, მაგრამ ნუ იდარდებ — მაგასაც მიუვა სტუმარი და აუცილებლად ავიღებ შენს სისხლსო, — დაამშვიდა მასპინძელმა“.

ამას ჟურნალისტი ყოველგვარი შესავლის გარეშე გიამბობთ და ძალიან სწრაფად ახერხებს თქვენი კეთილგანწყობის მოპოვებას — თქვენ ბოლომდე უყურებთ ბერაძის ტელეგადაცემას.

„ოთხმოციანი წლების ბოლოს ცივილიზებული სამყარო შეძრა ცნობამ, რომ ქართულმა საბჭოთა სუკმა დახოცა ქართული ეროვნულ-გამათავისუფლებელი მოძრაობის დიდი ლიდერის უმანკო ქათმები! დახოცა არა ტრადიციულად — დანით ყელის გამოჭრით, არამედ ბარბაროსულად — მასობრივი

განადგურების იარაღის (საწამლავის) გამოყენებით (**„საქართველოს რესპუბლიკის“ ინფორმაცია**).

ავტორის ირონია აშკარა და შეუფარავია. ცხადია, მას ყოფილი „დიდი ლიდერის“ ქათმების ბედი არ აინტერესებს. და თქვენც იძულებული ხდებით ძირითად ტექსტში მოძებნოთ პასუხი კითხვაზე — რისი თქმა უნდა ავტორს.

ირონიული სათაურისა და შესავლის კიდევ ერთ მაგალითს შემოგთავაზებთ და ლიდებზე საუბარი ამით დავამთავროთ:

### **ნაღმი „სამშობლოში“**

ორშაბათი, 1991 წლის 22 იანვარი სხვა დღეებისგან არაფრით გამოირჩეოდა — გასტრონომები ძველებურად ცარიელი იყო, კვერცხის რიგში უამრავი ადამიანი იდგა. ბაზრის ფასები თავქუდმოგლეჯილი\* გარბოდა. ხალხი ძველებურად ლანძღავდა „ადამონ ნიხასს“, ოს ექსტრემისტებს და, რასაკვირველია, გორბაჩოვსაც\* (**„7 დღის“ ინფორმაცია**).

სათაურიდან გამომდინარე, მკითხველი, ცოტა არ იყოს, შემცბარი და აფორიაქებულია — ეს ის დროა, როცა ნაღმი, პირდაპირი გაგებით, მართლაც შეიძლება ყველგან აღმოჩენილიყო. თუმცა, ირონიული დასაწყისის გაცნობისთანავე იგი მშვიდდება და ინტერესით კითხულობს ტექსტს, სადაც არაფერია ნათქვამი არც ცარიელ გასტრონომიულ მაღაზიებზე, არც ოსურ მოძრაობა „ადამონ ნიხასზე“ და, რა თქმა უნდა, არც საბჭოთა კავშირის პირველ და უკანასკნელ პრეზიდენტ მიხაილ გორბაჩოვზე.

## **რუბრიკა**

Rubrika ლათინური სიტყვაა (ruber — წითელი) და ნიშნავს კანონის სათაურს, რომელსაც ძველი რომაელები წითელი საღებავით წერდნენ. თანამედროვე ინტერპრეტაციით, ეს არის განყოფილების სათაური გაზეთში, ჟურნალში ან ტელეგადაცემაში.

საქმეში ჩაუხედავ ადამიანებს ხშირად გულწრფელად აკვირვებთ, ვინ კითხულობს ან როგორ კითხულობს სქელტანიან გაზეთებს. პასუხი უბრალო და პროზაულია — თავიდან ბოლომდე გაზეთებს არავინ არ კითხულობს. კითხულობენ მხოლოდ იმას, რაც აინტერესებთ. აქვე ჩნდება მეორე კითხვა: რა პრინციპით უნდა იპოვო საინტერესო მასალა ასგვერდიან

გაზეთში? **ძალიან იოლად — იცი, სად ეძებო „შენი“ რუბრიკა.** იგი, როგორც სათაური, ლიდი და ბევრი სხვა რამ, ემსახურება მკითხველის ინტერესებს.

თანამედროვე მსოფლიოში ურუბრიკო გამოცემა წარმოუდგენელია — ისინი თვით სასკოლო გაზეთებშიც კი დამკვიდრდა.

რუბრიკის მიზანია, მკითხველს გაზეთში ან ჟურნალში სწრაფად აპოვნინოს მისთვის საჭირო თემა. უკეთ რომ ვთქვათ, პრესის რუბრიკაცია მასალების თემატურად დალაგებას და თემების დასათაურებას ნიშნავს. მართალია, სხვადასხვა გამოცემას თემების რუბრიკაციის მხოლოდ მისთვის დამახასიათებელი მანერა აქვს, მაგრამ მკითხველს ეს მხოლოდ უადვილებს ამოცანას.

მრავალგვერდიანი (32, 48 გვერდი და მეტი) გაზეთები, როგორც წესი, დალაგებულია ე.წ. „რვეულებად“. ერთი „რვეული“ ერთი მთავარი რუბრიკითაა გაერთიანებული: „პოლიტიკა“, „ეკონომიკა“, „სოციალური სფერო“, „სამართალი“, „საერთაშორისო ცხოვრება“, „მოდა“, „სპორტი“ და სხვა. ყოველი მთავარი რუბრიკა თავის მხრივ იყოფა შედარებით ლოკალურ თემებად, ეს უკანასკნელი — კიდევ უფრო წვრილმან თემებად და ასე შემდეგ.

16-დან 32 გვერდამდე ფორმატის გაზეთების რუბრიკაცია, როგორც წესი, გვერდების მიხედვით კეთდება. ერთი რუბრიკა მოიცავს გაზეთის ერთ ან ორ, იშვიათად, სამ გვერდს. XX საუკუნის 90-იანი წლების ქართულ პრესაში ამის ბევრი მაგალითია — „დრონი“, „7 დღე“, „მიმომხილველი“, „რეზონანსი“ და სხვა.

რუბრიკაციის ე.წ. „შერეული“ სტილის მიმდევარია ძალიან პოპულარული და ძალიან სიმპათიური რუსული გაზეთი „Аргументы и факты“. მისი ზოგი გვერდი ერთი რუბრიკითაა გაერთიანებული, ზოგ გვერდზე რამდენიმეა. გვერდების რუბრიკები დაახლოებით ასეთი შინაარსისაა: 1. პოლიტიკა; 2. პიროვნება; 3. საზოგადოება; 4. ეკონომიკა; 5 სახლი, ქუჩა, ქალაქი; 6. პეტერბურგი; 7. კულტურა; 8. მოსკოვი; 9. რისკის ზონა; 10. უკუკავშირი; 11. წვრილმანი (подробности); 12. სპორტი; 13. ტელევიზია; 14. „ა და ფ“ გთავაზობთ; 15. სახეები...

ამავე გაზეთში ფრიად ორიგინალურად და საინტერესოდაა გადაწყვეტილი ყოველი სტატიის რუბრიკაციის პრობლემა. თავად განსაჯეთ: „ბაგირის გადაწევა“, „მოსკოვური კორიდა“, „გარჩევები“, „ახლა ამინდზეც“, „ლატაკები რომ არ იყვნენ“,

„სულის ყივილი“, „ნახატები კონვერტიდან“, „ბანდიტები“, „სადაც დელიკატესი იზრდება“, „სადაც ნავლენ, სადაც მივლენ“ და ასე შემდეგ. ალბათ, იმის თქმა საჭირო აღარ უნდა იყოს, რომ უშუალოდ თემების რუბრიკების დასახელება თვით თემების შინაარსის მიხედვით მუდმივად იცვლება. სტაბილურია მხოლოდ გვერდების რუბრიკაცია. ამიტომ მკითხველს მისთვის საინტერესო მასალის პოვნა სულაც არ უჭირს.

სერიოზული გამოცემები, როგორც წესი, „მძიმე“ რუბრიკებს („პოლიტიკა“, „ეკონომიკა“ „სამართალი“...) გაზეთების წინა გვერდებზე ათავსებენ. განსაკუთრებით საინტერესო, „საზოგადოებრივი ყღერადობის“ პრესტიჟულ მასალებს გაზეთის ცენტრალურ გვერდებზე განანესებენ ხოლმე. საგულისხმოა, რომ სერიოზული გამოცემები შეძლებისდაგვარად ერიდებიან გაზეთში რუბრიკების ადგილების ცვლას. მომავალ რედაქტორებსაც ამას ვურჩევ: პრინციპული მნიშვნელობა არა აქვს, გაზეთის (ჟურნალის) რომელ გვერდს რომელ რუბრიკას დაუთმობთ, მთავარია, ისინი არ ვცვალოთ, თორემ მასალების რუბრიკაცია თავის დანიშნულებას დაკარგავს. ეს ნიშნავს, რომ თქვენი გაზეთი ერთგული მკითხველების ნახევარს მაინც დაემშვიდობება.

თუმცა, შეგიძლიათ არც დამიჯეროთ — ჩვენ, ნამდვილი ქართველები ხომ სხვისას კი არა, საკუთარ გამოცდილებასაც არ ვენდობით!

კიდევ ერთ ნიმუშად, განსაკუთრებით მამაკაცებში საკმაოდ პოპულარულ ჟურნალს, „Клаксон“-ს შემოგთავაზებთ.

გვერდების რუბრიკები: „ბრიფინგი“, „ოქმი, ინფორმაცია“, „გზაჯვარედინი“, „ავტომობილი და ბიზნესი“, „მსოფლიო პრემიერა“, „პრაქტიკა, ანალიზი, რჩევები“, „საახალწლო საჩუქარი“, „რუსული ბაზრის სიახლეები“, „მრგვალი მაგიდა“, საუბრის საბაზი“, „ავტომობილი ზოგიერთებისთვის“, „კლუბი „ორი ბორბალი“...

ბარემ უფრო „დავწვრილმანდეთ“: „საბაჟო“, „ფრთხილად, სიყალბეა!“ „ფიასკო“, „როგორ მიდის თქვენი საქმე?“, „საინფორმაციო წყაროებიდან“ (საერთო რუბრიკა — „ოქმი, ინფორმაცია“); „ეხ, გზები...“, „საკრედიტო ხაზი“, „ექსპერიმენტი“, „მახლობელი საზღვარგარეთი“, „სუფთა ეზო“, „ახალი ამბები“ („გზაჯვარედინი“); „გიგანტების ცხოვრებიდან“, „ევროპული ბაზარი“, „მარკეტინგი“, „NOTEBOOK“, „დანიშვნა“, („ავტომო-



ბილი და ბიზნესი“); „გადასახადები“, „აქსესუარები“, „შპარგალკა“ („პრაქტიკა, ანალიზი, რჩევები“).

რა თქმა უნდა, შემეძლო მომეტანა სხვა უამრავი მაგალითი მსოფლიოს პოპულარული ჟურნალ-გაზეთებიდან, მაგრამ სანიმუშოდ, ვფიქრობ, ესეც საკმარისი უნდა იყოს.

ნურავინ იფიქრებს, რომ კომუნისტურმა პრესამ რუბრიკების სიკეთე არ იცოდა ან მკითხველთა დაინტერესების ამ მეთოდს არ იყენებდა. იცოდა და იყენებდა კიდეც, ოღონდ, თავისებურად: საბჭოთა რესპუბლიკების ამბები გადმოიცემოდა რუბრიკით „ჩვენს დიად საბჭოეთში“, კაპიტალისტური უცხოეთისა — „რკინის ფარდის მიღმა“, „იქ, სადაც ბატონობს კაპიტალი“, ან „ძია სემის სამშობლოში“; კრიმინალური ქრონიკებისა — „მგელი ცხვრის ქურქში“; ეკონომიკისა — „სოცშეჯიბრის დროში“; განათლებისა — „ძია ლენინის ანდერძი“; ახალგაზრდობისა — „კომკავშირი პატაკს აბარებს“, საბავშვოსი — „ნორჩი ლენინელები“... საქმე ზოგჯერ მართლაც დაუჯერებელ კურიოზებამდე მიდიოდა — ერთი სპორტული გაზეთი, ხაზს ვუსვამ, სპორტული გაზეთი სისტემატურად აქვეყნებდა სპორტულ ინფორმაციებს რუბრიკით... „ცოტა რამ სპორტის შესახებ!“

## თავი IV

### საგაზეთო ენა და სტილი

ოდესღაც, როცა მხოლოდ მკითხველი ვიყავი, გულუბრყვილოდ ვფიქრობდი, რომ არ არსებობდა არავითარი განსაკუთრებული „საგაზეთო ენა და სტილი“. მერე მივხვდი, რომ საგაზეთოს გარდა, არსებობს კიდევ საოქმო, იურიდიული, დიპლომატიური, სამთავრობო, სატელევიზიო, სატელეფონო, ქურდული, პოლიციური, ბაზრული ენები და ამ ენებზე მეტყველების სულ მცირე, ოთხი სტილი: კაპასური, ავარული, ანჩხლური და აშარული.

ეს, რა თქმა უნდა ხუმრობაა, მაგრამ ისეთი ხუმრობა შევარცხვინე, სადაც ჭეშმარიტება არ ურევია — ენებისა რა მოგახსენოთ, მაგრამ დაახლოებით ასეთი მიმართულების ჟარგონები ქართულ და სხვა ენებზეც ნამდვილად არსებობს.

ვფიქრობ, ტერმინი „საგაზეთო ენა“ მთლად გამართული არ უნდა იყოს. ალბათ, უფრო ზუსტი იქნებოდა, გვეთქვა „საგაზეთო ჟარგონი“. თუმცა, ამაზე საუბარი უკვე დაგვიანებულია — „საგაზეთო ენა“ დამკვიდრებულია და გულისხმობს რაღაც საშუალოს სალიტერატურო ენასა და პროფესიულ ჟარგონს შორის.

რაც ახლა მოგახსენეთ, ალბათ, საკამათო მოსაზრებაა. ენის სპეციალისტები, შექმნილი ვითარების გათვალისწინებით, ალბათ დაადგენენ სალიტერატურო და საგაზეთო-სატელევიზიო ქართული ენის მოქმედების საზღვრებს. იქამდე ჯერ საკმაოდ შორია. მანამდე იმაზე ვისაუბროთ, რაც რეალურად გვაქვს. საგაზეთო ენისა და სტილის არსებობა კი თანამედროვე პირობებში არავითარ ეჭვს არ იწვევს.

ძალიან მოკლედ, ეს არის ყოვლად ჩვეულებრივი ქართული სალიტერატურო ენა ზოგიერთი მხოლოდ მისთვის დამახასიათებელი თავისებურებით. სწორედ ამ თავისებურებებზე უნდა ვისაუბროთ და, რაც მთავარია, მომავალში გამოვიყენოთ კიდევ.

თანამედროვე ჟურნალისტიკის მოთხოვნებიდან გამომდინარე, **ჟურნალისტიკა სათქმელი უნდა თქვას მოკლედ, სხარტად და რაციონალურად, ანუ რაც შეიძლება ნაკლები სიტყვებით გადმოსცეს რაც შეიძლება მეტი ინფორმაცია. თანაც, ეს უნდა გაკეთდეს მაქსიმალურად სწრაფად.**

ოდესლაც მეც მქონდა საბჭოთა პრესაში მუშაობის ბედნიერება და შემოიძლია კატეგორიულად ვამტკიცო: საბჭოთა და თავისუფალ პრესას შორის განსხვავება უზარმაზარია. მაშინ პრესა იყო იარაღი მმართველი პარტიის ხელში. ამიტომაც არავის უკვირდა, როცა ყველა მოკავშირე რესპუბლიკაში გამომავალი ყველა გაზეთი ერთდროულად პირველ გვერდზე ბეჭდავდა ბრეჟნევის სიტყვას და ბრეჟნევისადმი მიძღვნილ დაახლოებით ამგვარი შინაარსის ბარათებს:

ძვირფასო ლეონიდ ილიას ძევ!

ჩვენ, აბაშელი მესიმიანდები აღფრთოვანებული ვართ სკკპ ცენტრალური კომიტეტის და პირადად თქვენი, ძვირფასო ლეონიდ ილიას ძევ, ბრძნული გადაწყვეტილებებით, რომლებსაც ჩვენთვის, აბაშელი მესიმიანდებისათვის ახალ-ახალი წარმატებები მოაქვს.

პარტიულ კონფერენციაზე თქვენი გამოსვლა აბაშელმა მშრომელებმა, ისევე, როგორც მთელმა საბჭოთა ხალხმა, აღვიქვით, როგორც დიადი მოწოდება ახალი წარმატებებისაკენ. თქვენ, ჩვენო ძვირფასო ამხანაგო ლეონიდ ილიას ძევ, ხართ ის მანათობელი შუქურა, რომლისკენაც ილტვის მსოფლიო პროლეტარიატი, მთელი მსოფლიოს პროგრესული ძალები. ჩვენ ძალღონეს არ დავიშურებთ თქვენს მიერ დასახული ამოცანების შესასრულებლად. პირობას ვდებთ...

ამ ენაზე ახლა აღარავინ მეტყველებს. მსოფლიოს არც ერთი თავმოყვარე გაზეთი საკუთარ თავს უფლებას არ მისცემს, სიტყვების ამგვარი უაზრო ბრახაბრუხი გამოაქვეყნოს. მაშინ ქვეყნდებოდა! მეტიც, პრესის პარტიულობიდან გამომდინარე, ასეთი შინაარსის მასალების გამოქვეყნება სავალდებულო იყო.

„დინამო“ იმ დღეს მოგვევლინა ერთ მუშტად შეკრულ თავდადებულ მებრძოლთა რაზმად, სადაც ყველა ერთისათვის და ერთი ყველასათვის იბრძოდა. იბრძოდა და გაიმარჯვა. ეს იყო გამარჯვება გამარჯვებაზე მეტი, გამარჯვება იმედისმომცემი და სამაგალითო. სამაგალითო მთელი ერისთვის! ახლა, ამ ძნელბედობის ჟამს სრულიად საქართველოს მართებს ისეთივე ერთიანობა და თავდადება, როგორიც მისი შვილების ერთმანაწილმა გამოიჩინა „დინამოს“ სტადიონის მწვანე მინდორზე“ („თბილისის“ ინფორმაცია).

მოდის, ერთმანეთს შევადაროთ რაიკომის რომელიღაც კაბინეტში შეთხზული „აბაშელი მესიმინდეების“ მიმართვა და სპორტული ჟურნალისტის ხელით დაწერილი საფეხბურთო მატჩის ანგარიში. იმის მიუხედავად, რომ ამ ორი „ლიტერატურული ძეგლის“ შექმნის თარიღებს შორის განსხვავება სოლიდურია, მსგავსება ფანტასტიკურია: იგივე არაფრისმთქმელი მაღალფარდოვნება, იგივე სტილი, იგივე გაცვეთილი ფრაზეოლოგია, იგივე კეკლუცობა, საზოგადოებრივ ცნობიერებაზე ზეგავლენის მოხდენის იგივე წარუმატებელი მცდელობა...

ასე წერა, რა თქმა უნდა, სასაცილოა, ცუდია, მაგრამ მაინც, თვით XXI საუკუნეშიც კი ასე წერენ. ზოგი იმის გამო, რომ სხვანაირად არ შეუძლია, ზოგი იმის გამო, რომ ასე წერა კარგი ჰგონია. მაღალფარდოვნება, თუნდაც ძალიან მაღალ დონეზე შესრულებული, ვნებს ნებისმიერი ჟანრის საგაზეთო მასალას. აქ არ არის საუბარი მაღალფარდოვნების ელემენტების გამოყენებაზე. ზოგჯერ ეს იქნებ აუცილებლობამ მოითხოვოს, მაგრამ დიდი სიფრთხილეა საჭირო, რომ „აბაშელი მესიმინდის“ როლში არ აღმოჩნდე.

„გუშინვე გაირკვა, რომ პოლიცია ავინროებს და სხდომის დარბაზში არშეშვებით ემუქრება გურამ აბსანძის მეუღლესაც. რამ გამოიწვია პოლიციის ასეთი გააქტიურება, ჩვენთვის უცნობი დარჩა იმ მოტივით, რომ პოლკოვნიკმა სიტყვის თქმის ღირსადაც არ ჩავგვთვალა“ (**„ახალი თაობის“ ინფორმაცია**).

სხვათა შორის, პრესაში ხშირია „არშეშვება-არგაგება-არჩამოსვლა-არდაშვებას“ მსგავსი ხელოვნური, გამოგონილი გრამატიკული ფორმები (ისევე, როგორც ყოველად გაუგებარი „გადაჭრაღი“, „მოგვარებაღი“, „შესრულებაღი“, „გაკეთებაღი“, „ცნობაღი“, „გააჟღერა“, „გაახმოვანა...“). ჟურნალისტმა, ეტყობა, არ იცის სიტყვა „მოტივის“ მნიშვნელობა. თანაც, ერთი საკმაოდ ბანალური აზრის გამოსათქმელად რაც შეიძლება მეტი სიტყვის გამოყენებას ცდილობს: „რამ გამოიწვია პოლიციის ასეთი გააქტიურება, ჩვენთვის უცნობი დარჩა იმ მოტივით, რომ პოლკოვნიკმა სიტყვის თქმის ღირსადაც არ ჩავგვთვალა“. ალბათ სჯობდა ეს აზრი ჟურნალისტს დაახლოებით ასე გამოეთქვა: „პოლიციის გააქტიურების მიზეზი ვერ დავადგინეთ, ვინაიდან პოლკოვნიკმა პასუხი არ გვაღირსა“.

„გასული წელი არჩილ ჩოხელის კარიერაში ქართველ სამ-

ბისტოა შორის საუკუნის მესამე და წლის მეორე სპორტსმენის ტიტულით აღინიშნა. თუმცა, მიუხედავად წარმატების ბარაქიანობისა, მას თვითმყოფადობა არ დაუფლება“ (**„დილის გაზეთის“ ინფორმაცია**).

ასეთი ყოვლად უაზრო წინადადების გამოგონებასაც ნიჭი უნდა! ჟურნალისტმა არ იცის, კონკრეტული აზრის გამოსახატავად რომელი სიტყვა უნდა გამოიყენოს. იშვიათად, მაგრამ ასე ემართება უცხოელს, რომელმაც იცის სიტყვები, მაგრამ მათთვის წინადადებაში ადგილის მიჩენას ვერ ახერხებს.

ჟურნალისტმა არ იცის, რომ „გასულ წელს“ ქართულად ჰქვია „შარშან“; რომ სიტყვათშეთანხმება „წარმატების ბარაქიანობა“ ალოგიკურია, სულელურია და ქართულ ენაში არ არსებობს; რომ ადამიანს შეიძლება დაეუფლოს შიში, სიყვარული, სიძულვილი, შიმშილი, კმაყოფილებაც კი, მაგრამ „თვითმყოფადობის დაუფლება“ ყოვლად წარმოუდგენელია!

ტირაჟირებული უაზრობების კიდევ რამდენიმე ნიმუში ვნახოთ და მერე, იქნებ, რაიმე დასკვნის გამოტანაც შევძლოთ. ნიმუშები აღებულია გაზეთ **„ახალი თაობიდან“**, თუმცა, ასეთი მაგალითები ამ ეპოქის ნებისმიერ გაზეთში შეიძლება შეგვხვდეს\*:

„მოქკავშირი შევარდნაძის შიშველ მდგომარეობაში დატოვებას არ დაუშვებს“ (სათაური).

„ეს ერთგვარი ინიციატივა, რომელიც „ახალი „ფრაქციის“ ინიციატივით გაფორმდა, ახალი არ არის და ბოლო ხუთი წლის განმავლობაში სხვადასხვა პოლიტიკურ წრეებში გამუდმებით ფიგურირებს“.

„შორს ვარ იმ აზრისგან, რომ მას რალაცას ვკარნახობდე და ყველას მოვუნოდე, ამ თემაზე წინასწარ აკვიატებული დამაჯერებელი და არადამაჯერებელი არგუმენტებით ბაასი შეწყვიტოთ“.

„არ შეიძლება იმაზე საუბარი, რომ ჩვენ დღეს კიდევ ერთხელ დაემარცხდით, ან კაპიტულაციას აქვს ადგილი“.

„როცა მოსამართლეს ამაზე მიუთითეს ჟურნალისტებმა, მოსამართლემ ნათქვამს იგნორირება გაუკეთა“.

„გურამ აბსანძის პროცესზე მსგავსი უპრეცედენტო შემთხვევა მეორედ მოხდა“.

„ჟურნალისტებს მან უბრძანა, დაეკავებინათ ის ინსტანცია, საიდანაც საერთოდ არ ისმის განსასჯელების, თვით ბატონი

გურამ აბსანძის (მას ყველაზე მაღალი ხმა აქვს) ხმის გაგონებაც კი“.

„ჩვენ პირიქით, ვიცავდით განსასჯელების უფლებებს, რამაც მიგვიყვანა იქამდე, რომ მოსამართლესთან შევედით პოლემიკაში“.

„ამრიგად, მე თავი დავიზღვიე ამჯერად“.  
და უამრავი სხვა.

თითქოს უცნაურია, მაგრამ თვით XXI საუკუნის დასაწყისშიც კი, საქართველოში არ არსებობდა არც ერთი, ვიმეორებ, არც ერთი გაზეთი, რომელიც ენობრივი თვალსაზრისით არ სცოდავდა. სცოდავდა კი არა, ქართული სალიტერატურო ენისადმი პრესის დამოკიდებულება, უბრალოდ, მკრეხელურიც კი იყო. გულახდილად რომ ვთქვა, პრესაში გამოქვეყნებული ამგვარი ტექსტებისთვის სახელის დარქმევა ძალიან მიჭირს. ეს იყო რაღაც უფრო მეტი, ვიდრე, ზოგადად, უვიცობა, უპასუხისმგებლობა, ან საქმისადმი უსინდისო დამოკიდებულებაა.

ვცადოთ, გავარკვიოთ, რა ფენომენთან გვაქვს საქმე. ხოლო რა შეიძლება მოჰყვეს მშობლიური ენისადმი ასეთ დამოკიდებულებას, ეს ცალკე სერიოზული კვლევის საგანია.

ძალიან მოკლედ განვიხილოთ ნებისმიერი ზემოთ მოხმობილი ციტატა. მაგალითად, აი, ეს:

„როცა მოსამართლეს ამაზე მიუთითეს ჟურნალისტებმა, მოსამართლემ ნათქვამს იგნორირება გაუკეთა“.

ამ წინადადების პირველი ნაწილი ვულგარული მაღალფარდოვნების ნიმუშია: „როცა მოსამართლეს ამაზე მიუთითეს ჟურნალისტებმა“. ოციანი წლების ცისფერყანწელთა მანერული სტილი ამ წინადადებას ისე უხდება, როგორც სახედარს — საყურე. ამის გარდა, ამ წინადადების ავტორი თავს ერთობ ბრიყვულ ვითარებაში იგდებს — რა მორალური ან იურიდიული უფლება აქვს ჟურნალისტს „მოსამართლეს მიუთითოს!?“ ანუ ავტორი ვერ ერკვევა უმარტივეს კონსტიტუციურ ნორმებში. რაც შეეხება გამოთქმას, „იგნორირება გაუკეთა“, ესეც უვიცობის, უცხო სიტყვით კეკლუცობის და მშობლიური ენისადმი ყოვლად უდიერი დამოკიდებულების ნიმუშია. სჯობდა ჟურნალისტს ეთქვა „მოსამართლემ ნაუყრუა“, „ყურადღება არ მიაქცია“, „არ უპასუხა“, ბოლოსდაბოლოს — „ფეხებზე დაიკიდა“.

ზემოთ მოხმობილი მაგალითები მხოლოდ მშობლიური ენის

უცოდინრობის კი არა, ზოგადად, გაუნათლებლობის ბრალია — ჟურნალისტი, ერთი მხრივ, ვერ პოულობს საჭირო სიტყვებს აზრის ნათლად გადმოსაცემად, მეორე მხრივ, არც რაიმე ნათელი აზრი აქვს. სამაგიეროდ, სიტყვების კორიანტელით საკუთარი უფიცობის შენიღბვას ცდილობს და ვინაიდან მისი ნამოღვაწარი გაზეთის ფურცლებზე ქვეყნდება, ამას აღწევს კიდევც.

ვიდრე ხელში კალამს აიღებდეთ და „ფეხი გავიქნიე ხელი“ ან „ამრიგად, მე თავი დავიზღვიე ამჯერადო“, დაწერდეთ, გაიხსენეთ, რედაქტორის თვალის ახვევა ან თავბრუს დახვევა მართლაც შესაძლებელია, მკითხველისთვის — ყოვლად წარმოუდგენელია. ისიც გაითვალისწინეთ, რომ სტატიები იწერება არა რედაქტორისთვის, არამედ, მკითხველისთვის.

**ოდესლაც, ვიდრე საინფორმაციო სივრცეს და, შესაბამისად, ჩვენს გონებას ტელევიზია დაიპყრობდა, საქართველოში ზღაპრული პოპულარობით სარგებლობდა მსახიობ ეროსი მანჯგალაძის საფეხბურთო რადიორეპორტაჟები. მსმენელები ოთხმოცდაათი წუთის განმავლობაში სულგანაბული ისხდნენ რეპროდუქტორებთან. მათ აინტერესებდათ არა მარტო მატჩის მიმდინარეობა და მისი შედეგი, არამედ რადიო-შოუ უნიჭიერესი მსახიობის შესრულებით:**

„მიმდინარეობს თამაშის მეორე ნახევრის მეოცე წუთი. ერთმანეთს ხვდებიან თბილისის „დინამოსა“ და იუგოსლავიის „ოლიმპიას“ ოსტატ ფეხბურთელთა გუნდები. ანგარიშია ოთხით ნოლი, ოთხით ნოლი თბილისელთა სასარგებლოდ. ჯარიმა. დაარტყამენ ჩვენი სტუმრები, იუგოსლავიელები. ჩვენს კარამდე იქნება, ასე, 40-45 მეტრი. ემზადებიან. თუ იუგოსლავიელები ამ ჯარიმას გაიტანენ, ანგარიში გახდება... ახლავე მოგახსენებთ, ანგარიშია 4:0, ესე იგი, ანგარიში გახდება 4:1 თბილისელთა სასარგებლოდ. უეფას თასის გათამაშებას რომ გამოვეთიშოთ, მაშინ საპასუხო მატჩი ლიუბლიანაში უნდა წავაგოთ ანგარიშით 4:0 ან 5:1. დარტყმა... არის! რამ დამანყებინა, კაცო, ეს ლაპარაკი, ა?..“

ეროსი მანჯგალაძის რადიორეპორტაჟებზე დღესაც ლეგენდები დადის. ახლა წარმოიდგინეთ, იქნებოდა თუ არა იგი პოპულარული კომენტატორი, ასეთი ტექსტებით რომ ელაპარაკა: „მარჯვენა მხრიდან შეტევა განახორციელა...“ „შეტევაშია გიორგი კიკნაძე...“ „ყაველაშვილმა ჯამარაულს პასი გაუკეთა...“ „ბავარიელები ცენტრში ძალების აკუმულირებას ახდენენ...“, „ბუკვალურად შეიძლება ითქვას..“

ეს გამოთქმები მე არ გამომიგონია. ბევრი ქართველი სპორტული კომენტატორი, სამწუხაროდ, მართლაც ასე ლაპარაკობს და კიდევ უფრო უარესად — წერს. ისინი საკუთარ თავს სპორტის რომელიმე სახეობის სპეციალისტებს უწოდებენ. ალბათ, ასეცაა, მაგრამ მათ ნაამბობს რომ თავს და ბოლოს ვერ გაუგებ, ესეც მართალია.

„პასი გაუკეთას“ სინდრომი, ვფიქრობ, რუსიციზმებიდან უნდა მოდიოდეს (сделай пас). პოსტკომუნისტურ საქართველოში ცოტა უცნაური ვითარება შეიქმნა. ტოტალური რუსულენოვანი საქმის წარმოება წარსულს ჩაბარდა და იმავე საქმის ლიტერატურულ ქართულ ენაზე საკეთებლად ვერავინ მოიცალა. ამიტომ იმ სიტყვებს ვხმარობთ, რაც პირველად გავგახსენდება. „ბუკვალურად რომ ვთქვა“, რუსული დავივიწყეთ და მშობლიური ქართულიც ვერ ვისწავლეთ.

საგაზეთო სტატიებში ძალიან ხშირად გვხვდება ე.წ. **შეუსაბამობანი**: „მე დავკითხე შევარდნაძე რუსულად, რადგან კარგად ვიცი რუსული და გავჭყდავდი, გავჭედე კიდევაც“ (**„საქართველოს რესპუბლიკის“ ინფორმაცია**). ამ ქუჩური ჟარგონის („გავჭედე“) გამოყენებით, ავტორს სურს თქვას, რომ პრეზიდენტ შევარდნაძეს ლოგიკით აჯობა, „კუთხეში მიიმწყვდია“. ხოლო ამ „ინტელექტუალური გმირობის“ საშუალებად რუსული ენის კარგად ცოდნას ასახელებს. ეს აბსურდია. რუსული ენის სრულყოფილად ცოდნა შევარდნაძის, ან ნებისმიერი სხვა ადამიანის „კუთხეში მისამწყვდევად“ არ გამოდგება. ეს მაშინ იქნებოდა საკმარისი, შევარდნაძეს რუსული ენის გრამატიკაში გამოცდა რომ ჰქონოდა ჩასაბარებელი.

„პროფესორის ხელფასი თვეში ხუთასი მანეთია. ამ ფულით ბაზარში მხოლოდ ორი გოჭის ყიდვა შეიძლება, ე.ი. პროფესორი თვეში ორ გოჭად მუშაობს. ამ დროს რამდენია კომერციული მაღაზიის მეპატრონისა და მისი თანამშრომლების შემოსავალი? ძალიან ბევრი, იმდენად ბევრი, რომ პროფესორისას რამდენჯერმე აღემატება. სამართალია ეს?“ (**„თბილისის“ ინფორმაცია**).

შეგვიძლია გულწრფელად ვუთანაგრძნოთ ღარიბ პროფესორს, მაგრამ რა შუაშია მაღაზიის მეპატრონე? ავტორს პროფესორის სიღარიბე ვაჭრის ბრალი ჰგონია და არა სახელმწიფოს არასწორი ეკონომიკური პოლიტიკისა.



## ერიდეთ მაღალფარდოვნებას!

თანამედროვე პრესაში მაღალფარდოვნებისთვის ადგილი აღარ რჩება. გთხოვთ, სწორად გამიგოთ, ვლადპარაკობ არა სიტყვაკაზმულობაზე, არამედ მაღალფარდოვნებაზე. როგორც ნესი, ასიდან ოთხმოცდაცხრამეტ შემთხვევაში, უადგილო მაღალფარდოვნებით ავტორი საკუთარი გონებრივი უმწეობის, უფიცობის შენიღბვას ცდილობს და... ყოველთვის მარცხდება.

წერის ე.წ. „მაღალი შტილი“, ანუ მაღალფარდოვნება დამახასიათებელი იყო კომუნისტური პრესისთვის და მემკვიდრეობით მიიღო პოსტკომუნისტურმა პოლიტიზებულმა პრესამ. არსებობს მაღალფარდოვნების რამდენიმე სახეობა.

**ნამდვილი მაღალფარდოვნება.** ეს არის მაღალ ინტელექტუალურ დონეზე შესრულებული პრესისთვის განკუთვნილი მაღალფარდოვანი ლიტერატურა. უფრო ხშირად, ეს არის რომელიმე ლიტერატურული ნაწარმოების განხილვა, ცნობილი პიროვნების საიუბილეო თარიღისადმი მიძღვნილი ნაწარმოები, ფაქტის ან პიროვნების გახსენება, პოლიტიკური პოლემიკა და სხვა.

მაღალფარდოვნების მიზანია სიტყვების თამაშით, წინადადებების კონსტრუქციებით აზრის რაც შეიძლება ლამაზად, ემოციურად გადმოცემა და ამით მკითხველის ცნობიერებაზე ზემოქმედება.

„არა, თარაშ, ეს არ მოხდება — უკვდავებას ვერ კლავენ, საქართველო კი უკვდავია და თუ მოკვდება, მზესთან ერთად მოკვდება...“

რა ვთქვათ, ასეთი ჯილაგის და თოხუმის ხალხი ვართ ქართველები — მტრობას და წყენას დიდხანს ვერ ვიჩერებთ გულში. იმ დღეს, თარაშ, უნივერსიტეტში ლექციაზე მივიჩქარი, მაგვიანდება და ლამის საკუთარ თავს გავუსწრო. ვხედავ, ერთი ჩემი ნაცნობი პროფესორი მოდის, ეროვნებით ოსი\*. მოდის და მოდენის ფიქრების ნახირს, თვალების აწვევა უჭირს, მძიმედ მოიქნევს ჩანთას. მხართან გამისრიალა მისმა მზერამ და ვითომ ვერ დამინახა, უფრო ღრმად ჩაღუნა თავი... მივედი, მივესალმე და გადავკოცნე, როგორც ადრე... იქნებ ეს არის ჩვენი ქართული სისუსტე, თარაშ. იქნებ ამიტომ დაგვაფრინდება ხოლმე მხარზე ყორანი?!“ (**„თბილისის“ ინფორმაცია**).

ეს არის პროფესორ ჯემალ აფციაურის ეპისტოლარული ჟან-

რის მაღალფარდოვნება — ავტორი საქართველოში შექმნილ პოლიტიკურ ვითარებაზე ესაუბრება თავის ოდინდელ მეგობარს, თარაშს. ამ წერილს A-3 ფორმატის გაზეთის მთელი გვერდი უჭირავს. მიუხედავად მაღალფარდოვნებისა, იგი თავიდან ბოლომდეც კი შეიძლება წაიკითხოთ. ეს არის ავტორის, პროფესორ აფციაურის დამსახურება. მან იცის, როგორ იმოქმედოს მკითხველზე. თუმცა, საბოლოოდ, მისი შრომა მაინც წყალში გადაყრილია — მაღალფარდოვნებისთვის, მათ შორის, მართლაც მაღალინტელექტუალური დონის მაღალფარდოვნებისთვის, აღარავის სცალია.

მაღალფარდოვნების ნიმუშად შეიძლება ჩაითვალოს დათო მალრაძის პოეზიისადმი მიძღვნილი ეს სტატიაც:

„...ოდესღაც მისი საიმპერატორო უდიდებულესობის ფავორიტი, დაღესტნელ მემამბოხეთა რისხვა, ბრწყინვალე სეფექალების გულთა მპყრობელი, განთქმული თამადა და მოლექსე, ან უკვე გადამდგარი, მარტოსული გენერალი სევდიანად იგონებს წარსულს: „მახსოვს, ტრფობაში დამთარსეს, გულს ახლაც კვამლი ევლება, სიტყვად იწვიმა ქალაღზე შეკავებულმა ცრემლებმა...“

გენერალმა მშვენივრად იცის საკუთარი თავის ფასიც და საკუთარი ნაკეთებისაც — ომში მრისხანე და დაუნდობელი იყო, ქეიფში — თავანწყვეტილი, მეგობრებში — ყოჩი, ქალებში — უბადლო, ტოლებში — უბრალო, სასახლეებში — ქედმაღალი: „კვამლში ვახვევდი რამაზანს, მეხზე რომ მეხი დამერთო, დილიდან ვჭექედი ზარბაზანს, ვითარცა გლოვის კამერტონს. ხან მერეოდა გოდება, კანჭში მწვდებოდა ოღრაში, იმ ქვეყნად დაახსომდებათ, აქ რომ გავადე გოგრაში...“

დიახ, ეს გრიგოლ ორბელიანია, სინამდვილედ რომ აქცია მწუხარე სახის რაინდის — დონ კიხოტ ლამანჩელის ათასი წლის ნაოცნებარი: „ვინც მხნე ლამანჩელს იცნობდა, მწუხარე სახის ბაზიერს... რასაც ის დატინგიცობდა, მე სინამდვილედ ვაქციე“.

„...ეხრ, ღრაფინია!“ ამქვეყნად ხომ ყველაფერი წარმავალია: სიძულვილიცა და სიყვარულიც, დარდიც, ვაებაც, სიხარულიც და სიამოვნებაც. ახლა ყველასგან დავიწყებულ, ყავლგასულ, უსაქმოდ დარჩენილ გენერალს სისხლნასვამი ხმალი სადღაც კუთხეში უჟანგდება, აქსელბანდებს წვიმა უსველებს, სეფექალებიც აღარ ეხვევიან. აღარც ომებია, აღარც დუელია, აღარც ძველი ბიჭებია და აღარც ორთაჭალის ბაღები. ბებერი ნაგენერ-

ლარი პეროვის ქუჩის კაფეში თავჩაქინდრული ზის და ზიზლით უსმენს უცხო ჯაზურ მუსიკას.

მე ნიკალასთან ერთად გახლდით ორთაჭალის დუქანში, ჯამბაზთა ყიყინამ რომ დაიგრგვინა\*, მეფე-იმპერატორი, ნიკოლოზ მეორე ჩამოაგდესო. მაშინ ნიკალამ თანაგრძნობით გახედა მეფის პორტრეტს და ნაღვლიანად ჩაილაპარაკა: „რა უიღბლო ყოფილა ჩემი სეხნია“. ჩვენ ერთად მოვხატეთ თბილისური დუქნები, ერთად ვაყვლილებდით ხარფუხში არლანს და ერთად ვეტრფოდით უმშვენიერეს მარგარიტას. ერთად მივდიოდით კახეთში და ერთად გვევსებოდა ცრემლებით თვალი, სბოს რომ დასაკლავად წამოაქცევდნენ... („დრონი“ ინფორმაცია).

არავითარი ეპითეტები პოეტის მისამართით, არავითარი გადაკრული სიტყვაც კი მაღრადის პოეზიაზე — ავტორი საუბრობს საკუთარ ემოციაზე, მასში პოეტის ლექსებს რომ აღუძრავს.

მკითხველი პირველივე სტრიქონებიდან რწმუნდება, რომ სტატიის ავტორის ენით თვით პოეტი ესაუბრება; რომ, თუნდაც, აი, ეს სიტყვები ეკუთვნის პოეტს და არა სტატიის ავტორს: „ოდესღაც მისი საიმპერატორო უდიდებულესობის ფავორიტი, დაღესტნელ მემამბოხეთა რისხვა, ბრწყინვალე სეფექალების გულთა მპყრობელი, განთქმული თამადა და მოლექსე, ან უკვე გადამდგარი მარტოსული გენერალი სევედიანად იგონებს წარსულს...“

მკითხველის ემოციას ისიც აძლიერებს, რომ ავტორის ამ სიტყვებს უშუალოდ დაბუნებრივად მოსდევს პოეტური სტრიქონები: „მახსოვს, ტრფობაში დამთარსეს, გულს ახლაც კვამლი ევლება, სიტყვად ინვიმა ქალაღდზე შეკავებულმა ცრემლებმა...“

მკითხველი გრძნობს ავტორის გულწრფელობას, უფრო ზუსტად, მას ავტორი აიძულებს, ირწმუნოს მისი გულწრფელობა და ამას ახერხებს კიდევ — პოულობს საჭირო სიტყვებს და აუცილებელ ტონს საკუთარი ემოციების მკითხველისთვის გადასაცემად.

რა თქმა უნდა, მოყვანილი ნიმუში არის „დრონი“ გამოქვეყნებული სტატიის ნაწილი. ამ სტატიის სრული ტექსტის გამოქვეყნებიდან ორი წლის შემდეგ კახეთის ერთ-ერთ სოფელში, იქაური შუახნის კაცი, უშანგ ხეტეშვილი, ტრადიციულ ქართულ სუფრაზე თავდავინწყებით კითხულობდა მაღრადის ლექსებს, ოღონდ, არცერთი მათგანი არ იცოდა თავიდან ბოლომდე — გაზეთში გამოქვეყნებული ნაწყვეტები დაესწავლა.

გულწრფელად მთხოვა, იქნებ პატივი დამდო, მაღრაძის ლექსების წიგნი მაშოვნინო და მერე მე ვიცი და ჩემმა ბიჭობამო. ისიც დააყოლა, „დრონში“ ისეთი რამეები წავიკითხე მაგ კაცზე, უეჭველად ლაზათიანი პოეტი იქნებაო.

მოკლედ, ის მაღალფარდოვნებაა ნამდვილი, კახელ გლესს უცნობი პოეტის ლექსებს რომ წააკითხებს და თვალზე ცრემლს მოადენს.

გთხოვთ, ერთმანეთში ნუ აურევთ მაღალფარდოვნებას და სიტყვაკაზმულობას — ამ წიგნში სიტყვაკაზმულობის ავკარგინობაზე მსჯელობა, საერთოდ, არ არის.

**ცრუ მაღალფარდოვნება.** ეს არის პრესაში ძლიერ ფეხმოკიდებული დაავადება. რაც უფრო გამოუცდელია, რაც უფრო გაუნათლებელია ავტორი, გული და ხელი მით უფრო გაურბის მაღალფარდოვნებისკენ:

„...სამოცდაათი წელია თავისუფლებანართმეული ქართველი ერი ბორგავს და გმინავს თავისი უფლებების აღსადგენად. მადლობა ღმერთს, გვყვანდნენ ერისკაცნი, გამუდმებით რომ გვაფხიზლებდნენ და გვამხნევებდნენ, ახლაც, ამ აბობოქრებულსა და აფოფრილ საქართველოშიც გვყავს ერისკაცი და წინამძღოლი, ბატონი ზვიად გამსახურდია. გაყვეთ, ვენდოთ ჩვენს წინამძღოლს, მის ალლოსა და ჭკუას, რადგან ეროვნულსა და პოლიტიკურ მოღვაწეს აქვს ნიჭი, უნარი — სამშობლოს დამოუკიდებლობის მოპოვებისა.

...დიდხანს თათბირობდნენ უხუცესნი.

ბოლოს ერთი მათგანი გამოეყო მოთათბირეთ, მიუახლოვდა მესსიას, პირჯვარი გადასახა და ერის მამობა მიულოცა...

ქრისტე აღსდგა! — დაჭექა ერის სულის ნათლულმა.

— ჭეშმარიტად! — დაიქუხეს ყოველი მხრიდან“. (**„თბილისის“ ინფორმაცია**).

ავტორს სურს მხარი დაუჭიროს პრეზიდენტობის კანდიდატს. უფრო ზუსტად, სურს ამომრჩეველს წარუდგინოს ხალხისთვის წამებული რაინდი და ამ მიზნით ყალბ მაღალფარდოვნებას ირჩევს. შედეგი, როგორც მოსალოდნელი იყო, სასურველის საწინააღმდეგოა.

„ქალი ამასობაში ნელა წამოიმართა. სანთლები ციმციმებდნენ. ღვთისმშობელი, როგორც ყოველთვის, ახლაც მონყალე იყო. წმინდა გიორგის კი მკვეთრად ემჩნეოდა თვალეში ნალველი და მკაცრი სევდა. ნათელმოფენილი ტაძრიდან ნელა

გადიოდა ფერმიხდილი ქალი, რომელსაც დაჭრილი ფრთებივით მისდევდა ცისფერი, ნისლივით თხელი და გამჭვირვალე მოსასხამი“ (**„თბილისის“ ინფორმაცია**).

როგორც წესი, ასე წერენ 14-დან 17 წლამდე ასაკის ახალგაზრდები, ანუ ეს არის ლიტერატურული ვარჯიში, რომლის ადგილი არ შეიძლება იყოს მეხუთე-მერვე კლასის საკონტროლო წერის რვეულებში, მით უფრო — სერიოზულ პრესაში.

„ქალაქს მოედო საზარელი ამბავი — უნივერსიტეტის ეზოში ბიჭები მოუკლავთო.

ეზო სავსე იყო ცრემლგამშრალი, გაოგნებული, დამუნჯებული ხალხით. სიჩუმე იყო დამუხტული და საზარელი.

— ვაი, თქვენს დედას, შვილებო! — კენესოდა ვილაც“ (**„თბილისის“ ინფორმაცია**).

შემდეგ ავტორი განაგრძობს შეგონებებს, რომ კაცის კვლა ცოდვას, ცუდია, არ შეიძლება. ამას აკეთებს ისეთივე მაღალფარდოვნებით, როგორითაც დაიწყო. მკითხველი პირველივე სიტყვებიდან ცნობს მაღალფარდოვნებას ამოფარებულ გულგრილობას. ავტორი ვერ ახერხებს მისთვის გულის აჩუყებას. მკითხველს აინტერესებს მკვლელობის დეტალები: ვინ მოკლა, როგორ მოკლა, რატომ მოკლა.

ამის ნაცვლად კი ინფორმაციის ავტორი ზედსართავების აღლუმს გვთავაზობს: ცრემლგამშრალი, დამუნჯებული, გაოგნებული, დამუხტული, საზარელი...

„დროა დიდ-დიდმა ფუნქციონერებმა სალად იაზროვნონ, თავი დაანებონ ვირეშმაკობას, ზედმეტ პრობლემებს ნუ გვიქმნიან, ისედაც გაძაღლებულ ცხოვრებას ნულა გვირთულებენ. სავსებით დაუზარლად შეუძლიათ აღმოსავლეთ ევროპიდან გამოიყვანონ ჯარები, რაკი მათი საჭიროება აღარ არსებობს, დემობილიზაციაში გაუშვან და ჯარისკაცებსაც და ოფიცრებსაც გზა დაულოცონ თავთავიანთი სამშობლოსაკენ, სადაც მათი წინაპრები განისვენებენ“ (**„თბილისის“ ინფორმაცია**).

— გაიყვანეთ საბჭოთა ჯარები აღმოსავლეთ ევროპის ქვეყნებიდან! — ამ მოთხოვნის მამაცური ფორმაც, შინაარსიც და თვითონ წინადადებების კონსტრუქციაც კარიკატურის შთაბეჭდილებას ტოვებს. სურვილის მიუხედავად, მკითხველი ვერ თანაუგრძნობს ავტორს, თუმცა იცის, რომ მისი მოთხოვნა სამართლიანია. ავტორის მიზანი აქაც მიუღწეველია. ეს სტატია თვითონაც თავიდან ბოლომდე მხოლოდ იმისთვის ნაეკითხე,

რომ თქვენთვის მეთქვა: ასე წერა არ შეიძლება. ეს არის უმაქ-  
ნისი სიტყვაუხვობისა და ცრუ მაღალფარდოვნების ნიმუში.

**მიამიტობა.** ეს სიტყვა ქართული ენის განმარტებითი  
ლექსიკონის მიხედვით, გულუბრყვილობას, უემმაკობას, ად-  
ვილად დაჯერებას ნიშნავს. ვერ ვიტყვი, რომ ადამიანისთვის  
ცუდი თვისებაა, მაგრამ პრესაში გამოქვეყნებული მიამიტობა  
უადგილოა.

XX საუკუნის ოთხმოცდაათიანი წლების დასაწყისის ქართულ  
პრესას თუ გადავხედავთ, სისულელემდე დასული მიამიტობა-  
გულუბრყვილობის უამრავ მაგალითს აღმოვაჩინებ.

აღბათ, თავისთვისაც მოულოდნელად პოლიტიკურ ელიტა-  
ში აღმოჩენილმა ოდესლაც მშვენიერმა მწერალმა და ჟურნალ-  
ისტმა, მაღალფარდოვნად რომ ვთქვა, ქართული ენის ეროვნულ  
სამსახურში ჩაყენება განიზრახა. თანაც, დაუყოვნებლივ: ძირს  
რუსიციზმები, ძირს ბარბარიზმები, ძირს უცხო ტერმინოლო-  
გია — ქართული ენა უნდა გაინმინდოს! გურამ პეტრიაშვილის  
აზრით, მკრეხელობაა, როცა პამიდორს ამ ინტერნაციონალური  
ტერმინით მოვიხსენიებთ. გაცილებით „ეროვნული“ იქნება, თუ  
მას ნმინდა ქართულ „ოქროვაშლას“ დავარქმევთ. ან ეს ვიოლი-  
ნო რაღაა, როცა გვაქვს მშვენიერი ვიოლინოს გარე ბიძაშვილი  
ფანდური, ხოლო ყელზე მიბჯენილ ფანდურს რატომაც არ უნდა  
დავარქვათ „ყელფანდურა?!“ ან ეს ვერტმფრენი რას ჰგავს! —  
„ცადღვებია“ ამ მფრინავი მანქანისთვის სწორედ ზედგამოჭ-  
რილი იქნება! და, საერთოდ, დადგა დრო, თავისუფალ საქარ-  
თველოში ქართველი ჩიტი ქართულად ჭიკჭიკებდეს!

თქვენთვის ეს ახლა დაუჯერებლად და სასაცილოდ ჟღერს,  
მაგრამ მაშინდელ ქართულ პრესაში ასეთი რამეები მართლაც  
ინერებოდა და ამ იდეებს მომხრეებიც ჰყავდა. მათ უმრავლესო-  
ბას გულწრფელად სჯეროდა, რომ ქართული ენის ამგვარი გენ-  
ერალური „დასუფთავებით“ დიდი ეროვნული საქმე გაკეთდებო-  
და. ბევრი „პატრიოტი“ დღესაც დარწმუნებულია, რომ მსოფლი-  
ოს ხალხთა ენებში არსებულ ყველა სიტყვას მოეძებნება ქართუ-  
ლი შესატყვისი და უცხოური ტერმინოლოგია საჭირო არ არის;  
რომ ქართული ენა მსოფლიოში ყველაზე მდიდარი, ყველაზე  
კეთილხმოვანი, ყველაზე მრავლისმთქმელი, ყველაზე ლაკონ-  
იური, ყველაზე ძველი, ყველაზე, ყველაზე... ენაა. სიამოვნებით  
დავეთანხმებოდი ამ აზრს, რომ არ ვიცოდე, რომ თვით ისეთი სი-  
ტყვებიც კი, როგორცაა, პური, ეკლესია, ფიქრი, უჯრა, საათი,

ამანათი, არაქათი, მაგიდა, ქისა, რაფა, დახლი, ხარჯი, მოედანი, ბეჭედი, ფანჯარა, ალამი, დროშა, ასლი, ლაშქარი, ამქარი, ამბავი, ხაბარი, ჯეელი და სხვა უამრავი „წმინდა ქართული“ სიტყვა... არაქართული წარმოშობისაა. თუმცა, ეს ქართული ენის ლექსიკურ „სიღარიბეს“ ან ამ სიტყვების არაქართულობას სულაც არ ნიშნავს.

მეორე უკიდურესობაში მას შემდეგ გადავვარდით, რაც ევროპასა და ამერიკაში ნასეირნები და ქართული ხაზინის ქურობით გამდიდრებული „ახალი ქართველები“ მოგვევლინენ (90-იანის შუა წლები). განსწავლულობით, ფულის შოვნის ნიჭითა და დახვეწილი მანერებითაც გაგვაკვირვებს და ახალი ტერმინოლოგიითაც გაგვამდიდრეს. ჯერ იყო და, შევარდნაძე წამდაუნუმ გვიმეორებდა მაგიურ „პლურალიზმს“, რომლის ადგილი შემდეგ უადგილოდ დაიკავა „მენეჯმენტმა“. იმერეთის გუბერნატორი თავდავინყებით იყო შეყვარებული „ტენდერზე“, ყურნალისტები განუწყვეტლივ იმეორებდნენ „ვიზავის“ და „მედიას“, ურაპატრიოტების საყვარელ სიტყვად „მენტალიტეტი“ იქცა, ეკონომისტებისა — „მენეჯერი“; საშუალო ნიჭის უჩინო მეცნიერებმა ლამის დაგვაყრუეს „რამეთუ-ოდენ-მანქურთის“ წამდაუნუმ და უადგილო ხმარებით. და მაინც, მეოცე საუკუნის მინურულის ყველაზე გაცვეთილი სიტყვებია „განპირობებული“ და „გარკვეულნილად“. ერთიცა და მეორეც ე.წ. რუსული „კალკია“ („обусловленный“, „в известной мере~, `отчасти“). ორივე ამ სიტყვას, რა თქმა უნდა, აქვს არსებობის უფლება, მაგრამ მათი ასე უსაშველო ექსპლუატაციაც არ ივარგებს. როცა პოსტკომუნისტური ეპოქის ქართულ პრესას ეცნობი, გეჩვენება, რომ ამქვეყნად ყველაფერი „განპირობებულია“ და ყველაფერი „გარკვეულნილად“ ხდება.

გაცვეთილი სიტყვებისა და ფრაზოლოგიისგან თავის დაღწევა პრაქტიკულად შეუძლებელია, მაგრამ პროფესიონალმა ყურნალისტმა ისინი მხოლოდ აუცილებლობის შემთხვევაში უნდა გამოიყენოს.

**უხვსიტყვაობა.** ჩემი პირველი სერიოზული პუბლიკაცია ერთი მილიციელის უმსგავსო საქციელს ეხებოდა. სანამ დავწერდი, ჩემი ჭკუით, ყველაფერი კარგად ავწონ-დავწონე, სათაურიც მოვიფიქრე, შესავალში დიდი სულხან-საბა ორბელიანის იგავ-არაკიც გავიხსენე. მოკლედ, კარგა მოზრდილი მრისხანე ანტიმილიციური სტატია გამოვაცხე.

ირაკლი ბერიაშვილმა, განყოფილების რედაქტორმა, სტატია ყურადღებით წაიკითხა, სათაური შეცვალა, შესავალი გაანახევრა და სტატიის ტექსტი ერთი მესამედით შეამცირა. თან შემაქო — მშვენივრად დაგიწერიაო. ასე გალამაზებული წერილი მოხვდა მთავარ რედაქტორთან. მანაც შესავალს კიდევ ერთი წინადადება მოაკლო და დარჩენილი ტექსტიც კიდევ ერთი მესამედით შეამცირა.

გულში ცოტა მენწყინა და შევფიქრიანდი კიდევ — ალბათ, დამწყები რომ ვარ, არ მენდობიან, თორემ ის ჩემი შეთხზული მშვენიერი, გულისამაჩუყებელი წინადადებები ნამდვილად არ უნდა წაეშალათ-მეთქი.

მრავალი წლის შემდეგ ის ჩემი პირველი წერილი წავიკითხე და შემიძლია გულახდილად გაგიმხილოთ — მისი უმტკივნეულოდ შემცირება კიდევ შეიძლებოდა. თავის დროზე ბერიაშვილმაც და გოგელიამაც დამინდეს — სწორედ იმიტომ, დამწყები რომ ვიყავი.

დღეს სიამოვნებით შევამცირებდი თითქმის ყველა ჩემს პუბლიკაციას. ვწუხვარ, რომ ახლა ამის გაკეთება შეუძლებელია.

**თქვენც ჩემსავით რომ არ იღარდოთ, ნუ დაინდობთ საკუთარ ნაწერს — რაც მეტად „დანურავთ“, რაც მეტად „გაკრეჭთ“, მკითხველის მით უფრო მეტ კეთილგანწყობას მოიხვეჭთ. ისიც გახსოვდეთ, რომ ჭკვიანი რედაქტორი ჰონორარს რაოდენობაში კი არა, ხარისხში იძლევა!**

დიახ, საგაზეთო ენა და სტილი, თავისებურებების მიუხედავად, ლიტერატურული ენის ჩარჩოებში უნდა თავსდებოდეს, მაგრამ მაინც არის ერთი საკმაოდ უხერხული მოვლენა, რომელსაც გვერდს ვერ ავუვლით.

რედაქტორმა დილის თათბირზე ჯერ ისევ ახალბედა ყურნალისტს თბილისის საპატიო მოქალაქედ არჩეულ ერთ სახელგანთქმულ ქართველ მეცნიერთან ინტერვიუ დამავალა. ჩემს განკარგულებაში სულ რამდენიმე საათი იყო. დავრეკე ბატონი აკადემიკოსის სამსახურში. მითხრეს, რომ ამერიკელ კოლეგებთან ერთად ერთ-ერთ კვლევით ინსტიტუტში ვნახავდი. გავქანდი მითითებულ ინსტიტუტში — შინ წავიდაო; დავურეკე შინ — არ მოსულა, ალბათ, ცეკაში შეხვედრაზე წავიდაო; დავუკავშირდი ცეკას — შეხვედრა ხვალ გვაქვს დანიშნული... ბევრი რომ არ გავაგრძელო, ჩემთვის მოცემული დრო ხელში ისე შემომადნა, აკადემიკოსის გზა-კვალს ვერ მივაგენი.



რედაქტორები დავალების შეუსრულებლობას ძალიან მტკივნეულად, ლამის პირად შეურაცხყოფად აღიქვამენ. ამ მხრივ, ბენდიერი გამონაკლისი არც ჩემი რედაქტორი ყოფილა. ამიტომ ფრიად ორიგინალური გადაწყვეტილება მივიღე — ჩემსავე კითხვებს აკადემიკოსის ნაცვლად პასუხები მე თვითონ გავეცი. იგი იმ პერიოდში ძალიან პოპულარული კაცი იყო და მასზე ბევრი მსმენოდა.

დანიშნულ დროს „ინტერვიუ“ მზად იყო. რედაქტორმა ნაიკითხა, საეჭვო ვერაფერი აღმოაჩინა და დასაბეჭდად ვიზა მისცა. ინტერვიუ იმ დღესვე გამოქვეყნდა.

რედაქტორთან მეორე დილით, ტრადიციული თათბირის დროს დარეკეს. ბატონმა არჩილ გოგელიამ ისე გადმომხედა, მივხვდი, რომ „ჩამიშვეს“. როგორც მერე გაირკვა, აკადემიკოსს რედაქტორისთვის უთქვამს, ის თქვენი ჟურნალისტი ან გენიოსია, ან დიდი ავანტურისტი — მისთვის არავითარი ინტერვიუ არ მიმიცია, მაგრამ იმ შეკითხვებზე სწორედ იმას ვუპასუხებდი, რაც თვითონ მოუფიქრებიაო.

ამიტომ იყო, რომ რედაქტორს ჩემი „გონებამახვილობისთვის“ მადლობა არ გამოუცხადებია, მაგრამ არც დავეუსჯივარ.

რა თქმა უნდა, მე არც გენიოსი ვყოფილვარ, არც ავანტურისტი და არც ნათელმხილველი. უბრალოდ, ვიცოდი, რომ **ადამიანების უმრავლესობა აზროვნებს და საუბრობს მკაცრად ჩამოყალიბებული სტერეოტიპების ჩარჩოებში. ეს განსაკუთრებით ეხება პოლიტიკურ მოღვაწეებს, დიპლომატებს, მაღალი თანამდებობის პირებს, გამოჩენილ მეცნიერებს, სპორტსმენებს და ა.შ. როგორც წესი, ისინი ერთი შეხედვით საინტერესო, მაგრამ მაინც ბანალურ კითხვებზე ბანალურ პასუხებს იძლევიან. თუ თქვენ რესპონდენტს იცნობთ, ბევრ კითხვაზე მისი პასუხის გამოცნობა დიდი სიძნელე სულაც არ არის.** სავარაუდო პასუხის კი არა, ზოგჯერ თვით იმ სიტყვების გამოცნობაც კი შეიძლება, რასაც რესპონდენტი საკუთარი აზრის გადმოსაცემად გამოიყენებს. „გამოცნობის“ ამ ტექნიკას ვირტუოზულად ფლობენ თარჯიმანი-სინქრონისტიები.

ამ მაგალითით იმის ხაზგასმა მინდოდა, რომ გაზეთის ენა და სტილი სპეციფიკურია, ხოლო ამ სპეციფიკის ჯერ შესწავლა და მერე პრაქტიკულად გამოყენება — აუცილებელი. ჩემი ცუდი საქციელის გამეორება სავალდებულო არ არის, მაგრამ ყველა მომავალმა ჟურნალისტმა უნდა იცოდეს — დავალების შეუს-

რულებლობას არავითარი გამამართლებელი არგუმენტი არ გააჩნია. მათ შორის, არც ასეთები: სტუმრად ვიყავი, სიცხე მქონდა, ნათლია მესტუმრა, მეგობრებმა რესტორანში დამპატიყეს...

**„როგორც არისტოტელი ამბობდა“,  
ანუ  
ციტირების ხელოვნება**

კამათისას, რაღაც მოსაზრების მტკიცებისას, მოპაექრებზე ზემოქმედების მოსახდენად, ზოგჯერ სულაც კოპნიაობისა და საკუთარი განსწავლულობის (ხშირად, არარსებულის) სადემონსტრაციოდ გამოჩენილი ადამიანების დამონმება-ციტირება პრესაში საკმაოდ გავრცელებული მოვლენაა. იშველიებენ ფილოსოფოსების, მხედართმთავრების, მეცნიერების, პოლიტიკოსების, პოპულარული ადამიანების გამონათქვამებს.

მართალია, საკუთარი მოსაზრების გასამაგრებლად გამოჩენილთა შეწუხება მაინცდამაინც არ მომწონს და ვერც ვინმეს ვურჩევ, ასე მოიქცეს, მაგრამ ამის აკრძალვა და დანაშაულად გამოცხადება, ვფიქრობ, უაზრობა იქნებოდა. ოღონდ, საჭიროა ზომიერება და ავტორისა და ციტატის ზუსტად შერჩევა.

თუ არ ვცდები, 1993 წლის დასაწყისში ჩემსა და ჩემს კოლეგას, თეიმურაზ მეტრეველს შორის მოულოდნელად კამათი გაიმართა. ახლაც დარწმუნებული ვარ, იმ კამათში მართალი ვიყავი, მაგრამ ეს ამბავი თავის გასამართლებლად, ან ხელახალი კამათის წამოსაწყებად არ გამხსენებია. იმიტომ გავიხსენე, რომ ნიჭიერმა ჟურნალისტმა და ლიტერატორმა თეიმურაზ მეტრეველმა ჩემს წინააღმდეგ შესანიშნავად გამოიყენა დეილ კარნეგი: „...აკი უკვდავი დეილ კარნეგი გვაფრთხილებს, „ათიდან ყოველი ცხრა კამათი მთავრდება იმით, რომ მისი თითოეული მონაწილე უფრო ღრმად რწმუნდება საკუთარი აზრის აბსოლუტურ სისწორეში“.

თავიდანვე კარგად მესმოდა, რომ თეიმურაზ ქორიძე ამ ათიდან მეათე არ იყო, ამიტომაც ჩემს წერილში მივმართავდი არა იმდენად მას, რამდენადაც მიუკერძოებელ მკითხველს...“

პოლემიკური წერილის სათაურიც კარნეგისეული და მრავლისმეტყველი იყო: „არა, ეს კაცი არ არის ათიდან მეათე!“

ჩემმა კოლეგა-ოპონენტმა ზუსტად გამოიყენა დეილ კარნე-

გის შეგონება და მისი აზრი წერილის სათაურშიც შესანიშნავად „გათამაშა“.

მართალია, „გულახდილობა არ ალამაზებს ადამიანს“, მაგრამ მაინც, იგი კაცის ერთი შესანიშნავი თვისებაა: არც ისე კეთილშობილი ვარ, რომ გითხრათ, ჩემს წინააღმდეგ მიმართულმა თეიმურაზ მეტრეველის ამ პატარა ჟურნალისტურმა შედეგმა დიდად გამახარა-მეთქი, მაგრამ „სიმართლე — თვალში სინათლეო“, ხომ გაგიგონიათ.

გასული საუკუნის 70-80-იანი წლების საქართველოში საკმაოდ პოპულარობით სარგებლობდა სახელმწიფო ტელევიზიის პოლიტიკური მიმომხილველი აბონ ციციაშვილი (შეგახსენებთ, რომ კერძო ტელეარხები იმ ეპოქაში არ არსებობდა). თავად ებრაული წარმოშობის ბატონმა აბონმა სახელი გაითქვა სიონიზმისა და ამერიკის შეერთებული შტატების საგარეო პოლიტიკის კრიტიკით. იგი მართლაც მამაცურად და დაუნდობლად უსწორდებოდა არარსებულ ოპონენტებს.

მის სახელთან ერთი ასეთი ნახევარსიმართლევცაა დაკავშირებული: ერთხელ აბონ ციციაშვილმა რეიგანის\* ლანძღვა-გაკილვით რომ გული იჯერა, თავისი ტირადა ამერიკის პრეზიდენტის გასაგონად და გულზე გასახეთქად, ასე დაამთავრა: „ეტყობა, პრეზიდენტ რეიგანს დაავიწყდა ქართული ანდაზა — რაც მოგივა დავითაო, ყველა შენი თავითაო“. ეს არის ბრძნული ხალხური გამონათქვამის ყოვლად შეუფერებელ კონტექსტში მოხსენიების შესანიშნავი ნიმუში.

არაკომპეტენტურობის კიდევ ერთი „მხიარული“ მაგალითი. მისი ავტორი საკმაოდ მხცოვანი და ცხოვრებისეული გამოცდილებით დამძიმებული გაადვოკატებული მილიციელია. ბრძნულ გამოთქმას ისიც სათაურშივე იშველიებს: „თეიმურაზ ქორიძეც, „მცდარი ცოდნა უარესია, ვიდრე არცოდნა“, გირჩევ, გაუტოო!“

ამგვარი ბრძნული სათაურის შემდეგ, ანდაზები ტექსტშიც უხვად უნდა იყოს. არის კიდევ, მაგრამ, სამწუხაროდ, ყველგან უადგილოდ: „...იმდენად კარგავ წონასწორობას, რომ ადამიანს ლანძღავ საქვეყნოდ? არ გაგიგია მაინც ანდაზა — „სხვისი ქირი ჭკუას ვერ შეგმატებსო?“

ასეთი შინაარსის ანდაზა მართლაც არ გამიგია. იქნებ არსებობს კიდევ, მაგრამ ამ კონტექსტში რომ ავტორს უადგილოდ მოჰყავს, ცხადია. რა თქმა უნდა, გაცილებით გონივრული

იქნებოდა, ეს ანდაზა გაეხსენებინა: „სხვისი ქირი — ლობეს ჩხირი“.

საბჭოთა ავტორები, ბუნებრივია, ყველა შესაძლებელი ვითარების განზოგადების მიზნით, ლენინის, მარქსის, ენგელსის, სტალინის, სხვა ბელადების ციტატებს იშველიებდნენ: როგორც დიდი ლენინი იტყოდა... როგორც მარქსი აღნიშნავდა... როგორც ენგელსი\* ამბობდა... როგორც დიდმა სტალინმა თქვა... ეს იყო აუცილებელი ფარისევლობა, ვალის მოხდა მმართველი კომუნისტური პარტიის წინაშე. სამწუხაროდ, ბევრს იგი ჩვევად ექცა. ახლა „ბელადების“ ოდესღაც სიბრძნედ გასაღებულ ბანალურ გამოთქმებს აღარავინ ეტანება, სამაგიეროდ, დიდ გასავალშია არისტოტელე, პლატონი\*, დეკარტი\*, რუსო, ვოლტერი\*, ნაპოლეონი, ტალეირანი\*, ლა როშფოკო, ჯეფერსონი, აინშტაინი და მრავალი სხვა ყოვლად უდანაშაულო ისტორიული პიროვნება. თანამედროვეები მათ ზოგჯერ ისეთ რამეებს აბრალებენ, თავში, ალბათ, არასოდეს რომ არ მოსვლიათ.

გამოცდილმა „ციტატისტმა“ იცის, რომ მკითხველი მისი ნათქვამის (ნაწერის) შემონიშნებას არ დაინწყებს. ამიტომ ხშირად თავს უმწეო „გამოჩენილის“ უსაზღვრო ექსპლუატაციის უფლებას აძლევს — მკვდრები ვერ გაიგებენ, ცოცხლები არ შეამომნებენ! ამიტომ საქმე გასაოცარ კურიოზებამდეც კი მიდის: ერთმა გაპოლიტიკოსებულმა დიასახლისმა თავის საგაზეთო სტატიაში ერთი ცნობილი გამონათქვამი სტეფან მალარმეს\* დააბრალა, იმ პერიოდშივე გამოქვეყნებულ მეორე სტატიაში — არტურ რემბოს. არადა, ეს „ცნობილი გამონათქვამი“ ალექსანდრ პუშკინს ეკუთვნოდა!

თანამედროვე პრესაში საკუთარი აზრის დასადასტურებლად ან მისი სისწორის შესამოწმებლად ბრძნული აზრების, ანდაზების, თუ იგავების მოსახმობად ადგილი თითქმის აღარ რჩება. თუმცა, ავტორის წინაშე ციტატების გამოყენების აუცილებლობაც ხშირად ჩნდება. განსაკუთრებით, როცა საქმე გვაქვს რეპორტაჟულ ჟანრთან. ვიმეორებ, აქ საუბარია საგაზეთო სტატიაში მოხსენიებული პირის ციტირებაზე და არა გამოჩენილ ადამიანთა გამონათქვამების დამონიშნებაზე.

ციტირების დროს დიდი სიფრთხილე და სიზუსტეა საჭირო. არც ლაკონიურობა უნდა დავივიწყოთ. მაგალითად: „საქართველოს სამხედრო მინისტრმა, გენერალ-ლეიტენანტმა დავით თევზაძემ განაცხადა, რომ მას არავითარი საერთო არა აქვს პრ-

ალაში იარაღის შექენასთან“ — სჯობდა, ჟურნალისტს ეს ფრაზა ასე დაენერა: „გენერალმა თევზაძემ უარყო თავისი მონაწილეობა ჩეხური იარაღის შექენაში“.

ციტირება გარდაუვალი და აუცილებელია ისეთი ურთულესი ჟურნალისტური ჟანრის გამოყენებისას, როგორცაა პოლემიკა. ამ საკითხზე ვრცლად მომავალში უთუოდ ვისაუბრებთ, მაგრამ ერთი რამ ახლავე უნდა ვთქვა — პოლემიკის დროს აუცილებელია ციტირების კულტურის დაცვა. მოხმობილი ციტატა სიუჟეტური თვალსაზრისით დასრულებულ აზრს უნდა გამოხატავდეს და წინა და მომდევნო აბზაცების შინაარსზე დამოკიდებული არ უნდა იყოს. თუ ასეთი დამოკიდებულება არსებობს, მაშინ ჩვენ, უპირველეს ყოვლისა, უნდა ვისაუბროთ ამ დარჩენილი აბზაცების შინაარსზე და მის კავშირზე უშუალოდ მოხმობილ (ციტირებულ) ტექსტთან.

ციტატები აუცილებელია იმ შემთხვევაშიც, როცა ჟურნალისტი ე.წ. „მრგვალი მაგიდის“, ანუ აზრთა გაზიარების სტილით წერს. აქ არ არის აუცილებელი ავტორის სტილის შენარჩუნება. პირიქით, უნდა დარჩეს მთავარი აზრი, დანარჩენი შეიძლება კარგად „გაშალაშინდეს“, ჟურნალისტის და რედაქტორის გემოვნებით „ჩამოიქნას“.

ნუ დაივიწყებთ, რომ ნებისმიერი სირთულის, თუ საზოგადოებრივი მნიშვნელობის მქონე საგაზეთო სტატია არის მხოლოდ საგაზეთო სტატია და არა აკადემიურ გამოცემაში გამოქვეყნებული სამეცნიერო ნაშრომი. საგაზეთო სტატიაში არ არის სავალდებულო ყველა თეზისის, მოსაზრების დასაბუთება და შესაბამისი მეცნიერული ნაშრომებიდან ციტირება. მთავარია, იცოდეთ, რომ რასაც წერთ ან ამბობთ, ყველაფერი სიმართლეა. გაზეთში წყაროების მითითება და სქოლიოების გაკეთება სასურველი არ არის. ამას არც არავინ აკეთებს, გარდა იმ ადამიანებისა, ვისაც, როგორც გითხარით, ნებისმიერი საშუალებით თავის გამოჩენის წყურვილი კლავთ.

ოდესღაც სავსებით სერიოზულად ტარდებოდა არაფრისმთქმელი გრანდიოზული პარტიული და კომკავშირული ღონისძიებები, პრესაში კი ასეთი შინაარსის ინფორმაციები ქვეყნდებოდა:

„საქართველოს ლენინური კომკავშირის XXXI ყრილობას ესწრებოდა ქვეყნის 2445 პირველადი კომკავშირული ორგანიზაციის 3532 დელეგატი. მათ შორის: სკკპ წევრი — 2980, სკკპ წევ-

რობის კანდიდატი — 335, ალკკ წევრი — 350, მუშა — 2200, ქალი — 1700, ქართველი — 901, სომეხი... აზერბაიჯანელი... რუსი... უკრაინელი...“

„საანგარიშო პერიოდში ახალგაზრდობისა და კომკავშირელთა ძალებით შესრულებულია

მილიარდ 125 მილიონი მანეთის სამუშაო. მათ შორის: მძიმე მრეწველობაში — 435 მლნ.; მსუბუქ მრეწველობაში — 330 მლნ.; ენერგეტიკაში — 225 მლნ.; სოფლის მეურნეობაში — 125 მლნ...“

აქ საუბარი არ ეხება ამ ციფრების ნამდვილობას — ისინი, რა თქმა უნდა, ყალბია. ჩვენთვის სხვა რამ არის საინტერესო: საჭიროა თუ არა პრესაში ამგვარი ყოვლად უინტერესო სტატისტიკის გამოქვეყნება. წარმოიდგინეთ საფეხბურთო მატიჩის საგაზეთო რეპორტაჟი, სადაც დაწვრილებითაა მოთხრობილი, რამდენჯერ დაუსტვინა მსაჯმა, მოედანზე რამდენჯერ დაეცა თითოეული მოთამაშე, ვინ რამდენი ჯარიმა დაიმსახურა, რომელი გუნდი რამდენ წუთს ათამაშებდა ბურთს, რამდენი დარტყმა მოიგერია მეკარემ, რამდენი ასცდა კარს და ა.შ. წმინდა სტატისტიკისთვის ეს ციფრები იქნებ მართლაც აუცილებელია, მაგრამ ისინი მკითხველს არ აინტერესებს. ამიტომ, პრესაში ციფრებისა და რიცხვების დამონმებისას ძალიან დიდი სიფრთხილეა საჭირო — ისინი მხოლოდ მაშინ უნდა გამოვიყენოთ, როცა ამას უკიდურესი აუცილებლობა მოითხოვს. მაგალითად, თუ თქვენ 1980 წლის მოდელის სკკპ პოლიტბიუროს ასაკობრივი შეფასება გსურთ, არ არის აუცილებელი პოლიტბიუროს ყველა წევრის დაბადების თარიღის მითითება. სავსებით საკმარისია ითქვას ერთი ფრაზა: „პოლიტბიუროს 17 წევრიდან 15 დაბადებულია მეცხრამეტე საუკუნეში“.

## თავი V

### ქველი და მარადიული პრობლემა

ახლა ძნელია პასუხის გაცემა კითხვაზე: რა იყო პირველად, თვითონ ჟურნალისტიკა, თუ თეორია ჟურნალისტიკაზე. ეს არ არის კაზუსტიკა — ამის ცოდნას პრაქტიკული მნიშვნელობა აქვს.

ჟურნალისტური მოღვაწეობა ისე დავიწყე და საკმაოდ ცნობილი ჟურნალისტიც ისე გავხდი, ჟურნალისტიკის თეორიაზე (თუ თეორიულ ჟურნალისტიკაზე!) იოტისოდენა წარმოდგენაც კი არ მქონია — ბრძოლის ხელოვნებას ვსწავლობდი უშუალოდ ბრძოლის ველზე. ჩემს თავზე მოულოდნელად დატეხილ განსაცდელს (კორესპონდენტის მოვალეობას) თეორიული თვალსაზრისით მომზადებული რომ შევხვედროდი, რა თქმა უნდა, ჟურნალისტური მოღვაწეობის დაწყება ბევრად გამიადვილდებოდა. უნდა ვალიარო, რომ იმ შორეულ და ბედნიერ დროს ბევრი არაფერი ვიცოდი ისეთი პოპულარული ჟურნალისტური ჟანრის შესახებაც კი, როგორიცაა

### ინტერვიუ

ეს არის მართლაც ყველაზე პოპულარული ჟურნალისტური ჟანრი, ანუ მიმდინარეობა ჟურნალისტურ ხელოვნებაში. დავწერე ეს სიტყვები და იძულებული ვარ, აქვე დავუმატო, რომ ეს არ არის მხოლოდ ჟურნალისტური ჟანრი — ინტერვიუს გარეშე, უბრალოდ, წარმოუდგენელია საგამოძიებო პრაქტიკა; ამ ჟანრს განეკუთვნება უმაღლეს სახელმწიფოებრივ დონეზე გამართული რეფერენდუმები — მოსახლეობის გამოკითხვები; ქვეყნის მოსახლეობის ანკეტირება აღწერის მიზნით; მთელ მსოფლიოში ძალიან ფართოდ გავრცელებული რადიო-სატელევიზიო შოუ-გამოკითხვები და სხვა.

დამწყები ჟურნალისტების ერთი ნაწილი (იმის მიუხედავად, გავლილი აქვს თუ არა თეორიული ჟურნალისტური მომზადება) დარწმუნებულია, რომ ინტერვიუ ძალიან ადვილი და ხელმისაწვდომი ჟანრია. დიდი ამბავი, მიხვალ შენთვის საინტერესო კაცთან, რამეს ჰკითხავ, ის გიპასუხებს და შენ ჩაინერ!

მეორე ნაწილი დარწმუნებულია, რომ ეს არის რალაც საიდუმლოებით მოცული ჟანრი და იგი ხელენიფება მხოლოდ რჩეულთა ამა ქვეყნისა!

სხვათა შორის, თავის დროზე მეც დამწყებ ჟურნალისტთა ამ კატეგორიას ვეკუთვნოდი.

რა თქმა უნდა, პროფესიულ დონეზე ინტერვიუს შესრულება რაიმე გადაულახავ სიძნელესთან დაკავშირებული არ არის. თუმცა, არც ისე უბრალოდაა საქმე: კარგი ინტერვიუს მოსამზადებლად საჭიროა თეორიული ცოდნაც, ჟურნალისტური მუშაობის გამოცდილებაც და წინასწარ გულდასმით მომზადებაც. ამისთვის, მთავარია, იცოდეთ, რა ტიპის ინტერვიუ გინდათ და, საერთოდ, კარგად გაიცნობიეროთ თქვენი მიზანი მოსალოდნელ ინტერვიუსთან, უფრო ზუსტად — რესპონდენტთან დაკავშირებით.

შინაარსის მიხედვით, შეგვიძლია გამოვყოთ ინტერვიუს რამდენიმე ძირითადი ტიპი:

**1. შვლის ნუკრი** — რედაქციისა და მკითხველების (მსმენელების, ტელემყურებლების) ინტერესებიდან გამომდინარე, გულწრფელად გვაინტერესებს რომელიმე კომპეტენტური ადამიანის აზრი ამა თუ იმ მოვლენის შესახებ. ანუ გვაქვს ინფორმაცია რაიმე მოვლენის თაობაზე, მაგრამ არ ვიცნობთ მის არსს, წინაპირობას, პერსპექტივას და ა.შ. ამიტომ მივმართავთ კომპეტენტურ პირს და კომენტარს ვთხოვთ. ჩვენ არ ვეკამათებით რესპონდენტს, არ ვცდილობთ ფაქტების გაანალიზებას ან „ჩამჭრელი“ შეკითხვებით რესპონდენტის „კედელთან მიმწყვევას“. ვიმეორებ, გვაინტერესებს მხოლოდ მოვლენის, ფაქტის კომენტარი.

ინტერვიუს ამ ტიპს, თავისი უმტკივნეულობისა და კეთილშობილური მიზნის გამო, ვუნოდოთ „შვლის ნუკრი“. თუმცა, თავისი ფორმით იგი ძალიან ნააგავს ოფიციალურ საკანცელარიო პროტოკოლს, მაგრამ ეს ნუ შეგაშფოთებთ — ზოგჯერ ისიც საჭიროა.

**2. დედა ტერეზა\*** — ეს არის ინტერვიუს ის ტიპი, როცა ჟურნალისტმა იცის მოვლენის, ფაქტის არსი, აქვს ზოგადი ინფორმაცია, მაგრამ არ იცის ბევრი საინტერესო წვრილმანი და კომპეტენტურ პირთან მათ დაზუსტებას ცდილობს. აქაც, როგორც „შვლის ნუკრის“ შემთხვევაში, ჟურნალისტი გვევლინება ფაქტების, მოვლენების კეთილსინდისიერ აღმწესხველად და რესპონდენტის შეკითხვებით თავბრუს დახვევას, ან მისგან ინ-



ფორმაციის „გამოძალვას“ არ ცდილობს. რესპონდენტი, შესაძლებლობის ფარგლებში ეხმარება ჟურნალისტს მის ხელთ არსებული ინფორმაციის გავრცელებაში. ამ ტიპს „დედა ტერეზა“ სწორედ ამიტომ დავარქვი.

**3. აპერკოტი** — ეს კრივის ტერმინია და ნიშნავს დარტყმას მონინალმდეგის ნიკაპში, ქვემოდან ზემოთ. როგორც წესი, ძლიერ და ზუსტად შესრულებულ აპერკოტს მონინალმდეგის ნოკაუტი მოჰყვება ხოლმე. ეს არის ინტერვიუს ტიპი, როცა ჟურნალისტმა მომხდარი ფაქტის, ან მოვლენის ირგვლივ ძალიან ბევრი რამ იცის. ისიც იცის, რომ რესპონდენტი მას (ანუ საზოგადოებას) საკუთარი ან უწყების დანაშაულის დაფარვის, „მუნდირის ღირსების“ გადარჩენის, ან სხვა რამ მიზეზის გამო სიმართლეს უმაღლავს. ამიტომ ჟურნალისტი რესპონდენტის კომპეტენციის შემოწმებას და მის მხილებას ცდილობს.

თუკი თქვენ აპერკოტის გამოყენებით თანამოსაუბრის ნოკაუტში გაგზავნას აპირებთ, იყავით ძალიან ფრთხილად — კრივი ვერაგი სპორტია, უმნიშვნელო შეცდომების პატიებაც კი არ უყვარს. საკმარისია ოდნავი მოდუნება, ყურადღების ოდნავი დაფანტვა, რომ მონინალმდეგემ უძლიერესი დარტყმა მოგაყენოთ და თქვენი ბროლის კოშკები მირაჟით გაუჩინარდეს. ამის ძალიან ბევრი პრეცედენტი არსებობს, განსაკუთრებით მაშინ, როცა საქმე გვაქვს მოსამართლეებთან, პროკურორებთან, სახელმწიფო უშიშროების სამსახურის თანამშრომლებთან, გამოცდილ და გამჭრიახ პოლიტიკოსებთან, ადვოკატებთან და ა.შ.

**4. პორტრეტი** — ეს არის ინტერვიუს ყველაზე რთული და ყველაზე პრესტიჟული ტიპი. თავად მისი დასახელებაც მიგანიშნებთ, რომ ჟურნალისტი რესპონდენტის პორტრეტის დახატვას ცდილობს. მან შეიძლება დახატოს დადებითი ან უარყოფითი პორტრეტი, გააჩნია, რა მიზანი აქვს. როცა ჟურნალისტი კითხვა-პასუხით რესპონდენტის უარყოფითი პორტრეტის დახატვას ცდილობს, იგი არავითარ ინიციატივას, არავითარ შეღავათს არ აძლევს თანამოსაუბრეს. პირიქით, თავისი კითხვებით მისი ნონასწორობიდან გამოყვანას, განერვიულებას ცდილობს. ამ მიზნით, ზოგჯერ თავის შეკითხვებს იმეორებს კიდევ.

ასეთ შემთხვევაში, ჟურნალისტი სიტყვა-სიტყვით იწერს მოსაუბრის ნათქვამს. არ ცდილობს მისი ნალაპარაკების გრამატიკულ და სტილისტურ გამართვას — წერს ზუსტად ისე, როგორც რესპონდენტი ლაპარაკობს. ხაზს უსვამს მის არცთუ

ინტელიგენტურ მანერებს. ამგვარი, უარყოფითი პორტრეტის მაგალითად ამ წიგნის წინა თავში მოვიყვანე ტატიანა მალკინას და ანდრეი კარაულოვის ინტერვიუ საქართველოს პირველ პრეზიდენტთან. თუ არ შენუხდებით, გთხოვთ, კიდევ ერთხელ გადაათვალიეროთ ეს ნაშრომი. თქვენ აუცილებლად დაინახავთ, ჟურნალისტები რა მონდომებით ძერწავენ არაკომპეტენტური, გამოუცდელი, გაუნონასწორებელი, წინააღმდეგობრივი პიროვნების სახეს. მეტიც, ისინი აშკარად დასცინიან კიდევ რესპონდენტს. გეთანხმებით, არ არის მაინცდამაინც კეთილშობილური საქციელი. სამაგიეროდ, ინტერვიუ აშკარად აღწევს მიზანს. მისი ავტორები ვირტუოზულად მოქმედებენ. მათი თეორიული მომზადება და წერის ტექნიკაც უნაკლოა.

უფრო ხშირად ჟურნალისტებს ე.წ. „ლამაზი პორტრეტის“ დახატვა უწევთ. როცა მიზანი ასეთია, ამოცანის შესრულება ერთიორად რთულდება. ინტერვიუს მოსამზადებელი სამუშაოები უფრო რთული და ხანგრძლივია. ჟურნალისტი ვალდებულია, დეტალურად შეისწავლოს მომავალი რესპონდენტის წარსული და ახლანდელი მოღვაწეობა, მისი ხასიათი, ჰობი, საუბრის თუ წერის მანერა. უნდა გაითვალისწინოს, რომ ნიჭიერი ადამიანები, ცოტა არ იყოს, ჭირვეული და ახირებული ხალხია. ჟურნალისტს დიდი მოთმინება მართებს, რომ განზრახვაზე ხელი არ აიღოს. როგორც წესი, ამ შემთხვევაში, ჟურნალისტის ურთიერთობა რესპონდენტთან ხანგრძლივია და იგი ინტერვიუს გამოქვეყნების შემდეგაც დიდხანს გრძელდება. რესპონდენტის გავლენა ზოგჯერ ისე დიდია, რომ ჟურნალისტი მისგან დიდხანს ვერ თავისუფლდება. თუმცა, ამაში საშიში არაფერია — კარგი ადამიანის გავლენას და ავტორიტეტს ცუდი შედეგი არასდროს არავისთვის არ მოუტანია.

თუ „ლამაზი პორტრეტის“ დახატვა გსურთ, გულმოდგინედ უნდა დაუკვირდეთ ყველა სიტყვას, ყველა წინადადებას. არავითარი გრამატიკული, სტილისტური და ორთოგრაფიული შეცდომა. ოღონდ, უნდა ეცადოთ, რესპონდენტის ტექსტს შეუნარჩუნოთ ავტორისეული სტილი. რთული, ძალიან რთული ამოცანაა, მაგრამ სავსებით შესაძლებელია (ქართველი პარლამენტარი იტყოდა, „შესრულებადია“). და რომ ეს ასეა, ამაში იოლად დარწმუნდებით, თუ ყურადღებით წაიკითხავთ ჟურნალისტი **იამზე ასანიშვილის** ინტერვიუს შესანიშნავ ქართველ მწერალ გურამ დოჩანაშვილთან:

## გურამ დოჩანაშვილის ცხოვრების ისტორია

ინტერვიუში თუ რამე მოგეწონათ, ჩემია და თუ არ მოგეწონათ — ჟურნალისტის.

გურამ დოჩანაშვილი

— საშინლად ორპირი ვარ. როცა ვერდის ვუსმენ, ის მირჩევნია როსინის, როცა როსინის ვუსმენ, მაშინ როსინი მირჩევნია ვერდის.

— და უფრო დიდი მაინც ვინ არის?

— ბახი და მოცარტი, რომელიც ისეთია, საცეკვაო მოედანზე რომ ხულიგნები შემოცვივდებიან...

— ასე თუ გავაგრძელებთ, ორპირი კი არა, „მრავალპირი“ აღმოჩნდებით.

— ასე გამოვა, ალბათ, თუ კი ყველას ჩამოვთვლი.

მაგრამ გინდათ, დიდი საიდუმლო გაგანდოთ? იცით, რომ შემოქმედი არ არსებობს? ისინი ყველა „მეორადები“ არიან, შავი მუშები, გადამწერები. ხელოვნება სულიწმინდაა. სულიწმინდის მადლი — ღმერთი ქმნის მათი ხელით. ბიბლიიდან მოდიან ბახიც და მიქელანჯელოც. რუსთაველის ყველა აფორიზმი ბიბლიურია და, საერთოდ, შემოქმედის დანიშნულებაა, ბიბლია უბიბლიოდ მიიტანოს ადამიანებამდე. ბიბლიიდან მოდიან შოთაც, ილიაც, აკაკიც, ნიკო ლორთქიფანიძეც — ჩვენი სინდისი და პატიოსნება.

— იცით, დავით გურამიშვილი მიყვარს განსაკუთრებით. ერთი შეხედვით, აკადემიურია და თითქოს უცნაურია, მე რომ მომწონს, მაგრამ, წარმოიდგინეთ, დღეს რომ ასეთი კაცი გვყავდეს...

— თანამედროვე ქართულ მწერლობაზე რას იტყვით?

— ოთხი მოთხრობა მიყვარს: რეზო ინანიშვილის „თოვლი“, გიორგი ლეონიძის „ღვინჯუა“, გურამ რჩეულიშვილის „შამას რევოლუცია“ და ჯემალ ქარჩხაძის „იგი“.

— თქვენი უამრავი გამირიდან ყველაზე გამორჩეულად ვინ გიყვართ?

— ყველა კარგი ბიჭია. ხომ კარგი ბიჭები არიან კანუდოსელეები? ლუკა რა კარგი ვინმეა, არა? განსაკუთრებით მიყვარს დილის ქალი — როსა. გახსოვთ? ის თვით დიდ ქალზე — ტერეზაზეც კი ძლიერია...

— ანა-მარია? რატომ კლავთ ამ მშვენიერებას ასე უცებ და საზარლად?

— სხვათა შორის, ადრეც მკითხეს და იცით, რა ვუპასუხე? განა შეიძლება, ბედნიერება დიდხანს გაგრძელდეს-მეთქი?

ჩემი ირაკლის ნასვლის შემდეგ გამახსენდა და ვინანე — ეს რამ მათქმევინა-მეთქი. ეტყობა, ბედნიერება მართლა ძალიან ხანმოკლეა... იცით, რა ბიჭი იყო ირაკლი? კეთილი, ლამაზი, ჭკვიანი. უკეთ ვინ მიცნობდა. იცოდა ჩემი პანიკიორი ხასიათი და სულ მამშვიდებდა ხოლმე.

— ბატონო გურამ, თქვენ უკვე ბაბუა ხართ...

— თინათინი! რომ მეგონა, ოჯახის ახალი წევრი გაჩნდა-მეთქი, ძველებიც წამართვა. საოცარი ბავშვია. სანამ დაიბადებოდა, ძალიან ვღელავდი. და, იცით, მაშინ ირაკლი მედგა გვერდით. როგორც ყოველთვის, მამშვიდებდა... იცით, რა კარგი ბიჭი მყავდა? არა, კი არ მყავდა, მყავს...

— ბატონო გურამ...

— არა, აღარ მინდა სიკვდილი. ათი წელი მაინც უნდა ვიცოცხლო კიდევ, თინათინს რომ დავამახსოვრდე. ისე არ წავალ... **(„დრონის“ ინფორმაცია).**

გთხოვთ, ყურადღება მიაქციოთ — პორტრეტი თითქმის სრულყოფილია, ჟურნალისტი კი არ ჩანს, შესანიშნავადაა „შენიღბული“. იგი საკუთარი შესაძლებლობებით კი არ კოპნიაობს, არამედ ცდილობს მკითხველს დაანახვოს მწერალი, დახატოს მისი პორტრეტი და ამას აღწევს კიდევ.

ეს არის ჟურნალისტის მაღალი პროფესიონალიზმი. იგი მხოლოდ ნიჭით, შრომით და მონდომებით მიიღწევა. რა თქმა უნდა, კონსტანტინე გამსახურდიასი არ იყოს, „ცოტა ჭკუაცაა საჭირო.“

**5. ანკეტა** — ასეთი ტიპის ინტერვიუს დროს, როგორც წესი, რამდენიმე რესპონდენტს ურიგდება ერთი და იგივე შინაარსის კითხვარი. ვინც ქართულ პრესას თვალყურს ადევნებს, შეიძლება ახსოვდეს, რომ 1998-1999 წლებში ამგვარი „ანკეტური“ ინტერვიუები იბეჭდებოდა გაზეთ „დრონში“ რუბრიკით: — „გზაზე ერთი ქვეყანა მიდიოდა“. საუბარი ეხებოდა ქვეყნის მომავალ საშინაო და საგარეო პოლიტიკას.

**6. თამადა** — ეს არის ინტერვიუს ტიპი, როცა რამდენიმე ადამიანი ერთდროულად მსჯელობს რომელიმე ერთ პრობლემაზე. ასეთ შემთხვევაში, ჟურნალისტი სპიკერის როლში გამოდის — სასურველი მიმართულებით წარმართავს საუბარს. ბუნებრივია, ინტერვიუ რომ საინტერესო გამოვიდეს, ბევრი რამ არის დამოკიდებული ჟურნალისტის პროფესიონალიზმსა და მის,

როგორც წამყვანის, ხელოვნებაზე. იქნებ იგი ძალიან კომპეტენტური, ძალიან ნიჭიერი ადამიანი იყოს, მაგრამ აკლდეს ლიდერის თვისებები. ამიტომ, თუ თქვენ ერთხელ მაინც მეგობრების წრეში არ გითამადათ, ამგვარი ტიპის ინტერვიუს გაძლოლა, სჯობს, სამერმისოდ გადადოთ. ეს რჩევა, უპირველეს ყოვლისა, ტელე და რადიოჟურნალისტებს გამოადგება.

## შეცდომაში

მათგანდაზღვეულიარავინაა. მთავარია, დღეს არ გაიმეოროთ ის შეცდომა, რომელიც გუშინ უკვე მოგივიდათ. თუ ხვდებით, რომ სისტემატურად ერთსა და იმავე შეცდომას იმეორებთ, სჯობს, სანამ დროა, სხვა პროფესიაზე იფიქროთ. თუ საკუთარ შეცდომებს ვერ ხედავთ და ამაზე მუდამ სხვები (მაგალითად, რედაქტორი) მიგიითითებთ, მაშინაც გაცლა სჯობს.

ჩემი აზრით, ინტერვიუს გაძლოლის დროს ჟურნალისტებს, ძირითადად, სამი სახის შეცდომა მოსდით:

**1. ჟურნალისტი ინტერვიუსთვის თავად არ არის სათანადოდ მომზადებული.** რედაქტორმა დაავალა, ხვალ „მრგვალ მაგიდასთან“ ელიტური მოდის ექვსიოდე სპეციალისტი შეიკრიბება და უნდა „უთამალო“. ისიც დაუფიქრებლად თანხმდება. თუ დავალების მიზანი თქვენთვის ბუნდოვანია, მერწმუნეთ, ინტერვიუ არ გამოგივათ. სერიოზული დავალების შესასრულებლად აუცილებლად მოითხოვეთ იმაზე ცოტა მეტი დრო, ვიდრე სინამდვილეში გჭირდებათ.

თუ გრძნობთ, რომ ბევრი ფიქრის მიუხედავად, ინტერვიუს მიზანი თქვენთვის მაინც მთლად ნათელი არ არის, სჯობს დავალების შესრულებაზე უარი თქვათ. ამით ქვეყანა არ დაიქცევა — თითქმის ყველა რედაქციაში მოიძებნება ჟურნალისტი, ვისთვისაც ჰონორარი თავმოყვარეობაზე და პროფესიულ ეთიკაზე მაღლა დგას.

**2. მოსაუბრისთვის ინიციატივის დათმობა.** რამდენჯერ გინახავთ ასეთი გულსაკლავი სურათი: ტელეეკრანზე მიმდინარეობს დისკუსია ლეიბორისტ ნათელაშვილისა ან ლიბერალ ჟირინოვსკის მონაწილეობით. წამყვანი სვამს საკითხს, რომელზეც დისკუსიის ყველა მონაწილემ უნდა ისაუბროს. თანაც, ყველა აუცილებლად თანაბარ პირობებში უნდა იყოს.

ამ დროს, ბატონი შალვა (ან ბატონი ვლადიმერი) ხელთ იგდებს მიკროფონს და დაუსრულებლად თავისას მიერეკება. ძალიან ხშირად, პოლიტიკოსები ჟურნალისტის ნებისმიერი შეკითხვის, ან დისკუსიის ნებისმიერი თემის მიუხედავად, წინასწარ „დასწავლილი“ ტექსტით საუბრობენ, წამყვანი კი განზილებული ზის და უმწეოდ დაჰყურებს საკუთარ ხელებს. თუ თქვენ მოსაუბრეთა „ხელში აყვანა“ და საუბრის მთავარი თემის შესაბამისად წარმართვა ვერ მოახერხეთ, ინტერვიუ ჩაშლილია, თუნდაც საუბარი ძალზე ცხარედ და საინტერესოდ წარიმართოს.

მართალია, ასეთი შემთხვევები უფრო მეტად ტელეეკრანებიდან გვახსოვს, მაგრამ გაზეთის ფურცლებზეც საკმაოდ ხშირია.

**3. მთავარი თემიდან გადახვევა.** 1980 წელს კახეთში ქორწილში გახლდით. ცნობილი და პატივცემული თამადა, ყოველი სამი-ოთხი ჭიქის შემდეგ ნეფე-პატარძალს უბრუნდებოდა და მათ სადღეგრძელოს სვამდა. იმერელი სტუმრები, ეტყობა, გააოცა ძია ვალოდიას ორიგინალურმა თამადაობამ და ეს გამოხატეს კიდევ. მაშინ ბრძენმა თამადამ კიდევ ერთხელ შეავსო ჭიქა და ასეთი რამ ბრძანა:

— ამ ჭიქით ჩვენს ნეფე-პატარძალს გაუმარჯოს, ხალხო... იმიტომ გაუმარჯოს, რომა, არ დაგვაგინყდეს, აქ რითვინა ვაართ მოსული!

ზოგჯერ ჟურნალისტი საკუთარი გამოუცდებლობისა თუ პროვინციული თავმდაბლობის გამო, აშკარად ექცევა რესპონდენტის გავლენაში. ეს განსაკუთრებით მაშინ ხდება, თუ რესპონდენტი ცნობილი და გავლენიანი პირია. ზოგი ჟურნალისტი აღფრთოვანებული შესციცინებს თვალებში მოულოდნელად მისთვის კუმირად ქცეულ თანამოსაუბრეს — მას კი შენი მთავარი თემა სულაც არ ეპიტნება და სექსუალურ უმცირესობაზე დაწყებული საუბარი შეიძლება ისე გადავიდეს ლეიბორისტული პარტიის დაპირებებზე, თვალის დახამხამებაც კი ვერ მოასწროთ. კიდევ ერთხელ გავიმეორებ — საჭიროა სიფრთხილე. ერთი წამითაც არ უნდა დაივინყოთ, რატომ წამოიწყეთ ეს საუბარი და რისთვის ზიხართ თქვენს თანამოსაუბრეებთან.

თუ ინტერვიუ აუდიო ან ვიდეოტექნიკაზე გაქვთ ჩანერილი, გახსოვდეთ, თქვენი თანამოსაუბრე ქრისტე არ არის, მხოლოდ ჭეშმარიტებებს რომ ღალადებდეს. ამიტომ მის ნალაპარაკევს კრიტიკულად უნდა მოეკიდოთ.

## ჟურნალისტიკა შეკითხვების ხელოვნებაა

მგონი, უკვე ვთქვი, რომ ჟურნალისტიკა შეკითხვების დასმის ხელოვნებაა. ძალიან ხშირად, ინტერვიუში კითხვა პასუხზე გაცილებით მნიშვნელოვანია. ყოველ შემთხვევაში, საინტერესო პასუხი რომ მიიღოთ, საინტერესო შეკითხვა უნდა დასვათ. მე ვიცნობდი ერთ ქართველ მწერალს, რომელიც სხვადასხვა გაზეთში სხვადასხვა ფსევდონიმით სისტემატურად აქვეყნებდა ინტერვიუებს... საკუთარ თავთან. სამართლიანობისთვის უნდა ითქვას, რომ ის კაცი, სანამ საკუთარ გენიალობას დაიფხერებდა, ურიგო მწერალი სულაც არ ყოფილა. უბრალოდ, ჟურნალისტობა მწერლობასთან შედარებით თამაშად მიაჩნდა და იმაშიც დარწმუნებული იყო, რომ „დიდ მწერალთან“ ინტერვიუს მხოლოდ „დიდი მწერალი“ თუ შეძლებდა. ბატონ „დიდ მწერალს“ თავისი ინტერვიუები („ — ერთმა ჩემმა ნაცნობმა გააკეთა!“) დიდსულოვნად მიჰქონდა რედაქციებში. თავად მწერლის გარდა ყველამ იცოდა, რომ ეს იყო საკუთარი თავის დაცინვა და საკუთარი ხელით ყელის გამოჭრა. აბეზარ მწერალს არცთუ გულუბრყვილო ჟურნალისტები არაფრისმთქმელ ავტოინტერვიუებს ამიტომაც უბეჭდავენ.

შეკითხვების ძალიან ზოგადი კლასიფიკაცია შესაძლებელია ინტერვიუს ტიპის და ავტორის (ჟურნალისტის) განზრახვის მიხედვით. ანუ შეკითხვები შეიძლება იყოს **სტანდარტული, ნახევრად სტანდარტული, თავისუფალი და კომბინირებული.**

**სტანდარტულია** შეკითხვები, როცა ისინი კითხვარის სახით არის შედგენილი და პასუხების გასაცემად ეგზავნება რესპონდენტს. როგორც წესი, ასეთ ხერხს ჟურნალისტები იმ პირებთან ურთიერთობისას მიმართავენ, ვისთანაც უშუალო შეხვედრა რაიმე მიზეზის გამო (მოუცლელობა, ამბიციურობა...) ვერ ხერხდება. სხვათა შორის, ამ ხერხს ხშირად მიმართავენ არაჟურნალისტებიც. მაგალითად, საგამოძიებო ორგანოების თანამშრომლები.

სანიმუშოდ გაგაცნობთ ერთ ასეთ კითხვარს. მისი ავტორია საქართველოს შს სამინისტროს საგამოძიებო დეპარტამენტის უფროსი გამომძიებელი, ადრესატი — შპს „სახელმწიფო მარეგულირებელი საბჭოს გენერალური დირექტორი:

„ბატონო გივი!

საქართველოს შინაგან საქმეთა სამინისტროს საგამოძიებო

დეპარტამენტის წარმოებაშია სისხლის სამართლის საქმეები ფიზიკური პირების მიმართ, გადასახადით დასაბეგრი სხვა ობიექტის დამალვის ფაქტზე.

წინასწარი გამოძიებით დადგენილია, რომ ფიზიკური პირები თბილისის „მარცვლეულისა და ნავთობპროდუქტების საერთაშორისო ბირჟიდან“ ახდენდნენ აშშ ხორბლის და სოიოს ზეთის, იტალიური ბრინჯისა და ხორცის კონსერვების შესყიდვას შ.პ.ს. „თ და კომპანიას“ მეშვეობით.

გთხოვთ გვაცნობოთ:

1. გააქვთ თუ არა დადებული ხელშეკრულება აღნიშნულ ბირჟასთან ან შ.პ.ს. „თ და კომპანიასთან“?

2. ბირჟიდან აღნიშნული პროდუქციის შეძენისას რა უფლება-მოვალეობები ჩნდება თქვენსა და ფიზიკურ პირებს შორის?

3. საქართველოში კონკრეტულად რომელ სტრუქტურებს ეკუთვნის აღნიშნული პროდუქცია და რა სახის ხელშეკრულებები გააქვთ მათთან დადებული?

4. ხელშეკრულება დადებული გააქვთ პროდუქციის უშუალო მწარმოებელთან თუ რომელიმე, საქართველო, აშშ, იტალია, სახელმწიფო სტრუქტურასთან?

5. ვინ აწარმოებს აღნიშნული პროდუქციის იმპორტს და რა წესით? გთხოვთ მოგვანოდოთ ჩვენთვის საინტერესო ხელშეკრულებების და თქვენი შ.პ.ს.-ს წესდების ასლები“ (**„საქართველოს რესპუბლიკის“ ინფორმაცია**).

ამ კითხვარის ავტორი რომ მშობლიურ ენასთან ერთობ მწყურაღად ბრძანდება, ამას თავი დავანებოთ. კითხვარიდან გამომდინარე, ფრიად სავალალო დასკვნების გამოტანა შეიძლება მისი ავტორის პროფესიული ცოდნის დონის თაობაზე. კერძოდ: ამ შეკითხვების ავტორმა ყურმოკვრითაც არ იცის სასაქონლო ბირჟის მუშაობის სპეციფიკის შესახებ; არ იცის საბაზრო ეკონომიკის ელემენტალური საკითხები; არ იცის, რა დონეზე იდება სახელმწიფოთაშორისო ხელშეკრულებები; არ იცის, რას ნიშნავს საქონლის იმპორტი და ექსპორტი; საერთოდ, არ იცის, რით უნდა დაინტერესდეს ამ კონკრეტული საქმის გამოძიების დროს.

ასეთ უხერხულ მდგომარეობაში შეიძლება აღმოჩნდეს ნებისმიერი ჟურნალისტი, ვინც თავის პროფესიას, ან, კერძოდ, რომელიმე დავალებას გულგრილად მოეკიდება.

**ნახევრად სტანდარტულია** შეკითხვები, როცა კითხვარი



წინასწარ იგეგმება, მაგრამ იგი საუბრის მიმდინარეობისას ვითარების კვალდაკვალ იცვლება. ასე ხდება თითქმის ყოველი უშუალო საუბრის დროს.

**თავისუფალი** ენოდება ისეთ კითხვებს, რომელთა წინასწარ დაგეგმვა პრაქტიკულად შეუძლებელია, ანუ იმ შემთხვევაში, როცა თქვენ, ჟურნალისტი, შეგნებულად უთმობთ ინიციატივას ინტერვიუერს. ამის მაგალითად გამოდგება ახლახანს თქვენს მიერ წაკითხული ჟურნალისტი იამზე ასანიშვილის ინტერვიუ-პორტრეტი მწერალ გურამ დოჩანაშვილთან.

**კომბინირებულ კითხვებზე**, ალბათ, საუბარიც არ ღირს: აქ არის ყველანაირი შეკითხვა ერთად — სტანდარტულიც, ნახევრად სტანდარტულიც და თავისუფალიც.

აქვე იმასაც ვიტყვი, რომ თქვენს მიერ შესრულებული ინტერვიუ ფორმის მიხედვით, შეიძლება იყოს მონოლოგი, დიალოგი, გამოკითხვა, დისკუსია ან პრესკონფერენცია. კიდევ ერთხელ ვიმეორებ, რომ აქ და ყველა დანარჩენ შემთხვევაში მოყვანილი კლასიფიკაციები არის პირობითი. მეტიც, ისინი სუბიექტურია, არა აქვს მტკიცებულების და, ბუნებრივია, არც კანონის ძალა — გნებავთ გაიზიარებთ, გნებავთ — არა. მე გთავაზობთ საკუთარ გამოცდილებას. პირადად თქვენ ან ნებისმიერმა სხვა დაინტერესებულმა პირმა, შესაძლოა, საყოველთაოდ ცნობილ საგნებს და მოვლენებს სხვა სახელები დაარქვათ, ან მათი ანალიზით სულ სხვა დასკვნამდე მიხვიდეთ.

## **მეტოქე თუ თანამოაზრე**

როგორც ვთქვი, ინტერვიუ ჟურნალისტიკის ერთ-ერთი ყველაზე პოპულარული და ყველაზე საინტერესო ჟანრია. კარგი ინტერვიუს მომზადებას ბევრი წვრილმანი ახლავს თან, რომელთა უგულვებელყოფა სასურველი არ არის. სამწუხაროდ, ყველაფერს ვერ გავწვდებით, მაგრამ ვიდრე ინტერვიუზე საუბარს დავამთავრებდეთ, ერთი რამ აუცილებლად უნდა ითქვას — ინტერვიუს ჟანრის საგაზეთო ნაწარმოების ავკარგიანობისთვის უდიდესი მნიშვნელობა აქვს თქვენს პარტნიორს, გნებავთ, მეტოქეს, მოკლედ, იმ კაცს, ვისთანაც საუბრობთ — რესპონდენტს.

**თანამშრომლები.** რამდენი ადამიანია, იმდენი ხასიათია.

უკლებლივ ყველას წინასწარ გამოცნობა ან შესწავლა შეუძლებელია. თქვენ, ჟურნალისტს, ამას არც არავინ მოგთხოვთ. უბრალოდ, უნდა გახსოვდეთ, რომ თქვენი ინტერვიუს სუბიექტი შეიძლება საკმაოდ **აქტიური თანამშრომლობის** მომხრე აღმოჩნდეს და ბევრი ინიციატივა სწორედ მისგან წამოვიდეს. რამე კი არ დამალოს, პირიქით, თვითონ იყოს დაინტერესებული რაღაც ინფორმაციის გავრცელებაში და ამაში თვითონვე დაგეხმაროს. ვერ ვიტყვი, ხშირად-მეტეხი, მაგრამ ასეთი რესპონდენტები ნამდვილად შემხვედრია. მათთან მუშაობა შედარებით იოლი და, რაც მთავარია, სასიამოვნოა.

**გულგრილება.** უფრო ხშირად, თქვენი პარტნიორი ინტერვიუზე გთანხმდებათ, საზგასმული თავაზიანობითაც გხვდებათ, მაგრამ მთელი საუბრის განმავლობაში ფანჯარაში იყურება, ტელეფონზე საუბრობს, გაგრძნობინებს, რომ მას თქვენთან საუბარი მაინცდამაინც არ აინტერესებს. ამგვარი გულგრილობა შეიძლება ნამდვილიც იყოს და მოჩვენებითიც. ზოგ ბიზნესმენს, პოლიტიკოსს, სპორტსმენს ან მსახიობს ჰგონია, რომ რაც უფრო ყინჩად და გულგრილად დაიჭერს თავს ჟურნალისტებთან, მით უკეთესი. ასეთი რამ ადამიანს უფრო ახალგაზრდულ ასაკში ემართება — ფიქრობს, რომ გულგრილის ნილაბი სოლიდურობას მატებს. ამიტომ, თუ იგრძნობთ, რომ თქვენი რესპონდენტი ემშაკობს და გულგრილობის ფარდის მიღმა შეიძლება ალალი გულითადობა იმალებაოდე, ნუ დაინწყებთ საუბარს პირდაპირ საქმეზე — შეუქეთ ჰალსტუხი, უთხარით, რომ ახლა სწორედ ასეთებია მოდაში; ესაუბრეთ კომპიუტერის მეხსიერებაზე, ალფრთოვანდით მისი პატარა ქალიშვილის სილამაზით და გონიერებით... თუ ამან არ გაჭრა, ბედს შეურიგდით — ბუნებაში მართლაც არიან გულგრილი ადამიანები.

**აგრესიულება.** 90-იან წლებში გავიცანი საქართველოს სოფლის მეურნეობის მინისტრი ბაკურ გულუა. ჩვენ მალე დავმეგობრდით. ეს იყო უაღრესად საქმიანი, ენერგიული, კომპეტენტური და ნიჭიერი კაცი. შესანიშნავად იცოდა ქართული და მსოფლიო ლიტერატურა. იყო პოეზიის არა მარტო კარგი მცოდნე, არამედ შემფასებელიც.

ამ მართლაც ნიჭიერმა კაცმა, ალბათ, თავისი ხასიათიდან გამომდინარე, ვერაფრით ვერ მოახერხა ნორმალური ურთიერთობის დამყარება ჟურნალისტებთან. სასტიკად აღიზიანებდა ჟურნალისტების მცირე არაკომპეტენტურობაც კი და ამის ხაზგას-

მას მაშინვე, პრესკონფერენციის მიმდინარეობისას ცდილობდა — „თქვენ არ იცით ეს საკითხი“; „თქვენ არასწორად სვამთ შეკითხვას“; „თქვენ აშკარა უცოდინრობას ამჟღავნებთ...“

ამის გარდა, ხშირად შეკითხვაზე პასუხს შეკითხვითვე იძლეოდა — „აბა, თქვენ რა გგონიათ?“ „თქვენ რას ფიქრობთ?“ „თქვენი აზრით, სხვანაირადაც შეიძლება?..“

ჟურნალისტები სწრაფად მიხვდნენ მინისტრის ამ სისუსტეს და სარგებლობდნენ კიდეც ამით — თითქმის ყველა გაზეთში იყო გაუთავებელი ქილიკი ბაკურ გულუას პრესკონფერენციების გამო. ამგვარი დამოკიდებულება, რა თქმა უნდა, ხელს უწყობდა მინისტრის არაპოპულარობას. არადა, თავისი მოღვაწეობით იგი ქილიკს, გაკილვას და მძაფრ კრიტიკას სულაც არ იმსახურებდა.

ბატონმა ბაკურმა ჩვენი ერთ-ერთი საუბრისას ჟურნალისტებთან თავის ამ აგრესიულ დამოკიდებულებას სახელი თვითონვე დაარქვა — ფრიადოსანი მოწაფის სინდრომი.

თუ თქვენ საქმე გაინტერესებთ და რესპონდენტის უარყოფითი პორტრეტის დახატვას არ აპირებთ, თანამოსაუბრის აგრესიულ ტონს ყურადღებას ნუ მიაქცევთ (თუ, რა თქმა უნდა, ყველაფერი ეს ხელჩართულ ჩხუბსა და პირად შეურაცხყოფაში არ გადაიზრდება). გახსოვდეთ, რომ ზოგს, უბრალოდ, საუბრის აგრესიული მანერა აქვს და ამის უკან გულთბილი, წესიერი, საქმიანი ადამიანი დგას. ზოგი კი კარგად დასწავლილი არისტოკრატიული მანერებით და მეგობრული ტონით საკუთარ უგულობას და ბოროტ ზრახვებს მალავს. თქვენი, როგორც ჟურნალისტის, ამოცანა ორივე შემთხვევაში ძალიან რთულია — დასკვნების გამოტანას ნუ იჩქარებთ.

**თქვენს დამოკიდებულებას რესპონდენტთან განსაზღვრავს თქვენი მიზანი. ეს დამოკიდებულება შეიძლება იყოს ცივი (ოფიციალური), თბილი (მეგობრული), მაგრამ არავითარ შემთხვევაში — გულგრილი ან აგრესიული. იმის მიუხედავად, თვითონ როგორ უჭირავს თავი რესპონდენტს, მასთან ურთიერთობისას აუცილებელია ხაზგასმული თავაზიანობა.**

ხშირად ჟურნალისტი რესპონდენტს ერთობ ფამილარულად, შინაურულად ეპყრობა. ამით მას სურს, ხაზი გაუსვას საკუთარ მეგობრულ დამოკიდებულებას საზოგადოებისთვის კარგად ცნობილ ადამიანთან. ეს მეგობრობა შეიძლება ბუნებაში მართლაც არსებობდეს, შეიძლება არც არსებობდეს. მერნმუნეთ, ორივე

შემთხვევაში მკითხველს აღიზიანებს თქვენი გრძნობების გამომზეურება; ფიქრობს, რომ ჟურნალისტს საკუთარი პერსონის წარმოჩენა რესპონდენტის ინფორმაციაზე მეტად აინტერესებს.

## მონოლოგი

ამ ბერძნული (monologos, monos — ერთი, logos — სიტყვა) ხსენებისას თვალწინ წარმოგვიდგება ძველი ბერძნული ტრაგედიების გმირები, ტრიბუნიდან გადმომდგარი პოლიტიკოსები, ან ქადაგად დავარდნილი თეთრწვერა დამრიგებლები. ეს ასეცაა, მაგრამ მონოლოგი ერთი ჟურნალისტური ხერხიც გახლავთ. თეორეტიკოსები ცოტა სხვაგვარად ფიქრობენ, მაგრამ, ჩემი აზრით, მონოლოგი ინტერვიუს ერთ-ერთ სახესხვაობაცაა. უბრალოდ, ავტორი არ ცდილობს საკუთარი განსწავლულობის ჩვენებას — არ წერს საკუთარ შეკითხვებს და ასპარეზს მთლიანად რესპონდენტს უთმობს.

მონოლოგის ხერხს შედარებით იშვიათად იყენებენ. ანუ ჟურნალისტის კარიერაში საკმაოდ იშვიათია შემთხვევა, როცა მას რესპონდენტთან კამათისა თუ არა, მასთან ზოგიერთი ფაქტის დაზუსტების სურვილი არ უჩნდება. უფრო ზუსტად, სურვილი, ალბათ, უჩნდება, მაგრამ რესპონდენტი ისე საინტერესო პიროვნებაა, რომ მასთან კამათით მონათხრობის პენი დაიკარგება. ასეთ შემთხვევაში, ჟურნალისტი სწირავს ზოგიერთ, თუნდაც, ძალიან საინტერესო ფაქტს და უკომენტაროდ გვთავაზობს მხოლოდ რესპონდენტის თვალსაზრისს. ვგულისხმობ, რა თქმა უნდა, ისეთ ჟურნალისტს, რომელსაც ინფორმაციის დამახინჯებისადმი მიდრეკილებები არ გააჩნია.

მონოლოგი ის ხერხია, სადაც ყველაზე მეტად მჟღავნდება ჟურნალისტის... მწერლური ნიჭი. ვიმეორებ, მჟღავნდება ჟურნალისტის მწერლური ნიჭი და არა მწერლის ჟურნალისტური შესაძლებლობები. სხვათა შორის, ნიჭიც და კვალიფიკაციაც, შესაძლოა, არ გამოგადგეთ, თუ თქვენ რესპონდენტისადმი უაღრესად კეთილგანწყობილი არ იქნებით. ამიტომ, თუ სხვისი პირით მონოლოგის წარმოთქმა გსურთ, ძალიან კარგად დაფიქრდით თქვენს იმ კონკრეტულ „ხსვასთან“ დამოკიდებულდებაზე.

მოდით, ჯერ ერთი საკმაოდ ვრცელი მონოლოგის ნიმუში ვნახოთ:

## ჩემი ქმარი ლავრენტი ბერია

დნეპრისპირა დიდი ქალაქის გარეუბანში, მყუდრო, მწვანეში ჩაფლულ ქუჩაზე, „ხრუშჩოვის“ ბინაში ცხოვრობს 86 წლის სანდომიანი, ცოცხალთვალეა და მკვირცხლი გონების ქართველი მანდილოსანი.

იგი უკვე დიდი ხანია დაივიწყა თანამედროვეობამ.

ოდინდელი სილამაზის კვალი ახლაც ატყვია. საოცარი მეხსიერება აქვს და შესანიშნავი ქართულით საუბრობს.

საბჭოთა კავშირის ისტორიაში არასოდეს ასრულებდა რაიმე მნიშვნელოვან როლს, ვერც მაშინდელ შინაურ თუ საგარეო პოლიტიკაზე ახდენდა გავლენას. არც საზღვარგარეთ მოგზაურობდა და კრემლში ოფიციალურ მიღებებსაც იშვიათად ესწრებოდა (პოლიტიკოსთა ცოლები მაშინ ჯერ კიდევ არ მონაწილეობდნენ დიდ პოლიტიკაში).

და, მაინც, თითქმის თხუთმეტი წლის განმავლობაში იგი იყო საბჭოთა კავშირის უპირველესი ლედი, მეუღლე კაცისა, ვის სახელს დღესაც კი ერთგვარი შიშითა და კრძალვით ვახსენებთ: ლავრენტი ბერია!

ვუყურებ ამ სათნო მოხუცს და ძალიან მინდა გადავიხედო ორმოცდაათი წლის მიღმა, დავინახო ახალგაზრდა, ულამაზესი ძღვევამოსილი ქალბატონი — ნინო გეგეჭკორი!

...ღარიბი კაცის ოჯახში დავიბადე. საერთოდ, იმ დროს, შეძლებული ოჯახები საქართველოში თითზე ჩამოსათვლელი თუ იქნებოდა. დროც არეული იყო — რევოლუციები, პარტიები, შეხლა-შემოხლა. ბიძის, საშა გეგეჭკორის\* ოჯახში ვიზრდებოდი. ქუთაისში ვცხოვრობდით, სკოლაშიც იქ დავდიოდი.

საშა რევოლუციური მოღვაწეობისთვის ციხეში იჯდა. მისი მეუღლე ხშირად დადიოდა ქმრის სანახავად. მე პატარა გოგო ვიყავი და ბიცოლას სულ უკან დავდევი. ციხეშიც მიყვებოდნენ ხოლმე, მაინტერესებდა. სხვათა შორის, მაშინ პატიმრებს ურიგოდ არ ეპყრობოდნენ. ის ვაჟბატონიც მაშინ სამასთან ერთად ბრძანდებოდა ციხეში. მე მას არ ვიცნობდი, თვითონ კი, თურმე, დამიმახსოვრა.

საქართველოში საბჭოთა ხელისუფლების დამყარების შემდეგ საშა თბილისში გადმოიყვანეს და, ბუნებრივია, მეც მათ ოჯახთან ერთად ჩამოვედი. უკვე მოზრდილი გოგო ვიყავი. ერთი წყვილი კარგი ფეხსაცმელი მქონდა, მაგრამ ბიცოლა ყოველდღე

არ მაცმევდა, უფრთხილდებოდა. სასწავლებელში ძველებით დავდიოდი. ცენტრალურ ქუჩებს ვერიდებოდი, მრცხვენოდა.

მახსოვს, საბჭოთა ხელისუფლება ახალი დამყარებული იყო და ჩვენ, მოსწავლეებმა და სტუდენტებმა მის წინააღმდეგ დემონსტრაცია გავმართეთ. წყალი მოგვასხეს, სულ გავიწუნე და შინ გავიქეცი. იქ კიდევ ბიცილა მეკითხება, რა მოხდაო. მეც ვუამბე. ამის გამო ერთი მიმბეგვა — შენ საშა გეგეჭკორის ოჯახში ცხოვრობ და თან საშა გეგეჭკორის წინააღმდეგ დემონსტრაციებში მონაწილეობო?!

ერთხელ სკოლის გზაზე დამხვდა ლავრენტი (გასაბჭოების შემდეგ ხშირად მოდიოდა საშასთან და მე მას უკვე ვიცნობდი). ჩამაცივდა, გინდა თუ არა, უნდა შევხვდეთ და ვილაპარაკოთო. დავთანხმდი. ნაძალადევეში შევხვდით. იქ ჩემი უფროსი და და სიძე ცხოვრობდნენ და ამიტომ იმ უბანს კარგად ვიცნობდი. სკამზე ჩამოვჯექით. ლავრენტის ეცვა შავი პალტო და ეხურა სტუდენტის ქუდი. მითხრა, რომ დიდი ხანია მაკვირდება, ძალიან მოვწონვარ... ჰო, ისიც მითხრა, რომ ვუყვარდი და უნდოდა ცოლად გავყოლოდი. მაშინ თექვსმეტნახევარი წლის ვიყავი.

როგორც ამიხსნა, თურმე, საბჭოთა ხელისუფლება გზავნიდა ბელგიაში ნავთობის საკითხების შესასწავლად, ოღონდ, ერთი პირობით — ცოლი უნდა შეერთო. მითხრა, რომ მეც ხელს შემინებოდა სწავლაში. დავფიქრდი და დავთანხმდი — სხვის ოჯახში ცხოვრებას ვარჩიე ამ კაცს გავყოლოდი და საკუთარი ოჯახი შემექმნა. იგი მაშინ ოცდაორი წლის იყო. არავისთვის მითქვამს, ისე გავყევი ცოლად. ალბათ, ამის გამო მერე გავრცელდა ჭორი, თითქოს ლავრენტიმ მომიტაცა. არა, ბატონო, საკუთარი ნებით გავყევი. თუმცა, ახლაც ასე არ არის? — გავყევა გოგო ბიჭს და მერე ამას დაარქმევენ მოტაცებას. ერთ წელიწადს ბაქოში ვცხოვრობდით, მერე თბილისში დავბრუნდით. ოცდაოთხში შეგვეძინა ბიჭი, სერგო.

საზღვარგარეთ სასწავლებლად წასვლა ჯერ გადაიდო, მერე შეუძლებელი გახდა, რადგან ლავრენტი სახელმწიფო საქმეებში ჩაეფლო და აღარსად აღარ გააგზავნეს.

ღარიბად ვცხოვრობდით. მაშინ დრო იყო ასეთი, ადამიანურად ცხოვრება სირცხვილად ითვლებოდა, სიმდიდრეს ვებრძოდით.

ოცდათერთმეტში ლავრენტი საქართველოს ცუკას პირველ მდივნად დანიშნეს. მანამდე ამ პოსტზე ქართველიშვილი მუშაობდა. უცნაური კაცი იყო. როგორც ჩანს, თანამდებობამ გაათამა-

მა. ერთი რუსი თანამდებობის პირი იყო, ერშოვი და იმას წაართვა ქართველიშვილმა ცოლი. ის ქალი, მერე, როცა ქართველიშვილი მოხსნეს, სხვას გაჰყვა.

ლავრენტი მუდამ უალრესად დაკავებული იყო. დრო ოჯახისთვის თითქმის არ რჩებოდა. ძალიან ბევრს შრომობდა. ახლა ადვილია კრიტიკა, მაგრამ მაშინ მართლა ბრძოლა იყო — საბჭოთა ხელისუფლებას უნდა გაემარჯვა. ხომ გახსოვთ, რას წერდა სტალინი სოციალიზმის მტრების შესახებ. ის მტრები რეალურად არსებობდნენ. ახლა ყველა ბუღალტერს შეუძლია ადგეს და რამდენიც უნდა, აკრიტიკოს სტალინი. მე ვიცნობდი ამ კაცს, თავის დროზე მისვლა-მოსვლა გვქონდა ერთმანეთთან. მართალია, იგი ძალიან მკაცრი, სასტიკიც კი იყო, მაგრამ ვინ იტყვის, რომ იმ პერიოდში სისასტიკე საჭირო არ იყო? სტალინს უნდოდა შეექმნა დიდი და ძლიერი სახელმწიფო და მან ეს შექმნა შთამომავლობისთვის. მართალია, ამას შეენირა ბევრი ადამიანი, მაგრამ სად იყო, რატომ ვერავინ დაინახა სხვა გზა, რომელიც უმტკივნეულოდ მიგვიყვანდა მიზნამდე?

მერე სვეტამაც\* (სვეტლანა ალილუევა, სტალინის ქალიშვილი, — თ. ქ). დაწერა, მამაჩემი სასტიკად მეპყრობოდაო. სვეტა ჩემს თვალწინ გაიზარდა. ძალიან ნიჭიერი და მიზანდასახული ადამიანი იყო, საყვარელი ბავშვი. ძალიან უყვარდა მამამისს. ჰოდა, ეს საყვარელი ქალიშვილი ერთ მშვენიერ დღეს უცხადებს მამას, რომ შეუყვარდა მასზე 23 წლით უფროსი ებრაელი რეჟისორი კაპლერი და აპირებს ცოლად გაჰყვეს. თქვენ როგორ მოიქცევით, თქვენმა თექვსმეტი წლის ქალიშვილმა საკითხი ასე რომ დაგისვათ? მამამ ერთი სილა გაანწა თავის ქალიშვილს. კაპლერმა კი ის მიიღო, რისი ღირსიც იყო: მას არ ჰყვარებია სვეტა, უნდოდა სტალინის ოჯახში შემძვრალიყო და დარწმუნებული ვარ, ამაში მას რალაც ძლიერი ორგანიზაცია უმაგრებდა ზურგს.

ახლა სტალინზე ათასგვარ ზღაპარს ჰყვებიან. იგი იყო ჩვეულებრივი ადამიანი. თავისი სისუსტეებიც ჰქონდა. შვილებს ყურადღებას არ აქცევდაო. როგორ არ აქცევდა, მაგრამ იგი შვილებს არ აქცევდა ზედმეტ ყურადღებას. მიაჩნდა, რომ მათ თვითონ, დამოუკიდებლად უნდა ეპოვნათ ცხოვრების გზა. თუნდაც იამას, სტალინის უფროსი ვაჟის ცხოვრება არის ამის მაგალითი.

მოსკოვში გადავედით 1938 წლის დამლევს. ამ დროს ოცდაჩვიდმეტის რეპრესიები უკვე ჩავლილი იყო. როცა ჩემი ქმ-

რის შესახებ წერენ, ამ გარემოებას არ ითვალისწინებენ. ასე უმჯობესია: არის კაცი, ვისაც შეიძლება ყველა ამქვეყნიურ ცოდვაში დასდო ბრალი. დარწმუნებული ვარ, ოდესღაც დაინერება ობიექტური ისტორია, რომელიც ყველაფერს თავის ადგილს მიუჩენს. მე ვერ მოვესწრები ამას, მაგრამ თქვენ ხომ აუცილებლად მოესწრებით, ჯერ ახალგაზრდა ხართ.

რა შეიძლება იცოდეს, მაგალითად, ანასტას მიქოიანის შვილმა, ასე თავგამოდებით რომ ამტკიცებს რაღაც აბსურდებს? — არაფერი, მაგრამ, მაინც წერს, ალბათ, თავის გამოჩენის მიზნით. ეს არ არის წესიერი საქციელი!

ლავრენტის ბრალი დასდეს ვანო სტურუას ოჯახის ტრაგედიაში. ეს არის უდიდესი ცილისწამება... იცით, მაშინ მოქმედებდა ისეთი მანქანა, რომლის შეჩერება ან მიმართულების შეცვლა არავის შეეძლო. არც ლავრენტის.

ქართული გაზეთები მაქვს გამონერილი: „ლიტერატურული საქართველო“, „სამშობლო“ და „თბილისი“, საღამოს გაზეთი. ჟურნალებიც მომდის, მობრძანდით, „ცისკარი“ უნდა გაჩვენოთ. აქ არის დასტამბული გაბრიელ ჯაბუშანურის პოემა, რომელიც, თურმე, სტალინის სიცოცხლეში ყოფილა დაწერილი და ახლა დაიბეჭდა. შეიძლება, რა თქმა უნდა, არ გიყვარდეს კაცი, მაგრამ მასზე ასეთი ტონით წერა არ შეიძლება. თუნდაც ყველაფერი ის, რასაც ამბობენ, მართალი იყოს, ქართველს მაინც არ შეეფერება სტალინის ასე ლანძღვა — ასეა თუ ისე, იგი მაინც ქართველი იყო. თუ გასალანძღია, გალანძღოს სხვამ, ჩვენ ნუ გამოვიჩინთ ინიციატივას...

მე არასოდეს ჩავრეულვარ ჩემი ქმრის სამსახურებრივ საქმეებში. მაშინდელი მოღვაწეები ცოლებს არ ანებივრებდნენ ისე, დღეს რომ ანებივრებენ. ამიტომ ჩემთვის შეუძლებელია ლავრენტის საქმეებზე ლაპარაკი. ის, რაც მას ოფიციალურად დასდეს ბრალად, სახელმწიფოს ლალატი, უბრალოდ, დემაგოგიაა — რაღაც ხომ უნდა დაებრალებინათ. ეშინოდათ, სტალინის შემდეგ ბერიას არ დაეჭირა მისი ადგილი. მე ვიცნობდი ჩემი ქმრის ხასიათს და დარწმუნებული ვარ, მას ეყოფოდა გონიერება და არ დაიჩემებდა პირველობას. იგი პრაქტიკული ჭკუის კაცი იყო და იცოდა, რომ სტალინის შემდეგ ისევ ქართველი კაცის სახელმწიფოს სათავეში მისვლა გამორიცხული იყო. ამიტომ, ალბათ, იგი ხელს შეუწყობდა მისთვის სასურველ პიროვნებას, მაგალითად, მალენკოვს.



...ორმოცდაცამეტის ივნისში ჩვენ (მე და ჩემი შვილი სერგო\*) მოულოდნელად დაგვაპატიმრეს და სხვადასხვა ციხეში ჩაგვკეტეს. თავიდან ვფიქრობდით, რომ მოხდა სახელმწიფო გადატრიალება, უფრო სწორედ, რალაც კონტრრევოლუციის მაგვარი და სათავეში მოვიდა ანტიკომუნისტური ძალა. მე „ბუტირკაში“ ვიყავი. ყოველდღე მოდიოდა გამომძიებელი, რომელიც მოითხოვდა ჩვენებებს ჩემი ქმრის წინააღმდეგ. მეუბნებოდა, რომ „ხალხი აღშფოთებული იყო ლავრენტის საქციელით“. მე მას განვუცხადე, რომ არავითარ ჩვენებას არ მივცემდი, არც კარგს და არც ცუდს. მერე აღარ შევუწუხებია. წელიწადზე მეტ ხანს ვიყავი ციხეში. ბრალდებები? როგორ არა, წამომიყენეს, მაგრამ ნუ გაიცინებთ, ეს სავსებით სერიოზულად იყო ნათქვამი: ბრალი მედებოდა ერთი კასრი წითელი მიწის ჩამოტანაში რუსეთის არაშავმიწიანი ზონიდან მოსკოვში. საქმე ის გახლავთ, რომ მე ვმუშაობდი სასოფლო-სამეურნეო აკადემიაში, ვიკვლევდი ნიადაგის შემადგენლობას. ჩემი თხოვნით, ოდესღაც მართლა ჩამომიტანეს ერთი კასრი წითელი მიწა. იგი თურმე, ჩამოუტანიათ თვითმფრინავით. ესე იგი, სახელმწიფოს ტრანსპორტი გამოიყენეს კერძო მიზნებისთვის.

მეორე ბრალდება გახლდათ დაქირავებული შრომის გამოყენება: თბილისში ცხოვრობდა ცნობილი მკერავი ვინმე „სამა პარტნოი“. სწორედ ეს „სამა პარტნოი“ ჩამოსულა ჩემთან მოსკოვში, შეუკერია კაბა და მე მისთვის გადამიხდია შესაბამისი გასამრჯელო. ალბათ, ასეც იყო. ახლა ზუსტად არ მახსოვს, როდის იყო ჩემთან თბილისელი მკერავი, მაგრამ ნამდვილად იქნებოდა. ოღონდ, თუ ეს დანაშაულია, ახლაც არ ვიცი.

ჩემი ყურით მომისმენია, როგორ ყვებოდნენ, თითქოს ქუთაისიდან გურიამდე ვიმგზავრე ოქროს ეფვენებიანი ცხენით. ცხენით მართლაც ვიმგზავრე ოდესღაც, მაგრამ ოქროს მოსართავებიანი ნამდვილად არ ყოფილა. ხომ იცით, ადამიანებს ძალიან უყვართ არარსებულის გამოგონება და მერე იმის სინამდვილედ წარმოჩენა...

ციხეში მოვიდა ერთი ჩემი „კეთილისმყოფელი“ და დამარიგა, ასეთ პირობებში ყოფნას გიჯობს განცხადება დანერო და საავადმყოფოში გადაგიყვანთო. მართლაც ძალზე მძიმე პირობებში ვიყავი. „ოდინოჩკა“ კარცერი ხომ გაგიგონიათ, სწორედ იქ. იმ საკანში არც დანოლა შეიძლებოდა, არც დაჯდომა. ასე ვიყავი ერთ წელიწადზე მეტ ხანს. საავადმყოფოზე უარი განვაცხადე,

რადგან ზედამხედველმა მიჩურჩულა, თქვენზე ამბობენ, გაგიყდა და ფსიქიატრიულ საავადმყოფოში იმყოფებაო.

ერთ დღეს გამომძიებელმა მამცნო, შვიდას სამოცმა ქალმა აღიარა, ბერიას საყვარლები ვართო! საოცარია, პირდაპირ: ლავრენტი დღეს და ღამეს შრომაში ასწორებდა და როდისღა მოასწრო, ნეტავ, ქალთა ამ ლეგიონის საყვარლებად გადაქცევა?! სხვა ამბავია აქ: ომის დროს და მერეც იგი ხელმძღვანელობდა დაზვერვას და კონტრდაზვერვას. ეს ქალები კი იყვნენ მისი ინფორმატორები, რომლებსაც მხოლოდ ლავრენტისთან ჰქონდათ უშუალო კავშირი. ლავრენტის ფენომენალური მეხსიერება ჰქონდა და ეს სამსახურებრივი ურთიერთობანი ამ ქალებთან (ალბათ, სხვებთანაც) ინახებოდა მის გონებაში. ხოლო, როცა ამ თანამშრომლებს შეფთან ურთიერთობის შესახებ ჰკითხეს, ბუნებრივია, ყველამ თქვა, საყვარელი ვიყავიო. აბა, აგენტობას ხომ არ დაიბრალებდნენ?!

ერთი წლის შემდეგ მე და სერგო პირუტყვის გადასაცვან მატარებელში ჩავვსხეს და სვერდლოვსკში ჩავვიყვანეს. იქ ხუთასი მანეთი (ახლანდელი ორმოცდაათი) მოგვცეს და... გაგვიშვეს. ძალიან გვიჭირდა უბინაოდ, უსახსროდ, უმუშევრად. მერე, როგორც იქნა, სერგომ ტექნიკოსის თანამდებობა იშოვა (ციხიდან გამოსვლისას ზეინკალ-ტექნიკოსის დიპლომი მისცეს) და მუშაობა დაიწყო.

სხვათა შორის, სერგო დაპატიმრების მომენტში იყო ტექნიკურ მეცნიერებათა დოქტორი. მე არ ვამტკიცებ, რომ იგი რაღაც არაჩვეულებრივი ნიჭით დაჯილდოებული კაცია, მაგრამ იგი არის ნამდვილად ძალზე ნიჭიერი და შრომისმოყვარე ადამიანი. ასეთი იყო მუდამ. ამის გარდა, რა დასამალია, მას საშუალება ჰქონდა ესწავლა. კონსულტაციები მიეღო საუკეთესო სპეციალისტებისაგან, ბოლოს და ბოლოს, შეერჩია ის სპეციალობა, რომელიც ყველაზე მეტად აინტერესებდა. დაპატიმრების შემდეგ მას ჩამოართვეს ხარისხები და, როგორც გითხარით, ტექნიკოსის მოწმობა მისცეს. მერე, ჩემი დაჟინებული თხოვნით, თავიდან დაიწყო ყველაფერი და ახლა, მადლობა ღმერთს, ბედს არ ვემდურით: კარგი სამსახური აქვს, მაღალი ხელფასი, დაფასება.

სვერდლოვსკის გადასახლება რამდენიმე წლის შემდეგ შეგვიცვალეს და უფლება მოგვცეს გვეცხოვრა საბჭოთა კავშირის ნებისმიერ ქალაქში მოსკოვის გარდა. ბუნებრივია, მე

საქართველოში ჩამოსვლა ვინდომე. ჩამოვედი კიდეც. ჩემს მშობლიურ მარტვილს მივაშურე. იქაურ რაიკომის მდივანს მივაკითხე და ვთხოვე, ორიოდე გოჯი მიწა გამოეყო ჩემთვის. იმედი მქონდა, კეთილი ხალხის დახმარებით პატარა სახლს ჩავდგამდი, იქ ვიცხოვრებდი და იქვე დავიმარხებოდი. არ გამართლდა ჩემი მოლოდინი. მალე ქუთაისიდან ჩამოვიდა ორგანოს ორი თანამშრომელი და „ძალზე თავაზიანად“ გამომისტუმრეს უკან, რუსეთში. მას შემდეგ აქა ვარ და საქართველოს ნატვრაში ამომდის სული.

თვალყურს ვადევნებ ყველაფერს, რაც საქართველოში ხდება. ღმერთმა ხელის მოუშართოს ყველას, ვინც თავისი სამშობლოს კეთილდღეობისთვის იბრძოლებს. ადამიანი მხოლოდ თავისი სამშობლოსთვის უნდა ზრუნავდეს. სხვა ერი არასოდეს დაგიფასებს სამსახურს. ავიღოთ, თუნდაც სტალინი, ორჯონიკიძე, ჩხეიძე, წერეთელი, გეგეჭკორი, ბერია და ბევრი სხვა. იმათ მართლაც სწამდათ, რომ იბრძოდნენ რალაც დიადი მიზნისთვის, კაცობრიობისთვის. რა გამოვიდა მერე აქედან? — თავის ერს, სამშობლოს ვერცერთი ვერ გამოადგა, იმ მეორე ერმა კი არ მიიღო მათი სამსახური. ეს ხალხი უსამშობლოდ გადაეგო. ასე მოუვა ყველას, ვინც თავისი ერის ინტერესებს სხვას ანაცვალელებს. ეს უნდა გაითვალისწინონ ახლანდელმა პოლიტიკურმა მოღვაწეებმაც...

თუ არ დამზარდებით, ერთ პატარა ბარათს გაგატანთ ჩემს ახლობლებთან თბილისში.

„ჩემო თამარ, ვარ ცოცხალი, მაგრამ, ვაი, ასეთ სიცოცხლეს. უკვე 90 წელს მიახლოებული, ვარ ჩავარდნილი ლოგინში და დაუხმარებლად ჩემს ოთახშიც ვერ დავდივარ. მაინც მესმის, რომ ქვეყანაში ბევრი რამ შეიცვალა. უცვლელია მხოლოდ ჩემი სიყვარული საქართველოსადმი და ყველა თქვენდამი. იყავით სულ კარგად და ბედნიერად. ნინო გეგეჭკორი. 9. VII. 90.“

ქალბატონმა ნინომ სიტყვა „უცვლელია“ დიდი ასოებით დაწერა და ქვეშ ორი სქელი ხაზი გაუსვა (**„7 დღის“ ინფორმაცია**).

იმედია, წაიკითხეთ. ალბათ, კითხვა გაგიჩნდათ, — ვიზიარებ თუ არა მე, ამ მონოლოგის ავტორი, ნინო გეგეჭკორის ზოგიერთ მოსაზრებას იოსებ სტალინის ან ლავრენტი ბერიას შესახებ? — არ ვიზიარებ, მაგრამ ამას არცა აქვს რაიმე მნიშვნელობა. მკითხველისთვის მთავარია, რას ფიქრობს მეუღლე იმ ადამი-

ანისა, ვისი მთელი ცხოვრება, მოღვაწეობა და სიკვდილი იდუმალების ბურუსითაა მოცული (სამწუხაროდ, ძლიერ მეექვსეა, რომ ეს ბურუსი ოდესმე გაიფანტოს).

ლეგენდადაა ქცეული თვით ნინო გეგეჭკორის ცხოვრებისა და, რაც მთავარია, მისი სილამაზის ამბავი. 1990 წლის ზაფხულს კიევიში მე ვნახე სიბერისგან ჯანგატეხილი, დამჭკნარი და მაინც მომხიბლავი მოხუცი ქალბატონი. მაშინ უკვე შეუძლებელი იყო ოდესღაც თავზარდამცემი სილამაზის ქალის წარმოდგენა. იმ ქალისა, რომელიც იყო ლავრენტი ბერიას ცოლი და თხუთმეტი წლის განმავლობაში კვირაში ორჯერ მაინც საკუთარ ოჯახში მასპინძლობდა კაცობრიობის ისტორიაში არსებულ ყველაზე დიდ ტირანს.

შთაბეჭდილების შესაქმნელად ვერც ოჯახურ არქივში შემთხვევით შემორჩენილი ძველი ფოტოები ივარგებს. მე ვარ ერთადერთი, ვინც თავად მოხუცი დეიდა ნინოსგან იცის, რატომ არ უნდოდა მოხუც დეიდა ნინოს არცერთ მამაკაცთან შეხვედრა — არ მინდა, ვინმემ ასეთი მნახოსო!

გაზეთ „7 დღეში“ გამოქვეყნებული ეს მონოლოგი თითქმის მაშინვე გადაბეჭდა რუსეთის, უკრაინის, ბელორუსის გაზეთებმა, თვით „Совершенно секретно“-მაც კი (დაახლოებით ერთი თვის შემდეგ რამდენიმე ევროპულმა გაზეთმა). ცოტა მოგვიანებით, თითქმის უცვლელად დაიბეჭდა მოსკოვში გამოცემულ ნიგნში „Кремлевские жены“. მოკლედ, უცნობ გაზეთში (ეს იყო „7 დღის“ პირველი ნომერი) გამოქვეყნებულ ნინო გეგეჭკორის მონოლოგს კომუნისტური წყობისთვის აბსოლუტურად უცხო აჟიოტაჟი, გრანდიოზული გამომხაურება და, რა თქმა უნდა, სპეცსამსახურების დაინტერესებაც მოჰყვა.

ძალიან მინდა ცოტა კიდევ წავიტრაბახო, მაგრამ აჟიოტაჟი გამოიწვია არა ჩემმა ჟურნალისტურმა ნაღვანმა, არამედ თვით ნინო გეგეჭკორის პიროვნებამ და ლავრენტი ბერიას ოჯახისადმი საზოგადოების უზარმაზარმა ინტერესმა. ჩემი, ჟურნალისტის დამსახურება ის გახლავთ, რომ მოვახერხე იმ იდუმალ ქალბატონთან შეხვედრა, ვისაც არც ჩემამდე და არც ჩემს შემდეგ მსოფლიოს არცერთი ჟურნალისტი არ შეხვედრია (ნინო გეგეჭკორი ჩვენი შეხვედრიდან ზუსტად ერთი წლის შემდეგ კიევიში გარდაიცვალა. მისი ფერფლი დაკრძალულია თბილისში, „ზღვის სასაფლაოზე“).

სამწუხაროა, მაგრამ თქვენ თვით ჰამლეტის ან მეფე ლირის საკადრისი მონოლოგებიც რომ დანეროთ, იქნებ საზოგადოების ყურადღება მაინც ვერ მიიპყროთ, თუკი იმ გენიალური მონოლოგის მთქმელი ესტრადის უცნობი ვარსკვლავი ან ადგილობრივი მნიშვნელობის „სახელგანთქმული“ პოლიტიკოსი იქნება.

მოკლედ, კარგი მონოლოგისთვის საჭიროა დახვეწილი ჟურნალისტური ტექნიკაც და რესპონდენტის ავტორიტეტიც. ვგულისხმობ, ობიექტურად არსებულ ავტორიტეტს და არა პრეზიდენტის (თუნდაც, აშშ-სა) ბრძანებით შეთხზულს.

მონოლოგის შექმნის თვით პროცესი ფაქიზი და მაცდური რამეა. როგორც წესი, ძალზე საინტერესო რესპონდენტთა (თუნდაც გენიალურთა) უდიდესი უმრავლესობა გაუგებრად საუბრობს, არ იცავს ქრონოლოგიას, გადადის ერთი ამბიდან მეორეზე, აჭიანურებს ერთ ან კვეცავს მეორე ამბავს. ზოგჯერ მისი ხატოვანი ნაამბობით აღფრთოვანებული რჩებით, ხოლო როცა საქმე დანერაზე მიდგება, ორიოდ ბანალური ანეკდოტის გარდა ხელთ არაფერი აღმოგაჩნდებათ.

ნინო გეგეჭკორს თუ დავუბრუნდებით, ეს მონოლოგი რომ დამენერა, ჩვენ ზუსტად შვიდი დღის განმავლობაში ვსაუბრობდით.

სხვათა შორის, მისთვის არ მითქვამს, რომ ჟურნალისტი ვიყავი და რაიმეს დანერას ვაპირებდი. მასთან მივედი, როგორც ნათესავი — დის შვილიშვილი. ბუნებრივია, არც კალმით, არც დიქტოფონით, არც ვიდეოთი არაფერი ჩამინერია. ინტერვიუს დანერა და გამოქვეყნება გადამანყვეტინა მისმა ერთმა ფრაზამ: „მე ერთადერთ ქართველ ჟურნალისტს მივცემდი ინტერვიუს. აი, იმას, გაზეთ „თბილისში“ რომ მუშაობს“.

დეიდა ნინოს მაშინ არც უფიქრია, რომ მასთან მისული ნათესავი იყო სწორედ ის ჟურნალისტი, ვისაც იგი გაზეთ „თბილისიდან“ იცნობდა.

დეიდა ნინოს მასალის გამოქვეყნების შემდეგ საყვედური არ უთქვამს. პირიქით, კივივიდან დიდი მადლობა და ჩემი პატარა ქალიშვილისთვის სუვენირი გამომიგზავნა — მას ხომ ისედაც სურდა ჟურნალისტ ქორიძესთან შეხვედრა!

რაც მთავარია, თუ გსურთ, მკითხველმა დაიჯეროს, რომ ეს მონოლოგი მართლაც იმას ეკუთვნის, ვისაც თქვენ „აბრალებთ“, უნდა როგორმე შეინარჩუნოთ მთხრობელის სტილი.

## დიალოგი

როგორც მიხვდით, ეს ტერმინიც ბერძნულიდან მომდინარეობს და ნიშნავს საუბარს ორი ან მეტი პირის მონაწილეობით. ასე ეძახიან საუბრის ფორმით დაწერილ ლიტერატურულ ნაწარმოებსაც. უძველესი დროიდან, ამ ფორმით იწერებოდა სამეცნიერო, კერძოდ, ფილოსოფიური ნაშრომები. ამგვარი დიალოგის ბრწყინვალე და უკვდავი ნიმუშები შექმნა დიდმა ბერძენმა ფილოსოფოსმა პლატონმა (427-347 წლები ჩვენს წელთაღრიცხვამდე).

დიდი გერმანელი პოეტისა და მოაზროვნის, იოჰან ვოლფგანგ გოეთეს შემოქმედების ბევრი ნიუანსი, მისი დაკვირვებები ლიტერატურასა და ხელოვნებაზე კაცობრიობისთვის სამარადისოდ საიდუმლოდ დარჩებოდა, რომ არა იოჰან პეტერ ეკერმანი. იგი მთელი ათი წლის განმავლობაში, 1823 წლიდან მეფე-პოეტის გარდაცვალებამდე, იყო გოეთეს მდივანი, უახლოესი\* მეგობარი და მესაიდუმლე. ამ ხნის განმავლობაში მან გერმანული სიზუსტითა და გულმოდგინებით ჩაიწერა მისი საუბრები ბუმბერაზ მოაზროვნესთან.

ახალგაზრდა ეკერმანი განგების ძალით გოეთეს რომ არ შეხვედროდა, გერმანული ლიტერატურის ისტორიაში ალბათ მაინც იპოვიდა ადგილს, როგორც XIX საუკუნის ერთ-ერთი უნიჭიერესი პოეტი და უსპეტაკესი ადამიანი. მაგრამ ყველა მისი ლიტერატურული ნაშრომი დაჩრდილა „გოეთეს საუბრებმა ეკერმანთან“.

სანამ „თქვენს“ ჟურნალისტურ ჟანრად დიალოგს აირჩევდეთ, გაითვალისწინეთ, რომ პლატონი სოკრატესთან საუბრობს, ხოლო ეკერმანი — გოეთესთან. მთელი კაცობრიობის ფილოსოფიური აზრი კი ამ ორი მწვერვალის დონემდე ჯერაც ვერ ამაღლებულა.

ხატოვნად რომ ვთქვათ, სოკრატე პლატონში არსებობს. ეს თავმდაბალი პლატონი გვამცნობს, სოკრატე ასე აზროვნებდა და მსჯელობდაო. სინამდვილეში, დღესაც არავინ იცის, სად მთავრდება სოკრატე და სად იწყება პლატონი. ამიტომ ამ გენიალური მოაზროვნისა და მთხრობელის მაგალითი ჟურნალისტთა თანამედროვე თაობას, ალბათ, ფილოსოფიის ლაბირინთებში სახეტილოდ და წერის კულტურის შესასწავლად თუ გამოადგება.

სხვა საქმეა უაღრესად პუნქტუალური ეკერმანი, რომელიც

პედანტური სიზუსტით გადმოგვცემს მის ხანგრძლივ საუბრებს მოხუც ვაიმარელ ბრძენთან. თავად მუდამ ჩრდილში დგას, საკუთარი ცოდნისა და ნიჭის დემონსტრაციას ერიდება. სამაგიეროდ, ვირტუოზულად გადმოგვცემს დიდი მასწავლებლის აზრებს, რომელთა ხშირ-ხშირად გაცნობა ბევრზე ბევრ ჩვენს თანამედროვესაც დიდად წაადგებოდა:

„სუფრასთან სადილზე მანდილოსნები ერთი ახალგაზრდა კაცის პორტრეტს აქებდნენ. „განსაცვიფრებელი კი ისაა, — დასძენდნენ, — რომ თვითნასწავლია.“ ეს განსაკუთრებით შესამჩნევი იყო ხელებზე, რომლებიც არასწორად და ხელოვნებისთვის ცოტა შეუსაბამოდ ჰქონდა გამოყვანილი.

— ჩანს, — თქვა გოეთემ, — ახალგაზრდა კაცი ნიჭიერია, მაგრამ ყველაფერი რომ თვითონ ისწავლა, ამისთვის მისი გაკიცხვა გვმართებს და არა შეეება. ნიჭი იმისთვის კი არ იბადება, რომ მხოლოდ საკუთარ თავს მიენდოს, არამედ იმისთვის, რომ ხელოვნებას და კარგ ოსტატებს მიებალოს...“ („გოეთეს საუბრები ეკერმანთან“, აკაკი გელოვანის თარგმანი).

ერთია, რომ ეს სიტყვები მოხუცმა გოეთემ თქვა, მეორე და არანაკლებ დასაფასებელია, რომ ეს სიტყვები ახალგაზრდა (მაშინ 34 წლისა იყო) ეკერმანმა გაიგო და შთამომავლობას შეუნახა.

ჟურნალისტი, შესაძლოა, თავად იყოს დიალოგის ერთ-ერთი მონაწილე, ან, უბრალოდ, „სტენოგრაფისტის“ როლს დასჯერდეს. ერთიც რთულია და მეორეც, მაგრამ თუ ჩემს გამოცდილებას ენდობით, „სტენოგრაფისტობას“ გირჩევთ — ასეთ შემთხვევაში, მინიმუმამდე მცირდება თქვენი მხრიდან საბედისწერო შეცდომის ალბათობა.

ყოველსმცოდნეობის სინდრომი რომ ძალიან ვერაგი დაავადებაა, ეს, რასაკვირველია, იცით, მაგრამ მოდი, კიდევ ერთხელ გავიხსენოთ და აღარასოდეს დავივიწყოთ. საქმე ის არის, რომ პროფესიის თავისებურებებიდან გამომდინარე, ჟურნალისტს ხშირად საკუთარ შესაძლებლობებზე ცოტა გადაჭარბებული შთაბეჭდილება ექმნება და ზედმეტი თავდაჯერებით გამოთქვამს თავის „კომპეტენტურ“ მოსაზრებებს ურთულეს მეცნიერულ თუ პოლიტიკურ პრობლემებზე. ბუნებრივია, სასაცილო ვითარებაშიც აღმოჩნდება-ხოლმე. ასეთი რამ განსაკუთრებით ტელეჟურნალისტებს ემუქრება.

დიალოგი, როგორც წესი, არ არის ინტერვიუს ტიპის კითხვა-პასუხი — ეს არის ორი ან მეტი ადამიანის დარბაისლური მსჯ-

ელობა საინტერესო პრობლემაზე. დიალოგის დროს ჟურნალისტის მთავარი მიზანი არ არის ჟურნალისტური ფანდებისა და ილეთების გამოყენება თანამოსაუბრის დასაბნევადა, „კუთხეში მისმწყვედა“ ან მკითხველ-მსმენელთა მოსალორებლად. დიალოგის მონაწილეები ცდილობენ ერთგვარად შეავსონ ერთმანეთი და მკითხველებთან, საოქმო-კაზიონური ჟარგონი რომ მოვიშველიო, შეჯერებული აზრი ერთობლივად მიიტანონ.

დიალოგი არც პოლემიკაა, როცა ერთი მხარე ცდილობს, რადაც უნდა დაუჯდეს, საკუთარი უპირატესობა დაუმტკიცოს ოპონენტს — დიალოგის დროს მაგიდასთან თანამოაზრეები სხედან.

ჟურნალისტი, რა თქმა უნდა, არ არის დიალოგის პასიური მაცურებელი. იგი, უმრავლეს შემთხვევაში, თავად წარმართავს საუბარს, რადგან ათიდან რვა შემთხვევაში მაინც, არის საშიშროება რომ მწვავე საბიუჯეტო საკითხზე დანყებული საუბარი არასრულწლოვანი მეძავეების პრობლემათა განხილვით დამთავრდეს.

ჟურნალისტის ხელოვნება ყველაზე მეტად მაშინ ჩანს, როცა დიალოგში ჟურნალისტის აღმოჩენა ჭირს.

თუ არ დაგეზარებათ, წაიკითხეთ „გოეთეს საუბრები ეკერმანთან“ და თქვენთვის ბევრ საიდუმლოს აეხდება ფარდა. ოლონდ, ნუ წარმოიდგენთ, რომ ის, რაც შეეძლო იოჰან პეტერ ეკერმანს, ყველა ჩვენგანს შეუძლია. სამაგიეროდ, ბევრ ჩვენთაგან შეუძლია ის, რაც არ შეეძლო ეკერმანს — ხაჭაპურის გამოცხოვა.

თუმცა, დღემდე აქტუალურია ბრძნული აფორიზმი — სწავლა სიბერემდეო. ადამიანი კი, თუ მოინადინებს, დიალოგების წერის საიდუმლოებასაც ამოხსნის და ხაჭაპურის ცხოვისაც.

## პოლემიკა

ერთსადამიავე ფაქტსა და მოვლენას, თვით ერთსადამიავე საგანსაც კი სხვადასხვა ადამიანი სხვადასხვანაირად აღიქვამს და, ბუნებრივია, თავისებურად აფასებს კიდევ. აღქმისა და შეფასების კრიტერიუმებს განსაზღვრავს ტრადიცია, აღზრდა, სოციალური გარემო, გემოვნება, გაბატონებული საზოგადოებრივი აზრი (ვთქვათ, იმ მომენტისთვის არსებული მოდა), გუნება-განწყობილება, ადამიანის გონებრივი მდგომარეობა. ზოგი რამ, იქნებ, გამომრჩა კიდევ, მაგრამ ძირითადი მსაზღვრელები სწორედ ესაა.



კიდეც კარგი, ადამიანი (და, საერთოდ, სამყარო) ღმერთმა ასე უსაზღვროდ მრავალფეროვანი შექმნა, თორემ, წარმოიდგინეთ, რა მოხდებოდა, ჩინელი, მონღოლი, რუსი, არაბი, ინდიელი, ესპანელი, ებრაელი და ქართველი ერთნაირად რომ აღიქვამდეს და ერთნაირად აფასებდეს კიდეც სილამაზეს — მოსწონდეს გრძელცხვირა ქალი და თვალუნვდენელი ტრამალები!

თუ მე ჭიუხებში გავიზარდე, ნისლმობხვეული მწვერვალების დაპყრობის ჟინი მწვავს და დედამიწისთვის მაღლიდან დახედვის ხიბლით დავმთვრალვარ, კავკასიის მთებთან ტირიფონას ველის უპირატესობაში ვერავინ დამარწმუნებს.

ჩემთვის ყველაზე ლამაზი და მოხერხებული სამოსი ხევსურული ტალავარია, უგემრიელესი კერძი — ჯიხვის მწვადი, საუკეთესო სასმელი — ჟიპიტაური, საუკეთესო იარაღი — შაშხანა, საუკეთესო პოეზია — კაფია, საუკეთესო ბინა — ბანიანი სახლი, ულამაზესი ქალი — ალხასტაიდის გოგო იამზე.

არაბი ბედუინი გულისსწორს ასე უხსნის სიყვარულს:

„ჩემი ძმა რომ აქლემი ყოფილიყო, იმას გაყვიდდი, რათა შენ შემეძინე“. თვალუნვდენელი ვარვარა უდაბნოს მკვიდრისთვის აქლემი ყველაფერია — ტრანსპორტი, ტანსაცმელი, საჭმელი, სასმელი, დამხმარე, მეგობარი...

ბედუინებმა აქლემებს უამრავი მომხიბლავი ლეგენდა და პოეზიის მთელი დარგი უძღვნეს — გულწრფელად უმღერეს მის მამაც გულს და მომხიბლავ ტუჩ-კბილს. ევროპელები კი გალიებში გამომწყვდეული ამ კუზიანი ცხოველების სიმახინჯით ერთობიან.

ბედუინს ვერასოდეს ვერავინ დაარწმუნებს აქლემის სიმახინჯეში, ისევე, როგორც ევროპელს — მის სიტურფეში.

ასე რომ, ამქვეყნად ყველაფერი საკამათოა, — აქლემის სილამაზიდან და ესტრადის ვარსკვლავის ჩაცმულობიდან დაწყებული, არისტოტელეს ფილოსოფიითა და ქართული საქადასახადო კოდექსით დამთავრებული.

პოლემიკა (კამათი, პაექრობა, დისკუსია) იმართება ბაზრებში, „ბირჟებზე“, მიტინგებზე, მეგობრულ თავყრილობებზე, ოფიციალურ შეხვედრებზე, ოჯახურ წრეში, მაგრამ ეს ყველაფერი საზოგადოებრივ ცნობიერებაზე რაიმე მნიშვნელოვან გავლენას ვერ ახდენს. საზოგადოებრივ ცნობიერებაზე ზეგავლენისთვის აუცილებელია ამ კამათის საჯაროობა — მისი გადატანა მასობრივი ინფორმაციის საშუალებებში. ასეც ხდება. თანამედროვე

მედიასივრცე წარმოუდგენელია პოლემიკური ჟანრის გარეშე და, ბუნებრივია, მასში უაქტიურეს მონაწილეობას იღებენ ჟურნალისტები. ეს ნაირ-ნაირი „მრგვალი მაგიდები“, თოქ-შოუები, განხილვები და დებატები, საბოლოოდ, პოლემიკაა. ძალიან ხშირად, ჟურნალისტები საკამათოს გამოძებნას იქაც კი ცდილობენ, სადაც ის, წესით, არ უნდა იყოს. მაგალითად, XX საუკუნის 80-იანი წლების მიწურულს და 90-იანის დასაწყისში საქართველოში სერიოზული კამათი მიდიოდა იმის შესახებ, უნდა ჰქონოდა თუ არა რაიმე უპირატესი უფლებები ეთნიკურ ქართველებს ქვეყნის არაქართული წარმოშობის მოქალაქეებთან შედარებით. თქვენ, ალბათ, ახლა გეღიმებათ, მაგრამ მაშინ ეს იყო უმწვავესი პრობლემა და კამათიც, შესაბამისად, — ძალიან მწვავე და მტკივნეული.

**მეცნიერული პოლემიკა.** ეს გახლავთ პოლემიკის ყველაზე „მშვიდი“ სახეობა — მეცნიერების ამა თუ იმ დარგში ჩახედული სპეციალისტების მიერ პრობლემის შედარებით მშვიდობიანი განსჯა. ავიღოთ, თუნდაც, რუსთველოლოგიის პრობლემები. შოთა რუსთაველის „ვეფხისტყაოსანი“ 800 წლის წინათ დაინერა, უამრავჯერ გამოიცა, უამრავ ენაზე ითარგმნა, უამრავმა მეცნიერმა უამრავი კომენტარი უძღვნა, მაგრამ კამათი პოემის ზოგიერთი სტროფის, სტრიქონის, სიტყვის, ავტორის მსოფლმხედველობის თაობაზე დღემდე მიმდინარეობს და, ვეჭვობ, ოდესმე დასრულდეს.

ასეთივე და კიდევ უფრო რთული ვითარებაა ბიბლიის, ყურანის, სხვა წმინდა წიგნების და ბევრი გამოჩენილი მწერლისა თუ მეცნიერის შემოქმედებასთან დაკავშირებით.

თავიდან ვთქვი, მეცნიერული პოლემიკა, ზოგადად, პოლემიკის ყველაზე მშვიდობიანი სახეობა არის-მეთქი. თუმცა, დროდადრო მშვიდობიანობა ირღვევა და სერიოზული განსჯა ლამის ხელჩართულ ბრძოლაში გადაიზრდება. განსაკუთრებით, როცა კამათში მეცნიერებას მიტმასნილი ამბიციური დილეტანტები და, საერთოდ, უბირი ადამიანები ერევიან.

არსებობს ჩვენს გონებაში მტკიცედ ფესვგადგმული მითი, რომ კამათში იბადება ჭეშმარიტება. ეს, შესაძლოა, მართლაც ასე იყოს, ოღონდ, მხოლოდ იმ შემთხვევაში, თუ საუბარი ზუსტ მეცნიერებებს შეეხება და ნათქვამის ექსპერიმენტულად დამტკიცება შეიძლება. ბოლოსდაბოლოს, თუ ერთი ამბობს, რომ „დირიხლეს თეორემის“ ამოხსნა შეუძლებელია, მეორე ამ თეო-

რემის ამოხსნით საპირისპიროს დაამტკიცებს და ოპონენტსაც სათქმელი აღარაფერი დარჩება.

მაგრამ რუსთველოლოგიაში, ფილოსოფიის რომელიმე მიმდინარეობაში, პედაგოგიკაში ან ლიტერატურის კრიტიკაში ერთმნიშვნელოვანი შედეგების მიღება პრაქტიკულად გამირიცხულია. კამათი, შესაძლოა, დინჯად, აკადემიურად და ჯენტლმენური მანერების დაცვით მიმდინარეობდეს, მაგრამ... უსასრულოდ — ერთი მხარე მეორეს ვერასოდეს დაარწმუნებს საკუთარი არგუმენტების ჭეშმარიტებაში. ეს კარგია, ვინაიდან აზრთა ჭიდილი არის მეცნიერული აზრის წინსვლის გარანტია.

თანაც, წუთით წარმოიდგინეთ, რომ ერთ მშვენიერ დღეს ყველა მოკამათე ყველა საკითხზე შეთანხმდა და დედამიწაზე საკამათო და საპაექრო აღარაფერი დარჩა!

მეორე დღეს, ალბათ, კაცობრიობის ისტორია დასრულდება.

მეცნიერული კამათი, ძირითადად, სამეცნიერო გამოცემებში მიმდინარეობს და პრესასა და ტელევიზიაში შედარებით იშვიათად გადაინაცვლებს ხოლმე. აქედან გამომდინარე, ყურნალისტებს ამგვარ პოლემიკაში მეტნაკლებად პასიური როლი აქვთ და უფრო ხშირად, უბრალო წამყვანის, უკეთეს შემთხვევაში — მედიატორის მოვალეობას ასრულებენ. მაგრამ ეს მოვალეობა რომ შეასრულო, კამათის საგანს ზოგადად მაინც უნდა იცნობდე. ეს კი არც ისე იოლი საქმეა. ამიტომ წამყვანის, თუ მედიატორის როლს ასეთ შემთხვევაში დარგის სპეციალისტები, ანუ არა-ყურნალისტები ასრულებენ.

**პოლემიკა კონკრეტული ფაქტის, ან მოვლენის გამო.** ჩემი ყურნალისტური მოღვაწეობის განმავლობაში, მრავალ კამათში მიმიღია მონაწილეობა. ძირითადად, ეს იყო სამართლებრივ, სოციალურ, პოლიტიკურ, ქონებრივ თუ სხვა მნიშვნელოვან საკითხებთან დაკავშირებული პრობლემები. ნამდვილად ვერ დავიტრაბახებ, რომელიმე მძაფრი პაექრობიდან გამარჯვებული გამოვსულვარ-მეთქი. კიდევ ერთხელ დავიმონწმეებ დეილ კარნეგის: „ათიდან ცხრა შემთხვევაში, მოკამათე კიდევ უფრო რწმუნდება საკუთარი მოსაზრებების აბსოლუტურ ჭეშმარიტებაში“.

ვიდრე ეს არ ვიცოდი, საკმაოდ მტკივნეულად განვიცდიდი ოპონენტების მხრიდან ჩემი მოსაზრებების ყოვლად უარგუმენტოდ გაუზიარებლობას და ხშირად — სრულ უგულვებლყოფასაც.

საბოლოოდ, მივხვდი, რომ პოლემიკის მიზანი არ არის ოპონენტის გადარწმუნება ან მისთვის სხვა მოსაზრების თავს მოხვევა. საჯარო პოლემიკა განკუთვნილია მსმენელებისა და მკითხველების გადასაბირებლად. აქედან გამომდინარე, ღრმად არგუმენტირებული ფილოსოფიური მსჯელობა ნებისმიერ პრობლემაზე საზოგადოების დიდ ნაწილს აღიზიანებს. მას ურჩევნია მარტივი და სწორხაზოვანი დემაგოგია, მაგალითად, ასეთი: „საქართველოში რომ სოციალური სიდუხჭირე მძვინვარებს, ამაში მთავარი დამნაშავეები სახელმწიფო ხაზინის, ანუ თქვენი ქონების ქურდობით გამდიდრებულ-გაზულუქებული ჩინოვნიკები ბრძანდებიან. ამიტომ ჩვენ (ხელისუფლება) მათ ჩამოვართმევთ ნაქურდალ ქონებას და დაგირიგებთ თქვენ. ოღონდ, არჩევნებში მხარი უნდა დაგვიჭიროთ“.

ბუნებრივია, ეს „მხარდაჭერა“ სახელმწიფოში მოქმედი კონსტიტუციური ნორმების სისტემატურ და უხემ დარღვევებზე თვალის დახუჭვას, საბოლოოდ, ქვეყანაში ტოტალური სამართლებრივი ნიჰილიზმის დამკვიდრებას ნიშნავს. მაგრამ საზოგადოების უმრავლესობისთვის ამის ახსნა ძალიან რთულია — არ მოგისმენენ, რადგან მას ხელისუფლება მხარდაჭერის სანაცვლოდ, „ვიღაც ნურბელასთვის“ ჩამორთმეულ ქონებას დაჰპირდა. თანაც — ხვალვე.

პროლეტარული პირდაპირობით დაპირებულის შესრულება რომ შეუძლებელია, საზოგადოების დიდი ნაწილი ამაზე არც ფიქრობს. მისთვის მთავარია თვით დაპირების ფაქტი.

ისიც ვიკითხოთ, ვალდებულია თუ არა საზოგადოების მეორე (უმცირესი) ნაწილი ებრძოლოს ამგვარ უხამს დემაგოგიას — უნდა ებრძოლოს, რადგან, საბოლოოდ, მუდამ საღი აზრი იმარჯვებს. მხარს

ბუნებრივია, ყურნალისტების ნაწილი ერთ მხარესაა, ნაწილი — მეორეს. ეს ან არაკომპეტენტურობის ბრალია, ან სოციალური მდგომარეობის, ან არსებული პოლიტიკური კონიუნქტურისა — პრესაც ხომ საზოგადოების ღვიძლი შვილია.

ერთ საინტერესო ფაქტს გავიხსენებ.

90-იანი წლების დასაწყისიდანვე საქართველოში გაჩნდა ახალი სახელმწიფო სიმბოლიკის შემოღების აუცილებლობა. უფრო ზუსტად, დაიწყო კამათი, გამოგვეგონებინა ახალი, თუ აღგვედგინა ძველი, ისტორიული გორგასლიან-დავითიანი დროშა და ბაგრატიონთა სამეფო გერბი. პოლემიკაში აქტიურად

ვმონაწილეობდი მეც — მხარს ვუჭერდი ისტორიული სახელმწიფო სიმბოლიკის აღდგენას.

რომელიმე მოსაზრებისთვის მხარი რომ დამეჭირა, ზოგადად, ჰერალდიკის და, კერძოდ, ქართული ისტორიული სიმბოლიკის შესწავლა გახდა აუცილებელი. ვერ ვიტყვი, მეცნიერების ამ დარგში ექსპერტად გამოვდგები-მეთქი, მაგრამ საკმაოდ მნიშვნელოვანი ცოდნა ნამდვილად შევიძინე.

ამას იმიტომ მოგახსენებთ, რომ ჩვენთან (რა თქმა უნდა, ისტორიული სიმბოლიკის აღდგენის მომხრე ბევრი იყო) მოპაექრეთა უმრავლესობას წარმოდგენა არ ჰქონდა ამ საინტერესო მეცნიერებაზე, ან არ სცნობდა მას. ამიტომ ისინი გამოდიოდნენ ლოზუნგური მოსაზრებებით — შავი ქართული მინის ფერია, ლურჯი — ქართული ზეცისა, წითელი — ქართული ღვინისა და სხვა ამგვარი აბდაუბდა. იშველიებდნენ არგუმენტს, რომ საქართველოს დროშაზე გამოსახული ჯვარი გააღიზიანებდა საქართველოს არაქრისტიან მოსახლეობას და ჩვენს მეზობელ ისლამურ ქვეყნებს; რომ აღმოსავლეთ რომის იმპერიის, გალების, ბურგუნდების, ოსტგოთებისა თუ ირანის წინააღმდეგ დამანგრეველ ლაშქრობებს სწორედ ხუთჯვრიანი დროშით ახორციელებდა ჰუნების სახელგანთქმული (მას მოიხსენიებდნენ, როგორც სისხლისმმელსა და კაციჭამიას) ბელადი ატილა; რომ ბაგრატიონთა სამეფო გერბი იყო მხოლოდ ბაგრატიონთა (სამეფო ოჯახის) საკუთრება და მისი სახელმწიფო გერბად აღიარება არ შეიძლებოდა; რომ ახალი გარემოებების წარმოშობის გამო (საქართველოს დე იურე დამოუკიდებლობა), გერბსა და დროშაზე უნდა ასახულიყო საქართველოს უძველესი ისტორიაც და თანამედროვეობაც...

კამათი თითქმის ცხრა წლის განმავლობაში მიმდინარეობდა. საოცარია, მაგრამ ისტორიული სიმბოლიკის აღდგენის თავგამოდებულ მონინააღმდეგეთა შორის ბევრი იყო ტიტულოვანი მეცნიერი და მაღალჩინოსანი მოხელე.

მართალია, ისინი ცუდად იცნობდნენ ჰერალდიკის კანონებს, მაგრამ ისინი ხომ სახელგანთქმულები იყვნენ! ამიტომაც ან ქედმაღლურად პასუხობდნენ ჩემს პოლემიკურ წერილებს (ვინ ჰკითხავს ვილაც ჟურნალისტს!), ან პასუხის გაცემას, საერთოდ, უკადრისობდნენ. სინამდვილეში, მათი ქედმაღლობისა და მოჩვენებითი სიდარბაისლის უკან ყოვლად ჩვეულებრივი უვიცობა და პარტიული სტერეოტიპებით შებოჭილობა იმალებოდა.

ცხრანლიანი ცხარე კამათი, საბოლოოდ, „ჰერალდიკოსთა“ გამარჯვებით დამთავრდა.

თუმცა, ხელისუფლებამ გადაწყვეტილება მაინც ნაჩქარევად და ასეთ შემთხვევებში გათვალისწინებული საპროცესო ნორმების უგულბეღყოფით მიიღო — მას ისტორიული სამართლიანობის აღდგენაზე მეტად, ოპონენტებზე რიტუალური გამარჯვება სჭირდებოდა\*.

**თუ პოლემიკაში უშუალოდ მონაწილეობთ და გრძნობთ, რომ ოპონენტების წინაშე დიდი უპირატესობა გაქვთ, ელვისებურ და სრულ გამარჯვებაზე არც იოცნებოთ. თქვენს სიმართლეს ოდესმე ისტორია დაადასტურებს. თუმცა, იმის იმედი ნუ გექნებათ, რომ მადლიერი ისტორია თავის ანალებში თქვენს სახელს ოქროს ასოებით ჩაწერს.**

**პოლიტიკური პოლემიკა.** ამ სახეობის და ყველა დანარჩენის განსაზღვრება პირობითია. ძალიან ძნელია, თითქმის შეუძლებელია გაავლო მკვეთრი ზღვარი, სად მთავრდება, მაგალითად, მეცნიერული პოლემიკა და სად იწყება პოლიტიკური, სამართლებრივი, სოციალური ან, საერთოდ, როდის გადაიზრდება სერიოზული კამათი ყოვლად უაზრო კინკლაობაში.

პოლიტიკურ პოლემიკას ერთი განმასხვავებელი ნიშანი მაინც აქვს — უპრინციპობა. გუშინ რომ ვერაფერზე ვერ თანხმდებოდნენ, დღეს ის პოლიტიკური ოპონენტები ერთ ჰანგზე არიან აწყობილი. ეს არ ნიშნავს, რომ მათ საკუთარი შეხედულებები დათმეს. ეს ნიშნავს, რომ ისინი საზოგადოების ზურგს უკან ერთმანეთში დროებით გარიგდნენ და კამათს პირველი ხელსაყრელი შემთხვევისთანავე გააგრძელებენ. ამიტომ ჟურნალისტების მხრიდან რომელიმე პოლიტიკური ძალისადმი მხარდაჭერა ძალიან სარისკოა. პირის გატეხვა, ორპირობა, მოტყუება და ფარისევლობა პოლიტიკაში ცუდ ტონად სულაც არ ითვლება — პოლიტიკოსები ხომ ჩვენთვის, უბრალო მოკვდავებისთვის იღებენ მსხვერპლს, ანუ უყოყმანოდ თმობენ პრინციპებს, იცვლიან პარტიებს, პატრონებს და მაღალ-მაღალ თანამდებობებსაც. თავსაც ძალიან იოლად იმართლებენ: არ არსებობენ მუდმივი მტრები და მუდმივი მეგობრები, არსებობს მუდმივი ინტერესები.

ამას ისე, განსჯისთვის მოგახსენებთ.

როგორც გითხარით, პოლიტიკური პოლემიკის დროს პოლემისტთა ერთი ნაწილი არგუმენტების მოშველიებით თავს

დიდად არ იწუხებს. სამაგიეროდ, იყენებს დემაგოგიას და ცრუ მაღალფარდოვნებას, თამაშობს იმ მომენტისთვის გაბატონებული საზოგადოებრივი აზრით, სარგებლობს საზოგადოების ერთი ნაწილის უმეცრებით, კონიუნქტურისადმი მონური მონინებით, ადმინისტრაციისადმი ტრადიციული შიშით და ა. შ.

მეოცე საუკუნის 80-იანი წლების ბოლოდან, ანუ მას შემდეგ, რაც დიდ საბჭოეთს წყალი შეუდგა და მოკავშირე რესპუბლიკებს დამოუკიდებლობის შანსი გაუჩნდა, საქართველოში, ისევე, როგორც ბევრ სხვა რესპუბლიკაში, ეროვნული მოძრაობის აღმავლობა დაიწყო.

მოდის, ახლა ამის მიზეზებზე ნუ ვისაუბრებთ, მხოლოდ ფაქტი ავლნიშნოთ — ეროვნულ მოძრაობას ნაციონალიზმისა და შოვინიზმის აყვავებაც მოჰყვა.

საქართველოსთვის ჯერ სამხრეთ ოსეთის ავტონომიური ოლქისა და შემდეგ აფხაზეთის ავტონომიური რესპუბლიკის დაკარგვის ერთ-ერთი მთავარი მიზეზი ესეც იყო.

იმ წლების საქართველოში ისეთი რევოლუციურ-შოვინისტური ეიფორია სუფევდა, რომ გონივრული აზრის გამოთქმა თითქმის შეუძლებელი იყო. მრცხვენია ამის აღიარება, მაგრამ დიდ გასავალში იყო ლოზუნგები „საქართველო ქართველებისთვის!“ „გაუმარჯოს დამოუკიდებელ, ქრისტიანულ საქართველოს!“ და სხვა მისთანანი. ყოვლად პატივცემული პოლიტიკოსები, მწერლები, ის ადამიანები, ვინც საკუთარ თავს ინტელიგენტებს უწოდებდნენ, სრული სერიოზულობით საუბრობდნენ საქართველოში მცხოვრებ „სტუმარ ერებზე“, ეთნიკურ ქართველთა უფლებრივ უპირატესობებზე სხვა ხალხებთან შედარებით, წმინდა სისხლის ქართველობაზე. ამას თან დაერთო სამხრეთ ოსეთში ინსპირირებული კონფლიქტი, ოსური რესპუბლიკის გამოცხადება და ეთნიკური ოსების ტოტალური დევნა თითქმის მთელ საქართველოში.

როგორც მოსალოდნელი იყო, ამით, უპირველეს ყოვლისა, ჩვეულებრივმა კრიმინალებმა და მარადიორებმა ისარგებლეს.

სწორედ ასეთ კრიტიკულ ვითარებაში გამოვაქვეყნე ამ უგუნური პოლიტიკის წინააღმდეგ მიმართული სტატიების სერია, რასაც ოფიციალურად და მაშინ ჯერ კიდევ საკმაოდ სუსტი დამოუკიდებელი მასმედიის წარმომადგენელთა უმრავლესობის მხრიდან უმძაფრესი რეაქცია მოჰყვა.

ახლა შემოგთავაზებთ ერთ-ერთ იმდროინდელ სტატიას და მასზე რამდენიმე დამახასიათებელ გამოხმაურებას. ვიმედოვნებ, რომ ეს პოლემიკურ ოსტატობაზეც შეგიქმნით აზრს და 90-იანი წლების საქართველოს პოლიტიკურ ვითარებაზეც.

## ომი უნდა დავამარცხოთ

საქართველოს პარლამენტის სხდომაზე ადამიანის უფლებათა დაცვისა და ეროვნულ უმცირესობათა კომისიის თავმჯდომარეობის ერთ-ერთმა პრეტენდენტმა განაცხადა, ეროვნულ საკითხებში ქართველების ხასიათს (შემწყნარებლობას გულისხმობდა) უნდა დავეყრდნოთო.

თუმცა, სიტყვა „შემწყნარებლობა“ ნათქვამი არ ყოფილა. ახსენეს სიტყვა „ტოლერანტობა“, რაც აგრეთვე მოთმენას, მიტევებას, შემწყნარებლობას ნიშნავს.

როცა ბატონი დეპუტატი ამას ბრძანებდა, მას, ალბათ, მართლაც სწამდა ქართველთა შემწყნარებლური ბუნებისა და მისი იმედიც ჰქონდა. ისე სწამდა და ისე დიდი იმედი ჰქონდა, რომ დაავიწყდა, ან საჭიროდ აღარ მიიჩნია ეხსენებინა სიტყვები: „კანონი“, „სამართალი“, „სახელმწიფო“...

სანამ ქართველთა ისტორიულ შემწყნარებლურ ბუნებაზე ვისაუბრებდეთ, გულზე ხელი დავიდოთ და გავიხსენოთ, რამდენი მკვლელობა მოხდა საქართველოში მას შემდეგ, რაც ჩვენი ტოლერანტობის მტკიცება დაიწყებოდა.

იქნებ ვინმემ დათვალა, რამდენი მკვლელია დღეს საქართველოში, რამდენი ყაჩაღია, რამდენი ქურდბაცაცაა, რამდენი ნარკომანი და ნარკოტიკების გამავრცელებელია, რამდენი თაღლითი და მატყუარაა, რამდენი მექრთამეა, რამდენი კარიერისტი.

იქნებ ვინმემ ზუსტად იცის, რამდენი მძიმე დანაშაულია გაუხსნელი, რამდენი კაცია უსამართლოდ დასჯილი?

იქნებ ის იცის ვინმემ, რატომ ვერ ახერხებს სამართალდამცავი ორგანოები კარგად ორგანიზებული დამნაშავეობის წინააღმდეგ ბრძოლას!

იქნებ იმის დამტკიცება შეძლოს ვინმემ, რომ ის დამნაშავეები და მათი მფარველები არ არიან ქართველები, ჩვენი საზოგადოების წევრები.

ჩვენ, საზოგადოებამ, მხოლოდ ის ვიცით, რომ დამნაშავენი



ბევრნი, კატასტროფულად ბევრნი არიან; რომ უამრავი საქმეა გაუხსნელი; რომ ქუჩაში დადის უამრავი მკვლელი; ვვარაუდობთ, რომ დამნაშავეთა სამყარომ დიდი ხანია საერთო ენა გამონახა სამართალდამცავებთან; რომ ჩვენს ფეოდალურ არმიამ ბევრია ნარკომანი, ლოთი და მარადიორი; რომ დღეს ქრთამი ისეთ პატივშია, როგორც არასდროს...

დამინც, ჯიუტად ვმსჯელობთ ქართველთა განსაკუთრებულ მოთმინებასა და შემწყნარებლობაზე.

ბატონმა დეპუტატმა ტრიბუნიდან მთელი მსოფლიოს გასაგონად ბრძანა, ქართველები და აფხაზები ვერასოდეს შევრიგდებით, ომი აფხაზთა სრულ განადგურებამდე უნდა გაგრძელდესო.

თურმე განურჩევლად უნდა დავხოცოთ ყველა: ქალები, ბავშვები, მოხუცები, ტყვეები, ავადმყოფები და მერე ისევ ჩვენს ტოლერანტულ ბუნებაზე ვილაპარაკოთ.

რა თქმა უნდა, ჩემთვის გასაგებია უზომო გულისტკივილი და მრისხანება კაცისა, ვისაც ამ ომმა ბევრი რამ წაართვა, მაგრამ, სამწუხაროდ, იგი ერთადერთი არ არის, ვინც ასე ფიქრობს და ამბობს კიდევ — საზოგადოდ, ტენდენციაა ასეთი. ეს ძალზე სამში ტენდენციაა.

როცა ფრიად ავტორიტეტული და პატივცემული ქალბატონები და ბატონები ამტკიცებენ, ჩვენ, ქართველებს არასოდეს დაგვიპყრია სხვისი ტერიტორიებიო, მგონია, რომ მათ ვარდისფერი სათვალით აქვთ წაკითხული საკუთარი სამშობლოს ისტორია. ჩვენ სხვათა მიწები არ დაგვიპყრია არა იმიტომ, რომ ასეთი სურვილი არასოდეს გავჩენია, არამედ იმიტომ, რომ ამის საშუალება იშვიათად გვეძლეოდა. ფეოდალური საქართველოსთვის დამახასიათებელი იყო ყველაფერი, რაც, საზოგადოდ, ახასიათებდა ფეოდალურ სამყაროს: შინაომიც და შინააშლილობაც, ღალატიცა და ვერაგობაც, მოძმეთა თვალების დათხრაც და ძელზე გასმაც. გავიხსენოთ ბალუამ-ორბელიანები, კონსტანტინე და გიორგი ბატონიშვილები, ქართულ სამეფო-სამთავროთა გაუთავებელი შინაომები\*...

...მთელი ჩვენი ტრაგედია ის არის, რომ ისტორიული ბედუკუღმართობის გამო, რუსთაველის, საბას, გურამიშვილის, ვაჟას, ილიას ქვეყანა ვერ ეზიარა ევროპულ ცივილიზაციას. კომუნისტური რეჟიმი, თურმე, თრგუნავდა ჩვენს შუა საუკუნეების დონეზე დარჩენილ აზროვნების სტილს. დაიწყო ეროვნული მოძრაობა და დაიწყო ჩვენი ტრაგედია: ხოცვა-ჟლეტა, გამო-

ძალვა, მუცელმერთობა, სხვათა დამცირება ლამის ხელობად გავიხადეთ.

„ქრისტიანულ საქართველოზე“ გაუთავებელი და დილეტანტური ლაყბობით იმდენი ვქენით, ბევრი ჩვენი გუმინდელი მოკეთე შევაშინეთ და მტრად მოვიკიდეთ. მერე ისეთი რამეებიც ვიკადრეთ, მამა-პაპათა ძვლებიც შევანუხეთ: უდანაშაულო ადამიანების დევნა დავიწყეთ.

პირადად დავესწარი ერთ ფრიად სოლიდურ დანესებულე-ბაში გამართულ კრებას, სადაც იხილებოდა იქ მომუშავე ოსი ეროვნების ადამიანების საკითხი. შეკრებილები (თანამშრომლები!) სათითაოდ ასახელებდნენ „მტრებსა“ და „გამყიდველებს“ და საჯაროდ სთხოვდნენ მათ პასუხს სამაჩაბლოში ოსი „ბო-ევიკების“ მიერ ჩადენილი დანაშაულობებისთვის.

იმ მოძრაობის დანყებისთანავე, რასაც ახლა „ეროვნულს“ ვუნოდებთ, მთელ საქართველოში დაიწყო არაქართველი მოქალაქეების, განსაკუთრებით, ოსების ტოტალური დევნა-შევიწროება. ჩემს კითხვაზე, ოსების თქვენი რაიონიდან განდევნით, რას მოიგებთ-მეთქი, გურჯაანის პრეფექტმა წინწალაშვილმა ცინიკურად მომიგო: „რას დავკარგავთ, რო?!“

თბილისში სულ დასტა-დასტად ითხოვდნენ სამსახურიდან ოსური წარმოშობის მუშებს; ტვინგახურებული ურა-პატრიოტები თითქმის მთელ საქართველოში სახლებიდან ერეკებოდნენ, სცემდნენ, ამცირებდნენ, ხოცავდნენ კიდევ სრულიად უდანაშაულო თანამემამულეებს. იმ ადამიანებს, ვისთანაც საუკუნეობრივი კეთილმეზობლობა, მეგობრობა, სიყვარული და სისხლით ნათესაობა აკავშირებდათ...

მსოფლიომ ვერ გაიგო ჩვენი უცოდველობა, ჩვენი სამართლიანი ბრძოლა და ლამის კაციჭამიებად შეგვრაცხა. ჩვენს წინ ჩაიკეტა მსოფლიო ცივილიზაციისკენ მიმავალი ყველა გზა და ბილიკი, ჩვენთან მეგობრობა არავინ ისურვა.

...სიყრუე-სიბრმავის უგუნურმა პოლიტიკამ ქართველები-სგან დააცარიელა ყოფილი სამხრეთ ოსეთის ავტონომიური ოლქის ტერიტორია... იქაური ქართველები, ძირითადად, დიდ ქალაქებში ჩასახლდნენ და უკან წასვლაზე აღარ ფიქრობენ. ეშინიათ კიდევ და, ბევრი მიზეზის გამო, აღარც სურთ უკან დაბრუნება.

თითქმის დაცარიელდა მთიანი ოსური სოფლები ბორჯომის რაიონში. მოდი, შევთავაზოთ, ვთქვათ, თბილისელ უმუშევარ,

უსახლკარო და მშიერ ქართველებს (გუშინდელ სოფლებს) იმ დაცარიელებულ სოფლებში დასახლება, ცხვარ-ძროხისა და მამულის მოვლა.

არავინ წავა. იმიტომ არ წავა, რომ ქართველთა ერთ დიდ ნაწილს სამშობლოს მაგიერ სწორედ ის ქართული მიწა უყვარს, სწორედ იმ ქართულ მიწას ვერ შეეღებოდა, რომელიც თბილისში ასფალტქვეშ ღრმად არის დამარხული. უფრო სწორად კი იმიტომ, რომ ჩვენ დიდი ხანია გადავეჩვიეთ სახელმწიფოებრივად აზროვნებას. არც არის გასაკვირი. მართალია, ხშირად ვიკვებხნით ჩვენი 25-საუკუნოვანი სახელმწიფოებრიობის გამო, მაგრამ გულში ისიც ხომ ვიცით, რომ ვიდრე რუსეთი ამ ორასიოდე წლის წინათ „მზრუნველ ხელს“ გამოგვინვდიდა, 600 წლის განმავლობაში ერთიანი ქართული სახელმწიფო არ არსებებულა. ალბათ, უსახელმწიფოების ეს 800-წლიანი ტრადიციაც არის ერთი მთავარი მიზეზი ჩვენი თავკერძობისა და განდაგანობისა...

თანამდებობებისა და პრივილეგიებისთვის გამართული თავანყვეტილი დოლი, „მრგვლურ“ გამთიშველ პოლიტიკას ტაშისცემით აყოლა, ბატის ჭუჭულებივით მსგავსი ამბიციური პარტია-საზოგადოებების ნამდვილი შემოსევა, უამრავი შეიარაღებული დაჯგუფება-ფორმირების თარეში, აზრთა ჭიდილის ნაცვლად საკუთარი უცდომლობის კატეგორიული მტკიცებაც არის ჩვენი ხანგრძლივი უსახელმწიფოების ლოგიკური შედეგი.

...ის, რაც ბოლო წლებში მოხდა და რაც დღეს ხდება საქართველოში, აუცილებლად უნდა მომხდარიყო. დღეს ჩვენი ისტორიული ბედუკუდმართობის ნამყოფს ვიმკით. ასეთი პერიოდი ჰქონდათ დღევანდელი მსოფლიოს ყველაზე ცივილიზებულ დემოკრატიულ ქვეყნებს. გავიხსენოთ გერმანიის მაგალითი. მის ფონზე საქართველოში ატეხილი ხმაური იავნანასავით ისმის. მაგრამ ერთი რამ უთუოდ უნდა გავითვალისწინოთ: მცირერიცხოვნობის გამო ჩვენ, ქართველებმა, არ უნდა მივცეთ თავს იმის უფლება, რისი უფლებაც შეიძლება მისცეს საკუთარ თავს გერმანელმა, ფრანგმა ან რუსმა ერმა.

ნურავინ იფიქრებს, რომ გერმანელის, ფრანგის ან რუსის მსგავსად ჩვენ ოდესმე ძალით ვაჯობებთ სხვას, თუნდაც, ჩვენზე გაცილებით მცირერიცხოვანს. წავიდა ის დრო, როცა ხმალი და ძალგულოვნება წყვეტდა საკითხს. ახლა მხოლოდ ჭკუა, ნიჭი და, თუნდაც, ემშკობა თუ გამოგვადგება. ჩვენ ჭკუაც გვაქვს, ნიჭიც,

არც მთლად მიამიტები ვართ, არც პატივმოყვარეობა გვაკლია, არც ენერგია, ოლონდ, სამწუხაროდ, არ ვიცით, როგორ გამოვიყენოთ ჩვენი უპირატესობა.

საზოგადოდ, ჩვენ ბევრი ღირსება გვაქვს, დღევანდელ არეულობაშიც მართო ჩვენ (ქართველებს) არ მიგვიძღვის ბრალი. ამას არც ვამტკიცებ. მე, უბრალოდ, ჩვენზე, ქართველებზე შემტკივა გული და ამიტომ ვლაპარაკობ მხოლოდ ნაკლებზე.

ვიცი, ძალიან ბევრი ჩემი თანამემამულე, ჩემზე დიდი პატრიოტი და რომის პაპზედაც მეტად მორწმუნე და უცოდველი, ჰალალი გულით დამმოძღვრავს — ჩვენ ხომ ტოლერანტული ბუნებისა ვართ, რამდენი ერი შევიფარეთ, კალთა გადავაფარეთ და ძუძუ ვანოვეთ. მერე რით გადაგვიხადეს, — ჩვენს მინას ეპოტინებიან და სხვაგან წაღება სურთ; გვეყო, არავის არაფერს გავატანთ და საიდანაც მოსულან, იქით წავიდნენო!

**საქართველო ჩვენი სამშობლოა. მხოლოდ ქართველებისა კი არა, ყველასი, ვინც აქ დაიბადა, ვისაც თავი საქართველოს შვილად მიაჩნია. ჩვენი დიდი და საამაყო კულტურა, ჩვენი დიდი და საამაყო ისტორია მხოლოდ ქართველი ეროვნების ადამიანებს არ შეუქმნიათ — იგი შექმნა ქართველმა ხალხმა, ანუ ყველამ, ვისაც საქართველოში ოდესმე უცხოვრია.**

ჩვენ, ქართველებს, არ გვეკადრება საკუთარი უპირატესობის მტკიცება, მით უფრო — არგუმენტად იარაღის მოშველიება. ჩვენ სხვებს უნდა ვაჯობოთ მხოლოდ ჭკუით, ნიჭით, მოთმინებითა და... შემწყნარებლობით.

ომების დრო დიდი ხანია წავიდა. თუ საკუთარი სახელმწიფოებრიობის შენება გვინდა, ომი უნდა დავამარცხოთ. ბოლოსდაბოლოს, ყველა ჩვენგანს მხოლოდ ერთი კაცი ჰყავს ხელში ასაყვანი — საკუთარი თავი. თუ ეს არ შეგვიძლია, მაშინ ვინმე ჩვენზე ჭკვიანს უნდა დავუჯეროთ. ოლონდ, ჯერ უნდა ვალიართოთ, რომ ის „ვინმე ჭკვიანი“ მართლაც ჩვენზე ჭკვიანია.

საქართველოში მშვიდობა არ დამყარდება, ვიდრე არ გადავწყვეტთ ავტონომიების საკითხს. ახლა დიდი შეხლა-შემოხლაა ეგრეთ წოდებული ავტონომიური წარმონაქმნების გამო — რა ეშველება სამაჩაბლოს, რა ვუყოთ აფხაზეთს, რას ვუპირებთ აჭარას?

კი, ბატონო, ავტონომიები იყო სტალინის მიერ „ჩადებული“ დაყოვნებული მოქმედების ბომბი, რომელიც სწორედ დროზე აფეთქდა. დიახ, არსებობს ოსური და აფხაზური სეპარატისტუ-

ლი ძალები (დროდადრო სომხური და აზერბაიჯანულიც წამო-ყოფს ხოლმე თავს) და მაინც, მას შემდეგ, რაც საქართველომ მოიპოვა თავისუფლება, რაც საქართველო ცნო ცივილიზებული მსოფლიომ და გაეროს სრულუფლებიანი წევრი გახდა, ვერავითარი ავტონომია საქართველოს მთლიანობას ვეღარ დაემუქრება. რა თქმა უნდა, აქ არ არის საუბარი საქართველოს წინააღმდეგ მიმართულ უცხო ქვეყნის შესაძლო აგრესიაზე. საქართველოს რესპუბლიკის ყველა მოქალაქე, მიუხედავად რასისა, ენისა, ეროვნებისა თუ რელიგიური კუთვნილებისა, უნდა სარგებლობდეს ერთნაირი უფლებებით და ეკისრებოდეს ერთნაირი პასუხისმგებლობა კანონისა და ქვეყნის წინაშე. ნებისმიერ მცირე ერს აქვს თვითგამორკვევის უფლება, რაც კულტურულ ავტონომიასთან ერთად ადმინისტრაციული სუბიექტის შექმნის შესაძლებლობასაც გულისხმობს. ეჭვიც არ მეპარება, რომ ომის დამთავრების შემდეგ აფხაზეთის ავტონომიური რესპუბლიკის სტატუსს (საქართველოს ფარგლებში) საფრთხე არ დაემუქრება. და ეს, ჩემი აზრით, იქნება ერთადერთი გონივრული გადარჩევითი გადაწყვეტილება.

ახლა მივადექი ყველაზე საჩოთირო საკითხს, რომელზეც ალბათ ბევრი ფიქრობს და თქმას ვერ ბედავს: თუ ჩვენ გვინდა მყარი მშვიდობა საქართველოში, თუ გვინდა გვაღიარონ ცივილიზებულ ერად, თუ ვაღიარებთ კანონის უზენაესობას და პატივს ვცემთ ადამიანის უფლებებს, უნდა აღვადგინოთ ოსური ავტონომია საქართველოში. ნუ დავარქმევთ მას „სამხრეთ ოსეთს“, თუ ეს სახელწოდება რაღაც ცუდ მოგონებებს აღგვიძრავს. დავარქვათ მას დვალეთი, ცხინვალის ოლქი, სამაჩაბლო... რაც გნებავთ, მაგრამ ოსური ავტონომია (ოლქის სტატუსით) უნდა აღდგეს.

ვიმეორებ, ეს დამოუკიდებელი, სუვერენული, გაეროს წევრი საქართველოსთვის სულაც არ არის საშიში.

ყოველ ომს აქვს დასასრული. „სამაჩაბლოს ომიც“ უნდა დამთავრდეს. ახლა ოს-ქართველთა შერიგება მართლაც ძნელია. ოლქის სტატუსის აღდგენა იქნება ერთი დიდი ნაბიჯი ისტორიულად მოძმე ხალხების შერიგებისკენ (**„დრონის“ ინფორმაცია**).

მალე ამ სტატიის სრული თარგმანი გამოქვეყნდა სამხრეთ ოსეთის რუსულენოვან გაზეთში. რა თქმა უნდა, შესაბამისი სარედაქციო მინაწერით.

ვფიქრობ, ეს მინაწერი არის პატარა ჟურნალისტური ხრიკი მთლიანად სტატიის გამოსაქვეყნებლად: ამ მინაწერის გარეშე „ხუსსარ ირისტონის“ ( „Южная Осетия~) რედაქციამის გამოქვეყნებას ვერ გარისკავდა, ვინაიდან მაშინ ცხინვალში ყოველგვარი ქართულისადმი სრული უნდობლობა სუფევდა. გაზეთის რედაქციამ ამით ცხინვალელ მკითხველებს დაანახვა, რომ მთლად ისე არ იყო საქმე, როგორც ქართველ და ოს შოვნისტებს წარმოედგინათ. საქართველოში არსებობდნენ ადამიანები, რომლებიც ცდილობდნენ წინ აღდგომოდნენ ძმათამკვლელ ომს და კონფლიქტის უსისხლოდ მოგვარების ვერსიასაც გვთავაზობდნენ. მართალია, რედაქციას ავტორი შევარდნაძის მიგზავნილი და „სპეციალური სოციალური დაკვეთის“ შემსრულებელი ჰგონია, მაგრამ მთავარი საქმე მაინც გაკეთებულია — ოსურ გაზეთში ქვეყნდება ოსურ-ქართული ისტორიული მეგობრობის აღდგენის სურვილით ნაკარნახევი და უგუნური ქართული პოლიტიკის მძაფრი კრიტიკის შემცველი ქართველი ავტორის სტატია.

„მინაწერს“ გთავაზობთ ორიგინალის ენაზე, რისთვისაც ბოდიშს გიხდით:

### От редакции:

Почему редакция посчитала допустимой перепечатку этой статьи?

Как мы знаем, одной из важнейших задач средств массовой информации является отображение, освещение происходящих вокруг нас событий и явлений. Своеобразным явлением, по нашему мнению, является статья Коридзе, публикуемая сегодня. В течение последних трех лет в грузинских стерствах массовой информации ничего подобного не было.

По прочтении статьи невольно приходит мысль о том, что в Грузии никто еще так сравнительно правильно и открыто не говорил о вопросах, поднятых журналистом Коридзе. Никто и не осмелился так прямо и открыто написать против грузинского нацизма, никто не посмел хотя бы немного приблизиться к правде в вопросе о далекой истории Грузии, наконец, никто из проживающих в Грузии грузин ни разу не посмел так прямо заявить об агрессии в Южной Осетии и Абхазии.

Однако это — одна сторона статьи. Она, на наш взгляд, являет-

ся не голосом запоздалого сожаления или раскаяния — она, скорее всего, признак осознания современных политических реалий, в том числе и в вопросах решения межнациональных отношений, в том числе и спорных.

Первая часть статьи является своеобразным вступлением, как бы вспомогательным рычагом убеждения второй ее части. Основная же „Формула“ статьи такова: грузины, согласитесь, что абхазцам и осетинам придется дать автономии, другого выхода нет“. И, дескать, не имеет значения, как будут называться эти автономии. Следует отметить, что в этой последней части статьи и заключается весь его интеллектуальный и эмоциональный груз, здесь „скрыта“ цель ее написания, может быть, даже по специальному социальному заказу.

Как бы прогрессивно и смело ни была написана статья журналиста Коридзе, здесь никак не скрыть вездесущего грузинского шовинизма. Возвращение Осетии статуса бывшей области приподносится словно подаяние осетинам, будучи заранее уверенным, что осетины от этого окажутся на седьмом небе от счастья. Вместе с тем, еще раз повторим, что по мнению автора, осетин и не стоит спрашивать о том, как будет называться эта их автономия.

После трех лет войны, безграничных потерь и горя осетинского народа такая позиция, будь она высказана неким журналистом Коридзе или официальной властью Грузии, оскорбительна и унизительна для нашего народа. У Южной Осетии есть избранный, выстрадавший им путь — путь к свободе.

И все-таки, статья эта, по нашему мнению, недвусмысленно говорит о том, что по отношению к Южной Осетии в Грузии появились новые позиции, новые подходы.

Думается, будем недалеко от истины, если отнесем все это к проявляющимся уже открыто сходам хитроумной тактики в политике Шеварднадзе. Да, хитроумной, ибо автор сам не скрывает этого, заявляя, что миновало время силы и они, грузины, должны побеждать своих врагов умом и хитростью.

Пусть читатель рассудит, насколько правильны наши выводы. Но, может быть, они стоят того, чтобы все мы хоть немного задумались над ними:

Отдел общественно-политической жизни газеты „Хуссар Ирыстон“.

ახლა, დაპირებისამებრ, ამ თემაზე ქართულ პრესაში გამოქვეყნებული პოლემიკური წერილების სამიოდე ნიმუშს შემოგთავაზებთ მცირეოდენი შემოკლებით, ბოლოს კი ჩემს ერთ მცირე რეპლიკას ამავე თემაზე.

ისე ნუ წარმოვიდგენთ, რომ იმ მძიმე ბრძოლაში მარტო ვიყავი და არავინ მითანაგრძნობდა. ის ფაქტი, რომ ჩემი წერილები სხვადასხვა გაზეთში ქვეყნდებოდა, თავისთავად ნიშნავდა მხარდაჭერასაც და თანაგრძნობასაც. თუმცა, ვიმეორებ, გაცილებით მეტი იყო ოპონენტი. თანაც, ძალიან აგრესიულად განწყობილი.

### **კიდევ ვის უნდა რესპუბლიკა?! (ლია წერილი ჟურნალისტ თ. ქორიძეს)**

...ბატონო თეიმურაზ, ლტოლვილების თავზე დაცემულ ყიჟინას განა არა სჯობდა, სრულიად საქართველოსათვის იმ მიზეზებზე გეთქვათ, რაც სინამდვილეში გვიშლის ხელს დაკარგული ტერიტორიის დაბრუნებაში?..

იქნებ სჯობდა, იმაზე გაგემახვილებინათ ყურადღება, რომ ტყუილადღა ვუნოდებთ „ე. წ. სამხრეთ ოსეთს“ ამ ტანჯულ მიწას, რადგან ოსებმა, რაც სურდათ, იმას მიაღწიეს — აქვთ საკუთარი სახელმწიფო, დაფინანსებას რუსეთის ფედერაციისაგან იღებენ, საქართველოს ხელისუფლებას არ შეუძლია სამხედრო დაცვის გარეშე შევიდეს ცხინვალში და იქ დაიდოს ბინა და ვიძახოთ ახლა ჩვენ „ეგრეთ ნოდებულები“.

თუმცა, თქვენ რა გესაყვედურებათ, როდესაც თვით პარლამენტმა დუმილით აუარა გვერდი ერთ-ერთი დეპუტატის უღიმღამო განცხადებას — შიდა ქართლიც მისახედაო.

ვფიქრობ და ვერ ამიხსნია, ბატონო თეიმურაზ, ეს რამღა გათქმევინათ: „იქაური ქართველები ძირითადად დიდ ქალაქებში ჩასახლდნენ და უკან წასვლაზე აღარ ფიქრობენ, ეშინიათ კიდევ და ბევრი მიზეზის გამო აღარც სურთ უკან დაბრუნება“-ო.

რაო, რაო! უიარაღო ხალხს ჩვენს შესაჭმელად დაღებულ ხახაში გვერეკებით და არც უნდა გვეშინოდეს? საიდანა ხართ ასე გულადები თქვენა და თქვენნაირები — მოსიარულეები იმ ქართულ მიწაზე, „რომელიც თბილისში, ასფალტქვეშ ღრმად არი დამარხული“?..

„უკან წასვლაზე აღარ ფიქრობენ“-ო, „აღარც სურთ უკან დაბრუნება“-ო..



გაიგეთ, ხალხნო! როგორ ამოუცვნია ჩვენი ფიქრები და სურვილები ამ „ემმაკსა“. (ემმაკობა კაი ხელობად მიგაჩნიათ, ბ-ნო თეიმურაზ).

სწორედაც რომ ვფიქრობთ და დიდი იმედი და სურვილიცა გვაქვს უკან დაბრუნებისა... მაგრამ არა ისეთი დაბრუნებისა, თქვენ რომ გსურთ — ოსებს ფეხებში ჩავუვარდეთ და პატიება ვთხოვოთ... ამიტომაც ჯერ კიდევ მაშინ, როდესაც გვარდია შიდა ქართლში იმყოფებოდა, გუჯაბაური და ლიახვის მარცხენა ნაპირი რომ გაათავისუფლა, „იქაური ქართველები“ სამი ავტობუსით გორში წავიდნენ იარაღის მისაღებად და წვრთნის გასავლელად.

მერე რა?

მერე ის, რომ მესამე დღეს დაბრუნდნენ დაღონებული ბიჭები. ასე უთხრა სახელმწიფო საბჭოს რწმუნებულმა — სათქვენო იარაღი არა გვაქვსო.

ბატონო თეიმურაზ, იქნება გაგერკვიათ, რა მოხდა?! ერთს კი გეტყვით, სხვის ნაფიქრალში ჩანვდომის მცდელობა ძალზედ ცუდ სამსახურს გინევთ. არაა ეგ თქვენი ხელობა. ემმაკისეულია ეგ საქმე, თუმცა დაგიჟინებიათ, ქართული საქმეების გასაკეთებლად ემმაკობა თუ გამოგვადგებაო. როგორც შიდა ქართლელი ლტოლვილების ფიქრები ვერ ამოიცანით და დაგვაბრალეთ „უკან წასვლაზე აღარ ფიქრობენ“-ო. ასევე ვერ ამოიცანით იმათი ფიქრებიც, ვინც სამაჩაბლო სულმდაბლურად შეატოვა მტერს...

რაც შეეხება შემწყნარებლობას, მასზე ლაპარაკი შეიძლება მხოლოდ მაშინ, როდესაც ავლაგმავთ არძინებებს, ოზგანებს, კულუმბეგოვებს, ჩოჩიეებს და სხვა მათნაირებს.

მგლის თავზე სახარების კითხვა კი ვერაფერი პოლიტიკაა, როდესაც საქართველოს ბედ-იღბალზეა ლაპარაკი.

ბატონო თეიმურაზ! „გუშინდელ სოფლებებს“ რომ უკიჟინებთ, სამშობლო არ გიყვართო, თორემ წახვიდოდით ბორჯომის რაიონის ოსურ სოფლებში, შესახლდებოდით ოსების სახლებში (ესეც ემმაკთან წილნაყარი კაცის აზრებია?!), ცხვარ-ძროხას გაამრავლებდითო, თანაც ასკვნით, არავინ წავაო. „იმ ქართულ მიწას ვერ შეეღვავა, რომელიც თბილისში, ასფალტქვეშ ღრმად არი დამარხული“-ო. სხვისი არ ვიცი, მე კი დარწმუნებული ვარ, რომ ქორიძეები ვახტანგ გორგასლის ამაღაში არა ყოფილან და თქვენ რომ წასულიყავით ბორჯომის ხეობაში, ჩასახლებულიყავით ოსის დაცარიელებულ სახლში და ცხვარ-ძროხისათვისა და მამულისათვის მოგველოთ, მაშინ დავიჯერებდი, რომ თქვენი

ნათქვამი: „...ყველა ჩვენგანს მხოლოდ ერთი კაცი ჰყავს ხელში ასაყვანი — საკუთარი თავი“, გულწრფელი განცხადებაა.

იმას კი ვერ დავიჯერებ, რომ თქვენი ლაღადი: „საქართველო ჩვენი სამშობლოა, მხოლოდ ქართველებისა კი არა, ყველასი, ვინც აქ დაიბადა, ვისაც თავი საქართველოს შვილად მიაჩნია“ — მთლად გააზრებული გქონდეთ.

თუ ეს ასე არ არის, მაშ გვიჩიეთ — ვისაც თავი საქართველოს შვილად არ მიაჩნია და ქართული მიწის მიტაცება საუკუნეობრივ ოცნებად აქვს გადაქცეული, იმათ როგორღა მოვექცეთ?! ხომ თქვენი სიტყვებია: — „უნდა აღვადგინოთ ოსური ოლქის სტატუსი საქართველოში. ნუ დავარქმევთ მას „სამხრეთ ოსეთს“, თუ ეს სახელწოდება რაღაც (რაღაც კი არა, ნამდვილად — ჰ.გ.) ცუდ მოგონებებს აღგვიძრავს, დავარქვათ მას დვალეთი, ცხინვალის ოლქი, სამაჩაბლო...“

ო, რა კარგი სიტყვებია! ო, როგორ გამოიცანი „დიდების“ სურვილი?!

ხომ მიაღწიეთ სანადელს და ხომ აღუდგინეთ ოსებს ავტონომიური ოლქი? აღუდგინეთ!

შე კაი დალოცვილის შვილო! ოსებს აღარ ეკითხები, ჰყოფნით თუ არა ავტონომიური ოლქის სტატუსი?!

ახალქალაქელ სომხებსა და მარნეულელ აზერბაიჯანელებს აღარ ეკითხები?! იქნებ იმათაც უნდათ ოლქი ან რესპუბლიკა?!

ის კი ძალიან საინტერესოა, თქვენ როგორ ფიქრობთ — უკანონობას შეუძლია კანონიერება დაამკვიდროს?!

ჰამლეტ გელაძე (**„საქართველოს სამრეკლოს“ ინფორმაცია**).

## რაზე გვწყდება გული!

გაზეთ „დრონის“ 27 ნოემბრის ნომერში დაიბეჭდა თეიმურაზ ქორიძის წერილი „ომი უნდა დავამარცხოთ“, რომელმაც სამაჩაბლოელთა გულისწყრომა გამოიწვია. მათი დაჟინებული თხოვნით, ვბეჭდავთ გამოსხმაურებას აღნიშნულ წერილზე.

...დიახ, სამაჩაბლოში ომი დამთავრდა, დამთავრდა ისე, რომ ომიდან „ჩვენ ღირსეულად“ ვერ გამოვედით. ეს უსამართლო ომი ოსებმა მოიგეს და იცით რატომ? — „ერთი პირის ჭირიმე და ორი ხელისაო“, — ამ პრინციპით რომ მოქმედებდნენ, იმიტომ. განა ვერ ხვდება ოსეთის წამყვანი ძალა, რომ შეცდა ქართველებთ-

ან ურთიერთდამოკიდებულებაში, მაგრამ ჩვენს გასაგონად არ იტყვის ამას, ნირს არ წაუხდენს თავის ხალხს. აბა გადახედეთ მათ ოსურ და რუსულ გაზეთებს, მათ ტელევიზიას (დიახ, ტელევიზიაც აქვთ უკვე), სავსეა ქართველებისადმი ზიზლით. გაზეთი „დრონი“ კი 1992 წლის 27 ნოემბრის ნომერში ბეჭდავს თეიმურაზ ქორიძის წერილს „ომი უნდა დავამარცხოთ“, რომელიც ჩვენთვის მოულოდნელად, აი, ასე მთავრდება:

„ახლა მივადექი ყველაზე საჩოთირო საკითხს, რომელზეც, ალბათ, ბევრი ფიქრობს და თქმას ვერავინ ბედავს: თუ ჩვენ გვინდა მყარი მშვიდობა საქართველოში, თუ გვინდა გვალღარონ ცივილიზებულ ერთად, თუ ვაღიარებთ კანონის უზენაესობას და პატივს ვცემთ ადამიანის უფლებებს, უნდა აღვადგინოთ ოლქის სტატუსი საქართველოში. ნუ დავარქმევთ მას „სამხრეთ ოსეთს“, თუ ეს სახელწოდება რალაც ცუდ მოგონებებს აღგვიძრავს. დავარქვათ მას დვალეთი, ცხინვალის ოლქი, სამაჩაბლო... რაც გნებავთ, მაგრამ ოსური ავტონომია (ოლქის სტატუსი) უნდა აღდგეს“. — ხუმრობასაც ხომ უნდა ეშხი: სამაჩაბლო — ოსური ავტონომიური ოლქი, მაშინ, როცა მარტო წარწერა „სამაჩაბლო“ თამარაშენთან გულმოდგინედ დაცხრილეს ოსებმა.

ცოტა ადრე ავტორი აღნიშნავს: „მას შემდეგ, რაც საქართველომ მოიპოვა თავისუფლება, რაც საქართველო სცნო ცივილიზებულმა მსოფლიომ და გაეროს სრულუფლებიანი წევრი გახდა, ვერავითარი ავტონომია საქართველოს მთლიანობას ვერ დაემუქრება... ნებისმიერ მცირე ერს აქვს თვითორგანიზაციის უფლება, რაც კულტურულ ავტონომიასთან ერთად ადმინისტრაციული სუბიექტის შექმნის შესაძლებლობასაც გულისხმობს“. მაშ მივცეთ მწვანე გზა სომხეთის ავტონომიას, თათრეთის ავტონომიას, რუსეთის, ქურთების და ა. შ. ავტონომიებს ჯერ „საქართველოს ფარგლებში“, მერე...

მაგრამ ოსებს ქართველების ნაწყალობევი ოლქი „საქართველოს ფარგლებში“ სულაც აღარ ჭირდებათ. მათ თვითონვე გააუქმეს ოლქი და დაამტკიცეს რესპუბლიკა — დღეს უკვე სრულიად დამოუკიდებელი როგორც საქართველოსგან, ასევე რუსეთისაგან...

კმარა! ბევრ თბილისელ ჟურნალისტსაც კარგად ესმის, რაც მოხდა სამაჩაბლოში, რითაც დაიწყო ყველაფერი და რატომაც ვერ მთავრდება. და თუ არ გეხმის, მაშინ შეწყვიტეთ ეს „ყოვ-

ლისმცოდნეთა“ მოღვაწეობა! როგორ შეგიძლიათ ამტკიცოთ, რომ ოლქის მიცემა „იქნება ერთი დიდი ნაბიჯი ისტორიულად მოძმე ხალხების შერიგებისკენ“ მაშინ, როცა ერთხელაც არ შეხვედრიხართ ცხინვალელ ლტოლვილებს, არ იცით მათი წარსული, აწმყო და თქვენი გადაწყვეტილებით სამუდამო ლტოლვილების განაჩენს უტანთ.

გვინდა შეგახსენოთ, რომ ყოფილი სამხრეთ ოსეთის ავტონომიური ოლქის მსგავსი სახელმწიფოებრივი წარმონაქმნი ჩვენი პლანეტის არც ერთ ქვეყანაში ისტორიულად არ არსებულა, არ არსებობს და ვერც იარსებებს, რადგან ეს არის საერთაშორისო სამართლის ნორმის დარღვევა.

ოსების პრეტენზიები უსაფუძვლოა სამართლებრივადაც და ცივილიზებულ მსოფლიოში დადგენილი პრაქტიკითაც. საყოველთაოდ აღიარებული პრინციპებითაც ეროვნული თვითგამორკვევის უფლება აქვთ მხოლოდ თავის ტერიტორიაზე მცხოვრებ ერებს, აბორიგენებს, რომლებიც ოდესღაც დაიპყრეს. ოსები კი არავის დაუპყრია და არც აბორიგენებს მიეკუთვნებიან.

გაზეთ „დრონი“ გამოქვეყნებული წერილი კიდევ ერთი მაგალითია იმისა, თუ რა ძლიერია ქართველი ქართველის წინააღმდეგ. სხვა შემთხვევაში სამაჩაბლოში ოსები ვერაფერს დაგვაკლებდნენ. ისევ ჩვენმა გენმა და ჯილაგმა გაათამამა, ფრთები გაუშალა ოსებს, პარპაშის დიდი სარბიელი მისცა. თქვენ გინდათ ის შეცდომა ჩაიდინოთ, რაც ჩვენმა „დიდმა ქართველებმა“ ჩაიდინეს თავის დროზე. გეყოფათ სამაჩაბლოელების აბუჩად აგდება. ისტორიას ჯერ კიდევ არ უთქვამს თავისი სიტყვა ამგვარად მოაზროვნე ქართველების მიმართ, ღმერთს ჯერ არ გამოუტანია განაჩენი. ასე რომ, წინ ბევრი რამ არის მოსალოდნელი.

ხელს აწერს 1132 სამაჩაბლოელი ლტოლვილი („დრონის“ ინფორმაცია).

### **ამის მეტს აღარ გიტირებ... (ღია წერილი ბატონ თ. ქორიძეს)**

ბატონო თეიმურაზ, გაზეთ „დრონი“ გამოქვეყნებულ თქვენს წერილში, ჩემი მისამართით გამეტებულ სხვა „სასიამოვნო“ ფრაზებთან ერთად, არის ერთი ასეთი ქილიკნარევი წი-

ნადადებაც: ნოდარ გრიგალაშვილი მხარზე ხელს ძმაბიჭურად მითათუნებს და ატირებული პატარა ბიჭვიით მამშვიდებსო.

თქვენდა გასაკვირად, უნდა გითხრათ, რომ ეს შედარება ერთობ მომეწონა...

წერილში — „შაბაშ სიტყვა, შაბაშ კაცი, შაბაშ საქმე მისგან ქმნილი“ („საქართველო“ 47 1992 წ.) — მე მართლაც „გამოვიტირე“ თქვენი აზრი, რომლითაც „სამხრეთ ოსეთის“ ავტონომიის აღდგენის საჭიროებას ქადაგებთ.

ამასთან, პიროვნულად ურთიერთ კეთილგანწყობის მოიმედედ დავრჩი, რაც მართლაც გულუბრყვილო პატარა ბიჭვიით დამემართა, რადგან უნდა მცოდნოდა, რომ ახლა ის დრო აღარ არის, როცა ჩვენი დიდი წინაპრები, მიუღებელი აზრების გამო, ერთმანეთს საკმაოდ მკვახედ ელაპარაკებოდნენ პრესაში ამტყდარი პოლემიკის ჟამს, პიროვნულ ურთიერთობებში კი კეთილგანწყობას ინარჩუნებდნენ.

როგორც „საქართველოში“ შემოსული მასალებისა და თქვენივე ამჟამინდელი წერილიდან შევიტყვე, ჩემს გარდა თქვენი სტატიის („ომი უნდა დავამარცხოთ“) დასკვნები არ მოსწონებია ათასობით ქართველს.

ათას კაცზე მეტი ხელმოწერით საყოველთაო აღშფოთება გამოუხატავს თვით სამაჩაბლოელ ქართული ეროვნების მოსახლეობასაც.

იმ თქვენი ნააზრევით აღფრთოვანებულან მხოლოდ ოსები და გახარებულ ბანდიტებსა და ექსტრემისტებს დიდი სიამოვნებით გადუბეჭდავთ თავიანთ ანტიქართულ გაზეთში.

როცა რალაცა შენს სისხლსა და ხორცს არ მოსწონს და, ამ დროს, მისით აღფრთოვანებულია შენი სისხლ-ხორცის მტერი, ამან უნდა დააფიქროს კაცი...

არადა, თქვენ მაინც დაჟინებით იმეორებთ — „სამხრეთ ოსეთის“ ავტონომია აღვადგინოთო.

ეს აზრი, თქვენივე შეუდარებელი შედარებისა არ იყოს, — ატირებული პატარა ბიჭვიით ერთხელ უკვე „გამოვიტირე“, მეორედაც რომ არ დავიმსახურო თქვენგან ქილიკი, იძულებული ვარ, აქ შევწყვიტო „ტირილი“ და დაგპირდეთ:

„ამის მეტს აღარ გიტირებ,  
შენ არ ხარ სატირალია...“

**(ნოდარ გრიგალაშვილი, „საქართველოს“ ინფორმაცია).**

## საით მივდივართ, ძმებო!

16-22 თებერვლის „იბერია სპექტრში“ გამოქვეყნებული ცხინვალელი ლტოლვილის ჰამლეტ გელაძის ინფორმაცია „რანუხებთ სამაჩაბლოელებს“.

ავტორს ინფორმაციაში მთლიანად მოჰყავს სამაჩაბლოელთა იმ მიტინგზე მიღებული თორმეტპუნქტიანი „მოთხოვნები“. რა თქმა უნდა, თორმეტივე მიმართულია ხელისუფლებისადმი და დიდ ყურადღებასაც იმსახურებს, მაგრამ პირადად ჩემთვის სიკვდილ-სიცოცხლის მნიშვნელობა აქვს მეცხრე პუნქტს:

„მოვითხოვთ გაზეთ „დრონის“ კორესპონდენტის თეიმურაზ ქორიძის, როგორც ქართველი ხალხის და ჩვენი ქვეყნის მოღალატის, სათანადოდ დასჯას“.

სხვათა შორის, ამავე გაზეთში (რომელიც თითქმის მთლიანად ეძღვნება მის რედაქტორს, ბატონ ირაკლი გოცირიძეს) გამოქვეყნებულია „ნაძალადევის რაიონის მოსახლეობის“ მიერ ხელმოწერილი ულტიმატუმი ბ-ნ თემურ მირიანაშვილისადმი. ამ კოლექტიურ ნამუშევარში აშკარად არის ნათქვამი, რომ წერილის ავტორები თვითონვე გამოუტანენ განაჩენს მირიანაშვილს და თვითონვე მოიყვანენ მას სისრულეში!

საჯარო ანგარიშსწორებისკენ ამგვარი მოწოდებანი ახალი არ არის „იბერია-სპექტრისთვის“, მაგრამ მისი ბოლოდროინდელი გამოსვლები ყოველგვარ ზღვარს აჭარბებს.

კი ბატონო, ირაკლი გოცირიძეს უყვარს ყოფილი პრეზიდენტი, უნდა „მრგვალების“ რესტავრაცია, აღმერთებს საკუთარ პერსონას, გაუთავებლად ლაქლაქებს სამშობლოზე, მაგრამ, ნუთუ, ამისთვის საჭიროა თეიმურაზ ქორიძის და თემურ მირიანაშვილის სიკვდილით დასჯისკენ მოწოდება?

უნიგნურმა ბატონმა გელაძემ იქნებ არც იცის, რას ნიშნავს კაცის მოღალატედ გამოცხადება და მისი „სათანადოდ დასჯის“ მოთხოვნა, მაგრამ მრავალნაცადმა ბატონმა გოცირიძემ ხომ იცის?!

ნება მიბოძეთ, მივმართო კოლეგა-ჟურნალისტებს: საით მივდივართ, ძმებო! ნუთუ, ბოლო არ უნდა მოელოს ამ გაუთავებელი და ყოვლად უღირსი ლანძღვა-გინების, ცილისწამების, უვიცობის და უნიგნურობის პარპაშს პრესაში? ფრთხილად ვიყოთ, ფრთხილად — ჩვენს დღევანდელ ნაწერებს მომავალი თაობები ნაიკითხავენ და მერე აღარ გვიშველის გოცირიძესავით თავის

მართლება: ადრე „იმნაირი“ ვიყავი, ბატონო, მაგრამ მერე სულ მთლად გარდავიქმენი და ახლა „ამნაირი“ ვარო! („დრონის“ ინფორმაცია).

ძალების აშკარა შეუსაბამობის მიუხედავად, ამ პოლემიკაში „გამარჯვებულის“ გამოვლენა ვერც მაშინ და ვერც 15 წლის შემდეგ ვერ მოხერხდა. საბედნიეროდ, საქართველო იმდროინდელი ქსენოფობიური სენისგან სწრაფად განიკურნა. ანტიოსური ისტერიაც ჩაცხრა და მეამაყება, რომ ამაში ჩემი და ჩემი თანამოაზრეების წვლილიც ურევია. თუმცა, დარჩა ქართულ-ოსური პრობლემა, რომელიც მომავალში ბრძნული სახელმწიფო პოლიტიკით და ჟურნალისტების აქტიური მონაწილეობით (ცეცხლზე ნავთის დასხმას არ ვგულისხმობ) უნდა მოგვარებულიყო.

**სანამ მძაფრ პოლიტიკურ პოლემიკაში გაბატონებული აზრის საწინააღმდეგოდ ჩარევას განიზრახავდეთ, გაიხსენეთ, რა მოიმკეს თქვენმა წინამორბედებმა. ხოლო გადანყვეტილება მას შემდეგ მიიღეთ, როცა საკუთარ ძალებში და თქვენი განზრახვის ქვეშარიტებაში დარწმუნდებით. საკუთარ ოჯახთან და ახლობლებთან მოთათბირება და... გამომშვიდობებაც არ დაგავინწყდეთ — ხომ ნახეთ, ზოგიერთ ტვინგახურებულ ურა-პატრიოტს ჟურნალისტებისთვის რა სიიოლით გამოაქვს სასიკვდილო განაჩენი?!**

შეგახსენებთ პოლიტიკური კონიუნქტურის პარადოქსებსაც — ქსენოფობიის მანით შეპყრობილი ყოფილი ჟურნალისტი ნოდარ გრიგალაშვილი მრავალი წლის განმავლობაში იყო საქართველოს პარლამენტის წევრი, პარლამენტის მეცნიერების, განათლების და სპორტის კომიტეტის თავმჯდომარე და, რასაკვირველია, დემოკრატიზმის, ჰუმანიზმის და ტოლერანტობის მქადაგებელი!

**ცარიელი პოლემიკა.** მისთვის შეგვეძლო გვეწოდებინა უმიზნოც, უაზროც, სამარცხვინოც კი. ზოგჯერ მასობრივი ინფორმაციის საშუალებებში ფრიად პატივცემული გვამების მონაწილეობით იმართება ხანგრძლივი პოლემიკა... არაფრის გამო. საქართველოში, მაგალითად, მთელი ხუთი თუ ექვსი წლის განმავლობაში არ წყდებოდა დავიდარაბა იმის თაობაზე, შეიძლებოდა თუ არა ქვეყნის უძვირფასესი სამუზეუმო ექსპონატების (მათ შორის, ხატების) გამოფენა სხვა ქვეყანაში. იგულისხმებოდა ის ექსპონატები, რომელთა გატანა ფიზიკურად შესაძლებელი იყო.

მართალი ვითხრათ, არ გამიგონია, ამ თემაზე რომელიმე ქვეყანაში ეკამათოთ. ყველა ცდილობს საკუთარი შედეგები გამოფინოს და ამით მსოფლიოს წინაშე თავი მოიწონოს. ჩვენთან ცხარე კამათი გაიმართა და იმ აზრის გამარჯვებით დაგვირგვინდა, რომელიც ამტკიცებდა, ძვირფასი საეკლესიო (სამუზეუმო) ნივთების გატანა არაფრით არ შეიძლება, რადგან მათ გატანასთან ერთად საქართველოს მადლი ღვთისა მოაკლდებაო(!?).

ამგვარი ლოგიკის საღ აზრთან სიახლოვე თავად განსაჯეთ, მე კი დავამატებ, რომ ამ „გამარჯვებაში“ თვისი წვლილი შეიტანეს პოლიტიკური პარტიების ლიდერებმა, პარლამენტის წევრებმა, მეცნიერებმა და მართლმადიდებელი ეკლესიის მღვდელმსახურებმაც მრევლის ერთი ნაწილის მხურვალე მხარდაჭერით.

პოლემიკა მიმდინარეობდა საჯაროდ, პრესის და ტელევიზიის საშუალებით. ჟურნალისტურმა წრეებმა, ამ შემთხვევაში, საკითხის უაღრესი დელიკატურობის (თუ დაბნეულობის) გამო, ნეიტრალური პოზიცია აირჩია.

უარესიც მახსოვს — იგი საქართველოში რომის პაპის, იოანე-პავლე მეორის\* ვიზიტს შეეხება.

როგორც კი მისმა უწმინდესობამ ღარიბ და პოლიტიკურად არეულ საქართველოში ჩამოსვლის შესახებ განაცხადა, ჩვენში ამ ვიზიტს მოულოდნელად უამრავი სასტიკი მონინააღმდეგე გამოუჩნდა: თურმე მსოფლიო კათოლიკური ეკლესიის მეთაური თავისი პერსონის სიახლოვეთ შებიღნავდა ჩვენს მართლმადიდებლურ რწმენას და სინმინდეებს!

რომის პაპს უმოგზაურია მსოფლიოს უმრავლეს, მათ შორის, ფუნდამენტალისტურ ისლამურ ქვეყნებში, მაგრამ მას არსად წინააღმდეგობა არ შეხვედრია.

ჩვენმა „მორწმუნეებმა“, რომლებიც გუშინ კომუნისტი ათეისტები იყვნენ, უარი განაცხადეს რომის პაპის მიღებაზე!

შესაძლოა, ორიოდე ორთოდოქსი მორწმუნე მართლაც გულწრფელი იყო, მაგრამ დარწმუნებული ბრძანდებოდეთ, ის დემაგოგი პოლიტიკოსები და გაპოლიტიკოსებული მღვდლები (ღმერთო, შემინდე!), გულზე მჯიღს რომ იცემდნენ, საკუთარ თავზე ზრუნავდნენ და საზოგადო არც აინტერესებდათ.

საქმე ის არის, რომ უპროფესიო „პოლიტიკოსები“, როგორც წესი, ყოველ ღონეს ხმარობენ პოლიტიკაში დასარჩენად. არა აქვს მნიშვნელობა, კარგ საქმეზე ილაქლაქებენ თუ ცუდზე, მთავარია, პრესის ყურადღება მიიქციონ. მიზანს აღწევენ კიდეც. აბა,



სცადეთ და ყურადღება არ მიაქციოთ დეპუტატს ან მღვდელმსახურს, რომელიც ასეთ მკრეხელურ გამოთქმას იხმარს — რომის პაპი სატანაა! (კიდევ ერთხელ ბოდის ვიხდი ჭეშმარიტად მორწმუნე და საღად მოაზროვნე საზოგადოებასთან).

პოლემიკა ზოგჯერ უბრალოდ, ენის მოსაქავებლად და ყურადღების მისაქცევად იმართება. ამის კლასიკური ნიმუშია 2004 წლის საპრეზიდენტო არჩევნები საქართველოში — პრეზიდენტობის რამდენიმე კანდიდატმა ამომრჩეველთა 0,02 პროცენტი მიიღო. სამაგიეროდ, ყოველ მათგანს მიეცა სატელევიზიო დისკუსიების გამართვის საშუალება.

ერთი შეხედვით, უაზრო კამათები იმართება, ძირითადად, პირადი ან ჯგუფური გამორჩენის ან რალაც საკითხის მასშედით ლობირების გამო და ხშირად საკმაოდ კარგად არის ორგანიზებული.

ჟურნალისტებიც ხშირად ეგებიან ამ ანკესზე. ან მართლაც გულწრფელად აინტერესებთ, სადამდე შეიძლება მივიდეს ადამიანის უგუნურება და უსინდისობა.

როგორც წესი, ამგვარ შოუ-პოლემიკაში ჟურნალისტები საკუთარი აზრის გამოთქმას ერიდებიან. გირჩევთ, თქვენც ასე მოიქცეთ.

ახლა კიდევ ერთი ძალიან მომხიბლავი ჟურნალისტური ხერხი გავიხსენოთ. ეს გახლავთ

## რეპორტაჟი

თუ არ ვცდები, ჟურნალისტიკის თეორიაში ეს ხერხი „რეპორტაჟულ ჟანრებში“ მოიხსენიება. როგორც დასახელებიდანაც ხვდებით, ეს „ჟანრები“, თავის მხრივ, „ქვეჟანრებად“ იყოფა. დარწმუნებული ვარ, რომელიმე აუცილებლად გამომრჩება, მაგრამ მაინც გავრისკავ.

უპირველეს ყოვლისა, ეს გახლავთ ეგრეთ წოდებული **შენიშვნა** — კონკრეტული ფაქტის აღმნიშვნელი მოკლე ინფორმაცია, რომელიც აინტერესებს საზოგადოებას. ასეთ ინფორმაციებს ყოველდღე მრავლად ისმენთ რადიოთი და ტელევიზიით, კითხულობთ ინტერნეტში და გაზეთებში. ისინი მხოლოდ მაშინ არის აქტუალური და ამართლებს თავის დანიშნულებას, თუ პასუხობს კითხვებს: სად? რა? როდის? ვინ? როგორ? რატომ? და,

ბუნებრივია, შეიცავს რაღაც საინტერესო სიახლეს, მაგალითად, ასეთს:

„გუშინ, სალამოს ექვს საათზე, დიდი ბრიტანეთის ლორდთა პალატაში სიტყვით გამოვიდა „ქართველ ბიზნესმენტა კავშირის“ თავმჯდომარე ბადრი პატარკაციშვილი, რომელმაც მდიდარ ინგლისელ ლორდებს შორეული და ღარიბი საქართველოს პრობლემები გააცნო. ეს არის ლორდთა პალატაში საქართველოს მოქალაქის გამოსვლის პირველი შემთხვევა“.

არავითარი დეტალიზება: გუშინ, ექვს საათზე, ლორდთა პალატაში, პატარკაციშვილი, პირველად! და მეტი არაფერი. ეს სრულებით არ აკნინებს ინფორმაციის მნიშვნელობას.

რა თქმა უნდა, შეგვიძლია და ხშირად აუცილებელიცაა ინფორმაციის უფრო დანვრილებით გადმოცემა. მეტიც, მისი გამდიდრება კომპეტენტური ანალიტიკური მსჯელობით და, წარმოიდგინეთ, ინტერვიუებითაც კი. როგორც ნესი, ჟურნალისტები ამ ხერხს ხშირად მიმართავენ ცხელი წერტილებიდან, სპორტული შეჯიბრებებიდან და მნიშვნელოვანი პოლიტიკური შეხვედრებიდან რეპორტაჟების გადაცემის დროს. მართალია, ჟურნალისტის კომენტარები და ანალიზი ზოგჯერ ნაუცბათევი, ზერელე და სასაცილოც კია, მაგრამ ძალიან დიდია ცდუნება — მე (ჟურნალისტი) ხომ მოვლენათა ეპიცენტრში ვარ, მე ხომ საკუთარი თვალთ ვნახე, რა პატივით მიიღო ეკზოტიკური საქართველოს პარლამენტის სპიკერი ნინო ბურჯანაძე დიდი ბრიტანეთის ყოფილმა პრემიერმა, მსოფლიო დიპლომატიის ისტორიაში „რკინის ლედის“ სახელით შესულმა მარგარეტ ტეტჩერმა\*. ჰოდა, დიდი არაფერი დაშავდება, თუ ბურჯანაძესა და ტეტჩერს შორის არარსებულ მსგავსებას ავლნიშნავ და ამ შეხვედრის მნიშვნელობას შეძლებისდაგვარად გავბუქავ — ამას ლედი ტეტჩერი ნამდვილად არ წაიკითხავს, ქალბატონი ბურჯანაძე მაღლობის გარდა არაფერს მეტყვის, ქართველ დიასახლის-პოლიტიკოსებს კი ჭორაობისთვის ახალ მასალებს მივანვდი — გაიგე, გოგო, ჩვენს ნინოს გაუგიჟებია მთელი ინგლისი!..

ეს, რა თქმა უნდა, ხუმრობით — უმაღლესი დონის შეხვედრებზე საინტერესო ბევრი რამ ხდება, მით უფრო, საინტერესოს და ჭკუისსასწავლებელს რა გამოლევს ცხელ წერტილებში ან სპორტულ სარბიელებზე. განსჯის და კომენტარების საშუალებას ნებისმიერი მოვლენა იძლევა. ჟურნალისტმა უნდა ისარგებლოს ამით და მეტნაკლები წარმატებით, სარგებლობს კიდევც.

ოლონდ, არ უნდა დაივიწყოთ, რომ თქვენი შენიშვნა, მით უფრო, თუ მას კომენტარები ახლავს და ანალიზის პრეტენზიაც აქვს, კარგად უნდა იყოს გაფორმებული ვიზუალური თვალსაზრისით. რაც მთავარია, უნდა მოიშველიოთ ციფრობრივი არგუმენტაცია და პუბლიცისტური დეტალები.

ცალკე ქვეყანრად შეიძლება გამოვყოთ **ანგარიში**. სხვათა შორის, როგორც ამბობენ, ანგარიში არის ევროპული ჟურნალისტიკის უძველესი ჟანრი. ძირითადად, იგი გამოიყენება პოლიტიკური (შეკრებები, შეხვედრები, ყრილობები, მიღებები, დებატები...) და სპორტული მოვლენების გასაშუქებლად. ანგარიში შეიძლება იყოს **ქრონიკალური (ანუ მოკლე), დანვრილებითი, თემატური და ანალიტიკური (როცა ავტორი მშრალი, სტენოგრამული ინფორმაციის ნაცვლად პრობლემის ანალიზს იძლევა, მოკლედ, სტატისის ჟანრს იყენებს)**.

ბარემ ერთ საიდუმლოსაც გაგიმხელთ: მკითხველისთვის მნიშვნელოვანი და საინტერესოა ის ინფორმაცია, რომელიც თქვენ, ჟურნალისტს მიგაჩნიათ მნიშვნელოვნად და საინტერესოდ — ყველაფერი თქვენს ოსტატობაზეა დამოკიდებული.

და მაინც, რეპორტაჟი, თავისი კლასიკური გაგებით, არ არის მხოლოდ ის, რაზეც ახლა ვისაუბრეთ. უფრო ზუსტად, რეპორტაჟი გაცილებით მეტს ნიშნავს და შემსრულებლისგანაც გაცილებით მეტს მოითხოვს. მკითხველი უნდა მიხვდეს, მკითხველმა უნდა დაინახოს, რომ ჟურნალისტი არამარტო უამბობს, არამედ განიცდის, ყველაფერი უშუალოდ მის თვალწინ, მისი მონაწილეობით ხდება...

**ეს უფრო მწერლური საქმეა, რასაც ხშირად მწერლებზე უკეთესად ჟურნალისტები აკეთებენ.**

თუ ნებას დამრთავთ, კიდევ ერთ მაგალითს მოვიშველიებ პროფესორ ჩერედნიჩენკოს წიგნიდან „ჟურნალისტიკის საკითხები“. ეს არის ჟურნალისტ სერგეი კურნაკოვის რეპორტაჟი სანკტ-პეტერბურგის ისააკის მოედნიდან და დანერილია, არც მეტი, არც ნაკლები, 1914 წლის აგვისტოში, იმ დღეს, როცა გერმანიამ რუსეთს ომი გამოუცხადა.

„მე რომ მივედი, ისააკის მოედანი უკვე ხალხით იყო გაჭედილი. ცხრა საათი იქნებოდა, ჯერ კიდევ იდგა დღის ნათელი — ჩრდილოური ღამეების მშვიდი, წარმტაცი ბინდბუნდი.

გერმანული საელჩოს გრანიტის ურჩხული ისააკის ტაძრის ნითელი გრანიტის კედლებს უყურებდა. ჯგუფებად მდგარი

ხალხი რალაცას ელოდა. რამდენიმე მეტისმეტად მგზნებარე პატრიოტი ფლოტის ახალგაზრდა ოფიცერს ჩხრეკდა. ამ დროს ლითონზე ნაჯახის რიტმული დარტყმების ხმამ მაიძულა მზერა გადამეტანა გერმანიის საელჩოს სახურავზე, რომელიც მორთული იყო გაზულუქებული გერმანელი ჯარისკაცების კოლოსალური ფიგურებით, საზიდრებში შებმულ ნასუქ ცხენებს რომ აკავებდნენ. ფლაგშტოკს ბრინჯაოს ფრთაგაშლილი არნივი ამშვენებდა.

რამდენიმე კაცი ტევტონებს საქმიანად სცემდა ნაჯახს ფეხებში. ბრბო პირველივე დარტყმამ გაამძვინვარა: გმირთა ფიგურები ფუტურო ყოფილა!

„ცარიელია! ღვთიური ნიშანია! ნემჩურამ (გერმანელმა — თ. ქ.) მხოლოდ გაბუქვა იცის! ყველაფერი მოჩხეხე! არა, ცხენები დატოვე!“

ნაჯახები უფრო და უფრო სწრაფად სცემდნენ. ბოლოს ერთი მეომარი შეტორტმანდა, გადაიხარა და ასი ფუტის სიმაღლიდან ტროტუარზე ზღართან იმოადინა. საშინელმა გმინვამ ისააკის მოოქროვილ თაღზე მოკალათებული ყვავები წამოშალა.

მერე არნივის ჯერი დადგა — იგი სტვენით დაენარცხა მიწას და უამრავ ნამსხვრევად ქცეული მყისვე მოიკაში გაუჩინარდა.

თუმცა, სიმბოლოების განადგურება აშკარად უკმარი აღმოჩნდა. თვალის დახამხამებაში შეიკრა ჯგუფი და საელჩოს გვერდითი შესასვლელი შეამტვრია. ვხედავდი, როგორ მიფარფატებდა ფანრებისა და ჩირალდნების მოლიცლიცე შუქი ერთი სართულიდან მეორეზე. დიდი ფანჯარა გაიღო და იქიდან ბრბოსკენ კაიზერის პორტრეტი გადმოფრინდა. პორტრეტს ვარდისფერი როიალი მოჰყვა და ქვაფენილზე ბომბივით გასკდა. დაწყვეტილი სიმების კვნესა ჰაერში ათრთოლდა და წამსვე ყიჟინაში ჩაინთქა — მეტისმეტად ბევრი ადამიანი ცდილობდა ყვირილით ჩაეხშო მომავლისადმი შიში“.

დიახ, ეს არის რუსი ჟურნალისტის მიერ თითქმის საუკუნის წინათ დაწერილი რეპორტაჟი. გულზე ხელი დაიდეთ და თქვით, ხომ ცხადად მოგესმათ გავეშებული ბრბოს მრისხანე გუგუნი, ლითონზე დაცემული ნაჯახის ჟღერიალი და სასიკვდილოდ გამტებული ვარდისფერი როიალის კვნესა?!

ჟურნალისტმა ამ პატარა რეპორტაჟით შესძლო მკითხველისთვის დაენახვებინა მომავლისადმი შიშით გაგაჟებული ბრბოს (გთხოვთ, ამ ტერმინს „ხალხში“ ნუ აურევთ და ბრბოს თვისებებს

ხალხს ნუ მიაწერთ) ნამდვილი სახე. და მან ეს გააკეთა ჭეშმარი-  
ტი მწერლური დიდოსტატობით — არცერთი ზედმეტი სიტყვა,  
არავითარი მაღალფარდოვნება — მოვლენათა თვითმხილველი  
ჟურნალისტი იუველირის სიზუსტით პოულობს საჭირო სი-  
ტყვეებს და გამოთქმებს ისააკის მოედანზე შექმნილი ვითარების  
გადმოსაცემად. რაც მთავარია, ჩვენ, მკითხველებს გვჯერა მისი,  
უფრო ზუსტად, ავტორი გვაიძულებს დაუფჯეროთ მას. სწორედ  
ამას ჰქვია ჟურნალისტური ხელოვნება.

ახლა, სანიმუშოდ, კიდევ ერთ რეპორტაჟს შემოგთავაზებთ.  
კაცმა რომ თქვას, მე ვფიქრობ, რომ რეპორტაჟია, თორემ ავ-  
ტორს მისთვის ჩანახატი-ნოსტალგია დაურქმევია (ეტყობა, ჟურ-  
ნალისტური ჟანრები ფეხებზე ჰკიდია და სწორადაც იქცევა —  
მისი საქმე ჟანრები კი არა, ახლა რომ წაიკითხავთ, ისეთი მწერ-  
ლურ-ჟურნალისტური შედეგების წერაა). „ჩანახატი-ნოსტალ-  
გია“ იმით არის საინტერესო, რომ... ეს არის რეპორტაჟი წარ-  
სულიდან. ხოლო კარგი იმიტომაც არის, რომ მისი ავტორია (არ  
ვიცი, რა ეპითეტი და ტიტული მოვიშველიო) რეზი თვარაძე.

ეს, ჩემი აზრით რეპორტაჟი და ავტორის აზრით — ჩანახატი-  
ნოსტალგია, როდის დაიწერა არ ვიცი, მაგრამ ზუსტად ვიცი,  
რომ გამოქვეყნდა გაზეთ „თბილისში“ 1989 წლის 4 აპრილს.

მამ ასე, რეზი თვარაძის

## უბანი

უბანს თავისი საზღვრები აქვს, კაცმა არ იცის, ვის მიერ დად-  
გენილი, ოღონდ — საყოველთაოდ აღიარებული და პატივცე-  
მული. მაგალითად, ჩიტაძის ქუჩის მარცხენა მხარე სოლოლაკს  
ეკუთვნის, მარჯვენა უკვე მთანმინდის უბანია. მარჯვენა მხარეს  
მოხვედრილი სოლოლაკელი თავს უცხო ტერიტორიაზე გრძნობ  
და, თუ ვინიცობაა კონფლიქტამდე მივიდა საქმე, გული მთლად  
საგულეს ვერ გექნება. არადა, გადაირბენ ხუთ-ექვს მეტრს და  
შენს უბანში ხარ ისევ, უბატონოდ კაცი ხმას ვერ გაგცემს. ეს  
— ხუმრობით, რალა თქმა უნდა, მაგრამ სიმართლენარევი ხუმ-  
რობით.

„სოლოლაკი“ კი არა, „სალალაკი“ არის ნამდვილი სახელიო,  
— გეტყვის მოგვიანებით ერთი სწავლული და გული დაგწყდე-  
ბა. იმიტომ, რომ მთელმა შენმა ბავშვობამ სოლოლაკში გაიარა  
და არა სალალაკში, მერე სოლოლაკშივე დაჭაბუკდი, დაკაცდი,

მერე სხვა უბანში გადასახლდი და გული მაინც სოლოლაკისკენ გინევდა მუდამ, თუნდაც ან უკვე ერთ დიდ გარაჟად ქცეული სოლოლაკისკენ.

თუმცა, იმ სხვა უბანს უბანი აღარც ეთქმოდა, ეს ახალი დროის თბილისი იყო — სტანდარტული, უსახური შენობები, პირმორღვეული, ინტიმის უქონელი სივრცე, სადაც უბნის შემოსაზღვრა ისევე შეუძლებელია, როგორც ნამდვილი თბილისური ეზოს პოვნა.

ოღონდ ეს ყველაფერი მერე მოხდება და გაიაზრება. ჯერჯერობით ძველ სოლოლაკში ვიმყოფებით, კიროვის ქუჩის კუთხეში. ამ ადგილს შემდგომში „ბირჟა“ დაერქმევა სხვა უბნების თავშესაყარ ადგილთა ანალოგიით. კიროვის ქუჩის მომიჯნავე მოედანსაც ლენინის მოედანი დაერქმევა შემდგომში. ახლა ეს შენ აზრად ვერ მოგივა. ომი ახალი დამთავრებულია და ის ურჩხული, ვის სახელსაც მოედანი ატარებს, მოიხსენიება, ვითარცა „ლენინის მოწაფე, დიდი სტალინის ერთგული თანამებრძოლი“. თუმცა ის ურჩხულიც და მისი უწყებაც შენ, ბოდიში და, ფეხებზე გინდა დაიკიდო ისევე, როგორც შენს თანამოსაუბრეებს — უბნის ცნობილ ბიჭებს.

უკეთ რომ ვთქვათ, შენ იქ ერთი ახალნამოჩიტი მამლაყინა ხარ, ჯერ ხმა არავისთან ამოგელება. ხოლო ის უბნის იბჭები!.. ხოლო ის უბნის ბიჭები!..

ეს ის თაობაა, რომელიც ან თავისი ასაკის წყალობით, ან სხვა რაღაც სასწაულის ძალით გადაურჩა სასაკლავოს — პირველი ომისშემდგომი თაობა, შიმშილსა და სიცივეში გაზრდილი, უპოვარი, უსახსრო, დაშინებული ოჯახების კედლებში გაზრდილი. და მაინც — საუკეთესო ოჯახიშვილები, საუკეთესო მამულიშვილები, სიკეთით, პატიოსნებით, რაინდული ზრდილობითა და რაინდული ზნეობით დამშვენებულნი. სალამი რა არის, სალმის მიცემას ვერ დაასწრებ ვერც ერთ მათგანს, რაგინდ შენზე უფროსი იყოს ასაკით! გოგოსთან გავლა რა არის, დედამისის შვილია და ვინმემ რამე აკადროს რუსთაველზე გოგოსთან ერთად მიმავალ ჩვენუბნელს (თუგინდ სხვაუბნელს)! ბიჭური ჩხუბი რა არის, გაბედავს ვინმე და ორნი ან მეტნი მიეტევეებიან მოპირისპირეს — მთელ უბანში, მთელ ქალაქში მოეჭრებათ თავი!

შექუჩულ ჯგუფთან გახვითქული ნოდარი მოვარდება:

— რიჩა ჩხუბობს სპარტაკთან!

ეს ამბავი იმის მაუწყებელია, რომ კინოთეატრ „სპარტაკის“

ნინ ჩხუბობს რიჩა (დღეს — ჟურნალისტი ოთარ გაგუა). „სპარტაკიდან“ კინო „რუსთაველამდე“, უფრო აქეთაც, გამზირის მთელ მარჯვენა მხარეს, ყოველდღე, ყოველ საღამოს გამოლაშქრება გუნდი და გუნდი მოხულიგნო ტიპებისა. უჯიშონი, ბოლმიანნი, თავხედნი, შარის თავნი, ორნი და სამნი ერთზე მიტევენულნი — მამაცნი, შინაგანად — გულდედალნი. ალბათ, იმათთან ჩხუბობს რიჩა. მისი ჩხუბის ყურებაც ერთ რამედ ღირს.

რამდენიმე ბიჭი მოწყდება ადგილს და გავარდება. სხვანი არ იძვრიან, მშვიდად განაგრძობენ საუბარს — არც ზაქარა (მიტო ზაქარეიშვილი) გატოკებულია, სოლოლაკის ყოჩი, არც აპია (ელგუჯა ბუაჩიძე), თბილისის აბსოლუტური ყოჩი.

ასეა: ეზოს თავისი ყოჩი ჰყავს, ქუჩას — თავისი, კლასს — თავისი, სკოლას — თავისი, მერე — უბანს და ქალაქს. ამ ამბებში შენზე უკეთ იაგო ერკვევა (დღეს — ქართული ენციკლოპედიის პასუხისმგებელი მდივანი იაგო ვარდოსანიძე), იმას უნდა მოაყოლო, სად რა ბრძოლა გადახდენია თბილისის ყოჩს აპიას.

— რეზო ფალავასაც მოერევა? — ვითომ არ გჯერა შენ.

— აბა, რა! — იაგოს ავტორიტეტი შეუუვალა.

— რებეცასაც? დოდო აბაშიძესაც? — სიამოვნებას იხანგრძლივებ შეკითხვებით.

„ბირჟაზე“ რამდენიმე კაცი მუდამ დგას, წასულებს ახალ-მოსულნი ენაცვლებიან განუწყვეტლივ. მთელი უბნის, მთელი ქალაქის ინფორმაცია აქ იყრის თავს, ყველას და ყველაფრის ამბავს აქ შეიტყობ. ვისი ნახვაც გინდა, აქვე ნახავ, რა დროც იქნება. კიროვის ქუჩა „გარესამყაროსთან“ — სოლოლაკის დამაკავშირებელი ძირითადი არტერია. ჩიტაძის ქუჩით იშვიათად ბრუნდებიან სოლოლაკში, არ უყვართ იქით ავლა (ორი კაცი რომ მიბაასობდეს და ორი წუთით შეჩერდეს, მაშინვე მილიციელი მიადგება: „გაიარეთ!“).

ასე რომ, ყველამ აქ უნდა ამოიაროს თუ ჩაიაროს. აქ გამოჩნდება გერონტი ქიქოძე\*, ზურგზე ხელებდანყობილი (ცალხელში — კეპი), თვალდანკურული, მშვიდი. აქვე იხილავთ მის ანტიპოდს, ბატონ კონსტანტინეს — ენერგიულს, შემართულს, განკეპილს, ოდნავ არტისტულს (უხდება!). ესენი აქვე სახლობენ, ჯაფარიძის ქუჩაზე. მათ გვერდით ცხოვრობდა კაცი, რომლის ხსენებაც ისევე საშიშია, როგორც გრიგოლ რობაქიძის, ტიცვიან ტაბიძის, მიხეილ ჯავახიშვილის\*... იმ კაცს მწერალთა სასახლეში მოუკლავს თავი მაშინ. ახლა მისი მშეთუნახავი ქალიშვილის

გამორჩენა ელექტრონიკით მუხტავს ქუჩას. ამ მზეთუნახავის და მისნაირების ემზითაც არის, ეს კუნთებდაბერილი ბიჭები ცოდნის შექმნის, განსწავლის, მაღალ კულტურასთან ზიარების სურვილს რომ იჩენენ თითქოს სრულიად მოულოდნელადაც. ამიტომ აქვს ოქროს ფასი უბნის ინტელექტუალური ლიდერის — ზურაბ კაკაბაძის\* ყოველ სიტყვას („ნიცშეს კითხულობს, ტო!“), ჯაზის თავგადაკლული ტრფიალის თენგიზ ნოზაძის (დღეს — დოკუმენტური კინოს რეჟისორი) უხვ ინფორმაციას, პოლიგლოტ ირაკლი ნანეიშვილის მიერ მოწოდებულ ცნობებს, გეოს (განსვენებული ტელეჟურნალისტი, ესთეტი გოგი შავდია) შეუმცდარ შეფასებებს ლიტერატურის და ხელოვნების ნებისმიერ სფეროში.

ვგონებ, სწორედ გეოს შეთხზული უნდა იყოს ლექსი-პაროდია, ყველას პირზე რომ აკერია:

ოკეანის გადაღმელო,  
საზიზღარო სემ!  
მუშებს რატომ ავინროვებ,  
ზანგებს რატომ სცემ?!  
ამ პაროდით გამოიხატება ის ერთგვარი სნობიზმი,

რომელსაც ბიჭები დაუფარავად ავლენენ მაჩაბლის ქუჩაზე უკვე საკმაოდ მომრავლებული გრაფომანების მიმართ. ერთი მათგანის ამბავს მეთქვამდა და მეთათხედ ჰყვებიან:

— იანვარია, ბიჭო, ყინვა ხეთქავს ყველაფერს. გამოსულა პარუსინის ტუფლებით, თეთრი შარვლით და ლექსი ნაუკითხავს — „ქეციან ჩერჩილს“\*. გოგლამ\* უყურა, უყურა და უთხრა, თურმე: ეგ კიდე საკითხავია, თქვენ ორში ქეციანი რომელიაო...

— მერე გოგლას არაფერი უქნეს? — უკვირს ვიღაცას. სწორიცაა, რომ უკვირს. მსგავსი უწყინარი ხუმრობისთვის ერთი და ორი არ გაუსტუმრებიათ, სადაც ჯერ არს. კი, გოგლა გოგლაა მაინც, „ბელადის“ ავტორი, მაგრამ ანტიიმპერიალისტური პოლიტიკური აქციის ჩაშლაც ეპატიება?..

აღმართს ამოყოლილნი შინ მისვლამდე ზოგჯერ ნუნუსთან (გულიკოსთან, ციცინოსთან, მანანასთან...) შეივლით. ეს იმას ნიშნავს, რომ — „მე თქვენი ბინა, შემოვალბე თუ არა კარებს, დამხვდება, თითქოს ვამარცხებდი სადღაცა დევებს“. ეს იმას ნიშნავს, რომ რამდენსამე საათს გაატარებთ წარმოუდგენელ სიმყუდროვეში, სადაც ოჯახის მამა (თუკი დაჭერილი არაა) მოგესალმებათ და მერე თავს აღარ შეგანწყენთ თავისი საზოგადოებით, სხვა ოთახში გავა (თუკი არსებობს ის სხვა ოთახი),



დროებით მაინც აბსტრაქციად იქცევა. სადაც ოჯახის დიასახლისის სიტბოდ დაიღვრება, ზედ შემოგვევლებათ და, მისი ქალიშვილის ბუზღუნის მიუხედავად, სუფრასაც გაგინყობთ — ჩაის მოგართმევთ (შაქრიან ჩაის, უშაქროს კი არა!), პურს მოგართმევთ (წიგნაკებზე ნაყიდ ტალახის ნაჭერს კი არა, შენგან უკვე გადავიწყებულ, ბუნებაში არარსებულ ნამდვილ თეთრ პურს!) და, წარმოიდგინეთ, კარაქსაც (ასევე არარსებულს ბუნებაში!). შესაძლოა, ისეთი სასწაულიც მოხდეს, ღვინოც გაჩნდეს სუფრაზე და ზედ დასაყოლებლად — შემწვარი ბადრიჯანი ან კარტოფილი (ოჯახის სახვალიოდ განკუთვნილი სადილი!).

„და არ მშორდება ღვთისმშობლის ცქერა, სავსე ქართული პატიოსნებით“...

ოლონდ ამაზე უფრო ტკბილი სხვა რამ არის მაინც — ბიჭური სუფრა, ბიჭური ქეიფი, რომელსაც უკვე გაუფე გემო და შენს სიცოცხლეში ველარ შეეღევი. ღვინო, შავი პური, კიტრის მწნილი და ძმობის ფიცი დაცისკრებამდე...

გამოხდება ხანი და იმ სოლოლაკურ ბიჭურ სუფრებს უმცროსნიც შემოუერთდებიან — ჯანსულ და ჯიმი ჩარკვიანები, ელდარ და გიორგი შენგელაიები, ვახუშტი კოტეტიშვილი, უფრო მოგვიანებით — გურამ გეგეშიძის და გურამ სხირტლაძის კამპანია, ბიძინა და ელიზბარ ჯაველიძეები...

\*\*\*

ოლონდ ამასობაში დაიშლება კიდეც სოლოლაკის საძმო. აღარც რეზო თაბუკაშვილი დარჩება უბანში, აღარც ლუკა ხუნდაძე, აღარც გია ფირცხალავა, კარლო მენალარაშვილი, ბერდია ბუაჩიძე, ნოდარ კაკაბაძე, თენგიზ ვაჩნაძე, აღარც, აღარც... ახალ უბნებში გადასახლდებიან, უფრო ვრცელ, უფრო დახშულ ბინებში, იოლად დათმობენ იმ უთქმელ ინტიმსა და ნეტარებას, იმ მარადსახსოვარ დღეებს, როდესაც შენ, ჩვიმეტი წლის ჭაბუკი, მიუყვებოდი სოლოლაკის რომელსამე წყნარზე წყნარ ქუჩას, სადაც დღე-ღამეში ორიოდ მანქანა თუ ჩაივლიდა სულ, იყავი „მეოცნებე გაუსწორებელი“, იყავი სიყვარულით გალიცლიცებული, ირგვლივ აკაცის ყვავილები იფინებოდა და რომელიღაც სახლის რომელიღაც ღია ფანჯრიდან ნეტარ სატანჯველად მოგდეკდა ვინმე ნუკრისთვალეა ასულის მიერ დაკრული „მთვარის სონატა“, „აპასიონატა“, მოცარტი\* თუ შოპენი\* (შენი მწირი მუსიკალური განათლება მეტის წარმოდგენის საშუალებას აღარ

გაძლევს), ანდა სულაც სავარჯიშო გამების ხმა. და შეჩერდებოდი იმ რომელიღაც სახლის რომელიღაც ღია ფანჯარასთან, ნამით დაღანდავდი იმ ნუკრისთვალემა ქალიშვილს და უმაღვე გამოერიდებოდი. იმიტომ, რომ ფანჯარა კი არ იყო ღია, მაგრამ სხვის ბინაში შეჭყეტა დიდი უზრდელობა და დედაშენს რომ დაენახე, შავ დღეს დაგაყრიდა... („თბილისის“ ინფორმაცია).

ამის ნამკითხველს ჟურნალისტურ მოღვაწეობაზე ხელის აღება თუ არ მოგინდათ, მართლაც უმაღლესი კვალიფიკაციის ჟურნალისტი ბრძანებულხართ. უკიდურეს შემთხვევაში, დარწმუნებული ხართ, რომ ოდესმე აუცილებლად შექმნით პატარა-პატარა საოცრებებს, მის ნამკითხველებს ქალაქურ ცხოვრებას, გარდასულ დღეებს თქვენი თვალთ რომ დაანახვებს, ცრემლს მოადენს და სოლოლაკელობას (დიდუბელობას, ვერელობას, მთანმინდელობას, ვაკელობას, ავლაბრელობას...) მოანდომებს.

მაპატიეთ და, ამ სიმაღლეზე ასვლაში უნივერსიტეტების აუდიტორიებში ჟურნალისტური თეორიების დაზუთხვა და „ინსტრუმენტის“ (ენის) სრულყოფილად დაუფლება თითქმის ვერ დაგეხმარებათ. იქნებ, ვერც ჟურნალისტი-თეორეტიკოსთა ბრძნულმა რჩევებმა გარგოთ და ვერც გამოჩენილთა გამოცდილებამ. ეს არ ნიშნავს, რომ თქვენ ცუდი ჟურნალისტი ხართ. ჟურნალისტიკა ხომ ძალიან, ძალიან „მრავალდარგოვანი“ სამოღვაწეო სფეროა! ადექით და, საკუთარი ძალები სხვა ჟანრში მოსინჯეთ — თუ მოინდომებთ, აუცილებლად გამოგივით.

თუმცა, სანამ რაიმეს გადაწყვეტთ, ძალიან გთხოვთ, კიდევ ერთი რეპორტაჟი წაიკითხეთ, ამჯერად, სოფლიდან, სოფელელებზე, ჩვენს მარჩენალ, ბრძენ და „ხარივით მომთმენ“ (შოთა ნიშნიანიძის პოეტური შედარებაა!) გლესკაცზე, სიდუხჭირეზე და ქართველი კაცის გაუტეხლობაზე (რეპორტაჟში გამოყენებულია სტრიქონები დავით მაღრაძის ლექსებიდან).

## სანამ ჯამში ღვინო აქაფდებოდეს

„ვატიმ თქვა: ნითლად ყვითლდება შუამთის ტყეში ფოთოლი...“

კახეთში რთველი მთავრდება — წყნარად, მოკრძალებით, უხმაუროდ. არსად ჩანან მნიფე მტევნებით დატვირთული ავტომობილების ქარავნები; აღარც ძველებური სტუმრიანობა და დელეგაციების რია-რიაა.

კახეთში უჩვეულო სიჩუმეა — ნახირიც კი ფეხაკრევით დადის. ჩემი მასპინძელი ამერიკული ვესტერნიდან გადმოსულ კოვბოის ჰგავს — მაღალი, ხმელი, ძარღვიანი და სიტყვაძუნწი. საკუთარ თავზე და საკუთარ საქმეზე საუბარს გაურბის. მეურნეობას „პერესტროიკის“ ეპოქიდან მოეკიდა. ნელ-ნელა სახნავ-სათესიც გაიჩინა, ვენახებიც, ბალ-ბოსტანიც, ნახირიც და ტბორებში თევზიც. მისი მარანი და ბელელი სავსეა, მაგრამ მდიდარი მაინც არ ეთქმის — რაცა აქვს მის ოჯახს და მტერ-მოყვარეს ჰყოფნის. მოკლედ, ბედს არ ემდურის. თვალიც უჭრის, გონებაც და ღონეც ერჩის. ცოტა პოეტური, ცოტა რომანტიკული და ძლიერ საქმიანია. მიაჩნია, რომ საკუთარი მარჯვენის და ღვთის წყალობით დუხჭირ ცხოვრებას უთუოდ აჯობებს.

რადგან საკუთარი ვინაობის გაქვეყნება არ სურს, დავარქვათ მას ვახტანგი, უბრალოდ, ვატი.

ვატისთვის დაუპატიჟებელი სტუმარი ვარ. თბილისიდან დავურეკე, შენთან, ყვარელში ჩამოსვლა მინდა-მეთქი და — კი ბატონო, ჩამობრძანდით. მანამდე ლაგოდეხის, გურჯაანის, თელავის რაიონების ოდესღაც აყვავებული სოფლები მოვინახულე. კიდევ ერთხელ საკუთარი თვალთ ვნახე გადარეცხილი გზები და დაქცეული ზვრები, საბრალოდ მხრებჩამოყრილი, აჯაგული ნაყანეები, ნავენახარები, ნასახლარები და ნასოფლარები.

ვნახე უსაქმოდ, უჭირნახულოდ დარჩენილი, დარდისგან გულგასენილი ჩვენი სიამაყე, ჩვენი მარჩენალი, ბრძენი და მომთმენი გლეხკაცი.

სანამ იქ ჩავიდოდი, აქ, თბილისში, „ელიავას ბაზრობაზე“ ვნახე სხვისი ხელების მორცხვად შემყურე, სოფლისა და ოჯახის სიდუხჭირეს გამოქცეული ნაგლეხარები — ცრემლგამმშრალი, არაფრის იმედად დარჩენილი ნაკაცარები, ღამით რომ მშობელი მთები და ჭალები ესიზმრებათ, დღისით კი არარსებულის ლოდინში ბილწი ქალაქური ანეკდოტებით კლავენ დროს.

ეს ამბავი ვატისთვის არ მითქვამს.

არც ის მითქვამს, რომ კახეთში ჩასვლამდე რამდენიმე რესპექტაბელურ ბანკს ვენვიე. მინდოდა გამეგო, შევძლებდი თუ არა კრედიტის აღებას სოფლის მეურნეობაში დასაბანდებლად. აი, იმ ბანკებში გახლდით, ყოველდღე გულუხვად და უანგაროდ რომ გვთავაზობენ დახმარებას.

ამაოდ დავშვრი და თქვენც გირჩევთ, დროს უქმად ნუ დაკარგავთ: ჩვენი მსოფლიოში სახელგანთქმული ბანკები ფულს სესხად

აძლევენ იმ პატივცემულ პერსონებს, ვისაც აქვთ ფული, ან ისეთი ქონება, რაც ადვილად გაიყიდება (ოქრო-ვერცხლი, ბრილიანტი, ძვირფასი მანქანა, ფაბრიკა, ქარხანა...). თუ გლეხი ხარ (ან ქალაქელი, სულერთია) და სოფლის ბიზნესს იწყებ, ტყუილია, ხელს არავინ გაგიმართავს. საქმე ის არის, რომ წლეულს თქვენს მიერ გაშენებული ზვარი თუ ატმის ბალი სრულ ნაყოფს 4-5 წლის შემდეგ მოიტანს. ამ ვადით კი უპროცენტო სესხს არავინ გაიმეტებს (აბა, ბანკი ხუთ წელიწადს უშემოსავლოდ ხომ არ დარჩება?!).

ვატიმ უარესიც მითხრა — სადაზღვევო კომპანიები უარს ამბობენ მოსავლის დაზღვევაზე: მერე გვალვამ რომ შეგვანუხოს? ან წყალდიდობამ? ან კალია შემოგვესიოს?.. არა, ძმაო, დაგიზღვევთ მხოლოდ სეტყვაზე.

თუ სეტყვა არ მოვიდა, მაგრამ ყანა გვალვამ გადაბუგა, დაზღვევას ვერ მიიღებ. ასეთია სოფლის მეურნეობაზე გამეტებული საბანკო და სადაზღვევო დახმარება.

მინდორში ვართ. ყვარელთან ახლოს. შარაგ ზის ორივე მხარეს ზვრები, სიმინდის ყანები და მოუვლელი, მიტოვებული ნაკვეთები. სიმინდის ყანას შალაფა მორევიან.

— ვერ გავთოხნე, ვერ შევქელი, — თავს იმართლებს ვატი.

ულამაზეს მინი ტრაქტორს „მუშები“ მოჰყვებიან და ტარობს მისაბმელზე ისვრიან. ასე, ოციოდე ქალი იქნება. არც კაცების ხორხოცი ისმის და არც გოგოების ტკარცალი. ქალებისგან ყრუ-ანტელის მომგვრელი ვნების ნაცვლად უსასობა და ოფლის მძაფრი სუნი იღვრება. მათთვის სიმინდის ტეხვა აღარც გართობაა და აღარც სიამოვნება — ეს შიმშილისგან თავის დაღწევის ერთადერთი საშუალებაა. ნამდვილად ვიცი, აქვე, „სადღაც ორლობის ბოლოში გიგლაანთ ბიჭი ყურებჩამოყრილი ზის“. ეს ხალხი „დღიურ-მუშები“, მეტი არაფერი.

### **გაფერმკრთალდება ცხოვრება ნასექტემბრალი ვარდივით**

კახეთის ოდესლაც ღონიერი და მდიდარი ღვინის ქარხნებიდან (აქაურები ტრადიციულად მარნებს რომ ეძახიან) ზოგი გაჩანაგებულია, ზოგი გაჩერებულია, თითო-ოროლა ძლივსღა ბჟუტავს — 1990 წლამდე არსებული ზვრებიდან ხომ მეხუთედიც აღარ დარჩა. ამის გარდა ქართული ღვინის დასაყენებლად ქართველ მეღვინეს თითქმის არავითარი მოტივაცია აღარ დარჩა.

ძირითად სამომხმარებლო ბაზარზე, რუსეთში ჩვენი პროდუქციის გატანა წარმოუდგენლად ძნელია, ქართულ ბაზარს კი ნამდვილი ქართული ღვინო აღარ სჭირდება. არაფერი შემშლია — ქართულ ბაზარს ნამდვილი ქართული ღვინო არ სჭირდება. ქართული ბაზარი მთლიანად დაიპყრეს ფალსიფიკატორებმა. კაი მსმელი ბიჭების თავმოყვარეობის შელახვაზე არც მიფიქრია, მაგრამ თქვენ რომ თბილისურ ღვინის ჩამომსხმელ „ფირმებში“ (ინგლისური აბრები რომ ამშვენებს) „ღვინოს“ ყიდულობთ, თავადაც რომ მიირთმევთ და ძვირფას სტუმრებსაც აძალებთ, სინამდვილეში, ღვინო კი არა, შხამია — დიდი მუხის „ბოჩკა“, ცოტა ტანიანი, ცოტა მჟავა, ფალსიფიცირებული სპირტი, ბევრი წყალი და „ღვინოც“ მზადაა! ასეთი „ცეხები“, სხვათა შორის, ბევრ თბილისურ თავმომწონე რესტორანსაც საკუთარი აქვს. ფალსიფიცირებულია თქვენთვის თვალის ასახვევად სპეციალურად გაძვირებული და ლამაზად შეფუთული ე. წ. ქართული „სამარკო ღვინოების“ სულ მცირე, 99 პროცენტი — წითელიც და თეთრიც, მშრალიც, „შუშუხნაც“ და ნახევრად ტკბილიც. ფალსიფიცირებულია ბაზარში გასაყიდად გამოტანილი იაფი ჩამოსასხმელი ღვინოების აბსოლუტური უმრავლესობა.

ის ღვინოები ისევე ათრობს (უფრო მეტადაც!), როგორც ნამდვილი. ოღონდ ფალსიფიკატორს მისი დამზადება განუზომლად უფრო იაფი უჯდება. იაფადაც ჰყიდის. ჩვენც ვყიდულობთ. ვიცით, სანამლავი რომ არის, მაგრამ მაინც ვყიდულობთ — ჩვენ ხომ ყველას ერთნაირად გვიჭირს.

სახელმწიფო გლახს ვერც ეხმარება და, დახმარების განსაკუთრებულ სურვილსაც არ ამჟღავნებს: გლახის მონეულ ჭირნახულს (ხილს, ყურძენს, ხორბალს, ხორცს, რძეს, მატყლს) ვერ ყიდულობს; ადგილობრივი წარმოების პროდუქციაზე პროტექციონისტული პოლიტიკის გატარებას ვერ ახერხებს — ამას მსოფლიო სავაჭრო ორგანიზაცია ეწინააღმდეგებაო (სხვათა შორის, ამ ორგანიზაციაში ჯერაც არ შესულან რუსეთი, უკრაინა, ყაზახეთი და ბევრი სხვა ქვეყანა). საქართველოს საზღვრებს გარეთ ჩვენი პროდუქციის გატანა დიდ-დიდ პოლიტიკოსთა შეუთანხმებლობის გამო, პრაქტიკულად, შეუძლებელია; ადგილობრივი ბაზარი ფალსიფიკატორთა და თაღლით იმპორტიორთა ხელშია; მარნები ნედლეულს, ანუ ყურძენს, გლახისგან ვერც ყიდულობენ და არც ყიდულობენ. ცალკე სათქმელია „ახალი ქართველების“ ერთ-ერთი კასტა — „ახალი მეღვინეები“, რომ-

ლებიც საკუთარი თანამედროვე კომპაქტური ღვინის ქარხნების ყურძნით უზრუნველსაყოფად ზვრებსაც ყიდულობენ და, ბუნებრივია, გლეხისგან, დიდი-დიდი საპურმარილოდ გუდის ყველი, დედას პური და ნივრის მწნილი მოითხოვონ. საბოლოოდ, ყველა ერთად გიგანტურ საარყე ქვაბში ვიხარშებით და დღითიდღე ვლატაკდებით.

გლეხი საკუთარ თავსაც ველარ ირჩენს. ათეული, ასეული წლობით რუდუნებით ნაშენებს ჩალის ფასად ჰყიდის, სულაც, უპატრონოდ აგდებს და მშობლიური ადგილებიდან გარბის. უკან თითქმის აღარავინ ბრუნდება.

ნოდარასაც, შილდელ ბიჭსაც, ვატისაც, მეც გვჯერა, რომ ოდესმე მორცხვად შევაბიჯებთ ევროპულ ოჯახში, მაგრამ ალბათ — უქართველგლეხოდ. კი არ დავიხოცებით ან გადავიხვევებით, უბრალოდ, გლეხები აღარ ვიქნებით. გლეხი რომ აღარ იქნება, ის საფიცარი და სათაყვანო საქართველოც აღარ იქნება. სამაგიეროდ, ვიცხოვრებთ ნანატრ „დერეფანში“ და გვეყოლება უსამშობლო, უფუნქციო, ინგლისურ ენაზე მოლაპარაკე განათლებულ პოლიტიკოსთა დასი.

ანუ მოხდება ის, რისიც ასე ეშინოდათ თერგდალეულებს. ერთი მათგანი, დიდი ილია ყვარლის მთის კალთიდან სევდიანად გასცქერის „სახიჩარ მამულს...“

ყვარლის ცენტრალურ მოედანზე, უძეგლო კვარცხლბეკთან შევჩერდით. ვატის „კოლხოზნიკს“ ვილაც მოადგა — ადგილობრივი ინტელიგენციის წარმომადგენელი უნდა იყოს.

— სტუმარი მყავ თბილისიდან. წამო, პური გავტეხოთ, — დაპატიჟა ვატიმ.

— არა, ერთ კაცს ველოდები. შაბათს ჩვენი დეპუტატი იყო ჩამოსული. იმ კაცმა მითხრა, მე მაქ მისი ტელეფონი და დაურეკავო. ჩემ საქმეზე უნდა დაურეკოს.

ვატის აღარაფერი უკითხავს. „ინტელიგენტიც“ ერთხანს გაჩუმდა. მერე, თითქოს რაღაც დანაშაულზე წაასწრესო, ისე გააგრძელა — საოპერაციო მყავ დაი. საავადმყოფოში მიწევ. ჩემ მეტი პატრონი არავინა ჰყავ, ხო იცი. აბა, მე კიდევ მაგდენი საშუალება ვინ მომცა. ხოოდა, ზაურამ მითხრა, მე დავურეკავ ნანა პატარკაციშვილსა, ჩემ ტელეფონს იცნობსო. შენ საქმეზე დაურეკავ, მობილურათაო, უარს არ მეტყვისო. ეხლა უნდა მოვიდეს ზაურა და ველოდები...

— კარგი, ნავედით.

ვატიმ მანქანა დაქოქა. დურუჯის კალაპოტს ავუყევით. ნაპირი ოდესღაც ხელოვნურად გაუმაგრებიათ. პატარძალივით კეკლუცი და ჭირვეული დურუჯი მდინარე კი არა, ღელეა. ვისაც მისი თავზე ხელის აღება და ამქუხარება არ უნახავს, ვერასოდეს წარმოიდგენს, რომ ეს მრავალტონიანი ლოდები ამ სიმაღლეზე მისი ამოგდებულა.

გავჩერდით. მარცხნივ დურუჯის შავი და არაჩვეულებრივად განიერი კალაპოტია, მარჯვნივ — ბალ-ვენახები და კოხტად ჩარიგებული სახლები.

— ვერაგი მდინარეა. არასოდეს არავინ არ იცის, სად გაარღვევს კალაპოტს. ბევრჯერ გაუკეთებია ასე. ამიტომ მეფის რუსეთის დროსაც და კომუნისტების დროსაც მის ნაპირებს ყოველთვის ამაგრებდნენ. ამ ბეტონის ფილების სიმაღლე რვა მეტრია. ახლა მიწის ზემოთ მეტრი-მეტრნახევარია დარჩენილი. თხუთმეტი წელიწადია კალაპოტი არ განმენდილა და მიისილა. ძალიან საშიშია. აქ ყველაზე სუსტი ადგილია. ადიდებულმა დურუჯმა ჯებირები თუ გაარღვია, მთელს ყვარელს წალეკავს....

...ახლა ის დროა, როცა შუამთის ტყეებში ფოთლებს ნელ-ნელა ნითლად ეპარება სიყვიითლე.

კახურ მარანში წლეულსაც უეჭველად დაღვინდება მაჭარი, ბელელში პური დაბინავდება, საკვამურიდან კვამლი ამოვა, გომურს ძროხა მიაბლავლებს, ნავენახარში ვაზი ისევ აყვავდება, პური გამოცხვება, ჯამში ღვინო აქაფდება, წალმის ნაკვერჩხალზე მწვადი აშიშხინდება, ლოყანითელა გოგოს ვნებიანი ტკარცალი სოფელს ააფორიაქებს, გიგლანთ ბიჭის ნამგლის მხიარული წკრიალი ცას მისწვდება და მრავალყამიერიც დაგუგუნდება (**„კვირის“ ინფორმაცია**).

იმედია, დაინახეთ, რომ სამივე ნიმუშს ბევრი აქვს საერთო და ერთმანეთისგან პრინციპულად განსხვავდებიან კიდეც. სამივე ავტორი იოლად ახერხებს მკითხველის აყოლიებას, მის ცნობიერებაზე საკმაოდ ძლიერი (დადებითი!) ზეგავლენის მოხდენას. რეპორტაჟის გამირების ან მოვლენების დასახასიათებლად არცერთი მათგანი არ იყენებს ეპითეტებს. წერენ სადად და ლაკონურად. ეს არ არის ადვილი საქმე, მაგრამ, როგორც ხედავთ, სავსებით შესაძლებელია.

კიდევ ერთხელ გავიმეორებ, საჭიროა მონდომება, ბევრი შრომა და მოთმინება.

რეპორტაჟზე შეიძლება უსასრულოდ ვისაუბროთ და რაღაც

საყოველთაო კონსესუსამდე მაინც ვერ მივიდეთ. ეს ასეცაა — ჟურნალისტიკის თეორიაში ამ ჟანრს მრავალი გამოკვლევა ეძღვნება. ამიტომ ნუ გაგვიკვირდებათ, თუ წიგნის ამ თავის გაცნობის შემდეგ თქვენს თავებში პასუხგაუცემელი კითხვების რაოდენობა შემცირების ნაცვლად, შესამჩნევად გაიზარდოს.

რეპორტაჟულ ჟანრებზე ჩვენი საუბარი კი, ალბათ, მეტნაკლებად დასრულებულ სახეს ვერ მიიღებს, თუ ორიოდ სიტყვას იმაზეც არ ვიტყვით, როგორი არ უნდა იყოს... რეპორტაჟი.

გულწრფელად რომ გითხრათ, უბრალოდ, ცუდი კი არა, ძალიან ცუდი, ყოვლად უგვანი რეპორტაჟული ჟანრის მასალები ნამიკითხავს არაბულ, რუსულ და თვით გერმანულ (დასავლეთ-გერმანულ!) პრესაშიც კი. დარწმუნებული ვარ, ამ მხრივ, იდეალური ვითარება თანამედროვე მსოფლიოს არცერთ ქვეყანაში არ იქნება. თუნდაც, იმ უბრალო მიზეზის გამო, რომ ნიჭიერების და მაღალი პროფესიონალიზმის გვერდით უთუოდ ფუთფუთებს უნიჭობა და არაპროფესიონალიზმი. უნიჭობა კი, მოგეხსენებათ, ძალიან თავხედი, ძალიან გამძლე და ძალიან მებრძოლია. თან, უმრავლეს შემთხვევაში, კარგადაც ინიღბება. ამიტომ, საეჭვო ღირებულების ჟურნალისტური პროდუქცია (სხვათა შორის, ნიჭიერი ადამიანების იძულებითი ხელშეწყობითაც — ნეტავ, ერთი, თავი დამანებოს!) საკმაოდ იოლად ხვდება საგაზეთო ბაზარზე და ანაგვიანებს სატელევიზიო ეთერს.

21-ე საუკუნის დასაწყისის საქართველოში, ზოგადად, ჟურნალისტიკის გრანდიოზულ უკანსვლას ბევრი ძალიან სერიოზული მიზეზი ჰქონდა (ქვეყნის ეკონომიკური, სოციალური, სამართლებრივი მდგომარეობა; სრულფასოვანი ჟურნალისტური სკოლის არარსებობა; პროფესიულ ჟურნალისტიკაში დილეტანტების და უფიცების მოძალეობა. მედიასივრცის ზედმეტი პოლიტიზაცია; თავისუფალი პრესისადმი ხელისუფლების გულგრილი, ზოგჯერ აშკარად მტრული დამოკიდებულება; კომუნისტური თვითცენზურის ინერცია, სიტყვის თავისუფლებისა და აღვირახსნილობის განურჩევლობა და მრავალი სხვა). ამ მიზეზებზე ნაწილობრივ ვისაუბრეთ და მომავალშიც უფრო დანვრილებით ვისაუბრებთ.

ახლა იმის დაპირებული ნიმუში, როგორ არ შეიძლება... მხოლოდ რეპორტაჟის მომზადება კი არა, ასე წერა, საერთოდ, არ შეიძლება, გამოქვეყნება — მით უფრო!

ამ რეპორტაჟის სათაური და ქვესათაური ასეთია:



## როცა მხარდაჭერას გრძნობ...

კომკავშირი ზრუნავს ახალგაზრდობის  
სოციალური პირობების გაუმჯობესებაზე

— როცა მხარდაჭერას გრძნობ, მაშინ საქმეც იოლდება და მუშაობაც უფრო ხალისიანი ხდება, — გვითხრა აკაკი ნადირაძემ, რომელიც რუსთავის მეტალურგიული ქარხნის კომკავშირის კომიტეტის მდივნის მოადგილის, უჩა ცარციძის ოთახში დამხვდა. დახმარების სათხოვნელად იყო მისული.

აკაკი ნადირაძე თეთრიწყაროს რაიონის დაბა მანგლისის მკვიდრია, 1988 წლის შემოდგომიდან მეტალურგიული ქარხნის მილსაამდიდო საამქროში მუშაობს ზეინკლად. აკაკი კომკავშირის კომიტეტში მძიმე საყოფაცხოვრებო პირობებმა მიიყვანა. რუსთავში ჩამოსული ახალგაზრდა მეუღლითა და ორი მცირეწლოვანი ბავშვით თავშესაფრის გარეშე აღმოჩნდა. შემდეგ მეუღლეც საავადმყოფოში მოხვდა და ამან საფიქრალ-საზრუნავი მოუმატა.

— კომკავშირის კომიტეტმა გაითვალისწინა აკაკი ნადირაძის მძიმე სოციალური პირობები — მითხრა უჩა ცარციძემ — აგრეთვე მისი კეთილსინდისიერი დამოკიდებულება დაკისრებული საქმისადმი, კომკავშირულ საქმიანობაში გამოჩენილი აქტიურობა (აკაკი საამქროს კომკავშირის ბიუროს წევრია, სპორტულ სექტორს უდგას სათავეში) და გადაწყვიტა გამონაკლისი სახით დახმარებოდა მას: საოჯახო საერთო საცხოვრებელში 19 კვადრატული მეტრი ფართობის ოთახი გამოუყუო.

— მადლობის მეტი რა მეთქმის, — მითხრა აკაკიმ, სიმართლე გითხრათ, არც აქამდე ვზარმაცობდი, მაგრამ დღეიდან უფრო გულიანად ვიშრომებ, ჩემი კეთილსინდისიერი მუშაობა კი იქნება პასუხი იმ თანაგრძნობისა და გულისხმიერებისა, რომელიც ქარხნის კომკავშირის კომიტეტმა გამოიჩინა ჩემს მიმართ.

— ქარხანაში მუშაობა 1979 წელს, 18 წლისამ დავიწყე, — მითხრა მარტენის საამქროს მეფოლადემ, კომკავშირულ-ახალგაზრდული ბრიგადის ბრიგადირმა ანატოლი ბაგაურმა, — შვიდი წელი მეფოლადის ხელშემწყობად ვმუშაობდი. მყავს მეუღლე და ორი მცირეწლოვანი ბავშვი. საერთო რიგის მიხედვით ბინას მხოლოდ სამი-ოთხი წლის მერე ველოდები. გაჭირვებამ დახმარების სათხოვნელად მეც კომკავშირის კომიტეტში მიმიყვანა,

სადაც გულისყურით მომისმინეს და დახმარების ხელიც გამო-  
მინოდეს...

ქარხნის კომკავშირის კომიტეტის მდივანმა ზაზა ფეტელავამ ანატოლი ბაგაურიც დადებითად დამიხასიათა (მონივნავე მუშაა, კეთილსინდისიერად ეკიდება მასზე დაკისრებულ საქმეს, რისთვისაც მას წილად ხვდა პატივი მონაწილეობა მიეღო ზაპორო-  
ჟიეში სტრატეგიული დანიშნულების რაკეტებიდან მშვიდობი-  
ანი ფოლადის გამოდნობის საქმეში).

ანატოლი ბაგაური საერთო საქარხნო რიგის შენარჩუნებით, დროებით საოჯახო საერთო საცხოვრებლის ტიპის ბინით დააკ-  
მაყოფილეს.

კომკავშირი რომ ახალგაზრდების სოციალური პირობების გაუმჯობესებისათვის ზრუნავს მისასალმებელია, მაგრამ აკაკი-  
სა და ანატოლისნაირი გაჭირვებული კიდევ რამდენია ქარხანაში და რა რეალური დახმარების განწვევა შეუძლია მათთვის კომკავ-  
შირს?

ამ კითხვაზე პასუხი უჩა ცარციძემ გამცა... **(„ახალგაზრდა კომუნისტის“ ინფორმაცია).**

ამ ტექსტის წაკითხვა, ალბათ, ძალიან გაგიჭირდათ ან ბო-  
ლომდე ვერც წაიკითხეთ. რეპორტაჟის სათაურიდანვე სიყალბის და ფარისველობის სუნი გეცათ — არავითარი გულწრფელობა, არავითარი თანაგრძნობა, თუნდაც, იმ პირებისადმი, ვისაც, თურმე, კომკავშირი ეხმარება. ტექსტი ყალბი პათეტიკის და სი-  
ცრუის ნიმუშიცაა — ბუნებაში ასე არავინ არ ლაპარაკობდა და არ ლაპარაკობს: **„...მადლობის მეტი რა მეთქმის... სიმართლე გითხრათ, არც აქამდე ვზარმაცობდი, მაგრამ დღეიდან უფრო გულიანად ვიშრომებ, ჩემი კეთილსინდისიერი მუშაობა კი იქნება პასუხი იმ თანაგრძნობისა და გულისხმიერებისა, რომელიც ქარხნის კომკავშირის კომიტეტმა გამოიჩინა ჩემს მიმართ...“**

ყურადღება მიაქციეთ კიდევ ერთი გარემოებას — ეს რეპორ-  
ტაჟი („როცა მხარდაჭერას გრძნობ...“) „ახალგაზრდა კომუ-  
ნისტში“ გამოქვეყნებულია 1989 წლის რვა აპრილს, „თბილისში“ რეზი თვარაძის რეპორტაჟის („უბანი“) გამოქვეყნებიდან ოთხი დღის შემდეგ და 1989 წლის ცხრა აპრილის სისხლიან ტრაგედი-  
ამდე რამდენიმე საათით ადრე! ამით ის მინდა ვთქვა, რომ ეპოქა ყოველთვის არ არის დამნაშავე. **ნიჭიერი კაცი კომუნისტურ ეპოქაშიც ნიჭიერია და უნიჭო მიხეილ სააკაშვილის მსოფლი-**

## **ოში „ყველაზე განათლებული და ყველაზე დემოკრატიული“ რეჟიმის პირობებშიც უნიჭოა.**

21-ე საუკუნის დასაწყისის ქართული პრესიდან და ტელევიზიიდან საკვირველად უვარგისი რეპორტაჟების უსასრულოდ ბევრი მაგალითის მოხმობა შეიძლება. საქართველოს ისტორიაში დროის ეს მონაკვეთი, ალბათ, „პრესის ტოტალური გაყვითლების“ ეპოქად მოინათლება.

საბედნიეროდ, გვაქვს ბრწყინვალე და გულწრფელი ჟურნალისტის მაგალითებიც, რასაც თქვენ სულ ახლახანს გაეცანით კიდევ. ჩემი მოკრძალებული რჩევაა, **ნუ გააიოლებთ საქმეს — „პატარა“ შედეგებიც მხოლოდ დიდი ტანჯვით იბადება.**

### **იზიქრეთ, სანამ იკითხავდეთ!**

კიდევ ერთი „წვრილმანი“: როგორი შეკითხვები არ უნდა დასვას საკუთარი თავის პატივისმცემელმა ჟურნალისტმა. მართალია, ამის თაობაზე ყველამ ყველაფერი იცის, მაგრამ, მოდი, კიდევ ერთხელ ყველაფერი ერთად გავიხსენოთ.

მაშ ასე, თქვენ, თუნდაც სახელმძღვანელო ჟურნალისტმა, სანამ ვინმეს რაიმეს შეეკითხებოდეთ, აუცილებლად უნდა გაითვალისწინოთ, რომ:

1. თქვენი შეკითხვა არ გულისხმობდეს მხოლოდ ერთგვაროვან პასუხს („ჰო“ ან „არა“!);
2. არ გამოიყენოთ მტკიცებითი წინადადება კითხვითის ნაცვლად;
3. არ გააერთიანოთ ორი შეკითხვა ერთ წინადადებაში;
4. ზედმეტი სიტყვებით არ გადატვირთოთ თქვენი შეკითხვა;
5. არ დასვათ „ჩამჭრელი“ შეკითხვები;
6. შეკითხვაში არ გამოიყენოთ არავითარი კომენტარები და შეფასებები;
7. არ გაიმეოროთ საკუთარი ან სხვისი საეჭვო ვარაუდები;
8. შეკითხვის ადრესატს არ მიაკეროთ რაიმე იარლიყი;
9. არ გაბუჟოთ თქვენი შეკითხვის მნიშვნელობა;
10. არ დასვათ ძალიან რთული შეკითხვა (იგულისხმება კითხვითი წინადადების კონსტრუქცია).

ასე ფიქრობენ კანადელი ჯონ სავატსკი და შვედი ერიკ ფიხ-

ტელიუსი. ასე ვფიქრობ მეც, ოლონდ, გულახდილად რომ ვთქვა, ამ გამოჩენილი ჟურნალისტების შეგონებებს ხშირად ვერ ვასრულებ-ხოლმე. კარგი იქნება, ჩვენს აზრს თქვენც თუ გაიზიარებთ. თუმცა, ნუ იჩქარებთ და ინტერვიუს ასაღებად ახლავე ნუ გაიქცევით — კიდევ ერთხელ გაიხსენეთ ეს ძალიან უბრალო და ძალიან მნიშვნელოვანი შეგონებები. თორემ, სულაც არ არის გამორიცხული თქვენც გაიმეოროთ ერთი პოპულარული ქართველი ტელენამყვანის შეცდომა: „— ბატონო პრეზიდენტო (ედუარდ შევარდნაძეს მიმართავდა, თ. ქ.), ამ დილით ერთი წიგნი ჩამივარდა ხელთ, სადაც, თურმე, ნათქვამია, რომ თქვენ მასონი ბრძანებულხართ. ბატონო ედუარდ, თქვენ მასონი ხართ?

— ეს წიგნი არ წამიკითხავს და ჩემი მასონობის თაობაზე ვერაფერს მოგახსენებთ.

იუმორის უნიკალური ნიჭით დაჯილდოებულმა შევარდნაძემ აშკარად დაინდო გაბრიყვებული ჟურნალისტი, რომელსაც ეს ათი შეგონება ალბათ, არასოდეს გაეგონა.

## თავი VII

### ჟურნალისტური პუბლიცისტიკა

ოდესღაც უთქვამთ ფრთიანი სიტყვა, რომელიც თაობიდან თაობას გადაეცემა და, ვაგლახ, კაცობრიობას აღარასოდეს დაავინყდება — გაზეთი ერთ დღეს ცოცხლობს.

სამწუხაროდ, ასეა. გუშინდელი გაზეთი ისტორიის კუთვნილებაა. მაგრამ, ვიდრე ჟურნალისტობაზე გულს აიცრუებდეთ, მოდი, დაფვიქრდეთ, რა კვალს ტოვებს ადამიანის ცნობიერებაში გაზეთი თავისი ერთდღიანი არსებობით.

მახსოვს, ამ პრობლემაზე ჯერ კიდევ სამოციან წლებში, საშუალო სკოლაში სწავლისას ვკამათობდით. მაშინ იქნებ ცოტა გულუბრყვილო, მაგრამ, შეიძლება ითქვას, გენიალური გამოსავალი იპოვა ჩემმა თანაკლასელმა და მეგობარმა როლანდ ჭკუასელმა: კი, ბატონო, გაზეთი ერთ დღეს ცოცხლობს, მაგრამ აქ გამოქვეყნებულ რომელიმე სტატიას ხომ შეიძლება დიდი ხნის სიცოცხლე, სულაც მარადიულობა დაჰყვესო. ბოლოსდაბოლოს, ერნესტ ჰემინგუეის\*, ჯეკ ლონდონის და ილია ჭავჭავაძის პუბლიცისტური ნაწარმოებები ხომ თავის დროზე გაზეთებში ქვეყნდებოდაო!

სრული სიმართლეა. ამ დასკვნამდე მივა ყველა, ვინც ოდნავ მაინც ჩაუფიქრდება გაზეთის სიცოცხლის ხანგრძლივობის პრობლემას. გაზეთი ერთ დღეს ცოცხლობს, მაგრამ სწორედ ამ ნომერში შეიძლება გამოქვეყნდეს სტატია, რომელსაც საზოგადოებრივ ცნობიერებაზე ღრმა და ხანგრძლივი ზეგავლენის მოხდენა, მეტიც, ადამიანის ცნობიერებაში „რევოლუციის“ მოწყობაც კი შეუძლია.

**პუბლიცისტიკა არის ჟურნალისტიკის შემოქმედებითი, მხატვრული ჟანრი.** სწორედ აქ შეიძლება მთლიანად გამოვლინდეს ჟურნალისტის, როგორც შემოქმედის, ნიჭი და შესაძლებლობები. ამავე დროს, ეს არის ყველაზე პრესტიჟული ჟანრი. ამიტომ, რომ ყველა თავმოყვარე ჟურნალისტი ბოლოსდაბოლოს პუბლიცისტიკაში ცდილობს საკუთარი ძალების მოსინჯვას. ეს მცდელობა ზოგჯერ წარმატებით მთავრდება, უფრო ხშირად — კატასტროფით. ასეთია ცხოვრების კანონი — ზოგს უფალი ნიჭს ხვავრიელად დააბერტყავს, ზოგისთვის ძუნწობს. თუ პუბლიცისტიკაში არ გაგიმართლათ, ნუ იდარდებთ და გულს

ნუ გაიტეხთ — თქვენ ხომ შესანიშნავი რეპორტიორი ხართ — შეუცვლელი ფიგურა რედაქციაში! ჟურნალისტიკაში ეს ძალიან დიდი მიღწევაა.

ცუდი ის არის, რომ ზოგჯერ ჟურნალისტი ყოველად უდიდ-ლამოდ, უემოციოდ წერს და ჯიუტად არ სჯერა, რომ მის ნაშ-რომებს არავინ კითხულობს. **ჟურნალისტური პუბლიცისტი-კის დანიშნულებაა საზოგადოებრივი აზრის ჩამოყალიბები-სთვის ხელშეწყობა აუდიტორიის ემოციურ განწყობაზე ზე-მოქმედებით.**

დამწყები ჟურნალისტები, როგორც წესი, დარწმუნებული არიან, რომ პუბლიცისტური ნაშრომი აუცილებლად უზვესიტყვი-ანი, გატყლარაჭულ-გადაპრანჭული მანერით დაწერილი უნდა იყოს. ხოლო მისი ავტორი — ვინმე თეთრწვერა ბრძენთაბრძენი. რა თქმა უნდა, სინამდვილე გაცილებით უბრალოა: პუბლიცის-ტურ ჟანრს შეიძლება მიეკუთვნებოდეს ნებისმიერი ფორმის ჟურნალისტური ნაშრომი — ჩანახატიც, ნარკვევიც, სტატიაც, ინტერვიუც, პოლემიკაც, მონოლოგიც, რეპორტაჟიც, ფელე-ტონიც...

60-იანი წლების არაბთა გაერთიანებული რესპუბლიკის სამხ-ედრო წესდება ამ სიტყვებით იწყებოდა: „ბრძოლის წარმატებით წარმართვისთვის აუცილებელია მონინალმდევის არსებობა!...“

**ასევე, პუბლიცისტური ჟანრის ნაწარმოებისთვის აუცი-ლებელია ცხადი მიზნის არსებობა: მე, ავტორმა ვიცი, რაც მინდა. დანარჩენი უკვე „ტექნიკის“ საქმეა — თუ აუდიტო-რიაზე ემოციურ ზემოქმედებას შევძლებ, ჩემი მიზანი მიღ-ნეულია.** სხვათა შორის, დიდი მნიშვნელობა არა აქვს აუდიტო-რიის საპასუხო რეაქციას. იგი შეიძლება დადებითიც იყოს და უარყოფითიც. თუ თქვენს პუბლიცისტურ ნაწარმოებს ასიდან თუნდაც სამი ადამიანი დადებითად შეაფასებს, ეს ნიშნავს, რომ რაღაც მნიშვნელოვანი შეგიქმნიათ. ხოლო თუ ათი მოაზროვნე ადამიანის მალალი შეფასება დაიმსახურეთ, თითქმის გენიოსი ყოფილხართ! თუ თქვენი პუბლიცისტიკის გამო არც ვინმე გაძა-გებთ და არც ვინმე გაქებთ, როგორმე უნდა აჯობოთ თავს და საკუთარი ჟურნალისტური შესაძლებლობები კიდევ ერთხელ კრიტიკულად შეაფასოთ.

როგორც მოგახსენეთ, პუბლიცისტური ჟანრის ნაშრომისთ-ვის ნებისმიერი ფორმის მიცემაა შესაძლებელი.

## ჩანახატი

1996-1997 წლებში ჟურნალისტი ირაკლი ბერიაშვილი უშვებდა ძალიან სიმპათიურ გაზეთს „ტფილისის უწყებანი“. ეს იყო XIX საუკუნის 30-იან წლებში სოლომონ დოდაშვილისეული\* პირველი ქართული გაზეთის აღდგენის მცდელობა. ძლიერ სამწუხაროა, რომ მასაც დიდი წინაპრის ბედი ენია — გამომცემელთა უსახსრობის გამო დაიხურა. უფრო სამწუხარო ის არის, რომ მაშინდელ საქართველოში არ გამოჩნდა ჭკვიანი ბიზნესმენი, რომელიც ამ ნიჭიერად გაკეთებული გაზეთის გამოცემას დააფინანსებდა.

სხვებთან ერთად, „ტფილისის უწყებანის“ რედაქციასთან თანამშრომლობდა უნიჭიერესი ქართველი მწერალი და პუბლიცისტი ნუგზარ შატაიძე. სწორედ მას ვთხოვეთ დაენერა სტატია საგზაო პოლიციაზე:

„...მეტროს სადგურის წინ სამი ავტონისპექტორი დგას. ახლა იმათ საგზაო პოლიციელები ჰქვიათ, მაგრამ სინამდვილეში ისევ ის ჩვეულებრივი ავტონისპექტორები არიან. აცვიათ ტყავის ქურთუკები, ახურავთ თბილი ქუდებიც, მაგრამ მაინც სცივით — ჯიბეებში ხელებჩაწყობილები ეძუძვებიან ერთმანეთს. იმათგან ერთი — უფრო დაბალი ჩინისა, მგონი ეფრეიტორი — ორმოცი წლისა მაინც იქნება. სახეზე ეტყობა, ძველი, გამოჯეგილი ავტონისპექტორია. აქვს ფართო ყვრიმალეები, ღრმად ჩამსხდარი, მონკურული თვალები, მკაცრად მოკუმული თხელი ტუჩები და ქორული გამოხედვა. დანარჩენი ორი ძალიან ახალგაზრდები, მაგრამ ჩინით კი ამაზე უფროსები — ლეიტენანტები არიან.

ამ სამეულში ქეჩი ეფრეიტორია, ის არის ახალბედა ლეიტენანტების გზისმკვლევნი და მასწავლებელი, მათი მამა და მარჩენალი.

თოვს. ინსპექტორებს თოვლი ადევთ ქუდებზე, ქურთუკის საყელოებზე, თოვლი ეფინებათ სამხრებზეც და ნელ-ნელა შლის მათ შორის ჩინობრივ განსხვავებას. ისინი კი ჯიუტად დგანან, ერთი შეხედვით უაზროდ აცეცებენ თვალებს, მაგრამ მხოლოდ ერთი შეხედვით, რადგან ჩამოივლის სულ მალე თეთრი „ნივა“ და ეფრეიტორიც, იმ წამსვე, მაჯაზე ჩამოკონიალებულ კვერთხს შემართავს, მანქანის მძღოლს ანიშნებს — გააჩერეო!

მანქანა სვლას შეანელებს, მოშორებით გაჩერდება, მა-

გრამ ინსპექტორები იმისკენ არც იხედებიან — წესია, თვითონ შოფერი უნდა ეახლოთ. შოფერს კი, როგორც ჩანს, ეზარება იმ ყიამეთში თბილი მანქანიდან გადმოსვლა.

ნელ-ნელა იღევა მოთმინების ძაფი.

— მიდი, რა, შენ მიდი, — ეუბნება ეფრეიტორს ერთ-ერთი ლეიტენანტი, — იქნება დაგვალევიანო რამე...

— ხო დაგალევინეთ!

— ჰო, მაგრამ, კიდევ გვინდა.

— ვა, კიდევ გინდათ რა, ფლავია?!

შოფერი ლოდინით გაბეზრდება, უეცრად, მანქანას დასძრავს და თვალს მიეფარება.

— წავიდა. — ამბობს მეორე ლეიტენანტი.

— წავიდეს. სხვა არ ჩამოივლის? — ელიმება ეფრეიტორს.

ელიმება მშვიდად, საკუთარი უპირატესობის შეგრძნებით და ამ დროს იგი ძალიან ჰგავს ხვად მგელს, რომელიც თავის ორ, უკვე კარგად მოჩრიხულ ლეკვს ნადირობას ასწავლის“ (**„ტფილისის უწყებანის“ ინფორმაცია**).

ეს არის პუბლიცისტური ჩანახატის კლასიკური ნიმუში. თანაც, თანაგრძნობის გამომხატველი იმ უწყებისადმი, ვის წინააღმდეგაც არის მიმართული — საგზაო პოლიცია.

საგაზეთოდ გამიზნულ ჩანახატში, ბუნებრივია, არ არის ბრძნული დასკვნების, მრავალმნიშვნელოვანი მინიშნებების, შეგონებების ადგილი. ვერც რომელიმე უწყების, ფირმის ან მოვლენის ავკარგიანობაზე მსჯელობით დავკარგავთ დროსა და საგაზეთო ფართს. ის მტკივნეული პრობლემა, რის გამოც წერთ, თქვენს ნარკვევში ძალიან ნათლად უნდა წარმოჩნდეს. მაგალითად, ასეთი — საგზაო პოლიცია არის კაცობრიობის ყველაზე გარყვნილი ნაწილი, თუმცა მისი არსებობა ყოვლად აუცილებელია. თავად პოლიციელები კი ისეთივე ადამიანები არიან, როგორიც ნებისმიერი ჩვენგანი.

ნუგზარ შატაიძე ის იშვიათი გამონაკლისია, როცა მწერალი ბრწყინვალედ ართმევს თავს ჟურნალისტურ დავალებას.

თუ თავიდანვე შატაიძისნაირად არ გამოგივიათ, გულს ნუ გაიტეხთ — ახლა რომ წაიკითხეთ, ეს ნარკვევი მწერალმა 46 წლის ასაკში დაწერა. ოდესმე თქვენც შეძლებთ. თუ ვერ შეძლებთ, ამაზეც ნუ იდარდებთ, თქვენ ხომ ცნობილი მწერალი არა ხართ!



## ნარკვევი

ჩვენს რედაქციაში რომ მოვიდა, გიორგი პატაშური ახალგაზრდა, ჟურნალისტიკაში სავსებით გამოუცდელი ბიჭი იყო. თუმცა, ასაკის მიუხედავად, ცხოვრების მკაცრი, მეტიც — სასტიკი სკოლა ჰქონდა გავლილი. ეს იყო ტალანტი, რომელიც სულ მალე ჟურნალისტიკაში კამკაშა ვარსკვლავად იქცეოდა. ჟურნალისტური თეორიისა ბევრი არაფერი გაეგებოდა, მაგრამ მისი ძლიერი გონება ყველაფერს ღრუბელივით ისრუტავდა, ორი ერთნაირი შეცდომა არასოდეს მოსდიოდა. სამწუხაროდ, ჩვენი გაზეთის დახურვისთანავე ჟურნალისტიკიდან წავიდა, ალბათ, სამუდამოდ — იგი ხომ ოჯახის ერთადერთი მარჩენალი იყო. ჟურნალისტური ჰონორარით კი ამას, უბრალოდ, ვერ მოახერხებდა.

ასე დაკარგა მეოცე საუკუნის მინურულის ქართულმა ჟურნალისტიკამ ერთი ტალანტი. თუმცა, დარჩა მისი რამდენიმე ნამუშევარი, რომლებიც სანიმუშოდ გამოადგება ჟურნალისტური პუბლიცისტიკით დაინტერესებულ ადამიანებს:

„ორნი დადიან სინათლის ფულის ასაკრეფად. ერთი ინკასატორი ლაჟღაჟაა, სქელკისერა, მეორე — დაბალი ტანისა, გალეული, ჩვენი დროისათვის შესაფერისი ფიზიონომიით.

ოჯახის უფროსი და ვაჟიშვილი ლოჯში გაისუსნენ, ყურთასმენა კი ისე აქვთ მომარჯვებული, საკუთარი ტანსაცმლის შარში შური ესმით.

ინკასატორს ქალები დახვდნენ — ლოგინში მწოლიარე სკლეროზიანი დედაბერი და ოჯახის კაცების უგერგილობით ნერვებმოფუტკნული რძალი.

— უი, ჩვენი ზალიკო ხარ?

გახარებული შესცინის სკლეროზიანი, — როგორა ხარ, დედაჩემისა ხომ არაფერი იცი, როდის აპირებს ჩამოსვლას? (დედა რომ მოუკვდა, აღარ ახსოვს).

— ჩვენ, ქალბატონო, სინათლის ამბავზე ვართ მოსული, — ძალიან სერიოზული ტონით აცხადებს ლაჟღაჟა ინკასატორი.

რძალმა სკამი გამოუნია, ინკასატორი პირქუში სახით დაჯდა და გაპრიალებულ მაგიდაზე დიდი დავთარი დადო. გადაშალა ეს დავთარი, გვარი მოძებნა და გალეულს დაავალა — მიდი, ნახე სოჩიკი!

ლაჟღაჟამ ნაკარნახები ციფრები ჩაინერა. მიუმატა, გამოაკლო, ოთხ კლასში ნასწავლი არითმეტიკა სრულად გამოიყენა და ბოლოს ქალებს გამოუცხადა:

— 472 ლარი გაქვთ გადასახდელი.

— რაო?! — გაგიჟდა რძალი, — ათასში ერთხელ მოდის სინათლე, მაცივარი გადამწვარია, ტელევიზორი გადამწვარია, ხანდახან კერასინკაზე ვთბებით და მაინც 472 ლარია გადასახდელი?

— ასეა და რა ჩემი ბრალია?

სიმტკიცეს არ კარგავს ინკასატორი, — თუ გადაიხდით, გადაიხდით, არადა, გადაგცემთ კომპიუტერს და მერე აღარაფერი გეშველებათ.

კომპიუტერის ხსენებაზე სიკვდილმისჯილებივით შემოდიან ოთახში მამა-შვილი, პალტოებსა და ყურებიან ქუდეებში ჩაცმულ-დახურულები.

— ამ ბინას თუ გავყიდით, თორემ ჩვენ მაგდენი ფულის გადამხდელები არა ვართ, — გაბუდა ხმის ამოღება ახალგაზრდა კაცმა.

— ვერ გაყიდით! — მკაცრად ამბობს ლაჟღაჟა. — სახელმწიფოს ვალს თუ არ გაისტუმრებთ, ბინის გაყიდვის უფლებაც არა გაქვთ.

— რა ვქნათ, აბა, მეტი გასაყიდი არაფერი გვაქვს. — აკრუსუნდა ოჯახის უფროსი.

ლაჟღაჟაც ყურადღებით ათვალეერებს ოთახს: ძველი სერვანდი, უბრალო მინის ჭიქებით გამოტენილი, ორი თავმოსაწონებელი ნაჩუქარი ყანწი, რომლებიც დიდი ხანია ღვინის მაგივრად მტვრით ივსება...

— განა ვერ ვატყობ, რა შეძლების ოჯახი გაქვთ. მეც მინდა ანგარიში გაგინოთ, მაგრამ რა ვქნა... — ლბება ინკასატორი.

თითქოს მაშველი თოკი გადაუგდესო, ისე უცბად ჩაეჭიდნენ ოჯახის წევრები ამ დარბილებულ ტონს. ყველა ერთად ეხვეწება: „შენი ჭირიმე, ანგარიში გაგვინიე, იქნებ რამე გვიშველო!“

ლაჟღაჟა გალეულს თავის აქნევით რალაცას ანიშნებს, ისიც სასწრაფოდ მიდის მრიცხველთან და რალაცას ჩხირკედელაობს. კეთილი ინკასატორი ბოლო სიტყვას ამბობს:

— სამოცდაათ ლარს ჩვენ გადაგვიხდით ხელზე, შვიდ ლარს სადაც აქამდე იხდიდით, იქ გადაიხდით, აი, ქვითარი! თუ ვინმემ რამე გითხრათ, თქვით, აქ არ ვცხოვრობდით, სოფელში ვიყავით-თქო წასული. რისკზე მივდივარ, მაგრამ რა ვქნა, მეცოდებით.

სამოცდაათ ლარზეც ყოყმანობენ კაცები. რძალი ძალის-ძალით მეზობელთან გზავნის მამამთილს სასესხებლად.

მადლობა ღმერთს, ზოგჯერ კროსვორდიც გამოადგება კაცს. ბაზრობის დირექტორის მამა ბოლო ხანებში კროსვორდის სიყვარულით ძალიან დაუახლოვდა სანყალ მეზობელს. ერთად ხსნიან სუპერკროსვორდებს, კაიფვორდებს, გველვორდებს, ლადავორდებს და ვინ იცის, კიდევ რამდენნაირ ეშმაკვორდებს. დაბრუნების იმედი არა აქვს, მაგრამ პარტნიორის დაკარგვის შიშით, ბაზრობის დირექტორის მამა სესხს იძლევა.“ (**„ტფილისის უწყებანის“ ინფორმაცია**).

რა თქმა უნდა, დაკვირვებული და კრიტიკულად განწყობილი კაცი გიორგი პატაშურის ამ ნაშრომში სტილისტურ ლაფსუსებსაც აღმოაჩენს, მაგრამ გაითვალისწინეთ, რომ ავტორმა უნივერსიტეტში მხოლოდ სამი სემესტრი ისწავლა!

ამ პატარა პუბლიცისტურ ნარკვევში ვხედავთ ერთ ტიპიურ ღარიბულ ოჯახს, არცთუ მებრძოლ ადამიანებს. ისინი, როგორც წესი, ერთგული და მუყაითი თანამშრომლები არიან და თავის საქმეს პატიოსნად, უხმაუროდ აკეთებენ. ახლა უმუშევრად და მხოლოდ ღვთის წყალობის იმედად დარჩენილან. თალღითი ინკასატორები ხედავენ ამ ხალხის გაჭირვებას, „კაი ბიჭების“ როლსაც თამაშობენ და საკუთარი ჯიბის სასარგებლოდ მაქსიმალურს აღწევენ. საბოლოოდ, ყველა კმაყოფილია მკითხველის გარდა — ბევრმა მათგანმა ხომ აქ საკუთარი ოჯახური ტრაგედია დაინახა და ტკივილი გაუახლდა.

ავტორის მიზანი მიღწეულია. მას სურდა ჩვენთვის, მკითხველთა აუდიტორიისთვის საკუთარი თავი დაენახვებინა და ეს შეძლო კიდევ. ერთი შეხედვით, — ძალიან უბრალოდ. მაგრამ იმასაც ნუ დაივიწყებთ, რომ გენიალობა სწორედ უბრალოებაშია.

## სტატია

ეს არის პუბლიცისტური ჟურნალისტიკის ყველაზე გავრცელებული ფორმა, შესაბამისად — ყველაზე რთულიც.

1990 წლის ზაფხულში გაზეთ „7 დღის“ რედაქტორმა ვახტანგ აბაშიძემ შემომთავაზა, დამეწერა პუბლიცისტური სტატია კანონმდებლობაში სიკვდილით დასჯის მუხლის არსებობის მიზანშეწონილობაზე. მოკლედ, სიკვდილით დასჯის აბსურდულობასა და ანტისაზოგადოებრივ ხასიათზე. **შემომთავაზამეთქი**, შემთხვევით არ წამომცდენია — არც ერთ რედაქტორს

არასოდეს მოუვა თავში თანამშრომელს პუბლიცისტური ნაშრომის დაწერა **დაავალოს**. ამგვარი დავალებები, საერთოდ, ბუნებაში არ არსებობს და თქვენც ნუ შეგეშინდებათ, რომ ოდესმე ვინმე ასეთ დავალებას მოგცემთ. იქნებ გთხოვონ, შეგთავაზონ, მხოლოდ იმ შემთხვევაში, თუ თქვენ მანამდე პუბლიცისტური „რაღაც-რაღაცეები“ გიკეთებიათ.

ვატო აბაშიძის წინადადება, მართალია, რთული შესასრულებელი, მაგრამ ძალიან მნიშვნელოვანი იყო და მივიღე კიდეც. დავინყე ისტორიით. შევისწავლე რუსეთის იმპერიის, საბჭოთა კავშირისა და საქართველოს სტატისტიკა (რაზეც ხელი მიმიწვდა, რა თქმა უნდა), ვესაუბრე უამრავ ადამიანს. ჩემდა გასაოცრად, იმდროინდელი ქართული ინტელიგენციის წარმომადგენელთა უდიდესი უმრავლესობა სიკვდილით დასჯის მომხრე აღმოჩნდა. რაც მთავარია, სხვანაირად ვერც წარმოედგინათ.

უკვე ვიცოდი, რაც უნდა დამეწერა, მაგრამ საჭირო იყო კიდეც რაღაც, რაც ყველაფერს თავის ადგილს მიუჩენდა. ისიც მალე გამოჩნდა: 78 ქალბატონის ხელმოწერილი ოფიციალური განცხადება ერთი კაი თბილისელი ბიჭის მკვლელობაში ეჭვმიტანილის სიკვდილით დასჯის კატეგორიული მოთხოვნით. ეს იყო შემზარავი დოკუმენტი! თუმცა, მაშინდელი პროკურატურისთვის ეს იყო სერიოზული არგუმენტი კანონმდებლობაში სიკვდილით დასჯის მუხლის შესანარჩუნებლად. ხუმრობა არ გეგონოთ, — ხალხი ითხოვს განსასჯელის სიკვდილით დასჯას და ეს „ხალხი“ არის 78 ქართველი ქალბატონი — მოსიყვარულე დედა და ბებია, სათნო მეუღლე და ოჯახის დედაბოძი!

მალე „7 დღეში“ ეს სტატია გამოქვეყნდა:

### **ჯვარს აცუთ ევა!..**

...ნურაფერს ვიტყვით ომებსა და რევოლუციებზე, როცა კაცის კვლისთვის აქეზებენ და აჯილდოებენ ადამიანებს.

იმაზეც ნურაფერს ვიტყვით, აქვს თუ არა ადამიანს ისეთი კანონის შემოღების უფლება, რომელიც მას სხვა ადამიანის სიცოცხლის ხელყოფის უფლებას ანიჭებს.

მოდით, იმაზე ვიმსჯელოთ, რას აძლევს საზოგადოებას ამგვარი კანონის არსებობა. რატომ, რისთვის უნდა არსებობდეს იგი. დავუშვათ, რომ სიკვდილით დასჯა არსებობს სხვათა

დასაშინებლად, რომ სხვამ აღარ გაიმეოროს ერთის მიერ ჩადენილი ცოდვა.

თუ მართლაც სხვათა შესაშინებლად არსებობს, რატომ ვამბობთ ასე მოკრძალებით: „1984 წლის სამ ოქტომბერს, საღამოს 16 საათზე განაჩენი მოყვანილია სისრულეში“. და რატომ არ ვყვირით ქვეყნიერების გასაგონად: „ჰეი, თქვენ, მკვლელებო, ყაჩაღებო, მძარცველებო, მფლანგველებო და სამშობლოს მოღალატენო! გუშინ, დილის სამ საათზე სიკვდილით დასაჯეს ერთი თქვენისთანა ავაზაკი. განაჩენის შემდეგ იგი 28 თვის განმავლობაში იჯდა სიკვდილიმისჯილთა საკანში, ყოველ გაფაჩუნებაზე ტანში ზარავდა, ყველგან ჯალათი ელანდებოდა. ზეზეურად ჩამოხმა და დაილია. გონება დაუჩლუნგდა — მხოლოდ სიკვდილზე ფიქრობდა. ბოლოს „ცენტრიდან“ ჩამოვიდა კაცი, რომელიც ზუსტად ურტყამს მიზანში (ეს სამიზნე ცოცხალი ადამიანის გულია). ნაიკითხა სიკვდილიმისჯილის საქმე, მერე კი მსხვერპლის ნახვა მოისურვა.

კარგად მისმინეთ, რა მოხდა შემდეგ: თქვენნაირ ავაზაკს საკანში ეახლა ახალგაზრდა, ცისფერთვალება და ფუნჩულახელებიანი კაცი. გაუღიმა, გაესაუბრა. უთხრა, რომ „ცენტრიდან“ სპეციალურად გამოგზავნეს. მასთან საუბარი სურს და ამიტომ უფრო შესაფერის ადგილას წაყოლას სთხოვს. დაიმედებული ავაზაკი ენდო, შეჰყვა ოთახში, შემობრუნდა და სწორედ ამ დროს „სტუმარმა“ შიგ გულში დაახალა ტყვიან...“

არა, ასე არ ვამბობთ, რადგან ცივილიზებულ სამყაროში ასე არ არის მიღებული. ვამბობთ: „მიესაჯა სასჯელის განსაკუთრებული ზომა...“ „განაჩენი აღსრულებულია“.

თუ სხვათა შესაშინებლად ვსჯით, მაშინ რატომ დავივიწყებთ საჯაროდ ჩამოხრჩობის, დახვრეტის, თავის მოკვეთის, თუ ძელზე გასმის პრაქტიკა?!

რევოლუციის დიდმა ბელადმა ლენინმა შექმნა ტოტალური დამინების ინსტრუმენტი, რომელმაც ფიზიკურად გაანადგურა ასი ათასობით, მილიონობით ადამიანი. იდეურ მონინააღმდეგეთა გარდა ხვრეტდნენ ქურდებს, სპეკულანტებს, მეძავეებს.

და მაინც, საბჭოთა კავშირში ბოლო სამოცდაათი წლის განმავლობაში არნახული ტემპით განვითარდა ქურდობაც, სპეკულაციაც, პროსტიტუციაც.

## საზარელი სტატისტიკა

რუსეთის უზარმაზარ იმპერიაში, რომელიც არასოდეს ყოფილა ჰუმანიზმისა და დემოკრატიის აკვანი, ბუნებრივია, მოქმედებდა სიკვდილით დასჯის კანონი. მას იყენებდნენ კიდეც. ჩვენ, საბჭოთა ადამიანებს, ბევრი რამ გაგვიგონია მეფის რუსეთის კანონების სისასტიკეზე. ალბათ, ასეც იყო.

იმ ციფრების სიზუსტეზე, რომლებსაც ახლა გაგაცნობთ, პასუხისმგებლობას ვერ ვიკისრებ. ისინი აღებულია 1989 წელს მოსკოვში გამომცემლობა „იურიდიჩესკაია ლიტერატურას“ მიერ გამოცემული წიგნიდან „სიკვდილით დასჯა: მომხრენი და მოწინააღმდეგენი“.

1826 წლიდან 1906 წლამდე, მთელი ოთხმოცი წლის განმავლობაში რუსეთის იმპერიის სასამართლოებმა სიკვდილი სულ 616 ადამიანს მიუსაჯეს. ვიმეორებ, ოთხმოცი წლის განმავლობაში სასჯელის უმაღლესი ზომა მიესაჯა ექვსას თექვსმეტ ადამიანს. მათ შორის იყო 39 დეკაბრისტი და 252 პოლონეთის აჯანყების მონაწილე.

**საბოლოოდ, სიკვდილით დასაჯეს ოთხი დეკაბრისტი, ხოლო თავისი სისასტიკით განთქმულმა რუსეთის ჟანდარმერიამ პოლონეთის აჯანყების ვერცერთი მონაწილის მოძებნა ვერ მოახერხა! იმ ოთხმოცი წლის განმავლობაში კიდეც 156 სიკვდილმისჯილს შეუცვალეს სასჯელი, ვერ მოძებნეს კიდეც 28 კაცი. საბოლოოდ, სიკვდილით დაისაჯა სულ 180 კაცი. 180 კაცი 80 წელიწადში!**

ვერ გეტყვით, დიდია თუ მცირე ეს ციფრი. მხოლოდ შეგახსენებთ, რომ საბჭოთა ისტორიულმა მეცნიერებამ ჯერჯერობით ვერ შეძლო დაედგინა, რამდენი მილიონი ადამიანი დაიხვრიტა საბჭოთა ხელისუფლების სამოცდაათწლიანი ისტორიის განმავლობაში.

სხვათა შორის, რუსეთის იმპერიაში იმ წლებში სახელმწიფო ქონების დატაცებისთვის, საერთოდ, სამეურნეო დანაშაულისთვის სიკვდილი არც ერთი ადამიანისთვის არ მიუსჯიათ.

სტატისტიკური მონაცემები, რომლებსაც ახლა მოგაწვდით, სავსებით საიმედოა, მაგრამ, გასაგები მიზეზების გამო, ვერ გავთქვამ მის წყაროს (**ახლა, რა თქმა უნდა, ინფორმაციის წყაროს დასახელება შეიძლება: ეს გახლდათ საქართველოს გენ-**

**ერალური პროკურორის მაშინდელი მოადგილე, შემდეგში პარლამენტის წევრი და იუსტიციის მინისტრი, სიკვდილით დასჯის ერთ-ერთი ყველაზე თავგამოდებული მოწინააღმდეგე როლანდ გილიგაშვილი. თ. ქ.)**

მაშ ასე, 1971 წლის პირველი იანვრიდან, 1990 წლის პირველ იანვრამდე, მხოლოდ ოცი წლის განმავლობაში, მხოლოდ საქართველოში სასჯელის განსაკუთრებული ზომა — სიკვდილი — გადაუნყვიტეს 250 კაცს. აქედან ხუთი გარდაიცვალა, ან თავი მოიკლა; 50 შეინყაღეს, 195 დახვრიტეს.

რუსეთის უზარმაზარ იმპერიაში (სადაც საქართველოც შედიოდა) ოთხმოცი წლის განმავლობაში სიკვდილით დასაჯეს ას ოთხმოცი კაცი, პატარა საქართველოში ოცი წლის განმავლობაში — 195!

რუსეთის იმპერიაში სამეურნეო დანაშაულისთვის ოთხმოცი წლის მანძილზე არც ერთი კაცისთვის არ მიუსჯიათ „განსაკუთრებული ზომა“, საქართველოში — ოც წელიწადში ამ დანაშაულისთვის დახვრეტა მიუსაჯეს თორმეტ კაცს! აქედან მხოლოდ ერთი შეინყაღეს, ერთი გარდაიცვალა, ათი კაცი დახვრიტეს!

ერთ რამესაც მიაქციეთ ყურადღება: სამეურნეო დანაშაულისთვის პირველი სასიკვდილო განაჩენი გამოტანილია 1971 წელს (მსჯავრდებული შეინყაღეს); მეორე — ზუსტად ათი წლის შემდეგ: სამაგალითოდ დაისაჯნენ იუზა კობახიძე და ალექსანდრე ზირაქაძე (მისი დახვრეტა ვერ მოახერხეს, რადგან, ოფიციალური ცნობით, გარდაიცვალა ციხეში, ფილტვების კიბოთი, 1981 წლის 15 ნოემბერს). მომდევნო წელს სამეურნეო დანაშაულისთვის სიკვდილით დასაჯეს უკვე ოთხი კაცი: ამბროსი გერგედავა, მიტროფანე კელენჯერიძე, რეზო მსხვილაძე, მიხეილ ჩუმოურიძე. ხუთი კაცი დაისაჯა 1983 წელს — ვახტანგ ბახტურიძე, ვალერი კრუტინი, თენგიზ მავზარაშვილი, უშანგი კერესელიძე, გიორგი სააკაძე. ამის შემდეგ სამეურნეო დანაშაულისთვის სიკვდილით აღარავინ დაუსჯიათ, თუმცა, ბევრის სიცოცხლე ეკიდა ბენჯზე.

და კიდევ ერთი ინფორმაცია: 1988 წლის ზაფხულში საქართველოს ციხეებში სიკვდილით დასჯას ელოდა 19 კაცი.

...როცა არსებობს კანონი სიკვდილით დასჯის შესახებ, მუდამ არსებობს საფრთხე, რომ ამას შეგნებულად თუ უნებლიედ

გამოიყენებენ უდანაშაულო ადამიანის მიმართაც. მერე მას შეიძლება დაარქვან „სასამართლო შეცდომა“, „სამწუხარო გაუგებრობა“, უსამართლოდ დასჯილიც გაამართლონ, მაგრამ ეს ბევრი ვერაფერი ნუგეშია.

საქართველოში რომ მოეწყოს რეფერენდუმი სიკვდილით დასჯის შესახებ, საეჭვოა, უმრავლესობამ მის გაუქმებას დაუჭიროს მხარი, რადგან დღეს ვერ ვხედავთ ბოროტებასთან ბრძოლის სხვა რეალურ გზას, დაკანონებული ძალადობის გარდა. და, მაინც, თუ ოდესმე ასეთი დღე დადგა, სანამ საკუთარი ხელით საკუთარ თავს განაჩენს გამოვუტანდეთ, კიდევ ერთხელ დავფიქრდეთ, გავიხსენოთ, რამდენი უდანაშაულო ადამიანის სიცოცხლე შეინირა „კანონიერმა მკვლელობებმა“, ღმერთიც გავიხსენოთ, რომელიც ღალადებს — „არა კაც ჰკლა!“ (**„7 დღის“ ინფორმაცია**).

ამ პუბლიცისტური სტატიის გამოქვეყნება საქართველოსთვის ძალიან მძიმე, საყოველთაო ეიფორიის პერიოდს დაემთხვა. ეს ის დროა, როცა ქართული საზოგადოება მთვრალია „მოპოვებული“ სახელმწიფოებრივი დამოუკიდებლობით, მზადაა, მის შესანარჩუნებლად სისხლის უკანასკნელ წვეთამდე იბრძოლოს, ბალახი ჭამოს, მოკვდეს კიდევ, მაგრამ მტერს არაფერი დაუთმოს. ეს არის პერიოდი, როცა სიკვდილზე იოლადაა ლაპარაკობენ.

საზოგადოების რეაქციაც შესაბამისი იყო — ასიდან 95 მლანდღავდა, ან არ იზიარებდა ჩემს (ანუ — რედაქციის) მოსაზრებებს, 5 ალფრთოვანებული იყო. თანდათან ეს პროპორცია სიკვდილით დასჯის გაუქმების მომხრეთა სასარგებლოდ იცვლებოდა.

თუ შეიძლება ცოტას მეც წავიტრაბახებ: ეს იყო ერთ-ერთი პირველი პუბლიცისტური სტატია სიკვდილით დასჯის გაუქმების მოთხოვნით. შემდეგში მეც, ბევრმა სხვამაც ამ თემაზე საკმაოდ ბევრი ვიშრომეთ და მეამაყება, რომ საბოლოოდ საღმა აზრმა გაიმარჯვა — საქართველოს პარლამენტმა სიკვდილით დასჯა გააუქმა და ამაში ჩვენი, ჟურნალისტების მოკრძალებული წვლილიცაა.

პარლამენტსაც, პრეზიდენტსაც, პრესასაც, ყველას, ვინც მონდომებული იყო ამ ანტისაზოგადოებრივი კანონის გაუქმებით, დიდი, ძალიან დიდი ბრძოლა დასჭირდა, ძირითადად, ადამიანის, მოქალაქის მსოფლმხედველობის შესაცვლელად. და მაინც, მგონია, რომ ეს იყო რთული და მძიმე გადასაწყვეტი



პარლამენტის მხრიდან — მაშინ, 90-იანი წლების შუაში ამ თე-  
მაზე რეფერენდუმი რომ ჩაეტარებინათ, სიკვდილით დასჯას  
მომხრეები მოწინააღმდეგეებზე ხუთჯერ მეტი მაინც ეყოლე-  
ბოდა. მით უფრო დასაფასებელია ხელისუფლების მტკიცე  
პოლიტიკური ნება და გამბედაობაც — იგი ხომ ამომრჩეველთა  
უმრავლესობის სურვილის წინააღმდეგ წავიდა. საბოლოოდ, ამ  
გადანწყვეტილებამ გაამართლა — ჰკითხეთ თანამედროვეებს,  
სურთ თუ არა სიკვდილით დასჯის ხელახლა შემოღება!

## ინტერვიუ

როცა პუბლიცისტურ ინტერვიუზე ვფიქრობ, მუდამ მახ-  
სენდება შესანიშნავი ჟურნალისტი და მოქალაქე ნანა ჯოხ-  
არიძე. მრავალ სხვა სიკეთესთან ერთად, მას ჰქონდა სწორედ  
ინტერვიუთი მკითხველზე ემოციური ზემოქმედების არაჩვეუ-  
ლებრივი ნიჭი. ძალიან ძნელია ვინმეს ასწავლო, ისე დაანყოს  
თუნდაც რომელიმე გენიალური აზრი, რომ მან მსმენელზე ან  
მკითხველზე ემოციურად იმოქმედოს. პუბლიცისტური ინტერ-  
ვიუ, შესრულების თვალსაზრისით, უაღრესად რთულია. თუმცა,  
ამის ერთი შესანიშნავი ნიმუში უკვე ვნახეთ (იამზე ასანიშვილის  
„გურამ დოჩანაშვილის ცხოვრების პროზა“). ახლა ნანა ჯოხ-  
არიძის ინტერვიუც ვნახოთ:

ვერისუბანი. ყოფილი ჯავახიშვილის ქუჩა. პატარა, ძალიან  
მყუდრო, ზღაპრიდან გადმოხატული წითელკრამიტისანი სახლი.

მონაწილენი: მეუღლე — ნელი მელიქიძე

შვილები — ლიზიკო, გიგილო, აჩიკო

შვილიშვილები — სალომე, ელენე, გიორგი

რძალი — ირინა კალანდაძე

სიძე — გიორგი ბახტაძე

## მთხრობელი

ვესტიბიულში ავთო ვარაზის ნახატი კიდია — ახალგაზრდა  
კაცის პორტრეტი. ეს ჩვენი გმირია. მათთვის, ვინც შორიახლო ან  
მხოლოდ კაბინეტებიდან იცნობს, ნახატზე უცხო კაცია: ვარაზს  
ყურადღება არ მიუქცევია იმისთვის, რაც ყველას დასანახად  
ზედაპირზე დევს...

## ლიზიკო

ორ წელიწადში მომიკვდა დედა, მამა, ბებია, ბაბუა. მეგონა, სულ მარტო დავრჩი. ხომ იცით, ასეთ დროს ყოველთვის გამოჩნდებიან ხოლმე ნათესავეები, ვინც დაობლებული ბავშვის აღზრდას იკისრებენ. მაშინაც ასე იყო. მაგრამ აჩიკოს არც დაუშვია, რომ შეიძლებოდა, ვინმე სხვას ნავეყვანე.

რა თქმა უნდა, ბედნიერი ვიქნებოდი, მშობლები რომ მყოლოდა, მაგრამ მე ახლაც ძალიან ბედნიერი ვარ... ის, რაც წელი მამიდამ და აჩიკომ გამიკეთეს... არ ვიცი, ალბათ, სხვას არავის შეეძლო გაეკეთებინა... აჩიკო ისე მეფერებოდა, ისე მანებივრებდა... ეს ყველაფერი თითქოს იმიტომ იყო ასე, რომ მე ერთადერთი გოგო ვიყავი ოჯახში...

მახსოვს, როცა აჩიკო ტელევიზიის თავმჯდომარედ დანიშნეს, ჩვენ წყნეთში ვიყავით და ტელევიზორით მოვისმინეთ ეს ამბავი. როცა ოჯახურ მდგომარეობაზე თქვეს, გამოაცხადეს, ორი შვილი ჰყავსო. იმავე წუთში დარეკა ტელეფონმა. აჩიკო საშინლად აღელვებული იყო. გვითხრა, ტელევიზორი არ გამოერთოთ, უსმინეთო. ზუსტად ხუთ წუთში შეცდომა გაასწორეს — ორი კი არა, სამი შვილი ჰყავსო.

## მთხრობელი

წელიმ კარამდე გამომაცილა. ავთო ვარაზის ნახატისკენ გამექცა თვალი.

— თითქოს არ ჰგავს, არა? — მკითხა თუ ისე, თავისთვის თქვა და იქვე დაამატა: — ბევრი მართლა ვერ ცნობს. ავთომ ნაჭუჭი შემოაცალა, კუნთები, უხეში, ხანდახან მრისხანე გამოხედვა... დატოვა მხოლოდ ის, რაც ჩემთვის ასე ნაცნობია — ბავშვის გულუბრყვილობა და დაუჯერებლობამდე სათუთი, ხელით შეხების რომ შეგეშინდება, ზუსტად ისეთი სული.

ფარდა („დრონის“ ინფორმაცია).

რა თქმა უნდა, შეამჩნიეთ, რომ ნანა ჯოხარაძის ეს ნაშრომი, ცოტა არ იყოს, უცნაური ფორმისაა. გეთანხმებით, იგი მართლაც არ არის ის, რასაც უყოყმანოდ დავარქმევდით ნარკვევს, ჩანახატს, დიალოგს, მონოლოგს ან სხვა რამეს. და მაინც, ეს არის ინტერვიუ, კიდევ უფრო ზუსტად, პუბლიცისტური ინტერვიუ, რომლის მიზანია, მკითხველს მისთვის უცნობი კუთხიდან

დაანახოს საინტერესო პიროვნების შინაგანი სამყარო. ის, რისი დანახვაც, ჩვეულებრივ, ძალიან ძნელი, თითქმის შეუძლებელია. ჟურნალისტის ხელოვნებაც ის არის, რომ მან მკითხველთა თვალწინ წარმოადგინა კაცი თავისი ღირსებებით და ადამიანური სისუსტეებითაც. ამ ნაშრომის წაკითხვის შემდეგ გიჩნდებათ სურვილი, როგორმე სწორედ მის გმირს დაუკავშიროთ თქვენი ბედი, მაგალითად, ხმა მისცეთ საპარლამენტო არჩევნებისას.

ჟურნალისტის ჩანაფიქრიც ეს იყო.

## პოლემიკური პუბლიცისტიკა

როგორც ადრე ბევრჯერ ვთქვი, ნებისმიერი ჟანრის პუბლიცისტიურ ნაშრომს მხოლოდ მაშინ აქვს ფასი და მნიშვნელობა, თუ იგი შეეხება კონკრეტულ საქმეს (ამბავს, ფაქტს, მოვლენას...) და აქვს კონკრეტული მისამართი. თანაც, ეს „კონკრეტული საქმე“ და „კონკრეტული მისამართი“ საინტერესო და მტკივნეული უნდა იყოს საზოგადოების ერთი რომელიმე ფენისთვის მაინც. მაგალითად, ლიტერატურული წრეებისთვის საინტერესოა რომელიმე მწერლის შემოქმედებაზე ან ცალკეულ ნაწარმოებზე გამართული პოლემიკა. ხოლო თუ ეს შეეხება, ვთქვათ, გადასახადებს, მაშინ დაინტერესებულთა წრე განუზომლად იზრდება. რა თქმა უნდა, გააჩნია შესრულების დონეს. უფრო ზუსტად, **ჟანრის პოპულარობას სწორედ შესრულების დონე განსაზღვრავს**. როგორც ჟურნალისტური მოღვაწეობის ბევრ სხვა სფეროში, აქაც დიდია „გადამლაშების“ საფრთხე — თქვენ ფიქრობთ, რომ მოცემული თემა ძალიანაც საინტერესოა, მაგრამ ამ დროს მკითხველი, ანუ თქვენი პროდუქციის უშუალო „მომხმარებელი“, შესაძლოა, ასე სულაც არ ფიქრობდეს.

ამოცანა კიდევ უფრო რთულდება იმით, რომ პოლემიკაში, შესაძლოა, მრავალმა ადამიანმა მიიღოს მონაწილეობა, მათგან კი პუბლიცისტის ნიჭი და შესაძლებლობა ბევრს არ ჰქონდეს, ან უარესი — პოლემიკა, საერთოდ, უსაგნო და უმიზნო აღმოჩნდეს. სამწუხაროდ, ასეთი მაგალითებიც მრავლად გვაქვს.

გთავაზობთ გაზეთ „ტფილისის უწყებანში“ გამოქვეყნებულ ორ ნაშრომს. ვერ ვიტყვი, რომ ეს ნიმუშები საუკეთესოა ამ ჟანრში, მაგრამ, ვფიქრობ, მათ გააჩნია ყველა ის ნიშანი, რაც უნდა გააჩნდეს ამ ჟანრის ნაწარმოებს.

## გაზეთ „ტფილისის უწყებანის“ რედაქციას

თქვენი გაზეთის 1997 წლის 15 იანვრის 2 (13-ში) გამოქვეყნებული წერილების დასტაზე („ვიდეოპატრული 02, ანუ „Приглашение на Казнь“, „სერჟანტმა თქვა“ და „შარო საიდან მოდისარ“) ლაპიდარული პასუხის გაცემა უბრალოდ შეუძლებელია, რადგან მითითებულ წერილებში ბრალდებათა იმგვარი კორიანტელი დგას, რომ გაზეთს აშკარად „ჯვაროსნული ლაშქრობა“ აქვს გამოცხადებული თბილისის საგზაო პოლიციის სამსახურის წინააღმდეგ. „მამხილებელი“ ფაქტების მხატვრული აბსტრაგირების უსუსური მცდელობა, არაპროფესიული ყურნალისტური გამოკვლევა და ანალიზი ამ „ნაცოდვილართა“ გადაკითხვისთანავე გიქმნის იმის შთაბეჭდილებას, რომ მათი ავტორები (შეიძლება „ავტორიც“) წესრიგს დანატრებული პიროვნება კი არ გახლავთ, არამედ ბოლმით გულგასიებული ის მძღოლები არიან, რომელთაც საგზაო პოლიციელებმა მოძრაობის წესების დარღვევა არ აპატიეს და მართვის უფლება ჩამოართვეს. ჩვენ, რა თქმა უნდა, არ გამოვრიცხავთ, რომ თბილისის საგზაო პოლიციის მრავალასკაციან კოლექტივში მართლაც ერიოს უღირსი, გამომძალველი მუშაკი, მაგრამ ეს არავის აძლევს უფლებას ლაფში ამოთხვაროს მთელი სამსახური, რომელიც ძალას არ იშურებს ქალაქში სათანადო წესრიგის დასამყარებლად, არც თუ იშვიათად ებმება უთანასწორო ბრძოლაში შეიარაღებული ბანდიტების წინააღმდეგ და ასევე იშვიათად გამოდის ამ ბრძოლიდან უდანაკარგოდ.

რაც შეეხება ბატონ თეიმურაზ ქორიძის წერილს „სერჟანტმა თქვა“, მისი შინაარსიდან ადამიანი ვერ დაადგენს, რომელჟანრს ეკუთვნის იგი — მოთხრობაა თუ ფელეტონი. მიუხედავად ამისა, ჩვენ კატეგორიულად მოვითხოვთ, რომ ბატონმა თეიმურაზ ქორიძემ დააკონკრეტოს ანონიმი სერჟანტის ვინაობა. ეს აუცილებელია სერჟანტ „გრაკელის“ მიერ წამოყენებულ ბრალდებათა გამოსაკვლევად, რათა პასუხისგებაში იქნან მიცემული ის პირები, ვინც მას სამუშაოში მიღებისათვის გამოსძალეს 1.000 დოლარი, და ახლაც აგრძელებენ ფულის გამოძალვას. წინააღმდეგ შემთხვევაში, ვალდებულნი ვართ მივმართოთ სასამართლოს და მოვითხოვოთ მორალური სატისფაქცია იმ დაუმსახურებელი შეურაცხყოფისათვის, რაც თქვენმა გაზეთმა მითითებული პასკვილებით მოგვაყენა. აქვე აღვნიშნავ, რომ მე,

როგორც თბილისის საგზაო პოლიციის სამსახურის ერთ-ერთი ხელმძღვანელი, სრული ხელშეუხებლობის გარანტიას ვაძლევ „სერჟანტ გრაკლელს“, თუ მის მიერ წამოყენებული ბრალდებების თუნდაც ერთი ფაქტი დადასტურდება.

პატივისცემით,

ქ. თბილისის საგზაო პოლიციის სამსახურის უფროსის მოადგილე, პოლიციის ვიცე-პოლკოვნიკი...

### **მაშ ასე — დუელი! რა იარაღს მთავაზობთ, ბატონო ვიცე-პოლკოვნიკო?**

...რადგან ასეთი რისხვა დავიმსახურე, ეტყობა, სათქმელი კარგად ვერ ვთქვი. ახლა უფრო გასაგებად ვიტყვი: საგზაო პოლიციის იმ თანამშრომლებით თუ ვიმსჯელებთ, ვინც უშუალოდ ქუჩაში დგას, ამ სამსახურში კატასტროფული ვითარებაა შექმნილი — უკლებლივ ყველა საგზაო პოლიციელი არის გამომძალველი. საგზაო მოძრაობის წესის დაცვა არავის არ აინტერესებს. პირიქით, თითქმის ყველა დაინტერესებულია, რაც შეიძლება მეტი დარღვევისა და დამრღვევის არსებობით. იმასაც მოგახსენებთ, რომ ამაში ყველაზე ნაკლებ დამნაშავე სწორედ პოლიციის თანამშრომელია. ვიდრე იგი საკუთარი ხელფასით ოჯახის შენახვას ვერ შეძლებს, არაფერი გამოსწორდება. სხვა სიტყვებით, პოლიციელი იძულებულია აკეთოს ის, რასაც აკეთებს.

მოდით, ერთობლივად, პოლიციის თანამშრომლების მონაწილეობით, საქართველოს ნებისმიერ კუთხეში ჩავატაროთ მოქალაქეების გამოკითხვა: — არის თუ არა საგზაო პოლიციელი გამომძალველი? თუ გამოკითხულთა ხუთი პროცენტი უარყოფით პასუხს გაგვცემს, სასამართლომ რომც არ მომისაჯოს, საკუთარი სურვილით მოვიხდის სისხლის სამართლის კოდექსით გათვალისწინებულ სასჯელს საჯარო ცილისწამებისა და შეურაცხყოფისთვის.

ძლიერ მეექვსება, ბატონმა ვიცე-პოლკოვნიკმა და საგზაო პოლიციის სამსახურის სხვა ხელმძღვანელებმა ჩემზე უკეთ არ იცოდნენ, როგორ იქცევინა მათი თანამშრომლები.

სხვათა შორის, ბანდიტებთან უთანასწორო ბრძოლა არ გავლავთ საგზაო პოლიციის პრეროგატივა, ამისთვის სხვა სამსახურები არსებობს.

რაც შეეხება ჟურნალისტური ჟანრების დადგენას, არც ეს შედის საგზაო პოლიციის უშუალო მოვალეობაში. საერთოდ, რომელიმე ნაწარმოების რომელიმე ჟანრისთვის მიკუთვნება უმადური და სარისკო საქმეა.

სამწუხაროდ, ვერ შევასრულებ ბატონი ვიცე-პოლკოვნიკის კატეგორიულ მოთხოვნას სერჟანტ გრაკლელის ვინაობის დაკონკრეტების თაობაზე.

თუ ჩემი ამგვარი პასუხი არ დაგაკმაყოფილებთ, მიმართეთ სასამართლოს, რომელსაც აგრეთვე არ გავუმხელ სერჟანტის ვინაობას. მე ამის იურიდიული უფლება მაქვს.

ახლა ორიოდ უწყინარი შენიშვნა, რომლებიც პოლიციის სამსახურების ზოგიერთ ხელმძღვანელს უთუოდ გამოადგება მომავალი პასუხის დანერის დროს. სამეცნიერო ტერმინი „ლაპიდარული“ ნიშნავს უკიდურესად ლაკონიურს, მოკლეს და იხმარება ძველ (რომაულ) ძეგლებზე გაკეთებული წარწერების დასახასიათებლად. „ლაპიდარული პასუხი“ — უხერხული გამოთქმაა.

ტერმინი „სატისფაქცია“ ნიშნავს შეურაცხყოფილის მიერ შეურაცხმყოფელის ორთაბრძოლაში, დუელში გამონჯევის მოთხოვნის დაკმაყოფილებას. დუელი, ჩვენთან, მართალია, კანონით აკრძალულია, მაგრამ თუ ბატონი ვიცე-პოლკოვნიკი ამას კატეგორიულად მოითხოვს, დავეთანხმები. იარალის შერჩევაც მისთვის მიმინდვია.

ბატონო ვიცე-პოლკოვნიკო, ჩემი მოკრძალებული თხოვნაა, შეძლებისდაგვარად ერიდოთ რთული (მით უფრო, უცნობი) მეცნიერული ტერმინოლოგიის გამოყენებას. სალიტერატურო ქართულ ენაზე, მადლობა ღმერთს, ყველანაირი აზრის გამოთქმა შეიძლება (**„ტფილისის უწყებანის“ ინფორმაცია**).

ნაიკითხეთ? — მაშინ უთუოდ დაგრჩებოდათ უკმაყოფილების გრძნობა იმის გამო, რომ საგზაო პოლიციის წარმომადგენლისთვის გაცილებით უფრო მკვახე პასუხის გაცემა შეიძლებოდა. მაგრამ აქ არის ერთი უხერხულობა, რამაც ჟურნალისტი აიძულა უფრო თავშეკავებული ყოფილიყო.

ყველა პროფესიონალი ჟურნალისტი ადვილად დაინახავდა, რომ წერილი, რომელსაც ვიცე-პოლკოვნიკი აწერს ხელს, არ არის უშუალოდ მისი დანერილი და, ბუნებრივია, ავტორის არგუმენტაცია ვერ სცდება ფუჭი მაღალფარდოვნების საზღვრებს. მოკლედ, რედაქციისადმი გაგზავნილი წერილი, ფაქტობრივად, ანონიმური და ამიტომ გულგრილად შესრულებულია — რო-

გორც წესი, პოლიციის ჩინები ასე არ იქცევიან. მათ შეიძლება ბლომად სტილისტური, ორთოგრაფიული და გრამატიკული შეცდომები მოუვიდეთ, მაგრამ გულწრფელად წერენ. მართალია, თემა მართლაც საჭირობოროტოა, მაგრამ ანონიმ ავტორთან კამათი უღირსი საქციელია. ჟურნალისტი გრძნობს თავის დიდ უპირატესობას და სავსებით სამართლიანად არ ამწვავებს ვითარებას.

ამას, სხვათა შორის, მიხვდა ადრესატიც. მას არც დუელი მოუთხოვია და აღარც კამათი გაუგრძელებია. მივაგოთ კეისარს კეისრისა — იგი ღირსეული ოპონენტი აღმოჩნდა. აქვე იმასაც დავამატებ, რომ **პუბლიცისტური პოლემიკის მიზანი არ არის სისხლის უკანასკნელ წვეთამდე ბრძოლა და გამარჯვებულის უეჭველი გამოვლენა. პოლემიკა მაშინ უნდა შეწყდეს, როცა თქვენ (ჟურნალისტს) შესამჩნევი უპირატესობა გაქვთ, ხოლო თუ გრძნობთ, რომ ცდებით, სასწრაფოდ მოიხადეთ ბოდიში და ამით დაამთავრეთ. ბოდიშის მოხდაც ღირსეული საქციელია.**

**პუბლიცისტური ინფორმაცია.** ეს არის რაიმე მნიშვნელოვანი ინფორმაცია მოკლე კომენტარით. ოღონდ, თუ ამ ინფორმაციის პუბლიცისტურ ჟანრზე მიკუთვნება გასურთ, იგი მართლაც რეზონანსული უნდა იყოს. ავტორმა უნდა შეძლოს ინფორმაციის ისეთი ფორმით მიწოდება, რომ მკითხველი დაინტერესდეს.

პუბლიცისტური ინფორმაციისთვის დამახასიათებელია უკიდურესი ლაკონიურობა. შედარებით მეტი ადგილი უნდა დაეთმოს კომენტარს, თვით ფაქტისთვის ე.წ. „საზოგადოებრივი ჟღერადობის“ მინიჭების მიზნით.

### **ინფორმაცია, რომელიც უკვე მსოფლიომ იცის**

20 მაისს, დაახლოებით დღის თორმეტის ნახევარზე, ჯერ-ჯერობით დაუდგენელმა ბოროტმოქმედებმა ცხინვალი-ჯავის გზაზე, სოფელ კეხვთან ცეცხლი გაუხსნეს ავტომანქანებს, რომლებშიც ოსი ეროვნების მოქალაქეები, ძირითადად, ქალები და ბავშვები იხსნდნენ.

შედეგი შემზარავია — ოფიციალური მონაცემებით, დაიღუპა 32 ადამიანი. არიან მძიმედ დაჭრილები (რუსეთის ტელევიზიის ცნობით, დაიღუპა 50 ადამიანი).

უნდა ვაღიაროთ: ის, რაც 20 მაისს მოხდა, მოულოდნელი არ

ყოფილა. იგი არის შედეგი ბოლო წლებში საქართველოში მიმდინარე ყოვლად უგუნური ნაციონალისტური პოლიტიკისა. გავიხსენოთ, რა ჯიუტად, ხელალებით იქმნებოდა მტრის, მოლაღატის, აგენტის ხატი; რა გულგრილობით ლანძღავდნენ, ლაფს ესროდნენ, ავინროვებდნენ ქართული ინტელიგენციის წარმომადგენლებს; რა მონდომებით უპირისპირებდნენ ერთმანეთს სხვადასხვა პოლიტიკური მრწამსის ადამიანებს, პარტიებს, ქალაქს და სოფელს, მამაკაცს და ქალს, დედას და შვილს..

უკვე რამდენი მაგალითი დაგვიგროვდა ადამიანებით ვაჭრობისა! XX საუკუნის მიწურულს ქართველი კაცი ადამიანს იტაცებს და ფულზე ჰყიდის.

ამას ჩვენ ვაკეთებთ, ქართველები, უდიდესი და უძველესი ცივილიზაციის მემკვიდრე ერი.

სხვას ნურაფერს დავაბრალებთ — ჩვენ, ქართველები ჩვენი ხელით ჯიუტი თავდაჯერებით ვითხრით სამარეს.

დღესაც გაისმის მონოდებები „სისხლის უკანასკნელ წვეთამდე ბრძოლის“ შესახებ. არა, მომხვედური მტრის წინააღმდეგ კი არა, — ჩვენივე ჯიშის, ჩვენივე გვარის, ჩვენივე სისხლის წინააღმდეგ! თურმე, შეგვიძლია, ვიღაცის ფრიად საეჭვო პოლიტიკურ ამბიციებს გადავაყოლოთ ნორმალური ადამიანისთვის ყველაზე სანუკვარი და საფიცარი რამ — სამშობლო.

როცა ამდენი უაზრო შურისძიების, სისხლის ღვრის, ადამიანთა ცოცხლად დაწვის, თუ მსხვერპლად შეწირვის ამბავი გესმის, უნებლიედ გიპყრობს ფიქრი: ჩვენი, ქართველთა ადგილი აღარ არის თანამედროვე მსოფლიოში — ჩვენი ადგილი ისტორიაშია“ **(„დრონის“ ინფორმაცია).**

ეს ინფორმაცია გამოქვეყნდა მაშინ, როცა საქართველოში ყოვლად გაუგონარი და ქართული სინამდვილისთვის სრულიად უცხო ქსენოფობია მძვინვარებდა. ბუნებრივია, მას უმძაფრესი რეაქცია მოჰყვა, როგორც ხელისუფლების, ისე ოფიციალის მხრიდან: ამ ინფორმაციის ავტორი არის ქართველი ერის მოსისხლე მტერი, რუსეთის სპეცსამსახურების აგენტი, ერის მოღალატე, სისხლის სამართლის დამნაშავე და ა.შ. პოლემიკაში მონაწილეობდა მასობრივი ინფორმაციის უკლებლივ ყველა საშუალება და საზოგადოების თითქმის ყველა ფენის წარმომადგენელი — ე. წ. ელიტური ინტელიგენტიდან დაწყებული, ცხინვალელი ლტოლვილითა და რომელიღაც კოლეჯის მოსწავლით დამთავრებული. ჩემდა გასაოცრად, მათ შორის აღმოჩნდნენ



ჩემი კოლეგებიც, ის ადამიანები, რომლებიც ძალიან კარგად მიცნობდნენ და მეგობრობდნენ კიდეც ჩემთან.

ინფორმაციის გამოქვეყნებიდან ხუთი წლის შემდეგაც კი, ერთ-ერთმა ქართულმა ჟურნალმა გამოაქვეყნა ვრცელი სტატია, სადაც ამ პუბლიცისტური ინფორმაციის ავტორი მოხსენიებული იყო ქვეყნის დამაქცევრად და პრეზიდენტ გამსახურდიას ერთ-ერთ მკვლელად.

მას შემდეგ დიდი დრო გავიდა. ქვეყანა დაწყნარდა და ახლა იმ ბრალდებების გამეორება თავში აღარავის მოუვა. ჩემი განმარტებული მისხვნილი საკუთარ შეცდომას და ბევრმა ბოდიშიც მოიხადა. ასეც უნდა მომხდარიყო, მაგრამ წარმოიდგინეთ საკუთარი თავი ავტორის ადგილზე.

**ასეთია ცხოვრება — ზოგჯერ იქნებ დაუმსახურებლად გაქონ, ზოგჯერ, ასევე დაუმსახურებლად გლანძღონ. ჟურნალისტი ყველაფრისთვის მზად უნდა იყოს.**

**პუბლიცისტური ჩანახატი.** ეს არის ჩანახატის ფორმის პუბლიცისტური ჟანრის ნაშრომი. ამგვარი ნაშრომები, ძირითადად, სოციალურ თემებზე იქმნება და, როგორც წესი, მკითხველს ცრემლს მოჰგვრის ხოლმე. თუ ასე არ მოხდა, პუბლიცისტური ჩანახატი უმიზნო ან ცუდად შესრულებული ყოფილა. თუმცა, ნაიკითხეთ ეს ნაშრომი და თავად განსაჯეთ, მიაღწია თუ არა ავტორმა მიზანს:

...ის იყო გასასვლელისაკენ გავემართე, რომ ვიგრძენი, როგორ აფათურებდა ხელს ვილაცა ჩემს უკვე დაცარიელებულ ჯიბეში. ხელი ხელში ვტაცე და მივბრუნდი: საკმაოდ სიმპათიურად ჩაცმული, წვერგაპარსული შუახნის მამაკაცი საცოდავი გამომეტყველებით მიყურებდა.

— არა გრცხვენია, ჯიბეში მიძვრები ამხელა კაცი?

სეირის მაყურებლები სწრაფად შეჯგუფდნენ ჩვენს ირგვლივ.

— რა ვქნა... სახლში მელიოდებიან... ორი ბავშვი.. — მძიმედ, სვენებ-სვენებით ამოლერლა.

ვიგრძენი, სიმართლეს მეუბნებოდა.

— წამოდი ერთი, მაჩვენე, რა დამშეული ბავშვები გელიოდებიან. ტყუილი რომ გამოდგეს, შენ თავს დააბრალებ!

გუნებანამხდარი დამმორჩილდა და გამომყვა. მანქანამდე ხმა არ ამოუღია. როგორც კი ჩავსხედით, მისამართი მითხრა და არც მერე გაუცია ხმა...

რვასართულიანი სახლის ბოლო სართულზე ავედით.

გასაღები გადაატრიალა და კარი შეაღო. შესასვლელში ორი უსუსური არსება იდგა. არაჩვეულებრივად ნათელი და მართალი ორი წყვილი თვალი მომშტერებოდა.

— მამიკო, ეს კაცი შენი ამხანაგია? — ჰკითხა გოგონამ, რომელიც ერთი წლით თუ იქნებოდა უფროსი თავის დაზე.

— ჰო, შვილო.

ბავშვები ოთახში შეცვივდნენ. მეც შეეყევი. სტანდარტულად მოწყობილი ოთახი: მაგიდა, სკამები, ტახტი, ორი სავარძელი. ოთახის კუთხეში, კედელზე, თაბაშირის ჩარჩოში ჩასმული სარკე...

ერთადერთი, რისი ნაკლებობაც ვიგრძენი ირგვლივ გამეფებულ სისუფთავესა და სიღარიბეში, ქალის ხელი იყო.

— ჩემი ცოლი (ამ სიტყვის გამოთქმა ძალიან გაუჭირდა) თურქეთშია, მუშაობს, მაგრამ ჯერჯერობით ფულს ვერ გვიგზავნის, — თითქოს მიმიხვდა აზრებს, — მე... მე... რა თქმა უნდა, არ ვიცივეი სწორად, მაგრამ, დამიჯერეთ, ამდენ მათხოვრობას და ვალებს ველარ ავუდივარ. როგორც გინდათ, ისე გამიგეთ, თქვენი ნებაა...

სუნთქვაშეკრულმა ჩავირბინე კიბეები, ავტომანქანიდან ჩემი ჩანთა გამოვათრიე და ქოშინით ავიტანე მერვე სართულზე... შესასვლელში როგორც დავტოვე, ისევე იდგნენ.

— თოვლის ბაბუა მოვიდა! — როგორც შემეძლო მხიარულად ვთქვი, ჩანთა დავდე და გამოვბრუნდი.

კარი ნუციკომ გამიღო, ჩემმა ხუთი წლის გოგონამ.

— მამა, არაფერი მოგიტანია? — გაოცებულმა მკითხა.

— არა, შვილო, დღეს თოვლის ბაბუა სხვასთან მივიდა!

**(„ტფილისის უწყებანის“ ინფორმაცია).**

ავტორს სურდა მკითხველისთვის დაენახვებინა ქვეყნის სოციალური კატასტროფა. დაუკვირდით „ქურდის“ ნათქვამს: **„ჩემი ცოლი (ამ სიტყვის გამოთქმა ძალიან გაუჭირდა) თურქეთშია, მუშაობს, მაგრამ, ჯერჯერობით, ფულს ვერ გვიგზავნის“.**

თავად ამ სიტყვების მთქმელისა არ იყოს, მეც ძალიან მიჭირს, მაგრამ მაინც თქმა სჯობს: იმ პერიოდში, უკიდურესი გაჭირვების გამო ქართველი ქალები მართლაც ხშირად მიდიოდნენ სამუშაოდ მეზობელ თურქეთში. ეს „სამუშაო“, ძირითადად, იყო ძველმანებით ვაჭრობა და... მეძავობა. იმ ხანდაზმული, სიმპათიური კაცის ცოლი და იმ „ორი უსუსური არსების“ დედა ცხოვრებამ

აიძულა თურქეთში ეძებნა ბედი. სამწუხაროდ, უშედეგოდ, გვამცნობს ავტორი („ჯერჯერობით ფულს ვერ გვიგზავნის“).

თუმცა, ბოლო მაინც ბედნიერია — მშვიერ ბავშვებთან თოვლის ბაბუა მიდის — სოციალურმა სიდუხჭირემ ვერ მოკლა ადამიანობა.

ჩემი აზრით, ეს არის ამ პატარა ჩანახატის დედააზრი.

ასეთი რამ რომ დაწეროთ, ყველაფერი ეს უნდა ნახოთ და უნდა განიცადოთ. იმაზე აღარაფერს ვამბობ, რომ დიდი ოსტატობაცაა საჭირო.

### ირონიული პუბლიცისტიკა

ჟურნალისტიკაში ხშირად იქმნება ვითარება, როცა მკითხველზე ემოციური ზემოქმედების საშუალება ავტორების სწორედ ირონიას ირჩევენ. ოღონდ, ძალიან ფაქიზი და წინდახედული მოქმედება, ძალიან დიდი სიფრთხილეა საჭირო, რომ კეთილგანწყობილი ირონია ცინიზმში არ გადაიზარდოს, მსუბუქი იუმორი — დაცინვაში, ნაკლის აღნიშვნა — შეურაცხყოფაში, გაუგებრობა — საჯარო ცილისწამებაში. კაცმა რომ თქვას, თქვენს ნაშრომში შეგიძლიათ მართლაც მწარედ დასცინოთ პირობით ოპონენტს, მაგრამ ნუ დაგავიწყდებათ, რომ არსებობს სახელმწიფო, სადაც ჟურნალისტური ეთიკის ნორმების გარდა მოქმედებს სისხლის სამართლის კანონმდებლობა, რომელიც იცავს ადამიანის კანონიერ უფლებებს. ამიტომ თქვენი ოდნავი გადაჭარბება, ანუ, როგორც კახელები იტყვიან, „დაუკრეფავში გადასვლა“, შესაძლოა, სავალალოდ დამთავრდეს.

მართალია, ზემოთ ვთქვი, გაზეთი ერთი დღე ცოცხლობს — მეთქი, მაგრამ თქვენი განზრახ ნამოქმედარი თუ უნებლიე შეცდომა იმ ერთდღიან გაზეთში იქნებ სასამართლოებში მრავალთვიანი მსჯელობითაც ვერ გამოსწორდეს.

თქვენი მომავალი პუბლიცისტური ნაშრომისთვის ფორმის შერჩევა მხოლოდ თქვენი პრეროგატივაა — ასეთ დავალებას დედამიწაზე არც ერთი რედაქტორი არ იძლევა! ამიტომ, თუ ბენვის ხიდზე გავლა გეეჭვებათ, ნუ გაირთულებთ ცხოვრებას, ნუ დადებთ სასწორზე თქვენს ჟურნალისტურ რეპუტაციას — აკეთეთ ისე, როგორც იცით, როგორც შეგიძლიათ.

ამქვეყნად უამრავი ცოდვა-ბრალი ტრიალებს და უამრავი

ისეთი რამეც ხდება, ყურადღების ღირსი რომ არ არის. ირონიის საგნად ზოგჯერ ძალზე უმნიშვნელო მოვლენას ან უმნიშვნელო პიროვნებას ირჩევენ. ეს არის შეცდომა. ირონია არის გამანადგურებელი იარაღი ჭკვიანი და ნიჭიერი კაცის ხელში. როცა საზოგადოებისთვის არაფრისმთქმელ ფაქტზე, ან ყოვლად უმნიშვნელო ადამიანზე, თუნდაც უდახვეწილესი იუმორით, რაიმეს დანერთ, ეს ბელურებზე ზარბაზნებით ნადირობას ჰგავს და სერიოზულ ჟურნალისტს არ ეკადრება. სხვა საქმეა, ვინ შეაფასებს მნიშვნელობის ხარისხს, ანუ ზუსტად ვინ განსაზღვრავს, რა (ვინ) არის მნიშვნელოვანი და რა (ვინ) — არა. რთული პრობლემაა, მაგრამ გამოსავალი არის. მაგალითად, ასეთი: **სანამ ამ ურთულეს ჟანრს შეექიდებოდეთ, კარგად დაფიქრდით, შეძლებთ თუ არა ასე მძიმე ტვირთის აწევას.**

ახლა იმაზეც დაფიქრდეთ, რა შეიძლება მოხდეს თქვენი უმშვენიერესი ნაწარმოების გამოქვეყნების შემდეგ. უფრო ზუსტად — გამოქვეყნებისთანავე.

არ არის გამორიცხული, რომ შეგაქონ კიდევ — წარმოიდგინეთ, ჟურნალისტიკაში ასეთი რამეებიც ხდება! მაგრამ უფრო ხშირად ხდება სხვა რამ — თქვენი შესანიშნავი პუბლიცისტიური ნაშრომისა და ყოვლად კეთილშობილური განზრახვის გამო ლანძღვა-გინების ისეთ კორიანტელს მიიღებთ, „სიზმრადაც რომ არ მოგლანდებიათ.“ რას იზამთ, ადამიანების უმრავლესობას იუმორის გრძნობა ან არა აქვს, ან ძალიან დაჩლუნგებული აქვს. თუ ირონიაზე ლანძღვით გპასუხობენ, უნდა მოითმინოთ, ან შეურაცხმყოფელს სასამართლოში უჩივლოთ. ასეთ ოპონენტთან პრესაში კამათს არავითარი აზრი არა აქვს — უეჭველად დამარცხდებით.

ირონია, მისი სიმწარის მიუხედავად, შეიძლება იყოს და უნდა იყოს კიდევ კეთილგანწყობილი — ოპონენტის მოქმედებაში (ნაშრომში) თქვენ მწარედ დასცინით მთავარს და გულთბილად და ყოვლად სერიოზულად მოიხსენიებთ მეორეხარისხოვანს. იმის გარდა, რომ ამით მონინაალმდევის ერთგვარ სიმპათიას იმსახურებთ და მკითხველში ობიექტური კაცის სახელს იხვეჭთ, უკან დასახვევ გზასაც იტოვებთ.

არსებობს მეორე გზაც — ოპონენტის მოქმედებაში რაციონალურს ვერაფერს ხედავთ, ან არ გინდათ დაინახოთ. ამიტომ „ქვას ქვაზე არ ტოვებთ“, ყველა ხიდს წვავთ და უკან დასახვევ ყველა გზას იჭრით. დავარქვათ ამას პირობითად „ბოროტი ირო-

ნია“. ნუ გაგიკვირდებათ — ზოგიერთი მოვლენა და ზოგიერთი ავტორი ალაღად იმსახურებს „ბოროტ“, გამანადგურებელ პუბლიცისტური ჟანრის კომენტარს.

ახლა მაგალითებსაც შემოგთავაზებთ. ჯერ „კეთილგანწყობილი“ ირონიული პუბლიცისტიკისა, შემდეგ — „ბოროტისა“.

### **გრუპენლექსი და თანამედროვე ქართული ავანგარდული ლიტერატურა**

სოფლის ბოლოში კი ტურები ყმუიან ნაზად... (ლექსიდან „სიკვდილის ჰიმნი“)

ლიტერატურის მოყვარულებს საქმე მისალოცად აქვთ: ჯერ კიდევ 1994 წელს თბილისის ივანე ჯავახიშვილის\* სახელობის უნივერსიტეტში ისტორიის ფაკულტეტის სტუდენტის, სერგი ლომაძის ინიციატივით ჩამოყალიბებულა ლექს-ჯგუფი „დემონი“, რომელიც ლიტერატურაში უზარმაზარი რეფორმის გატარებას გვპირდება. თუმცა, რეფორმა რას მიქვია, „ჩვენ შოთა რუსთაველი უნდა შეეცვალოთ, საიდუმლო ლიტერატურა გვაქვს, იმას მალე გამოვაქვეყნებთ და მერე ნახეთო“, — ბრძანა ჩვენს კორესპონდენტთან საუბარში ლექს-ჯგუფის ხელმძღვანელმა.

საიდუმლო ლიტერატურის გამოქვეყნებამდე კი ლექს-ჯგუფმა გამოსცა წიგნი „დემონის მოვლინება“. აქ არის ლექსებიც, მოთხრობებიც, რომანებიც. მოკლედ, წიგნი ლიტერატურის მოყვარულებს თუ სრულს არა, ნაწილობრივ წარმოდგენას მაინც შეუქმნის დემონელების ჯგუფურ შემოქმედებაზე.

მე, რა თქმა უნდა, ვერ გავბედავ ლექს-ჯგუფის წევრთა და წევრ-კორესპონდენტთა შემოქმედების დახასიათებას. შემოგთავაზებთ ორიოდ ციტატას წიგნის წინასიტყვაობიდან:

**„იგი (კახა ბაციკაძე) თავისი ლექსების გარანდვაზე არ ზრუნავს, — ეს არის ფორმით დაუმუშავებელი, არადამაკმაყოფილებლად გართმული პოეტური ნიმუშები, მაგრამ მათში უნიკალურადაა გამოყენებული საოცარი ხილვები, რომელნიც მიილტვიან სიყვარულის აპოთეოზისაკენ და ცაში გადაზრდილნი მარადისობას ერთვიან“.**

აქ რომ კახა ბაციკაძე არ იყოს ნახსენები, ვიფიქრებდი, ეს სიტყვები, ალბათ, ზურიკელა ვაშალომიძემ მისწერა თავის მერისმეთქი.

გრუპპენლექსის (ლექს-ჯგუფის) მამას განსაკუთრებით მოსწონს კახას ლექსები „სიკვდილის ჰიმნი“ და „დაე იმეფოს ქვეყნად დემონმა“...

გთავაზობთ ერთ პასაჟს სერგი ლომაძის აღმაფრთოვანებელი ლექსიდან „სიკვდილის ჰიმნი“: **„საფლავები იხსნება, ამოდიან ახდელი კუბოები გვამებით და დაფრინავენ ჰაერში. ვირთხები მისევიან სხეულის მიმოფანტულ ნაწილებს, რათა გამონოვონ რაც შეიძლება ბევრი სისხლი და გაიბერონ გაუმადლარი მუცელი...“**

ლექსისა რა მოგახსენოთ, მაგრამ კახა, ჩემი აზრით, ვერ ერკვევა მედიცინაში — ვირთხები გვამებს სისხლს წოვენო, რომ ამბობს, ამას, აბა, დემონელების გარდა რომელი პოეტი დაიჯერებს!

სერგი ლომაძე: „პოეტი არ დაკმაყოფილდა მარტო ლექსებით. იგი პროზის საზღვრებშიც შეიჭრა. აქ კახამ შექმნა ორი შედეგრი: პირველი — „სილურჯე“ — განდიდება სწორუპოვარი სიყვარულისა, და მეორე — „აღფრედი — ადამიანი, რომლის ცხოვრებაც ლეგენდად იქცა“.

მე ყურადღებით წავიკითხე ორივე შედეგრი (ამას დაახლოებით 10-12 წუთი სჭირდება) და შემიძლია თამამად მოგახსენოთ, რომ კახას ამ ნაწარმოებებში არის ყველაფერი: სიყვარული პირველი დანახვისთანავე, შავი ვარდების კონა, ალერსი, სატრფოს მოულოდნელი სიკვდილი, საფეთქელზე მიბჯენილი დამბაჩა, ატირებული ქვა და მისთანანი: „შორს მოვისროლე იარაღი და ტირილით დავემხე მიწას. გამახსენდა მისი სიტყვები: „ნეტავი თოლიები ვიყოთ!.. გავფრინდებოდით სადმე შორს, ყველაზე კარგ ადგილას, სადაც შესაძლებელია სიმშვიდისა და მყუდროების პოვნა. ვიცხოვრებდით ჩვენთვის ბედნიერად და დროს მხოლოდ ერთმანეთის სიყვარულში გავატარებდით...“

ოჰ, რა მშვენიერი და გულისამაჩუყებელი სიტყვებია, მაგრამ ისინი ხომ უკვე დიდი ხანია უთხრა თამუნამ ქრისტეფორეს (ელდარ შენგელაიას ფილმში „შერეკილები“).

მსოფლიო ლიტერატურის ისტორია ჯგუფური შემოქმედების არც ისე ბევრ მაგალითს იცნობს: ძმები გრიმები, ილფი და პეტროვი, მარქსი და ენგელსი... შოთა რუსთაველიც, დავით გურამიშვილიც\*, ვაჟაც და გალაკტიონიც\* ინდივიდუალისტები იყვნენ. ერთობლივად შეიძლება დაინეროს კოლექტიური საჩივარი სახლმმართველობაში, ღია წერილი პრეზიდენტისადმი, სა-

სამართლოს განაჩენიც კი, მაგრამ არა ლიტერატურული ნაწარმოები. „დემონელების“ ჯგუფური პოეზია გაუკუღმართებული ლექსუალური ურთიერთობების შთაბეჭდილებას ტოვებს და არა ავანგარდიზმისა, როგორც ეს გრუბპენლექსის მოყვარულებს წარმოუდგენიათ.

წიგნს ახლავს პოეტ ზაურ კალანდიას ბოლოსიტყვა. ბატონი ზაური, ეტყობა, დიდხანს ეკამათა „ავანგარდისტებს“, მაგრამ ვერაფერში დაარწმუნა. „წიგნში, ქვიშა-შლამთან ერთად ოქროს ნამცეცებია უხვად გაბნეული, ანუ ნამდვილი პოეზიაც და ეს მანერინებს ამ ბოლოსიტყვასო“, ბრძანებს ზაურ კალანდია და მართალსაც ბრძანებს. ეს სიტყვებიც ამ წიგნიდანაა: „ტყეში სალამო მოდის, ფრთებით დაბურავს ბილიკს, დაღონებული ქოტი იწყებს ხეებთან ქილიკს“.

სამწუხაროდ, არ ვიცი, რომელ „დემონს“ ვუთხრა მადლობა ამ მშვენიერი ლექსისთვის („ტყეში“).

სამართლიანობისთვის ისიც უნდა ითქვას, რომ რუსთაველის „დამმარხველ“ პოეტებს ნაკითხული უნდა ჰქონდეთ ვაჟაფშაველას, გალაკტიონის, ტერენტი გრანელის\* ლექსები და გიდე მოჰასანის\* რომელიმე რომანიც კი (**„ტფილისის უწყებანის“ ინფორმაცია**).

ირონიული პუბლიცისტიკის ნიმუში, რომელსაც ახლა შემოგთავაზებთ, ეკუთვნის ჩემს მეგობარს, გურამ შამანიდს. იგი შესანიშნავი ექიმი, ქირურგი. ჟურნალისტიკაში არასოდეს უმუშავია. „დანვი სვეტიცხოველი...“ მისი პირველი ჟურნალისტური ნაშრომი და... ირონიული („ბოროტი“) პუბლიცისტიკის ნიმუშია.

გურამმა შემდეგ კიდევ ბევრჯერ დაამტკიცა, რომ მისი პირველი პუბლიკაცია ციდან არ ჩამოვარდნილა, რომ მას მართლაც მოსდევს ძალა ქადილისა. თუმცა, მისი მაგალითი მაინცდამაინც მისაბაძი არ უნდა იყოს — იმ ასაკში, როცა გურამ შამანიდმა პუბლიცისტიკაში ძალების მოსინჯვა დაიწყო, ჟურნალისტები, როგორც წესი, აქტიურ საქმიანობას თავს ანებებენ და რომანების ან მემუარების წერას იწყებენ. ეს ისე ვთქვი, ჩემი ძველი მეგობრის გასაღიზიანებლად. ახლა კი დაპირებული მაგალითი, რომელიც მეოცე საუკუნის მინურულს საქართველოს ერთ-ერთ უმწავეს საკითხს, ეროვნულობას ეხება. უფრო ზუსტად, ავტორი სავსებით სამართლიანად აკრიტიკებს ცრუ-პატრიოტიზმს.

## დანვი სვეტიცხოველი — ერი დაგიმასხოვრებს

ლია წერილი შაროს შამოსგან

ჩემი გურული ბებია ამბობდა: — ვიტყვი — ცუდი ვარ, არადა, გავსკდი გულზეო. ჰოდა, გულზე რომ არ გავსკდე, რამდენიმე სიტყვა უნდა ვუთხრა ჩემს განსწავლულ სეხნიას, გურამ შარაძეს.

ალარ მოგბეზრდა, კაცო, ამდენი დავა და ჩხუბი? სხვა საქმე არა გაქვს დეპუტატ კაცს? თუ მაინცდამაინც უნდა გაგლახოს ვილაცამ?

ან რა პრობლემები განუხებს? ჯერ იყო და, ალიაქოთი ატეხე: არიქა, სომეხს პასპორტში სომეხი ჩავუწეროთო. მერე — ჩვენი რელიკვიები არავის ვანახოთო. ახლა იელოველებს დაერიე და განყვეტას უპირებ.

გეყო რა, კაცო! ნუ გადაჭამე ამ ქართველობით და ქრისტიანობით ქვეყანას თავი!

ვითომ ერის შენარჩუნებაზე რომ ფიქრობ, პროფესორმა კაცმა ხომ უნდა იცოდე, რომ ყველამ, ვისაც თავისი ჯიში და ჯილაგი არ უყვარს, უკვე დიდი ხანია გამოიცვალა გვარი და ბაგრატიონი თუ არა, დადიანი მაინც გახდა?

ჩანერე შარო! რაც შენ გსურს, ის ჩანერე პასპორტებში! გინდ ჩინელი ჩამინერე. მე ვისაც ვუყვარვარ, მაინც ვეყვარები და კვლავაც სოლოლაკელი შამო ვიქნები.

რა გააჭირე საქმე ამ „არაქართველებით“? გამაგებინე ერთი, ვინ არიან ეს არაქართველები? ნუთუ ვერ უნდა გაიგო, შე სწავლულო, შენა, რომ სომეხი, რუსი, აზერბაიჯანელი და ბერძენი — სომეხი, რუსი, აზერბაიჯანელი და ბერძენია და არავითარ შემთხვევაში — „არაქართველი“. ველარ უნდა გაიგო, რომ ამ სიტყვამ დააქცია საქართველო?

სანამ შენაირები არ დაივინყებენ სიტყვა „არაქართველს“, მანამ იქნება საქართველოში სეპარატიზმიც, ცენტრიდანული მოძრაობაც და სხვა ათასი უბედურებაც.

შენ თუ მოგწონს „Лицо кавказской национальности“-ს რომ გეძახიან? ასე ღიზიანდება სხვაც, როდესაც დადგები და ბერძენს, რუსს, სომეხს „არაქართველს“ უწოდებ, შე დემოკრატო, შენა!

როგორ ფიქრობ, რა უნდა მენეროს პასპორტში მე, თბილისში დაბადებულს, იმერელი დედის, გურული ბებიის, კახელი ცო-



ლის, მეგრელი რძლის, იმერელი სიძის, ორი ბერძენი და ერთი ქართველი შვილიშვილის პატრონს, ღომზე და სულგუნზე გაზრდილს, ქართულად განათლება მიღებულ სოლოლაკელ ბერძენს, ვისი მშობლიური ენაც ქართულია?

ათასნაირად განმარტეთ ეროვნების ცნება ჩვენმა მეცნიერებმა, მაგრამ არც ერთს არ გაგხსენებიათ დიდი რუსი მეცნიერი ვლადიმერ დალი (რომელსაც არც მამა ჰყავდა რუსი და არც დედა): „ადამიანი იმ ეროვნებას ეკუთვნის, რა ენაზეც ფიქრობს და რა ენაზეც სიზმარს ხედავს“. იქნებ ვაცალოთ ხალხს სიზმარი იმ ენაზე ნახოს, რომელზეც ესიზმრება? თუ, შენი სეხნია პეტრიაშვილივით, გსურს მოელანდო ხალხს სიზმარში და სომეხს სიზმრის ქართულად ნახვა აუკრძალო? იქნებ მივცეთ საშუალება ადამიანს თვითონ განსაზღვროს თავისი ეროვნება პასპორტის მიღებისას, რომ შენი და შენნაირების შიშით აღარ იცვალოს ხალხმა გვარი?

სულ არ მინდა, ბატონო, პასპორტი!

არსადაც არ მივდივარ!

აქ, ჩემს სამშობლოში უნდა მოვკვდე და სანამ მოვკვდები, გულზე გაგხეთქავ იმიტომ, რომ ჩემია ეს საქართველო!

ახლა იელოველების შესახებ.

შენნაირ ნასწავლ კაცთან (თანაც დოკუმენტები გაყრია ჯონჯოლივით) ეს მეორე ხარისხის ადამიანი (შენი აზრით, შე აზრიანო, შენა) პოლემიკას როგორ დავინყებ, მხოლოდ ერთს ვიტყვი: პილატეს ქრისტე რომ არ ენამებინა, შესაძლოა, ქრისტიანობა დღეს არავის გახსენებოდა. რომ არა ჯვაროსნული ლაშქრობები, შესაძლოა, ისლამი არ ყოფილიყო დღეს ასე ძლიერი...

ამგვარი ლოზუნგებით გინდა ერის გაერთიანება, შე პატრიოტო, შენა? არ გამოგვივა, გენა, არა. იმიტომ, რომ არ გივარგა იდეოლოგია. თვითონ არ იცი, რა გინდა (დეპუტატობის გარდა). იქნებ კვალი გინდა დატოვო საქართველოს ისტორიაში? შენნაირი გაქანების კაცი რომ ერმა დაიმახსოვროს, სულ ცოტა, სვეტიცხოველი უნდა დანვა\*... შე ჰეროსტრატე, შენა.

ეროვნებით თბილისელი,

შენი სეხნია გურამ შამანიდი (შამო) (**„დრონის“ ინფორმაცია**).

იმ დროს „დრონის“ რედაქციაში ვმუშაობდი და დანამდვილებით ვიცი, რომ გურამ შამანიდის წერილის ადრესატმა თავი ისე დაიჭირა, თითქოს არაფერი მომხდარიყო — არავითარი პა-

სუხის გაცემის მცდელობა! პროფესორმა შარაძემ მშვენივრად იცოდა, რომ მისი არგუმენტები მხოლოდ ბრბოს უვიცობაზე იყო გაანგარიშებული და სერიოზულ კრიტიკას ვერ გაუძლებდა. მისი „პატრიოტული“ აქციების ერთადერთი მიზანი იაფი პოპულარობის მოხვეჭა იყო. ამიტომაც ბატონ პროფესორს მისი მოღვაწეობის წინააღმდეგ მიმართულ თითქმის არც ერთ სერიოზულ კრიტიკაზე პასუხი არ გაუცია.

სანაქებო საქციელია, თანაც, ამით იგი ოპონენტების განიარაღებას ახერხებდა.

კიდევ ერთხელ ვიმეორებ, ჟურნალისტური პუბლიცისტიკის ფორმებზე (ჩანახატი, ნარკვევი, ინტერვიუ, სტატია, ინფორმაცია, პოლემიკა...) საუბარი პირობითია. ანუ არ არსებობს რაიმე მკაცრად დადგენილი საზღვრები, რომლის გადალახვა არ შეიძლებოდა.

ახლა ორიოდ სიტყვა ჟურნალისტური პუბლიცისტიკის შინაარსობრივ მხარეზეც.

ამ ჟანრის ნაშრომები, შინაარსის მიხედვით, შეიძლება ასე დავაღაგოთ:

**პოლიტიკური პუბლიცისტიკა;**

**მეცნიერული პუბლიცისტიკა;**

**სოციალური პუბლიცისტიკა;**

**უმიზნო, ანუ ცრუ პუბლიცისტიკა.**

## **პოლიტიკური პუბლიცისტიკა**

მისი განსაზღვრებიდანაც ჩანს, რომ ამგვარ პუბლიცისტურ ნაშრომს პოლიტიკური სარჩული უდევს. შეიძლება თამამად ითქვას, რომ 1985 წლიდან, ანუ ე.წ. „პერესტროიკის“ ეპოქიდან მოყოლებული, მსოფლიო სოციალისტურ სისტემაში, ამ სიტყვის პირდაპირი გაგებით, აყვავდა პოლიტიკური პუბლიცისტიკა. „აყვავებულთა“ შორის, რა თქმა უნდა, ერთ-ერთი „მონინავე“ საქართველოც იყო.

თავისთავად, პოლიტიკური პუბლიცისტიკა ძალიან ფართო ცნებაა. აქ იგულისხმება სახელისუფლო, ოპოზიციური, საშინაო, საგარეო, ეკონომიკური, კულტურული და ა.შ. პოლიტიკა. ჩამოთვლილი სფეროები შეგვიძლია კიდევ უფრო დავაკონკრეტოთ, მიღებული — კიდევ დავაკონკრეტოთ და ასე შემდეგ.

მაგრამ, ვფიქრობ, ასე დანვრილმანება აუცილებელი არ უნდა იყოს, ყოველ შემთხვევაში, იმ ადამიანისთვის, ვინც თუნდაც ეს ნიგნი ამ გვერდამდე წაიკითხა.

პოლიტიკური პუბლიცისტიკის უსაზღვრო პოპულარობა მსოფლიო პოლიტიკური სისტემის ძირფესვიანმა რეორგანიზაციამ გამოიწვია. ოთხმოციანი წლების შუაში დეკლარირებულ სიტყვის თავისუფლებას უზარმაზარი მსოფლიო სოციალისტური სისტემის რღვევა მოჰყვა. შეიცვალა აზროვნების კრიტერიუმები. ის, რაც ჯერ კიდევ გუშინ ურყევ ჭეშმარიტებად მიაჩნდათ (მაგალითად, ლენინიზმი, ან წარმოების სოციალისტური წესი), დღეს ყოვლად ჩვეულებრივი სიცრუე და დემაგოგია აღმოჩნდა. ბუნებრივია, გამოჩნდნენ პუბლიცისტები, რომლებიც სიახლის გააზრებას, უხეშად რომ ვთქვათ, „მასებამდე დაყვანას“ ცდილობდნენ და ისინიც, ვინც ამ სიახლეს თავგამოდებით ეწინააღმდეგებოდნენ.

პოლიტიკური პუბლიცისტიკის უმთავრესი მიზანი და დანიშნულება საზოგადოების სწორი პოლიტიკური ორიენტაციის ჩამოყალიბებაა. ჯერ კიდევ გუშინ ერთპარტიულ საქართველოში, თავისუფლების პირველივე წელიწადს 150-მდე პოლიტიკური პარტია და, შესაბამისად, „ქვეყნის გადარჩენის“ ამდენივე კონცეფცია გაჩნდა. ამან, ბუნებრივია, უკიდურესად დააბნია 70 წლის განმავლობაში პოლიტიკურ ცხოვრებას ჩამოშორებული საზოგადოება. ეს აისახა ქვეყნის პოლიტიკური ხელმძღვანელების მოქმედებაზეც. ძალიან ხშირად ეს მოქმედება არსებული სინამდვილისადმი არაადეკვატურ დამოკიდებულებაში გამოიხატებოდა. საზოგადოებაში, მის ელიტარულ ნაწილშიც კი გაიღვიძა ქვენა, ცრუ-პატრიოტულმა გრძნობებმა — შოვინიზმმა, ქსენოფობიამ, ნაციონალიზმმა (ამ ტერმინის ყველაზე უხამსი გაგებით), სისასტიკემ, თავაშვებულობამ...

რა თქმა უნდა, მაშინვე დადგა ამ ანტისაზოგადოებრივ მოვლენებთან ბრძოლის აუცილებლობაც. უფრო ზუსტად, ბრძოლის იდეოლოგიური საფუძვლის შექმნის აუცილებლობა.

სწორედ მწვავე პოლიტიკურმა პრობლემატიკამ შვა მწვავე, მაგრამ ზოგჯერ ბრწყინვალე პოლიტიკური პუბლიცისტიკის ნიმუშები. და ასე იქნება მუდამ, ვიდრე საზოგადოებაში იქნება პოლიტიკური პრობლემები. ანუ ასე იქნება მუდამ, ვიდრე სახელმწიფო იარსებებს.

## ჩვენ ვაკანონებდით უზნეობას

მკვდრის აჩრდილთან ვინ იცინის,  
მკვდრის აჩრდილთან ვინ იხუმრებს?

### გალაკტიონი

ზნეობა და ვკარგეთ.

იგი მრავალი წლის განმავლობაში ნელ-ნელა, შეუმჩნევლად გვეცლებოდა ხელიდან და ყურადღებას არ ვაქცევდით. გვეგონა, დანაკარგი არც ისე მნიშვნელოვანი იყო და ეროვნული ხელისუფლების გამარჯვებისთანავე ყველაფერი თავის ადგილას დადგებოდა.

გავბედავ შეგახსენოთ, რა აღვირახსნილი ანტიოსური და ანტიოფხაზური კამპანიები მიმდინარეობდა ქართულ პრესაში. სამნუხაროდ, ჩვენს შორის არ აღმოჩნდა კაცი, ვინც წინ აღუდგებოდა ამ უგუნურებას. შედეგი ცნობილია — ცივილიზებული მსოფლიოს წინაშე ჩვენ, უძველესი კულტურის მატარებელი ქართველი ხალხი წარვდექით მჩაგვრელებად, მკვლელებად, ბარბაროსებად. ამ შემთხვევაში არა აქვს მნიშვნელობა, ვის მხარეს იყო სიმაართლე. მთავარია, რომ ჩვენ (ანუ ჩვენმა ხელისუფლებამ) ვერ მოვახერხეთ და არც მოვიხდომეთ პრობლემის ცივილიზებული, ადამიანური მეთოდებით გადაჭრა. ჩვენ ნავუყრუეთ არაქართველთა (განსაკუთრებით, ოსთა) დევნას საქართველოში. მათ ბინებიდან ასახლებდნენ, სამსახურიდან ითხოვდნენ, საქართველოს ტერიტორიიდან აძევებდნენ. ჩვენ კი ვდუმდით. გვეგონა, ყველაფერი ამით დამთავრდებოდა და უზნეობის მსახვრალი ხელი ჩვენ არ შეგვეხებოდა. თავს ვიმაართლებდით, რომ „ქართველთა ისტორიულმა მტერმა“ დაიმსახურა ასეთი მოპყრობა.

მაინცდამაინც არც მაშინ აღვშფოთებულვართ, როცა ქართველთა რაღაც მსოფლიო ისტორიულ მისიაზე დაიწყო ლაპარაკი; როცა კაცი, პრეზიდენტი, რომელსაც ჯერაც არაფერი შეექმნა სასიკეთო, მესიად, ღმერთად გამოვაცხადეთ; როცა დავაფუძნეთ ყავისფერი ორგანიზაცია — „ეროვნული იდეოლოგიის ასოციაცია“; როცა პირველად საჯაროდ დავიწყეთ პრეზიდენტისადმი სიყვარულის ახსნა (მერე შეჯიბრებაში რომ გადაიზარდა); როცა ქუჩებს და მოედნებს, მთელ საქართველოს მოედო ერთსულოვანი ოვაციები: „ზვი-ა-დი!“ „ზვი-ა-დი!“ როცა მინისტრებად უვიც და საეჭვო რეპუტაციის ადამიანებს ვნიშნავდით...

ჩვენ ვაკანონებდით უზნეობას.

ვხედავდით, რა კატეგორიის ხალხი ეტმასნებოდა ხელისუფლებას და მაინც მშვიდად ვიყავით. ახლა ვგრძნობთ, რომ მაშინ ვცდებოდით, მაგრამ კვლავ მშვიდად ვუყურებთ, როგორ ეტმასნება იგივე ხალხი ახალ ხელისუფლებას. ვხედავთ, რა პრეტენზიები აქვთ უღირს ადამიანებს, მაგრამ პირში წყალს ვიგუბებთ — ვაითუ, რამე მოხდეს!

ის ადამიანები, გუშინ რომ დითირამბებს უმღეროდნენ კომპარტიას, სასწრაფოდ „გადაენყვინენ“ პრეზიდენტ გამსახურდიას ჰანგზე, ახლა კი აშკარად, სინდისის ქენჯნის გარეშე თვალებში შესცივინებენ დროებით მთავრობას და სამხედრო საბჭოს. ვიცი, ისინი გაიტანენ თავისას და ჩვენ კვლავ გავჩუმდებით, ვიდრე სასიკვდილო საფრთხეს არ დავინახავთ.

ნურავის ნურაფერს ნუ დავაბრალებთ: უზნეობას ჩვენ თვითონ ვუნყობდით ხელს.

უკვე გაისმის დამარცხებული პრეზიდენტის კრიტიკა და ძაგება, საკუთარ „დამსახურებათა“ წარმოჩენა იმისგან, ვინც, ზნეობა რომ ჰქონდეს, ხმის ამოლებას ვერ უნდა ბედავდეს.

გამარჯვებული ოპოზიცია უკვე ხელისუფლებად იქცა და იგი იწყებს იმ პირთა ვინაობის გარკვევას, ვისაც დაეკისრება პასუხისმგებლობა მომხდარის გამო. პასუხისმგებლობის დაკისრება დიხხაც საჭიროა, მაგრამ სად არის გარანტია, რომ ჭეშმარიტების დადგენისა და აღდგენის საბაზით ანგარიშსწორება არ დაიწყება? ღმერთმა ნუ ქნას და, თუ მართლა ასეთი რამ მოხდა, (სხვათა შორის, ამას, ალბათ თავისდა უნებურად, ხელს უწყობენ ყოფილი პრეზიდენტის თავგადაკლული მომხრეები), მერე ძნელი იქნება მტყუან-მართლის გარჩევა. ბოდიშს კი ვიხდი, მაგრამ მე არც მორჩილებას შეჩვეული ქართული პრესის იმედი მაქვს და არც ყველა მთავრობის საექვოდ ერთგული ქართული მართლმსაჯულებისა.

უახლოეს მომავალში უეჭველად დაიწყება მომხდარის იურიდიული და პოლიტიკური შეფასების მცდელობაც, ანუ იმის გარკვევა, რა იყო ეს: პუტჩი, სამხედრო გადატრიალება, სახალხო ამბოხი, რევოლუცია თუ სხვა რამ. ჩემი აზრით, ფორმალურად ყველა ამ განსაზღვრების დამტკიცება შესაძლებელია.

რა თქმა უნდა, გამარჯვებულთა იდეოლოგიები შეეცდებიან დაამტკიცონ, რომ ეს იყო სახალხო ამბოხი, რომელმაც დაამხო ტოტალიტარული რეჟიმი. ამგვარი დასკვნის საწინააღმდეგო, ცხადია, არაფერი მაქვს იმის გარდა, რომ, ჩემი აზრით, ამის

გარკვევისთვის თავის შენუხება არ ღირს: არა აქვს არავითარი მნიშვნელობა, რა იყო ეს — ყოფილი პრეზიდენტისთვის ასე საყვარელი „პუტჩი“, გადატრიალება, ამბოხი თუ რევოლუცია. მომხდარის საზოგადოებრივი სარგებლიანობა მომავალმა უნდა გაარკვიოს. თუ ჩვენ შევძლებთ სამართლებრივი, ჰუმანური, ეკონომიკურად ძლიერი სახელმწიფოს აშენებას, მაშინ მართლაც არა აქვს მნიშვნელობა დღეს მომხდარის იურიდიული საფუძვლის გარკვევას. დრო (და არა „დრონი“, როგორც ბრძანებდა ტელეკომენტატორი სოკოლოვი) გამოგვიტანს მსჯავრს. ხოლო თუ ხელისუფლებაში კვლავ მოვა ბატონი გამსახურდია (რაც ძლიერ საეჭვოა), მაშინ ძალზე ბევრს არ ასცდება როზგი და სახრჩობელა; ანუ მომხდარი უთუოდ „პუტჩად“ შეფასდება.

საქართველო ჯერ კიდევ ღელავს და ბობოქრობს. კვლავ გაისმის სროლის ხმა. კვლავ თარეშობენ სხვათა უბედურებაზე ხელის მოთბობის მოტრფიალე კრიმინალური ბანდები. „დემოკრატიისთვის თავდადებული“ მოქალაქეები კვლავ იჭყიტებიან დამწვარ-დანახშირებულ შენობებში, ვინძლო რამე საკბილო იმოვონ..

უვნებლად გადარჩენილი დიდი ილია და აკაკი ნალვლიანად გაჰყურებენ გაპარტახებულ რუსთაველის პროსპექტს, ტყვიადახლილ ქაშუეთის გუმბათს. ვინ იცის, როგორ ტანჯავს მათ წმინდა სულებს თანამედროვეთა უგუნურება (**„დრონის“ ინფორმაცია**).

პოლიტიკური პუბლიცისტიკის კიდევ ერთ ნიმუშს შემოგთავაზებთ. გთხოვთ, ყურადღება მიაქციოთ, რომ იგი დანერილია 2004 წლის თებერვალში. ეს ის დროა, როცა საქართველოს მოქალაქეთა უმრავლესობა ჯერ კიდევ ზეიმობს „ვარდების რევოლუციის“ ტრიუმფულ გამარჯვებას. მან ჯერ კიდევ არ იცის, რა ბოროტებად შემოუბრუნდება იგი ხვალ. მოდი, ნუ დავძრახავთ ამისთვის ხალხს — იგი ხომ ცვლილებებისკენ მუდამ უმოკლესი გზით სიარულის მომხრეა და თანაც მუდამ „კარგ“ ბელადზე ოცნებობს! ალბათ, ამის ბრალი უნდა იყოს, რომ მაშინ ამ წერილის გამოქვეყნება წელიწადზე მეტი ხნის განმავლობაში ვერ მოხერხდა. ბოლოს მაინც „საქართველოს რესპუბლიკამ“ გაბედა. გაბედა და მერე როგორ — რუბრიკით „ახალი პოლიტიკური ლექსიკონი“ წერილების მთელი სერია გამოაქვეყნა: profanus, conformis, praesumpcio, agonia, kontrabando, bluff, demagogia, lingua, concordia, manipulatio, plebs, populus და ასე შემდეგ, სულ ოცამდე წერილი!

ამ ჟანრის დაპირებული წერილის სათაურია:

## REVOLUTION

**რევოლუცია ფრანგული სიტყვაა და ძირფესვიან გარდატეხას, ერთი ხარისხობრივი მდგომარეობიდან სხვა ხარისხობრივ მდგომარეობაში ნახტომისებურ გადასვლას ნიშნავს. ამ ტერმინის ხსენება, უპირველეს ყოვლისა, საფრანგეთის და რუსეთის რევოლუციების, სამოქალაქო ომების, ტერორისა და რეპრესიების, გმირებისა და ბელადების ასოციაციებს იწვევს.**

სოციალურ რევოლუციებს თავისი მკვლევარ თეორეტიკოსები ჰყავს. საკმარისია გავიხსენოთ მარატის\* „უსასრულო რევოლუციის“ თეორია, მარქსის მსოფლიო რევოლუცია,“ ლენინის „ლოკალური რევოლუცია,“ (სოციალური რევოლუციის ერთ ქვეყანაში გამარჯვების შესაძლებლობა), ერნესტო ჩე რევარას\* „რევოლუციის ექსპორტი“ და ა. შ. ბოლო პერიოდში ამას დაემატა ე.წ. უსისხლო ანუ ხავერდოვანი რევოლუციების თეორია, რომელმაც საქართველოს სინამდვილეში „ვარდების რევოლუციის“ სახელი მიიღო.

ეგრეთ ნოდებული „მესამე სამყაროს“ ქვეყნების მმართველებს მოსწონდათ და მოსწონთ რევოლუციის დარქმევა იმ მოვლენებისთვის, რომელთა წყალობით ისინი ხელისუფლების სათავეში მივიდნენ. ჩვენთანაც ასეა — რევოლუცია დაერქვა 1990 წლის ოქტომბრის არჩევნებს, რის შედეგადაც ხელისუფლებაში ზვიად გამსახურდია და მისი „მრგვალი მაგიდა“ მივიდა; რევოლუცია დაერქვა 1991 წლის დეკემბრისა და 1992 წლის იანვრის მოვლენებს, როცა ორკვირიანი სამხედრო დაპირისპირების შემდეგ მრგვალების ხელისუფლება დაემხო და ხელისუფლების სათავეში სიგუა-კიტოვანი-იოსელიანის სამეული აღმოჩნდა; რევოლუციად მოინათლა შევარდნაძის გადადგომა და ხელისუფლებაში სააკაშვილი-ბურჯანაძე-ჟვანიას\* ახალი სამეულის აღზევება 2003 წლის 23 ნოემბერს.

საქართველოს რევოლუციური ხელისუფლების ძალიან ბევრმა წარმომადგენელმა ასაკის გამო, ბუნებრივია, არც რევოლუციების ისტორია იცის და არც მეოცე საუკუნის ოთხმოციანი წლებიდან საქართველოში განვითარებული მოვლენები ახსოვს. ამიტომ მათ გასაგონად და სხვებისთვის შესახსენებლად ისტორიაში მცირე მოგზაურობა ურიგო არ იქნება.

მოდით, ვენდოთ „რევოლუციის“ ენციკლოპედიურ განმარტე-

ბას და ვალიაროთ, რომ ეს არის საზოგადოების ერთი ხარისხობრივი მდგომარეობიდან მეორეში ნახტომისებური გადასვლა. ნებისმიერ დაპირისპირებას ხალხის მონაწილეობით (ან უმისოდ) მხოლოდ მაშინ შეიძლება ვუნოდოთ რევოლუცია, თუ შედეგად მივიღეთ ძველისგან რადიკალურად განსხვავებული საკანონმდებლო, მმართველობითი სისტემური ცვლილებები. ნუ დაგვაზინყდება, რომ ქვეყანაში განვითარებულ მოვლენებს, სისხლიანს თუ ხავერდოვანს, სახელი უნდა დაარქვას ისტორიამ.

ისტორია, საერთოდ, კარგი მასწავლებელია ნიჭიერი და დაინტერესებული მონაფისათვის. მაგალითად, ისტორია გვამცნობს, რომ მაქსიმილიან რობესპიერი, არასელი ადვოკატი, 34 წლისა იაკობინური მოძრაობის დიდი ლიდერი გახდა, 35 წლისა — საფრანგეთის დიდი რევოლუციის სულისჩამდგმელი და იაკობინური ხელისუფლების მეთაური. გამარჯვებული ხალხის კერპი და ამავე ხალხის აბსოლუტური უმრავლესობის მხარდაჭერით გულმოცემული რობესპიერი, ფრანგი ხალხის სახელით, ფრანგი ხალხის საკეთილდღეოდ და ფრანგი ხალხის მოთხოვნით (დაუკვირდით!) ყოველდღე ათეულობით ადამიანს გზავნიდა გილიოტინაზე. სხვათა შორის, იაკობინელთა რევოლუციური ტრიბუნალის მსხვერპლად იქცნენ არა მარტო მათი იდეური მონინალმდებე ჟირონდისტები, არამედ მათივე გუშინდელი მოკავშირე „ცოფიანებიც“ — უკიდურესი მემარცხენეები, ფრანგი მშრომელი ხალხის ინტერესებისათვის თავგადაკლული მებრძოლები. აღარაფერს ვამბობ სამეფო ოჯახისა და, საერთოდ, არისტოკრატისადმი გამოჩენილ საღი გონებისათვის მიუწვდომელ სისასტიკეზე და ანგარიშსწორების მეთოდებზე.

აი, რას წერს ალექსანდრე დიუმა-მამა\* თავის ერთ-ერთ რომანტიკულ მოთხრობაში („ათასი და ერთი ღამე“):

„საბრალო უგუნურებს (რევოლუციონერებს! თ. ქ.) არ ესმოდათ, რომ ადამიანებს ზოგჯერ შეუძლიათ შეცვალონ მომავალი, მაგრამ არასოდეს არ შეუძლიათ შეცვალონ წარსული...“

დიდ კირიან ორმოში ერთად უნდა ჩაეყარათ ძვლები იმ ადამიანებისა, ვინც საფრანგეთისგან შექმნა მსოფლიოს უპირველესი ნაცია, ძვლები საფრანგეთის მონარქებისა დაგობერიდან ლიუდოვიკ მეთხუთმეტემდე.

ამ საშუალებით მოიგეს ბრბოს გული. განსაკუთრებული კმაყოფილება კი მიანიჭეს კანონმდებლებს, ადვოკატებს და ღვარძლიან ჟურნალისტებს — რევოლუციის მტაცებელ ფრინველებს...



ის ადამიანები, ვისაც არ შეუძლიათ იამაყონ შენებით, ამაყობენ ნგრევით“.

დღეს, ქართული „ვარდების რევოლუციიდან“ ორიოდ თვის შემდეგ, რაც ამ წერილში უკვე ვთქვი და რის თქმასაც მის დამთავრებამდე მოვასწრებ, იქნებ ცოტა გაუგებარი იყოს, მაგრამ გასაგები იქნება ხვალ, როცა ვარდებს სურნელოვანი ფოთლები დასცვივა და მის ღეროზე გილიოტინასავით დაუნდობელი ეკლები დარჩება.

თუ არ მიწყენთ, ერთ პატარა კომენტარს გაგაცნობთ 1952 წელს გამოცემული „დიდი საბჭოთა ენციკლოპედიიდან:“ **„დიუმას რომანები არ გამოირჩევა ღრმა შინაარსით და ამახინჯებს ისტორიულ სინამდვილეს.“**

კომენტარს, ალბათ, თავს უჩემოდაც გაართმევთ. მე მხოლოდ შეგახსენებთ, რომ „დიდი საბჭოთა ენციკლოპედიის“ გამოცემის ინიციატორი და სულისჩამდგმელი იყო იოსებ სტალინი, უდიდესი დიქტატორი მსოფლიო ისტორიაში, იაკობინელთა სულიერი მემკვიდრე.

დავუბრუნდეთ ისტორიას.

იაკობინელთა ლტოლვა ცვლილებებისადმი ისე დიდი იყო, რომ წელთაღრიცხვაც კი თავიდან დაიწყეს. ასეთია რევოლუციის ბუნება — მანამდე არსებულს ყველაფერს შლის და ანადგურებს.

თუმცა, მოვლენები ისტორიის უსასტიკესი ლოგიკის შესაბამისად განვითარდა: რევოლუციის მეორე წლის ცხრა თერმიდორს (1794 წლის 27 ივლისს) ფრანგმა ხალხმა იაკობინელთა დიქტატურა დაამხო.

**მაქსიმილიან და ოგიუსტ რობესპიერებმა, კუტონმა, დემულენმა და საფრანგეთის დიდი რევოლუციის ბევრმა სხვა ბელადმა (ორი კვირით ადრე ლოგინს მიჯაჭვული „უსასრულო რევოლუციის“ მამა მარატი შარლოტა კორდემ ხანჯლით აჩეხა, ხოლო რობესპიერის უახლოესი მეგობარი, დანტონი, რობესპიერისვე კონვენტის გადაწყვეტილებით სიკვდილით დასაჯეს) სიცოცხლე გილიოტინაზე დაამთავრეს.**

**იურისტ მაქსიმილიან რობესპიერს იმ წლის მაისში 36 წელი შეუსრულდა.**

საფრანგეთის ხელისუფლების სათავეში ტრიუმფით მივიდა ახალგაზრდა ამბიციური კორსიკელი არტილერიის გენერალი, უნიჭიერესი ნაპოლეონ ბონაპარტი\*.

ფრანგმა ხალხმა, ვინც მანამდე უყოყმანოდ უჭერდა მხარს ჟირონდისტებს, იაკობინელებს თუ „ცოფიანებს“, ახალ ბელადად ნაპოლეონი აირჩია და რევოლუციიდან ათი წლის თავზე ჯერ კიდევ გუშინ სათაყვანო საფრანგეთის რესპუბლიკა საფრანგეთის იმპერიაში გაცვალა. ხოლო კიდევ ათიოდე წლის შემდეგ ერთ დროს ღმერთად შერაცხული იმპერატორი ნაპოლეონი სამშობლოდან განდევნა და საფრანგეთი კვლავ ბურბონთა დინასტიას\* ჩააბარა.

რუსმა ბოლშევიკებმაც ხალხის სახელით, ხალხის მოთხოვნით და ხალხისვე საკეთილდღეოდ შექმნეს უზარმაზარი რეპრესიული აპარატი, დაამყარეს არნახული მასშტაბების რევოლუციური (წითელი) ტერორი, საკუთარ ქვეყანაში სისხლის მდინარეები ადინეს და დიდ-პატარა ბელადების მთელი გალერეა შექმნეს. მათაც საფუძვლიანად დაანგრეს ყველაფერი, რაც წარსულს უკავშირდებოდა, მათაც დედაბუდიანად ამოჟლიტეს რუსული არისტოკრატია სამეფო ოჯახის ჩათვლით... უფრო შორსაც წავიდნენ — შექმნეს სავალდებულო რელიგია ლენინიზმის სახით და შეეცადნენ, ადამიანის არსებიდან სამუდამოდ განედევნათ ღმერთის ხატება.

მათ ეს ნაწილობრივ შეძლეს კიდევ.

კომუნისტურმა დიქტატურამ სამოცდაათ წელიწადზე მეტ ხანს იბოგინა და დედამიწის თითქმის ნახევარზე ისტორიის კანონზომიერი განვითარება მრავალი ათეული წლით შეაფერხა.

იმასაც ნუ დავივიწყებთ, რომ იოსებ სტალინი, ერთ-ერთი უსასტიკესი დიქტატორი მსოფლიო ისტორიაში, ხალხის უსაზღვრო ნდობით სარგებლობდა, მას, უბრალოდ, აღმერთებდნენ; მასზე ლექსებს და რომანებს წერდნენ; ფილმებს იღებდნენ; მასზე ლოცულობდნენ; ძეგლებს და მუზეუმებს, მოკლედ, საკულტო ნაგებობებს უგებდნენ...

სხვათა შორის, საბჭოთა ისტორიოგრაფია მთლად რევოლუციურად თუ არა, რევოლუციის წინაპრად მაინც მიიჩნევდა მონების აჯანყებას სპარტაკის\* მეთაურობით და გლეხთა აჯანყებას ემელიან პუგაჩოვის\* მეთაურობით. ქართულ საბჭოთა ისტორიოგრაფიას რევოლუციის რანგში აპყავდა გლეხთა აჯანყება სამეგრელოში უტუ მიქავას\* მეთაურობით.

თუმცა, თავი დავანებოთ შორეულ წარსულს და იმ პერიოდს დავუბრუნდეთ, როცა ხალხი ხელებს უკოვნიდა „ღვთისგან მოვლენილ“ ზვიად გამსახურდიას — მესიას, მხსნელს, ბელადს, დიდ

წინამძღოლს. ხელისუფლების სათავეში მისვლიდან სულ რაღაც ცამეტი თვის შემდეგ კი იგივე ხალხი ტყვიას ესროდა გუშინდელ სათაყვანო გმირს. მუხლებზე დაჩოქილმა ხალხმა თავის დროზე შენდობა თხოვა ედუარდ შევარდნაძეს და საპრეზიდენტო არჩევნებში მას თავისი ხმების 97 პროცენტი უბოძა.

ხუთიოდე წლის შემდეგ, ვარდებით შეიარაღებულმა იმავე ხალხმა დაამხო შევარდნაძის ხელისუფლება და თავისი ხმების 97 პროცენტი ახალ გმირს, მიხეილ სააკაშვილს გადაულოცა...

„მიხეილი, მიშა სააკაშვილი შეიყვარა ქართველმა ხალხმა ისე ძლიერად, როგორც დიდი ხანია მას არავინ ყვარებია. ეროვნული გმირი ენატრებოდა საქართველოს, გამარჯვების მომტანი გმირი ენატრებოდა საქართველოს და მან მიიღო იგი...“

„მასში თავმოყრილია ქართველისათვის დამახასიათებელი საუკეთესო თვისებები — პატრიოტიზმი, თავგანწირვა, ვაჟკაცობა, სიყვარული და გმირობა. ამ თვისებების აფიშირება მოხდა ხავერდოვანი რევოლუციის დროს. ამიტომ შეიყვარა იგი მთელმა საქართველომ. არ მეგულება საქართველოში მეორე პოლიტიკოსი, რომელიც ხალხს ასე ეყვარება...“

„მიხეილ სააკაშვილი ვაჟკაცური ბუნების და მებრძოლი სულის ადამიანია. განათლებული, ერუდირებული, სწორუპოვარი პოლიტიკოსია...“

„მიხეილ სააკაშვილი ჯერ საქართველოს, მერე კი ამერიკის შეერთებული შტატების პრეზიდენტი გახდება... მასში შერწყმულია სტალინის, შევარდნაძის და გამსახურდიას ფენომენები...“

ეს გამონათქვამები თანამედროვე (2004 წლის დასაწყისი. რედ.) ქართული გაზეთებიდანაა ამოღებული.

მთელი ჩვენი უბედურება ის არის, რომ საქართველოს მოქალაქეებს აგვირჩევია არა პრეზიდენტი — ხალხის მსახური, აღმასრულებელი ხელისუფლების მეთაური, არამედ გმირი, სწორუპოვარი პოლიტიკოსი, მოკლედ — ბელადი. ამიტომ გასაკვირი სულაც არ უნდა იყოს, თუ ეს „კარგი ბიჭი“, მიშა სააკაშვილი თავის პოლიტიკას წარმართავს არა როგორც დემოკრატიული ქვეყნის პრეზიდენტი, არამედ როგორც ტომის ბელადი — განათლებული, ენერგიული, ევროპულ ენებზე მოლაპარაკე, მაგრამ მაინც ტომის ბელადი. მეტიც, ისტორიის განვითარების კანონზომიერებიდან გამომდინარე, შემიძლია ასპროცენტიანი ალბათობით ვივარაუდო, რომ სააკაშვილი და მისი გუნდი უახ-

ლოეს მომავალში, ხვალვე, ძალაუფლების სრულ უზურპაციას შეეცდება და მოახერხებს კიდევც.

დავუბრუნდეთ ციტატებს, რომლებიც აქ მხოლოდ გმირზე და ბელადზე სალაპარაკოდ არ მომიტანია. საქმე ის გახლავთ, რომ ზუსტად ეს სიტყვები, ზუსტად ამ პატივცემული გვამების პირიდან უკვე ითქვა სხვა „სწორუპოვარი პოლიტიკოსის, ევროპული ენების უბადლო მცოდნის, უფლის მიერ მირონცხებული გმირის, ბელადის“ მისამართით. მისი სახელი იყო ზვიად გამსახურდია, ვინც დევნილობაში, სამეგრელოს შორეულ სოფელში დალია ტანჯული სული.

ცოტა უფრო შორსაც თუ გავიხედავთ, მშობელი ხალხისგან ასეთი და კიდევ უფრო გულისამარწყვებელი ეპითეტები მიუღიათ ლავრენტი ბერიას, ადოლფ ჰიტლერს, მაო ძე დუნს\*, მუამარ კადაფის\*, სადამ ჰუსეინს\*, ფიდელ კასტროს\*, ხო ში მინს და მრავალ სხვას. სამწუხაროდ, ამ და სხვა „ხალხის რჩეული ბელადებისგან“ დემოკრატიული პრინციპებისადმი ერთგულება და პატივისცემა არ გამიგია.

აღბათ, დადგა დრო ისიც ვიკითხოთ, იყო თუ არა 2003 წლის ნოემბრის მოვლენები რევოლუცია. ამის გასარკვევად, გთხოვთ, კიდევ ერთხელ დავუბრუნდეთ რევოლუციის ენციკლოპედიურ განმარტებას. წაიკითხეთ? — ესე იგი, ნახტომისებური გადასვლა და თვისობრივად ახალი საკანონმდებლო, მმართველობითი სისტემური ცვლილებები.

ჩვენს შემთხვევაში, სამწუხაროდ, საზოგადოების მართვის სისტემაში, არავითარი სიახლე (მით უფრო — პროგრესული!) არ შეინიშნება. ის ფაქტი, რომ ძველი „პროშეგარდნაძისტული“ კადრები სააკაშვილის ერთგულმა კადრებმა შეცვალა, ახალს და პროგრესულს არაფერს ნიშნავს. მართალია, სიახლეების მოლოდინშია კანონმდებლობა, მაგრამ ამ „სიახლეებს“ კარგად დავინყებული ძველიც კი არ შეიძლება დაერქვას. ეს არის ნაბიჯი პრეზიდენტის ძალაუფლების განმტკიცებისაკენ. თუ ბატონი პრეზიდენტის, შინაგან საქმეთა მინისტრის, გენერალური პროკურორის ზოგიერთ ყოვლად უპასუხისმგებლო განცხადებას გავითვალისწინებთ, სულ მალე იქნებ დიდი საბჭოთა სამართალმცოდნე, პროკურორი და მოსამართლე, აკადემიკოსი ანდრეი იანუარიევიჩ ვიშინს\* კი სანატრელი გაგვიხდეს.

არავითარი მინიშნებაც კი პროკურატურის, შინაგან საქმეთა და უშიშროების სამინისტროების სამართლებრივ რეფორმებზე.

ჯერჯერობით, საუბარია მხოლოდ კანონების გასასტიკებაზე. თანაც ყოვლად ვულგარული ფორმით და უდაბლეს პროფესიულ დონეზე.

ჯერჯერობით, არის მხოლოდ პრეზიდენტისთვის განუსაზღვრელი უფლებების მინიჭების თავგამოდებული მცდელობები თვით კონსტიტუციის მსხვერპლად შენიღვის ხარჯზე.

ჯერჯერობით, მხოლოდ საკადრო ცვლილებები: ძველებურად, კომუნისტურად, პირადი მეგობრობის, ერთგულებისა და პარტიული კუთვნილების ნიშნით. თანაც, ამ მეგობრობისა და ერთგულების ხარისხს განსაზღვრავს ერთადერთი ადამიანი — პრეზიდენტი სააკაშვილი.

ჯერჯერობით, მხოლოდ ხმაურიანი დაპატიმრებები, რაც ძალიან ჰგავს შევარდნაძის ანტიკორუფციული კამპანიის პირველი ეტაპის დასაწყისს შორეულ 1992 წელს.

აქედან გამომდინარე, თავისუფლად შეგვიძლია დავასკვნათ, რომ 2003 წლის 23 ნოემბერს საქართველოში არავითარი რევოლუცია არ ყოფილა. უბრალოდ, გაცილებით უფრო ნიჭიერმა რეჟისორმა (ვთქვათ, ჯორჯ სოროსმა) 1991 წლის სცენარის მიხედვით დადგა ახალი სპექტაკლი მთავარი როლების ახალი შემსრულებლების მონაწილეობით: შევარდნაძისეული „მოქალაქეთა კავშირის“ ერთმა (ახალგაზრდულმა) ფრთამ დაამხო მეორე. ანუ ეს იყო სასახლის გადატრიალება ხალხის მასების მონაწილეობით და სეირის მაყურებელთა თანხლებით.

ბატონ სოროსზე გამახსენდა: სწორედ მან სავსებით გულწრფელად და მთელი მსოფლიოს გასაგონად განაცხადა, რომ მისმა ფონდმა საქართველოში დააფინანსა აქცია, რომელიც შარშან, 23 ნოემბერს ძღვევამოსილად დაგვირგვინდა. იგივე გაიმეორა აშშ-ის სახელმწიფო მდივანმა კოლინ პაუელმაც. ვფიქრობ, ამ პატივცემული ჯენტლმენებისადმი უნდობლობის საბაბი არ უნდა გვქონდეს.

ბუნებრივად ჩნდება კითხვა — მაშ, რატომ ირქმევენ რევოლუციონერის არცთუ სახარბიელო სახელს სააკაშვილი და მისი გუნდი?

ისევ ხალხი უნდა გავისხენოთ.

ნებისთინო უნებლიედ, სააკაშვილი და მისი გუნდი მოქმედებდა და მოქმედებს ხალხის სახელით. მან ამომრჩეველი უნდა დაარწმუნოს, რომ ხალხის ნების აღმსრულებელია. ამის თქმის უფლება რომ მოეპოვებინა, რევოლუციურად განწყობილი, მეტ-

იც, თავგანწირვისთვის მზად მყოფი ხალხის წინამძღოლი უნდა გამხდარიყო. ჯორჯ სოროსის ფულით, რიჩარდ მაილსის (იმ პერიოდში აშშ ელჩი საქართველოში. რედ.) გეგმით, ამერიკის კონგრესის მხარდაჭერითა და სააკაშვილის გუნდის ხელით ეს ოპერაცია წარმატებით განხორციელდა კიდევ. ამ სცენარში, როგორც ყოველთვის ისტორიაში, ხალხი იყო „მასოვკა“, საზარბაზნე ხორცი. იყო, რა თქმა უნდა, ვარდებიც. არ ყოფილა სროლა და მსხვერპლი — ბედნიერი შემთხვევის გამო და იმის გამოც, რომ ასეთი რამ სცენარში გათვალისწინებული არ ყოფილა.

**რაც მთავარია, რევოლუცია სააკაშვილს და მის გუნდს იმიტომ ხიბლავს, რომ ამ ტერმინით ამ ცოდვილ მიწაზე ცნობილი ყველა სიავის და სისაძაგლის გამართლება შეიძლება — ტერორის, რეპრესიების, სიდუხჭირის, უსამართლობის, უზენეობის და, რა თქმა უნდა, დიქტატურისაც — რევოლუციის მონაპოვარს ხომ დაცვა უნდა (ლენინი)!**

ხალხისვე საკეთილდღეოდ, რასაკვირველია.

რევოლუცია ძალიან, ძალიან საშიში მოვლენაა. თვით ხავერდოვანი, უსისხლო რევოლუციაც კი, რადგან იგი დიქტატურის მშობელი დედაა (**“საქართველოს რესპუბლიკის ინფორმაცია”**).

ვფიქრობ, საინტერესო უნდა იყოს იმის აღნიშვნა, რომ ორ თვეზე მეტი ხნის განმავლობაში, ვიდრე „საქართველოს რესპუბლიკაში“ რევოლუციური ხელისუფლების უკიდურესად მწვავე კრიტიკის შემცველი სტატიები ქვეყნდებოდა, არც რედაქციას, არც ავტორს სახელისუფლო წრეებიდან არავინ შეხმიაწებია — არავითარი პროტესტი! პირადად პრეზიდენტი და რევოლუციური ხელისუფლების უმაღლესი ეშელონების წარმომადგენლები ტრაბახობდნენ კიდევ, რომ ისინი პრესისგან ამგვარ შემოტევებს უძლებდნენ. მეტიც, ამ ვითარებას საქართველოში პრესის თავისუფლებისა და დამოუკიდებლობის, ქვეყანაში დემოკრატიზმის დამკვიდრების გამოსატყულებად ასალებდნენ.

სინამდვილეში, როგორც, ალბათ, თავადაც მიხვდით, ეს იყო დამოუკიდებელი მედიის სრული უგულვებელყოფისა და ეგრეთ ნოდებული „სახელისუფლო მედიის“ შექმნისკენ გადადგმული კარგად გათვლილი ნაბიჯი. სულ მალე ხელისუფლებამ მთელი ქართული მედიასივრცის მონოპოლიზება მოახერხა. ყურნალისტების ერთი დიდი ნაწილი, განსაკუთრებით, ტელეყურნალისტები — გადაიბირა, დანარჩენზე ხელი ჩაიქნია. ესეც რევოლუციის ბუნებიდან მომდინარეობს. სამწუხაროდ, ლატაკმა ქარ-

თულმა ჟურნალისტიკამ ხელისუფლების ამგვარ თვითნებობას წინააღმდეგობა ვერ გაუწია.

თუმცა, ამ საჭირობორტო თემაზე უფრო დანვრილებით მაშინ ვილაპარაკოთ, როცა პოლიტიკის და ჟურნალისტიკის ურთიერთობას შევეხებით.

მანამდე კი, მოდი, ერთი პატარა ექსპერიმენტი ჩავატაროთ: მე შემოგთავაზებთ გაზეთ „საქართველოს რესპუბლიკაში“ გამოქვეყნებულ სტატიას, თქვენ კი იგი რომელიმე ჟანრის ჩარჩოებში მოაქციეთ, როგორც შინაარსის, ისე ფორმის თვალსაზრისით. რაც მთავარია, სცადეთ და, თქვენი თვალსაზრისი წერილობით დაასაბუთეთ:

### **შენ რომ სხვა მაჰკლა**

თავად ის ფაქტი, რომ ვინმე არ ეთანხმება ვაჟა-ფშაველას, არაფრის მთქმელია. არც ის არის ყურადღების ღირსი, თუ ვინმე ვაჟას შემოქმედებას, საერთოდ, არ იცნობს. მრავლისმთქმელია საკუთარი უვიცობით კეკლეუცობა და საზოგადოების სიბნელეში ჩათრევის მცდელობა. ხოლო თუ ამას ხალხის რჩეული, საქართველოს პარლამენტის წევრი ცდილობს — უბედურებაა.

ვინმე განათლებულმა პარლამენტარმა ჟურნალისტიკური ეთიკის დაუცველობა რომ არ დამაბრალოს, მოვიყვან ორ ამონარიდს ჯონდი ბალათურიას ერთ-ერთი ინტერვიუდან:

„არ ვეთანხმები ალუდა ქეთელაურს. თავიდან ალუდა სწორად მოიქცა. მტერს ყოველთვის ღირსეულად უნდა მოექცე. ხელის მოჭრა კი რა ვაჟკაცის საქმეა. ეს არასწორი ტრადიცია იყო, რადგან ბევრი ისეთი ტრადიცია მკვიდრდება, რომელიც არ დგას სარწმუნოებაზე და ფესვებიდან არ მოდის. სწორად მოიქცა, რომ ხელი არ მოაჭრა; სწორია, რომ მტერს პატივი უნდა სცე, მე ამის მომხრე ვარ, მაგრამ ეს არ ნიშნავს, რომ მართლაც ნამდვილი ტრადიციისა და ნამდვილი სჯულის წინააღმდეგ უნდა ნახვიდე, იარო სასაფლაოზე და სარწმუნოების უარყოფა დაიწყო - ამაში არ ვეთანხმები“.

„ვაჟას არ ვეთანხმები „ალუდა ქეთელაურში“, მგონია, რომ, როდესაც წერდა, მაშინ ვაჟა ალუდას საქციელს იწონებდა, იმიტომ, რომ ამ ნაწილში არ ჰყავს გაკრიტიკებული, შესაძლოა, მერე გადახედა თავის პოზიციას. ყველაზე დიდი პრინციპი სარ-

ნმუნობაა და პრინციპი, რომელიც გაიძულებს, მის წინააღმდეგ იარო, არის მაცდური და მასზე უარი უნდა თქვა.“

სანამ მთავარსათქმელზე გადავიდოდე, უმორჩილესად ვთხოვ ჯონდის მასწავლებელს, ამის ნამკითხველი გულში ტყვიას ნუ დაიხლის\* - მისი ნამონაფარი მაინც ვერაფერს შეიგნებს.

რასაც ახლა ვიტყვი, ბატონი ჯონდი იმას ვერ მიხვდება, მაგრამ მის საყურადღებოდ არც რამეს ვამბობ. იმ ადამიანების საყურადღებოდ ვამბობ, „ჯონდებს“ უმაღლეს საკანონმდებლო ორგანოში სამოღვაწეოდ ხმას რომ აძლევენ და საკუთარი ბედის გადანყვეტის უფლებამოსილებას ანიჭებენ (სხვათა შორის, იმ ადამიანების ბედისაც, რომლებიც ჯონდებს არ ენდნენ, მაგრამ ბედის ირონიის გამო, უმცირესობაში აღმოჩნდნენ).

აღუდა ქეთელაურის პირით თვითონ ვაჟა-ფშაველა ლაპარაკობს. ეს ვაჟა ქადაგებს მიტევებას, კაცთმოყვარეობას და სათნოებას. ეს ვაჟა გვასწავლის ბიბლიურ ჭეშმარიტებებს, რომ ყველა ადამიანი ღვთის შვილია და სხვა ადამიანს მისი სიცოცხლის მოსპობის უფლება არა აქვს; რომ ბოროტება ბოროტებით არ აღმოიფხვრება, სისხლი სისხლით არ მოიბანება:

„ვისაც მტერობა მასწყურდის,  
გააღოს სახლის კარია,  
სისხლ დაიგუბოს კერაში  
თვითონაც შიგავ მდგარია,  
ღვინოდაც იმას დაჰლევდის,  
პურადაც მოსახმარია...  
შენ რომ სხვა მაჰკლა,  
შენც მოგკვლენ,  
მკვლელს არ შაარჩენს გვარია.“

აღუდასა და ველური ტრადიციების მიმდევარი თემის დაპირისპირება ნათელისა და ბნელის, ცოდნისა და უვიცობის, ზნეობისა და უზნეობის, კეთილისა და ბოროტის, ჭეშმარიტი რწმენისა და ფუნდამენტალისტური დოგმებით შენიღბული ურწმუნობის დაპირისპირებაა. ისეთი ურწმუნობისა, ჩვენ, საბრალო ამომრჩეველები წელიწადში ორმოცდაათჯერ მაინც რომ საკუთარი თვალით ვუყურებთ: გულში სანთელ ჩახუტებულ, მამა აბრამის ბატკნებად ქცეულ ვიგინდარებს, ეკლესიიდან გასვლისთანავე მკვლელობებისა და დარბევების ბრძანებებს რომ



გასცემენ, ხაზინას რომ ძარცვავენ, ორპირობენ, ცრუობენ და ფარისევლობენ...

ამის წინააღმდეგია ვაჟა და ამიტომ ათქმევინებს ალუდასთვის სიზმარში გამოცხადებულ მუცალს:

„— მინდა სიკვდილი, არ ვკვდები,  
მამკალო, — მითხრა ხვეწნითა, —  
თქვენ დაგრჩეთ წუთისოფელი,  
მე კი ნავიდე ქვეყნითა;  
დაძეხით, ხევსურთ შვილებო,  
ლაშქრობით, ხმლების ქნევითა“.

ვაჟა იმიტომ არის დიდი, რომ ას ოცზე მეტი წლის წინათ ნათქვამი („ალუდა ქეთელაური“ 1888 წელს დაინერა), დღესაც ზუსტად მიესადაგება იმ ბნელ და უზნეო თემს, რომელსაც ოდესღაც ალუდა ქეთელაური დაუპირისპირდა და რომლის რიგით 121-ე წარმომადგენელი ბრძანდება ბატონი ჯონდი დღევანდელ პარლამენტში.

ვაჟას რომ დღევანდელი საქართველო ენახა, ისევე ამას ამოიგმინებდა: — აჰა, თქვენ გქონდეთ ეს ცოდვა-ბრაღიანი წუთისოფელი, ანთხიეთ მოძმეთა სისხლი, გესლი და ბალღამი, აიშენეთ სრასასახლები, ამოიყორეთ მუცლები, იმრუშეთ, იპარეთ, იცრუეთ და ცილი დასწამეთ, დაძეხით უსამართლობით. მე კი ერთადერთ ნუგეშად სიკვდილი დამრჩენია და დამდეთ პატივი, იმქვეყნიურ ცხოვრებაში გადასასახლებლად ხელს ნუ შემიშლითო.

ალუდა ქეთელაურმა (ვაჟამ), თანამედროვე ქართველი პოლიტიკოსებისგან განსხვავებით, იცის, რა არის სინდისი — პასუხისმგებლობა საკუთარი საქციელის გამო. ღირსეული მეტოქის, მამაცი მუცალის სიკვდილით მის არსებაში იქამდე მთვლემარე სინდისმა გაიღვიძა და ალუდას ცოდვების გამოსყიდვა დაავალა. ახალი ცოდვების ჩადენისკენ კი არ მოუწოდა, საუკუნეობით დაგროვილი ცოდვების გამოსყიდვა დაავალა! მხოლოდ საკუთარი ცოდვებისა კი არა, ხევსურთა მთელი თემის ცოდვებისა. სწორედ ასე მოიქცა ცხრამეტი საუკუნით ადრე იესო, რომელიც ჯვარს ეცვა და ამით კაცობრიობის ცოდვების გამოსყიდვა სცადა.

„ალუდა ქეთელაური“ კი არ ეწინააღმდეგება ქრისტიანულ მორალს, როგორც ეს დეპუტატს ჰგონია, პირიქით — ამ მორალის დაცვისკენ მოგვინოდებს. ეს იცის ყველამ, ვისაც პოემა ნაუკითხავს, ვისაც „სტუმარ-მასპინძელი“, „გველისმჭამელი“ ან ვაჟას რომელიმე სხვა ნაწარმოები ნაუკითხავს. ჯონდომ ვა-

ყას შემოქმედების თაობაზე ყურმოკვრითაც არ იცის, თორემ დღეს ამ ყოვლად სახელგატეხილ პარლამენტში არ დაჯდებოდა, რადგან „აღუდა ქეთელაურში“ ნათქვამმა ამ სიტყვებმა, შეუძლებელია, თვით ჯონდის გონებრივი მონაცემების მქონე ადამიანიც კი არ ჩააფიქროს:

„ძალს მიუგდიან საქმელად  
ხელი მუცალის მკლავისა,  
პირი არ ახლო ქოფაკმა,  
მორთო ღმუილი ბრალისად“.

ძალის საქციელის ახსნა არ არის რთული. მერე რა, რომ ქოფაკია — იგი ზნეობრივი არსებაა. საკუთარი ფიზიოლოგიური მოთხოვნილებების ან ველური ინსტიქტების დასაკმაყოფილებლად ყველა მეთოდი მისი ძალური ბუნებისთვისაც კი მიუღებელია. ამიტომ ამბობს უარს შეთავაზებულ ნუგბარზე — ვაჟკაცის ვერაგულად მოკვეთილ მარჯვენაზე.

ვწუხვარ, ძალიან ვწუხვარ, მაგრამ იმ ქოფაკისგან განსხვავებით, 21-ე საუკუნის ქართველ ჯონდებს ზნეობა არც გახსენებით, ისე დაეძგერნენ პრეზიდენტ სააკაშვილის მიერ მიგდებულ ლეშს — პარლამენტის ნევროზის მანდატს!

და ამით უარი თქვეს ზნეობაზე, ზოგადად — ადამიანობაზე.

ზნეობაზე იმათაც უყოყმანოდ თქვეს უარი, რომლებმაც საჯაროდ კი არ გადასანსლეს მიგდებული, არამედ შინ წააცუნცულეს და მალულად, ნება-ნება შეექცევიან — თან, თანამოქალაქეებს საკუთარ ვაჟკაცობაზე გვეტრაბახებიან და ლეშის გადმომგდებს თვალთმაქცურად დედას აგინებენ.

ახლა საჭიროა ამ ნაბიჯის ნებისმიერი საშუალებით გამართლება. 2008 წლის ფორმაციის პარლამენტში მოკალათებული კოლექტიური ჯონდი თვითონ არის ის ბნელი, ვერაგი და დაუნდობელი თემი, რომელმაც აღუდა და მისი ოჯახი მოიკვეთა. თემს უნდა ახლა მთელი ქვეყნიერება დააბნელოს, მთელი საზოგადოება ჯონდებად აქციოს, ადამიანს წაართვას ის, რაც ღმერთმა მის არსებაში ჩადო და ამით სხვა ცოცხალი არსებებისგან გამოარჩია — ზნეობა!

მაშინ ყველა გავსწორდებით, ყველა ერთნაირად დავბნელებით, სინდისზე ყველა უარს ვიტყვით, სამაგალითო აღარავინ გვეყოლება, ზადზე და ბინზე ვერავინ ვერავის მიუთითებს, ყველა ერთ დიდ ქვაბში მოვიხარშებით.

ამ მიზნისკენ მიმავალ გზაზე, ბევრ სხვასთან ერთად, დაუძლეველ წინაღობად ვაჟას ძლევამოსილი ფიგურაც აღმართულა.

ერთ-ერთი ფუტურო ჯონდი ამბობს, ვაჟა-ფშაველას არ ვეთანხმებო და ამით სურს მოგვაჩვენოს, თითქოს მთელი ქართული საზოგადოება საბოლოოდ გადაგვარებულა, თვით დიდი ვაჟაც დაცემულა და ვილაც ყარტა-ყურტას სათრეველად ქცეულა. ხვალ შოთას, ილიას, გურამიშვილის, აკაკის, ჯავახიშვილის, ასათიანის, გალაკტიონის... რიგი დადგება. თანამედროვეები ხომ უკვე „ჩარეცხილები არიან!..“

ასე მხოლოდ დასალუპავად განწირულ ავადმყოფ გონებას ეჩვენება. ქვეყნიერების გაჩენის დღიდან აქამომდე, კეთილისა და ბოროტის ბრძოლაში მუდამ კეთილი იმარჯვებდა.

ასე იქნება მომავალშიც.

## მეცნიერული პუბლიცისტიკა

ეს არის პუბლიცისტიკური ნაშრომი მეცნიერების რომელიმე დარგზე (ფილოსოფია, იურისპრუდენცია, ლიტერატურა, ფიზიკა, ბიოლოგია, სამხედრო ხელოვნება, გენური ინჟინერია...). ეს არ გახლავთ რომელიმე დიდად პატივცემული პროფესორის უწყინარი საუბარი მეცნიერების ამა თუ იმ სფეროს ავკარგიანობაზე. ეს არის ფაქტებითა და ლოგიკით განმტკიცებული ემოციური მსჯელობა მეცნიერებაზე საზოგადოების ყურადღების მიპყრობის მიზნით. ანუ, მთავარია არა თვით წმინდა მეცნიერული თვალსაზრისის წინა პლანზე წამოწევა, არამედ მეცნიერებისა და საზოგადოების დამოკიდებულება, მეცნიერული მიღწევების საზოგადოების სამსახურში ჩაყენება.

ამგვარი ნაშრომების შექმნა უმაღლეს ყურნალისტურ ოსტატობასთან ერთად მოითხოვს მეცნიერების იმ დარგის საკმაოდ საფუძვლიან ცოდნას, რომელზეც წერა გიხდება. ამიტომ, ბუნებრივია, ქართულ სინამდვილეში მეცნიერული პუბლიცისტიკის ნიმუშებით მაინცდამაინც განებივრებული არა ვართ. ვგულისხმობ მაღალ პროფესიულ დონეზე შესრულებულ ნაშრომებს, თორემ არაფრის მთქმელი და არაფრის მომტანი ფსევდო პუბლიცისტიკით სავსეა ჩვენი სიყვითლეშეპარული პრესა.

ნიმუში, რომელსაც ახლა შემოგთავაზებთ, იურისპრუდენციას ეხება. უფრო ზუსტად, იმ ადამიანებს, რომლებიც სწორედ

იურისპრუდენციის გვერდის ავლით ცდილობენ უმნიშვნელოვანესი იურიდიული დოკუმენტების შედგენას:

### **შექსპირის მოტივები ქართულ კანონშემოქმედებაში**

ჩემთვის უცნობ დანესებულებაში შეუმუშავებიათ და პარლამენტში განსახილველად შეუტანიათ შეთანხმების პროექტი საქართველოს მართლმადიდებელ ეკლესიასა და სახელმწიფოს შორის.

პროექტს წინ უძღვის მოკლე „განმარტებითი ბარათი“, სადაც ამგვარი დოკუმენტის მიღების აუცილებლობასა და შეთანხმების შინაარსზეა საუბარი. ჩვენც აქედან დავიწყით.

ამ პანანინა „განმარტებით ბარათში“ პატივცემულ ავტორებს იმდენი სიბრყვე ჩაუტევიათ, თვით საქართველოს საგადასახადო კანონმდებლობასაც კი შეშურდება! თუნდაც ეს რად ღირს: **„...სახელმწიფო აღიარებს 1921-90 წლებში საქართველოს ეკლესიისათვის მატერიალური და მორალური ზარალის მიყენების ფაქტს და როგორც ეკლესიისათვის ჩამორთმეული მატერიალური ქონების დიდი ნაწილის მფლობელი, კისრულობს ამ ზარალის ანაზღაურების ვალდებულებას“.**

1921-1990 წლებში კომუნისტურმა რეჟიმმა რომ საქართველოს ეკლესიას ზარალი მიაყენა, იმის ანაზღაურება ყოვლად წარმოუდგენელია: ასობით დანგრეული და გაპარტახებული ეკლესია-მონასტერი, ათასობით დახოცილი მრევლი და ღვთისმსახური, დატაცებული და განადგურებული საეკლესიო ქონება, დაცემული ზნეობა...

რაკი ჩვენი ქველმოქმედი ხელისუფლება (და არა სახელმწიფო, როგორც ეს შეთანხმების პროექტშია მითითებული!) ამ ზარალის ანაზღაურებას კისრულობს, გამოდის, რომ იგი იმ წლების კომმარული დანაშაულობების თანამონაწილე და საქართველოს საბჭოთა სოციალისტური რესპუბლიკის სამართალმემკვიდრე ყოფილა. თუ ეს ასეა, მაშინ მან (ხელისუფლებამ) კეთილი უნდა ინებოს და ზარალი ყველა დაზარალებულს აუნაზღაუროს: მართლმადიდებელ ეკლესიასაც, მეჩეთსაც, სინაგოგასაც, ამქრებსაც, ფირმებსაც და კერძო პირებსაც.

სახელმწიფო, ანუ ხაზინა იმ წლებში მიყენებული ზარალის ანაზღაურებას კისრულობსო, წერია ამ დოკუმენტში, მაგრამ ის კი აღარსად დაუნერიათ, კერძოდ, ვის ხარჯზე ან რა შემოსავ-

ლებით აპირებენ იმ მართლაც ენით უთქმელი ზარალის ანაზღაურებას. ალბათ, ისევ იმ დაზარალებული, განადგურებული, შეურაცხყოფილი მრევლის ზურგიდან!

ეს უკვე გრამატიკული და სტილისტური კი არა, სახელმწიფოებრივი მნიშვნელობის შეცდომაა და, ვეჭვობ, მისი გამოსწორება შეძლოს კონკორდიუმთხვევლების ჭკუის ხალხმა.

„განმარტებით ბარათში“ ასეთი „ბრძნული“ განმარტებაც გვხვდება: „პროექტის მიხედვით, საეკლესიო სამსახური გათანაბრებულია საჯარო სამსახურთან. ეს არ ნიშნავს იმას, რომ მოქმედი კანონმდებლობა საჯარო სამსახურის შესახებ საეკლესიო და საჯარო სამსახურს ერთმანეთთან ათანაბრებს. მართლმადიდებელი ეკლესიის დამოუკიდებლობისა და სახელმწიფო სამსახურისგან განსხვავებული ამოცანების გამო, საჯარო სამსახურის შესახებ ნორმები საეკლესიო სამსახურში უშუალო გამოყენებას არ ჰპოვებს“.

ეს არის ფარისევლობის, სიცრუის და თავხედური დემაგოგიის ნათელი მაგალითი: მართალია, პროექტით საეკლესიო და საჯარო სამსახური გათანაბრებულია, მაგრამ, ნურას უკაცრავად, ისინი გათანაბრებული სულაც არ გახლავთო, ყოვლად უსირცხვილოდ გვატყუებენ პროექტის ავტორები და მართლმადიდებელ ეკლესიას უფლებრივად სოფლის საკრებულოსთან ათანაბრებენ. მერე, ალბათ, ეკლესიის მნათეების მოხსნა-დანაშინების რევიზიას და კონტროლსაც დაიწყებენ. მღვდლებზე ხომ ლაპარაკიც არ ღირს — გუბერნატორის ჩაურევლად ეს საქმე ვერასდიდებით ვერ გაკეთდება.

ახლა მთავარზე, ანუ უშუალოდ კონკორდიუმის პროექტზე.

პრეამბულა, როგორც ველოდი, ფრიად პოეტურია: — ცხრა აბზაცი, ცხრა სიტყვა „ვინაიდან“, ცხრა წერტილ-მძიმით დამთავრებული წინადადება და არც ერთი ჭკვიანური აზრი:

**„— ვინაიდან ქართველი ერის მსოფლმხედველობა, მთლიანობა, ტრადიციები, ფსიქოლოგია, ცხოვრების წესი და მრავალსაუკუნოვანი ქართული კულტურა განპირობებულია და გამსჭვალულია მართლმადიდებლური ქრისტიანული მოძღვრებით;**

— ვინაიდან საქართველოს მოსახლეობის აბსოლუტური უმრავლესობა მართლმადიდებელი ქრისტიანია;

— ვინაიდან მართლმადიდებლობა საქართველოში ისტო-

რიულად სახელმწიფო რელიგია იყო, ისტორიული უწყვეტობა კი ნიშნავს წარსულის, აწმყოს და მომავლის სინთეზს;

— ვინაიდან საქართველოს კონსტიტუციით აღიარებულია საქართველოს მართლმადიდებელი ეკლესიის განსაკუთრებული როლი ქვეყნის ისტორიაში;

— ვინაიდან საქართველოს სახელმწიფომ აღიდგინა ისტორიული როლი მსოფლიო ცივილიზაციაში, როგორც დამოუკიდებელმა და დემოკრატიულმა სახელმწიფომ;

— ვინაიდან მსოფლიოს განვითარებულ ქვეყნებში ისტორიულ ეკლესიებს მინიჭებული აქვთ განსაკუთრებული იურიდიული სტატუსი;

— ვინაიდან კონსტიტუციურად ეკლესია დამოუკიდებელია სახელმწიფოსგან...“

ამის წამკითხველს უნებლიედ შექსპირი მახსენდება:

„ყველაფრით დაღლილს სანატრელად სიკვდილი დამრჩა...“

რადგან უვიცი და რეგვენი ბრძენობს ადვილად,

რადგან სიმართლე სისულელედ ითვლება ახლა,

რადგან სიკეთე ბოროტების ტყვედ ჩავარდნილა...“.

დიდი პოეზიის და პოლიტიკანობის შერწყმის მცდელობა მუდამ კრახით და უნიჭო დოკუმენტის შექმნით რომ მთავრდება, კონკორდიუმის პროექტიც ამის დასტურია. ავტორებს გონებისთვის მეტი ძალა რომ დაეტანებინათ და რაც არ იცოდნენ, სხვისთვის ეკითხათ, არ დაწერდნენ, მრავალსაუკუნოვანი ქართული კულტურა მართლმადიდებლური ქრისტიანული მოძღვრებით არის განპირობებული და გამსჭვალულიო. ხოლო ცოტა მშობლიური ქვეყნის ისტორია რომ სცოდნოდათ, არც ამგვარი აბსურდული აზრი მოუვიდოდათ, საქართველოს მოსახლეობის აბსოლუტური უმრავლესობა მართლმადიდებელი ქრისტიანიაო. საქართველოს მოსახლეობის უმრავლესობისთვის ათეისტობა რომ დაებრალეზინათ, გასაკვირი არ იქნებოდა. ეტყობა, ავტორებმა არ იციან, რომ საქართველოში მართლმადიდებელი ქრისტიანების გარდა ცხოვრობენ კათოლიკეები, იუდეველები, გრიგორიანელები, მუსულმანები, ბაპტისტები, ევანგელისტები, სხვები და სხვები. ვშიშობ, მათი რაოდენობა მართლმადიდებლებისას დიდად არ ჩამოუვარდება.

საკუთარი უვიცობით კოპნიაობას ჰგავს განცხადება, რომ, თურმე, „მსოფლიოს განვითარებულ ქვეყნებში ისტორიულ

ეკლესიებს მინიჭებული აქვთ განსაკუთრებული იურიდიული სტატუსი“. რას გვიბრძანებთ, მართლმადიდებლური მიმდინარეობის თეოკრატიული სახელმწიფო შევქმნათ, თუ შარიათის სამართლით ვიხელმძღვანელოთ? იქნებ აიათოლა ჰომეინის მოდელის ირანული მმართველობითი სისტემა ავირჩიოთ? ან, იქნებ, ინკვიზიციის ბოხოქრობის დროინდელმა ესპანურმა მმართველობამ აჯობოს?!

თუმცა, ვიდრე ამას გადავწყვეტდეთ, ის გავარკვიოთ, არიან თუ არა ჭეშმარიტი მართლმადიდებლები გულში სანთელჩახუტებული ყოფილი და ახლანდელი პარტიული ფუნქციონერები, გავუმეზულ-გაალმასებული ხელჯვარიანი ხულიგნები, იელოველთა შეკრებების ცეცხლითა და მახვილით დამრბვეი ადამიანები, აგრერიგად მომრავლებული ნაცისტური პარტიების წევრები, მექრთამე და ღორმუცელა „ღვთისმსახურები“, ქურდი და მოძალადე ჩინოვნიკები...

სახელმწიფოს და ამ სახელმწიფოში მოქმედ რელიგიურ მიმდინარეობებს შორის შეთანხმების (კონკორდიუმის) დადებას ცივილიზებულ სამყაროში დიდი ხნის ისტორია აქვს. როგორც წესი, ეს არის შეთანხმება ერთმანეთის საქმეში ჩაურევლობის თაობაზე, იმის აღიარება, რომ ეკლესია დამოუკიდებელია სახელმწიფოსგან. იქნებ ამ შეთანხმების პროექტის ავტორებსაც ეს მიზანი ჰქონდათ, მაგრამ გამოუცდელობისა და უცოდინრობის გამო, პარლამენტს განსახილველად წარედგინა ბუნდოვანი, აბსურდული, ენობრივად ყოვლად უმსგავსო და, რაც მთავარია, პროვოკაციული პროექტი. იგი მიზნად ისახავს არა ურთიერთობების გარკვევა-მონესრიგებას სახელმწიფოსა და მართლმადიდებელ ეკლესიას შორის, არამედ ამ ურთიერთობათა დაძაბვას. ეს ძალიან საშიშია. ამ საშიშროებას ზოგიერთი ურა-პატრიოტი ხელოვნურად ქმნის ქვეყანაში ახალი ომის გასაჩაღებლად, ამჯერად — რელიგიურ საფუძველზე“ („დრონის“ ინფორმაცია).

## სოციალური პუბლიცისტიკა

ამ შინაარსის პუბლიცისტური ნაწარმოები საზოგადოების სოციალურ მდგომარეობას ეხება. ეს გახლავთ სიტყვაკაზმულ მწერლობასთან ყველაზე ახლო მდგომი ჟურნალისტური ჟანრი. თუ ასეთი ნაშრომის შექმნას აპირებთ, გახსოვდეთ, რომ არ არის

საკმარისი ფაქტების, მოვლენების ვირტუოზულად აღწერის ნიჭიც კი. მთავარია, ისე თქვათ, მკითხველმა პირველივე სიტყვებიდან დაგიჯეროთ, რომ ეს სწორედ ასეა და თქვენ მისი გულის მოსაგებად (ან გულის ასაჩუყებლად) არაფერს იგონებთ.

ამ ჟანრის ნიმუშებად უთუოდ გამოდგება სულ ახლახანს თქვენს მიერ წაკითხული ნუგზარ შატაიძის, გიორგი პატაშურის, ნანა ჯოხარაძის პუბლიცისტური ნაშრომები.

თუ იმასაც წაკითხავთ, რასაც ახლა შემოგთავაზებთ, ძალიან კარგი, იქნება. წერილი „7 დღეში“ 1991 წლის აპრილში გამოქვეყნდა და საქართველოს მაშინდელი ხელისუფლების მხრიდან, შეიძლება ითქვას, გრანდიოზული რეაქცია მოჰყვა. იმის გარდა, რომ ეს კოლექტიური ნაშრომი სოციალური პუბლიცისტიკის ნიმუშია, ნაწილობრივ, საქართველოს მაშინდელ პოლიტიკურ ვითარებაზეც შეგიქმნით წარმოდგენას.

მოკლედ, თქვენს წინაშეა

### **ბარონი წვერიკმაზაშვილი და სხვები**

პრეფექტი არ არის. გვითხრეს, რომ მალე მოვა და ჩვენც, „საქართველოს რესპუბლიკის“, „თბილისის“, „7 დღის“, „საქმის“ კორესპონდენტები ველოდებით. გვანტერესებს, როგორ აპირებს პრეფექტურა რაიონში მიწის კუთვნილების საკითხის მოგვარებას მიწის შესახებ კანონის არარსებობის პირობებში. პრობლემას ისიც ამწვავებს, რომ ჯერჯერობით არ არსებობს კანონი თვით პრეფექტისა და პრეფექტურის შესახებ.

სამწუხაროდ, ბუნების კანონები არ სცნობს ადმინისტრაციულ კანონებს — გაზაფხული ისევ ისე ძველებურად მოდის და თან უამრავი საზრუნავი მოაქვს. უმცირეს უყურადღებობას და დაგვიანებას არავის პატიობს.

საგარეჯოს რაიონის პრეფექტი, ბატონი გურამ ისაკაძე მართლაც ძალიან მალე მოვიდა (მანამდე მის მოადგილეს, ბატონ უჩა ქორიძეს ვესაუბრეთ). იგი ფრიად განსწავლული კაცია, პედაგოგების ოჯახიდან. პრეფექტად დანიშვნამდე თბილისის სახელმწიფო უნივერსიტეტის ბირთვული ფიზიკის ლაბორატორიაში მუშაობდა. საგარეჯოელია და აქაურობას კარგად იცნობს.

ჩვენს კითხვაზე, რაიონში რა პრინციპით ნაწილდება მიწა და შემდეგ მისგან მიღებული შემოსავალი, ბატონმა პრეფექტმა ბრძანა:



— ეს არის ძალზე რთული საკითხი. ვინაიდან არ არსებობს კანონი მიწის შესახებ, მეტიც — კანონი საკუთრების შესახებ; გვიჭირს მიწის საკითხის გადაჭრა. რაიონში გვაქვს ვენახებიც, სახნავ-სათესი ფართობებიც, სათიბებიც, ტყეებიც. ვენახებს კოლმეურნეობები და საბჭოთა მეურნეობები იჯარით გასცემენ...

აქ ოდნავ გავუსწრებთ მოვლენებს და მოგახსენებთ, რომ ამავე კითხვით მივმართეთ საგარეჯოს რაიონის კაკაბეთის „წითელი ოქტომბრის“ სახელობის კოლმეურნეობის თავჯდომარეს შოთა კერატიშვილს; გურჯაანის, თელავის, ყვარლის რაიონების პრეფექტებს შალვა წინწალაშვილს, ავთანდილ რცხილაძეს, ლევან იაშვილს; ჩუმლაყის კოლმეურნეობის თავჯდომარეს ნოდარ ქურდაძეს. პასუხი თითქმის ყველგან ერთნაირია: ჯერჯერობით, ბევრი რამეა გასარკვევი და დასაზუსტებელი. მაგალითად, ფასები: დღეისათვის ერთი კილოგრამი ყურძნის მოყვანა გლეხს დაახლოებით ერთი მანეთი და ექვსი კაპიკი უჯდება. თუ შესასყიდი ფასი იგივე დარჩა, გლეხი მის მიერ წარმოებული ყურძნის ყოველ კილოგრამზე ექვს კაპიკს... ვალს დაიდებს!

აქვე დავუმატებთ, რომ იჯარის ახლანდელი ზეპირი ფორმა გლეხსა და ადმინისტრაციას შორის თავისი შინაარსით ძალიან შგავს ისტორიიდან ასე კარგად ნაცნობ ლენინურ „სასურსათო განერას“. ცნობილია სოფლის მეურნეობის ამგვარი გაძლოლის ერთობ სავალალო შედეგებიც: სოციალური, ეკონომიკური, პოლიტიკური ურთიერთობების უკიდურესი გამწვავება.

ისევე ბატონ გურამ ისაკაძესთან საუბარს დავუბრუნდეთ:

— ძალიან გვიჭირს. მოშლილია სტრუქტურები, აქეთ — მაფია, იქით — „მხედრონი“... ამ უკანასკნელს ძლიერ ჰქონდა გამდგარი ფესვები ჩვენს რაიონში. უნდა შევცვალოთ სტრუქტურები. ჩვენ შევძელით თანამდებობიდან გადაგვეყენებინა და პასუხისგებაში მიგვეცა საგარეჯოს მევენახეობის საბჭოთა მეურნეობის დირექტორი...

სოფლის მეურნეობაში მძიმე სიტუაციაა. ახლა გაგიმხვლეთ ერთ საიდუმლოს. ალბათ, გაგიკვირდებათ, მაგრამ მე ასე ვფიქრობ. ეს ფანტასტიკურია... იცით, მიმაჩნია, რომ საუკეთესო გამოსავალი შექმნილი მდგომარეობიდან არის... ბატონყმობის აღდგენა!..

ბატონი პრეფექტის ეს განცხადება მართლაც მოულოდნელი და ფანტასტიკურია. მით უფრო, რომ ცივილიზებულმა მსოფლი-

ომ კარგა ხანია განვლო ფეოდალიზმის ეპოქა. ბატონყმობის ინსტიტუტი თვით რუსეთის იმპერიაშიც კი ზუსტად 130 წლის წინათ, 1861 წელს გააუქმა იმპერატორმა ალექსანდრე მეორემ.

მართალი გითხრათ, ისე დავიბენით, ისიც კი ვერ ვკითხვით ბატონ პრეფექტს, მხოლოდ საგარეჯოში აპირებს ბატონყმობის შემოღებას, თუ მთელ საქართველოში. თუ ასე მოხდა, ვფიქრობთ, ბატონების საკითხი შედარებით იოლად მოგვარდეს, აი, ყმობა კი, ვეჭვობთ, ვინმემ სიამოვნებით იკისროს. არადა, ნახეთ, რა დიდებულად ჟღერს: ლორდი ისაკაძე! ჰერცოგი ქორიძე! გრაფი ერბონონაშვილი! ბარონი წვერიკმაზაშვილი! ვიკონტი შამოევი!...

იმავე დღეს, სალამოს, იმავე შეკითხვით მივმართეთ გურჯაანის რაიონის პრეფექტს, ბატონ შალვა წინწალაშვილს. შეგახსენებთ, რომ ბატონ პრეფექტს ასეთი რამ ვკითხვით:

— რა პრინციპით ნაწილდება რაიონში მიწა და, ბუნებრივია, მისგან მიღებული მოსავალი?

— გურჯაანის რაიონი, — ბრძანა ბატონმა პრეფექტმა, — ეთნიკურად წმინდა რაიონია. აქ აბსოლუტური უმრავლესობა ქართველები არიან. ერთი პატარა სოფელია, ჩუმლაყის კოლმეურნეობაში შედის, ყიტაანი და იმათაც სურვილი გამოთქვებს წავიდნენ რაიონიდან. ასე რომ, მალე სულ სუფთა რაიონი ვიქნებით...

— ბატონო შალვა, ეს ძალიან კარგი, მაგრამ მიწის საკითხი როგორღა წყდება?

— მძიმე მდგომარეობაა, რესურსები გაძვირდა, ყურძნის ფასი კი იგივე დარჩა. სათადარიგო ნაწილებიც გვიჭირს. არსებობს იჯარის ორი ფორმა — ინდივიდუალური და ბრიგადული. შარშანაც იჯარაზე ვიყავით. კარგი შედეგი გამოიღო. წლეულს, ჯერჯერობით, ახალი ხელშეკრულებები გლესებთან არ დავვიდია, ძველი დებულებით ვსარგებლობთ.

— ეს ნიშნავს, რომ გლესმა მიწა იჯარით კი აიღო, მაგრამ ჯერ ცნობილი არ არის, ვისი იქნება მოსავალი?

— რას ბრძანებთ! ჩვენ, ჯერჯერობით, ხელშეკრულების ფორმა ვერ შევიმუშავეთ, თორემ, ისე შეთანხმებული ვართ, რომ გლესი მოსავლის 30 პროცენტს სახელმწიფოს ჩააბარებს, დანარჩენი 70 პროცენტი კი მას დარჩება იმ პირობით, რომ იმ სამოცდაათ პროცენტში შევა ყურძნის წარმოებაზე დახარჯული სახსრები.

— ესე იგი, რა დარჩება გლესს საბოლოოდ?

— **სავარაუდოდ, მოგების 20-25 პროცენტი.**

— თქვენ ბრძანეთ, რომ სოფელ ყიტაანის მცხოვრებლებმა გადასახლება გადანყვიტეს. მათ თქვენ ამის თაობაზე ოფიციალურად მოგმართეს?

— **არა, არა, ჩვენ თვითონ შევთავაზეთ გადასახლება.**

— ვთქვათ, სოფელები აიყარნენ და წავიდნენ, რას მოიგებს ამით რაიონი?

— **რას დავკარგავთ, რო?..**

ცნობისათვის: ყიტაანი არის ისტორიული ადგილი გურჯაანის რაიონში. აქ ოდესღაც ყოფილა სოფელი, რომელიც ისტორიულ ბედუქუდმართობას და მალარიას გაუნადგურებია. დაახლოებით ასი წლის წინათ, ნასოფლარის მიდამოებში ახალგორის რაიონიდან ოსური ოჯახები ჩამოსახლებულან. მათ რამდენიმე ადგილი გამოუცვლიათ და საბოლოოდ იქ დაფუძნებულან, სადაც ახლა ცხოვრობენ. მათი მშობლიური ენა ქართულია. ყველა მათგანს დამთავრებული აქვთ ქართული სკოლა. მისდევენ, ძირითადად, მევენახეობას. რაიმე ანტიქართულ და ანტისახელმწიფოებრივ ქმედებაში რომელიმე მათგანი შემჩნეული არ ყოფილა.

29 მარტს ყიტაანელებს გამოურთეს ელექტროენერგია, მოუხსნეს სამარშრუტო ავტობუსი (სოფელი ტრასიდან ექვსი კილომეტრით არის დაშორებული), შეუნყვიტეს პურის მიწოდება, დაუბურეს სკოლა და ბაგა-ბალი, ყველა გლახს ჩამოართვეს ჯერ კიდევ შარშან იჯარით აღებული მიწის ნაკვეთები. რაიონში გავრცელდა ყოვლად დაუჯერებელი ქორები. ჩვენ გახლდით ამ სოფელში და ყველაფერი საკუთარი თვალით ვიხილეთ.

— ბატონო ნოდარ, აქვს თუ არა, რაიმე სამართლებრივი საფუძველი ყიტაანელი გლეხებისთვის იჯარით აღებული მიწების ჩამორთმევას? იქნებ, კოლმეურნეობის გამგეობის დადგენილება მაინც არსებობს? — ვკითხეთ ჩუმლაცის კოლმეურნეობის ახლადდანიშნულ თავჯდომარეს, ბატონ ნოდარ ქურდაძეს.

— **არა, დადგენილება არ არის, მაგრამ საქმე ის არის, რომ ყიტაანელებმა თვითონ, დიახ, თვითონ განაცხადეს უარი მიწის დამუშავებაზე...**

— ჩვენ გახლდით ამ სოფელში — არცერთ გლახს საკუთარი ინიციატივით უარი არ უთქვამს მიწაზე, მით უფრო, სკოლაზე, განათებაზე, პურზე, ტრანსპორტზე, ბაგა-ბალზე...

— **არა, ეს იყო ჩვენი ხალხის მოთხოვნა. მას შემდეგ, რაც ოსმა ექსტრემისტებმა მოკლეს ოთხი ქართველი, სოფელი**

(იგულისხმება სოფელი ჩუმლაყი. რედ.) **აღშფოთდა და მათთვის მიწების ჩამორთმევა მოითხოვა.**

— გამოდის, რომ თქვენ ომში დაღუპული ქართველი ბიჭების გამო შურს იძიებთ უდანაშაულო ხალხზე?

— ჩვენ არ ვიძიებთ არავითარ შურს! და, საერთოდ, თქვენ ვინა ხართ? მივლინება გაქვთ? ჩვენს ხელმძღვანელობასთან იყავით? მე რა შუაში ვარ? მე აქაური ვარ და ყველაფერი ვიცი... ნავიდეთ, პრეფექტთან ვილაპარაკოთ...

პრეფექტთან კიდევ ერთხელ საუბარი ჩვენ ზედმეტად მივიჩინეთ.

**(„7 დღის“ ინფორმაცია).**

ზემოთ მოგახსენეთ, რომ ამ სტატიას გამსახურდიას ხელისუფლებისა და მის მიერ კონტროლირებული მედიის მხრიდან მოსალოდნელზე მძაფრი რეაქცია მოჰყვა. სამთავრობო პრესა კარგა ხანს გულმოდგინედ ამტკიცებდა, რომ ჩვენს წერილში ნახსენები თანამდებობის პირები არ იყვნენ... გიჟები.

ჩვენ არცერთ ამგვარ შემოტევაზე არავითარი პასუხი არ გაგვიცია.

მსოფლიო პრესაში ერთსა და იმავე სოციალურ თემაზე ყოველდღიურად ათასობით პუბლიცისტური ნაშრომი იწერება. ეს სრულებითაც არ ამცირებს თქვენს შანსს, სწორედ ამ ჟანრში გამოიჩინოთ თავი. მაგალითად, ქურდობაზე ან მეძავობაზე უამრავი ბრწყინვალე პუბლიცისტური ნაშრომია შექმნილი, მაგრამ ამის გამო არც ერთზე და არც მეორეზე კაცობრიობას ჯერ ხელი არ აუღია. სცადეთ, ვინ იცის, იქნებ თქვენ დაგიჯერონ. ოღონდ, ნუ იჩქარებთ, ჯერ იმის გარკვევა სცადეთ, რატომაა ამქვეყნად ამდენი უსამართლობა, ქონებრივი უთანასწორობა, ქურდული კანონები, პროსტიტუცია, ნარკომანია და ათასი სხვა სოციალური უბედურება.

## **უმიზნო, ანუ ცრუ პუბლიცისტიკა**

სამწუხაროდ, ან, იქნებ, საბედნიეროდაც, ნებისმიერი ქვეყნის საზოგადოებაში არსებობენ ადამიანები, რომლებსაც აქვთ ბუნებრივი სურვილი, იყვნენ პოპულარულები, აქვთ ე.წ. „წერის ტექნიკა“; იციან რაღაც ისტორიული ფაქტები; აქვთ ინფორმაცია მიმდინარე მოვლენებზე და, რაც მთავარია, საზოგადოების „გადარჩენა“ საკუთარ წმინდა მოვალეობად მიაჩნიათ. მიზანი

შესანიშნავია, მაგრამ, როგორც წესი, მის მისაღწევად ამ ადამიანებს ხელს უშლით გულგრილობა და ანალიტიკური უუნარობა.

1992 წლის გაზაფხულზე ჩემთან „დრონში“ მოვიდა თბილისის ივ. ჯავახიშვილის სახელობის უნივერსიტეტის ყოფილი ათეიზმის კათედრის ასისტენტი, იმჟამად ერთ-ერთი აშკარად ნაციონალისტური პარტიის თავმჯდომარე, რომელმაც თავის დროზე ჩემი ლანძღვა-გინებითაც გაითქვა სახელი. მომიტანა დაახლოებით 50 ნაბეჭდ თაბახზე გადაჭიმული „პუბლიცისტური ნაშრომი“ და მისი გამოქვეყნება მთხოვა. თანაც, გულახდილად მითხრა, მართალია, თქვენ სრული მორალური უფლება გაქვთ უარით გამისტუმროთ, მაგრამ მე გიცნობთ, როგორც პრინციპულ კაცს, პროფესიონალს და იმედი მაქვს, გამიგებთო.

წარმოიდგინეთ მდგომარეობა 16-გვერდიანი ყოველკვირეული გაზეთის რედაქტორისა, რომელსაც გამოსაქვეყნებლად 50-გვერდიანი სტატია მიუტანეს, თანაც, „ნამუსზე შეაგდეს“, მართალია, პიროვნულად არ მოგწონვართ, მაგრამ, მოდი, საქვეყნო საქმე გავაკეთოთო!

მოვიკრიბე მოთმინება და ბოლომდე წავიკითხე შემოთავაზებული აბდაუბდა. მართალი გითხრათ, ვერ დავადგინე, რისი თქმა სურდა ავტორს. მერე რომის პაპზედაც მეტად მორწმუნე ქრისტიანად ქცეულ ათეისტთან კიდევ ერთხელ დავჯექი და შევეცადე, რომ მისი შრომის უნაყოფობაში დამერწმუნებინა. გულწრფელად მაინტერესებდა ერთი რამ, რაც ასევე გულწრფელად ვკითხე მოფილოსოფოსო ავტორს:

— რა გრჯით, ამ ვებერთელა გაუგებრობებს რა განერინებთ-მეთქი?

— რა ქენა, თავს ვერაფერი მოვუხერხე, მენერება და, აბა, არ დავწეროო?

მართლაც და, რა ქნას კაცმა, როცა „ენერება“, დანეროს, თუ არ დანეროს?!

თუ „ენერება“, ალბათ, უნდა დანეროს კიდევ, მაგრამ ჩვენ აქ ვსაუბრობთ პროფესიონალიზმზე, ჟურნალისტიკის დანიშნულებაზე, ჟანრებზეც კი. არაფრისმთქმელი „ნაშრომების“ გამოქვეყნებას საზოგადოებისთვის არავითარი სარგებლობის მოტანა არ შეუძლია. ეს არის დროის და ფულის უაზრო ფანტვა და საზოგადოების შეურაცხყოფა. მართალია, ვილაცას „ენერება“, მაგრამ ისიც უნდა გავითვალისწინოთ, რომ იქნებ მკითხვ-

ელს ჩვენი ამბიციებისთვის არ სცხელა და არც ჩვენი ნაცოდ-ვილარები „ეკითხება“.

ჩვენ, საბჭოეთის შვილებს, ცრუ პუბლიცისტიკასთან დიდი ხნის ნაცნობობა გვაკავშირებს — სიცრუე იყო ყველა ის პუბლიცისტური ნაწარმოები, რომელიც სოციალიზმის დანარჩენ სოციალ-ეკონომიკურ ფორმაციებთან, წარმოების სოციალისტური წესის კაპიტალისტურთან შედარებით უპირატესობას ამტკიცებდა. გთხოვთ, დამიჯეროთ, რომ თავისუფალ კონკურენციასთან შედარებით, დიდი უპირატესობა აქვს სოციალისტურ შეჯიბრებას; რომ სწორედ იგია ეკონომიკის პროგრესის საფუძველი და სოცშეჯიბრში გამარჯვებულის ყეტონი მირჩევნია 100 000 დოლარს!

ამგვარ „მსჯელობათა“ ავტორებს საზოგადოებისა არ რცხვენოდათ. რცხვენოდათ კი არა, ვინც ამ სისულელის გამო მცირეოდენ პროტესტს გამოხატავდა, ციმბირს უკან ატოვინებდნენ.

ეს იყო სავალდებულო სიცრუე.

ახლა ეს ვალდებულება აღარ არსებობს, მაგრამ არსებობენ ადამიანები, ვისაც „ენერებათ“ და ჰგონიათ, რომ ყალბი მაღალფარდოვნებით ნამდვილ პოპულარობას მოიპოვებენ. ასეთი ავტორები, აზრის ნათლად გადმოცემა ხომ არ შეუძლიათ და არ შეუძლიათ, წინადადებებსაც შეგნებულად აბუნდოვანებენ, იმ იმედით, რომ ვინმე უმეცარი ამ ბუნდოვანებაში სიბრძნეს დაინახავს. მოკლედ, **ცრუ პუბლიცისტიკის მიმდევრები ლამაზი სიტყვების უაზრო დახვავებით საკუთარი გონებრივი უმწეობის შენიღბვას ცდილობენ.** რატომ ცდილობენ, ეს უკვე გითხარით — პოპულარობა ხომ ერთობ მიმზიდველი რამეა, ზოგჯერ, მომგებიანიც.

მთავარი ის არის, რომ, საბოლოოდ, სიცრუით არავინ ბრყვდება თვითონ ავტორისა და მისი „ნაშრომის“ გამომქვეყნებელი რედაქტორის გარდა.

თუ უბრალოდ, მარტივი წინადადებებით აზრის ნათლად და სხარტად გადმოცემა გეძნელებათ, პუბლიცისტობაზე ფიქრს სასწრაფოდ უნდა მოეშვათ და გადახვიდეთ, ვთქვათ, კულინარიაში — გემრიელი კერძის მომზადების ხელოვნება არაფრით ჩამოუვარდება ჟურნალისტიკას. მე, მაგალითად, ყოველთვის სიამოვნებით ვტრიალებ სამზარეულოში და ბედნიერი ვარ, თუ ჩემს ნახელავს ოჯახის წევრები და მეგობრები სიამოვნებით მიერთმევენ. ხოლო თუ შემაქეს!..

ახლა შესანიშნავი საკმაზებით უხვად და უგემოვნოდ შეზავებულ ერთ ძალიან უგემურ კერძს შემოგთავაზებთ, თან ბოდიშს მოგიხდით და უმორჩილესად გთხოვთ, იქნებ როგორმე ბოლომდე ჩაიკითხოთ:

**„საქართველოს „ცისარტყელას“ ფერები...  
„წითელი“, „მიხაკის-ფერი“, „ცისფერების“, —  
„იკებანა თაიგული...“**

- ერი — ჰააა!...
- ერი, — ფააა-ფუ...
- პირ-და-პირი და...
- არა პირ-და-პირი გაგებით...

...

პატარა ქვეყანას, — ჩიზუხში ჩასადებ საქართველოს, ისედაც დაქუცმაცებულ, დაბეჩავებულ, განწირულ, — ერთ დროს „მამლუქების“ მხარეს, — დღეისათვის, ჯერაც შემორჩენილ 3-5-სამ თუ ხუთ მილიონიან ერს, — კაცების „გაბერნების“ — გადაჯიშების ხანა-პერიოდი ხომ არ დაუდგა?!

— ისედაც განწირულებს, — ესლა გვაკლდა?!

— კაცების „გაბერნება“-გადაჯიშება!!!(???)

ქართველი „მამლუქების“ „გაბერნების“, „მამათ-მავლებად“ გადაჯიშების პერიოდი ხომ არ დაიწყო?!

— ესლა გვაკლდა?!

ნუთუ ესეც გარედან, — ვილაცისაგან-ვილაცეებისაგან „შემოგდებული“, — „ევროპიზაციის“ — სამყაროს ცივილიზაციის, ერთიანი ევოლუციის შედეგია?!

— არა მგონია!...

ეს პროცესი, — ევოლუციური განვითარების, — ცივილიზაციის „სანარმოო ხარჯის“ — შინაური შინაბერების, — „მამათ-მავლების“ აღებ-მიცემობის შემოტევის შედეგი ხომ არ არის?!

დაფიქრება გვმართებს!

კონტრ-მოქმედება გვმართებს, სანამდე მთლად „აღებ-მიცემობაში“ არ გადაჯიშებულვართ, — ამ სიტყვების პირ-და-პირი თუ... არა პირ-და-პირი გაგებით...(!!!).

ფაქტი, ქრონიკა, კომენტარი, — ექსტრემალური გამოძახილი...

...

საქართველოში შექმნილ დღევანდელ უმძიმეს, აუტანელ პოლიტიკურ, სახელმწიფოებრივ ეკონომიკურ, სოციალურ ვითარებას, — ყველა მხარე, სუბიექტი „ჰომო საპიენსი“ — თავისებურად განჭვრეტს, აღიქვამს, — თავის საკუთარ „რეცეპტებს“ სთავაზობს ხალხს, საზოგადოებას, — მათ შორის პრესას. — საინფორმაციო საშუალებებს, — იდეოლოგიას, მორალის, ეთიკის სხვა ზნეობრივი ნორმების დაცვით კლიმატის გაჯანსაღების სფეროში...

— „გაუცხოების“, „გადაჯიშების“ პროცესმა დაგვრია მსახვრალი ხელი...

...

— „ალარ გათენდება, ღამე საზიზღარი?..

რომელი საათია?, რომელი საათია?“

— გალაკტიონი...

...

გეო-პოლიტიკურ, პოლიტიკურ, სოციალურ, ეკონომიკურ დარტყმებს, შემოტევებს, — იდეოლოგიური, რელიგიური სექტების დარტყმები, შემოტევები ემატება, ენაცვლება...

ქართულ გენეტიკურ კოდს, — თავისუფალი სექსი-პათოლოგიური, ფიზიოლოგიური გადახრები ემუქრება, — ჩიბუხში ჩასადები ქვეყანა, — მცირე ერი — ერთ დროს „მამლუქების“ მხარე, — შემორჩენილი კაცების, მამა-კაცების, დედა-კაცებად გადაქცევას ვერ აიტანს, — გენეტიკურად გადავშენდებით...

...

ყოფილი „წითელი“ იდეოლოგები დღევანდელი „მიხაკისფერის“ „პონტი-პილატები“, — ღიად თუ ფარულად, — დღევანდელი და მომავალი „დემოკრატიული“, „თავისუფალი“, „დამოუკიდებელი“ საქართველოს, — გაუკუღმართებული ფროიდისეული მოძღვრების, — „ცისფერი“ გარდაქმნის ავტორები, — საუნივერსიტეტო კათედრიდან ირჯებიან, — იხარჯებიან... **(„მართალი გაზეთის“ ინფორმაცია).**

ცრუ პუბლიცისტიკისა და გრაფომანიის ეს კლასიკური ნიმუში იმაზე გაცილებით უფრო საშიში მოვლენაა, ვიდრე ერთი შეხედვით შეიძლება ჩანდეს: მისი ავტორი „ცნობილი“ პუბლიცისტი, „მამაცი კაცი“, კალმის „დიდოსტატი“, „თითით საჩვენებელი მოქალაქე“, მოკლედ, ახალგაზრდობისთვის მისაბაძი პიროვნებაა. ხოლო თუ თქვენ მის ნაშრომში რაიმე



ბუნდოვნად ან გაუგებრად გეჩვენათ, საკუთარ უვიცობას დააბრალებთ!

საზოგადოების ერთი ნაწილისთვის სამაგალითოდ ისახება ფუტურო, უმინაარსო, უაზრო, უმიზნო ნაწარმოები და მისი უნიჭო და ავანტურისტი ავტორი.

ვულგარული, ცრუ პუბლიცისტური ჟანრი ერთობ დამახასიათებელია მეოცე საუკუნის მიწურულისა და ოცდამეერთეს დასაწყისის საქართველოსთვის. ამ პათოსით გაიჟღინთა ჯერ ყვითელი პრესა, შემდეგ — ოფიცოზი, შემდეგ — სერიოზული, დამოუკიდებელი და თვით ყოვლად უწყინარი სტუდენტური პრესაც კი. ბოლოს ამ პათოსმა მთავრობასა და პარლამენტშიც შეაღწია (ან იქნებ, სულაც იქიდან დაიწყო!).

მეგონა, სიტყვის თავისუფლებისა და ქვეყნის დამოუკიდებლობის მიღებით გამეფებული საყოველთაო ეიფორიის ჩავლის შემდეგ ცრუ და დემაგოგიური პუბლიცისტიკაც ისტორიის სანაგვეზე აღმოჩნდებოდა, მაგრამ ასე არ მოხდა. ეტყობა, სიცრუით ნასაზრდოები ჟურნალისტური დემაგოგია ისეთივე უკვდავია, როგორც თავად ჟურნალისტიკა და ადამიანის უძველესი ხელობა.

როგორც ნესი, „პუბლიცისტური დემაგოგია“ (გნებავთ, „დემაგოგიური პუბლიცისტიკა“ დავარქვათ), მთელი თავისი სიგრძესიგანით ტრიბუნაზე მაშინ გადმოდგება, როცა ქვეყანაში ხელოვნურად იქმნება რევოლუციური აღტყინება. შესაძლოა, იგი ისტორიული კანონზომიერებითაც იყოს გამოწვეული, მაგრამ ეს ვითარებას ვერ ცვლის.

საერთოდ, ჟურნალისტურ ჟანრებზე უსასრულოდ ბევრი მსჯელობა შეიძლება. ჟურნალისტიკის თეორეტიკოსები ასე იქცევიან კიდეც: მომავალ ჟურნალისტებს ნაშრომის მომზადების მკაცრად დადგენილ წესებს სთავაზობენ — ჯერ კიდევ ნედლი მასალის (სტუდენტის) მტკიცე ყალიბებში ჩასხმას ცდილობენ.

ფამილარობაში თუ არ ჩამომართმევთ, ჟურნალისტური ჟანრების თეორიას კულინარიული რეცეპტების კრებულს შევადარებდი.

დიდი ხნის წინათ ჩემმა მეგობარმა, ნიჭიერმა აღმოსავლეთმცოდნე-ისტორიკოსმა და ჟურნალისტმა, თამაზ ჩიქვანაიამ ერთობ რომანტიკული დასახელების კერძის რეცეპტი მასწავლა — მაღამ ბოვარი: კარგად უნდა მოხარშოთ და მერე ტაფაზე შებრა-

ნოთ ცხიმგაცლილი ძროხის ან ღორის ხორცი. ცალკე უნდა შეწვათ წვრილად დაჭრილი კარტოფილი. უნდა დაუმატოთ ერთად მოდალული ხახვი და ბულგარული წინაკა, რამდენიმე ნაჭერი შვეიცარული ყველი, ზემოდან მოაწყოთ კანგაცლილი პამიდვრის ნაჭრები, მოასხათ არაჟანი, დააყაროთ შავი წინაკა და მარილი. ყველაფერი ეს დიდი ტაფით ათიოდე წუთით უნდა ამყოფოთ ცხელ ჰაერლუმელში და მადამ ბოვარივით ნაზი, მაცდური და გემრიელი კერძიც მზადაა!

თუმცა, თავად თამაზ ჩიქვანაიას შესრულებით, ამ რეცეპტით მომზადებული კერძი მადამ ბოვარის კი არა, თავად გუსტავ ფლობერს\* ჰგავს, ჩემი მომზადებული კი — თამაზ ჩიქვანაიას. ნუ გაგიკვირდებათ, თუ თქვენი ნახელავი გენერალ დე გოლს\* ან ფიდელ კასტროს დაემსგავსოს. ყოველ შემთხვევაში, სხვადასხვა მზარეულის მიერ მომზადებული ზუსტად ერთნაირი გემოს ნამცხვარი „ნაპოლეონი“ არასოდეს შემხვედრია.

**ასეა ჟურნალისტური ჟანრებიც. კი ბატონო, ისწავლეთ თეორია, დაიზუთხეთ რეცეპტები, მაგრამ ნუ დაივიწყებთ, რომ რეცეპტების (თეორიის) კარგად ცოდნა არ არის კარგი კერძის (ნაშრომის) შექმნის გარანტია. ბუნებაში რამდენი მზარეულიცაა, იმდენი კერძია, ანუ რამდენი ჟურნალისტიცაა, იმდენივე ჟანრია.**

## თავი VIII

### ყოველსაშემკლე პრესა

80-იანი წლების დასაწყისიდან საბჭოთა კავშირში უცნაური ამბები დაიწყო. ჯერ იყო და, „ძლევამოსილ, მარადიულ ერთა ურღვევ კავშირს“ ბზარები გაუჩნდა, რაც ე.წ. „სხვაგვარად მოაზროვნეთა“ — დისიდენტთა უკიდურეს გააქტიურებასა და მათ წინააღმდეგ სახელმწიფოს დამოკიდებულების ლიბერალიზაციაში გამოიხატა. მრისხანე КГБ თითქოს შედრკა, ან იქნებ სისხლის სმა მოსწყინდა. პოლიტიკური არენიდან ზედიზედ გაქრნენ ყოვლისშემძლე „სუპერ-ბებრები“: პელშე, პოლიანსკი, პოდგორნი, სუსლოვი, ბრეჟნევი, ანდროპოვი, ჩერნენკო, კოსიგინი... 1985 წელს კი კრემლს პატრონად ახალგაზრდა, ამბიციური, „პერესტროიკის“ იდეებით შთაგონებული მიხეილ გორბაჩოვი მოველინა.

მართალია, მისი პირველი ნაბიჯები დიად და „ცეცხლოვანი წყლის“ დიდად მოყვარულ საბჭოეთში ანტიალკოჰოლური მიმართულებით გადაიდგა, მაგრამ ამ მკვდრად შობილ იდეას სულ მალე კომუნისტური რეჟიმისაგან ყოვლად მოულოდნელი გადაწყვეტილებებიც მოჰყვა: — სიტყვის თავისუფლება საზოგადოების დემოკრატიზაციის მიზნით!

— Я коммунист, при том, я убежденный коммунист, — საჯაროდ განაცხადა ახალგაზრდა გენსეკმა და ახალი შემადგენლობის პოლიტბიუროსთან ერთად მმართველობის კომუნისტური რეჟიმის მოდერნიზაცია განიზრახა. არცთუ უჭკუო გორბაჩოვს გულუბრყვილოდ სჯეროდა, რომ ასეთი რამ, საერთოდ, შესაძლებელი იყო. იგი ხედავდა კომუნიზმის დასასრულს და მისი სიცოცხლის გახანგრძლივებას სერიოზული კოსმეტიკური საშუალებებით ცდილობდა. ამ გზაზე პირველი იყო სიტყვის თავისუფლება.

ახლანდელმა თაობამ იცის სიტყვის და გამოხატვის თავისუფლების მნიშვნელობა და ძალა, მაგრამ მისთვის ძნელი წარმოსადგენია ისეთი ვითარება, როცა სიტყვას შეუძლია პირწმინდად დაანგრიოს კაცობრიობის ისტორიაში ყველაზე დიდი, ყველაზე ძლიერი, ყველაზე ვერაგი იმპერია.

დიახ, საბჭოთა იმპერიის აღსასრული ისტორიული კანონზომიერებით იყო გამოწვეული — ადრე თუ გვიან მძიმედ დასნეულე-

ბული გოლიათი უეჭველად დაეცემოდა, მაგრამ ნებისმიერ შემთხვევაში აუცილებელი იყო რალაც, რაც გოლიათის დაღუპვის უშუალო მიზეზი გახდებოდა: ომი, რევოლუცია, სახელმწიფო გადატრიალება...

ეს „რალაც“ აღმოჩნდა სიტყვა. იოანეს სახარებაშიც ხომ ასეა ნათქვამი: „პირველად იყო სიტყვა და სიტყვა იგი იყო ღვთისა თანა“.

კომუნისტებმა თქვეს, ილაპარაკეთო და, ოდესღაც უმტკიცესი დუღაბით შეკრული მსოფლიო სოციალისტური სისტემა კოცონზე შემოდგმულ უზარმაზარ ზღაპრულ ქვაბს დაემსგავსა. არენაზე გამოვიდნენ ეროვნულ-გამათავისუფლებელი მოძრაობების ლიდერები და ფსევდო-ლიდერები, პარტიები და მოძრაობები, ორატორები და დემაგოგები, პატრიოტები და რენეგატები, დემოკრატები და „დერჟავნიკები“, ნაციონალისტები, ფარისევლები და პროვოკატორები.

სიტყვას მოჰყვა საქმე: უამრავი ახალი ჟურნალ-გაზეთი, რადიო და ტელევიზია. მსოფლიო სოციალისტური თანამეგობრობის ქვეყნები თითქოს ციებ-ცხელებამ შეიპყრო. დაგროვილმა უკმაყოფილებამ ვულკანივით ამოხეთქა და დაუოკებელ ძალად იქცა.

ახალმა, დემოკრატიულმა მასმედიამ ელვის სისწრაფით გააშვილა 70 წლის განმავლობაში საგულდაგულოდ ჩაცხრაკლიტულებული სოციალისტური სინამდვილე; ფართოდ გაულო კარი კომუნისტური ჯურღმულებიდან გათავისუფლებულ ყოფილ დისიდენტებს...

რახან საქმე სიტყვაზე, სიტყვიერ გარჩევაზე მიდგა, ყველამ თავისი თქვა და ყველამ თავისი მოითხოვა. საბჭოთა კავშირი და მთელი აღმოსავლეთი ევროპა მრისხანე საპროტესტო მოძრაობებმა შეაზანზარა. პოლონეთმა, უნგრეთმა, რუმინეთმა, ჩეხოსლოვაკიამ, ბულგარეთმა, გდრ-მ, იუგოსლავიამ და სხვებმა ხმა ამოიღეს. თექვსმეტივე მოკავშირე რესპუბლიკამ ჯერ საბჭოთა კონსტიტუციით მინიჭებული უფლებები, შემდეგ კი სრული დამოუკიდებლობა მოითხოვა. განზე არც საქართველო დარჩენილა. აი, რას წერს 1989 წლის ორი იანვრის გაზეთი „თბილისი“. უფრო ზუსტად, კომუნისტური გაზეთი ბედავს საბჭოთა რეჟიმის საფუძველთა საფუძვლის, სასამართლო სისტემის კრიტიკას: „სამართლებრივი რეფორმის შედეგად, უპირველეს ყოვლისა, სასამართლომ მთელი სისრულით უნდა განახორციელოს უდანაშაულობის პრეზუმფცია.

უდანაშაულო ადამიანი არ უნდა დაიჩაგროს. სასამართლო მისთვის უნდა იყოს თავშესაფარი ყოველგვარი დევნისაგან. ეს მხოლოდ მაშინ იქნება შესაძლებელი, როცა მოსამართლე მიიღებს სრულ იურიდიულ, ეკონომიკურ და პიროვნულ (მორალურ) დამოუკიდებლობას. თუ დავეთანხმებით გამოთქმას, რომ „იაფი მართლმსაჯულება სახელმწიფოს ძვირი უჯდება“, ამ მხრივ ჩვენ ფრიად არასახარბიელო მდგომარეობა გვაქვს...

თვეში ორას მანეთად შეფასებულმა მოსამართლის ჯოჯოხეთურმა და უაღრესად საპასუხისმგებლო შრომამ სასურველი ნაყოფი რომ ვერ გამოიღოს, არ არის გასაკვირი...

მოსამართლის პიროვნული (მორალური) დამოუკიდებლობის მოპოვება უაღრესად ძნელია და იმიტომ კი არა, რომ ამ თავისუფლებას კანონმდებლობა ვერ მიანიჭებს. თვით მოსამართლე, გნებავთ, სასამართლო არ არის მზად სრული თავისუფლებისთვის. იურისტთა ახლანდელი კადრები, ბუნებრივია, იმ ძველ ტრადიციებზე, სამართლის იმ კონცეფციაზე აღზრდილი, რომელსაც დღეს ასე დაუნდობლად ვაკრიტიკებთ. მომავალში, ალბათ, უნდა მოვიდეს მოსამართლის სრულიად ახალი ტიპი. თავისი პირდაპირი მოვალეობის იდეალური მსახურის გარდა, იგი უნდა იყოს მოღვაწე ამ სიტყვის საუკეთესო გაგებით და არა მოსამსახურე-ობივატელი. ამას მარტო ნორმატიული აქტების შეცვლა ვერ უშველის. საჭიროა დრო, მოთმინება და ასეთ მოღვაწეთა აღზრდა. იმაზეც მიფიქრია, რომ მაშინ მეც, ისევე, როგორც ჩემი თაობის ყველა იურისტს, მოსამართლის უმძიმესი ტვირთის ტარება ერთობ გამიჭირდება. ჩვენი იურიდიული აზროვნება ხომ ავტორიტარული რეჟიმის პირობებში ჩამოყალიბდა“.

გთხოვთ, ყურადღება მიაქციოთ: 1989 წლის იანვრის დამდეგს საბჭოთა სოციალისტური სისტემის კრახზე საუბარი მეტისმეტად ნაადრევია. ამავე დროს, პარტიულ გაზეთში, პარტიის წევრი მოსამართლე (უპარტიო მოსამართლე საბჭოთა სინამდვილეში, საერთოდ, არ არსებობდა!) საბჭოთა სამართლებრივი სისტემის მანკიერებასა და საბჭოთა ავტორიტარულ რეჟიმზე ლაპარაკობს. რაც მთავარია, დაუსჯელად ლაპარაკობს! და არა მარტო ვაჟა აბაკელია. იგივე „თბილისი“ აქვეყნებს პროფესორ ოთარ გამყრელიძის სტატიების სერიას სამართლებრივი რეფორმების აუცილებლობაზე. ამავე თემაზე ქვეყნდება უამრავი სხვა სტატია და პოეტ ჯანსუღ ჩარკვიანის ლექსი-მოწოდებაც:

„პატარა ბიჭი „მართვედან“  
ყელს იღერებს და თვალს მიკრავს,  
მღერის სიმღერას ქართველთა —  
„ქართველო, ხელი ხმალს იკარ!“.  
იმღერე, ორბის მართვეო,  
მღერით გადახვალ ჯებირსა,  
ქართველი კვლავაც ქართველობს,  
„დღე დადგა გამარჯვებისა“.

ჯანსუღ ჩარკვიანის სიტყვას, ისიც პრესაში გამოქვეყნებულს, სხვა ფასი აქვს: ჩარკვიანი კომპარტიის ძველი წევრია, უმაღლესი საბჭოს უამრავი მოწვევის დეპუტატი, ყველა მნიშვნელოვანი ადგილობრივი და საკავშირო „ფორუმის“ მონაწილე. სწორედ ეს კაცი ყველას საქვეყნოდ მოუწოდებს, ქართველო ხელი ხმალს იკარ, დღე დადგა გამარჯვებისაო!

ასეთი რამეების წერა, უფრო ზუსტად, წერა კი არა, კომუნისტურ პრესაში გამოქვეყნება, არც ისე იოლია. ამიტომ რედაქტორი იძულებულია ცოტა იეშმაკოს და საკუთარი გაზეთი ამგვარი გამოთქმებითაც შეაღამაზოს: „პარტია ყველაფერს იღონებს სოციალისტური დემოკრატიის შემდგომი განვითარებისათვის. საზოგადოებრივ-პოლიტიკურ ცხოვრებასა და მართვაში თითოეული ადამიანის აქტიური მონაწილეობისთვის, ნამდვილი სრული სახალხო ხელისუფლების გამარჯვებისთვის“ (გორბაჩოვის მიმართვიდან პარტიისა და საბჭოთა ხალხისადმი). ნუ გაგვიკვირდებათ, რომ ეს ციტატა ამოღებულია ერთი იმდროინდელი ჩემი სტატიიდან „მივდივართ დემოკრატიისკენ“. „ამხანაგი“ გორბაჩოვი რომ არ დამემონებინა, საჯაროდ ვერ ვიტყოდი მთავარს: „დღევანდელ პირობებში მოსამართლე ვერ იქნება ობიექტური. იმიტომ კი არა, რომ მას ეს არ უნდა, არამედ იმიტომ, რომ მას არ შეუძლია იყოს ობიექტური.

სახალხო მოსამართლე არჩევითი თანამდებობაა. სინამდვილეში არავინ არავის არ ირჩევს — მოსამართლე ინიშნება ზემდგომი სასამართლო ორგანოს მიერ პარტიულ ორგანოებთან შეთანხმებით, ან პირიქით — პარტიული ორგანოს მიერ ზემდგომ სასამართლო ორგანოებთან შეთანხმებით. ამდენად, სახალხო მოსამართლე ანგარიშვალდებულია არა ხალხის, ამომრჩევლების წინაშე, არამედ მისი დამნიშნავის ან დამნიშ-

ნავეების წინაშე. ვითარებაში, როცა არსებობენ თანამდებობის პირები და ორგანოები, რომლებსაც შეუძლიათ საკუთარი ნება უკარნახონ სახალხო მოსამართლეს, ამ უკანასკნელის მხრიდან რაიმე ობიექტურობაზე ფიქრი არარეალურია. იგივე შეიძლება გავიმეოროთ სხვა „არჩევითი“ თანამდებობის პირების მიმართ“ **„თბილისის ინფორმაცია“**.

ამგვარი „ეშმაკობანი“ არც ჩემი გამოგონილია და არც ჩემი თაობის სხვა ჟურნალისტებისა. ეს იყო საბჭოთა პრესაში გავრცელებული სისტემა, რასაც, პირობითად, „სტრიქონებს შორის წერა“ ერქვა.

ეს 1989-ის დასაწყისია. აპრილში კრიტიკისა და მოწოდებების მოჩვენებითი რეალიზაციის დრო დგება. თბილისში, რუსთაველზე, მთავრობის სასახლის წინ ათი ათასობით ადამიანი თავდავინყებით ენაფება ერთ დროს სასტიკად აკრძალულ მოწოდებებს თავისუფლებასა და დამოუკიდებლობაზე. უწყინარი მიტინგი თანდათან კატეგორიულ პოლიტიკურ მოთხოვნებზე გადადის და საბჭოთა რეჟიმი მთელ მსოფლიოს კიდევ ერთხელ უჩვენებს, რომ „ხმები მისი გარდაცვალების შესახებ გადაჭარბებულია“: დარბეული მიტინგი, თექვსმეტი მოკლული, ასობით დასახიჩრებული, მილიონობით სულიერად ტრავმირებული ადამიანი.

ამ დღეს, 1989 წლის 9 აპრილს, საქართველოში საბჭოთა ისტორია დამთავრდა.

უოტერგეიტის საქმე ხომ გახსოვთ? — როგორც კი პრესაში გამოქვეყნდა დასაბუთებული ინფორმაცია პრეზიდენტის საარჩევნო გუნდის უსაქციელობაზე, პრეზიდენტი გადადგა!

არც უფიქრია, არც უყოყმანია, არც თავის მართლება დაუნყვია — ამ ინფორმაციის გამოქვეყნებისთანავე პოსტიდან გადადგა მსოფლიოს №1 პოლიტიკური ფიგურა — ამერიკის შეერთებული შტატების პრეზიდენტი!

ასეთი მასშტაბებისა არა, მაგრამ თვისობრივად მსგავსი შემთხვევები მსოფლიო ისტორიაში იშვიათი სულაც არ არის. მასმედიას საკმაოდ იოლად შეუძლია ბეჭეებზე დასცეს ნებისმიერი რანგის პოლიტიკური მოღვაწე. ერთი ენამწარე ჟურნალისტის თქმით, პოლიტიკოსი და კოლო იმით ჰგვანან ერთმანეთს, რომ გაზეთით ორივეს გასრესა შეიძლება. წარმოიდგინეთ, XX საუკუნის ბოლოს მსგავსი რამ საქართველოშიც მოხდა: გაზეთ „საქართველოში“ გამოქვეყნდა ინფორმაცია, რომ უშიშროების

სამინისტრო უსმენდა ამ გაზეთის რედაქტორს ნოდარ გრიგალაშვილს. მართალია, როგორც ცივილიზებულ სამყაროში ხდება, ამის გამო უშიშროების მინისტრი შოთა კვირიაა თანამდებობიდან საკუთარი ნებით არ წასულა, მაგრამ მის ნაცვლად ეს გააკეთა პრეზიდენტმა შევარდნაძემ — უშიშროების მინისტრი პოსტიდან გადააყენა.

რამდენიმე წლის შემდეგ გენერალ კვირიაას ბედი გაიზიარა მისმა მემკვიდრე ვახტანგ ქუთათელაძემაც. 2001 წლის ოქტომბრის ბოლოს ტელეკომპანია „რუსთავი-2“-ის ოფისში უშიშროების სამინისტროს რამდენიმე თანამშრომელი გამოცხადდა და კომპანიის ფინანსების შემონმების მიზნით, დოკუმენტები მოითხოვა. კომპანიის ხელმძღვანელობამ უშიშროების თანამშრომელთა მოთხოვნა უკანონოდ მიიჩნია და შემომნებლებს უარი განუცხადა. უშიშროებამ ტელეკომპანიაში დამატებითი ძალები გამოიძახა. კომპანიის ოფისი ტყავის ქურთუკიანი, შეიარაღებული კუნთმაგარი ბიჭებით გაივსო. ჟურნალისტებმა ტელევიზიის ოფისში მიმდინარე კოლიზიების ღია ეთერში გადაცემა მოახერხეს. პოპულარული ტელეკომპანიის მიმართ ძალადობა თბილისელებმა საკუთარ შეურაცხყოფად და სიტყვის თავისუფლების ხელყოფად მიიჩნიეს — ტელეკომპანიის ოფისთან ათი ათასობით ადამიანი შეიკრიბა. ვითარება უკიდურესად დაიძაბა. ისიც სათქმელია, რომ პროცესებს, ფაქტობრივად, თვით „დაზარალებული“ ტელეკომპანია მართავდა.

უშიშროების სამსახურის რამდენიმე თანამშრომლის „ინიციატივა“, საბოლოოდ, კატასტროფული აღმოჩნდა: თანამდებობები დაკარგეს პარლამენტის თავმჯდომარემ, სახელმწიფო მინისტრმა, უშიშროების და შინაგან საქმეთა მინისტრებმა და ბევრმა სხვამ.

შესაძლოა, პრეზიდენტს სხვა, უფრო მნიშვნელოვანი მოტივებიც ჰქონდა ოდესღაც საკუთარი ფავორიტების მოსამორეზლად, მაგრამ ეს მაინც პრესის დიდი გამარჯვება იყო.

სამართლიანობისთვის ისიც უნდა ითქვას, რომ „რუსთავი 2-თან“ დაკავშირებულ პროცესებს ვირტუოზულად წარმართავდა პრეზიდენტ შევარდნაძის ხელისუფლების ოპოზიციური ფრთა მომავალი პრემიერის, ზურაბ ჟვანიას მეთაურობით. თუმცა, ვიმეორებ, ეს მედიის როლს სულაც არ აკნინებს — საბოლოოდ ხომ ყველაფერი მისი ხელით გაკეთდა!



## დრონი მეზობან

პრესას ბევრი რამ შეუძლია. ჩემი ნათქვამის საილუსტრაციოდ მინდა შემოგთავაზოთ რამდენიმე მაგალითი 1991 წლის მოდელის გაზეთ „დრონის“ სინამდვილიდან.

„დრონი“ 1991 წლის 1 ივნისს გამოვიდა და მკითხველთა უზარმაზარი სიმპათია თავისი ობიექტურობით დაიმსახურა. საქართველოში ძალიან დაძაბული პოლიტიკური ვითარება იყო. ხელისუფლება უხვად არიგებდა მტრებისა და მოლაღატეების იარლიყებს. პირველ მრავალპარტიულ არჩევნებში გამარჯვებულმა „მრგვალმა მაგიდამ“ აშკარად თავი ვერ გაართვა სახელმწიფოს მართვას. უკვე ზაფხულში შეიძლებოდა გვევარაუდა, რომ საქმე აუცილებლად მივიდოდა შეიარაღებულ დაპირისპირებამდე და, საბოლოოდ, — სამოქალაქო ომამდე. პრეზიდენტ გამსახურდიას ზედიზედ მოსდიოდა საბედისწერო შეცდომები. საქართველოს თითქმის მთელი საინფორმაციო სივრცე მონოპოლიზებული იყო ხელისუფლების მიერ. მოკლედ, ეს ის დროა, როცა საქართველოს „ღვთის მიერ მოვლენილი ადამიანი“, „წამებულის“, „დიდი ლიდერი“ და, საერთოდ, ალაპის ასივე ეპითეტის მფლობელი ზვიად გამსახურდია და მისი ყოვლად გამოუცდელი გუნდი მართავენ.

ამ უაღრესად რთულ და საშიშ დროს „დრონი“ ქვეყნდება პროფესორ თამაზ კვაჭანტირაძის სტატია „ვაგლახ, უკვდავი“.

მე ვერ გავხედავ ამ სტატიის რომელიმე ჟურნალისტურ ჩარჩოში ჩასმას (რომელიმე ჟანრისთვის მიკუთვნებას). იგი ერთდროულად პუბლიცისტური სტატიაც გახლავთ, მეცნიერული გამოკვლევაც, ესსეც და, თუ გნებავთ, უბრალოდ, წარსულის გახსენებაც.

სტატიის შესავალში ნათქვამია:

„პიროვნება ხასიათია. ეს ხასიათი იკვეთება, ერთი მხრივ, მისი ქმედების, მეორეს მხრივ, — აზროვნება-მეტყველების საფუძველზე.

კაცი რასა იქმ და რას ამბობ — ეს საკითხის ერთი მხარეა; სხვანი როგორ აღიქვამენ შენს ქცევა-მეტყველებას — ეს მეორე, არანაკლებ მნიშვნელოვანი.

წინააღმდეგობრივი შეიძლება აღმოჩნდეს არა მარტო შენი ნათქვამი შენსავე ნაქნართან, არამედ მოვლენათა სხვისეული აღქმა-შეფასება — შენეულთან. ამგვარი წინააღმდეგობა

ზოგჯერ ტრაგიკულია, ზოგჯერ — კომიკური, ხშირად კი — ტრაგიკომიკური: პიროვნებას გააჩნია“ („დრონის“ ინფორმაცია).

შემდეგ მთელ საქართველოში კარგად ცნობილი ოქროპირი, ლიტერატორი თამაზ კვაჭანტირაძე მოგვითხრობს ასევე მთელ საქართველოში ძალიან დიდი ხანია ძალიან კარგად ცნობილი ლიტერატურული გმირის ნათქვამ-ნაქნარზე და მისი ამ ნაქნარ-ნათქვამის შედეგებსა და საზოგადოებრივ შეფასებაზე.

მოკლედ, საუბარი ეხება პოლიკარპე კაკაბაძის\* მართლაც უკვდავ გმირს — ყვარყვარეს\*.

არც ერთი სიტყვა არსებულ ხელისუფლებაზე, არც ერთი სიტყვა პრეზიდენტზე ან ხელისუფლების რომელიმე სხვა წარმომადგენელზე! არავითარი მინიშნება, არავითარი გადაკრული სიტყვა!

ამის მიუხედავად, „დრონის“ რედაქცია და თვით თამაზ კვაჭანტირაძე კინალამ წაღეკა ხელისუფლების თავგამოდებულ მომხრეთა რისხვის ნიაღვარმა — როგორ, თქვენ ჩვენი პრეზიდენტი ყვარყვარე თუთაბერს შეადარეთ?!

ასეც იყო — თამაზ კვაჭანტირაძემ, ყვარყვარიზმის არსის ჩვენებით, მართლაც დახატა ზვიად გამსახურდიას და მისი ფანტიკური მიმდევრების პორტრეტი.

ვწუხვარ, ბატონი თამაზის იმ სტატიას აქ ვერ მოვიყვან, მაგრამ იგი „დრონში“ 1991 წლის 18 ოქტომბერს გამოქვეყნდა და ძალიან გთხოვთ, წაიკითხოთ, ვინძლო ყვარყვარეში ზოგიერთი თქვენი თანამედროვე ხელისუფალი ამოიცნოთ — ყვარყვარიზმი ხომ უკვდავია!

„დრონს“ გულწრფელად სურდა მაშინდელი ხელისუფლების მშვიდობიანი შეცვლა. ამ მიზნით, მან თითქმის შეუძლებელი შეძლო — საზოგადოებას, ამომრჩევლებს დაანახა ხელისუფლების ნამდვილი სახე; დაანახა, რომ ფანატიზმამდე მისული პატრიოტული ლოზუნგების უკან იდგა უკიდურესი გულუბრყვილობა, უფიცობა, დემაგოგია და ფარისევლობა. „დრონმა“ ეს გააკეთა უბრალოდ და გენიალურად — ხელისუფლების ყველაზე აქტიური მხარდამჭერების წერილებისა და უმაღლესი რანგის ჩინოვნიკების აზრების უკომენტარო გამოქვეყნებით!

არ გჯერათ? — მაშინ თვალი გადაავლეთ ამ პატარ-პატარა წერილებს, რომლებიც იმდროინდელი „დრონიდანაა“ ამოღებული:

## პრეზიდენტში ხალხი ხედავს ღმერთს

ხალხს ბრბოს რომ უწოდებს, იმ მილიონობით ხალხს, რომლებმაც ხმა მივეციტ ბატონ ზვიად გამსახურდიას, გადადგესო რომ ბრძანეს, მაგათმა აირჩია თუ რა. ჩვენ არ გვეკითხებიან, თუ გადავაყენებთ. თუ ჩვენ ბრბო ვართ, როგორც ბრძანეს და არაფერი არ გავკვევება.

რამდენი ძვირფასი ინტელიგენცია თბილისში, რომლებმაც ხმა მისცეს ბატონ ზვიად გამსახურდიას, რამდენი ინტელიგენცია რაიონებში რომლებმაც ხმა მისცა და მოიპოვა 87 პროცენტით.

თუ ამ ერთ მუჭა ინტელიგენტის ძალით გადავაყენებდით. რატომ გწყინთ, რომ ამბობს თქვენზე მოლაღატებიო. რატომ გიკვირთ, რატომ გწყინთ, არა ხართ? აბა დაუკვირდით თქვენს მოქმედებას, ჯერ იყო და პრეზიდენტობის კანდიდატები, როგორი უშვერი სიტყვებით ლანძღავდნენ ბატონ ზვიად გამსახურდიას. ამით რაც გააკეთეს, ის იყო რა პროცენტებიც მიიღეს, კარგად იცინან. შემდეგ შურით და ბოლმით სხვა ხერხებს მიმართეს. ახლა პრეზიდენტი არ გვინდაო. თუ არ უნდოდათ, რატომ იკლავდნენ ცოცხალ თავს პრეზიდენტობაზე.

ჩემო ძვირფასო ინტელიგენტებო, იცოდეთ, გონს თუ არ მოხვედით, თქვენი იარაღის ქართველ ერს არ ეშინია. პრეზიდენტის გადადგომით, ეს დღე ღმერთმა ნუ მოგვასწროს, რამდენიც გინდათ იმდენი ამბობს შემდეგ სიცოცხლე აღარ ღირსო. პრეზიდენტში ხალხი ხედავს ღმერთს, ხალხის მსხნელს და ამით თქვენ ნუ გაბოროტდებით და ქვით, ბოთლებით, იარაღით და დანით თავს ნუ ესხმით მთავრობის სახლს. ამას ისტორია არ გაპატიებთ.

პელო შაფაქიძე

### ველარ მოვითმინე ამდენი დაუმსახურებელი სიტყვები...

ჩვენ საქართველოში მცხოვრებ ყველა ხალხს გვწამს ჩვენს მიერ კანონიერად არჩეული პრეზიდენტის, ველარ მოვითმინე ამდენი დაუმსახურებელი სიტყვები: „პრეზიდენტი გადადგეს“, „არაფერი გაუკეთებია“, „დიქტატორია“ და სხვა.

ბატონო რედაქტორო: თუ გინდ ავიღოთ რამოდენიმე წერილი, რომლებიც გამოქვეყნებულია თქვენს გაზეთში. თუ გინდ

წერილი „ციხეს რად უნდა რკინის კარები?“ ბატონი ჭანტურია მისი წერილით ციხიდან მოითხოვს ხალხის მიერ არჩეულ და ღმერთიდან მოვლენილ პრეზიდენტის გადადგომას. ვინ არის ჭანტურია? ვითომ ქართველი ხალხის ერთგულია? ჭანტურიამ აირჩია ჩვენი პრეზიდენტი? როდესაც მის პარტიამ ბოიკოტი გამოუცხადა არჩევნებს, და ქართველი ხალხისათვის მტრობის მეტი არაფერი გაუკეთებია და აკეთებს. ასევე მის გვერდით მდგომი იარაღით შეიარაღებული ბატონი ი. წერეთელი მოითხოვს პრეზიდენტის ზ. გამსახურდია გადადგეს და ქართველი ხალხის მტრის ედუარდ შევარდნაძის ჩამოყვანას საქართველოში, რისთვის ვითომდა ქართველი ხალხის საკეთილდღეოთ? ქართველმა ხალხმა კარგად იცის შევარდნაძე ის ქართველია, რომელსაც არ უყვარს არც საქართველო და არც ქართველი ხალხი, ის დიდი პოლიტიკოსია მხოლოდ თავისი თავისათვის, კარგად გაიხსენონ მისი მოღვაწეობა საქართველოში, რამდენი ქართველი ადამიანი დაღუპა.

ასევე მინდა მოგახსენოთ ჟურნალისტ ბატონ კვარაცხელიაზე და მის დაწერილ წერილში, „დარჩა ორი გზა თქვენ რომელს ირჩევთ“? აქ ბატონი კვარაცხელია თხოვს ჩვენს პრეზიდენტს „შეიბრალოს თავისი ხალხი“ და ის ხალხიც, რომელიც თითქოს მას სძულს“ და რომ სისხლის ღვრა არ მოხდეს გადადგეს. ბატონი ვ. კვარაცხელია ცდება ამ თხოვნაში, მან კარგად უნდა იცოდეს ჩვენი პრეზიდენტი დიდი დამთმობი ბრძანდება რომ მას არცერთი ქართველი არ სძულს, თუ გინდ იცოდეს, რომ ის მისი მტერია. და ასევე ყველაფერ დათმობაზე წავა, რომ საქართველოში არ მოხდეს ძმათა სისხლის ღვრა. ბატონო ვ. კვარაცხელია თქვენ რა გააკეთეთ ქართველი ხალხისათვის? და ბოლოს ბატონი ჯ. ჩარკვიანის წერილი „პოეტის ტყვიით მოკლული კაცი?“ თავის წერილში ბატონი ჯ. ჩარკვიანი საყვედურობს ბატონ მ. მაჭავარიანს, თითქოს მან დაკეტა მწერალთა კავშირი და მილიციელები დააყენა და კოპერატივად გადააქციათ. ბატონო ჯანსუყ საჭირო ყოფილა თუ არა ასე მოქცეულიყო ბატონი მ. მაჭავარიანი? ეხლა რას ბრძანებს ბატონი ჯანსუყი? ვინ დაუშინა მწერალთა კავშირს ტყვიები? ამას თვით უნდა გვიპასუხოს ბატონმა ჯანსუყმა. ბატონო რედაქტორო: თქვენ კარგად იცით თუ რა ჩაიდინეს ეგრენოდებულ ოპოზიციონერმა და პუჩისტებმა, მაგრამ ამათ შესახებ ერთი სიტყვაც არ სწერია, ისე გამოდის თითქოს ყველაფერი ეს დანაშაული

პრეზიდენტის მომხრეების მიერ არი ჩადენილი. სირცხვილი თქვენ და იმათ, ვინც ასე უსამართლო წერილებს აქვეყნებენ. გთხოვთ, შეწყვიტოთ.

ბატონო რედაქტორო: ვნახოთ, თუ როგორ გააკრიტიკებთ და ისე „შელამაზებული“ გამოაქვეყნებთ ჩემს წერილს.

პენსიონერი  
მარიამ ძოძუაშვილი,  
სოფ. ოფშკვითი (**„დრონის“ ინფორმაციები**).

გულზე ხელი დაიდეთ და, არა როგორც დამწყებმა ან თუნდაც პროფესიონალმა ჟურნალისტმა, არამედ, როგორც ქვეყნის მოჭირნახულე მოქალაქემ, თქვით, დადგებოდით თუ არა იმ ხელისუფლების გვერდით, რომელსაც ასეთი ჭკუის ადამიანები უჭერენ მხარს?

რა თქმა უნდა, გაზეთში იბეჭდებოდა ოპოზიციის წარმომადგენელთა ანალიტიკური სტატიები და რედაქციის თანამშრომელთა ირონიული, ოღონდ ობიექტური რეპორტაჟები. ეს იყო სისტემატური, გამიზნული მძიმე შრომა.

ხელისუფლებამ „დრონისთვის“ რაიმე სერიოზული არგუმენტების დაპირისპირება ვერ შეძლო, თუ მხედველობაში არ მივიღებთ რედაქციის თანამშრომელთა ლანძღვა-გინებას, გაქილიკებას, მოლაღატედ და აგენტად შერაცხვას და სხვა.

მაშინდელმა ხელისუფლებამ ვერ გაბედა და არც იკადრა „დრონის“ დახურვა — ეს ძალიან ცუდად იმოქმედებდა ხელისუფლების ისედაც შელანძლულ საერთაშორისო ავტორიტეტზე და უამრავ მტერს შესძენდა შინ, საქართველოში. „დრონის“ გადარჩენაში უდავოდ დიდი წვლილი მიუძღვის მაშინდელი უზენაესი საბჭოს კულტურისა და განათლების კომიტეტის თავმჯდომარეს, „მრგვალი მაგიდის“ მთავარ იდეოლოგს, თემურ ქორიძეს.

მაშინდელი „დრონის“ რედაქციაში, იქნებ სტიქიურად, მაგრამ მაინც, შეიქმნა ნამდვილი „გონებრივი ცენტრი“, საიდანაც განხორციელდა უძლიერესი და ეფექტური შეტევა საზოგადოებრივ ცნობიერებაზე. შემდეგში მსგავსი რამ ვერც „დრონმა“ და ვერც რომელიმე სხვა გაზეთმა ვერ გაიმეორა. ამას მრავალი მიზეზი ჰქონდა და ოდესმე მის შესახებაც გიამბობთ.

არა, „დრონს“ არ მოუშზადებია სახელმწიფო გადატრიალება, არ წამოუწყია სამოქალაქო ომი, ათიათასობით ადამიანის ცოდვა

საკუთარ კისერზე არ აუღია — რაც მოხდა, ისტორიული კანონ-ზომიერებით იყო გამოწვეული. „დრონმა“ გააკეთა მხოლოდ ის, რაც ახლახანს მოგახსენეთ — საზოგადოებას ხელისუფლების ნამდვილი, შეულამაზებელი სახე დაანახა და ამით მოვლენათა განვითარება დააჩქარა.

**პრესა, რა თქმა უნდა, არ არის ყოვლისშემძლე, მაგრამ იგი არის უძლიერესი და ძალიან სახიფათო იარაღი ჭკვიანი ადამიანების ხელში.**

ამ ჭკვიანი ადამიანების გამოჩენას საქართველო ჯერ კიდევ ელის.

ეს მაშინ მოხდება, როცა საქართველოში მოულოდნელი თავისუფლებით დასადგურებული ეიფორია გაივლის, როცა პოლიტიკაში გრძნობების ადგილს ცივი გონება და ცივი ანგარიშიანობა დაიჭერს.

პრესა მართლაც დიდი და საშიში ძალაა. დიდია ამ ძალის არადანიშნულებისამებრ გამოყენების ცდუნებაც. **პრესა — თავისუფალიც, ოფიციალიც, ყვითელიც და მწვანეც უნდა ემსახუროდეს ქვეყნის ინტერესებს. ვიშორებ, — უნდა ემსახუროდეს ქვეყნის ინტერესებს.**

ახლა ჩვენ მივადექით კიდევ ერთ უაღრესად საჭირობოროტო პრობლემას, რომელსაც პირობითად შეიძლება ეწოდოს

## **ხელისუფლება და პრესა**

**თავისუფალი პრესა არის თავისუფალი, დემოკრატიული საზოგადოების პირმშო, მისი ყოვლად აუცილებელი ატრიბუტი. დემოკრატიული სახელმწიფოს გარეშე წარმოუდგენელია დამოუკიდებელი პრესის არსებობა და პირიქით, — დამოუკიდებელი თავისუფალი პრესის გარეშე წარმოუდგენელია დემოკრატიული სახელმწიფოს არსებობა.**

მოკლედ, არ არსებობს ერთი მეორისგან დამოუკიდებლად.

სწორედ ამიტომ და, ალბათ, იმის გამოც, რომ საკუთარი დემოკრატიზმი მსოფლიოსთვის დაენახვებინა, ერთ-ერთი პირველი კანონი, რომელიც გამსახურდიას ხელისუფლებამ მიიღო, იყო კანონი პრესის შესახებ.

ეს იყო უაღრესად რთული და არეული დრო. ფაქტობრივად, არ მოქმედებდა ძველი და არ გვექონდა ახალი საკანონმდებლო ბაზა.

ასეთ ვითარებაში პრესის კანონის მიღება, პრესისა და საზოგადოების ინტერესებიდან გამომდინარე, აუცილებელი იყო.

ვერ ვიტყვი, რომ კანონი უზადო იყო. პირიქით, მას ძალიან ბევრი ხარვეზი ჰქონდა, მაგრამ იგი უნდა მიეღოთ და მიიღეს კიდეც. ეს იყო 1991 წლის დასაწყისში. ბარემ იმასაც ვიტყვი, რომ მრავალი მიზეზის გამო, ის კანონი არასოდეს ამუშავებულა — თუ შეიძლება ასე ითქვას, საკანონმდებლო სისტემიდან ამოვარდნილი აღმოჩნდა. ეს ყველამ ძალიან სწრაფად შენიშნა.

საერთოდ, თითქმის მთელ მსოფლიოში დროდადრო იფეთქებს ხოლმე კამათი პრესის შესახებ კანონის „ყოფნა-არყოფნის“ თაობაზე. ხელისუფლების წარმომადგენელთა ერთი ნაწილი ამტკიცებს, რომ ასეთი კანონმდებლობის მიღება აუცილებელია. მეორე ნაწილი რადიკალურად განსხვავებული აზრისაა. აზრთა სხვადასხვაობა თვით ჟურნალისტთა შორისაც.

ვიდრე მომხრეთა და მოწინააღმდეგეთა არგუმენტებზე გადავიდოდეთ, კიდეც ერთხელ გავიხსენოთ, რომ მას, ვისაც პრესის გაკონტროლება შეუძლია, დიდი უპირატესობა ეძლევა პოლიტიკურ ოპონენტებთან ბრძოლაში. თუ გავითვალისწინებთ, რომ **სახელმწიფო არის ადამიანის თავისუფლებათა შეზღუდვის დახვეწილი სისტემა**, კონტროლიდან გასული, ანუ თავისუფალი პრესა ხელისუფლებას დიდ, ზოგჯერ დაუძლეველ პრობლემებს უქმნის.

პრესაში, როგორც წესი, აისახება სახელმწიფოს მეტნაკლებად რეალური სურათი. ბუნებრივია, აისახება ზოგადად ხელისუფლებისა და კონკრეტულად ხელისუფლების წარმომადგენელთა მანკიერებანიც: უსამართლობა, უნიათობა, მექრთამეობა.

სწორად, ხელისუფლებას თავისუფალი პრესა სჭირდება მსოფლიო საზოგადოებრიობის თვალის ასახვევად — შემოგვხედეთ, რა დემოკრატები ვართ, პრესის რა თვითნებობას ვითმენთო. ასეა, ვიდრე ხელისუფლება სუსტია და საზოგადოების დათრგუნვის ნაკლები შანსი აქვს. როგორც წესი, ნახევრად დემოკრატიულ ქვეყანაში რეპრესიული აპარატის გაძლიერებასთან ერთად, ჩნდება პრესის რალაც „კანონიერ ჩარჩოებში“ მოქცევის საჭიროებაც. ამიტომაც ხელახლა აგორდება ხოლმე კამპანია პრესის ახალი კანონის მიღების მოთხოვნით. ამ მოთხოვნათა მოტივაცია დაახლოებით ასეთია:

**1. პრესაში მეტისმეტად გახშირდა დაუსაბუთებელი, უარ-**

**გუმენტო, პიროვნების ღირსებისა და პატივის შემლახველი მასალების გამოქვეყნება;**

**2. ქვეყნდება ცილისმნამებლური და შეურაცხყოფელი მასალები;**

**3. ქვეყნდება სახელმწიფო საიდუმლოებასთან დაკავშირებული მასალები;**

**4. პრესაში დაიწყო ტოტალური შეტევა ხელისუფლებაზე;**

**5. პრესა ხელს უშლის სახელისუფლო ორგანოების ნორმალურ ფუნქციონირებას.**

რა თქმა უნდა, ხელისუფლება საკუთარ მოქალაქეებს ამშვიდებს კიდეც, — პრესის კანონიერ ჩარჩოში ჩასმა ცენზურის შემოღებას სულაც არ ნიშნავს, ყველაფერი ეს ჩვენი მეგობარი პრესის საკეთილდღეოდ კეთდებაო.

ეს ძალიან ძველი, ნაცნობი, გაცვეთილი და მოსაწყენი ჰანგები და, აი, რატომ:

საქართველოს მაგალითი რომ მოვიშველიოთ, პრესაში პიროვნების ღირსებისა და პატივის შემლახველი, შეურაცხყოფელი ან ცილისმნამებლური მასალების გამოქვეყნება ისჯება კანონმდებლობით. თუ ვინმეს კანონით გათვალისწინებული სასჯელი მეტისმეტად ლოიალური ეჩვენება, მაშინ უნდა დადგეს შესაბამის კოდექსში ცვლილებებისა და დამატებების შეტანის საკითხი. თუკი მისი უფლება, ღირსება ან პატივი შეილახა, საქართველოს ნებისმიერ მოქალაქეს უფლება აქვს მიმართოს სასამართლოს და მიყენებული მორალური ზარალის ანაზღაურება მოითხოვოს.

სახელმწიფო საიდუმლოების დაცვა უნდა უზრუნველყოს სახელმწიფომ. თუ ვინმე შეგნებულად მოიპოვებს სახელმწიფო საიდუმლოებას მისი მეორე ქვეყნისთვის მიყიდვის მიზნით, ასეთი ქმედებაც მკაცრად ისჯება სისხლის სამართლის კანონმდებლობით.

რაც შეეხება ხელისუფლებაზე ტოტალურ შეტევას, არ მეუფლება რომელიმე დემოკრატიული ქვეყნის პრესა, რომელიც საკუთარ ხელისუფლებას „ტოტალურად“ არ უტევდეს. ასე რომ არ იყოს, პრესის არსებობა, საერთოდ, აზრს დაკარგავდა. აქედან გამომდინარე, მასობრივი ინფორმაციის შესახებ კანონის მიღებას, ჩემი აზრით, მხოლოდ ერთი მიზანი აქვს — პრესაზე სახელისუფლო კონტროლის დაწესება.

დემოკრატიული საზოგადოებისთვის სრული ანაქრონიზმი და ფულის ყოვლად უაზრო ფანტავა ოფიციაოზის, ანუ ხელისუ-



ფლების აზრის გამომხატველი პრესის არსებობა. მსოფლიო გამოცდილებამ დიდი ხანია დაამტკიცა, რომ ვინრო უწყებრივი ან ხელისუფლების აზრის გამომხატველი მასობრივი ინფორმაციის საშუალებების შენახვა ბიუჯეტს, ანუ ქვეყნის მოქალაქეებს ძალიან ძვირი უჯდება. ხოლო არაპირდაპირი შემოსავალი აქედან, უბრალოდ, არ არსებობს. როცა ხელისუფლება პრესის თავისუფლებაზე თავის გამოდებას იწყებს, ეს, უპირველეს ყოვლისა, ავტორიტარიზმისკენ სწრაფვას ნიშნავს.

საქართველოს ხელისუფლების მიერ 2000 წლის მინურულს პრესის მიმართ გაცხადებული პოლიტიკის (პრესისთვის „თავისი ადგილის“ მიჩენის მცდელობის) განჭვრეტა ძნელი სულაც არ ყოფილა. ჯერ კიდევ 1994 წელს გამოქვეყნებულ ერთ-ერთ სტატიამი ვინინასწარმეტყველე, რომ ეს უთუოდ ასე მოხდებოდა. უბრალოდ, ზუსტი თარიღი შემეშალა — პრესის წინააღმდეგ მიმართული კამპანია ნავარაუდევზე ოდნავ გვიან დაიწყო. დაუკვირდით, დღიდან საქართველოში ჩამოსვლისა (1992 წლის მარტი) საქართველოს პრეზიდენტს (რომელსაც ხან სახელმწიფო საბჭოს თავმჯდომარე ერქვა, ხან — პარლამენტის თავმჯდომარე და ხანაც — სახელმწიფოს მეთაური) ზოგიერთ გაზეთში ყოვლად უშვერი სიტყვებით ლანძღავდნენ და ფანტასტიკურ ბრალდებებს უყენებდნენ. და არა მარტო მას. ღრმად ჩასანგრებული პრეზიდენტი და მისი ამაღლა პრინციპულად დუმდა. აქოდა, გაგვდისო, პრესა სულ გადაირია — კვლავ მკვდრული მდუმარება. იგრძნობოდა, რომ ხელისუფლება ძალებს იკრებდა და „მამხილებელ დოკუმენტებსაც“ აგროვებდა.

დარწმუნებული ვარ, ამასობაში სპეცსამსახურები პრესის წინააღმდეგ იმდენ დოკუმენტს დააგროვებდნენ, საქართველოს ყველა დამოუკიდებელი გამოცემის ასაკრძალავად სავსებით საკმარისი რომ იქნებოდა.

მაგალითები ძალზე შორს წაგვიყვანს. მხოლოდ 2000 წლის „ლიტერატურული საქართველო“ რომ გადაათვალიეროთ, დარწმუნდებით, რომ ქართული პრესა ნამდვილად ასცდა თავის ორბიტას: იქ იმდენი ადამიანია გალანძღული და ცილდანამებელი, სალაპარაკოდ ნახევარი ევროპის გაზეთებს რომ ეყოფა. ახლა საქმე ტექნიკაზეა — თუ მრავალ ცოდვაში გარეული თავისუფალი პრესა სასწრაფოდ დადუმდა, ძალიან კარგი. თუ არ დადუმდა, ისე დაადუმებენ (და სავსებით კანონიერადაც!), თქვენგან მოწონებული.

როცა ხელისუფლება იძულებულია პრესა გააჩუმოს, ან მოქმედების არეალი შემოუსაზღვროს, ეს არც პრესის ძლიერებაზე მიუთითებს და არც ხელისუფლებისა. პირიქით, ასეთი დამოკიდებულება, ზოგადად, პრესისა და ხელისუფლების უმწეობაზე მეტყველებს. პრესა უმწეოა იმის გამო, რომ ხელისუფლება თავისი განზრახვის თუნდაც გამჟღავნებას ბედავს. ხელისუფლება კი უმწეოა იმის გამო, რომ მას პრესის თუნდაც ოდნავ შეზღუდვის სურვილი უჩნდება.

ხელისუფლება, რომელიც საკუთარი ტყავის გადარჩენას პრესის შეზღუდვაში ხედავს, განწირულია დასალუპავად. თანაც, პრესის შესაზღუდად გადადგმული პირველი ნაბიჯისთანავე.

პრესის წინააღმდეგ ნათქვამი გადაკრული სიტყვაც კი ჟურნალისტურ წრეებში და მთლიანად საზოგადოებაში ტრადიციულად ძალიან მწვავე რეაქციას იწვევს. ამ დროს თითქოს ყველას ავინწყდება, რომ ეს არის ხელისუფლების უკიდურესი კრიზისის, შეიძლება ითქვას — აგონიაში მყოფი ხელისუფლების უკანასკნელი გაბრძოლება. ვიმეორებ, ამას გვეკარხანობს მსოფლიო გამოცდილება. თუ ქვეყანაში საგანგებო მდგომარეობა არ გამოცხადდა, პრესის შეზღუდვა, მრავალი მიზეზის გამო, პრაქტიკულად შეუძლებელია.

**მოკლედ, ქართველ ჟურნალისტებს შეუძლიათ მშვიდად იხმაურონ — მსოფლიო ისტორიას არ ახსოვს პრეცედენტი, ხელისუფლებისა და პრესის ბრძოლაში საბოლოოდ ხელისუფლებას გაემარჯვოს.**

იცვლებიან მთავრობები, მმართველობის სისტემები, სახელმწიფოების საზღვრები; ზოგი სახელმწიფო სულაც ქრება მსოფლიოს პოლიტიკური რუკიდან და მის ნაცვლად ახალი აღმოცენდება. ასეა ქვეყნის გაჩენიდან დღემდე. უცვლელია მხოლოდ ხელისუფლებისა და პრესის კრიტიკული ურთიერთდამოკიდებულება. სწორედ ეს არის საზოგადოების განვითარების ერთ-ერთი მამოძრავებელი ძალა. პრესა აიძულებს ხელისუფლებას, იყოს ფხიზლად და... მეტნაკლებად პატიოსნად. თავისუფალი პრესა იცავს საზოგადოებას ხელისუფლების თვითნებობისგან. ნებისმიერ ნორმალურ ხელისუფლებას ჰაერივით სჭირდება თავისუფალი პრესა.

რა თქმა უნდა, საუბარია სერიოზულ პრესაზე და არა ყვითელზე, პორნოგრაფიულზე, უწყებრივზე და ა.შ.

## თავი VIII

### ჟურნალისტური გამოძიება

#### პირველი საქმე

ჩემი ჟურნალისტური მოღვაწეობა სწორედ გამოძიებით დაიწყო. დამწყები ჟურნალისტი აღმაშფოთა თბილისის მეტროს სადგურში მომხდარმა ფაქტმა — მილიციელმა დააკავა ჩვენი დედაქალაქის სტუმარი, სამი შვილის დედა რუსი ეროვნების ქალბატონი (იმ პერიოდში მხოლოდ საბჭოთა მოქალაქეები არსებობდნენ და, ბუნებრივია, ციმბირელი ქალბატონი თბილისშიც „შინ“ იყო). დაკავების მიზეზი მეტისმეტად ტრივიალური გახლდათ — ქალბატონი შეეკამათა მეტროს მოლარეს. სინამდვილეში, მილიციელის მოქმედება იმ ქალის მშვენიერმა გარეგნობამ და ჩაცმულობამ, უფრო სწორად, ჩაუცმელობამ გამოიწვია — თბილისის ზღვიდან მომავალი ტურისტი, რბილად რომ ვთქვა, მეტისმეტად შილიფად ჩაცმული გახლდათ.

„ნესრიგის დამცველის“ საუბედუროდ, ნახევრად შიშველი ქალბატონი ერთობ პრინციპული და მებრძოლი ხასიათისა აღმოჩნდა. მისი დაკავების მომენტში ვითარება ისე გამწვავდა, რომ მილიციელმა მეტროს მატარებლების მოძრაობა ოცი წუთით გააჩერა. ბოლოს და ბოლოს, თავისას მაინც მიაღწია და, იმდროინდელი მილიციური ტერმინოლოგია რომ მოვიშველიო, „ექვმიტანილი სამორიგეოში წარმოადგინა“.

მილიციელმა მორიგეს მოახსენა, რომ ამ ქალბატონმა უხეშად დაარღვია საზოგადოებრივი წესრიგი, არ დაემორჩილა მის მოთხოვნას, აბუჩად აიგდო საზოგადოება და ასე შემდეგ. სამორიგეოში დაიწყეს „საქმის შეკერვა“. არ გაჭრა ჩემი და სხვა მოქალაქეების კეთილმა რჩევებმა, თხოვნამ, მუქარამ, რომ ეს უმსგავსობა გაზეთის ფურცლებზე მოხვდებოდა... მოკლედ, ის ქალი და მისი სამი მცირეწლოვანი ბავშვი „კუტუსკაში“ ჩასვეს, ჩვენ კი დაგვკირდნენ, რომ თუ ბევრს „ვიხტუნავებდით“, მეზობელ კამერაში გვიკრავდნენ თავს.

დავუკავშირდი მეტროს პოლიციის ხელმძღვანელობას (უფროსის გარდა) — არაფერი გამოვიდა. მოკლედ, რიგითმა მილიციელმა პირველ რაუნდში დიდი უპირატესობით გაიმარჯვა.

მეორე რაუნდში საქმეში ჩაერთო „მძიმე არტილერია“ „თბილისის“ რედაქტორის, არჩილ გოგელიას მეთაურობით. მესამე რაუნდში გამოქვეყნდა ჩემი წერილი „და იქმნა სიმართლე“, მეოთხე რაუნდში რინგზე თეთრი პირსახოცი გადმოაგდო, ანუ რედაქციაში გვესტუმრა მეტროს მილიციის უფროსი და მოგვახსენა, რომ დამნაშავე მილიციელს სადისციპლინო კომისიამ სამუდამო დისკვალიფიკაცია მიუსაჯა — სამსახურიდან დაითხოვა.

ეს იყო გამოძიება ცხელ კვალზე. ჟურნალისტი უშუალოდ მონაწილეობდა საგამოძიებო ღონისძიებებში და, კაცმა რომ თქვას, დიდი გავლენა იქონია გამოძიების საბოლოო შედეგზეც.

ამ ისტორიის ყველაზე საინტერესო თავი სწორედ ამის შემდეგ დაიწყო. ორიოდე კვირაში რედაქციაში მომაკითხა უკვე სამოქალაქო პირად ქცეულმა, უმუშევრად დარჩენილმა მილიციელმა.

— სასაყვედურო არავისთან არაფერი მაქვს. ჩემმა სიბრიყვემ დამლუპა. უნდა დამეჯერებინა რომ მეუბნებოდით, სამსახურს დაკარგავო. შევცდი. თქვენ რა, არასოდეს შემცდარხართ?

— ჩემთან ამის სათქმელად მოხვედით-მეთქი? — დავუბრუნე კითხვა.

— არა, ბატონო. საქმე ის არის, რომ მე ოთხი შვილის მამა ვარ, რაიონიდან ჩამოვედი და აქ ერთოთახიან ნაქირავებში ვცხოვრობ. ჩემს სოფელში სამ ძმას ერთი პატარა სახლი გვაქვს. ჩემი სამსახურიდან გაგდება ნიშნავს, რომ ცოლ-შვილი მშიერი და ღია ცის ქვეშ მრჩება, ბინის მიღების აღრიცხვიდანაც მომხსნიან (გაგიკვირდებათ და, კომუნისტურ ეპოქაში ბინებს სახელმწიფო დარკვეული პირობებით უფასოდ იძლეოდა!). ნასასვლელიც აღარსად მაქვს. მილიციაში კომკავშირული საგზურით მივედი (მმართველობის კომუნისტური რეჟიმი ასეთ რამეებსაც გულისხმობდა). რაიმე სპეციალური განათლებაც არა მაქვს, ქარხანაში რომ ვიმუშავო. თანაც, ამ ქალაქში არც მეგობრები მყავს და არც ნათესავები. თქვენს გარდა არავისთან მიმესვლება. თქვენ დამპირდით, რომ მილიციიდან დამითხოვდნენ და დამითხოვეს. ახლა ისევ თქვენ უნდა მიშველოთ...

მონოლოგი საკმაოდ გრძელი იყო. თვალცრემლიანი მილიციელი არ ცრუობდა.

„კარუსელის“ უკან დატრიალება გაცილებით რთული აღმორჩნდა. საბჭოთა მილიციის ჩინებს ძალიან გაუჭირდათ დაჯერება, რომ ჩვენ გულწრფელად გვსურდა დავხმარებოდით სწორედ იმ კაცს, ორიოდ დღის წინ სამსახურიდან რომ გავაძევებინეთ. საბოლოოდ, ყველაფერი ისე დამთავრდა, როგორც ზღაპრებში ხდება-ხოლმე — რუს ქალბატონს მილიციის პოლკოვნიკმა პირადად მოუხადა ბოდიში და ისიც მშვიდობიანად გაემგზავრა მშობლიურ ციმბირში; მე პრინციპული და მებრძოლი ჟურნალისტის სახელი მოვიპოვე, ჩვენმა გაზეთმა — რამდენიმე ათასი ახალი ხელმომწერი. ჩვენი რედაქტორის მონდომებით, დასჯილი მილიციელი სამსახურშიც აღადგინეს და თავის რაიონში საკარმიდამო ნაკვეთიც მისცეს.

შეგახსენებთ, ეს იყო კომუნისტების მმართველობის დროს, როცა პრესის პრინციპულობა ერთობ პირობითი ცნება გახლდათ, ანუ პრესა იმდენად იყო პრინციპული, რამდენადაც ამის უფლებას იძლეოდა პარტიული ცენზურა.

90-იანი წლების დასაწყისში საქართველოს ჟურნალისტთა კავშირის ეგიდით ჩატარდა რამდენიმე სოლიდური შეხვედრა ფრიად პატივცემული გვამების მონაწილეობით. ეს პატიოსანი საზოგადოება სერიოზულად განიხილავდა საკითხს ჟურნალისტებისთვის რალაც პრივილეგიების, საგანგებო უფლებამოსილებებისა და თვით ცეცხლსასროლი იარაღის ტარების უფლების მინიჭების თაობაზე. რაც მთავარია, ჟურნალისტთა უფლებების ამგვარ გაფართოებაზე, ჟურნალისტური გამოძიების ავან-ჩავანზე ყველაზე თავგამოდებით ის ადამიანები მსჯელობდნენ, ვისაც ჟურნალისტად არასოდეს ემუშავა. ანუ მე მიცავდნენ ის ადამიანები, რომლებმაც არც იცოდნენ და არც სურდათ გაეგოთ, მჭირდებოდა თუ არა მათი დაცვა.

ასეთი ადამიანები ყველა ქვეყანაში და ყველა სფეროში არსებობენ. ისინი გამუდმებით ფუსფუსებენ ცნობილი მწერლების, მხატვრების, რეჟისორების, მსახიობების, ჟურნალისტების თუ კრიმინალური ავტორიტეტების გვერდით.

თუ თქვენ ოდესმე გამოჩენილი ადამიანი გახდით, ეცადეთ, არ გაგალიზიანოთ უნიჭოთა და ხელმოცარულთა მომაბეზრებელმა მეურვეობამ. ისინიც ადამიანები არიან და სხვისი დიდებიდან პანია ნატეხის მითვისებას ცდილობენ.

## როგორ დავიწყოთ?

პასუხი ძალიან უბრალოა — ჟურნალისტური გამოძიება უნდა დავიწყოთ ინფორმაციის შეგროვებით. ეს არის რთული, შრომატევადი, ხანგრძლივი და უმადური საქმე. უპირველეს ყოვლისა, უნდა იცოდეთ, სად და როგორ ეძებოთ საჭირო ინფორმაცია.

ერთ მხიარულ თავგადასავალს გიამბობთ.

ჩემმა მეგობარმა, შესანიშნავმა იურისტმა დამირეკა და მთხოვა, მიმელო მისი კოლეგა, პროკურატურის მაღალი რანგის ჩინოვნიკი. ეს იყო ცენტერნახევრიანი, ლაჟღაჟა, საკმაოდ გულახდილი კაცი.

— მე არ დავინწყებთ მტკიცებას, მამა აბრამის ბატკანი ვარ, ცხოვრებაში უკანონო არაფერი ჩამიდენია-მეთქი. დასამალი რა მაქვს — ჩემზე უკეთ იცით, რაც არის პროკურატურა. ხდება ხოლმე, აშკარა უკანონობას ჩავდივართ, მაგრამ ფული სწორედ საქმის კანონიერად გადაწყვეტაში კეთდება. კი ბატონო, საქმე საქმეზე თუ მიდგა, მეც და პროკურატურის თანამშრომელთა აბსოლუტური უმრავლესობაც ციმბირს ვერ უნდა გადავურჩეთ, მაგრამ იმ საქმეში, რისთვისაც ბატონმა (და აქ პროკურორმა ერთი ცნობილი მწერლის გვარი დაასახელა)... ერთ-ერთ ჟურნალში გამაკრიტიკა, სრულიად უბრალო ვარ. ეს იყო ურთულესი საქმე. შემიძლია ვიამაყო, რომ მე და ჩემმა მეგობრებმა იგი ყველა წესისა და კანონის დაცვით გამოვიძიეთ. მწერალმა კი ყველაფერი თავდაყირა დახატა.

მე კი, უბრალოდ, არ ვიცი, როგორ ვუპასუხო მწერალს. აი, რა დავწერე...

და პროკურორმა წამიკითხა პასუხის ვარიანტი, — რალაც საშუალო მეცხრეკლასელი გოგონას სასიყვარულო ბარათსა და საბრალდებო დასკვნას შორის.

მოკლედ, პროკურორთან ასე შევეთანხმდით: იგი გამაცნობდა საქმესთან დაკავშირებულ ყველა დოკუმენტს, პირდაპირ და არაპირდაპირ მტკიცებულებებს, მწერლის პუბლიკაციასაც. მე შევეცდებოდი მის ნაცვლად დამწერა საპასუხო წერილი. რა თქმა უნდა, თუ მართლაც დავრწმუნდებოდი პროკურორის სიმართლეში.

ორიოდე დღის შემდეგ ჩვენს „იტალიურ“ ეზოში საბარგო მანქანა შემოვიდა და ჩემს ისედაც ვინრო ბინაში დაპირებული დო-

კუმენტების შემოზიდვა დაიწყეს. ეს იყო უზარმაზარი „საქმე“, ასზე მეტი სქელტანიანი ტომი!

წარმოიდგინეთ, რამდენი დრო და ენერგია დასჭირდებოდა ამ დოკუმენტაციის გაცნობას, დაკონსპექტებას, გაანალიზებას, ზოგიერთი საექვო გადაწყვეტილების კვალიფიციურ იურისტებთან შემონმებას. და ყველაფერი ეს იმისთვის, რომ მერე ორიოდ საათში პროკურორის სახელით დამენერა ასოც-სტრიქონიანი პასუხი პატივცემული მწერლის ვრცელ ბრალდებებზე.

გთხოვთ, ყურადღებით მოეკიდოთ ერთ ფაქტს: მე, ჟურნალისტს მთხოვეს „უბრალო“ სამსახურის განევა — დავხმარებოდი ვილაც პროკურორს ვილაც მწერლისთვის პასუხის გაცემაში, ანუ ჩემთვის საქმის მასალების გაცნობა და საკუთარი აზრის გამოთქმა არავის დაუვალებია...

პროკურორის პასუხი ერთ-ერთ რესპუბლიკურ გაზეთში გამოქვეყნდა, რასაც დაუყოვნებლივ მოჰყვა მწერლის რეაქციაც — მან პროკურორის წინაშე საჯაროდ ბოდიში მოიხადა თავის პუბლიკაციაში დაშვებული უნებლიე, მაგრამ მძიმე შეცდომების გამო. პროკურორმა, წამდვილად ვიცი, დიდი სიამოვნებით მიიღო მწერლისგან საჯაროდ ბოდიშის მოხდა და, ჩემდა გასაკვირად, თანამდებობიდან გადადგა.

ჩემი გვარი, რა თქმა უნდა, არსად არ გამოჩენილა. ბუნებრივია, ოდესმე ვერც პროკურორის ხელმოწერით გამოქვეყნებული სტატიით ვიამაყებ (სიმართლე რომ გითხრათ, სათაურიც აღარ მახსოვს), მაგრამ კიდევ ერთხელ მინდა შეგახსენოთ — საქმისადმი პროფესიული დამოკიდებულება ნებისმიერ შემთხვევაში აუცილებელია. იმ ასტომიანი „საქმის“ შეუსწავლელად კვალიფიციური საგაზეთო მასალა ვერ მომზადდებოდა. დიდი-დიდი, მომზადდებოდა პროკურორის მიერ დაწერილი აბდაუბდის გრამატიკული თვალსაზრისით კვალიფიციურად გასწორებული ვარიანტი, რომელიც საკმარისზე მეტად ამბიციურ მწერალს ბოდიშს ვერ მოახდევინებდა.

ამით მხოლოდ ერთი რამ მინდოდა მეთქვა — **თუ ჟურნალისტური გამოძიების დაუძლეველი სურვილი გაგიჩნდათ, მზად უნდა იყოთ ნებისმიერი ოდენობის, ნებისმიერი ეპოქისა და ნებისმიერი შინაარსის დოკუმენტების მოსაპოვებლად, შესასწავლად და გასაანალიზებლად.**

თუმცა, ასეთი თავგამოდებაც საკმარისი არ არის. საჭიროა

კიდევ უშუალოდ თქვენი, პირადი დაკვირვება მოვლენათა განვითარებაზე. არ უნდა დაივიწყოთ, რომ **ძალიან ხშირად საქმე გაქვთ სამკვდრო-სასიცოცხლოდ დაპირისპირებულ მხარეებთან და მათგან ერთ-ერთი აუცილებლად ტყუის (კანონის წინაშე, რა თქმა უნდა). ისიც შეიძლება, ორივე ტყუოდეს, მაგრამ წარმოდგენელია, ორივე მხარე მართალი რომ იყოს.**

ხშირად, ადამიანები, სამართლებრივი გაუნათლებლობის, თუ ფსიქოლოგიური მდგომარეობის გამო, გულწრფელად არიან დარწმუნებული საკუთარ სიმართლეში. ასეთი ადამიანების გადარწმუნება, უბრალოდ, წყლის ნაყვავა. უამრავი ცალმხრივი დოკუმენტით და ზეპირი ინფორმაციით კარგად შეიარაღებული ასეთი ადამიანები განსაკუთრებული მიზანდასახულობით გამოირჩევიან, დადიან რედაქციებში და ხშირად აღწევენ კიდევ მიზანს, — საკუთარ მოსაზრებებს თავს ახვევენ რედაქციებს ან რომელიმე ჟურნალისტს. ისინი ხშირად უბედური, საბრალო ადამიანები არიან. ჯიუტად ეძებენ საკუთარი შეილის სიკვდილში დამნაშავე პირებს. ასახელებენ მათ, მკვლელების მფარველებზეც მიუთითებენ, არგუმენტებიც მოაქვთ... და, სამწუხაროდ, ხშირად ცდებიან კიდევ.

ასეა მთელ მსოფლიოში და ასეა ჩვენთანაც, საქართველოში.

ისტორია, რომელსაც ახლა ძალიან მოკლედ გიამბობთ, 1979 წელს დაიწყო. იგი ნებისმიერი ჟურნალისტისთვის მრავალმხრივ საინტერესო, უცნაური და საზარელიც კია.

ტიპიური საბჭოთა ინდუსტრიული ქალაქი შეძრწუნებული იყო — დილის 7 საათსა და 40 წუთზე ქარხანაში მიმავალმა მუშებმა გარეუბანში ლიანდაგზე დაგდებული ახალგაზრდა ქალი იპოვეს. სასტიკად ნანამები, ტანსაცმელ შემოხეული გოგონა ჯერ კიდევ ცოცხალი იყო. იგი საავადმყოფოში მიყვანიდან რამდენიმე საათის შემდეგ გონს მოუსვლელად გარდაიცვალა. დადგინდა დაღუპულის ვინაობა — საშუალო სკოლის 17 წლის მოსწავლე ნუნუ გვაზავა.

გამოძიებამ დამნაშავე ათი წლის განმავლობაში ვერ აღმოაჩინა. საქმე სამუდამოდ შეჩერდა.

ოთხმოციანი წლების მიწურულს საბჭოთა სისტემით უკმაყოფილო მრავალ ჯგუფთან ერთად თბილისის ქუჩებში გამოვიდნენ ადამიანები, რომლებიც ხელისუფლებისგან მოითხოვდნენ სხვადასხვა დროს საეჭვო ვითარებაში დაღუპული ახლობლების საქმეების ხელახლა გამოძიებას, დამნაშავეთა დად-



გენას და მათ დასჯას. როგორც გითხარით, მრავალ მათგანს ჰქონდა მკვლელობის საკუთარი ვერსია, ასახელებდნენ მკვლელებს და მათ მფარველებსაც. ეს იყო რადიკალურად განწყობილი საკმაოდ მრავალრიცხოვანი ჯგუფი, პირობითი სახელწოდებით „შაოსნები“.

რაც მთავარია, ამ ცხოვრება გამწარებული ადამიანების განწყობას და მოთხოვნებს ჰქონდა რეალური საფუძველი. ბევრი მათგანი იქნებ მცდარ დასკვნამდეც მიდიოდა, მაგრამ ამის საფუძველს იძლეოდა სწორედ გამოძიების მიერ ხელოვნურად „გაფუჭებული“ საქმეები.

„შაოსანთა“ შორის იყვნენ „ინდუსტრიულ ქალაქში“ მოკლული გოგონას მშობლებიც.

კომუნისტური ხელისუფლება იძულებული გახდა შეექმნა „შაოსანთა“ საქმეების შემსწავლელი სპეციალური დამოუკიდებელი ჯგუფი. სამართლის პროფესორ ოთარ გამყრელიძესთან ერთად, ამ მრავალრიცხოვანი ჯგუფის ერთ-ერთი წევრი მეც გახლდით.

ბატონმა პროფესორმა გვაზავას თორმეტტომიანი საგამოძიებო საქმის შესწავლა მე მომანდო.

საქმის მასალების მიხედვით, გოგონა სახლიდან 25 მაისს, დილის 6 საათსა და 50 წუთზე გავიდა — ქალაქის მეორე ბოლოში მეგობარ გოგონასთან ერთად მეცადინეობას აპირებდა. მეგობარი ერთ-ერთ ფაბრიკაში მუშაობდა, თავის თანამშრომელ გოგონასთან ერთად ნაქირავებ ერთოთახიან ბინაში ცხოვრობდა და ისიც, ნუნუს მსგავსად, მისაღები გამოცდებისთვის ემზადებოდა.

გამოძიების ოფიციალური მასალების შესწავლის შემდეგ პირველი დიდი შეუსაბამობა, რაც თვალში მომხვდა, ასეთი იყო: ნუნუ შინიდან დილის ექვს საათსა და ორმოცდაათ წუთზე გავიდა. დაახლოებით 50 წუთის შემდეგ კი სულთმობრძავი იპოვეს სახლიდან ათიოდე წუთის სავალზე. სასამართლო-სამედიცინო ექსპერტიზის დასკვნით, იგი რამდენიმე პირის მიერ გაუპატიურებული და სასტიკად ნაცემი იყო. ანუ გოგონა დილაადრიან პირდაპირ ქუჩიდან მოიტაცეს, სადღაც წაიყვანეს, წინააღმდეგობის განწევის შემდეგ ბარბაროსულად სცემეს, რამდენჯერმე გააუპატიურეს, შემდეგ კი წაიღეს და რკინიგზის ლიანდაგებზე დააგდეს. და ყველაფერი ეს სულ რაღაც 50 წუთში!

გასაოცარი ის იყო, რომ გამოძიების ამ ვერსიას ნუნუს მშო-

ბლებიც ეთანხმებოდნენ. ისინი კატეგორიულად ამტკიცებდნენ, რომ გოგონა შინიდან სწორედ იმ ტრაგიკული შემთხვევის დილას, ექვს საათსა და 50 წუთზე გავიდა. მშობლებმა იგივე გაიმეორეს ჩემთან საუბარშიც.

ძნელია, არ ენდო ერთადერთი შვილის დამკარგავ მშობლებს, მაგრამ ფაქტები ჯიუტად არ ემთხვეოდა ოფიციალურ ვერსიას.

ძალიან სწრაფად გავარკვიე, რომ გოგონა მშობლების ბიოლოგიური შვილი არ ყოფილა. მისი ნამდვილი მშობლები საქართველოს ერთ-ერთი მაღალმთიანი რაიონის სოფელში ცხოვრობდნენ და გარდაცვლილის გარდა კიდევ შვიდი შვილი ჰყავდათ.

ქალაქელი მშობლები, ალბათ, პროვინციული სიმორცხვის გამო, მალავდნენ, რომ გოგონა შინიდან იმ საბედისწერო დილით კი არა, წინა საღამოს გავიდა. ღამე შინ არ გაუთევია. დავადგინე, რომ ეს არ ყოფილა პირველი შემთხვევა — ნუნუ თავის მეგობრებთან ღამისთევით სხვა დროსაც დარჩენილა.

მალე ისიც გავარკვიე, რომ ინდუსტრიულ ქალაქში მოქმედებდა საბჭოთა „ოქროს ბიჭუნების“ ხუთკაციანი ჯგუფი, რომელიც, ძირითადად, ქალწულების გაუპატიურებით ერთობოდა. ჯგუფის „ბელადი“ თვით ქალაქის მთავარი პარტიული ბოსის დედისერთა ვაჟი იყო.

გამოძიების მასალებიდანაც კი შეიძლებოდა მიმხვდარიყავით, რომ ნუნუს მეგობარი გოგონები „თანამშრომლობდნენ“ გარენრების ბანდასთან. ამ დაუნდობელი ბიჭებისა ეშინოდათ კიდევ და პატარ-პატარა საჩუქრებსაც იღებდნენ — რესტორნები, პიკნიკები, ბიჟუტერია...

როცა სხვა გამოსავალი არ დარჩა, ერთ-ერთმა გოგონამ მითხრა, რომ ბიჭები ნუნუს უთვალთვალებდნენ.

დარწმუნებული ვარ, ყველაფერი ეს შესანიშნავად იცოდა გამოძიებამაც, მაგრამ მას ქალაქის თავის ავტორიტეტი თრგუნავდა. ამიტომ სიამოვნებით ჩაეჭიდა მშობლების ოფიციალურ ჩვენებას, გოგონა შინიდან დილით გავიდაო და დამნაშავეთა კვალის ნაშლაც მოახერხა: საქმიდან გაქრა ექსპერტიზის დასკვნები, მოწმეთა „საეჭვო“ (მამხილებელი) ჩვენებები და ა. შ. სამაგიეროდ, დააპატიმრეს სხვა ჯგუფის წევრები, რომლებიც მალე ისე გაათავისუფლეს, არცერთი სერიოზული შეკითხვა არ დაუსვამთ. გამოძიებისვე მონდომებით, ქალაქიდან გაქრა ერთი

ბინძური მეძავი, რომელსაც, სავარაუდოდ, ბევრი რამ უნდა სცოდნოდა.

ბედმა გამილიმა და, ჯერ ის მეძავი აღმოვაჩინე, ხოლო მისი მეშვეობით, მკვლევლობის ერთ-ერთი მოწმეც. საბოლოოდ, ასეთი სურათი დაიხატა:

17 წლის ნუნუ გვაზავა შინიდან გავიდა დაახლოებით საღამოს რვა საათისთვის. მას უკვე ელოდა ავტომანქანა ვოლგა „ოქროს ბიჭუნების“ ხალხით. გოგონა ძალით ჩასვეს მანქანაში და დაახლოებით ათი წუთის შემდეგ ქალაქგარეთ, ვაგონებში მცხოვრებ მუშებთან მიიყვანეს. იქვე იყო ის მეძავიც, რომელიც ერთგვარი შუამავლის როლს ასრულებდა მოტაცებულ გოგონას და მოძალადეებს შორის. უფრო ზუსტად, ცდილობდა გოგონა წინააღმდეგობის განევის უაზრობაში დაერწმუნებინა; ურჩევდა, აელო შეთავაზებული კომპენსაცია — 2500 მანეთი. არც ქრთამმა, არც შეგონებებმა, არც მუქარამ რომ არ გაჭრა, გაგულისებულმა ბიჭებმა (ისინი ოთხნი იყვნენ) გოგონას ცემით „ჭკუაზე მოყვანა“ გადაწყვიტეს. გოგონამ ბიჭებს სასტიკი წინააღმდეგობა გაუწია. მაშინ მას თავში მძიმე საფერფლე ჩაარტყეს და უკვე გონებადაკარგული ოთხმა კაცმა რიგრიგობით გააუპატიურა. ამასობაში ღამე გაილია კიდეც.

დანარჩენი უკვე იცით, — გოგონას უგონო სხეული მანქანის საბარგულით წაიღეს და ლიანდაგებზე დააგდეს.

საბოლოოდ, პროკურატურამ საქმე სამუდამოდ შეაჩერა. მკვლევლები სასჯელს გადაურჩნენ.

ყველაფერ ამას კი, როგორც გითხარით, საკუთარი პროვინციული მორცხვობისა თუ ამპარტავნობის გამო, გოგონას მშობლებმაც შეუწყეს ხელი.

მათ, ალბათ, არც შეეძლოთ შედეგის წინასწარ გამოცნობა. საკუთარი ვერსიით, ისინი, ქვეშეცნეულად გოგონას ნამდვილი მშობლების წინაშე თავის მართლებას ცდილობდნენ — მათ ხომ შვილივით ნაზარდი, უსაყვარლესი გოგონა შინიდან დილით კი არა, ღამით გაუშვეს და ამით უნებლიედ მკვლევლებს შეუწყეს ხელი.

სიმართლე მეც არ მითხრეს. თუმცა, თითქმის ზუსტად ასახელებდნენ მკვლევლებისა და მათი მფარველების ვინაობას. მაგრამ უკვე გვიანი იყო — დილით, როცა გოგონა სიკვდილს ებრძოდა, ყველა მკვლევლს საკუთარ საწოლში მშვიდად ეძინა — მათ ასპროცენტისანი ალიბი ჰქონდათ.

## მოდი, გამოვიძიოთ...

ჟურნალისტური გამოძიების, როგორც ჟანრის უსაზღვრო პოპულარობა ჟურნალისტურ ბაზარზე ამ სახის პროდუქციაზე დიდი მოთხოვნილებით აიხსნება. ეს ბუნებრივია — საზოგადოებას აინტერესებს კრიმინალური ისტორიები. ოღონდ ის, რაც პრესაში ქვეყნდება და მკითხველს ჟურნალისტური გამოძიების ნიმუშებად მიეწოდება, ძალიან ხშირად სულაც არ არის დამოუკიდებელი გამოძიების შედეგი.

გამოძიება არის მართლმსაჯულების ერთ-ერთი ყველაზე რთული, შრომატევადი და ხშირად სიცოცხლისთვის სახიფათო სფერო. ოფიციალური ორგანოების პროფესიონალ გამოძიებელს ცივილიზებულ სამყაროში უზარმაზარ მატერიალურ ანაზღაურებასთან ერთად აქვს კანონით მინიჭებული საგანგებო უფლებამოსილება (დაკითხვის, დაკავების, ცეცხლსასროლი იარაღის ტარების, საპატიმროებში, სახელმწიფო დაწესებულებებში საგამოძიებო ღონისძიებების ჩატარების უფლება; ტექნიკური აღჭურვილობითა და საიდუმლო ოპერატიული მონაცემებით სარგებლობის, ოპერატიული და საიდუმლო სამსახურების დახმარების შესაძლებლობა და ა.შ.).

და მაინც, უამრავი დანაშაულის საიდუმლოება სამუდამოდ საიდუმლოებად რჩება — ოფიციალური გამოძიება ვერ ახერხებს დანაშაულის გახსნას, ანუ ნამდვილი დამნაშავეისთვის ბრალის დამტკიცებას.

ჟურნალისტი-გამომძიებელი ამ კომფორტს მოკლებულია. მას აქვს ფრიად შეზღუდული მატერიალური რესურსები და უფლებრივი მდგომარეობა: არ შეუძლია მოწმის ან ეჭვმიტანილის ოფიციალური დაკითხვა, ეჭვმიტანილის დროებითი იზოლაცია; მას არ ეხმარება არავითარი სახელმწიფო სტრუქტურა (პირიქით, სიამოვნებით უშლის ხელს!); არა აქვს ფიზიკური პირისგან დოკუმენტების მოთხოვნის უფლება; არავინ აწვდის ოპერატიულ მონაცემებს და მრავალი სხვა.

იმასაც ნუ დავივიწყებთ, რომ სრულფასოვანი გამოძიება გამომძიებლისგან ღრმა პროფესიულ ცოდნას და გამოცდილებას მოითხოვს.

ყველაფერი ამის საპირისპიროდ, ჟურნალისტ-გამომძიებლებს აქვთ ორი რამ — პროფესიული (ჟურნალისტური) მოტივაცია და ჟინი. ერთიც და მეორეც ფრიად დასაფასებელი და

ანგარიშგასაწევია, მაგრამ, სამწუხაროდ, საშუალო სირთულის საქმის გამოსაძიებლად საკმარისი არ არის.

შეგნებულად, თუ ქვეცნობიერად ეს ყველა ჟურნალისტმა და რედაქციამ იცის, მაგრამ პოპულარულ ჟანრს ამის გამო ვერავინ შელევია. მოკლედ, იკვრება ჯადოსნური წრე:

ჟურნალისტური გამოძიების, როგორც ჟანრის, დათმობა შეუძლებელია; ასევე შეუძლებელია რედაქციის რესურსებით მეტნაკლებად რთული საქმის ობიექტური გამოძიება!

ვინაიდან გამოსავალი არსებობს ყველა გამოუვალი მდგომარეობიდან, იგი ამ შემთხვევაშიც მოიძებნა.

დამოუკიდებელ ჟურნალისტურ გამოძიებად წარმატებით საღდება:

### **1. რომელიმე სახელმწიფო საგამოძიებო უწყების მიერ რედაქციისთვის (ან დამოუკიდებელი ჟურნალისტისათვის) მიწოდებული მასალების ზერელე ანალიზი.**

XXI საუკუნის დასაწყისის საქართველოში წინასწარი გამოძიების პრეროგატივა ჰქონდა პოლიციას, პროკურატურას და უშიშროების სამსახურს. ამას დავუმატოთ საგადასახადო ინსპექცია, ფინანსთა სამინისტრო, თავდაცვის სამინისტრო, სამხედრო პროკურატურა, დაზვერვის დეპარტამენტი და, რაც მთავარია, კონტროლის პალატა. როგორც წესი, ყველა ეს სახელმწიფო ორგანიზაცია ერთმანეთის მიმართ განსაკუთრებულად გულთბილი დამოკიდებულებით არ გამოირჩევა. ანუ თითოეული მათგანი რედაქციას სიამოვნებით მიაწვდის პარალელური საგამოძიებო ორგანოს სახელის გამტეხ და საკუთარი „კაიკაცობის“ დამამტკიცებელ მასალებს. ეს მასალები, რა თქმა უნდა, ცალმხრივია, მაგრამ ამის გარკვევა რედაქციის ძალებს ალემატება. ასეც რომ არ იყოს, პრესა მუდამ ჩქარობს სენსაციური მასალების გამოქვეყნებას და... საბედისწერო შეცდომებიც გარანტირებულია — საგამოძიებო ორგანოები მუდამ ცდილობდნენ, ცდილობენ და მომავალშიც ეცდებიან გამოძიების საკუთარი ვერსიის და არა ობიექტური სინამდვილის გახმაურებას.

### **2. ერთ-ერთი მხარის ადვოკატის ხელთ არსებული მასალები და ამ ადვოკატის მოსაზრებები.**

მოდით, შევთანხმდეთ: რაიმე საინტერესო მოვლენის აბსოლუტური სიზუსტით აღდგენა პრაქტიკულად შეუძლებელია, თუნდაც ეს საინტერესო რამ დღისით-მზისით, უამრავი მოწმის თვალწინ იყოს მომხდარი. ნებისმიერი დონის გამოძიების მიზანი

არ უნდა იყოს და არც არის აბსოლუტური ქვეშარიტების დადგენა. გამოძიება იურიდიული თვალსაზრისით მტყუან-მართლის გარჩევას ცდილობს, სასამართლო კი ჩადენილ დანაშაულს არსებული კანონმდებლობით გათვალისწინებულ კვალიფიკაციას ანიჭებს და სასჯელის ზომასაც განსაზღვრავს.

ამ უბრალო ქვეშარიტებას მხოლოდ იმის გამო ვიხსენებ, რომ თქვენი ბევრი წინამორბედის შეცდომა არ გაიმეოროთ — არარსებული სიმართლის ძიებას საკუთარი ჟურნალისტური კარიერა არ შესწიროთ.

აქვე კიდევ ერთი ძალიან სერიოზული საფრთხის თაობაზეც მოგახსენებთ. ნებისთ თუ უნებლიედ „გამომძიებელი ჟურნალისტები“ ძალიან ხშირად საკუთარ თავზე იღებენ ადვოკატის ფუნქციას — იცავენ რომელიმე ერთი მხარის ინტერესებს.

**ჟურნალისტი არ შეიძლება იყოს ადვოკატი, ვინც კანონით გათვალისწინებული ყველა ხერხით იცავს კლიენტის ინტერესებს.** მისთვის მნიშვნელოვანია არა, ზოგადად, სიმართლე, არამედ ის სიმართლე, რაც ხელს აძლევს მის კლიენტს. ანუ, ბუნებაში თითქმის არ არსებობს აბსოლუტურად ობიექტური ადვოკატი, ვინაიდან იგი ვალდებულია დაიცვას თავისი კლიენტის ინტერესები, — სწორედ ამას იღებს გასამრჯელოს.

**ჟურნალისტის (რედაქციის) ამოცანა რადიკალურად განსხვავებულია — იგი ცდილობს, ზოგადად, სიმართლის დადგენას. ვიმეორებ, გამომძიებელი ჟურნალისტი რომელიმე მხარის ინტერესებს კი არა, სიმართლის ინტერესებს ემსახურება.** ყოველ შემთხვევაში, უნდა ემსახურებოდეს. ეს გარემოება კიდევ უფრო ამძიმებს ჟურნალისტის მდგომარეობას: თუ, მაგალითად, ადვოკატს ერთი მოწინააღმდეგე, ერთი მაგინებელი ჰყავს, ნიჭიერ და ობიექტურ (სიმართლის მაძიებელ) ჟურნალისტს ერთბაშად სამჯერ მეტი „მტერი“ უჩნდება — ორივე დაპირისპირებული მხარე და განმსჯელი ორგანო — სასამართლო.

**ჭირისუფალთა ჭირვეულობა.** ბუნებრივია, ჭირისუფალი ორივე დაპირისპირებულ მხარეს ჰყავს — დაზარალებულსაც და განსასჯელსაც. ბევრი მტკიცება არც იმას სჭირდება, რომ ერთსაც და მეორესაც საკუთარი თავი უსამართლოდ დასჯილად, ხოლო მოწინააღმდეგე — უსამართლოდ დაუსჯელად მიაჩნია. ამიტომ ორივე მხარის არგუმენტებს, — დოკუმენტებსაც და თეორიულსაც — (პირდაპირ და ირიბ მტკიცებულებებს) უდიდესი სიფრთხილით უნდა მოეკიდოთ. ისიც უნდა გაითვალისწინოთ,

რომ ჭირისუფლები წლების განმავლობაში ნალოლიავეები არგუმენტების მსხვერველს ძალიან მტკივნეულად განიცდიან.

ჯერ კიდევ 1988 წლის სექტემბერში გაზეთ „თბილისში“ გამოქვეყნდა საგამოძიებო და სასამართლო მასალებზე დაყრდნობით შექმნილი პუბლიცისტური ნაშრომი „უცხო ნათესავი“. იგი ეხებოდა მსოფლიოში ცნობილი სპორტსმენის მიერ ჩადენილ შემაძრწუნებელ დანაშაულს. ავტორმა სცადა მკითხველისთვის დაენახებინა, როგორ მივიდა 30 წლის სახელგანთქმული სპორტსმენი შემზარავ დანაშაულამდე და ამაში არსებულ სამართლებრივ სისტემასაც ადანაშაულებდა. საქმე ის არის, რომ ვიდრე მცირეწლოვან ბიძაშვილ გოგონას გააუპატიურებდა და მოკლავდა, სპორტსმენმა ბევრი სხვა დანაშაული ჩაიდინა, მათ შორის, ბოროტი ხულიგნობა, ხანდაზმული ქალბატონის გაუპატიურება, მცირეწლოვანი ბიჭის გაუპატიურების მცდელობა და სხვა. სამართალდამცველებისთვის ყველაფერი ეს თავის დროზე ცნობილი იყო, მაგრამ ავტორიტეტმა თავისი გაიტანა და დამნაშავე არ დაისაჯა. საბოლოოდ კი მოხდა ისეთი რამ, რისი დაფარვაც ავტორიტეტის ყოვლისშემძლე მფარველებმაც ვერ შეძლეს.

მაშინდელი საქართველოს სისხლის სამართლის კოდექსი ამგვარი დანაშაულისთვის სიკვდილით დასჯას ითვალისწინებდა.

სასამართლოდან ათი წლის შემდეგ ავტორთან მთელი ჩანთა დოკუმენტებით ხელში გამოცხადდა დამნაშავის დედა. მისი პრეტენზია ჟურნალისტისადმი, არც მეტი, არც ნაკლები, ასეთი იყო: შენ მოკალი ჩემი შვილი!

თურმე, ეს ამბავი პრესით რომ არ გახმაურებულიყო, ის ცნობილი სპორტსმენი სასტიკ სასჯელს გადაურჩებოდა.

სცადეთ და, სიკვდილით დასჯილის დედას აუხსენით, რომ მისი შვილი ჟურნალისტმა კი არა, საკუთარმა საქციელმა და მმართველობის მაშინდელმა სისტემამ იმსხვერპლა.

დიდი ხნის წინათ ერთმა ჩემმა კოლეგამ გამაცნო შავებში ჩაცმული დარდიანი კაცი, სახელად შოთა და მთხოვა, დავხმარებოდი. როგორც გაირკვა, რამდენიმე წლის წინათ შოთა ოჯახით ავტოავარიაში მოხვედრილა და იმ ტრაგიკული შემთხვევისას მისი 22 წლის ფეხმძიმე ქალიშვილი დაღუპულა.

შევსწავლე ამ შემთხვევასთან დაკავშირებული მასალები. შევხვდი მონაშენებს, დავათვალიერე შემთხვევის ადგილი და ორივე ნაავარიევი ავტომანქანა, გავეცანი ექსპერტების

დასკვნებს, ადვოკატების, თვით მოსამართლის მოსაზრებებს და ასე შემდეგ. აღმოჩნდა, რომ ავტოავარიაში დამნაშავე მძღოლი შს სამინისტროს თანამშრომელი, მფარველთა წყალობით, რამდენიმე წლის განმავლობაში დაუსჯელი რჩებოდა. საქმე კი შეჩერებული იყო ბრალის დაუდასტურებლობის გამო.

გაზეთში წერილის გამოქვეყნების შემდეგ, სისხლის სამართლის საქმე ხელახლა აღიძრა, დამნაშავე მძღოლი საკმაოდ ოპერატიულად გაასამართლეს და, თუ მეხსიერება არ მღალატობს, შვიდი წლით პატიმრობა მიუსაჯეს.

წერილის გამოქვეყნებიდან რამდენიმე დღის შემდეგ რედაქციაში იმ რაიონის სასამართლოს თავმჯდომარე გვეწვია. მას სურდა ჩვენივე გაზეთით განეცხადებინა, რომ თავის დროზე დამნაშავე მძღოლის საქმის გამოძიებასა და გასამართლებაში არავითარი მონაწილეობა არ მიუღია და პრესაში გამოთქმული პრეტენზიები მას არ ეხებოდა (მისი გვარი ჩემს სტატიაში ნახსენები არც ყოფილა). თხოვნა შევუსრულეთ.

მოსამართლის ამ უმტკივნეულო განმარტებას ჩემთვის ყოველად მოულოდნელი, მაგრამ ჩვენი საზოგადოებისთვის დამახასიათებელი შედეგი მოჰყვა: რედაქციაში გამოცხადდა სწორედ ის შავებიანი, დარდიანი ბატონი შოთა და სასტიკად გამლანძღა, რადგან იმ რაიონის მოსამართლეს, თუნდაც სავსებით ლოგიკურად, გაზეთში თავის მართლების საშუალება მივეცით!

ბატონმა შოთამ მრავალი წლის შემდეგ სწორედ ჩემი და რედაქციის საშუალებით იპოვა სამართალი. და მაინც, ყოვლად დაუმსახურებლად გაგვლანძღა და კარი გაიჯახუნა.

**მუდამ უნდა გახსოვდეთ, რომ თქვენი კეთილშობილური თავგამოდებისთვის მადლობის ნაცვლად, შესაძლოა, ალიყური მიიღოთ.** ადამიანების უმრავლესობას არ უყვარს მადლობის გადახდა მის მიმართ განეული უანგარო სამსახურის გამო. ჰგონიათ, რომ მადლობა მათ სამუდამოდ ავალდებულებს სიკეთის გამკეთებლისადმი. უჭირთ ამ ტვირთის ტარება და სულს ამგვარი მეთოდით იმსუბუქებენ.

**საზოგადოებრივი აზრი.** კიდევ ერთხელ გავიმეორებ: რაც უკვე ვთქვი და რის თქმასაც ამ წიგნის დამთავრებამდე მოვასწრებ, სულაც არ გახლავთ აბსოლუტური ჭეშმარიტება. ეს არის ერთი კაცის მოსაზრებები და გნებავთ გაიზიარეთ, გნებავთ — არა. ყოველ შემთხვევაში, უკრიტიკოდ ნურაფერს ირწმუნებთ, მათ შორის, ასეთ საკამათო თეზისსაც — **საზოგადოებრივი**



## **აზრი ძალიან ხშირად ძალიან შორს დგას ქვეშარიტებისგან.**

ეს არ ნიშნავს, რომ საზოგადოებრივი აზრი საერთოდ არ არსებობს, ან საზოგადოებრივ აზრს, თუნდაც აშკარად მცდარს, ანგარიში არ უნდა გავუწიოთ. საქმეც ის არის, რომ იგი არსებობს და, გვინდა თუ არა, ანგარიშიც უნდა გავუწიოთ.

ერთ მკაფიო მაგალითს გავიხსენებ. გასული საუკუნის ოთხმოციანი წლების ბოლოს ურა-პატრიოტული მოძრაობის პროპაგანდისტებისა და აშკარა პროვოკატორების ძალისხმევით საქართველოში ჩამოყალიბდა მტკიცე საზოგადოებრივი აზრი, რომ საქართველოს ჰქონდა საკმარისზე მეტი რესურსი საბჭოთა კავშირისგან დამოუკიდებლად არსებობისთვის: ციტრუსები, ვენახები, ჩაის პლანტაციები, მინერალური წყლები, ქვანახშირი, კურორტები, ნავსადგურები, მძიმე და მსუბუქი სამრეწველო პოტენციალი და ა.შ. მთავარი იყო პოლიტიკური და ეკონომიკური დამოუკიდებლობის მოპოვება. სამწუხაროდ, ძალიან სწრაფად დავრწმუნდით საწინააღმდეგოში — პოლიტიკურმა დამოუკიდებლობამ ერთბაშად თავს დაგვატყუა ეკონომიკის არნახული ნგრევა, უმწვავესი პოლიტიკური დაპირისპირება, სამოქალაქო ომი, სიბნელე, სიცივე, შიმშილი და უსამართლობა.

ანუ მაშინდელი საზოგადოებრივი აზრი დაფუძნებული იყო დემაგოგიაზე, სიცრუეზე და ელემენტალურ უფიცობაზე. მაგრამ ეს იყო საზოგადოებრივი აზრი და მაშინ მის წინააღმდეგ გალაშქრება მხოლოდ ერთეულებმა თუ გაბედეს. ეს ერთეულები კი გახლდნენ ის ადამიანები, რომლებიც მაშინდელი პოლიტიკური ელიტისგან საკმარისზე მეტად შორს იდგნენ. ზოგიერთი მათგანი, მაგალითად, მსოფლიო სახელის მქონე ფილოსოფოსი, აკადემიკოსი მერაბ მამარდაშვილი\* საკუთარ იდეებს შეენირა კიდეც.

საზოგადოებრივი აზრი ხშირად დამორგუნველად მოქმედებს პრესაზე.

„გამომძიებელი“ ჟურნალისტი ზოგჯერ ერთგვარი აღფრთოვანებითაც კი იჯერებს ერთ-ერთი მხარის არგუმენტებს. განსაკუთრებით მაშინ, თუ საქმე პიროვნებასა და რომელიმე უწყებას (ვთქვათ, შინაგან საქმეთა სამინისტროს) შორის დაპირისპირებას, ან, უბრალოდ, რომელიმე სახელმწიფო უწყებისა და მისი ხელმძღვანელობის საეჭვო მოქმედებას ეხება. ჟურნალისტის სიმპათიები ათიდან ცხრა შემთხვევაში მაინც, ძლევამოსილი სახელმწიფო უწყების წინააღმდეგ ამხედრებული უშიშარი ემომრის მხარესაა. და, აი, პრესაში ჩნდება სტატიები, სადაც

საუბარია, თუ როგორ აიღო მინისტრმა ქრთამად ასი ათასობით დოლარი, როგორ გაათავისუფლეს თანამდებობიდან სიმართლისთვის მეზრძოლი თანამშრომელი, როგორც დაიჩაგრა „სამი შვილისა და ხუთი შვილიშვილის ერთადერთი მარჩენალი ბებია“ და სხვა უამრავი მომხიბლავი ზღაპარი.

**სოციალური დაკვეთა.** ჩვენ ხშირად და სამართლიანად ვამაყობთ, რომ ვემსახურებით თავისუფალ პრესას. მსოფლიოს დემოკრატიული ქვეყნების ხელისუფლებებიც ამაყობენ, რომ თავისუფალი პრესა დემოკრატიის უპირველესი მონაპოვარია. თვით კომუნისტი იდეოლოგებიც თავგამოდებით ამტკიცებდნენ, რომ ყველაზე თავისუფალი, ყველაზე დემოკრატიული პრესა მხოლოდ სოციალისტურ სამყაროში არსებობდა. მოკლედ, ყველა — ხართუმიდან, თბილისის გავლით ვაშინგტონამდე მხოლოდ თავისუფალ პრესაზე ზრუნავს.

ეს, რა თქმა უნდა, ასეა, მაგრამ ნუ დაიზარებთ და ამ წიგნის ის ადგილები გაიხსენეთ, სადაც პრესის მნიშვნელობაზე, პრესისა და ხელისუფლების დამოკიდებულებაზე, ზოგადად, პრესის რაობაზეა საუბარი. გაიხსენეთ? — მაშინ სულაც არ გავაჭირდებათ დაასკვნათ: **პრესა კაცობრიობის ისეთი ძვირფასი, ისეთი მნიშვნელოვანი მონაპოვარია, ისეთი გავლენა აქვს საზოგადოებაზე, რომ მის თავისუფლებაზე საუბარი მეტისმეტად გადაჭარბებულია.**

მასობრივი ინფორმაციის ნებისმიერი საშუალება, ვალიარებთ თუ არა ამას, ემსახურება მისი მფლობელის ინტერესებს. არ არის სავალდებულო, რომ ეს მფლობელი მაინცდამაინც სახელმწიფო იყოს. იგი შეიძლება იყოს რომელიმე პარტია, პროფკავშირი, ბანკი, კომპანია, სამრეწველო კლანი და ა.შ. ასე რომ, ცნება „თავისუფალი პრესა“ პირობითია. იგი, შესაძლოა, გათავისუფლებული იყოს სახელმწიფო ცენზურისგან, მაგრამ არავითარ შემთხვევაში — მისი მფლობელი-დამფინანსებლისგან. პრესა მართლაც ძალიან სერიოზული ძალაა იმისათვის, რომ სრულიად თავისუფალი იყოს. გთხოვთ, კიდევ ერთხელ ყურადღება მიაქციოთ, რომ საუბარია პრესის, ზოგადად, მასობრივი ინფორმაციის საშუალებათა თავისუფლებაზე და არა სიტყვის თავისუფლებაზე.

**ვიმეორებ: როგორც წესი, „თავისუფალს“ ვუნოდებთ მასობრივი ინფორმაციის საშუალებების იმ ნაწილს, რომელზეც არ ვრცელდება ხელისუფლების დიქტატი.**

აქედან გამოდინარე, მსოფლიო პრესაში და, წარმოიდგინეთ, საქართველოს პრესაშიც ხშირად გვხვდება ხელისუფლების რომელიმე შტოს, ან რომელიმე ფინანსური კლანის დაკვეთით შესრულებული სტატიები, მათ შორის, ჟურნალისტური გამოძიების ჟანრისა.

1995 წლის ბოლოს და 1996 წლის პირველ ნახევარში პროფესორ ჯაბა იოსელიანისა და მის მიერ შექმნილ პატრიოტულ ორგანიზაცია „მხედრონის“ დანაშაულებრივ ქმედებათა გამოაშკარავებას ზედიზედ რამდენიმე ათეული ნომერი მიუძღვნა ყოველკვირეულმა „სახალხო გაზეთმა“. განზრახვა, რა თქმა უნდა, მისასაღმებელია, მაგრამ აქ უხეშად იყო დარღვეული უდანაშაულობის პრეზუმფცია, ადამიანის უფლებები და ჟურნალისტური ეთიკაც: ხელისუფლების მიერ აშკარად პოლიტიკური მოსაზრებებით დაკავებული მრავალი ეჭვმიტანილი, მათ შორის, ისეთებიც, რომლებიც მალე სასამართლომ სხვადასხვა მოტივით გაათავისუფლა პასუხისმგებლობიდან, დამნაშავეებად იყვნენ გამოცხადებული.

კომუნისტურ პრესაზე ხომ ლაპარაკიც ზედმეტია. თავი დავანებოთ ოციან, ოცდაათიან თუ სამოციან წლებს. ასე იყო მაშინაც, როცა საქართველოს ცეკას პირველი მდივანი „დემოკრატი“ ედუარდ შევარდნაძე გახდა. იმ შორეულ 1972 წელს, ჯერ კიდევ ამხანაგად წოდებულმა ქვეყნის პირველმა პირმა მექრთამეობისა და „უკანონო შემოსავლების“ წინააღმდეგ დაუნდობელი ბრძოლის რაუნდები წამოიწყო. გადახედეთ მაშინდელ პრესას — იგი აჭრელებულია ამ აქციების მხარდამჭერი ყველა ჟანრის „ჟურნალისტური შედეგებით“. თუმცა, მაშინაც ყველა მეტნაკლებად მოაზროვნე ადამიანი შესანიშნავად იცოდა, რომ ყველაფერი ეს ფარისევლობა, საზოგადოებისთვის თვალში ნაცრის შეყრა იყო და მეტი არაფერი. ამ „რაუნდებს“, კანონების გასასტიკებას, გაუთავებელ ტამისცემას შედეგი არ მოჰყვებოდა იმ უბრალო მიზეზის გამო, რომ „დიადი საბჭოეთის“ ერთ პროვინციაში მმართველობის რეჟიმის შეუცვლელად ცხოვრების ნესის შეცვლა ყოვლად წარმოუდგენელი გახლდათ.

როგორ მოვიქცეთ?

ჟურნალისტურ გამოძიებასთან დაკავშირებით ისეთი სურათი დაიხატა, ეს კითხვა ბუნებრივად ჩნდება. გამოვიძიოთ, თუ არ გამოვიძიოთ?! როგორც ზემოთაც ვთქვი, ჟურნალისტურ გამოძიებაზე უარის თქმა შეუძლებელია და სრულფასოვანი ჟუ-

რნალისტური გამოძიების ჩატარებაც თითქმის გადაუჭრელი პრობლემების წინაშე გვაყენებს!

ხოლო ნამდვილი გამოძიების ნაცვლად, მკითხველისთვის ნახევარფაბრიკატის შეჩერება უღირსი საქციელია. ასეთ შემთხვევაში, ალბათ, აჯობებს, ჩვენს ნაშრომ-ნაჯაფს არ დავარქვათ „ჟურნალისტური გამოძიება“. გამოვიძიოთ მხოლოდ ისეთი საქმეები, რისი ძალაც შეგვწევს და, რაც განსაკუთრებულ ოპერატიულობას არ მოითხოვს.

მაშ, ევროპელი და ამერიკელი ჟურნალისტები რომ იძიებენო? — იკითხავთ და მართალიც იქნებით, მაგრამ გავითვალისწინოთ ორი რამ: ჯერ ერთი, იმ ბედნიერი ქვეყნების ჟურნალისტებსაც ბევრი და მძიმე შეცდომა მოსდით; მეორეც — იქაური და ჩვენებური ჟურნალისტების (რედაქციების) ფინანსური შესაძლებლობების შედარება, უბრალოდ, შეუძლებელია.

მოკლედ, ვაკეთოთ ის, რაც შეგვიძლია და დაველოდოთ უკეთეს დროებას.

## **როგორ მოვამზადოთ საგაზეთო მასალა ჟურნალისტური გამოძიების შედეგებაზე**

თქვენი მძიმე და ხანგრძლივი შრომა წარმატებით დაგვირგვინდა — ხელთა გაქვთ კარგად გაანალიზებული დოკუმენტური მასალა. ახლა საჭიროა მისი პრესისთვის მომზადება — სტატიის დაწერა. ვიმეორებ, უნდა დაინეროს საგაზეთო სტატია და არა საბრალდებო დასკვნა. როცა საქმე გამოძიების შედეგების გამოქვეყნებაზე მიდგება, ამ ორ ცნებას („საგაზეთო სტატია“ და „საბრალდებო დასკვნა“) ჟურნალისტებიც და იურისტებიც ძალიან ხშირად ერთმანეთში ურევენ. უფრო ზუსტად, ჟურნალისტები ცდილობენ სტატია საბრალდებო დასკვნას დაამსგავსონ, იურისტები — პირიქით, როგორმე საბრალდებო დასკვნა გადააკეთონ სტატიად.

საგაზეთო სტატიაში სულაც არ არის სავალდებულო თქვენი უკლებლივ ყველა დასკვნის ფაქტებით და არგუმენტებით დამტკიცება, კოდექსებისა და სხვა ნორმატიული აქტების მოშველიება, ე.წ. „საქმის ფურცლების“ მითითება და ა.შ. ეს მხოლოდ მაშინაა აუცილებელი, თუ ვინმე გეკამათებათ და საპირისპიროს

დამტკიცებას ცდილობს. სტატიაში უნდა ჩანდეს, რომ ავტორი მოცემულ საქმეს სრულყოფილად იცნობს; ხელთა აქვს უფრო მეტი დოკუმენტი, ვიდრე ოფიციალურ გამოძიებას. თუ ყველა თქვენი დოკუმენტის გამომზეურებას და ყველა არგუმენტის შესაბამისი ფაქტებით დამტკიცებას განიზრახავთ, მიიღებთ უზარმაზარ, მკითხველისთვის ფრიად მოსაწყენ მტკიცებულებათა ნუსხას. რა თქმა უნდა, არ ვამბობ, რომ ფაქტების, არგუმენტების და მტკიცებულებების მოტანა, საერთოდ, საჭირო არ არის, — საჭიროა, მაგრამ ისინი ძალიან ფაქიზად უნდა შეირჩეს. მაგალითად, თქვენ გაქვთ ყველა დამამტკიცებელი საბუთი იმისა, რომ ექვმიტანილმა დაზარალებულთან, ვიდრე მას მოკლავდა, გაუკუღმართებული სქესობრივი კავშირი დაამყარა: ნივთმტკიცებანი, ექსპერტიზის დასკვნა და ა.შ. ასეთ შემთხვევაში, უბრალოდ ამბობთ, რომ ექვმიტანილი ასე მოიქცა და მკითხველს არ აცნობთ ექსპერტიზის ვრცელ დასკვნას. შეგიძლიათ თქვათ, რომ ამას ამტკიცებს ექსპერტიზის დასკვნა, ან იგი სულაც არ ახსენოთ. მკითხველი ამაში ნამდვილად არ შეგეკამათებათ. შეგიძლიათ პირიქითაც მოიქცეთ — მოიტანოთ ყველაზე მნიშვნელოვანი ციტატა ექსპერტიზის დასკვნიდან უკომენტაროდ.

არ უნდა დაივიწყოთ, რომ ჟურნალისტური გამოძიებაც, უპირველეს ყოვლისა, გამიზნულია მკითხველისთვის. ამიტომ მას უნდა ახლდეს ყველა ის ატრიბუტი, რაც, ზოგადად, უნდა ახლდეს ყველა მნიშვნელოვან საგაზეთო პუბლიკაციას: თვალში მოსახვედრი სათაური, შინაარსის შესაბამისი ქვესათაური, დამაინტრიგებელი შესავალი, ლოგიკური დასკვნა, ფოტომასალა და ა.შ.

ძალიან ხშირად, ამ ჟანრის ნაშრომები პუბლიცისტური ხასიათისაა, თუმცა, ფორმის მიხედვით, იგი სავსებით შესაძლებელია იყოს:

1. მშრალი ინფორმაცია მტკიცებულებათა მოშველიებით;
2. პუბლიცისტური „ნოველა“;
3. დოკუმენტური დეტექტიური „მოთხრობა“;
4. რომელიმე კერძო ან სახელმწიფო უწყების (კომპანიის, ფიზიკური პირის) წინააღმდეგ მიმართული ბრალდებების ნუსხა, ან ბრალდებათა გამაქარწყლებელი არგუმენტების ჩამონათვალი;
5. სენსაციური განცხადება;
6. ინტერვიუ;
7. მონოლოგი და ა.შ.

ყველაფერი თქვენს ოსტატობაზე და თემის პოპულარობაზეა დამოკიდებული. თუმცა, მკითხველის თვალში უპირატესობა მაინც ოსტატობას ენიჭება.

აქ შეიძლებაოდა ძალიან ბევრი გვესაუბრა ფორმებზე, მაგრამ, ვფიქრობ, ამის აუცილებლობა აღარ არის, ვინაიდან როცა, ზოგადად, ჟურნალისტურ პროდუქციაზე ვსაუბრობდით, ამ თემას საკმაოდ დაწვრილებით შევეხეთ. ამის გარდა, ჟურნალისტური გამოძიება ისეთი რთული ფენომენია, მას, ალბათ, სათანადო მაგალითების მოშველიებით ცალკე სერიოზული გამოკვლევა უნდა მიეძღვნას. იმედი მაქვს, ამის დროც მალე დადგება.

ახლა, თუ ამ საკმაოდ გრძელი საუბრით ძალიან არ დაილაღეთ, შემოგთავაზებთ ჩემს მოსაზრებას თავის დროზე გახმაურებული ერთი ჟურნალისტური გამოძიების თაობაზე. უფრო ზუსტად, მოსაზრებას იმ საგაზეთო პროდუქციაზე, რასაც მისი ავტორები უწოდებენ „ჟურნალისტურ გამოძიებას“.

მანამდე კი აუცილებლად მეჩვენება მცირე განმარტება: მე, როგორც მოქალაქე და როგორც ჟურნალისტი, არ ვეკუთნოდი და არ ვეკუთვნი მმართველი ან რომელიმე ოპოზიციური ძალისადმი ლოიალურად განწყობილთა რიცხვს — თუ „საუბრებს“ ბოლომდე ნაიკითხავთ, ვფიქრობ, ამაში უთუოდ დარწმუნდებით. ჟურნალისტთა წინამდებარე კოლექტიური „გამოძიების“ ანალიზს კი გთავაზობთ ერთადერთი მიზნით — გაითვალისწინოთ, რა სიძნელეები შეიძლება შეგხვდეთ თქვენი ყოვლად კეთილშობილური გადაწყვეტილების აღსრულებისას:

## აქლემების მარულა

2001 წლის შემოდგომაზე საქართველოში სახელისუფლებო კრიზისი გამწვავდა. დაპირისპირება სახელმწიფო კანცელარიასა და ხელისუფლების ეგრეთ წოდებულ „რეფორმატორულ“ ფრთას შორის უკიდურესად დაიძაბა. დაიწყო აშკარა ბრძოლა ძალაუფლებისთვის.

„რეფორმატორებმა“ (ე. წ. ჟვანია-საკაშვილის ჯგუფი) შევარდნადისა და მისი მთავრობის გადასაყენებლად ნაცადი მეთოდის, ქუჩის აქციების გამოყენება გადაწყვიტეს. საბაბიც მალე გამოჩნდა — ტელეკომპანია „რუსთავი 2-ის“ ინციდენტი 2001 წლის 30 ოქტომბერს. სიტყვის თავისუფლებისათვის ბრძოლა

ძალიან სწრაფად გადაიზარდა პრეზიდენტის გადასაყენებლად მიმართულ ბრძოლაში.

საბოლოოდ, პრეზიდენტი პრეზიდენტად დარჩა. ხოლო „რეფორმატორთა“ ჯგუფი ხელისუფლებიდან ერთბაშად რადიკალურ ოპოზიციაში გადაბარგდა.

კაცმა რომ თქვას, უცნაური, მით უფრო, საშინელი არაფერი მომხდარა. მსოფლიოში არ მეგულება ქვეყანა, სადაც თუნდაც გენიალური პრეზიდენტის გადადგომას არ ითხოვდნენ. ხან საფუძვლიანად, ხან უსაფუძვლოდ. პრეზიდენტი ან დაეთანხმება, ან — არა. ჩვენს შემთხვევაში, არ დაეთანხმა.

ასეთია 2001 წლის ოქტომბრის ბოლოს და ნოემბრის დასაწყისში განვითარებული მწვავე პოლიტიკური ბატალიების ძალიან მოკლე ისტორია.

ბუნებრივია, მაშინდელი მოვლენები ცხარე კამათისა და სერიოზული განსჯის საგნად იქცა. განზე არც მასობრივი ინფორმაციის საშუალებები დარჩენილა — არც აქაური და არც უცხოური. შეფასებებიც ნაირგვარი იყო.

როგორც ოცდამეერთე საუკუნის უცნობი ქართველი მემატინე გვამცნობს, ამ ამბებიდან სულ მალე შექმნილა ჟურნალისტ-გამომძიებელთა ჯგუფი, რომელსაც მიზნად დაუსახავს, შეესწავლა და ხალხის სამსჯავროზე გამოეთანა მაშინდელი პოლიტიკური ბრძოლების საიდუმლოებანი, სახელი დაერქვა ყველა მაშინდელი ქმედებისა და მოვლენისთვის. საბოლოოდ, „ჯგუფმა“ პირნათლად შეასრულა ნაკისრი ვალდებულება: მაშინდელ მოვლენებს სახელმწიფო გადატრიალების მცდელობა დაარქვა, მის მონაწილეებს — გეკაჩუპისტები (რუს. ГКЧП — 1991 წლის აგვისტოში შეთქმულთა ჯგუფი რუსეთის უმაღლეს ხელისუფლებაში, რომელმაც პრეზიდენტ გორბაჩოვის გადაყენება მოითხოვა), სგპ-ისტები („სგპ — საქართველოს გამბახებელთა პარტია“), მოლაღატეები, აგენტები, ცრუპენტელები, მახინჯები და ა. შ.

ორ გაზეთში პარალელურად გამოქვეყნდა წერილების სერია, ხოლო 2002 წლის შემოდგომაზე ამ სტატიების კრებული გამოიცა წიგნად — „ოთხი დღე, რომელმაც შეძრა საქართველო“. წერილების და წიგნის ავტორთა ვინაობა უცნობია (რა თავმდაბალი ხალხი ვართ ეს ქართველები!) — ჩვენ, იმ წერილების სერიისა და წიგნის მადლიერმა მკითხველებმა, მხოლოდ ის ვიცით, რომ ეს პროდუქცია არის „ლიტერატურული საქართველოს“ და „მართა-

ლი გაზეთის“ ერთობლივი ჟურნალისტური გამოძიების ნაყოფი.

რა თქმა უნდა, არავითარი პრეტენზია არა მაქვს ნაშრომის შინაარსზე, იქ მოცემულ დასკვნებზე. არ ვამტკიცებ, რომ ეს მოვლენები არ იყო სახელმწიფო გადატრიალების მცდელობა; რომ ჟვანია და სააკაშვილი არ არიან „გეკაჩევისტები“, „გამბახე-ბლები“, უცხოეთის რომელიღაც ქვეყნის „აგენტები“ და ა. შ. ჩემი პრეტენზიები ეხება ჟურნალისტ-გამომძიებელთა გამოძიების სტილს, მტკიცებულებათა შექმნის მეთოდს და, ზოგადად, წერის მანერას. „საუბრებში“ „ოთხი დღის“ განხილვის აუცილებლობაც სწორედ ამით არის გამოწვეული.

„ჯგუფის“ ბრალდებები 2001 წლის შემოდგომის მოვლენების ორგანიზატორებისადმი მართლაც მომაკვდინებელი იყო — სახელმწიფო გადატრიალების მცდელობა, თანამდებობრივი მდგომარეობის ბოროტად გამოყენება, სამშობლოს ღალატი, დეზინფორმაციის გავრცელება, უცხო ქვეყნების აგენტობა, შეთქმულებაში მონაწილეობა, მექრთამეობა და მრავალი სხვა რამ.

ფაქტობრივად, ეს იყო საბრალდებო დასკვნა, რითაც მრავალ ადამიანს საჯაროდ ბრალი ედებოდა უმძიმეს ანტისახელმწიფოებრივ ქმედებებში. იმასაც ნუ დავივიწყებთ, რომ ეს „მრავალი ადამიანი“ იყო ჩვენთვის კარგად ნაცნობი პოლიტიკური ფიგურები.

არის კიდევ ერთი ძალიან მნიშვნელოვანი მიზეზი, რის გამოც ამ თემაზე წერა გავბედე. ეს გახლავთ თავისუფლებანაჩუქარი ქართული ჟურნალისტიკის, კერძოდ, მოდად ქცეული ჟურნალისტური გამოძიების მდგომარეობა XXI საუკუნის დასაწყისის საქართველოში.

მოგეხსენებათ, გამომძიებელი საქმის სასამართლოში წარმართვამდე წერს საბრალდებო დასკვნას. წარმოიდგინეთ, რას იზამს ჟურნალისტი (ან რედაქცია), რომელსაც ხელში ჩაუვარდა საბრალდებო დასკვნა, რომლის ძალითაც ეჭვმიტანილს ბრალად ედება საქართველოს სისხლის სამართლის კოდექსით გათვალისწინებული დანაშაული, რაც ითვალისწინებს სასჯელს ათი წლიდან სამუდამო პატიმრობამდე, ბრალდებები კი ასეა დასაბუთებული:

„როგორც სანდო წყაროდან ცნობილი გახდა, პეტრე კიევში გამგზავრებულა და, როგორც ამბობს იქაური ჟურნალისტი ვასია (რომლის გვარს ვერ დავასახელებთ), შეხვედრია ცენტრალ-



ური სადაზვერვო სამსახურის აგენტ ჯონს, რომლის ვინაობა დაუდგენელია.

ამბობენ, რომ ჯონმა, თურმე, ზურიკოს ხელით პეტროვიჩს გამოუგზავნა დიდი ფული სამშობლოს ღალატის სანაცვლოდ. აიღო თუ არა ზურიკომ ფული, უცნობია, მაგრამ კულუარული ინფორმაციით, მას სამშობლო ამ ფულზე გაუყიდა. აქედან გამომდინარე, პეტროვიჩს ბრალი ედება საქართველოს სისხლის სამართლის კოდექსის... მუხლით“.

იმედია, არ მოგეწონებოდათ, ალბათ, კახურადაც შემიკურთხეთ, რას კროცამს ეს კაციო.

„ჯგუფელების“ ერთობლივი საბრალდებო დასკვნა მხოლოდ ვარაუდებზე და ჭორებზეა აგებული:

**„მოარულ ხმებს თუ დავუჯერებთ, უშიშროების თანამშრომლების იქ ყოფნის მომენტშიც „რუსთავი-2“-ის თანამშრომლებს ჩუმიად გამოჰქონდათ თავიანთი ოთახებიდან ეს კონტრაბანდული საქონელი და სხვადასხვა სართულებზე მალავდნენ“** (გვ. 21, სტილი და პუნქტუაცია აქ და ყველგან დაცულია, თ.ქ.).

ყურადღება მიაქციეთ: ტელეკომპანიას ბრალი ედება კონტრაბანდული საქონლის შემოტანასა და შენახვაში, გამომძიებლები (რომლებიც ყურნალისტებიც არიან) კი ამბობენ, „მოარულ ხმებს თუ დავუჯერებთ“.

**„საგადასახადო სამსახურმა „რუსთავი-2“-ში ვერანაირი დარღვევები ვერ ნახა კი არა, როგორც ამბობენ, ისეთი რალაცეები ნახა, ნანახისა თვითონვე შეეშინდა და „რუსთავი-2“-ის ხელმძღვანელობის წინადადებაზე, მშვიდობიანად „მოეყმარებინათ“ საქმე, კატეგორიული უარი განაცხადა, თურმე, თუ მას რალაც იურიდიული საფუძველი არ ექნებოდა ნანახზე თვალის დასახუჭად“**, (გვ. 21-22).

— **„შეინარჩუნე სიტუაცია“**, მე ახლავე დეპუტატებს მოგაშველებ!

— ასეთი მითითება მიიღო, თურმე, კინმარიშვილმა (ტელეკომპანიის მაშინდელი მფლობელი — თ. ქ.) ყვანიასგან“ (გვ. 25).

**„მოვლენათა ანალიზის და შექმნილი სიტუაციის მიხედვით თუ ვიმსჯელებთ, ერთ დასკვნამდე შეიძლება მივიდეთ: ზურაბ ყვანიამ ეს ფრაზა ნამდვილად თქვა და ამ ფრაზიდან დაიწყო სახელმწიფო გადატრიალების მცდელობის პროცესი“** (გვ. 25).

ამას ჟურნალისტები წერენ, თანაც — ჯგუფურად.

შეგახსენებთ, საუბარი ეხება სახელმწიფო გადატრიალების მცდელობას და მასში ქვეყნის პარლამენტის თავმჯდომარის მონაწილეობას. ესენი კი — არ ვიცით, თქვა თუ არა, მაგრამ მოვლენები რომ გავანალიზეთ, ჟვანია ამას უეჭველად იტყოდა და გადატრიალების მცდელობაც აქედან დაიწყო!

**„მორბენალი სტრიქონის საშუალებით („რუსთავი-2“-დან — თ.ქ.) უცხო ქვეყნების სპეცსამსახურებისთვის გადაცემოდა კონფიდენციალური ინფორმაციები“ (გვ. 33).**

ძვირფას გამოძიებლებს, მგონი, რაღაც ეშლებათ. XXI საუკუნის ტექნიკური არსენალის პირობებში, ნებისმიერი კონფიდენციალური ინფორმაციის გადაცემა არავითარ სიძნელესთან არ არის დაკავშირებული. ძნელია თვითონ ინფორმაციის მოპოვება. თანაც, „რუსთავი 2-ის“ ამბავი რომ ვიცი, ინფორმაციის დამიფრვით და მორბენალ სტრიქონად გადაკეთებით თავს ნამდვილად არ შეინუხებდა — პირდაპირ, ღია ეთერში გადასცემდა და თან უშიშროების სამინისტროს ინფორმაციის გაჟონვაში დაადანაშაულებდა!

მორბენალი სტრიქონის ეპიზოდს ჭორსაც კი ვერ დაარქმევ. ეს უფრო უვიცობისა და მწირი ფანტაზიის ნაზავია.

**„ამბობენ, რომ ამ გეგმამ (იგულისხმება „ჯგუფის“ მიერ ნავარაუდები ჟვანიას გეგმა შევარდნაძის გადასაყენებლად. თ.ქ.) რუსეთის ფედერაციის პრეზიდენტის, ვლადიმირ პუტინის, ყურამდეც მიაღწია, რაზეც პუტინს უთქვამს: მე რუსეთის ჯარს მხოლოდ შევარდნაძეს მივცემ, თუმცა, დარწმუნებული ვარ, იგი მე ასეთი თხოვნით არასოდეს მომმართავს“ (გვ. 60).**

**„როგორც ამბობენ, ის (იგულისხმება მიშა სააკაშვილი, თ.ქ.) მაინცდამაინც დიდი ავტორიტეტით და სიყვარულით არ სარგებლობს რუსეთის სპეცსამსახურებსა და სხვა სერიოზულ ინსტიტუტებში“ (გვ. 60).**

**„იმასაც ამბობენ, რომ დროთა განმავლობაში სწორედ „ინვალიდთა ლიგა“ გახდა ე. წ. „რეფორმატორთა“ ჯგუფის დავიანსების მთავარი წყარო“ (გვ. 68).**

ხედავთ, რა ბიჭი ყოფილა ეს ვალოდია პუტინი (დედა ჰყოლია ოზურგეთელი მეხუზლას ქალი!): რუსეთის ჯარს, თუ დასჭირდა, შევარდნაძეს მივცემო, ჟვანიას და სააკაშვილს კი — არ მივცემო. იმიტომ არ მივცემ, რომ ბემურაზები არიან და ჩვენს „სპე-

ციალურ სამსახურებსა და სხვა სერიოზულ ინსტიტუტებში“ არავითარი ავტორიტეტი არ გააჩნიათო. აი, ბატონი ედუარდი კი „რუსეთის სპეცსამსახურებსა და სხვა ინსტიტუტებში“ დიდი ავტორიტეტით სარგებლობსო. საიდუმლოდ იმასაც გაგიმხელთ, რომ თურმე, ედო და ვოვა ბავშვობის მეგობრები ყოფილან. ასე ამბობენ და, რა ვიცი...

გავაგრძელო? — კი, ბატონო, მაგრამ, ძალიან გთხოვთ, რასაც ახლა წაიკითხავთ, ჩემი გამონაგონი არ გეგონოთ, „ჯგუფის“ წევრი კრიმინალისტ-ჟურნალისტების კუთვნილებაა:

**„ამბობენ, რომ ტყვეობიდან გამოსხნილმა პეტრე ცისკარიშვილმა ტელეეკრანზე ის ტუალეტი იცნო, სადაც ის ტყვეობაში ყოფნისას თვალეზახვეული დაჰყავდათ, ესე იგი, ახმეტის რაიონის სოფელ ბირკიანში (პანკისის ხეობა). ეს ის ტუალეტი იყო, სადაც ვეფხია მარგოშვილი (იმ პერიოდის გახმაურებული კრიმინალური ავტორიტეტი, თ. ქ.) ააფეთქეს, აქედან ერთი ნაბიჯია იმ დასკვნამდე, რომ პეტრე ცისკარიშვილი ვეფხია მარგოშვილის სახლში ჰყავდათ ტყვედ“ (გვ. 80).**

თავიდან მეც თქვენსავით ვფიქრობდი, აქ რაღაც გაუგებრობაა-მეთქი, მაგრამ მერე დავრწმუნდი, რომ ავტორები ამას სავსებით სერიოზულად ამბობენ:

**„აკი თქვა ბატონმა პეტრემ: ეს ის ტუალეტია, სადაც ტყვეობისას თვალეზახვეული დაჰყავდითო“ (გვ. 81).**

**„თხრობის მდინარებამ გაგვიტაცა და თვალეზახვეული პეტრე მარგოშვილის ტუალეტის კართან დაგვაგინყდა“ (გვ. 88).**

ახლა, თუ ღმერთი გნამთ, ამიხსენით, თვალეზახვეული თუ ჰქონდა და ვერაფერს ვერ ხედავდა, ტყვეობიდან გამოსხნის შემდეგ როგორღა „იცნო“ მარგოშვილის ტუალეტი იმ ჩემი ცოდვით სავსე ცისკარიშვილმა. თანაც, ტელევიზიით ტუალეტი კი არა, აფეთქების შემდეგ დარჩენილი ნატუალეტარი ადგილი აჩვენეს. პეტრემ იქნებ მართლაც თქვა, ვიცანიო, მაგრამ გამომძიებლები ხომ უნდა დაეჭვებულყვნენ, თვალეზახვეული კაცი ვერაფერს დაინახავდაო.

მაგრამ საქმეც ის გახლავთ, რომ ავტორებს სურთ კავშირის ძაფი გააბან მათგანვე საეჭვო წარსულის მქონედ შერაცხულ მარგოშვილსა და ქართველ „პუტრისტ-გეკაჩეპისტებს“ შორის, რომელთა ერთ-ერთ თანამზრახველად ცისკარიშვილიც მიაჩნიათ.

**„როგორც ამბობენ (ცისკარიშვილმა — თ.ქ.) ისეთი პიკანტური ამბები ჩამოარაკრაკა ვიდეოკამერის წინ პარლამენტართა პოლიტიკური ვნებით და შემართებით დამუხტული ცხოვრებიდან, თვით მრავლისმნახველი და მრავლისგამგონე მასპინძლებიც (პანკისელები — თ.ქ.) გაოცდნენ და განცვიფრდნენ თურმე“ (გვ. 88).**

სამწუხაროდ, პატივცემული ავტორები არ გვეუბნებიან, კერძოდ, ისეთი რა „ჩამოარაკრაკა“ პეტრე ცისკარიშვილმა, „მრავლისმნახველი და მრავლისგამგონე“ პანკისელი ქისტები რომ გააოცა და განაცვიფრა კიდევც.

რაც ახლა ნაიკითხეთ, მხოლოდ ნანილია ამ „თურმეობითი“ გამოძიებისა. რა თქმა უნდა, ალბათ უარესიც გვინახავს, მაგრამ მას არ ექნებოდა ჟურნალისტური გამოძიების ამბიცია. ეს არის არა მარტო ერთი ჟურნალისტური ჟანრის, არამედ მთლიანად თანამედროვე ქართული ჟურნალისტიკის პროფანაცია.

თუმცა, მთავარი ჯერ წინაა, ეს წიგნი ხომ ხელისუფლების, კერძოდ, პრეზიდენტ შევარდნაძის მხარდასაჭერადაა დაწერილი. ისიც ვნახოთ, როგორია ამ მხარდაჭერის ტექნოლოგია.

**„ის, რასაც „თავისუფლების ინსტიტუტი“ დღემდე აკეთებდა, არის სწორედ ქართული სახელმწიფოს დამოუკიდებლობისა და თავისუფლების წინააღმდეგ მიმართული ქმედება. დაწყებული სხვადასხვა სექტების დაცვით და მათი ინტერესების ლობირებით, დამთავრებული მათ მიერ ბოლოს შემუშავებული პრესის კანონპროექტით, ნათლად მეტყველებს, რომ საქმე გვაქვს ორგანიზაციასთან, რომელიც, ფაქტობრივად, ღიად ეწევა სახელმწიფოსთვის ძირგამომთხრელ საქმიანობას“ (გვ. 99).**

**„რუსეთის რეაქციულ ძალებს ზუსტად ის სურთ, რის გაკეთებასაც „თავისუფლების ინსტიტუტის“ ბიჭები, ყვანია-სააკაშვილის ჯგუფის წევრები, „რუსთავი-2“ და სხვა მათი მოკავშირე საინფორმაციო საშუალებები თავგადაკლული ცდილობენ“ (გვ. 99).**

სამწუხაროდ, „ჯგუფელები“ არ აკონკრეტებენ, რა ანტისახელმწიფოებრივი ქმედებები შეიძლება იყოს „სექტების დაცვა-სა“ და „კანონპროექტის მომზადებას“ შორის. ვინაიდან ნებისმიერი კანონპროექტის შეთხზვა „სახელმწიფოსთვის ძირგამომთხრელ“ საქმიანობად ვერ ჩაითვლება, რჩება ერთი — „თავისუფლების ინსტიტუტი“ „იცავს სხვადასხვა სექტებს“.

თუ „თავისუფლების ინსტიტუტი“ გამოდის რელიგიური ექსტრემიზმის წინააღმდეგ, იგი სექტანტებს და სექტებს კი არ იცავს, არამედ იცავს სწორედ საქართველოს სახელმწიფოს ინტერესებს და საქართველოს სახელმწიფოს საერთაშორისო ავტორიტეტს. იცავს მოქალაქის ფუძემდებლურ, კონსტიტუციურ უფლებას!

„ჯგუფის“ ერთ-ერთი მთავარი ბრალდება ჟვანია-სააკაშვილისადმი ის გახლავთ, რომ ორივე ეს პიროვნება და მათთან „შეკრული“ საზოგადოება, თურმე, დასავლეთის რომელიღაც ქვეყნის რომელიღაც სპეცსამსახურის აგენტები ბრძანებულან. ეს უმძიმესი ბრალდება, ძირითადად, ეყრდნობა მოსკოვის პროკრიზისული კვლევების ინსტიტუტის დირექტორის, ვახტანგ ჭკუასელის, ჟურნალისტ დიტო ტიკარაძისა და ერთი ანონიმი ავტორის ჩვენებებს. ანონიმის ჩვენების ჭეშმარიტებაში ეჭვი რომ არ შეგვეპაროს, ჯგუფი გვამცნობს:

**„პიროვნება, რომლის მონათხრობსაც ვეყრდნობოდით ამ წერილის მომზადებისას და რომელმაც არ ისურვა თავისი პიროვნების გამჟღავნება, საერთაშორისო პოლიტიკური ცხოვრების ნიუანსებში კარგად ჩახედული და ფართოდ ინფორმირებული პირია. ცხადია, ჩვენ არ შეგვეძლო ამ პიროვნების მიერ მოწოდებული ინფორმაციის გადამოწმება, თუმცა, მისი მიწოდება საზოგადოებისათვის მაინც აუცილებელ საქმედ მიგვაჩნია — საკითხი ხომ ჩვენი ქვეყნის ბედ-იღბალს ეხება“** (გვ. 104).

დამწყები ჟურნალისტ-გამომძიებლების საყურადღებოდ:

**არასოდეს არ დანეროთ (მით უფრო — არ ამტკიცოთ) ის, რისი დოკუმენტურად დასაბუთებაც თქვენს ძალებს ალემატეხება. პრესა არ არის (არ უნდა იყოს!) პოლიტიკური ანგარიშსწორების იარაღი. რაც მთავარია, თვით უნებლიე შეცდომაც კი (არაფერს ვამბობ შეგნებულ სიცრუეზე) ვნებს თქვენს ავტორიტეტს — როგორც ჟურნალისტისა და როგორც მოქალაქისა. ნურასოდეს ნუ ენდობით სიტყვაზე ანონიმ ავტორებს — ისინი, როგორც წესი, შარლატანები არიან და რომელიმე სპეცსამსახურის ან პოლიტიკური ძალის დაკვეთას ასრულებენ, თქვენ კი ბინძურ თამაშში გითრევენ. თუ არ გინდათ, უვიცობა დაგწამონ, ნურასდროს ნუ გაიმეორებთ ასეთ ფრაზას: „პიროვნება... ფართოდ ინფორმირებული პირია“.**

ეს სიტყვები, ვიმეორებ, დამწყები ჟურნალისტების საყურ-

ადლებოდ ვთქვი, ვინძლო, მომავალი მოღვაწეობისას გამოუსწორებელი შეცდომები არ მოუვიდეთ. რაც შეეხება „ოთხი დღის“ ავტორებს, ქართულ ენაზე წერა-კითხვას ისინი ველარასოდეს ვერ ისწავლიან. გადაფურცლეთ მათი ნახელავი და ამ მწარე სიმართლეში თავად დარწმუნდებით.

დავუბრუნდეთ „აგენტებს“.

პატივცემული ანონიმის ჩვენებით, **„სააკაშვილი, რომლის საიდუმლო ფსევდონომია „ვერბლიუდი“, რუსეთის სპეცსამსახურების ოფიცერია და დაკავშირებულია სპეცსამსახურების იმ ძალებთან, რომლებიც დასავლეთიდან მიღებული დირექტივებით მოქმედებენ შევარდნაძე-პუტინის წინააღმდეგ“** (გვ. 104, 106).

**„დასავლეთიდან მიღებული დირექტივების შესაბამისად მოქმედი ჟვანია-სააკაშვილის ჯგუფი ახალ, მორიგ „ანტი-რუსულ“ და „ანტიშევარდნაძისტულ“ კამპანიას გეგმავს“** (გვ. 105).

„რკინისებური“ ლოგიკის წყალობით, ჯგუფი ასკვნის, რომ ჟვანია-სააკაშვილი და მთელი მათი აქლემების ჯგოფი, კოზაკები-ანად, არც მეტი, არც ნაკლები, ბუში-პუტინი-შევარდნაძის მოსისხლე მტრები არიან.

ამის გარდა, ჟვანია-სააკაშვილი ქართულ პოლიტიკაში ჩაუნერგავს იურიდიულ ფირმა „პეტერსონ ბელქნაფს“, რომელსაც, თურმე, სომხური დიასპორა აფინანსებს და განაგებს.

მოკლედო, ასკვნიან „ჯგუფელები“, ჟვანია-სააკაშვილის ტანდემი ეროვნული კი არა, ერევნული წარმოშობისაა და მათი ყველა გზა რომისკენ კი არა, არმენიისკენ მიდისო.

ახლა ყველაფერი ნათელია — თურმე არსებობს საერთაშორისო სომხური ორგანიზაცია, რომელიც ერთდროულად ებრძვის ამერიკის შეერთებულ შტატებს, რუსეთს და საქართველოს. ჟვანია-სააკაშვილი და მისი მიმდევრები ამ ორგანიზაციის წევრები არიან და არმენიის ძლევამოსილი მსოფლიო იმპერიის შექმნაზე ოცნებობენ. ამაში მათ რუსეთისა და ამერიკის სპეცსამსახურებიც (სპეცსამსახურებიცო, ხალხო!) უწყობენ ხელს!

კიდევ ერთხელ შეგახსენებთ, რომ სტატიების ეს კრებული („ოთხი დღე...“) ჟვანია-სააკაშვილის და დანარჩენი „აქლემების“ მხილებასთან ერთად, ხელისუფლების, კერძოდ, პრეზიდენტ შევარდნაძის მხარდაჭერასაც ემსახურება.

ის, რაც ამ წიგნის თაობაზე აქამდე მოგახსენეთ, დიდად სა-

განგაშო არ უნდა იყოს. რა მოხდა, ცუდი წიგნები რომელ ქვეყანაში არ გამოდის. **თანაც, ხელისუფლების მხარდასაჭერი სტატიების შეთხზვა ისეთივე ძნელი საქმეა, როგორიც ულამაზესი ქალის დახატვა.** კრიტიკა გაცილებით ადვილია — ხელისუფლებისაც და ოპოზიციისაც. „ოთხი დღის“ ავტორებიც ხელისუფლების მხარდაჭერას ოპოზიციის დისკრედიტაციით ცდილობენ. აქაც გასაკვირი არაფერია. ოპოზიციის მხარდამჭერი პრესაც ზუსტად ასე იქცევა — ლანძღავს ხელისუფლებას და დუმს ოპოზიციაზე. როცა ოპოზიცია გახელისუფლდება, როლებიც შეიცვლება.

ეს არის ძველი და მეცნიერულად კარგად დამუშავებული ტექნოლოგია. იგი, ძირითადად, ამომრჩეველთა ცნობიერებაზე ზემოქმედებას გულისხმობს. სამწუხაროდ, არა მხოლოდ ინტელიგენტური მეთოდებით. „ჯგუფმა“ იცის ამ ტექნოლოგიების არსებობა. იცის მისი მნიშვნელობაც, მაგრამ არ იცის მისი არსი და შუასაუკუნეობრივი ძალადობრივი მეთოდებით ცდილობს იმის მოპოვებას, რაც თანამედროვე პირობებში ცოდნით და ღიმილით მოიპოვება.

„ჯგუფი“ ცდილობს, რადაც უნდა დაუფდეს, ამხილოს, თავს ლაფი დაასხას, გააშავოს... და უმძიმესი შეცდომებიც მოსდის.

ვთქვათ, საშუალო გონებრივი მონაცემების ამომრჩეველს სურს ირწმუნოს რომელიმე ოპოზიციური დაჯგუფების ანტისახელმწიფოებრიობა, მისი ლიდერების აგენტობა, ფარისევლობა, მექრთამეობა, უმადურობა, ჯანდაბა და დოზანა. ვერ ირწმუნებს, ვიდრე ხელთ არ ექნება ამის დამადასტურებელი დოკუმენტები. „ამბობენ“, „თურმე“, „კულუარული ინფორმაცია“ და ანონიმი ავტორების უნიჭო მიეთმოეთი საქმეს ვერ უშველის. ამისთვის ვერც მოჭურნალისტო მწერლების თუ მომწერლო ჟურნალისტების ტყავში გაძრომა და მაღალფარდოვანი სისულელე გამოდგება.

ადამიანს უნდა მოთხოვო მხოლოდ იმის გამო, რაშიც მას ბრალი მიუძღვის. არ შეიძლება ოპონენტის პირად ცხოვრებაზე, ოჯახზე, გვარზე, ეთნიკურ წარმომავლობაზე, რასაზე, ფიზიკურ ნაკლებზე საუბარი. ეს უმძიმესი შეურაცხყოფაც ხომ არის და არის, გამრყვენლად მოქმედებს მთლიანად საზოგადოებაზე. თუ სააკაშვილის რომელიღაც ქვეყნის სპეცსამსახურის აგენტობაზეა საუბარი, ამის დამამტკიცებელი პირდაპირი თუ ირიბი მტკიცებულებანი უნდა მოვიპოვოთ და არაფერ შუაშია „ლირიკული გადახვევები“ იმის თაობაზე, როგორ ეშხეფებოდა საა-

კაშვილის ნერწყვი თარგამაძის პიჯაკს. თუ ელენე თევდორაძის „მხილება“ გვსურს, მისი ქალიშვილობის გვარის გაუთავებელი ტრიალი და კაი ხნის წინათ გარდაცვლილი მშობლების წარმომავლობაზე ლაყბობა არაფერს მოგვცემს.

არ ვიცი, მეტისმეტი მონდომებით მოუვიდათ თუ მართლა ასე სჯერათ, მაგრამ ფაქტია, რომ „მართალი გაზეთის“ და „ლიტერატურული საქართველოს“ ერთობლივი საგამოძიებო ჯგუფის წევრებმა სათქმელის არგუმენტაცია ვერ შეძლეს და იმის მტკიცება დაიწყეს, რაზეც ცივილიზებულ სამყაროში გადაკვრით ლაპარაკიც კი კაცობრიობის წინაშე დანაშაულად ითვლება.

არ მინდა ბოროტად ვისარგებლო თქვენი მოთმინებით, მაგრამ „ჯგუფის“ წიგნიდან კიდევ რამდენიმე ციტატას შემოგთავაზებთ და მერე, როგორც თავად ავტორები ირჯებიან, ნაკითხულის შეფასება ვცადოთ:

**„საქართველომ დღემდე არ იცის ვინ არის ზურაბ ყვანია, საქართველომ ისიც კი არ იცის ზუსტად, ეს კაცი ყვანიაა თუ ანტონიანი. არ იცის რა ერქვა მის ნამდვილ მამას, ბუსა თუ სურენი, არ იცის რა ერქვა თავიდან ზურაბს — ზურაბი თუ ზანაზანი, არ იცის ვინ არის მისი დედა — სომეხი თუ ებრაელი, თუ ორივე ერთად“ (გვ. 113-114).**

**„ვილაც-ვილაცებმა ქართული პარლამენტის ახლადმოვლენილ თავკაცში ის ავადმყოფი ბიჭი შეიცნეს, რომელიც პატარა ბიჭების ჩხუბში რატომღაც ყოველთვის არაქართველების მხარეს დგებოდა და მალლა აღმართული ყავარჯნების მრისხანე ქნევით „თავისიანებს“ ამხნევებდა: „ბეი გრუზინოვ! ბეი გრუზინოვ! ბეი გრუზინოვ!“**

**„ახალი დროის ხვაშავი, ქართველ ქალთა ბრწყინვალე კოჰორტის მთავარი ქალბატონი, ქართულის არმცოდნე, დედით აშკენაზი, მამით ტანდოევა, თევდორაძის ფსევდონომით, ქალბატონი ელენე მასავით „ქართველი“ ახალი მეფის გვერდით აუცილებლად დაიკავებდა საპატიო ადგილს“ (გვ. 139).**

ძალიან გთხოვთ, კიდევ ერთხელ გადაავლეთ თვალი ახლახან ნაკითხულს. ისეთი გრძნობა ხომ არ გაგიჩნდათ, რომ ეს უკვე სადღაც წავიკითხავთ, გინახავთ, მოგისმენიათ? ოცდაათიანი წლების გერმანია ხომ არ გაგახსენდათ და სისხლის გამყინავი „ჰაილ!“ ხომ არ შემოგესმათ?

თავი დავანებოთ „ჯგუფელების“ ცინიკურ ტონს — როგორც შეუძლიათ, სათქმელს ისე ამბობენ. აქ მთავარი შინაარსია.



და ეს შინაარსი არის ნაცისტური.

ზურაბ ჟვანია, თურმე, იმიტომ გადაბარგდა ოპოზიციაში, იმიტომ იქცა აგენტად, იმიტომ ებრძვის საკუთარ მამაზეც მეტად მოამაგე გამზრდელს, იმიტომ აქვს მეტყველების დეფექტი, რომ დედით გოლდბაუმი ყოფილა და მამით — ანტონიანი.

ეს ელენე თევდორაძეც, თურმე, იმიტომ მიეტმასნა პუტჩისტ-გეკაჩევისტ-გამბახებლებს, იმიტომ აბამს საეჭვო ხლართებს პანკისელ კრიმინალებთან, იმიტომ არ იცის ქართული, რომ დედით აშკენაზი ყოფილა და მამით — ტანდოევა.

ასეთ რამეს ცივილიზებული მსოფლიო არავის არ პატიობს. ჩვენ, საქართველოს მოსახლეობამ, საკუთარ თავზე ერთხელ უკვე გამოვცადეთ, რა მოაქვს ნაცისტურ განწყობას. ერთხელ უკვე ვიგემეთ სამოქალაქო ომის სიმწარე. ერთხელ უკვე დავაყენეთ სისხლის და ცრემლების ზღვა... ეს ახლახანს იყო, მეოცე საუკუნის მიწურულს.

იძულებული ვარ, მრავალჯერ ნათქვამი ერთხელ კიდევ გავიმეორო: ქართველობა არ განისაზღვრება მხოლოდ ეთნიკური წარმომავლობით. ქართველია ყველა, ვისაც სურს, იყოს ქართველი და ემსახურება საქართველოს ინტერესებს. არაქართველია ყველა, ვინც არ ემსახურება საქართველოს ინტერესებს. ჩვენი დიდი კულტურა, — ქართული კულტურა, — შექმნილია ქართველი ხალხის, ანუ იმ ადამიანების მიერ (ეთნიკური წარმომავლობის მიუხედავად), რომლებიც ცხოვრობდნენ საქართველოს ტერიტორიაზე. ჩვენი დიდი კულტურა ეკუთვნის საქართველოს ხალხს და ეკუთვნის მთელ ცივილიზებულ სამყაროს.

ოცდამეერთე საუკუნეში მოქალაქეების (პარტიული ლიდერებიც მოქალაქეები არიან!) ეთნიკურ ქართველებად და ეთნიკურ არაქართველებად დაყოფა სამარცხვინოა, ანტიკონსტიტუციური და, რაც მთავარია, საშიშია საქართველოს სახელმწიფოებრიობისთვის.

ნაციზმი კი, როგორც ისტორიიდან გვახსოვს, შობს ფაშიზმს, როგორც სახელმწიფო წყობილებას (როგორც კომუნისტურმა თეორიამ შვა სოციალისტური სახელმწიფო წყობილება).

ჩვენი შეგნებული, თუ შეუგნებელი ლტოლვა ნაციზმისკენ ჩვენივე კომუნისტური წარსულიდან მომდინარეობს. იმ ნაცისტურ-კომუნისტური იდეოლოგიის ასე ხელალებით უარყოფა, მართლაც ძნელი საქმეა, მაგრამ ამ თემაზე სტატიების სერიის

პოპულარულ გაზეთში გამოქვეყნება და მერე ნიგნად გამოცემა, მეტისმეტია.

ავტორები თავიანთ ნიგნში, მართალია, ამბობენ, „**საზოგადოების დიდ ნაწილს ქათმის სიბრძავე ჭირსო**“ (გვ. 51), მაგრამ ეს ავტორებს ჰგონიათ ასე. პირიქით, საზოგადოება ყველაფერს ხედავს და, ღვთის მადლით, ავის და კარგის გარჩევაც შეუძლია. ეროვნულ და რელიგიურ თავმოყვარეობაზე ზემოქმედებით ხალხის, საზოგადოების დროებით აყოლიება, არ არის ძნელი საქმე. მაგრამ, ეს ხომ უკვე გააკეთეს ამ ათიოდე წლის წინათ (იგულისხმება 1988-1992 წ.წ. რედ.).

ჩვენ საკმაოდ მცირერიცხოვანი ქვეყანა ვართ იმისთვის, რომ თავს ნაცისტური იდეების პროპაგანდის ფუფუნება მივანიჭოთ.

ნაციზმი ძალიან საშიში ინფექციური დაავადებაა. ადამიანი არც დოღის ცხენია და არც მონადირე ძაღლი, საკუთარი წმინდასისხლიანობით რომ იამაყოს. იმასაც შეგახსენებთ, რომ „წმინდასისხლიანობით“ მსოფლიოში ვერცერთი არისტოკრატი ვერ დაიკვებინის, ბაგრატიონების ჩათვლით...

სხვათა შორის, როცა ვამბობ, ეს ნიგნი ხელისუფლების მხარდასაჭერად დაუნერიათ-მეთქი, სავსებით შესაძლებელია, ვცდებოდე. იქნებ, სულაც, პირიქითაა — ავტორებმა განზრახვა შენიღბეს და ეს ნიგნი, სინამდვილეში, ხელისუფლების სახელის გასატეხად დაწერეს. ნიჭიერმა ჯგუფმა შეგნებულად იძახა „თურმე“ და „ამბობენ“, შეგნებულად მიიწერა იაფფასიანი ნაციისტური იდეები, სპეციალურად შეთხზა სასაცილოდ უნიჭო მალაღფარდოვანი პასაჟები და ამგვარი გამოთქმები: „თავისი კუთვნილი ადგილის მაძიებელი“, „გაოცდნენ და განცვიფრდნენ, თურმე“, „გასათხოვარი ქალიშვილი“, „გამოირჩეოდა სიტყვაუხვობით და ენაწყლიანობით“, „აძლევედა გეზს და მიმართულებას“ და მრავალი, მრავალი სხვა.

\*\*\*

გულწრფელად რომ ვთქვა, არ ვიცი, საჭიროა თუ არა რაიმე კომენტარი. ყოველ შემთხვევაში, რაც ახლა წაიკითხეთ („აქლემების მარულა“), თვითონ არის გამიზნული საზოგადოებრივ ცნობიერებაზე ზემოქმედებისთვის. ოღონდ, არა პარენტისეული ე. წ. სუგესტიის მეთოდით, არამედ მტკიცებულებათა მოშველიებით და ოპონენტთა მოსაზრებების ირონიული და მკაცრი კრიტიკით.

ავტორებმა მაშინდელი პოლიტიკური კონიუნქტურის ზეგავ-

ლენით, თავს ზერელობის უფლება მისცეს. შედეგიც სასურველის სრულიად საწინააღმდეგო მიიღეს. ნებისთ თუ უნებლიედ, ხელი შეუწყეს ოპოზიციის ავტორიტეტის ზრდას და ისედაც სახელგატეხილი ხელისუფლების კიდე უფრო დისკრედიტაციას.

ჩვენთვის მთავარი ის არის, რომ კოლექტიური „გამოძიება“ ჩატარებულია უაღრესად დაბალ პროფესიულ დონეზე და სამაგალითოდ ამიტომ მოვიყვანე — იგივე შეცდომები თქვენც რომ არ გაიმეოროთ!

ასეთი მოუფიქრებელი, ცრუ-პატრიოტული დემაგოგიით შეზავებული ყველა ჟანრის სტატიები მაშინდელ (2001-2003 წ.წ.) ქართულ პრესაში უზომოდ ბევრი ქვეყნდებოდა. საპირისპირო ვითარება იყო ოპოზიციურ მასმედიაში — უახლეს PR-ტექნოლოგიებზე დაყრდნობით, არსებული ხელისუფლების წინააღმდეგ მიმდინარეობდა გეგმაზომიერი, კარგად მოფიქრებული კამპანია — პოლიტიკური მულტიპლიკაციური ფილმებით დაწყებული, საგაზეთო პუბლიკაციებით, სატელევიზიო პოლიტიკური შოუებით, პლაკატებითა და პროკლამაციებით დამთავრებული.

შედეგმაც არ დააყოვნა — 2003 წლის 23 ნოემბერს, გიორგობა დღეს, ედუარდ-გიორგი შევარდნაძის ხელისუფლება პოლიტიკური არენიდან უსისხლოდ და უსახელოდ წავიდა.

ვიმეორებ, ამაში უდიდესი წვლილი პრესასაც მიუძღვის. იმასაც ნუ დავივიწყებთ, რომ ისტორია შთამომავლობას არ შეუნახავს ამ „რევოლუციის“ ათი ათასობით მონაწილის, „რევოლუციის“ შედეგად აღზევებული პოლიტიკოსების, რედაქტორების და... ჟურნალისტების სახელებს. ისიც არავინ იცის, დაუნდობელი ისტორია როგორ შეაფასებს მომხდარს. მხოლოდ ერთი რამ არის გარანტირებული — ისტორია სამუდამოდ დაიმახსოვრებს არა შორეული, ლატაკი და ამბიციური საქართველოს ერთ-ერთი პრეზიდენტის, არამედ დიდი საბჭოთა კავშირის საგარეო საქმეთა მინისტრის, მსოფლიო სოციალისტური სისტემის ერთ-ერთი დამამხობლის, ბერლინის კედლისა და ვარშავის პაქტის — XX საუკუნის მსოფლიოს უდიდესი და უძლიერესი სამხედრო-ეკონომიკური ბლოკის — დამანგრეველის სახელს. ეს სახელია ედუარდ შევარდნაძე.

ჟურნალისტების გაუთავებელი ქილიკი შევარდნაძეზე ხელს უწყობს სწორედ შევარდნაძის და არა, თუნდაც, ძალზე ცნობილი ჟურნალისტის ისტორიაში დამკვიდრებას.

ჟურნალისტიკა ესეც უნდა გაითვალისწინოს.

## თავი IX

### ეთიკა და ჟურნალისტიკა

ჰაპის ჩემის — ვერუსის წყალობით ვეზიარე ზნეთა სინდესს, სიმშვიდეს და აუმღვრევლობას.

მარკუს ავრელიუსი

### ღორეზის რეკოლუცია

როცა ვსაუბრობთ ზნეობაზე, ანუ, ცოტა უხეშად რომ ვთქვათ, ადამიანურ ქცევათა ნორმებზე, მაშინვე ჩნდება კითხვები ამ ქცევის მოტივაციაზე და ისტორიასთან, ადათ-წესებთან, სამართალთან, კანონთან, პოლიტიკასთან, რელიგიასთან, მეცნიერებასთან, ხელოვნებასთან მის დამოკიდებულებაზე.

სხვადასხვა ისტორიულ ეპოქაში, სხვადასხვა ქვეყანაში, სხვადასხვა ხალხში ზნეობისადმი დამოკიდებულება სხვადასხვაგვარი იყო და არის. ინგლისელ ფილოსოფოსს და სოციოლოგს, პოზიტივიზმის ერთ-ერთ ფუძემდებელს ჰერბერტ სპენსერს\* თავის ნაშრომში, „ზნეობის მეცნიერული საფუძვლები“, მოჰყავს ფიჯის კუნძულებზე მცხოვრები ტომის მაგალითი: ოჯახის მოხუცებულ წევრებს შვილები ცოცხლად კოცონზე წვავენ. იმათი წარმოდგენით, სიკვდილის შემდეგ ადამიანი ცხოვრებას აგრძელებს იმ ფიზიკური კონდიციებით, რითაც ამქვეყნიური ცხოვრება დატოვა. ამიტომ, სასურველია, ამქვეყნიდან გადასახლების მომენტში იგი მყარად იდგეს ფეხზე, რომ იმქვეყნად მარადიული ტანჯვა ასცდეს. ანუ კოცონზე ცოცხლად დაწვით შვილები მშობლებს ფრიად კეთილშობილურ სამსახურს უწევენ. ეს იმათი წმიდათაწმიდა მოვალეობაა.

მშობლებისადმი ჩვენი ტრადიციული დამოკიდებულების გადასახედიდან, რა თქმა უნდა, კოცონზე დაწვა კი არა, მშობლის კომფორტულ მოხუცებულთა თავშესაფარში მიბარებაც უზნეობად ითვლება, მაგრამ იმ ტომისთვის, რელიგიური მრწამსისა და იქ დაკანონებულ ქცევათა ნორმების გამო, ამაში უცნაური და უზნეო არაფერია. ვიმეორებ, ამგვარი ქცევა ზნეობრივია იმ ტომისთვის და იმ ეპოქისთვის, საიდანაც ეს მაგალითი მოჰყავს ჰერბერტ სპენსერს, მაგრამ უზნეოა თანამედროვე ცივილიზებული სამყაროსთვის. როგორც არტურ შოპენჰაუერი\* ბრძანებ-

და („ზნეობა და ნების თავისუფლება“), თეოლოგია მორალს ღვთის ნებაზე დაფუძნებულად მიიჩნევს, ფილოსოფოსები კი, მცირე გამონაკლისის გარდა (ამ გამონაკლისად შოპენჰაუერი სოკრატეს მიიჩნევს), ჯიუტად ცდილობენ, საერთოდ, ამგვარი საფუძვლის არსებობის უარყოფას. დიდი გერმანელი მიდის დასკვნამდე, რომ „ეთიკის ძველი საფუძვლები საბოლოოდ მოირყა“.

რახან სიტყვა არტურ შოპენჰაუერზე, იმ კაცზე ჩამოვარდა, ვინც გონებაზე ნებელობის, რაციონალურზე ირაციონალურის უპირატესობას ამტკიცებდა, ბარემ მის ორიოდ ფრიად ყურადღას მისაზრებასაც შემოგთავაზებთ. დანარჩენით თუ დაინტერესდებით, ურიგო ნამდვილად არ იქნება, რადგან ეთიკის (შესაბამისად — შოპენჰაუერისა და სხვათა მოსაზრებების) ზოგადი საფუძვლების უცოდინრად ჟურნალისტიკის ვარსკვლავობა შეუძლებელია. თუმცა, ამის გარანტიას არც ეთიკის საფუძვლიანი ცოდნა იძლევა.

მაშ, ასე — არტურ შოპენჰაუერის, დღესაც მსოფლიოს ერთ-ერთი უდიდესი და უპოპულარესი ფილოსოფოსის აზრით, ადამიანთა დიდი უმრავლესობა დარწმუნებულია, რომ **ზნეობა არსებობს სხვა ადამიანებისთვის. საკუთარი თავის მიმართ კი ეს წმინდა წყლის ეგოიზმია. იმისავე მტკიცებით, ეთიკური წესები ადამიანის მხეცური ბუნების შენიღბვის მცდელობაა და სხვა არაფერი. სახელმწიფო და სამართალი არის ალიკაპი, რომელიც აოკებს ადამიანის ყველაზე დამანგრეველი ბუნების გამოვლინებას. თუ სახელმწიფო დაკარგავს ძალას და ადამიანი ალიკაპს მოიშორებს, შედეგი ყველა გონიერს შეაძრწუნებს.**

რა თქმა უნდა, შეგვიძლია, არ დავეთანხმოთ ბრძენ გერმანელს, შეგვიძლია, უარვყოთ ადამიანში მტაცებლური (მხეცური) ბუნების არსებობა, მაგრამ, სამწუხაროდ, მწარე სინამდვილე და სალი გონება, ნაწილობრივ მაინც, შოპენჰაუერის სიტყვების მართებულობაზე მიგვითითებს.

მისი აზრით, ადამიანში, ერთის მხრივ, არსებობს ზნეობა, მეორეს მხრივ, არსებობს ეგოიზმი და მხეცური ბუნება, რასაც უეჭველად სჭირდება ალიკაპი სამართლისა და სახელმწიფოს სახით. თანაც, კიდევ ერთი დიდი გერმანელის, ემანუელ კანტის აზრით, ადამიანის თითქმის ყველა ზნეობრივი ნაბიჯის ახსნა მისივე ეგოისტური ბუნებითაც შეიძლება.

მოკლედ, ჯერ კიდევ არ ვიცით, სად ვეძებოთ ზნეობის საწყისები (ან თვითონ ზნეობა) — საგანთა ბუნებაში, თუ ადამიანთა ბუნებაში, ცნობიერში თუ ქვეცნობიერში?! სწორედ ეს გახლავთ ის მანკიერი წრე, რომლის გარღვევა თვით „ყოვლისმცოდნე და ყოვლისშემძლე“ მარქსისტულმა ფილოსოფიამაც კი ვერ შესძლო.

მე, ჩვეულებრივმა მოკვდავმა, ჯერ კიდევ ზუსტად არ ვიცი, ნამდვილად ზნეობრივია თუ არა დასჯის მუქარით, ან ჯილდოს დაპირებით გამოწვეული მორალური ქმედება. უფრო პროზაულად რომ ვთქვა, ზნეობრივია თუ არა ხელისუფლების ქმედება, როცა იგი არჩევნების წინა დღეს პენსიონერების ხმების მოსაპოვებლად ხუთი (ან ხუთასი) ერთეულით ზრდის პენსიებს?! ამ ქცევის შეფასებისას, რა კრიტერიუმი უნდა გამოვიყენოთ, შედეგი — პენსიონერი შიმშილით სიკვდილს გადაურჩა, თუ მოტივი — ხელისუფლებამ პენსიონერთა უმწეობით ისარგებლა!

1945 წლის აგვისტოში ინგლისში გამოვიდა ჯორჯ ორუელის\* ნიგნი „ცხოველების ფერმა“, რომელიც სალიტერატურო კრიტიკამ იაპონიაში ატომური ბომბის ჩამოგდების დარ მოვლენად შეაფასა. ორუელი (ეროკ არტურ ბლერი) გვიამბობს, როგორ მოახდინეს რევოლუცია ცხოველებმა ერთ-ერთ ინგლისურ ფერმაში, გაყარეს ექსპლოატატორი ადამიანები და სრული დემოკრატია დაამყარეს. რევოლუციის სულისჩამდგმელები ბრძანდებოდნენ ცხოველთა შორის ყველაზე მოაზროვნეები, ღორები ტახტი ნაპოლეონის მეთაურობით. შემდეგ ნაჩვენებია, როგორ იქცა ნაპოლეონი დიქტატორად, ქოფაკებისგან შექმნა სპეციალური დანიშნულების რაზმი, მტკიცე ალიკაპი ამოსდო თანამოაზრეებს, გააძევა დისიდენტები, რკინის ეშვით ჩაკლა თავისუფალი აზრი, ფერმაში უსასტიკესი დიქტატურა დაამყარა და, საბოლოოდ, „საზიზღარ“ ადამიანებსაც კი გაურიგდა!

საბრალო რევოლუციონერმა ცხოველებმა (იხვებმა, ბატებმა, ქათმებმა, ცხვრებმა, ცხენებმა) კი უკვე აღარ იცოდნენ, რა ექნათ, ვერ გაერკვიათ, რომელი იყო ღორი და რომელი — ადამიანი.

მე რომ მეთქვა, ღორი და ადამიანი ერთმანეთისგან ზოგჯერ ძნელი გასარჩევია-მეთქი, იქნებ არც დაგეჯერებინათ. არადა, ორუელმა დაგვანახა, რომ თურმე, ღორი ადამიანზეც კი უარესია, როცა თავის „ღორულ ზნეობას“ კარგავს. თავის მხრივ, ადამიანი ყველა ღორზე უარესია, თუ ადამიანურ ზნეობაზე მწყ-

რალად ბრძანდება. ჟურნალისტის ვალიც სწორედ ის არის, კარგად დაანახვოს საზოგადოებას ადამიანის სახე — ზნეობრივიც და უზნეოც. დაანახვოს ზღვარი ადამიანობასა და ღორობას შორის. აუხსნას, რომ ადამიანი ჰქვია მხოლოდ ზნეობრივ მოაზროვნე არსებას. მხოლოდ იმას, ვისაც აქვს სინდისი — პასუხისმგებლობა საკუთარი ქცევის გამო.

ეს რომ შეიძლოს, ჟურნალისტმა უნდა იცოდეს ეთიკის რაობა და, რაც მთავარია, თვითონ უნდა იყოს ზნეობრივი ადამიანი.

სამართლის სოციოლოგიაზე მსჯელობისას, მაქს ვებერი ამბობს: **სოციოლოგია „ეთიკურად“ მიიჩნევს კრიტერიუმს, რომლისთვისაც ხალხის რაციონალური რწმენა ითვლება ადამიანური ქცევის იმ ნორმად, რასაც, ზნეობრივი თვალსაზრისით, ჰქვია „კარგი“.**

ზნეობის არსებობა, უმრავლეს შემთხვევაში, გარანტირებულია იმით, რომ მისი ხელყოფა იწვევს ადამიანთა გარკვეული წრის აღშფოთებას. მაგალითად, გურჯაანის რაიონის სოფელ ყიტაანის მკვიდრთა უკიდურეს აღშფოთებას უთუოდ გამოიწვევს ტრადიციული წარმართული კერპის — ელიას დემონსტრაციული შეურაცხყოფა, იმის მიუხედავად, რომ სოფლებები მართლმადიდებელი ქრისტიანები არიან. სამეცნიერო ტერმინოლოგია რომ მოვიშველიოთ, ასეთ შემთხვევაში, ეთიკა კონვენციურად გარანტირებულია. თუმცა, კონვენციურად ან იურიდიულად გარანტირებულ ყველა სისტემას არცა აქვს და არც შეიძლება ჰქონდეს ეთიკური ნორმატიულობის პრეტენზია.

მოდით, დროებით გვერდზე გადავდოთ ძველი და ახალი ფილოსოფიები და ისევ XXI საუკუნის დასაწყისის საქართველოს დავუბრუნდეთ. თუმცა, ჯერ ვლადიმერ ლენინის ერთი ძალიან ცნობილი ფორმულირება გავიხსენოთ (მით უფრო, რომ იგი შეტანილი იყო ყველა დონის საბჭოთა ეთიკის სახელმძღვანელოში): **„ეთიკურია ყველაფერი, რაც ემსახურება კომუნიზმის მშენებლობის საქმეს“.**

ზნეობის ლენინისეული განსაზღვრება, რა თქმა უნდა, ვერავითარ მეცნიერულ კრიტიკას ვერ უძლებს. კაცმა რომ თქვას, აქ საკრიტიკო და სამსჯელოც არაფერია, რადგან რევოლუციის ბელადის აზრით, მთავარია საქმე (ანუ კომუნიზმის მშენებლობა) და არავითარი მნიშვნელობა არ აქვს, რა გზით გავაკეთებთ მას: სიცრუით, ორპირობით, დაშინებით, მასობრივი მკვლელობებით.

ზნეობის ამგვარმა ინტერპრეტაციამ დედამიწის თითქმის

ნახევარზე სამოცდაათი წლის განმავლობაში იბოგინა, მრავალი მილიონი ადამიანი ფიზიკურად მოსპო და მრავალი მილიონი სულიერად დაასახიჩრა.

იმის მიუხედავად, რომ 2003 წლის ნოემბრიდან საქართველოს ხელისუფლების სათავეში ძალიან ახალგაზრდა, უცხოეთში (ძირითადად, ამერიკის შეერთებულ შტატებში) ნასწავლი, არცთუ უნიჭო ახალგაზრდობა მივიდა, მისი ზნეობა და, აქედან გამომდინარე, მთლიანად მენტალური მდგომარეობა, იყო ლენინური, კომუნისტური.

ამის დამადასტურებელი უამრავი თვალსაჩინოებიდან ერთს, ყველაზე „უმნიშვნელოს“ მოვიყვან:

საქართველოს ენერგომომარაგების სისტემა, როგორც საბაზრო კანონი მოითხოვს, სასწრაფოდ უცხოელი კერძო მფლობელის ხელში გადავიდა და მასზე რაიმე სახელმწიფო ან არასახელმწიფო კონტროლის დანესება შეუძლებელი აღმოჩნდა. ზეპირი გარიგება ენერგომფლობელებსა და ენერგომომხმარებლებს შორის დაახლოებით ასეთი იყო: (ელექტრო)ენერგია არის ჩვენი. ჩვენ მას მოგანვდით, აი, ამ ფასად (ანუ ყველაზე ძვირად მსოფლიოში!), ენერჯის ხარისხზე პასუხს არ ვაგებთ; ფორსმაჟორულ ვითარებაში დაზარალებებით მხოლოდ თქვენ, მომხმარებლები; როცა საჭიროდ მივიჩნევთ, ენერჯიას შეგინყვეტთ გაუფრთხილებლად და განუსაზღვრელი ვადით; უხარისხო ენერჯიის მონოდებით გამონვეულ ზარალზე პასუხს არ ვაგებთ; ტარიფებს გავზრდით საკუთარი შეხედულებისამებრ; დავალიანების შემთხვევაში, სანქციები განხორციელება ე. წ. კოლექტიური პასუხისმგებლობის პრინციპით, ანუ მტყუან-მართლის განურჩევლად; ნებისმიერი პრეტენზია მომხმარებლის მხრიდან არ მიიღება!

ამ კონკრეტულ შემთხვევაში, საქმე გვაქვს ხელისუფლების, ენერგომფლობელებისა და თვითონ ენერგომომხმარებლების უზნეობასთან: საკუთარი ანგარებითი მოტივების გამო, ამგვარი ვითარება შექმნა თვითონ ხელისუფლებამ; ზემოგებების მიღებისა და ხელისუფლების მხრიდან უეჭველი წაყრუების იმედით, ბოროტად სარგებლობს ენერგომფლობელი; ხოლო საკუთარ ინტელექტუალურ ძალებში დაეჭვებული და მატერიალურ უმწეობაში დარწმუნებული ენერგომომხმარებელი საკუთარი უფლებების აღდგენისთვის ბრძოლის სურვილს არ ამჟღავნებს, რითაც ხელს უწყობს საყოველთაო უზნეობის დამკვიდრებას.



ახლა, რაც შეეხება ამ პერიოდის ჟურნალისტიკას, კერძოდ, პრესას.

ალბათ, სწორი არ იქნება იმის თქმა, რომ იგი მთავარი და ყველაზე საშიში უზნეობის, ხელისუფლების თვითნებობის წინააღმდეგ, არ იბრძოდა. იბრძოდა, მაგრამ ეს ბრძოლა, წმინდა პროფესიული თვალსაზრისით, იყო ძალიან მდარე ხარისხისა. ანუ, XXI საუკუნის დასაწყისის ქართულმა პრესამ ვერ მოახერხა ზნეობის გადარჩენისთვის ბრძოლის ორგანიზება. მეტიც, არაკომპეტენტური, მშიერი და სხვისი ხელის შემყურე პრესა მეტნაკლებად თვითონ აღმოჩნდა უზნეობის ჭაობში. ვგულისხმობ, ძირითადად, მასმედიის იმ წარმომადგენლებს, რომლებიც თავგამოდებით იბრძოდნენ „ვარდების რევოლუციის“ ბარიკადებზე, შემდეგ კი „რევოლუციის მონაპოვრების“ დასაცავად.

მაქს ვებერის აზრით, ადამიანური ქცევის ასეთ ნორმებს ზნეობრივი თვალსაზრისით არ შეიძლება დაერქვას „კარგი“.

თუმცა, იქნებ ვცდები კიდეც. თუ გავითვალისწინებთ, რომ ზნეობა არის საზოგადოების განვითარების რომელიმე ეტაპზე ჩამოყალიბებული ადამიანის ქცევათა ნორმები, მაშინ ხომ შესაძლებელია, რაც ერთს უზნეობა და არაეთიკური ჰგონია, მკვლევარ-ფილოსოფოსთა გულზე გასახეთქად, სხვისთვის სწორედაც ეთიკური, ზნეობრივი იყოს!

## ავტორიტარული და ჰუმანისტური ეთიკა

XX საუკუნის გერმანო-ამერიკელი ფილოსოფოსისა და ფსიქოანალიტიკოსის, ერის ფრომის\* აზრით, ავტორიტარული ეთიკის პირობებში „კარგსა“ და „ცუდს“ სახელებს ხელისუფლება არქმევს, თვითონვე ადგენს ქცევის კანონებსა და ნორმებს — დანერღსაც და დაუნერღსაც.

ჰუმანისტური ეთიკის პირობებში ადამიანი თავად გვევლინება ეთიკური ნორმების კანონმდებლადაც და აღმსრულებლადაც.

ვფიქრობ, აქ აუცილებელია დაზუსტება ტერმინისა „ავტორიტეტი“. მით უფრო, რომ საბჭოთა სინამდვილეში ეს ტერმინი ინვევდა ბელადომანიის, უსამართლობის, კრიმინალური სამყაროს ასოციაციებს, ხოლო პოსტსაბჭოთა ეპოქაში იგივედებოდა ახალგამოჩენილ პარტიულ ლიდერებთან, ჩინოვნიკებთან,

უნყებებთან, საეჭვოდ გამდიდრებულ „ბიზნესმენებთან“, ქურდული სამყაროს ბოსებთან და ა. შ.

ეს ნიშნავს, რომ ნამდვილი (რაციონალური) ავტორიტეტის არარსებობის (ან უგულვებლყოფის) პირობებში ასპარეზზე უეჭველად გამოდის მოჩვენებითი (ირაციონალური) ავტორიტეტი.

საგულისხმოა, რომ ავტორიტეტებზე საუბრისას, ასიდან ოთხმოცდაცხრამეტ შემთხვევაში, ორატორი შეგნებულად არ აზუსტებს, რომელ ავტორიტეტზე საუბრობს, — ნამდვილზე თუ მოჩვენებითზე. იმავე ერის ფრომის აზრით, რაციონალური ავტორიტეტის წყარო არის კომპეტენტურობა. ამგვარ ავტორიტეტს არ სჭირდება ადამიანის დაშინება, მათი ნდობის მოპოვება არაორდინალური ან ექსტრავაგანტური საქციელით, რადგან მისი ავტორიტეტი ცოდნასა და გამოცდილებაზე მყარად დგას. მას არ სჭირდება არც ექსპლუატაცია და არც ირაციონალური მოწინება. რაციონალური ავტორიტეტი არა მარტო შესაძლებლობას უშვებს, არამედ საზოგადოებისგან ითხოვს კიდევ საკუთარი ქმედების შეფასებას და კრიტიკას.

მოჩვენებითი (ირაციონალური) ავტორიტეტის წყარო ადამიანებზე საკუთარი ძალაუფლების გავრცელებაა. ეს ძალაუფლება, შესაძლებელია, იყოს ფიზიკური ან სულიერი, აბსოლუტური ან შეფარდებითი. ირაციონალური ავტორიტეტი ორ საყრდენზე დგას — შიშსა და ძალაზე. ასეთ შემთხვევაში, ავტორიტეტის კრიტიკა არა მარტო დაუშვებელია, არამედ, უბრალოდ, აკრძალულია. ნამდვილი ავტორიტეტი დაფუძნებულია ძალაუფლებით აღჭურვილ პირთა და მათზე დაქვემდებარებულ ადამიანთა თანასწორობაზე. ისინი ერთმანეთისგან შეიძლება განსხვავდებოდნენ მხოლოდ ცოდნის ხარისხითა და ოსტატობის დონით. ირაციონალური ავტორიტეტი თავისი ბუნებით ეფუძნება უთანასწორობას, რაც საკუთარ თავში შეიცავს ღირებულებათა უთანასწორობასაც.

ტერმინი „ირაციონალური ეთიკა“ გამოიყენება ირაციონალური ავტორიტეტის არსებობის შემთხვევაში, როცა „ავტორიტეტი“ გვევლინება ტოტალიტარული, ანტიდემოკრატიული სისტემის (რეჟიმის) სინონიმად.

ავტორიტარული ეთიკა ჰუმანისტურისგან ორი კრიტერიუმით განსხვავდება: ფორმალურით და შინაარსობრივით.

ფორმალური თვალსაზრისით, ავტორიტარული ეთიკა არ სცნობს ადამიანის უნარს, შეიმეცნოს კეთილი და ბოროტი. ასეთი ავტორიტეტის მიერ დაწესებული ქცევის ნორმები ყოველთვის მაღლა დგას ინდივიდუალურზე. უფრო ზუსტად, ასე ნებაავს ავტორიტეტს და ამ ნების ადამიანებზე გავრცელებას ახერხებს კიდევ. ასეთი სისტემა ეფუძნება არა ცოდნასა და გონიერებას, არამედ სუბიექტის (ინდივიდის) მიერ ავტორიტეტის წინაშე საკუთარი უძღურების, კრძალვის, არასრულფასოვნების აღიარებას. ასეთ შემთხვევაში, ავტორიტეტი სწრაფად იძენს შეუზღუდავ ძალაუფლებას, არავის არა აქვს მის გადანყვეტილებებში დაეჭვების უფლება და შესაძლებლობა.

შინაარსობრივი თვალსაზრისით, ავტორიტარული ეთიკა სიკეთესა და ბოროტებას განიხილავს ხელისუფლების (და არა ინდივიდების) ინტერესებიდან გამომდინარე. თავისი არსით, ამგვარი ხელისუფლება ექსპლუატატორულია. არავითარი მნიშვნელობა არა აქვს იმ ფაქტს, რომ ცალკეულ ადამიანებს ასეთ შემთხვევაშიც ეძლევათ ფსიქიური, თუ მატერიალური კეთილდღეობის მოპოვების შესაძლებლობა. გთხოვთ, ყურადღება მიაქციოთ, რომ საუბარია სწორედ ფსიქიურ და არა მორალურ უპირატესობაზე.

ნათქვამის საილუსტრაციოდ, ერის ფრომს ერთი ასეთი მაგალითიც მოჰყავს: როცა პატრონი საკუთარ ძაღლზე ამბობს, „კარგიაო“, იგი ძაღლის იმ თვისებებს გულისხმობს, რაც პატრონის მოთხოვნებს აკმაყოფილებს — მოდარაჯეა, მეძებარია ან, სულაც, ალერსიანია და თან, უკანა თათებზე ხტომაც შეუძლია. საგანი „კარგია“ მაშინ, როცა იგი კარგად ემსახურება მის მფლობელს. ამავე კრიტერიუმით შეიძლება მივუდგეთ ადამიანებსაც. უფროსი „კარგად“ მიიჩნევს იმ თანამშრომელს, ვისაც პირადად უფროსისთვის მოაქვს სარგებლობა.

ვფიქრობ, ამით გასაგები უნდა გახდეს, ვთქვათ, პრეზიდენტის ზნეობრივი მოტივაცია, როცა იგი „კარგს“ უწოდებს საკუთარ შინაგან საქმეთა მინისტრს. ზოგადად, მინისტრი არ შეიძლება იყოს კარგი ან ცუდი — იგი ასრულებს ან ვერ ასრულებს მასზე დაკისრებულ მოვალეობას. პრეზიდენტი კი მხოლოდ იმიტომ არქმევს სახელს მინისტრის საქციელს, რომ იგი „კარგია“ არა სახელმწიფოსთვის, საზოგადოებისთვის, არამედ მმართველი რეჟიმისთვის და პირადად პრეზიდენტისთვის.

ხელისუფლებას რომ ხელქვეითების ექსპლუატირება არ უნდოდეს, ცხადია, არც შიშითა და ემოციური დათრგუნვით მართვის აუცილებლობა დადგებოდა; ხელისუფლება რაციონალურ განსჯასა და კრიტიციზმსაც ნაახალისებდა. მაგრამ ამით თვითონვე შექმნიდა საკუთარი არაკომპეტენტურობის გამჟღავნების საშიშროებას.

**საკუთარი აბსოლუტიტური ინტერესების სასწორზე დადება რომ არ სურს, სწორედ ამიტომ ხელისუფლება მორჩილებას ასაღებს უდიადეს სიკეთედ, ხოლო დაუმორჩილებლობას — მომაკვდინებელ ცოდვად. ავტორიტარული ეთიკის თვალსაზრისით, მიუტევებელი დანაშაულია ამბოხი, რადგან იგი საეჭვოს ხდის ავტორიტეტის მიერ დანესებულ ნორმებსა და მის მთავარ დოგმას, რომლის თანახმადაც, ეს ნორმები შექმნილია ხალხის საკეთილდღეოდ.**

ბუნებრივია, ზოგადად, თავის ნაშრომებში, და, კერძოდ, ჩემს მიერ დამონმებულშიც („ფსიქოანალიზი და ეთიკა. ადამიანი საკუთარი თავისთვის“) ერის ფრომი ეყრდნობოდა წარსულის დიდ მოაზროვნეებს ეპიკურედან\*, პლატონიდან და არისტოტელედან მოყოლებული, ნეოპლატონისტების, მაკიაველის, შობსის\*, დეკარტის, კანტის\*, სპინოზას\*, კიერკეგორის\*, შოპენჰაუერის, ჰეგელის\* და თანამედროვე ფილოსოფოს-ინტერპრეტატორთა ჩათვლით. ასე რომ, მისი ნაშრომები XXI საუკუნის დასაწყისის საქართველოს სინამდვილესაც ეხმაურება.

მოდე, ჩვენი დიდი წინაპარი, ვაჟა-ფშაველა გავიხსენოთ. უფრო ზუსტად, გავიხსენოთ მისი დამოკიდებულება სწორედ ჰუმანისტური და ავტორიტარული ეთიკისადმი. ნუ შეგვაშინებს ის ფაქტი, რომ ეს ტერმინოლოგია ვაჟა-ფშაველასთან, საერთოდ, არ გვხვდება — ეს დიდი პოეტი და მორალისტი ხომ, ძირითადად, პოეტურ ნაწარმოებებს ქმნიდა და არა ფილოსოფიურ ტრაქტატებს!

ბევრი ქისტისთვის მარჯვენის მომჭრელი ალუდა ქეთელაური „ურჯულო“ მუცალთან პირისპირ შებრძოლებამ და მისმა მოკვლამ შეაცბუნა და ისეთ რამეებზე ჩააფიქრა, რაზეც მანამდე არ ეფიქრა — ადამიანის დანიშნულებაზე, ადათ-წესებზე, ზნეობაზე და უზნეობაზე. აქამდე ხევსურთა თემის ადათის მორჩილი რაინდი მიხვდა, რომ, თურმე, ქისტიც ადამიანია, ისიც რაინდია, მასაც დედა ზრდის:

„ჩვენ ვიტყვით, კაცნი ჩვენა ვართ,  
მარტოთ ჩვენ გვზდიან დედანი;  
ჩვენა ვსცხონდებით, ურჯულოთ  
კუპრში მიელით ქმენანი.  
ამის თქმით ვწარამარაობთ,  
ღვთიშვილთ უკეთეს იციან;  
ყველანი მართალს ამბობენ  
განა, ვინაცა ჰფიციან?!“

აღუდა ქეთელაური პირველად ჩაფიქრდა ხევსურული სამართლის ცოდვა-ბრალიანობაზე, მისი უზნეობა თვალწინ გადაეშალა და მწარე სიმართლე ამოათქმევინა:

„ვაი, ეგეთას სამართალს,  
მონათლულს ცოდვა ბრალითა“.

აღუდა ქეთელაურისა და თემის სხვა წევრთა შორის გაჩენილი კონფლიქტი არის სწორედ მარადიული ბრძოლა ბოროტსა და კეთილს, ზნეობასა და უზნეობას შორის. ამ კონკრეტულ ბრძოლაში, ერთი შეხედვით, აღუდა მარცხდება — იგი ოჯახთან ერთად თემიდან გააძევეს, მაგრამ ეს არ არის კაპიტულაცია; აღუდა არ იცვლის პრინციპებს, არ მიდის სინდისთან გარიგებაზე. „ერთხელ მასმა შორითა მწარე ქვითინი ქალისაო“, გვამცნობს ვაჟა და ამით გვაგონობინებს, რომ აღუდას, მის ოჯახს თემში გულშემატკივარი და თანამოაზრე ჰყავს. ეს შორით მწარე ამოქვითინება, ჩემი აზრით, იქნებ ხევსურთა თემში გაღვიძებული სინდისის ხმიანობაც იყოს. აღუდას ბრძოლა სამართლიანია, ზნეობრივია. მან მაშინ გაიმარჯვა, როცა მასავით რაინდულად მებრძოლ სხვატომელს, ხევსურთა ტომის წესისამებრ, ხელი არ მოსჭრა, რაინდის შესაფერი პატივი მიაგო. აი, აქ იღვიძებს სწორედ ადამიანში ჩაბუდებული კანტისეული „ღვთიური მორალური კანონი“. აღუდას საქციელი არც აკვიატებაა, არც შიში, არც თემისადმი კრიჭაში ჩადგომა — ეს არის კეთილსაწყისზე, ანუ „ღვთიურ მორალურ კანონზე“ დაფუძნებული ქმედება.

დიდმა ჰუმანისტმა და მორალისტმა, ვაჟა-ფშაველამ აღუდას, ჯოყოლას („სტუმარ-მასპინძელი“) და სხვათა სახით დაგვანახა, რომ სიკეთისთვის ბრძოლას ყოველთვის აქვს აზრი. ეს ჭიდილი,

ეს თავგანწირვა რომ არა, დიდი ხანია, ბოროტი იმძლავრებდა და ქვეყნიერება გაუდაბურდებოდა.

კლასიკურად მიჩნეული ქართული ლიტერატურიდან კიდევ ერთ მაგალითს მოვიყვან. ეს გახლავთ კონსტანტინე გამსახურდიას მშვენიერი ლექსი:

„ზღვისფერი გაქვს თვალები და თავად ჰგევხარ ზღვას,  
თუ არ შეგიყვარდები და მისთხოვდები სხვას,  
გაზაფხულზე მივატოვებ თესვასა და ხვნას,  
გადავლახავ მოდიდებულ ჭოროხსა და მტკვარს,  
ცეცხლს გავატან შენს სამყოფელს, შენს სიყვარულს — ქარს  
და მოგიკლავ, მოლაღატევ, მაგ ნაფერებ ქმარს...“.

არ ვიცი, რას ფიქრობს და რას ამბობს ამ ლექსზე ქართული ლიტერატურული კრიტიკა. სამაგიეროდ, ვიცი, რომ იგი ძალიან პოპულარულია გარდატეხის ასაკის ქართველ ბიჭებში — მეც იმ ასაკში ვისწავლე და ახლაც მახსოვს. დაუკვირდით, ლექსის გმირი როგორ ემუქრება სატრფოს — თუ არ შეგიყვარდები და სხვას მისთხოვდები, შენს სიყვარულს შეველევი, შენს სახლ-ქარს ცეცხლს მივცემ, ყველაფერს დავთმობ, ყველგან მოგძებნი და მაგ ნაფერებ-ნალოლიავებ ქმარს მოგიკლავო! ანუ გამსახურდიას ლიტერატურულ გმირს, სინამდვილეში, ის ზღვისფერთვალეობა ქალი კი არა, უბრალოდ, სხვა ადამიანი კი არა, მხოლოდ საკუთარი თავი უყვარს და იმ გათხოვილი ქალის (რომელმაც, სავარაუდოდ, მისი არსებობაც კი არ იცის!) ხელში ჩასაგდებად მზადაა, უდანაშაულო ადამიანს ყელი გამოლადროს. აქ სიყვარულზე საუბარი, საერთოდ, უხერხულია. მით უფრო, უხერხულია საუბარი ზნეობაზე. ალბათ, ქართული ლიტერატურის კლასიკოსს ჩვენთვის „პატიოსნად უზნეო“ ადამიანის დახატვა სურდა და ეს ამ ლექსით მოახერხა კიდევ. ისევე, როგორც ეს მოახერხა ფრანგული (და მსოფლიო!) ლიტერატურის სიამაყემ, პროსპერ მერიმემ თავის თავზარდამცემ მოთხრობაში „მატეო ფალკონე“.

თუმცა, ამ თემაზე საუბარს თავზეხელაღებული ფსევდო შეყვარებულისა და დაუნდობელი მამის უზნეო მაგალითებით ნუ დავასრულებთ — გულისშემძვრელი ქართული ხალხური „ვეფხვისა და მოყმის ლექსი“ გავიხსენოთ, მისი ის ნაწილი, სადაც შვილმკვდარი დედა ვეფხვის დედასთან მისასამძიმრებლად წასვლას ეპირება:

„ხან იფიქრებდა: უდედოდ  
გაზდა ვინა თქვა შვილისა?  
იქნება ვეფხვის დედაი  
ჩემებრ დღედალამ სტირისა.  
წავიდ, მეც აიქ მივიდა,  
სამძიმარ უთხრა ჭირისა,  
ისიც მიაბობს ამბავსა,  
მეც უთხრა ჩემი შვილისა,  
იმასაც ბრალიდ ექნების  
უნყალოდ ხმლით დაჭრილისა!“

ამ სიტყვების სრულად გასიგრძეგანება ძალიან ძნელია: დედა საკუთარი შვილის მკვლელი ვეფხვის დედასთან მისვლაზე, მისამძიმრებაზე და ჭირის შემსუბუქებაზე ფიქრობს: ისიც დედაა, ისიც, ალბათ, ჩემსავით მწარედ დასტირის ხმლით დაჩეხილი შვილის სხეულსო, მის უბედურებაში ხომ ბრალი ჩემს შვილსაც მიუძღვისო...

ქართველი დედა თანაგრძნობას უცხადებს დაღუპული ვეფხვის დედას, იმ ვეფხვისა, ვინც მისი ერთადერთი ვაჟიშვილი შეინირა!

ალბათ, ეს უნდა იყოს ადამიანის ბუნებაში ჩასახლებული ღვთიური ზნეობის გამოსატყულება. იმ ზნეობისა, რომელიც, სოკრატეს აზრით, მხოლოდ ცოდნაზე, გამოცდილებაზე, სიბრძნეზეა დაფუძნებული და საერთო არაფერი აქვს ანგარებასა და ეგოიზმთან.

ჩვენ, ვეფხვის ალალი ცრემლით დამტირებელი დედის შვილებს, ზნეობა, წესით, სხვისგან არ უნდა გვესწავლებოდეს. მაგრამ ზოგჯერ ამ ცოდვილ ქვეყანაზე ისეთი რამეები ხდება, შეიძლება, ზნეობის არსებობაში ეჭვი შეგეპაროს და თავი ორუელის „ცხოველების ფერმაში“ გეგონოს.

მეოცე საუკუნის მინურულს, ქართულ რევოლუციურ ტელეარხზე „რუსთავი 2“ დიდი პოპულარობით სარგებლობდა ყოველკვირეული იაფფასიანი დეტექტიური ჟანრის გადაცემა „60 წუთი“. მისი წამყვანი, დეტექტივ-ჟურნალისტი აკაკი გოგიჩაიშვილი იძიებდა და ყოველი კვირის ბოლოს „დაუნდობლად ამხელდა“ შევარდნაძის ხელისუფლებაში გამეფებულ ათასგვარ უზნეობას.

„60 წუთის“ ერთი ტიპიური სიუჟეტის შინაარსი ასეთია: ჟუ-

რნალისტები ესაუბრებიან საქართველოს ერთ-ერთი მთიანი რაიონის პოლიციის განყოფილების უფროსს. პოლიციელი, ვუნოდოთ მას შერიფი, მზადაა გულწრფელად უპასუხოს სამართლიანობისთვის თავდადებულ ჟურნალისტებს, ოღონდ, ერთი პირობით — ტელეკამერების გარეშე: მეც შვილმკვდარი მამა ვარ და თუ ჩემს ოპონენტს უსმენთ, იქნებ ჩემი არგუმენტებიც მოისმინოთ.

ჟურნალისტები თანხმდებიან შერიფის წინადადებას. აპარატურას მისაღებში ტოვებენ, კაბინეტში შედიან და... უკვე ფარული კამერით აგრძელებენ გადაღებას. მართალია, საკმაოდ გულწრფელად ილაპარაკა, მაგრამ შერიფს რაიმე სახელმწიფო საიდუმლოება ან, თუნდაც, ჟურნალისტური თვალსაზრისით საინტერესო ინფორმაცია არ გაუცია.

მთავარი და შემადრწუნებელი აქ ჟურნალისტების საქციელია — ისინი უთანხმდებიან შერიფს და მაშინვე ვერაგულად ატყუებენ მას. გთხოვთ, სწორად გამიგოთ, — მე, ზოგადად, ფარული კამერით გადაღების წინააღმდეგი კი არა ვარ (თუ ამის უკიდურესი აუცილებლობა არსებობს), წინააღმდეგი ვარ ჟურნალისტების მიერ გამოყენებული უზნეო მეთოდისა. საქმე ისაა, რომ გაპოლიტიკოსებულმა ჟურნალისტებმა ერთ საკმაოდ ბანალურ ისტორიას გადააყოლეს ყოვლად უდანაშაულო ადამიანიც და ჟურნალისტის ღირსებაც.

ამიტომ გასაკვირი არ არის, რომ ამ ამბიდან ცოტა მოგვიანებით, „რევოლუციონერთა“ ხელისუფლებაში მისვლის შემდეგ, გაცილებით შთამბეჭდვი უზნეობა ჩაიდინა სხვა ჟურნალისტმა ქალბატონმა, რომელმაც აგრეთვე ფარული კამერის გამოყენებით ერთ-ერთ სინდისგარეცხილ დეპუტატთან ერთად აქტიური მონაწილეობა მიიღო პოლიციის სამინისტროს დაკვეთით დადგმულ სპექტაკლში, რომელიც სოლიდური თანხის გამოძალვის ბრალდებით იმ ქალბატონი ჟურნალისტის კოლეგისა და მეგობრის, ჟურნალისტ შალვა რამიშვილის დაპატიმრებით დამთავრდა.

სამაგიეროდ, რევოლუციაში წილდადებულმა „რუსთავი 2-მა“ საკუთარი თავისთვის „გამარჯვებული ხალხის ტელევიზიის“ საპატიო ტიტული გამოიგონა და სასწრაფოდ სახელისუფლო ნაგში გადაჯდა. იმავე წუთიდან ოდესღაც მისი მოკავშირე და თავგამოდებული დამცველი „გამარჯვებული ხალხიც“ პირწმინდად დაივიწყა. ბუნებრივია, მრისხანე „60 წუთი“ და მისი



ნამყვანი „აყვავებული“ ქართული ბიზნესის აპოლოგეტებად იქცნენ.

ეს ის შემთხვევებია, როცა ადამიანის არსებაში ღვთიურ ზნეობაზე საუბარი უადგილოა. როცა ორუელის „ცხოველების ფერმიდან“ ის ამბავი გახსენდება, გარეგოლუციონერებული ღორები და გაღორებული ადამიანები შეხმატკბილებულად კარტს რომ თამაშობენ.

## არაფერია მზის ქვეშ ახალი

ეკლესიასტე

ეთიკა, ანუ, როგორც შევთანხმდით, მეცნიერება ზნეობის შესახებ, მარადიული და საყოველთაოა, იმის მიუხედავად, როგორ განიხილავენ მას მსოფლიოს სხვადასხვა კუთხეში. ზნეობაც, ადამიანის მიერ უანგაროდ სიკეთის ქმნისკენ მიმართული ქცევათა კომპლექსი, ამ მეცნიერების შესწავლის საგანი, მარადიული და საყოველთაოა.

ამიტომ ყველაფერი ის, რაზედაც ფიქრობდნენ და მსჯელობდნენ, ფიქრობენ და მსჯელობენ ძველი და თანამედროვე მოაზროვნეები, თანაბრად ეხება საქართველოსაც. უფრო ზუსტად, თანაბრად ეხება საქართველოს ყველა მოქალაქეს რასის, რელიგიური და ეთნიკური კუთვნილების, პროფესიისა და საზოგადოებრივი მდგომარეობის მიუხედავად.

იქნებ ვცდები კიდევ, მაგრამ სრულიად უაზროდ მეჩვენება ჩვენში გავრცელებული გამოთქმა „მაღალი ზნეობა“, „მაღალი ზნეობის ადამიანი“ და ა. შ. ზნეობა, — ადამიანის თვისება უანგაროდ სიკეთის ქმნისა, არ შეიძლება იყოს ელიტარული (მაღალი) ან პლებეური (მდაბალი). არ შეიძლება, თუნდაც იმ მიზეზის გამო, რომ ზნეობა არ გახლავთ უზნეობის უბრალო ანტიონიმი. უზნეობა თავის თავში მოიცავს ისეთ ქმედებასაც, რაც არა მართო საზოგადოებრივად (ადამიანურად) მიუღებელია, არამედ სამართლებრივად დასჯადია. ხოლო არაზნეობრივი საქციელის სამართლებრივ სიბრტყეში გადატანა, ხშირად, შეუძლებელია.

თუმცა, როგორც ვატყობ, რაც უფრო მეტს ვისაუბრებთ ეთიკაზე, მით უფრო დავმორღებით მთავარ სათქმელს — ეთიკისა და ჟურნალისტიკის დამოკიდებულებას. ეს, ალბათ, კანონზომიერიცაა, რადგან ეთიკა რთული, საინტერესო და ლამაზი ქალი-

ვით მაცდური მეცნიერებაა — რაც უფრო ახლოს ეცნობი, მით უფრო მეტი საიდუმლოს ამოხსნა გინევს.

თუ ეს ასეა, მოდი, ცოტა კიდევ თავს ძალა დავატანოთ და ამოვხსნათ ერთი არცთუ მარტივი ზნეობრივი ამოცანა: 2006 წლის სექტემბერში ზარზეიმით გვამცნეს, რომ „თავისუფლების ინსტიტუტს“ ხანგრძლივი და მძიმე შრომის შემდეგ შეუმუშავებია ეთიკური კოდექსი ჟურნალისტებისთვის კოდური სახელწოდებით „ჟურნალისტური ეთიკა“.

**რა მიზნით შეიძლება შექმნილიყო ეს უძვირფასესი დოკუმენტი?**

სანამ უშუალოდ ამოცანის ამოხსნას შევუდგებოდეთ, ნება მიბოძეთ, შეგახსენოთ, რომ არასამთავრობო ორგანიზაცია „თავისუფლების ინსტიტუტი“ 2003 წლის 23 ნოემბრის ეგრეთ ნოდებული „ვარდების რევოლუციისთანავე“ ქვეყნის უმაღლესი მმართველობის პარალელურ ორგანოდ გადაიქცა. ეს შიშის-მომგვრელი „არასამთავრობო“, წლების განმავლობაში თავისი გონებრივად მჭლე წიაღიდან ახალგაზრდა და უვიცი კადრებით აკომპლექტებდა არა მარტო უმაღლეს საკანონმდებლო, აღმასრულებელ და სასამართლო ხელისუფლებას, თვით სახელისუფლო დაქვემდებარებაში მყოფ მასობრივი ინფორმაციის საშუალებებსაც.

თუ ზნეობა არ ცნობს არავითარ საზღვრებს და სოციალურ ბარიერებს, თუ ეთიკა, როგორც მეცნიერება, საყოველთაოა, რატომ არის აუცილებელი პროფესიული ნიშნით ეთიკური კოდექსების შემუშავება?!

რთული შეკითხვაა. ამიტომ, ცოტა ხნით მშობლიური კომუნისტური ისტორია გავიხსენოთ.

ოქტომბრის სოციალისტური რევოლუციის შემდეგ (1917 წ.) დაუყოვნებლივ გამოცხადდა, რომ დიადი კომუნიზმის მშენებლობა იწყებოდა ცარიელი ადგილიდან. არავითარი ბურჟუაზიული ეკონომიკა, მეცნიერება და კულტურა, არავითარი ბურჟუაზიული აზროვნება, არავითარი ბურჟუაზიული ზნეობა! ჩვენ გვინდა ყველაფერი ახალი: მეცნიერებაც, კულტურაც, ეკონომიკაც, სახელმწიფო მონყობაც, რელსებიც, აზროვნებაც და ზნეობაც — პროლეტარული, წითელი ზნეობა!

თქვეს და გააკეთეს კიდევ. რაც იმას მოჰყვა, უთუოდ იცით ისტორიიდან — ყველა სიკეთესთან ერთად (მაგალითად, პროლეტარული მწერლობა, საბჭოთა ხალხი, საბჭოთა ექიმის ფიცი,

ნითელი რკინიგზა...) სასწრაფოდ შეითხზა „კომუნიზმის მშენებლის მორალური კოდექსი“. იგი იქცა სავალდებულო წესად მსოფლიო სოციალისტური სისტემის ხალხებისთვის — თითქმის ნახევარი კაცობრიობისთვის!

ახლა ადვილია პასუხის გაცემა, რადგან ამაზე ისტორიამ უკვე უპასუხა: მსოფლიო პროლეტარიატის ბელადებს სულაც არ სჭირდებოდათ ზნეობრივი მოაზროვნეები. მათ სჭირდებოდათ ეფემერული „კომუნიზმის“ მშენებლები, პროლეტარული ზნეობის, ანუ ზნეობანართმეული შემსრულებლები.

პროფესიული „ეთიკური კოდექსი“, ჩვენს შემთხვევაში, „ჟურნალისტური ეთიკის კოდექსი“, სულაც არ გახლავთ ვილაც უსაქმური ვიგინდარების ნაცულლუტარი. მისი ავტორები არც ისეთი გულუბრყვილოები უნდა იყვნენ, გულწრფელად დაიჯერონ, რომ ფარისევლური „ჟურნალისტური ეთიკის“ შეთხზვა მართლაც ხელს შეუწყობს საზოგადოებაში ზნეობრივი ფასეულობების დამკვიდრებას. ასე რომ იყოს, მაშინ ავტორები, უპირველეს ყოვლისა, ხელისუფლებას მიუთითებდნენ, რომ უზნეობაა, თუ მკვლევებისთვის სასჯელის შესამსუბუქებლად, პარლამენტი სისხლის სამართლის კოდექსში შესწორებებს შეიტანდა (2006 წლის აპრილში საქართველოს პარლამენტმა ასეთი გადაწყვეტილება მკვლევობაში ბრალდებული ჩინოსნებისთვის სასჯელისა და პატიმრობის პირობების შესამსუბუქებლად მართლაც მიიღო).

**ხელისუფლებას (რომელსაც წარმოადგენს „არასამთავრობო“ ორგანიზაცია „თავისუფლების ინსტიტუტი“) რომელიმე პროფესიული ნიშნით გაერთიანებული ადამიანთა ჯგუფისთვის სპეციალური ეთიკური კოდექსის შემუშავება შეიძლება სჭირდებოდეს ამ ჯგუფის მოქმედებაზე მკაცრი სახელისუფლო კონტროლის დასამყარებლად.**

ცივილიზებულ სამყაროში ჟურნალისტური ამქარი არის საზოგადოების ერთ-ერთი ყველაზე მოაზროვნე, შეურიგებელი, მემბოხე და, რაც მთავარია, გავლენიანი ნაწილი. რევოლუციას არ უყვარს ურჩები და მოაზროვნეები. დიქტატურაზე მეოცნებე და დემოკრატიზაციის მოთამაშე რევოლუციური ხელისუფლება ყველაფერს აკეთებს მოაზროვნეთა და მემბოხეთა გასაწინეიტრალებლად, მათთვის „ადგილის მისაჩენად“. ისტორიიდან ისიც გვახსოვს, XX საუკუნის 30-იან წლებში რა დღე დააყარა საბჭოთა რევოლუციურმა ხელისუფლებამ ურჩებს და მოაზროვნეებს.

სამნუხაროდ, XXI საუკუნის დასაწყისის საქართველოს ხელისუფლებაც იყო რევოლუციური.

**„ჟურნალისტური ეთიკის კოდექსის“ გამოჩენა არის ხელისუფლების აშკარა მცდელობა ჟურნალისტების სამოქმედო არეალის მკაცრ ჩარჩოებში ჩასასმელად. ეს არის ხელისუფლების ქცევა, რომელსაც საფუძვლად უდევს შიში და ძალადობა. ზემოთ ნათქვამს თუ გავითვალისწინებთ, ეს არის ხელისუფლების უზნეობის მჭევრმეტყველური მაგალითი.**

ეტყობა, XXI საუკუნის დასაწყისის საქართველოს უმაღლეს ხელისუფლებაში არ აღმოჩნდა დამრიგებელი, ვინც, ვერუსის მსგავსად, შვილიშვილს ზნეთა სინმინდეს აზიარებდა; არც ისეთი შვილიშვილი აღმოჩნდა, ვინც, მარკუს ავრელიუსის მსგავსად, ბრძენი პაპისგან რაიმეს ისწავლიდა.

რაც შეეხება ჟურნალისტს, ამ რთული, ძნელი და უაღრესად საპასუხისმგებლო პროფესიის წარმომადგენელს, მან უნდა იხელმძღვანელოს მხოლოდ იმ ზნეობრივი ფასეულობებით, რაც უზენაესმა ადამიანის ბუნებაში ჩადო და ამით იგი ადამიანად აქცია.

**სამართალი და ჟურნალისტიკა**

დავინწყით სამართლის იმ განმარტებით, რომელსაც 85 წელიწადს გულმოდგინედ ასწავლიდნენ ქართულ უმაღლეს სასწავლებლებში:

**„სამართალი არის ზოგადსავალდებულო ქცევის წესების, ნორმების სისტემა, რომელიც დადგენილია ან სანქცირებულია კომპეტენტური სახელმწიფო ორგანოების მიერ, ან — რეფერენდუმის გზით. მისი შესრულება სავალდებულოა ყველასთვის, ხოლო რეალიზაცია უზრუნველყოფილია სახელმწიფოს მიერ“.**

ადამიანები, ალბათ, თავს ბედნიერად ვიგრძნობდით, ამ განმარტების წაკითხვისა და გააზრებით შემდეგ რომ შეგვეძლებოდა ალაღად გვეთქვა — „მე ვიცი, რა არის სამართალი.“ იქნებ ასეთი ადამიანი დედამიწაზე მართლაც მოიძებნება და იგი სწორედ საქართველოში ცხოვრობს, მაგრამ დარწმუნებული ვარ, იგი არ იქნება ქართველ ჟურნალისტთა ამქარში.

ვინაიდან ფილოსოფიურ მოძღვრებებს დღემდე არ გაუცია საბოლოო და ამომწურავი პასუხები ზნეობის, თავისუფლების, დემოკრატიის, სამართლის, კანონის, სიკეთის, ბოროტების, ცოდნის... რაობაზე, „მე ვიცი სამართალის“ მთქმელი ადამიანი, შესაძლოა, ფილოსოფოსთა ან ჟურნალისტთა შორის კი არა, ფსიქიატრიული დაწესებულების მუდმივ კლიენტთა შორის უფრო იოლად აღმოვაჩინოთ.

ალბათ, საინტერესოა, რას ფიქრობენ საკუთარი ცოდნის შესახებ ის ადამიანები (პოლიტიკოსები, სახელმწიფო ჩინოვნიკები, მართლმსაჯულების სფეროს წარმომადგენლები...), ვისაც განგებამ სამართლიანობის სახელით გადაწყვეტილების მიღების უფლება-მოვალეობა მიანიჭა (ან, იქნებ, მიუსაჯა!). თუ ამ სოციალური ჯგუფის წარმომადგენელთა მოღვაწეობითა და საჯარო გამოსვლებით ვიმსჯელებთ, დასკვნა ძნელი გასაკეთებელი არ უნდა იყოს — მათი უმრავლესობა საკუთარი კარიერის გარდა არაფერზეც არ ფიქრობს, მათ შორის არც საკუთარ ცოდნაზე და არც მის მიერ მიღებული გადაწყვეტილების შედეგებზე.

სამართლის სფერო დიდად პატივდებულია ჟურნალისტიკაშიც. დეტექტიურ სიუჟეტებს და ქრონიკებს რომ თავი დავანე-

ბოთ, მთელ მსოფლიოში და საქართველოშიც განსაკუთრებით პოპულარულია ე. წ. ჟურნალისტური გამოძიება. ამ გამოძიების ავ-კარგზე უკვე ვისაუბრეთ, მაგრამ ერთი რამ აუცილებლად უნდა ითქვას — ბევრ სხვა რამესთან ერთად, სამართლებრივი თემებით დაინტერესებული ჟურნალისტისთვის ყოვლად აუცილებელია, ზოგადად, სამართლის თეორიის ცოდნა. უფრო მეტადაც კი, ვიდრე ეს სჭირდება პროფესიონალ გამომძიებელს, რადგან ჟურნალისტი ვალდებულია საკუთარ სიმართლეში დაარწმუნოს საზოგადოების ფართო წარმომადგენლობა, გამომძიებლის ინტერესები კი, ძირითადად, პროკურორის და მოსამართლის იქით არ მიდის.

ჩინოვნიკთა და თემიდან მსახურთა თემას მალე ისევ დავუბრუნდები და შევეცდები დაგარწმუნოთ, რომ ჩემი ეს ირონია სულაც არ არის უსაფუძვლო.

მეოცე საუკუნის ერთ-ერთი უდიდესი სამართლის ფილოსოფოსის, გუსტავ რადბრუხის აზრით, სამართალი ადამიანის გონების ქმნილებაა და როგორც ადამიანის ყოველი ქმნილება, ისიც მხოლოდ საკუთარი იდეიდან გამომდინარე შეიძლება აიხსნას. ანუ რაიმე საგნის ან მოვლენის არსი მე — ადამიანმა, შემიძლია ავხსნა, როგორც მისი დანიშნულებიდან გამომდინარე (რასაკვირველია, ისე, როგორც მე ვხედავ და განვიხილავ ამ საგანს ან მოვლენას). პროფესორი რადბრუხი ერთი შეხედვით ძალიან უბრალო მაგალითს გვთავაზობს: მისი მიზნობრივი დანიშნულებიდან გამომდინარე, მოდი, ავხსნათ, რა არის... მაგიდა — ეს არის ოთხ ფეხზე მდგარი სპეციალურად დამუშავებული ზედაპირის მქონე განიერი ფიცარი. ამგვარ ახსნას, ბუნებრივია, მაშინვე მოჰყვება თქვენი პროტესტი — ხომ არსებობს სამფეხა, ცალფეხა ან, სულაც უფეხო (ე. წ. გადმოსაშლელი) მაგიდებიც. ე. ი. ფეხი მაგიდისთვის განმსაზღვრელად ვერ გამოდგება. დარჩა ფიცარი, მაგრამ მაგიდის განმსაზღვრელად არც ის გამოდგება, რადგან იგი სხვა არაფერია, გარდა სუფთა ზედაპირის მქონე დაფისა, რომელსაც, შესაძლოა, უამრავი სხვა დანიშნულებაც ჰქონდეს. საბოლოოდ, მაგიდა შეიძლება განვსაზღვროთ, როგორც ზედ რაიმეს დასადებად გამიზნული მოწყობილობა (რა თქმა უნდა, ეს განსაზღვრებაც არ არის სრული). ესე იგი, შემფასებლური განსჯის გარეშე რაიმე საგნის ან მოვლენის ახსნა, უბრალოდ, შეუძლებელია. ასევე შეუძლებელია ინსტინქტური, არაშემფასებლური (შეფასებას მოკლებული) მსჯელობა სამართალზე ან

რაიმე სამართლებრივ მოვლენაზე. უფრო ზუსტად, შესაძლებელია ნებისმიერი მსჯელობა, თუ იგი საგნის ან მოვლენის არსში მეტნაკლები სიღრმით ჩასანვდომად გამოდგება.

მოკლედ, თუ ყურნალისტი შეძლებს და ცნობისმოყვარე პუბლიკას შემფასებლური განსჯის საფუძველზე აუხსნის მაგიდის, სკამის, ქვევრის, დოქის, ყანნის, ჭინჭილის და ადამიანისთვის აუცილებელი ნებისმიერი სხვა კონკრეტული საგნის არსსა და მნიშვნელობას, იგი, მონდომების შემთხვევაში, სამართლისა და სამართლიანობის არსში ჩანვდომას და საკუთარი ნააზრევის მკითხველთა სამსჯავროზე გამოტანასაც მოახერხებს. მხოლოდ მაშინ მოახერხებს, თუ მოთმინებით აღიჭურვება და სამართლის ფილოსოფიის ზოგიერთ პრობლემას გაეცნობა. მაგალითად, ასეთს:

### რა არის სამართალი?

მოდით, სამართლის ცნებაში ვიგულისხმოთ ის, რითაც ეს საუბარი დავიწყეთ: „**სამართალი არის ზოგადსავალდებულო ქცევის წესების, ნორმების სისტემა...**“ და ა. შ. მაშინ სამართალი შეიძლება განვსაზღვროთ, როგორც მოცემულობა, რომლის დედააზრი არის სამართლებრივი იდეის რეალიზაცია. ბარემ აქვე ვთქვათ, რომ ეს სამართლებრივი იდეა სამი ელემენტისგან შედგება: **სამართლიანობა, მიზანშეწონილობა, სამართლებრივი სტაბილურობა**. ძირითადად, ეს სამი ელემენტი ქმნის „მართალ სამართალს“. სამწუხაროდ, ეს სამეული სულაც არ ჰგავს ეჭვნიშვნულ ცხენებს, ერთსულოვნად წინ რომ მიაქანებენ რუსულ „ტროიკას“, არც ლენინურ „სამერთიან ამოცანასთან“ აქვს რაიმე კავშირი და, ღმერთო მაპატიე — არც ღვთიურ სამებასთან.

ქვეყნებისა და ეპოქების მიხედვით უპირატესობა სამართლის რომელიმე ელემენტს ენიჭებოდა. მაგალითად, რევოლუციების ეპოქაში, როგორც წესი, ძალიან პოპულარულია ხოლმე სამართლიანობის თემა, შუა საუკუნეებში — სტაბილურობისა, ლიბერალური დემოკრატიის ხანაში — პოლიტიკური მიზანშეწონილობისა. ეს ნიშნავს, რომ, თუმცა ეს „სამეული“ ერთად ქმნის და „მართავს“ სამართალს, მაგრამ ზოგჯერ (ქვეყანას და ეპოქას გააჩნია!) მათ შორის უმწვავესი დაპირისპირება გარდაუვალია. ვინაიდან ამგვარ დაპირისპირებას საგარეო ან შინაომების გარდა

არაფერი მოაქვს, მას ყველა გონიერი ხელისუფლება უნდა უფრთხოდეს და უფრთხის კიდეც (თუმცა, საფრთხეს რომ მოერიდო, მისი არსებობის შესახებ უნდა იცოდეს!). ნებისმიერმა გონიერმა ხელისუფლებამ იცის, რომ, ზოგადად, სამართლიანობა (რაც განსაზღვრავს ქვეყნის პოლიტიკურ და ეკონომიკურ სტაბილურობას), ყველა ურთიერთსაწინააღმდეგო სახელმწიფოებრივ-სამართლებრივ თვალსაზრისზე და პოლიტიკურ დაპირისპირებებზე მაღლა დგას. ამიტომ რაიმე მკვეთრად დაპირისპირებულ საკითხებზე კამათის დამთავრების ფაქტი უფრო მნიშვნელოვანია, ვიდრე თვითონ ამ საკითხის სამართლიანად და მიზანშეწონილად გადანყვება. სხვა სიტყვებით, ქვეყანაში თავად მართლწესრიგის არსებობა უფრო მნიშვნელოვანია, ვიდრე ამ მართლწესრიგის სამართლიანობა და მიზანშეწონილობა.

მართლწესრიგის არსებობა არის სამართლის მეორე უდიდესი ამოცანა. პირველი კი ისაა, რაზეც არავინ არ კამათობს — სამართლებრივი სტაბილურობა და სამართლებრივი უშიშროება.

სხვათა შორის, ჩვენთვის, ოცდამეერთე საუკუნის საქართველოს მოქალაქეებისთვის, ასე „მშობლიური“ პოლიტიკური ბრძოლები თავისი არსით არაფერია, სამართლიანობაზე გაუთავებელი და უკომპრომისო დავა-კამათის გარდა.

ჯერ, ძალიან მოკლედ, სამართლიანობაზე ვილაპარაკოთ, მერე ამ გაუთავებელი დავა-კამათების საფუძველსაც მივადგეთ.

ვინაიდან დრო (ამქვეყნად ჩემი ცხოვრების ვადას ვგულისხმობ) ძალიან ცოტა მაქვს, ვიტყვი პირდაპირ — **სამართლიანობა შეიძლება განვიხილოთ, როგორც ადამიანების უფლებების უზრუნველყოფა.**

სამართლიანობა ორმაგი ბუნებისაა — კანონმორჩილება და საკუთრივ კანონი. პირველს შეიძლება ვუწოდოთ მსაჯულის (მოსამართლის) სამართლიანობა, ანუ პატიოსნება; მეორეს — კანონმდებლის (ხელისუფლების) სამართლიანობა.

სამართალი — ეს არის სინამდვილე (ფაქტი), რომლის ღირებულება არის ის, რომ ემსახურება სამართლიანობას. თუ სამართალი არ ემსახურება სამართლიანობას (სამწუხაროდ, ასეც ხშირად ხდება, განსაკუთრებით, ჩვენს „მზიურ და ღვთისმშობლის ნილხვედრ“ საქართველოში), იგი არ არის სინამდვილე (მოჩვენებითია) და არც ღირებულება გააჩნია (აქვე დიდი მოკრძალებით შეგახსენებთ, რომ ღირებულებათა თეორიის შესახებ მშვენიერი



ნაშრომები აქვს გამოქვეყნებული შესანიშნავ ქართველ ფილოსოფოსს და საზოგადო მოღვაწეს, ნიკო ქავჭავაძეს).

სამართლის (ერთ-ერთი) თეორიის თანახმად, სახელმწიფოს და დემოკრატიის ბურჟუაზ აღიარებული სამართლის ერთადერთი და უზენაესი მიზანი სამართლიანობისადმი სამსახურია. სხვა სიტყვებით, სახელმწიფო და სამართალი არის მხოლოდ დანესებულება, რომელიც იცავს და სტიმულს აძლევს მოქალაქეს.

თუმცა, აქვე ჩნდება საბედისწერო კითხვა (თუ არ ვცდები, იგი ჯერ კიდევ მე-18 საუკუნის შუა ხანებში დასვა დიდმა გერმანელმა მწერალმა გოტჰოლდ ეფრაიმ ლესინგმა): **სახელმწიფო არსებობს ადამიანებისთვის, თუ ადამიანები — სახელმწიფოსთვის?!**

სამწუხაროდ, ეს არ არის რიტორიკული კითხვა. ბოლოსდაბოლოს, მე, მოქალაქე, უზარმაზარი სახელმწიფო მანქანის მართლაც ერთი ჭანჭიკი ვარ, რომელმაც ამ დაუზეთავი მანქანის ხათრით ყველაფერი უნდა ვითმინო (რისკენაც მოგვიწოდებდა საქართველოს ყველა მმართველი იმპერატორ პავლე პირველიდან, პრეზიდენტ მიშა სააკაშვილამდე), თუ ვარ ღირსეული, პატიოსანი პიროვნება, ვისაც იცავს და ეხმარება სახელმწიფო.

ჯერ სამი სრულიად განსხვავებული ადამიანის ასევე რადიკალურად განსხვავებული თვალსაზრისები ვნახოთ:

„მთელი ღრიანცელი ყველა პოეტების  
გაუთავებელი როცა კამათია,  
არ ღირს იმ ერთ ცრემლად, თვალს რომ მოედების  
და ღრმა მოგონებამ მე რომ დამათია“.

გალაკტიონი

„იტალიელი ერი არის მორალური, პოლიტიკური და ეკონომიკური ერთობა, რომელმაც სრულად შეისხა ხორცი (იტალიის) ფაშისტურ სახელმწიფოში“.

მუსოლინი\*

„ჩვენ დიდად ვაფასებთ ხელოვნების ქმნილებებს, მაგრამ გვძულს მისი შემქმნელები“.

პლუტარქე\*

ამ ციტატებიდან გამომდინარე, პირობითად, გალაკტიონისთვის სამართლის უზენაესი მიზანი არის ადამიანი; ბენიტო

მუსოლინისთვის — სახელმწიფო, ხოლო პლუტარქესთვის — კულტურა. ანუ გამოიკვეთა სამართლის სამი უზენაესი მიზანი — ადამიანი, სახელმწიფო, კულტურა.

თითქოს ამ თვალსაზრისებს შორის წინააღმდეგობა არ უნდა იყოს, მაგრამ ერთის ხარჯზე მეორისთვის უპირატესობის მინიჭებას ან დიქტატურამდე მივყავართ, ან სახელმწიფო მმართველობის სისტემის რღვევამდე. ეს წინააღმდეგობა წითელ ხაზად გასდევს კაცობრიობის ისტორიას. და, აი, დიდმა ქართველმა, ილია ჭავჭავაძემ სულ რაღაც სამიოდ სიტყვით გამოხატა ადამიანთა საუკუნეობით ნაფიქრი და ნაოცნებარი: „მამული, ენა, სარწმუნოება“.

დიდმა ილიამ გააერთიანა სამივე თვალსაზრისი — მამული (სახელმწიფო), ენა (ადამიანი), სარწმუნოება (კულტურა) და აგვიხსნა, რომ საჭიროა არა თვალსაზრისთა და მსოფლმხედველობათა დაპირისპირება, არამედ მათი ჰარმონიული თანაარსებობა. მისი ღრმა რწმენით, სამართლის უზენაესი მიზანი უნდა იყოს ადამიანიც, სახელმწიფოც და კულტურაც.

ახლა, მოდი, თანამედროვეობას გადავხედოთ და კითხვა ასე დავსვათ, რა იყო XXI საუკუნის დასაწყისის ქართული სამართლის უზენაესი მიზანი — ადამიანი, სახელმწიფო, კულტურა, თუ სამივე ერთად? ან, იქნებ — არც ერთი?

დარწმუნებული ვარ, რომ მრავალი წლის შემდეგაც, ეს კითხვა საქართველოში და მსოფლიოს კიდევ ბევრ ქვეყანაში ისევ აქტუალური იქნება.

ცოდვას ვერ დავიდე — საქართველოში, აღმოსავლეთ ევროპის და, საერთოდ, პოსტსოციალისტური ქვეყნების უმეტესობაში დიდხანს მიმდინარეობდა სერიოზული საუბრები დემოკრატიული პრინციპების დამკვიდრებაზე, სამოქალაქო საზოგადოების მშენებლობაზე, კანონის თუ სამართლის უზენაესობაზე, ხელისუფლებისა და ხალხის ერთიანობაზე, თავისუფლებაზე, გამარჯვებებზე და, რა თქმა უნდა, ნათელ მომავალზე, რომელსაც ჩვენ, ქართველებს, თურმე, რატომღაც მოგვიტანდა ჩრდილო-ატლანტიკური სამხედრო-პოლიტიკური გაერთიანება (NATO), ყაზახებს კი — რუსეთი.

თუმცა, ეს იქით იყოს და, ბრიტანულ-ამერიკულ იურიდიულ პრაქტიკაში დამკვიდრებული **სამართლის უზენაესობა** და ევროპულში დამკვიდრებული **სამართლებრივი სახელმწიფო** იდენტური ცნებებია და სამართლის შემაკავშირებელ ძალას,

დესპოტიზმისა და ტირანიის შემზღვეველ სამართლის სისტემას გულისხმობს.

ეს ნიშნავს, რომ სამართალი, შესაძლოა, ატარებდეს დესპოტიზმის ნიშნებს და იყოს არა სამართლიანობის, არამედ ტირანიის (დიქტატურის, აბსოლუტიზმის...) მსახური. მეტიც, თანამედროვე მსოფლიოს ქვეყნების უმრავლესობაში სამართალი არის არა სამართლიანობის, არამედ ხელისუფლების, პარტია-ჰეგემონის, სახელისუფლო კლანის მსახური.

თვით სამართლის უზენაესობა, ანუ სამართლებრივი სახელმწიფო არ არის აბსოლუტური ღირებულება. მართალია, სამართლის უზენაესობა, ანუ ხელისუფალთა (ძალის გამომყენებელთა და შეღავათების მიმნიჭებელთა) ნების შეზღუდვა უზრუნველყოფს მოქალაქეთა უფლებების დაცვას, ამავე დროს, სამართლის უზენაესობის ხელმინევით დაცვაც კი სამართლიანობისა და წმინდა ადამიანური ფაქტორის გამოყენების საშუალებას არ იძლევა, რადგან სამართალს არ შეუძლია მხედველობაში მიიღოს ისეთი რამ, რისი გაზომვაც შეუძლებელია (მაგალითად, ტკივილი, ტანჯვა, აღტაცება, აღშფოთება, შიში, სიძულვილი). ასეთ შემთხვევაში, მთავარი ხდება არა თანამშრომლობა, არამედ დაპირისპირება და გამარჯვების წყურვილი.

სამართალი არ არის პანაცეა, ნაკლიც ბევრი აქვს, მაგრამ მაინც იგი დემოკრატიის, ადამიანთა უფლებებისა და თავისუფლებების საფუძველია. რუსო ბრძანებდა, ამქვეყნად უძლიერესიც კი უძლურია, თუ საკუთარ ძლიერებას სამართლად, ხოლო მორჩილებას აუცილებლობად არ გადააქცევსო. ამ მხრივ, მართლაც საინტერესოა ის კითხვა, ახლახან რომ დავსვით — რა უნდა იყოს ქართული სამართლის უზენაესი მიზანი. გავითვალისწინოთ, რომ სამართლის უზენაესობის უშუალო განმარტოვებელი ნებისმიერ სამართლებრივ სახელმწიფოში არის სასამართლო.

მაშ, ასე: რა იყო ამ პერიოდის ქართული სამართლის უზენაესი მიზანი — ადამიანი, სახელმწიფო, თუ კულტურა, ან იქნებ, არც ერთი?!

— მოდი, ამ სიიდან თავიდანვე ამოვრიცხოთ კულტურა. თუნდაც იმ მოტივით, რომ ლატაკ სახელმწიფოში ლატაკი ბიუჯეტი კულტურულ ღირებულებებზე მაღლა კუჭის პრობლემებს უნდა აყენებდეს. ის ფაქტი, რომ თბილისში ყოველ შაბათ-კვირას ფეიერვერკები იმართებოდა, ახალ-ახალი შადრევნები და კაფე-შანტანები იხსნებოდა, მთავრობის ნევრები სახელმწიფოში ჭყუმ-

პალაობდნენ, ფუნქციონირის სატელევიზიო ანძაზე ნათურები ციმციმებდა, სამართლის უზენაეს მიზნად კულტურის აღიარებას არ ნიშნავს.

ხოლო გრანდიოზული მართლმადიდებლური ტაძრის დაწმინდა გიორგის არანაკლებ გრანდიოზული ძეგლის აშენება (თუმცა, ამაში სახელმწიფოს ფინანსური მონაწილეობა, ფაქტობრივად, ნულის ტოლია!), გახლავთ არა კულტურაზე ზრუნვა, ანუ სამართლის უზენაეს მიზნად კულტურის გამოცხადება, არამედ ხელისუფლების დიქტატურისკენ სწრაფვის უცხადესი მატერიალური გამოხატულება.

რაც შეეხება ადამიანს:

2003 წლის ნოემბრიდან მოყოლებული, ორი წლის განმავლობაში მხოლოდ პოლიციამ, მხოლოდ ქუჩაში, მხოლოდ ეჭვის ნიშნულზე მოკლა 19 ადამიანი;

თბილისის ე. წ. „ციხის ბუნტის“ დროს პოლიციამ მოკლა კიდევ 7 ადამიანი;

2006 წლის ბოლოსთვის საქართველოს ციხეებში ყოველად არაადამიანურ პირობებში იჯდა 20000-მდე ადამიანი; **(2010 წლისთვის ამ ციფრმა 35 ათასს მიაღწია! რედ.)**

მათგან გასამართლებას ელოდა 12 000-მდე ადამიანი;

2006 წლის მხოლოდ 10 თვის განმავლობაში ციხის საკნებში გარდაიცვალა 79 ადამიანი;

პარლამენტმა მიიღო კანონები, კონსტიტუციაში შეიტანა სპეციალური შესწორებები პრეზიდენტის უფლებათა გაზრდის თაობაზე;

სისხლის სამართლის საპროცესო კოდექსში შეიტანა ცვლილებები, რითაც კანონს მიაღწია უკუქცევითი ძალა სასჯელის დამძიმების თვალსაზრისით;

საქართველოს მოქალაქის საშუალო თვიური შემოსავალი 1,5-ჯერ ჩამოუვარდებოდა სომხეთისა და აზერბაიჯანის, 2-ჯერ — რუსეთის, 2,5-ჯერ — ბელორუსის და უკრაინის, 5-ჯერ — ესტონეთის მოქალაქის საშუალო თვიურ შემოსავალს;

2004-2006 წლებში ფასებმა პროდუქტებზე, ენერგომატარებლებზე და ძირითად სამომხმარებლო საქონელზე საშუალოდ 250-300 პროცენტით მოიმატა;

სამეურნეო დანაშაულისთვის გამართული ათასობით სასამართლო პროცესიდან დაცვის მხარის გამარჯვებით არ დამთავრებულა არც ერთი საქმე;

არასრული სტატისტიკით, „ვარდების რევოლუციის“ შემდეგ სამი წლის განმავლობაში საქართველო დატოვა 100 000-მდე საქართველოს მოქალაქემ;

საქართველოს პრეზიდენტმა საჯაროდ გამოაცხადა ე. წ. „ნულოვანი ტოლერანტობის“ პოლიტიკა დანაშაულში ეჭვმიტანილთა მიმართ და პირადად შს მინისტრს, სპეცსამსახურებს მათი დაუყოვნებელი ლიკვიდაციისკენ მოუწოდა;

საქართველოს ხელისუფლების ქედმაღლური და სინამდვილისადმი არაადეკვატური რუსული პოლიტიკის გამო, საქართველო მთლიანად იზოლირებული აღმოჩნდა რუსეთისგან;

პარლამენტმა და პრეზიდენტის ადმინისტრაციამ მოამზადა კანონპროექტები 12 წლის მოზარდებისთვის სისხლის სამართლის პასუხისმგებლობის დაკისრების და კერძო ბიზნესის მიმართ სახელმწიფოს დამოკიდებულების გასასტიკების შესახებ;

მთელი საქართველოს მასშტაბით მხოლოდ ადმინისტრაციული ორგანოების მითითებით, სასამართლოს გვერდის ავლით, დაანგრიეს, დაარბიეს ან დალუქეს ათეულობით წარმატებული კომპანია;

სხვადასხვა მოტივით, საქართველოს პარლამენტიდან გააძევეს ხუთი დეპუტატი;

სამი წლის განმავლობაში ხუთჯერ (!) შეიცვალა ქვეყნის სამხედრო მინისტრი;

სამი წლის განმავლობაში საქართველოს პარლამენტის პარტია-ჰეგემონის (ნაციონალური მოძრაობა) მხარდამჭერი ორასზე მეტი (235-დან) დეპუტატიდან, რომელიმე საკამათო გადაწყვეტილების გამო საკუთარი აზრი არ გამოუთქვამს არც ერთს — ორასზე მეტი დეპუტატის აზრი სამი წლის განმავლობაში ჯიუტად ემთხვეოდა პრეზიდენტისას!...

ეს გახლავთ მცირე ჩამონათვალი იმისა, რაც 2003 წლის 23 ნოემბრის შემდეგ დემოკრატიულად მოსულმა ხელისუფლებამ გააკეთა მოქალაქეთა უფლებების შესაზღუდავად, მაგრამ, ვფიქრობ, ამ დასკვნის გასაკეთებლად საკმარისი უნდა იყოს — **ოცდამეერთე საუკუნის დასაწყისის ქართული სამართლის უზენაესი მიზანი არ ყოფილა ადამიანი!**

დარჩა სახელმწიფო, თუმცა, ჩვენთვის უკვე კარგად ნაცნობ მის განმარტებას თუ გავითვალისწინებთ, ქართული სამართლის უზენაეს მიზნად სახელმწიფოს გამოცხადება თვით ფორმალური ლოგიკის მოშველიებითაც კი, ძალიან გაჭირდება.

არც სახელმწიფო, არც ადამიანი, არც კულტურა! ეს ნიშნავს, რომ ხელისუფლებას სამართალი სჭირდება მხოლოდ საკუთარი ძალაუფლების განსამტკიცებლად, უფრო ზუსტად — რეჟიმის შესანარჩუნებლად.

ოცდამეერთე საუკუნის დასაწყისის საქართველოს სამართლებრივი სისტემა ლესინგის შეკითხვაზე პასუხის გასაცემად ვერ გამოდგება, რადგან ქართული სამართლის უზენაესი მიზანი იყო „ადამიანიც და სახელმწიფოც ხელისუფლებისთვის!“

ვერ ვიტყვი, რომ ეს არ არის სამართალი. რა თქმა უნდა, არის, მაგრამ, როგორც დიდი ვაჟა ბრძანებდა, ეს არის „ცოდვა-ბრალით მონათლული“ სამართალი, რომელიც მწვავედ უპირისპირდება რეალობას, ისტორიის განვითარების კანონზომიერებას და ემსახურება ქვეყანაში რევოლუციური ვითარების ჩამოყალიბებას.

ზემოთ ავლნიშნე, რომ ეგრეთ წოდებული პოლიტიკური ბრძოლები არაფერია სამართალზე და სამართლიანობაზე გაუთავებელი დავა-კამათის გარდა.

წესიერ ქვეყანაში, სადაც სამართლის უზენაესი მიზანი ილიასეული მამული-ენა-სარწმუნოების, ანუ ადამიანი-სახელმწიფო-კულტურის ერთობაა, პოლიტიკური დებატები, ძირითადად, თეორიული ხასიათისაა და კამათისთვის ოფიციალურად გამოყოფილ სივრცეს არ სცდება, მრისხანე დემონსტრაციებში და ქვების სროლაში არ გადაიზრდება. კამათს, როგორც წესი, დიდი ხელოვნებით წარმართავს ჟურნალისტიკა. მისი შინაარსიც, დაახლოებით ამ ჩარჩოებში ეტევა: **ერთს არ სურს მიეცეს ისი, რასაც ითხოვს; მეორეს სურს, დაუთმონ ის, რაც უკვე მიიღო; ყველა ერთად ცდილობს, არ მოითხოვოს არაფერი ისეთი, რის მოთხოვნა სხვასაც შეუძლია...** ანუ წესიერი ქვეყნების პოლიტიკოსები იცავენ პოლიტიკური თამაშის წესებს. იცავენ, უპირველეს ყოვლისა, იმიტომ, რომ არსებობს თავად ეს მტკიცედ დადგენილი წესები და ამ წესების დაცვის მდიდარი ტრადიციაც.

ისეთ ქვეყანაში, როგორიც იყო XX საუკუნის მიწურულის და XXI-ის დასაწყისის საქართველო, უმწვავესი პოლიტიკური დებატები, ძირითადად, აბსურდულ თემებზე იმართებოდა, მაგალითად, ასეთებზე:

უნდა გადადგეს თუ არა თანამდებობიდან პოლიციის მინისტრი, რომლის უახლოესი გარემოცვა, მათ შორის, მეუღლეც,

ექვმიტანილია მკვლელობაში;

კანონიერია თუ არა პრემიერ-მინისტრის დანიშვნა ნავთობის კორპორაციის სამეთვალყურეო საბჭოს თავმჯდომარედ, თუ ასეთი რამ აკრძალულია კანონით;

მიიღებს თუ არა ობიექტურ გადაწყვეტილებას მოსამართლე, რომელსაც აკონტროლებს და მითითებებს აძლევს პროკურორი;

არის თუ არა უდანაშაულობის პრეზუმფციის დარღვევა, როცა ექვმიტანილს საჯაროდ დამნაშავედ აცხადებს ქვეყნის პრეზიდენტი;

შეიძლება თუ არა კერძო საკუთრების განადგურება იმის გამო, რომ იგი არ მოსწონს ქალაქის მერს;

არის თუ არა ხალხის მიერ არჩეული გამგებელი, რომელიც თავისი ბრძანებით დანიშნა პრეზიდენტმა;

გააუმჯობესებს თუ არა საზოგადოების სოციალურ მდგომარეობას დედაქალაქის ცენტრალურ მოედანზე აგებული შადრევანი;

სჭირდება თუ არა განათლება და გამოცდილება სამინისტროდ გამზადებულ ახალგაზრდა რევოლუციონერს...

კამათი, თავისთავად, არგუმენტების მოშველიებას, შეჯიბრებითობას გულისხმობს — იმარჯვებს ის, ვისაც მეტი არგუმენტი, მეტი ცოდნა და უკეთესი ლოგიკა აქვს. ყოველ შემთხვევაში, ასეა ჟურნალისტიკაში, ასეა მეცნიერებაში და ბოლო დრომდე დარწმუნებული ვიყავი, რომ ასე იყო პოლიტიკაშიც. მაგრამ, როგორც პრეზიდენტი სააკაშვილი ამბობდა — ნურას უკაცრავად! ოცდამეერთე საუკუნის ქართული პოლიტიკური კულტურა, კერძოდ, პოლიტიკური კამათი, უპრეცედენტო აღმოჩნდა მსოფლიო პოლიტიკის ისტორიაში — ერთ მხარეს არ აინტერესებდა, რას ფიქრობდა და რას აკეთებდა მეორე მხარე. ეს იყო არა კამათი, არამედ პოლიტიკოსთა დაუსწრებელი შეჯიბრი უსაგნო ქილიკსა და ენაკვიმატობაში. პარტია-სახელმწიფოს (ნაციონალური მოძრაობის) წევრებს ძალიან მოსწონდათ ყველა და ყველაფერი, ვინც და რაც მოსწონდა პრეზიდენტს. არ არსებობდა არავითარი გამონაკლისი!

მეორე მხრივ, პარტია-სახელმწიფოს ოპონენტებს არ მოსწონდათ არავინ და არაფერი, რაც მოსწონდა პრეზიდენტს. არავითარი გამონაკლისი აქაც არ არსებობდა!

მეტიც, მოხდა მსოფლიო პოლიტიკაში გაუგონარი ამბავი — ოპოზიცია გაებუტა ხელისუფლებას, ხოლო ხელისუფლება —

დამოუკიდებელ მედიას! ქართველი „ჯიუტი თხების“ ლოგიკა ასეთი იყო: თუ დავამტკიცებ, რომ ჩემი ოპონენტი „ცუდია“ (სულელია, უფიცია, მახინჯია...) ამით იმასაც დავამტკიცებ, რომ მე „კარგი“ (ჭკვიანი, განათლებული, ლამაზი...) ვარ!

საქართველოში შეიქმნა ისეთი ვითარება, როცა ხელისუფლების წარმომადგენლებმა არ იციან და არც სურთ იცოდნენ სამართლის უზენაესობის აუცილებლობა, ხოლო მისი ოპონენტები ერთობიან და ტკბებიან მათი ამ უფიცობით. მართალია, ოპოზიცია მწარედ აკრიტიკებს ხელისუფლებას, მაგრამ, ადრე თუ გვიან ისიც ხელისუფლებაში მისვლას გეგმავს და ურჩევნია, რომ ქვეყანა იმართებოდეს „კარგი ბიჭების“ „მაგარი ხელით“ და არა მტკიცე სამართლებრივი სისტემით.

XXI საუკუნის ქართულ სამართლებრივ სივრცეში მართლაც პიკანტური ვითარება შეიქმნა — „რეფორმების“ სახელით აღმასრულებელმა ხელისუფლებამ არარაობად აქცია სასამართლო ხელისუფლება. ამას ისიც დაერთო, რომ საქართველოში, ისტორიულად, არ მზადდებოდა კანონშემოქმედი და მოსამართლე იურისტები; ძალიან მცირე ყურადღება ეთმობოდა სამართლის ფილოსოფიის მცოდნე კადრების მომზადებასაც.

**დღევანდელი „ცუდი“ მმართველები ხვალ რომ „კარგებმა“ შეცვალონ, ისინიც „ცუდები“ იქნებიან, რადგან მართვის თეორია და სამართლის ფილოსოფია არც მათ ეცოდინებათ, კვალიფიციური კანონშემოქმედები და მოსამართლეები არც მათ ეყოლებათ, კანონის არსში ჩანვდომა მათაც გაუჭირდებათ, ისინიც ვერ უპასუხებენ საბედისწერო კითხვას: სახელმწიფო არსებობს ადამიანისთვის, თუ ადამიანი — სახელმწიფოსთვის? ქართულ პოლიტიკურ ძალებსა და პოლიტიკოსებს შორის არ მოიშლება პოლიტიკური დავა-კამათით შენიღბული ქიშპობა და მოცილეობა, სამართლის უზენაესობა ვერ დამკვიდრდება, კანონი ვერ იკანონებს, ქვეყანაში სიმშვიდე ვერ დაისადგურებს და კარს ახალი რევოლუცია შემოგვიმტვრევს.**

ახლა, ალბათ, ის დრო დადგა, როცა ორიოდ სიტყვა კანონზეც უნდა ითქვას:

კლასიკური და აღიარებული განმარტებით, კანონი არის სახელმწიფოს უფლებამოსილი ორგანოს მიერ მიღებული და დამტკიცებული ქცევის ნორმები, რომლებიც დარწმუნების ან იძულების წესით სავალდებულოა შესასრულებლად ამ სახელმ-



ნიფოს ტერიტორიაზე მყოფი ყველა ფიზიკური და იურიდიული პირისთვის. ეს „დარწმუნება და იძულება“, ბუნებრივია, სამართალდამცავი და რეპრესიული სისტემების არსებობასაც გულისხმობს. ადამიანის ქმედებათა შეზღუდვებისა და აკრძალვების მთელი ეს არცთუ უნაკლო, რთული და ბუმბერაზი სისტემა კაცობრიობამ შექმნა ადამიანის უფლებათა და თავისუფლებათა დასაცავად. მე, ადამიანს, სახელმწიფო მზღუდავს, მაიძულებს, მიკრძალავს, რათა მე ვიყო თავისუფალი! პარადოქსია, მაგრამ ადამიანის უფლებების და თავისუფლებების საგარანტიოდ უფრო ეფექტიანი საშუალება ძნელი წარმოსადგენია.

სახელმწიფოს არსებობის პირობებში, საზოგადოების ნებისმიერ წევრს არა აქვს ბევრი ქმედების შესრულების თავისუფლება (რასაც კანონი კრძალავს), მაგრამ უფლება აქვს, შეასრულოს უამრავი ის ქმედება, რომელთა შესრულების გარანტიას იძლევა იგივე კანონი. ანუ, მართალია, კანონი მე მზღუდავს, მაგრამ, ამავე დროს, სხვასაც უკრძალავს ჩემთვის რაღაც (უამრავი) ქმედების შესრულებაში ხელის შეშლას (ვეწვიო ეკლესიას, გამოვაქვეყნო ჩემი აზრი, გავაკრიტიკო ხელისუფლება, ვიმოგზაურო, განვექორწინდე...).

მოდით, კიდევ ერთხელ გავიხსენოთ „მამა“ ბასილ მკალავიშვილის დაპატიმრების ამბავი. ამ სასულიერო პირად გადაცმულ ხულიგანს და აშკარად ანტიქრისტიან „მოღვაწეს“, დაპატიმრების შემდეგ ქართულ საზოგადოებაში ბევრი დამცველი გამოუჩნდა. სასამართლო გადაწყვეტილება მის მიმართ იქნებ, მართლაც ზედმეტად მკაცრი იყო და ხელისუფლების დაკვეთის სუნიც დაჰკრავდა, მაგრამ აქ მთავარი ის არის, რომ საზოგადოების ერთმა ნაწილმა მის ქმედებაში კანონის დარღვევა ვერ დაინახა. ანუ საზოგადოების ერთ ნაწილს მიაჩნია, რომ კანონი არსებობს თავისთავად, განყენებულად და იგი განურჩევლად ყველას მიმართ არ უნდა განხორციელდეს. ცოტა უფრო შორს თუ წავალთ, ადამიანების ერთ ნაწილს თავისუფლება საკუთარ პრივილეგიად წარმოუდგენია.

**ასეთი რამ, ძირითადად, იქ ხდება, სადაც კანონი სხვისთვის და თავისუფლება საკუთარი თავისთვის წარმოუდგენიათ თვით ხელისუფლების წარმომადგენლებს და, სადაც კანონი არ შეესაბამება საყოველთაოდ აღიარებულ ნორმებს.**

სამართალმა უნდა დააკმაყოფილოს რაღაც პირობები, რათა შეასრულოს თავისი უმთავრესი ფუნქცია — ადამიანის ქცევათა

წარმართვა. ამ პირობებთან დაკავშირებით, არსებობს საყოველთაო კონსენსუსი. ფულერის ცნობილი „ჩამონათვალის“ გათვალისწინებით, ეს პირობები დაახლოებით ასე გამოიყურება:

1. კანონი უნდა იყოს ზოგადი;
2. უნდა გამოცხადდეს საჯაროდ;
3. არ უნდა ჰქონდეს უკუქცევითი ძალა;
4. უნდა იყოს ცხადი;
5. არ უნდა შეიცავდეს ურთიერთსაწინააღმდეგო ნორმებს;
6. არ უნდა ადგენდეს შესასრულებლად შეუძლებელ ნორმებს;
7. უნდა იყოს სტაბილური;
8. უნდა გამოიყენებოდეს თანმიმდევრულად.

რა თქმა უნდა, შეიძლება კიდევ ბევრი რამის თქმა, როგორი უნდა იყოს ან როგორი არ უნდა იყოს კანონი. აქ ამის განხილვის დრო და საშუალება არ არის, მაგრამ დამოუკიდებელი საქართველოს კანონმდებლობა, მთლიანად სამართლებრივი სივრცე, ფაქტობრივად, ვერცერთ ამ მოთხოვნას ვერ აკმაყოფილებს, რაც კანონების თვითნებური ინტერპრეტაციის საშუალებას იძლევა და, საბოლოოდ, საზოგადოებაში სამართლებრივი ნიჭილიზმისა და კანონდაუმორჩილებლობის სინდრომს აყალიბებს.

ოცდამეერთე საუკუნის დასაწყისის პოლიტიკურ ხვანჯერში გახლართულმა, მშიერმა, საკუთარი უთავისუფლებობით თუ უსაზღვრო თავისუფლებით განამებულმა ქართულმა ჟურნალისტიკამ ამისთვის ვერ მოიცალა.

სამწუხაროდ, არც ცოდნა და გამოცდილება ეყო.

## თავი XI

### თავისუფლება და ჟურნალისტიკა

საკმაოდ ხანგრძლივი ჟურნალისტური მოღვაწეობისას შევხვედრივარ ბევრ ადამიანს, ვინც თავგამოდებით იბრძოდა ჟურნალისტიკის თავისუფლებისთვის. სანაქებო და კეთილშობილური საქციელია, მაგრამ საქმე ის არის, რომ ამ ადამიანთა უმრავლესობას მიახლოებითი წარმოდგენაც კი არ ჰქონდა არც თავისუფლებაზე და არც ჟურნალისტიკაზე. თავისუფლება გულწრფელად ეგონა თანდაყოლილი ან მემკვიდრეობით მიღებული უფლებების პაკეტი, ხოლო ჟურნალისტიკა — ყველაფრის დაუბრკოლებლად თქმის და წერის შესაძლებლობა.

### სხივარი თავისუფლება

თუ გულწრფელად გაინტერესებთ თავისუფლების რაობა, მით უფრო, თუ ჟურნალისტი ხართ და ამის ცოდნა თქვენთვის მნიშვნელოვანია, გირჩევთ, ჩაატაროთ უბრალო ექსპერიმენტი: ავტორიტეტულ მეცნიერებს, სამეცნიერო დაწესებულებებს, გნებავთ, ასე მომრავლებულ ადამიანის უფლებათა დამცველ არასამთავრობო ორგანიზაციებს გაუგზავნეთ თხოვნა, ძალიან მოკლედ გიპასუხონ კითხვაზე: რა არის თავისუფლება?

დარწმუნებული ბრძანდებოდეთ, რომ ორასიდან ორასივე შემთხვევაში მიიღებთ განსხვავებულ პასუხს და... ყველა პასუხი იქნება პრინციპულად სწორი!

გულს ნუ გაიტეხთ — როგორც რაიმონდ არონი ამბობს, „თავისუფლების უნივერსალური და ერთადერთი ფორმულა არ არსებობს“. თვითონ თავისუფლების არსებობაში, მგონი, ეჭვი არავის ეპარება, მაგრამ თავისუფლების ზუსტი განსაზღვრება თითქმის ისევე შეუძლებელია, როგორც, მაგალითად, შიშის, სიძულვილის ან სიყვარულისა.

როცა თავისუფლებაზე ლაპარაკობენ, როგორც წესი, მოქალაქის პოლიტიკურ თავისუფლებას გულისხმობენ, რაც მოქალაქისა და სახელმწიფოს, მოქალაქისა და კანონის საკმაოდ რთულ ურთიერთობებს ეხება.

აბსოლუტურ, სრულ, უსაზღვრო თავისუფლებაზე საუბა-

რი არასერიოზულია. შეგვიძლია ვთქვათ, რომ **თავისუფლება არის ნებადართული ქმედებებისთვის რაიმე წინააღმდეგობის არარსებობა**. სიტყვა „ნებადართული“ იმიტომ მოვიშველიე, რომ სახელმწიფოს არსებობა, როგორც ვთქვი, თავისთავად გულისხმობს შეზღუდვათა და აკრძალვათა მთელ სისტემას. იმედია, **სახელმწიფოს წარმოშობის პრინციპიც გახსოვთ: თვითულის ყველასთან და ყველასი თვითულისთან დადებული ხელშეკრულება**. საკუთარი უფლებების და შესაძლებლობების ნებაყოფლობითი დელეგირება არჩეული პირის ან რჩეულთა კრებულის ხელში ქმნის დემოკრატიულ სახელმწიფოს, რომელიც არის (უნდა იყოს!) თვითულის თავისუფლების გარანტი. ასეთ ვითარებაში, შეზღუდვების და აკრძალვების გათვალისწინებითაც კი, ყოველ მოქალაქეს აქვს, უპირველეს ყოვლისა, არჩევანის თავისუფლება. სახელმწიფო ქმნის პირობას, რომ მოქალაქემ შეძლოს თავისუფალი არჩევანის გაკეთება, ხოლო კანონით დაშვებული ქმედებისთვის მას არ ხვდება რაიმე გარეგანი დაბრკოლება. ანუ თავისუფალია ის ადამიანი, ვისაც საქმის კეთებაში ხელს არაფერი არ უშლის და რის კეთებაც მას საკუთარი ფიზიკური და გონებრივი შესაძლებლობებიდან გამომდინარე შეუძლია.

მაგალითად, თუ ადამიანს ხელფეხი შეკრული აქვს და არ შეუძლია სიარული, იგი არ არის თავისუფალი, რადგან წინააღმდეგობა მასში კი არა, ბორკილებშია. სიარული არ შეუძლია ხეიბარსაც, მაგრამ ამ შემთხვევაში წინააღმდეგობა თვითონ ამ ადამიანშია. ამიტომ იგი თავისუფალია, თუმცა, სიარული მასაც არ შეუძლია. თუ მაქვს არჩევანის თავისუფლება, ესე იგი, ვარ თავისუფალი. მე არავინ არ მაიძულებს, შევიდე მაინცდამაინც იელოველთა სექტაში ან ლეიბორისტულ პარტიაში. არც ვინმე მიშლის, საკუთარი სურვილით ავირჩიო რელიგიური კონფესია ან პოლიტიკური პარტია, ვისწავლო ჰარვარდის უნივერსიტეტში ან ჯიხაიშის სასოფლო-სამეურნეო აკადემიაში, ცოლად შევიერთო მოზამბიკელი ზანგი ან დანიის პრინცესა, ვიყიდო „ზაპოროჟეცი“ ან მილიონახევარ ევროდ ღირებული „ბუგატ-ვეირონი“. სხვა საქმეა, რეალურად შემიძლია თუ არა იმის გაკეთება, რისი არჩევანის სრული თავისუფლებაც მაქვს. მაგალითად, საკმარისია თუ არა ჩემი არჩევანი დანიის პრინცესაზე დასაქორწინებლად ან „ბუგატ-ვეირონის“ საყიდლად. აქედან გამომდინარე, შეგვიძლია ვთქვათ, რომ რეალური თავისუფლება არის ის, რასაც ვუნოდებთ

შესაძლებლობას: თავისუფალია ჩემი შვილი, ვინც სწავლის გაგრძელება ჰარვარდის უნივერსიტეტში არჩია, მაგრამ თავისუფალი არა ვარ მე, მისი მშობელი, რადგან მატერიალური მდგომარეობა შვილის ჰარვარდში გაგზავნის საშუალებას არ მაძლევს.

რალაცის აკრძალვა ან შეზღუდვა არ ეწინააღმდეგება თავისუფლების ცნებას. მე, გაზეთ „დრონის“ (ან საქართველოს საზოგადოებრივი ტელევიზიის) კორესპონდენტს უფლება მაქვს არ შევასრულო რედაქტორის ნებისმიერი დავალება. ასეთ შემთხვევაში, რედაქტორსაც შეუძლია ჩემს მიმართ გამოიყენოს კანონით მისთვის მინიჭებული უფლებები — დამაჯარიმოს, მისაყვედუროს, სამსახურიდან გამათავისუფლოს. მაგრამ უფლება არა აქვს, მცემოს, გამლანძლოს, ან კუთხეში დამაყენოს.

საბოლოოდ, თავისუფლება და შესაძლებლობა ერთმანეთს უპირისპირდება. ლიბერალური დემოკრატიის ქვეყანაში სახელმწიფო ყოველთვის ცდილობს ამ დაპირისპირების შერბილებას და, როგორც წესი, ამას ახერხებს კიდეც. მაგალითად, ფერმერებს აძლევს შეღავათიან კრედიტებს, ამარაგებს მეცნიერული რეკომენდაციებით, ტექნიკითა და სასუქებით, რათა მათი არჩევანის თავისუფლება მიუახლოვდეს მათსავე შესაძლებლობას — მოიყვანოს მაღალი მოსავალი, მიიღოს მოგება და იყოს კონკურენტუნარიანი; არეგულირებს საგადასახადო სისტემას; იძლევა მიტინგების და მანიფესტაციების ჩატარების საშუალებას; ოპოზიციურ პოლიტიკურ პარტიებს უქმნის მოღვაწეობის სრულფასოვან პირობებს; გაჰყავს ჯარი ვიეტნამიდან (ავღანეთიდან, ერაყიდან, კამბოჯიდან, ანგოლიდან...).

**მოკლედ, სახელმწიფო ყველანაირად ცდილობს ბუნებრივად დაპირისპირებული ღირებულებები „თავისუფლება“ და „შესაძლებლობა“ გადააქციოს ერთაზროვან „თავისუფლება-შესაძლებლობად“. ხაზს ვუსვამ — ამას ლიბერალური დემოკრატიის სახელმწიფო აკეთებს რეალურად, საზოგადოებრივი აზრის გათვალისწინებით, ზედმეტი ფაციფუცის გარეშე, დაუმაძღვრებლად და უტყუარად.**

ყველაფერი ეს საზოგადოებას მიენოდება, როგორც მასზე ზრუნვა (და, რასაკვირველია, ასეც არის). ყველა სახელმწიფომ იცის, რომ თუ ასე არ მოხდა, საზოგადოებაში რევოლუციური დაპირისპირება, პრაქტიკულად, გარდაუვალია.

ზოგჯერ უმრავლესობა მოითხოვს ისეთი ღონისძიებების გატარებას (მაგალითად, კონსტიტუციურ ცვლილებებს), რაც უმ-

ცირესობას უსამართლოდ ან დამთრგუნველად ეჩვენება. ასეთ შემთხვევაში, კანონმორჩილ უმცირესობას ისლა დარჩენია, ელოდოს, როდის შეიგნებს უმრავლესობა საკუთარ სიბრძნევს და შეცვლის თავის გადაწყვეტილებას. თუ ვაღიარებთ, რომ დემოკრატიული ნორმები არის თავისუფლების არსი და ფუნდამენტი, მაშინ ყველაზე დიდი დემოკრატიც კი იძულებული გახდება დაეთანხმოს პარადოქსს — უნდა შევეგუოთ ჩავგრას თავისუფლების სახელით! ასეთია ლიბერალური დემოკრატიის დოგმატიზმი. მაგრამ ცხოვრებაში ასეთი რამ თითქმის არ ხდება. ცხოვრებაში მწარე სინამდვილესთან გვაქვს საქმე — ერთმანეთის პირისპირ დგება მარადიული ანტინომია: ფორმალური თავისუფლება და რეალური თავისუფლება, ანუ ზუსტად ის, რაზეც უკვე ვისაუბრეთ — თავისუფლება და შესაძლებლობა.

ჩვენ გვაქვს არჩევანის თავისუფლება და შეგვიძლია დაუბრკოლებლად ავირჩიოთ ჩვენთვის სასურველი რელიგიური კონფესია (სხვათა შორის, მეოცე საუკუნის ბოლოს ამ მტკივნეული არჩევანის წინაშე საქართველოს მოსახლეობის ათეისტური ნაწილი მართლაც დადგა). ამასთანავე, კონსტიტუციურად და, ჩავთვალოთ, რეალურადაც, ეკლესია გამოყოფილია სახელმწიფოსგან. მოკლედ, მორწმუნის თავისუფლება სახელმწიფოსთან მიმართებაში თითქმის უკიდევანოა. ვწუხვარ, მაგრამ უნდა ვთქვა, რომ სინამდვილეში მთლად ასე არ არის: ნებისმიერი რელიგიური კონფესიის (კათოლიკე, მართლმადიდებელი, ებრაელი, ბუდისტი, ბაპტისტი, ლუთერანი, კალვინისტი, შიიტი, სუნიტი, ისმაილიტი, ვაჰაბიტი, კრიშნაიდი და ა.შ. და ა.შ.) წევრი ვალდებულია დაემორჩილოს ამ კონფესიისთვის აღიარებულ დოგმებს. ამ დოგმების განსჯა-განხილვა ხშირად კატეგორიულად აკრძალულია, რადგან ისინი „ღვთის მიერაა ნაკარნახევი“ და „ჭეშმარიტია“. ასე რომ არ იყოს, ამ რელიგიური კონფესიის არსებობას აზრი არ ექნებოდა. ბევრი კონფესიის დოგმების მიხედვით, დაუშვებელია ქმედება, რომელიც შეურაცხყოფს მისი წევრის რელიგიურ რწმენას. ასეთი გამოვლინებანი სასჯელს იმსახურებს. ზოგი კონფესია, თავის მხრივ, პირდაპირ მოითხოვს აქტიურ მოქმედებას ურწმუნოთა სულების გადასარჩენად — ვინც თავის უფლებებს სხვათა მოსაქცევად არ გამოიყენებს, იგი საკუთარ სულსაც ვერ იხსნის.

ანუ ერთს დაუშვებლად და უდიდეს ცოდვად მიაჩნია საკუთარ საქმეებში სხვისი ჩარევა, მეორე კატეგორიულად მოითხოვს სხვათა მოქცევას და სწორედ სხვის საქმეში ჩაურევლობა მიაჩნია

უდიდეს ცოდვად. ნუ დაივიწყებთ, რომ უკლებლივ ყველა კონფესია არის „ჭეშმარიტი“, ხოლო ყველა დოგმა — “ურყევი“!

ასეთ შემთხვევაში, როგორც წესი, მწვავე დაპირისპირება გარდაუვალია. სხვას რომ თავი დავანებოთ, მრისხანე და დაუნდობელი ჯვაროსნული ომების იდეოლოგიური საფუძველიც სწორედ რელიგიურ კონფესიებს შორის დაპირისპირება იყო. თანამედროვე ეპოქაში რელიგიურ საფუძველზე ომები იშვიათია, მაგრამ საკმაოდ ხშირია კონფლიქტების მოსაგვარებლად სახელმწიფოს რეპრესიული აპარატის ამოქმედება.

ვითარება ზოგჯერ მართლაც პიკანტურია. მაგალითად, იელიოველებს, საკუთარი პაციფისტური რწმენებიდან გამომდინარე, ყოვლად წარმოუდგენლად მიაჩნიათ... სისხლის გადასხმა. არადა, ასეთი აუცილებლობა იელიოველის წინაშეც ხშირად ჩნდება — უბედური შემთხვევა ან სენი ადამიანებს რელიგიური ნიშნით ერთმანეთისგან არ ანსხვავებს! იწყება ხელჩართული დავა მედიცინასა და იელიოვას მონმეებს შორის, რაც პაციენტის დაღუპვით (თუ მორწმუნეებმა გაიმარჯვეს), ან მორწმუნეთა უმძიმესი შეურაცხყოფით (თუ მედპერსონალმა გაიმარჯვა) მთავრდება. უფრო სწორად, დაპირისპირება ამით არ მთავრდება, რადგან დისკუსიაში დაუყოვნებლივ ერთვებიან პოლიტიკური ძალები, არასამთავრობოები, სხვა რელიგიური კონფესიები, სამართალდამცავები, შარლატანები, დემაგოგები, სტუდენტები, უსაქმურები და ა. შ.

## **ჩემი მშვენიერი თავისუფლება**

დედამინაზე არც ერთი დესპოტი არ უარყოფს თავისუფლების მშვენიერებას, ოღონდ იგი სხვისთვის არ ემეტება. დარწმუნებულია, რომ „სხვა“ არ არის ამ მშვენიერების ღირსი. უთანხმოება „დესპოტსა“ და „სხვას“ შორის სუფევს არა თვითონ თავისუფლების გაგებაში (იგი ორივესთვის მშვენიერია!), არამედ ადამიანების შეფასებაში (მე ვარ თავისუფლების ღირსი, ის — არა!).

თავისუფლება თანასწორობასაც გულისხმობს. ბუნებრივია, არ ვლაპარაკობ ისეთ (საქართველოსნაირ) ქვეყანაზე, სადაც, მაგალითად, საპატიმრო ადგილების დეპარტამენტის ნორჩ თავმჯდომარეს ქვეყნის პარლამენტის ხანდაზმული წევრი თავის ტოლ-სწორად არ მიაჩნია; პარლამენტის უმრავლესობა არ

სცნობს უმცირესობას და რომელიმე მინისტრი პარლამენტის თავმჯდომარეს ამრეზით უყურებს. მე კლასიკური (ლიბერალური) დემოკრატიის ქვეყანაზე ვლაპარაკობ.

ასეთ ქვეყანაშიც კი სოციალური და პოლიტიკური თანასწორობა არავითარ შემთხვევაში არ იძლევა ეკონომიკური თანასწორობის საფუძველს, მაგრამ კატეგორიულად მოითხოვს ისეთი ინსტრუმენტის შექმნას, რომელიც ადამიანებს ღირსეული ცხოვრებისთვის აუცილებელ რესურსებს გადაუნაწილებს.

ოცდამეერთე საუკუნის დასაწყისის საქართველოში ასეთი „გადამანაწილებელი“ ინსტრუმენტი არ არსებობდა და, ალბათ, ამის ბრალი უნდა იყოს, რომ პარლამენტის წევრის საშუალო ხელფასი დაახლოებით 80-ჯერ აღემატებოდა პენსიონერის საშუალო შემოსავალს. ამით იმის თქმა მინდა, რომ თუნდაც ამ პარამეტრით, საქართველოს რიგითი მოქალაქე (პენსიონერი) და საშუალო ჩინოვნიკი (მინისტრის მოადგილე) არ შეიძლება ყოფილიყვნენ და არც იყვნენ თანასწორი — ჩინოვნიკს თავისუფლება საკუთარი მშვენიერი ნივთი ეგონა, „რიგითს“ — ცაში მოკიაფე ვარსკვლავი.

თავისუფლება, როგორც წესი, თავისებურად ესმით ლიბერალებს, სოციალისტებს, დიქტატორებს, ნაცისტებს, კომუნისტებს და, თუნდაც, ე. წ. პლანიფიკატორებს, რომლებიც ფიქრობენ, რომ თავისუფლება არის „გაცნობიერებული აუცილებლობა“. ვფიქრობ, პლანიფიკატორთა „გაცნობიერებული აუცილებლობიდან“ უმცირესობის მძლავრობამდე და ლიბერალური თავისუფლების სრულ უარყოფამდე მისვლას დიდი ფილოსოფოსობა არ უნდა სჭირდებოდეს. თუ ხელისუფლების უმაღლესი ეშელონის წარმომადგენელი (ვთქვათ, პრემიერ-მინისტრი) პარლამენტის დეპუტატის შეკითხვაზე პასუხობს, „ასეა საჭირო, მეტს არაფერს გეტყვი“, ეს ნიშნავს, რომ ბატონი პრემიერი არის პლანიფიკატორი და ქვეყანაში უკვე დასრულებულია „უმცირესობის მძლავრობისა“ და „ლიბერალური თავისუფლების სრული უარყოფის“ ჩამოყალიბების პროცესები.

სხვათა შორის, პლანიფიკატორებს ისიც მიაჩნიათ, რომ ქვეყანაში ეკონომიკური კეთილდღეობა მხოლოდ იძულებით მიიღწევა. ორაზროვნება რომ გამოირიცხოს, განვმარტავ, რომ პლანიფიკატორები მე, მოქალაქეს გამდიდრებას კი არ მაიძულებენ, არამედ მაიძულებენ ვიშრომო პრაქტიკულად უფასოდ, სხვათა



გასამდიდრებლად, ან ნებისმიერი საბაბით ჩამომართვან ქონება, თუ იგი გამაჩნია.

ვინაიდან თავისუფლება თავისებურად ესმით საზოგადოების სხვადასხვა სოციალური ჯგუფის წარმომადგენლებს, ამიტომ, როგორც ვთქვი, ადამიანებს ხშირად აბნევს თავისუფლების მაცდური ხიბლი და ნებისთ თუ უნებლიედ, ერთმანეთში ურევენ თანდაყოლილ და მემკვიდრეობით მიღებულ უფლებებს იმაში, რაც კანონით სახელმწიფოს ეკუთვნის. ხოლო თუ ამ შეცდომას ზურგს უმაგრებს მაღალი ავტორიტეტის მქონე პიროვნების თეორიული დასაბუთებაც, უეჭველად მივალთ აჯანყებამდე და სახელმწიფო გადატრიალებამდე.

ამგვარი პერსპექტივის კლასიკურ ნიმუშად „ვარდების რევოლუციაც“ გამოდგება.

მართალი გითხრათ, არ მჯერა, რომ იგი საქართველოში და ქართველების ხელით დაიგეგმა — საქართველოში არ არსებობდა ინსტიტუტი, რომლის ინტელექტუალური შესაძლებლობები ასეთი გრანდიოზული მასშტაბის აქციის ასე უზადოდ დაგეგმვასა და განხორციელებას განვდებოდა. თუმცა, აქ მნიშვნელოვანია შედეგი — ხელისუფლების ძალადობრივი შეცვლა, რომელსაც მისმა ორგანიზატორებმა უწოდეს რევოლუცია. იგი განხორციელდა და განვითარდა თეორიული თვალსაზრისით ბრწყინვალედ დამუშავებული სქემის მიხედვით და ულტრათანამედროვე პოლიტიკური ტექნოლოგიების ვირტუოზული გამოყენებით: თავიდან მოქალაქეთა კავშირს, მმართველ პარტიას (პარტია-სახელმწიფოს) რადიკალურად დაუპირისპირდა მისივე ერთ-ერთი ფრთა, რომელმაც საკუთარი თავი ძალიან სწრაფად წარმოადგინა ხალხის აბსოლუტური უმრავლესობის ნების გამომხატველად; შემდეგ მანვე შექმნა ხალხის დაუძინებელი მტრის ხატი პრეზიდენტ შევარდნაძის სახით (ნუ დაივიწყებთ, რომ იმ პერიოდში შევარდნაძე სამართლიანად სარგებლობდა მსოფლიო სოციალისტური სისტემის ერთ-ერთი დამანგრეველის სახელით, ანუ მისგან მტრის ხატის შექმნა ურთულესი ამოცანა იყო!); შემდეგ, ძალიან მოკლე დროში, თითქმის არარაობიდან შექმნა ურყევი ავტორიტეტი, ბელადი მიხეილ სააკაშვილის სახით; შემდეგ იპოვნა ძალიან ფაქიზი საბაბი „მასების“ ასამოძრავებლად — 2003 წლის 2 ნოემბრის არჩევნები, რომელიც არაფრით არ გამოირჩეოდა უახლოესი წინამორბედი არჩევნებებისგან; შემდეგ ძალიან იოლად „ააბუნტა“ საზოგადოება და

გადაიბირა შევარდნაძის განკარგულებაში არსებული მთელი რეპრესიული აპარატი არმიის, შს სამინისტროს, სპეციალური და საიდუმლო სამსახურების ჩათვლით; ბოლოს, ხელვარდიანი ბელადი პირადად შეიჭრა უმაღლესი საკანონმდებლო ორგანოს სხდომათა დარბაზში, რასაც თითქმის დაუყოვნებლივ მოჰყვა პრეზიდენტ შევარდნაძის ისტორიული გადანყვებილება — ნავედი სახლში! ყველაფერი ეს, ჩემი დაკვირვებით, სულ მცირე, რვა წლის განმავლობაში (1995 წლიდან) მზადდებოდა და, რაც ჩვენთვის, ჟურნალისტებისთვის ყველაზე საგულისხმოა, მზადდებოდა მასობრივი ინფორმაციის საშუალებების უაქტიურესი მონაწილეობით. შეიძლება თამამად ითქვას, რომ „**ვარდების რევოლუციის**“ ყველაზე მრისხანე იარაღი იყო მასმედია.

რა თქმა უნდა, ამის გამო მაშინდელ ქართულ მასმედიას არც ვაქებ და არც ვაძაგებ. უბრალოდ, იგი ძალიან ეფექტურად გამოიყენეს პოლიტექნოლოგიების ბრწყინვალედ მცოდნე უჩინარმა რეჟისორებმა. მერე კი, ხელისუფლებაში მოსულმა ახალმა კლანმა გუშინდელი თავგამოდებული მოკავშირეები გულგრილად და უბოდიშოდ ნაგავში მოისროლა. თან ისე, რომ პროტესტის გამოთქმის მორალური უფლებაც არ დაუტოვა.

ეს მწარე გაკვეთილი, ნესით, დიდხანს არ უნდა დაავინყდეს არა მარტო ქართულ, არამედ მსოფლიო ჟურნალისტიკას. იმათაც კი, ვისაც თავი, მეტი რომ არ შეიძლება, ისეთი თავისუფალი ჰგონია.

ქართული ჟურნალისტიკის ამ „რევოლუციურმა“ ნაწილმა, დემოკრატიზმის პრინციპებიდან გამომდინარე, ისარგებლა არჩევანის თავისუფლებით და მხარში დაუდგა რევოლუციას. თუ გულწრფელ შეცდომას გამოვრიცხავთ, შესაძლოა, იგი ასე არც მოქცეულიყო შესაძლებლობის, ანუ ეკონომიკური თავისუფლება რომ ჰქონოდა.

## იზივიუბათა ჯაჭვი

ქართული რევოლუციის ანალიზიდან გამომდინარე, შეგვიძლია დავასკვნათ, რომ თვით **ლიბერალური დემოკრატია და თავისუფლება არ არის საყოველთაო თანხმობისა და კეთილდღეობის გარანტია**. მაგრამ მაინც, იძულებული ვართ დავეთანხმოთ არისტოტელეს (ყველა გზა ხომ არისტოტელესთან მიდის!): „დემოკრატია გულისხმობს თავისუფლებას, ვინაიდან

საყოველთაოდ აღიარებულია, რომ ნებისმიერი სხვა მმართველობის პირობებში არავინ არ არის თავისუფალი“. თავისუფლების შემოქმედი დემოკრატიული სახელმწიფო, შესაძლოა, იყოს მილიტარისტულიც და პაციფისტურიც, პროგრესულიც და რეაქციულიც, აბსოლუტისტურიც და ლიბერალურიც, ცენტრალიზებულიც და დეცენტრალიზებულიც — სხვადასხვა ეპოქაში სხვადასხვაგვარი, მაგრამ მაინც დემოკრატიული. ცხადია, რომ დემოკრატიის ეკონომიკურ სფეროში გადატანით მისთვის რაიმე ახალი შინაარსის მინიჭება შეუძლებელია. მაშ, რაღა გვრჩება დემოკრატიისგან? ეს რომ დავადგინოთ, იგივეობათა მთელი რიგი უნდა განვიხილოთ.

**დემოკრატიისთვის არსებითია ის საკითხი, რომ მიღებული გადაწყვეტილებები მნიშვნელოვანია მხოლოდ გადაწყვეტილების მიმღებთათვის.** ის, რომ ამით უნდა უგულებელვყოთ უმცირესობა (ვინც უმრავლესობას ხმები დაუთმო), სიძნელეებს ქმნის მხოლოდ თეორიულად და მხოლოდ ერთი შეხედვით. აქ საფუძველს ქმნის დემოკრატიზმის ლოგიკიდან გამომდინარე იგივეობები — არსებითად დემოკრატიული არგუმენტაცია, რომ ნება უმცირესობისა, სინამდვილეში, ემთხვევა უმრავლესობის ნებას. ვინაიდან კანონი გამოხატავს საყოველთაო ნებას, დემოკრატიის პირობებში, მოქალაქე საკუთარი ნების საწინააღმდეგოდ მიღებულ კანონსაც ეთანხმება; ანუ მოქალაქე, თუნდაც არ აღიარებდეს კონკრეტულ შინაარსს, აბსტრაქტულად მაინც აღიარებს საყოველთაო ნების გამომხატველ არჩევნების შედეგებს. ხოლო არჩევნებში მონაწილეობს იმის გამო, რომ შესაძლებელი გახდეს ხმების დათვლა, რის მეოხებითაც ეს საყოველთაო ნება გაცხადდება. თუ შედეგები არ ემთხვევა ცალკეული ადამიანის არჩევანს, მაშინ მისთვის ნათელია, რომ საყოველთაო ნების შეფასებისას შემცდარა — რაც მე მეგონა, თურმე, ის სულაც არ ყოფილა საყოველთაო ნება. ვინაიდან საყოველთაო ნება შეესაბამება ჭეშმარიტ თავისუფლებას, გამოდის, რომ ვინც უმრავლესობასთან წააგო, იგი არ ყოფილა თავისუფალი. ამ იაკობინური ლოგიკის თანახმად, შეგვიძლია გავამართლოთ უმცირესობის უმრავლესობაზე ბატონობა, თანაც, დემოკრატიის მოშველიებით. ამავე დროს, შეგვიძლია შევინარჩუნოთ დემოკრატიული პრინციპის მთავარი ძარღვი, კერძოდ, კანონისა და ხალხის ნების იგივეობის დამკვიდრება. თუ სახელმწიფოს ყველა მოქალაქის ნება არ არის აბსოლუტურად ერთსულოვანი, მაშინ აბსტრაქტული ლოგიკისთვის არავინ

თარი მნიშვნელობა არა აქვს, რასთან გააიგივებენ ხალხის ნებას — უმრავლესობისა თუ უმცირესობის ნებასთან.

მართალია, ქართული დემოკრატიზმის ისტორია მხოლოდ 1990 წლიდან დაიწყო, მაგრამ ქართველი „სულერთია“ ამომრჩევლების ყური სწრაფად მიეჩვია გამოთქმას „ჩვენ ხელისუფლებაში ვართ“. ეს სიტყვათმეთანხმება ორთოგრაფიული და ვოკალური თვალსაზრისით ისედაც ტყუპისცალივით ჰგავდა გამოთქმას „ჩვენ ხელისუფლება ვართ“, ხოლო 2004 წლის ბოლოსთვის მას შინაარსობრივადაც შეერწყა. მეტიც, ულტრათანამედროვე პოლიტიკური ტექნოლოგიების წყალობით, საბედისწერო „ჩვენ ხელისუფლება“, „ჩვენ ერთი გუნდი ვართ“, ამომრჩეველთა ცნობიერებაში გაიგივდა „სახელმწიფოსთან“. ანუ, როცა ვინმე უბირი „ნაცი“ წარმოთქვამდა სიტყვას „ჩვენ“, იგი გულისხმობდა არა მარტო სახელისუფლო გუნდს, ან მთლიანად, ხელისუფლებას, არამედ საქართველოს სახელმწიფოს.

ეს მაგიური „ჩვენ“, ანუ პარტია-სახელმწიფო, ნაციონალური მოძრაობა, იგივე ხელისუფლება, იგივე უმრავლესობა, იგივე ჩვენი გუნდი, ხმების აბსოლუტური უმრავლესობით ავირჩიეთ ჩვენ — უპიროვნო მასამ. ამიტომ ყველაფერი, რასაც „ჩვენ“ ჩაიდენს, სავსებით სამართლიანია, ჩვენი ნების გამოხატულებაა და კეთდება სახელმწიფოს საკეთილდღეოდ. ასეთ შემთხვევაში, ვერ ვიტყვით, რომ საქართველოს ხელისუფლებამ ციხეებში გაუსამართლებლად გამოკეტა ათი ათასობით ადამიანი. ეს ათი ათასობით ადამიანი, რომელიც არის „ერთი გუნდის“, „ჩვენის“ ნაწილი, საერთო კეთილდღეობისთვის ციხეში ჩამჯდარა ნებაყოფლობით!

ასეთი ლოგიკით შესაძლებელია ხელისუფლების ნებისმიერი დანაშაულებრივი ქმედების, მათ შორის, დემოკრატიული პრინციპების უარყოფის, ეთნიკურ უმცირესობათა ან განსხვავებული აზრის მატარებელთა მასობრივი ხოცვა-ჟლეტის, დიქტატურის დამყარებისკენ სწრაფვის გამართლება.

ისტორიაში ცნობილი უკლებლივ ყველა რევოლუციური ხელისუფლება, უპირველეს ყოვლისა, პიროვნული, მოაზროვნე „ჩვენის“, ანუ ხალხისა და „ჩვენ ხელისუფლების“ გაიგივებას ცდილობს. საზოგადოება, როგორც წესი, თავიდან ამ მცდელობას ყურადღებას არ აქცევს; მერე შეგნებულად უგულებელყოფს (პასუხისმგებლობიდან თავის დაქვრენის მიზნით); მერე კი მოქმედებს ყოვლად ჩვეულებრივი შიშის სინდრომი და ადამიანური ვნებები — ვინძლო უზარმაზარი მუქთი ხაჭაპურიდან ცოტა მეც

მერგოს! საბოლოოდ, როგორც გარდაუვალ შედეგს, ვიღებთ დემოკრატიის მანტიით უხეშად შენიღბული მმართველობის უსასტიკეს ტოტალიტარულ რეჟიმს. ამიტომ ჟურნალისტიკის უპირველესი ვალია, ადამიანებს გააგებინოს, რომ ჩვენ, ამომრჩეველი და „ჩვენ“ ხელისუფლება სულაც არ არის იდენტური ცნებები. პირიქით, მათი გაიგივება, ამის მცდელობაც კი, საზოგადოებას, სახელმწიფოს უდიდეს განსაცდელს უმზადებს.

როცა ფართო საარჩევნო უფლებებს იღებს უამრავი ადამიანი, ეს სახელმწიფოსა და ხალხის იგივეობის დამკვიდრებისკენ სწრაფვის ნიშანია. მას საფუძვლად უდევს გარკვეული წინაპირობები, რომელთა გამო იგივეობები რეალობად აღიქმება. ეს სულაც არ ვნებს იმ ძირითად იდეას, რომ ლოგიკურად ყველა დემოკრატიული არგუმენტი იგივეობათა წყებას ეფუძნება. აქ შედის მმართველთა და მართულთა, ბატონთა და ქვეშევრდომთა იგივეობა; სახელმწიფოებრივი ავტორიტეტის სუბიექტისა და ობიექტის იგივეობა; ხალხისა და პარლამენტში მისი წარმომადგენლობის იგივეობა; სახელმწიფოსა და კანონის იგივეობა; საბოლოოდ, რაოდენობრივისა (რიცხოობრივი უმრავლესობის ან ერთსულოვნების) და ხარისხობრივის (კანონის სისწორის) იგივეობა. საუბარი ეხება არა იურიდიულად, პოლიტიკურად ან სოციოლოგიურად სინამდვილეში არსებულ რაღაც ერთიანობას, არამედ — გაიგივებას. საარჩევნო უფლებების გაფართოება, საარჩევნო პერიოდების შემცირება, რეფერენდუმების ჩატარება, მოკლედ, ყველაფერი, რაც დემოკრატიაზე მიგვანიშნებს, გამსჭვალულია იგივეობებით, თუმცა, არ არსებობს აბსოლუტური, უშუალო, რეალურად არსებული იგივეობა. რეალურ ერთგვაროვნებასა (ერთნაირობასა) და გაიგივების შედეგს შორის მუდამ რჩება რაღაც მანძილი. **ანუ, სულაც არ არის სავალდებულო, რომ მილიონობით ადამიანის მიერ გამოხატული ნება ემთხვეოდეს ცალკეული ინდივიდისას. ყველაფერი იმაზეა დამოკიდებული, როგორ იქმნება თვითონ ეს ნება.** ხალხის ნების თაობაზე უძველესი მოძღვრების დიალექტიკა დღემდე საკამათოა. ხალხის ქვეშარიტ ნებას, შესაძლოა, უმცირესობის ნება გამოხატავდეს, ხალხი შეიძლება მოტყუვდეს. საზოგადოებრივ ცნობიერებაზე პროპაგანდითა და პოლიტიკური მანიპულაციებით ზემოქმედების ტექნიკაც დიდი ხანია, ცნობილია. თავისუფლებისა და დემოკრატიზმის ურთიერთმიმართებებზე თანამედროვე სამართლის ფილოსოფიაში მოსაზრებები უამრა-

ვია. სულაც არ არის სავალდებულო, რომელიმე ერთს დავეთანხმოთ და დანარჩენი უარვყოთ, ან ავდგეთ და ყველა მოსაზრებას უკრიტიკოდ დავეთანხმოთ. ჩემი აზრით, მთავარია, ვიცოდეთ ასეთი თეორიების არსებობა და საჭიროების შემთხვევაში, ამოვიჩიოთ ისინი, რომლებიც ჩვენს სინამდვილეს ყველაზე მეტად მიესადაგება. შეცდომისაც ნუ შეგვეშინდება, ვინაიდან თქვენს (ჩვენს!) შეცდომას აუცილებლად გამოუჩნდება „პატრონი“, რომელიც მწარედ გაგვაკრიტიკებს და თვითონაც აუცილებლად შეცდება, რაც თავის მხრივ, ახალ ოპონენტს გააჩენს. ასე ნაბიჯ-ნაბიჯ მივუახლოვდებით ქვეყნარტებს. ვიმეორებ — მხოლოდ მივუახლოვდებით!

ყოველ შემთხვევაში, ვინც თავისუფლებაზე, დემოკრატიაზე, ხალხის ნებაზე ლაპარაკობს (დიასახლისები, უმუშევრები, პოლიტიკოსები) და ვინც წერს (პოლიტოლოგები, „წერას ატანილი“ უსაქმურები, ჟურნალისტები), ამ ცნებებზე ზოგადი წარმოდგენა მაინც უნდა ჰქონდეს. ამას ჩემი თანამემამულე კოლეგა-ჟურნალისტების საგულისხმოდ ვამბობ.

## **ჩემი ნება ხალხის ნება!**

დავუბრუნდეთ ხალხის ნებას და მის გამომხატველებს. თუ არ ვცდები, უმცირესობაზე ვსაუბრობდით. მაშ ასე, სავსებით შესაძლებელია, ჩემი, ერთი ადამიანის აზრი უფრო მნიშვნელოვანი და სასარგებლო იყოს, ზოგადად, ქვეყნის ყველა მოქალაქისთვის, უფრო ობიექტურად გამოხატავდეს მოქალაქეთა უმრავლესობის ნებას, ვიდრე, ვთქვათ, თბილისის ლილოს, ელიავას და გლდანის ბაზრობების უკლებლივ ყველა მყიდველ-გამყიდველისა ერთად.

ეს არ გახლავთ უბრალო სიტყვებით თამაში ან სოფისტური მსჯელობა — „ნამდვილი დემოკრატები“ ძალიან ხშირად აღმოჩნდებიან ხოლმე უმცირესობაში — პარლამენტშიც და, რაც კიდევ უფრო ტრაგიკულია, პარლამენტს გარეთაც. ნათქვამი რომ უფრო ცხადი გახდეს, მოდი, ისევ საქართველოს უახლეს ისტორიას დავუბრუნდეთ.

როგორც ვთქვი, მეოცე საუკუნის მიწურულიდან მმართველი პარტიის, მოქალაქეთა კავშირის უმცირესობამ დაიწყო საზოგადოებრივი აზრის „დამუშავება“, რომ სწორედ იგი (უმცირესობა, ანუ „ახალგაზრდა რეფორმატორები“) გამოხატავდა ხალხის აბ-

სოლუტური უმრავლესობის ნებას. მან საკუთარი ნება გააიგივა ხალხის ნებასთან. მეტიც, შეძლო, ფაქტობრივად, გაეკონტროლებინა ხალხის სურვილებიც, უფრო ზუსტად, მოხერხებულად ემართა ისინი. მოხდა ზუსტად ის, რაც მოხდა კუბაში გასული საუკუნის 50-იანი წლების ბოლოს, როცა არცთუ მრავალრიცხოვანმა შეიარაღებულმა ჯგუფმა ფიდელ კასტროს მეთაურობით დაამხო პრეზიდენტ ბატისტას ხელისუფლება და ჯერ საბჭოთა კავშირის, შემდეგ რუსეთის სამხედრო, ეკონომიკური, პოლიტიკური მხარდაჭერით ნახევარი საუკუნის განმავლობაში შეინარჩუნა ძალაუფლება. „დემოკრატია“ კასტრომ მაშინ დაუყოვნებლივ გამოაცხადა საკუთარი შეიარაღებული რაზმი კუბელი ხალხის ნების ერთადერთ გამომხატველად. მოვლენათა ასეთ განვითარებას ყოველთვის მოჰყვება ხოლმე სწრაფვა დიქტატურისკენ ჭეშმარიტი დემოკრატიის სახელით. ეს სწრაფვა ძალიან მალე გადაიქცევა რეალობად — გუმინდელი უმცირესობა მოიპოვებს თითქმის საყოველთაო მხარდაჭერას და უკვე უმრავლესობის სახელით დიქტატურას ამყარებს. კიდევ უფრო მოკლედ და ცხადად რომ ვთქვა, **დემოკრატია არ გამოირიცხავს დიქტატურას**. აქაც საქმე გვაქვს გაიგივებასთან, უფრო ზუსტად, იმ საკითხის გარკვევასთან, ვის ხელში უნდა იყოს ხალხის ნების ჩამომყალიბებელი საშუალებები: სამხედრო და პოლიტიკური ძალები; პროპაგანდა; მასმედიის საშუალებებით საზოგადოებრივ აზრზე, პარტიულ ორგანიზაციებზე, განათლების სისტემაზე, პროფკავშირებზე კონტროლი...

კიდევ ერთხელ, გთხოვთ, ყურადღება მიაქციოთ, რა მნიშვნელოვანი როლი ეკისრება მასმედიას ხელისუფლების დიქტატურისკენ მიმავალ გზაზე.

## აღმსარებლობის თავისუფლება

სახელმწიფოს და რელიგიის „სამოქმედო ზონების“ გამიჯვნა კაცობრიობის ისტორიაში ერთ-ერთი ურთულესი საკითხია. ხან ეკლესია მძლავრობდა სახელმწიფოზე, ხან სახელმწიფო — ეკლესიაზე. მას შემდეგ, რაც ნაპოლეონ ბონაპარტემ რომის პაპს იმპერატორის გვირგვინი გამოსტაცა და თავზე საკუთარი ხელით მოირგო, ინიციატივა საბოლოოდ გადავიდა სახელმწიფოს მხარეს (ალბათ, ღირს გავიხსენოთ, რომ ნაპოლეონის ამ გახმაუ-

რებულ ჟესტამდე შვიდი საუკუნით ადრე, საერო ხელისუფლების განსამტკიცებლად გატარებული შთამბეჭდავი ლონისძიებები მეფე დავით აღმაშენებელმა\* რუის-ურბნისის საეკლესიო კრებით დაავკირგვინა). თუმცა, რელიგიის როლი და მნიშვნელობა ამით სულაც არ დაკნინებულა. თვით საბჭოთა ეპოქაშიც კი, 1918 წლის კონსტიტუციის თანახმად, ეკლესია გამოეყო სახელმწიფოს, გამოცხადდა რწმენის თავისუფლება, ყოველ მოქალაქეს მიეცა რელიგიური და ათეისტური პროპაგანდის უფლება. თუმცა, კონსტიტუციაში ნათქვამი იყო, რომ მორწმუნეებს ჰქონდათ რწმენის სრული თავისუფლება... „ღვთისმსახურების გარკვეული რელიგიური წესებით აღსრულებისა და კულტის პირობების შექმნის გარეშე“(!). არ შეიძლებოდა საკულტო ნაგებობების მშენებლობა, რელიგიის ისტორიისა და რელიგიის ფლოსოფიის სწავლება ყველა დონის სკოლებში. სახელმწიფო უარს აცხადებდა ღვთის მსახურთა სოციალურ უზრუნველყოფაზე და სხვა მრავალი. ანუ პირველი (და ყველა მომდევნო) საბჭოთა კონსტიტუციით აღიარებული აღმსარებლობის თავისუფლება იყო ფარსი.

კომუნისტური რეჟიმისა და იდეოლოგიისგან გათავისუფლებული საქართველოს ხელისუფლებები თხუთმეტ წელინაღზე მეტი ხნის განმავლობაში მოქმედებდნენ ლოზუნგით: „მეტი თავისუფლება ქართულ მართლმადიდებელ ეკლესიას!“ ამავე დროს, მართლმადიდებელ ეკლესიასთან დადეს ხელშეკრულება (კონკორდიუმი), რომლის ძირითადი მიზანი იყო ამ რელიგიური კონფესიის საჯარო სამართლის სუბიექტად გადაქცევა და მასზე სახელისუფლო კონტროლის დამყარება. ამასთანავე, მისთვის განსაკუთრებული პრივილეგიების მინიჭება სხვა რელიგიურ კონფესიებთან შედარებით. მოხდა ერთი რელიგიური კონფესიის თავისუფლების საზღვრების ხელოვნური გაფართოება სხვა კონფესიების თავისუფლების შეზღუდვის ხარჯზე, რაც რელიგიურ ნიადაგზე მოქალაქეთა დაპირისპირების წინაპირობაა.

საქართველოს ხელისუფლებამ კუთვნილი კი არ მიუზღო საქართველოს ისტორიის წინაშე მართლაც უზარმაზარი დამსახურების მქონე ქართულ მართლმადიდებელ ეკლესიას, არამედ მისი მოსყიდვა და ძალაუფლებისთვის პოლიტიკური ბრძოლების ორომტრიალში ჩათრევა სცადა. მეტიც, მართლმადიდებელი ეკლესიის მართვის სისტემა ქვეყნის პოლიტიკური მმართველო-



ბის სისტემის თარგზე გადაიყვანა, რამაც, როგორც გარდაუვალი შედეგი, თვითონ ეკლესიის წიაღში გააჩინა მრავალი დაპირისპირება, როგორც პიროვნულ, ისე მსოფლმხედველობრივ და იერარქიულ დონეებზე: გაჩნდა ახალი ე.წ. „ჩემი ეკლესიები“, „ჩემი ეპარქიები“, შეურიგებელი თეოლოგიური თვალსაზრისები, რევიზიონისტული მიმდინარეობები და ა. შ.

ვიდრე მართლმადიდებელი ეკლესია თავისუფლებას ზეიმობდა, მთელი საქართველოს მასშტაბით ახალი მცირე, დიდი თუ გრანდიოზული მასშტაბის ტაძრებისა და რეზიდენციების მშენებლობებით, ახალ-ახალი წმინდანებისა და საოცრებების აღმოჩენებით გვატკობდა, ქვეყანაში უამრავი ძველი და ახალი, შინაური და უცხოური სექტა გააქტიურდა... ამას ზედ დაერთო სახელგატეხილ და სინდისგარეცხილ ჩინოვნიკ-ფუნქციონერთა ხატების წინ საჯარო სერიული კეკლუცობანი; სასულიერო კადრების გაახალგაზრდავების ყოვლად უცნაური და გაუგებარი პროცესები; ორთოდოქს მართლმადიდებელთა რელიგიურ-პოლიტიკური ჯგუფების შექმნა; სასწავლებლებში მართლმადიდებლობის, როგორც საგნის სწავლებისა და სასულიერო პირების შეყვანის მცდელობები; უვიცთა და ვიგინდართა ხელით და ჭკუით შექმნილი „რელიგიური“ ჟურნალ-გაზეთების გამოცემა...

საბოლოოდ, შეიძლება ითქვას, რომ ქართულმა მართლმადიდებელმა ეკლესიამ რეალური თავისუფლების ნაცვლად ხელისუფლებისგან მიიღო პრივილეგიები, ხოლო ხელისუფლებამ მადლიერი ეკლესიისგან — პოლიტიკური მხარდაჭერის ჩუმი დასტური.

რელიგიური შეფერილობის სკანდალურ ისტორიებს თუ არ გავითვალისწინებთ, ქართული ჟურნალისტიკა, განსაკუთრებით, ტელეარხები, ქართული მართლმადიდებელი ეკლესიის თავისუფლებით, საერთოდ, რელიგიური პრობლემებით სერიოზულად არც მაშინ და არც მერე არ დაინტერესებულან. გულშემატკივრულ, საქმის ცოდნით გაკეთებულ გადაცემებს და სტატიებს ვგულისხმობ.

თუმცა, ალბათ, ქართული ჟურნალისტიკისგან მეტისმეტს მოვითხოვ — მას ხომ „გონებრივი შეტევა“ მაშინაც კი არ წამოუნყია, როცა პრეზიდენტის მითითებით თბილისის „რესპუბლიკის მოედნიდან“ დავით აღმაშენებლის ძეგლი გარეუბანში გადაიტანეს, მის ადგილას 2003 წლის „რევოლუციის“ სიმბოლოს

დადგმა გადაწყვიტეს, ხოლო თვითონ მოედანს სახელი გადაარქვეს და „ვარდების რევოლუციის მოედანი“ უწოდეს. ეს პრობლემა ხომ რელიგიურთან შედარებით განუზომლად მარტივი იყო. ქართულმა ჟურნალისტიკამ სუვერენის ნების წინააღმდეგ წასვლა ვერ გაბედა, ან საჭიროდ არ ჩათვალა, ან კომპეტენცია არ ეყო, ან — ყველაფერი ერთად. თავს არ ვიმართლებ — მეც იმ მხდალებში, მიუხევედრელებსა და არაკომპეტენტურებში ვწერივარ, რადგან, ალბათ, ცდა დავაკელი და თანამოქალაქეებს კარგად ვერ ვუთხარი, რას უქადდა ხელისუფლების ზღვარდაუდებელი თავხედობა.

საერთოდ, პოსტკომუნისტურ სივრცეში რელიგიის თავისუფლებაზე საუბარი საჭირო და სასარგებლო მგონია. მხოლოდ იმ შემთხვევაში, თუ ამით ჟურნალისტების გარდა ფილოსოფოსები, თეოლოგები, სასულიერო მოღვაწეები და მაღალი რანგის ჩინოვნიკებიც დაინტერესდებიან.

## ჟურნალისტიკა ჭაოში

პასუხგაუცემელი კითხვა XXI საუკუნის დამდეგს გაცილებით მეტი დაგროვდა, ვიდრე პლატონის, არისტოტელეს ან ალორძინების ეპოქაში. ამის მიუხედავად, ცხოვრება გრძელდება: სახელმწიფოები ქრებიან და იქმნებიან; არ წყდება ომები და რევოლუციები — არც იარაღით, ნარკოტიკებით და ადამიანებით ვაჭრობა; ადამიანები ისევ ჩაგრავენ ერთმანეთს, ისევ ლალატობენ, ისევ ცრუობენ, ისევ ოცნებობენ ძალაუფლებაზე და იდეალურ სახელმწიფო წყობილებაზე; ისევ უყვართ და ისევ სძულთ; ისევ წერენ ფილოსოფიურ ტრაქტატებს, ელეგიებს და სასიყვარულო ბარათებს. ასე იქნება კაცობრიობის ისტორიის დასასრულამდე. ეს კი ნიშნავს, რომ მომავალშიც, უსასრულოდ დიდი ხნის განმავლობაში გაგრძელდება კამათი ადამიანების ჭეშმარიტ უფლებებსა და თავისუფლებებზე, ამ მიმართებით სახელმწიფოს, სამართლის, კანონის როლსა და დანიშნულებაზე.

დემოკრატიული პრინციპების უგულვებლყოფის ნათელი მაგალითი იყო რუსული ბოლშევიზმი, თუმცა, მისი თეორიული არგუმენტაცია არ სცდებოდა დემოკრატიის ჩარჩოებს და პოლიტიკური დემოკრატიის ბოროტად გამოყენების მიზნით, წარმატებით იყენებდა თანამედროვე კრიტიკას და გამოცდილებას: ის,

რაც დღეს დასავლეთევროპული სახელმწიფოების კულტურაზე დემოკრატიის სახელით ბატონობს, კაპიტალის ეკონომიკური ბატონობის ფასადია და სხვა არაფერი. პირველად კაცობრიობის ისტორიაში მხოლოდ კომუნიზმს შეუძლია მოიტანოს ჭეშმარიტი დემოკრატია.

თუ დაფუკვირდებით, დემოკრატიის ბოლშევიკებისეული არგუმენტაცია დიდად არ განსხვავდება იაკობინურისგან და ორივე ერთად — XXI საუკუნის დამდეგის ქართულ-ნაციონალურისგან. თუმცა, ვმსჯელობ პრეზიდენტ სააკაშვილის ხელისუფლების მხოლოდ მოქმედებიდან გამომდინარე, რადგან მას საკუთარი ქმედებების გასამართლებლად რაიმე თეორიული წერილობითი დოკუმენტი არ შეუქმნია. თავის მხრივ, საინტერესოა დემოკრატიისადმი როიალისტების („კონტრ-რევოლუციონერების“) ზიზღიანი დამოკიდებულება: „დღეს გაბატონებული საზოგადოებრივი აზრი ისე სულელურია, რომ თუ სწორად დაამუშავებ, უარს საკუთარ ძალაუფლებაზეც კი ატქმევიანებ. მართალია, ეს ნიშნავს, რომ სულელისგან ჭკვიანური საქციელი მოითხოვო, მაგრამ ისიც ხომ არ შეიძლება, მუდამ პოულობდე სულელურ მოტივებს იმ ქმედებებისთვის, რაც სრულებით არ არის სულელური...“

გვინდა თუ არა, ეს სიმპათიური მსჯელობა თავისუფლება-დემოკრატიაზე უთუოდ მიგვიყვანს ხელისუფლების ლეგიმიტაციის, პარლამენტარიზმის, მმართველობის სხვა სისტემების ძალიან აქტუალურ, საინტერესო და უსასრულოდ ბევრ პრობლემამდე, რაც, ბუნებრივია, ვერ ეტევა ჩვენი „საუბრების“ ინტერესებში.

**ჩვენს უგანათლებულეს საუკუნეშიც არ წყდება გონებათა ჭიდილი „უბრალო“ საკითხის გასარკვევად — სად ვეძებთ თავისუფლების არსი, ჩემში (აღამიანის არსებაში), თუ ჩემს გარეთ (სახელმწიფო მონყობაში). ისიც პრობლემატურია, უზრუნველყოფდა თუ არა აღამიანის პოლიტიკურ უფლებებსა და თავისუფლებებს თუნდაც იდეალური სამართალი, თუ კი მისი შექმნა საერთოდ, შესაძლებელია.**

თუ მოგეჩვენებათ, რომ მსჯელობისას მეტისმეტად ხშირად ვიშველიებ მაგალითებს საქართველოს ისტორიიდან, გთხოვთ, დიდსულოვნად მომიტევოთ — უნგრელი ან კოლუმბიელი რომ ვიყო, უნგრულ ან კოლუმბიურ მაგალითებს მოვიშველიებდი (იცოცხლეთ, პრობლემები იქაც თავზე საყრელია). საქართველო

სულაც არ არის ერთადერთი და განუმეორებელი. გზა, რომელსაც იგი დაადგა, ოდესღაც უკვე ბევრმა ჩვენთვის სანიმუშო ქვეყანამ განვლო. ამ გზაზე მსოფლიოს ბევრი ქვეყანა დღესაც მიჯახირობს — ზოგი წინ მიგვიძღვის, ზოგიც უკან მოგვჩანჩალებს.

ალბათ, მკრეხელობა იქნება იმის მტკიცება, რომ XXI საუკუნის დამდეგის საქართველოს მმართველობის რეჟიმი ყველაზე შავბნელი, ხოლო ქართული ჟურნალისტიკა ყველაზე უუნარო და უუფლებოა დედამიწის ზურგზე. ასე, რა თქმა უნდა, არ არის და ამის დასტურია თუნდაც ის ფაქტი, რომ თქვენ ჩემს ამ მოსაზრებებს ეცნობით. თუმცა, არც პიროვნული, არც პოლიტიკური, არც ეკონომიკური თავისუფლება უბრძოლველად არ მოიპოვება. ამ ბრძოლაში კი ძალიან სერიოზული, ძალიან საპატიო და ძალიან საპასუხისმგებლო მისია სწორედ ჟურნალისტიკას აკისრია. იმჟამინდელი ქართული ჟურნალისტიკა ამ მისიას, რბილად რომ ვთქვა, ცუდად ასრულებდა. ამას ბევრი მიზეზი ჰქონდა, რის თაობაზე უკვე მოგახსენეთ და, თუ ნებას მომცემთ, კიდევ ერთხელ გავიმეორებ: ქვეყნის უმძიმესი ეკონომიკური მდგომარეობა; საზოგადოების მეტისმეტი პოლიტიზაცია; ძლიერი კომუნისტური ინერცია; ხელისუფლების სწრაფვა აბსოლუტური ძალაუფლებისკენ და თავისუფალი მასმედიის არსებობით მისი დაუინტერესებლობა; გამოუცდებლობა; სრულფასოვანი პროფესიული ჟურნალისტიკური კადრების უკიდურესი სიმწირე; ჟურნალისტიკური სკოლის ფაქტობრივი არარსებობა; ბიზნეს წრეების მხრიდან მასმედიის უგულვებელყოფა; აკადემიური წრეების აშკარად მოგონილი ნეიტრალიტეტი (სინამდვილეში — ხელისუფლებისადმი შიში), გარე ძალების ჩარევები...

ამ და კიდევ სხვა მრავალი დიდი და მცირე ობიექტური და სუბიექტური მიზეზის გამო, ოცდამეერთე საუკუნის დამდეგის საქართველოში მივიღეთ ჟურნალისტიკის სუროგატი, რომელიც, ფაქტობრივად, ვერავითარ (საგრძნობ) ზეგავლენას ვერ ახდენდა ვერც ხელისუფლებაზე, ვერც საზოგადოებრივ ცნობიერებაზე, ვერც მოვლენათა განვითარებაზე. მან დაკარგა უმთავრესი ფუნქცია საზოგადოებრივი აზრის წარმმართველისა და ბრბოს იაფფასიანი მოთხოვნების დონემდე დაეშვა. ქართული ჟურნალ-გაზეთების უდიდესი უმრავლესობა, წმინდა პროფესიული თვალსაზრისით, ღრმა პროვინციალიზმის ჭაობში ყელამდე ჩაეფლო. სალი ანალიზის, ე. წ. კონსტრუქციული კრიტიკის ადგილი უაზრო ქილიკმა, ახლადგამოჩეკილი ქართული

ბომონდის პიკანტურმა ისტორიებმა და ხელისუფლების თავზე-ხელაღებულმა ლანძღვა-გინებამ დაიკავა. საბოლოოდ, ამ პერიოდის ქართულ ჟურნალისტიკაში შეიქმნა ის ვითარება, რაც მხოლოდ შეიძლებოდა ენატრა დემოკრატიით შენიღბულ, აბსოლუტური ძალაუფლებისკენ მიმავალ ხელისუფლებას.

ის, რომ ამაში ახალი არაფერია და, თუნდაც, მეოცე საუკუნის მსოფლიო ისტორიას უარესიც ახსოვს, დიდი ვერაფერი ნუგეშია. ავადმყოფმა ქართულმა ჟურნალისტიკამ, იმის გარდა, რომ საკუთარ ფუნქციას ვერ ასრულებდა და ქვეყნის დემოკრატიზაციის, ზოგადად, ქვეყნის წინსვლა-აღმშენებლობის პროცესში ვერ მონაწილეობდა, თავისი იძულებითი უმოქმედობით უაღრესად ნეგატიური გავლენა იქონია მთლიანად საზოგადოებრივ ცნობიერებაზე, დაამკვიდრა საშიში სტერეოტიპი — „ალბათ ასეა საჭირო“, „მანც არაფერი შეიცვლება“.

ისტორიის განვითარების ლოგიკიდან გამომდინარე, ამგვარი ვითარების ხანგრძლივი დროით შენარჩუნება (თუნდაც, 15-20 წლით) შეუძლებელია. შეუძლებელია რევოლუციური ცვლილებებით პრობლემების გადაწყვეტაც — კიდევ ერთხელ რამდენიმე ათეული წლით უკან დაბრუნების პერსპექტივა. რჩებოდა ორი იმედი — ქართულ ინტელექტუალურ საზოგადოებაში შიშის ძლევა (სინდისის კარნახით გმირული ქმედებებისკენ მისწრაფება); და ე. წ. მეგობარი ქვეყნების (პირველ რიგში, აშშ, გერმანია, რუსეთი..) დახმარება, თუ ამ ქვეყნებში მიაჩნდათ, რომ საქართველო იყო მსოფლიო ცივილიზაციის ნაწილი და ქართველ ხალხს იმაზე მეტი ინტელექტუალური შესაძლებლობები ჰქონდა, ვიდრე ეს პროვინციული სასტუმროების მოსამსახურე პერსონალს სჭირდება.

სხვათა შორის, ქართველი ხალხისადმი „მეგობრების“ დახმარება იყო მათი მორალური ვალდებულებაც, რადგან ქართველ ხალხს სწორედ მათ მოახვიეს თავს „ვარდების რევოლუცია“ და აუხდინეს ბიბლიური წინასწარმეტყველება: **„სარდლებად ბიჭ-ბუჭებს დაუდგენ და ქარაფშუტები იზატონებენ მათზე. დაითრგუნება ხალხი, კაცი კაცს დაჩაგრავს, მოყვასი მოყვასს, ბავშვი გაუმედიდურდება მოხუცს, უღირსი — პატივდებულს“** (ესაია, თ. 2. 4-5).

## თავი XII

### პოლიტიკა და ჟურნალისტიკა

„მე პოლიტიკოსი ვარ!“ — ჩემდა სამარცხვინოდ, არ მახსოვს, მსგავსი რამ საჯაროდ განცხადებინოს მსოფლიო პოლიტიკაში აღიარებულ ისეთ ავტორიტეტებს, როგორებიც იყვნენ შარლ-მორისი ტალეირანი, უინსტონ ჩერჩილი, შარლ დე გოლი, ფრანკ-ლინ რუზველტი\*, ჯონ ადამსი, ოტო ფონ ბისმარკი\*, ჯორჯ ვაშინგტონი, იოსებ სტალინი, ჰენრი კისინჯერი\*, ჯეიმს ბუიკერი\*, ჰელმუტ კოლი\*, ჰანს-დიტრიხ გენშერი\* და მრავალი სხვა. აღარაფერს ვამბობ დღესაც თბილისის კრწანისის რეზიდენციაში მცხოვრებ ედუარდ შევარდნაძეზე — მეორე ქართველზე (სტალინის შემდეგ), ვინც მეოცე საუკუნეში უშუალოდ მონაწილეობდა ახალი მსოფლიო წესრიგის დამყარებაში.

მსოფლიო პოლიტიკაში მოღვაწე აქ ჩამოთვლილმა და კიდევ უამრავმა უნიჭიერესმა ადამიანმა, სავარაუდოდ, შესანიშნავად იცოდა და იცის საკუთარი თავის ფასი. არც საკუთარი ნაღვანის შეფასება-წარმოჩენაზე ამბობს უარს (ამაზე მეტყველებს, თუნდაც, უმდიდრესი მემუარული ლიტერატურა), მაგრამ მანაც ყველა ერთსულოვნად ერიდება განცხადებას — „მე პოლიტიკოსი ვარ!“

ეს იმის ბრალი უნდა იყოს, რომ პოლიტიკა ადამიანთა მოღვაწეობის ურთულესი სფერო და ხშირად, უმაღური საქმეა — შენს მიერ პატიოსნად და რუდუნებით ნაკეთები კეთილი საქმე იქნებ მრავალი ათეული წლის შემდეგ დაფასდეს, ან არ დაფასდეს არასოდეს. პოლიტიკოსობა რთულიც არის, საპატიოც, თავის გამოჩენის და ისტორიაში შესვლის საშუალებასაც იძლევა, მაგრამ საკუთარი ავტორიტეტისთვის დიდ საფრთხეს შეიცავს და თავგანწირვასაც მოითხოვს. ის, ვინც ამ ამბიციურ განცხადებას გააკეთებს, ფაქტობრივად, კარგავს შეცდომის უფლებას. პოლიტიკა კი, სხვა მრავალთან ერთად, შეცდომების აღიარების და გამოსწორების ხელოვნებაცაა.

ახლა ჩამოგივლით გვარებს, რომლებიც ჩვენს შთამომავლობას არც რამეზე დააფიქრებს და არც რამეს გაახსენებს: არველაძე, ბოკერია, ბექაური, ბეგაშვილი, ბაქრაძე, ბალათურია, კალანდაძე, კირკიტაძე, გვარამია, სამყურაშვილი, ნადირაძე, გოგორიშვილი, გუგავა, შატბერაშვილი, თარგამაძე... ამ ადამი-

ანებს მაღალი ტრიბუნებიდან ხშირად უთქვამთ ფრაზა — „მე პოლიტიკოსი ვარ“. მსოფლიო პოლიტიკას რომ თავი დავანებოთ, ისინი ვერასოდეს ვერ დაიმკვიდრებენ ადგილს საქართველოს პოლიტიკურ ისტორიაშიც კი, რადგან მათ, საეჭვოა, იცოდნენ, რა არის პოლიტიკა. კაცმა რომ თქვას, არც შეიძლება იცოდნენ, რადგან აქ ჩამოთვლილი და XXI საუკუნის დასაწყისის ქართულ პოლიტიკაში „მოღვაწე“ სხვა ადამიანთა უმრავლესობას საკუთარი მოღვაწეობის ასპარეზად არჩეული სფეროს შესასწავლად და გასაცნობიერებლად არც დრო ჰქონია და არც გონებრივი შესაძლებლობები. მთავარი უბედურება კი ის არის, რომ ამ ადამიანებს „პოლიტიკოსებად“ აღიარებს საზოგადოების მნიშვნელოვანი ნაწილი, მათ შორის, ბევრი ჟურნალისტიც.

მაინც, რას ნიშნავს ეს ავბედითი პოლიტიკა?

პოლიტიკური სოციოლოგიის ერთ-ერთი ფუძემდებლის, მაქს ვებერის აზრით, ამ ცნებას ძალიან ფართო გაგება აქვს და გულისხმობს დამოუკიდებელი მართვის თითქმის ყველა სახეობას — ბანკების სავალუტო პოლიტიკიდან დაწყებული, ჭკვიანი ცოლის მიერ ნიჭიერი ქმრის მართვის პოლიტიკით დამთავრებული.

**ტრადიციული და ფართო გაგებით, პოლიტიკა ნიშნავს პოლიტიკური კავშირის (სახელმწიფოს) მართვაზე ზეგავლენას ან უშუალოდ მართვას.**

**პოლიტიკა ნიშნავს აგრეთვე ხელისუფლებაში მონაწილეობისკენ ან ძალაუფლების განაწილებისკენ სწრაფვას სახელმწიფოს შიგნით ან სახელმწიფოთა შორის.**

სამწუხაროდ, საქმე ისე უბრალოდ არ არის, რომ პოლიტიკაზე საუბარი ამით დაგვემთავრებინა.

ვინაიდან პოლიტიკა სახელმწიფოს შიდა და სახელმწიფოთა შორის ურთიერთობების მართვას, ან მასზე ზეგავლენას გულისხმობს, ჯერ თვითონ სახელმწიფოს განმარტება ვცადოთ.

მაქს ვებერის განმარტებით, **სახელმწიფო არის ადამიანთა ერთობა, რომელსაც აქვს ნებადართულ (ლეგიტიმურ) ფიზიკურ იძულებაზე მონოპოლიის საფუძვლიანი პრეტენზია. სახელმწიფოში არსებულ ყველა კავშირს ან ცალკეულ პირს (ინდივიდს) ეძლევა იმ ზომის ფიზიკური იძულების უფლება, რა ზომითაც ამის ნებას მისცემს სახელმწიფო. ნათქვამი გულისხმობს, რომ იძულების ერთადერთი წყარო არის სახელმწიფო.**

საკმაოდ მძიმე სურათია, მაგრამ, როგორც „არაპოლიტიკო-

სი“ უინსტონ ჩერჩილი იტყოდა, სამწუხაროდ, უკეთესი რამ კაცობრიობას ჯერ არ მოუგონია.

პოლიტიკაში, როგორც წესი, სხვადასხვა მიზნით მონაწილეობენ. უფრო ზუსტად, სხვადასხვა ადამიანი ძალაუფლებას სხვადასხვა მიზნით ელტვის. ერთისთვის ძალაუფლების მოპოვების მიზანი არის სხვებზე ბატონობის შესაძლებლობა, სხვებისთვის — „ძალაუფლება ძალაუფლებისთვის“, ანუ ძალაუფლებით მინიჭებული უპირატესობის გრძნობით ტკბობა. არც ერთი და არც მეორე, ბუნებრივია, არ გამორიცხავს საქმის მაღალ დონეზე კეთების შესაძლებლობას, ისევე, როგორც არ გამორიცხავს საქმისადმი არაკეთილსინდისიერ დამოკიდებულებას.

პოლიტიკაში მოღვაწეობა, შესაძლებელია, იყოს შემთხვევითი, როგორც „დამხმარე“ საქმიანობა და ძირითადი, ანუ პროფესიული საქმიანობა.

„შემთხვევითი“ პოლიტიკოსია ყველა, ვინც მონაწილეობს არჩევნებში, პოლიტიკურ აქციებში, ტაშს უკრავს მიტინგზე, საკუთარ პოლიტიკურ მოსაზრებებს გამოთქვამს საჯარო სკოლის სამეურვეო საბჭოს სხდომაზე, ან, თუნდაც, ციხის საკანში. მოკლედ, „შემთხვევითი“ პოლიტიკოსია კაცობრიობის ზრდასრული მოსახლეობის უმრავლესობა.

„პროფესიონალებს“ შეიძლება მივაკუთვნოთ ყველა, ვინც პოლიტიკური საქმიანობისთვის ოფიციალურად ხელფასს იღებს.

ამ კამპანიაში სრულიად განსაკუთრებული ადგილი უჭირავთ ჟურნალისტებს. ისინი არ არიან პროფესიონალები, მაგრამ საკუთარი საქმიანობის სპეციფიკიდან გამომდინარე, აქტიურად მონაწილეობენ პოლიტიკურ პროცესებში. რაც მთავარია, სერიოზული ჟურნალისტიკა მნიშვნელოვან გავლენას ახდენს ამ პროცესებზე. ამიტომაც უნოდებენ მას მეოთხე ხელისუფლებას. თუ გავითვალისწინებთ, რომ „სხვის საქმეში ცხვირის ჩაყოფის“ გამო მთელ მსოფლიოში ჟურნალისტებს ხოცავენ კიდევ, ჟურნალისტიკის და ჟურნალისტების ზეგავლენა პოლიტიკურ ცხოვრებაზე ძალიან სერიოზული უნდა იყოს.

ყველა ჭკუათმყოფელმა პოლიტიკოსმა შესანიშნავად იცის, რომ ჟურნალისტიკა არის უმთავრესი და ეფექტური საშუალება ადამიანთა ცნობიერებაზე ზემოქმედებისთვის. ამიტომ ისინი ძალიან უფრთხილდებიან ჟურნალისტებთან საკუთარ დამოკიდებულებას და სწორადაც იქცევიან. თუმცა, ჟურნალისტიკის ყბადღებულები დამოუკიდებლობისა და თავისუფლების მიუხედა-



ვად, პოლიტიკურ წრეებს, პარტიებს, ცალკეულ პოლიტიკოსებს ხშირად მეტი გავლენა აქვთ მასმედიაზე, ვიდრე მასმედიას — პოლიტიკაზე. განსაკუთრებით, ეს თვალში საცემია ე. წ. „მესამე სამყაროში“, რომელსაც, სამწუხაროდ, XXI საუკუნის დასაწყისის საქართველოც მიეკუთვნება. რა გაენყობა, ვინც ფულს იხდის, მუსიკასაც ის უკვეთავს. ჟურნალისტებმა კი შეგვიძლია თავი მოვიტყუოთ, რომ ეს ზეგავლენა არ არის ცალმხრივი.

პოლიტიკა რომ პროფესიად გაიხადო, ამისთვის, ძირითადად, ორი მოტივაცია არსებობს:

**1. იცხოვრო პოლიტიკით, ანუ პოლიტიკური მოღვაწეობა ცხოვრების წესად, სულიერ მონოდებად აღიარო;**

**2. იცხოვრო პოლიტიკის ხარჯზე.**

მსოფლიო ისტორიაში „პოლიტიკით ცხოვრების“ მაგალიტები ურიცხვია-მეთქი, ვერ გეტყვით, მაგრამ საკმაოდ ბევრია. სანიმუშოდ, ალბათ, აბრაამ ლინკოლნის\*, ბენჟამინ დიზრაელის\*, ჯორჯ ვაშინგტონის, შარლ დე გოლის, ილია ჭავჭავაძის, დიმიტრი ყიფიანის\*, გრიგოლ ლორთქიფანიძის\*, უინსტონ ჩერჩილის, მარგარეტ ტეტჩერის, მაჰათმა განდის\* და სხვათა სახელებიც საკმარისია. იგივეს ვერ ვიტყვი ყველა დროისა და ყველა ქვეყნის ერთ-ერთ უგამოჩინებულეს პოლიტიკოსზე, პერიგორ ტალიერანზე ან ისტორიაში უდიდესი და უძლიერესი იმპერიის შემქმნელ იოსებ სტალინზე. სულიერ მონოდებასთან ერთად, ერთისთვის პოლიტიკა უზარმაზარი ქონების დაგროვების საშუალება იყო, მეორისთვის — განუსაზღვრელი ძალაუფლებით თრობის წყარო. მსოფლიო პოლიტიკურ სარბიელზე წარმატებების მოსაპოვებლად ერთი საკუთარ განსაკუთრებულ ალლოს, გონებადამხვილობას, ადამიანის ფსიქოლოგიის და პოლიტიკური ინტრიგების ფილიგრანულ ცოდნას ეყრდნობოდა, მეორე კი ყველაფერ ამასთან ერთად — საკუთარ პოლიტიკურ უსინდისობას, სხვათა ადამიანურ სისუსტესა და უხეშ ძალას.

დიახ, შეგვიძლია დავეთანხმოთ თომას ჰობსს, მაქს ვებერს, სხვა დიდ მოაზროვნეებს და ვალიაროთ, რომ სახელმწიფო არის ადამიანთა ნებაყოფლობითი ურთიერთ შეთანხმების საფუძველზე აგებული შენობა, რომელსაც განაგებს არჩეული პირი და რჩეულთა კრებული (უხეშად რომ ვთქვათ, პრეზიდენტი და პარლამენტი თავისი სამმართველო, სასამართლო, აღმასრულებელი და რეპრესიული აპარატების მეშვეობით). მაგრამ დღემდე არსებული მსოფლიო გამოცდილება იმასაც გვკარნახობს, რომ

იდეალურთან კი არა, სასურველთან მიახლოებული სახელმწიფო მართვის სისტემა კაცობრიობის ისტორიაში ჯერ არ არსებულა — რჩეულები (ბელადები, მონარქები, დიქტატორები, პრეზიდენტები, ოჯახები, კლანები, პარტიები, სინდიკატები) მუდამ პოულობდნენ აბსოლუტური ძალაუფლებისკენ მიმავალ გზებს. იმასაც ახერხებდნენ, რომ საკუთარი მოსახლეობა მართვის სწორედ ამგვარი (მაგალითად, ტოტალიტარული) წესის სხვაგვართან (დემოკრატიული) უპირატესობაში დაერწმუნებინათ. ან, უბრალოდ, დაერწმუნებინათ, რომ მართვის მოცემული წესი არის სწორედ ყველაზე დემოკრატიული.

სიტყვა „ტოტალიტარული“, ეტყობა, გონებაში შემთხვევით არ ამოტივტივებულა. თუ არ ვცდები, XX საუკუნის 60-იანი წლების დასაწყისში, ცნობილმა ფილოსოფოსმა რაიმონდ არონმა ბერკლის (კალიფორნია) უნივერსიტეტში გამოსვლისას, ასეთი რამ ბრძანა: **„ჩვენი საუკუნის მთავარი საფრთხე, რა თქმა უნდა, არის ტოტალიტარიზმი — რეჟიმი, სადაც მონოპოლისტური პარტიული ორგანიზაცია ლამობს საკუთარ ძალაუფლებას დაუმორჩილოს მთელი ყოფა და, ამავდროულად, არსებობის უფლება წაართვას ყველა სხვა ორგანიზაციას“**.

შეგახსენებთ, რომ XX საუკუნის 60-იანი წლების დასაწყისი ის პერიოდია, როცა ნიკიტა ხრუშჩოვის\* „ბრძნული ხელმძღვანელობით“ დედამიწის თითქმის ნახევარზე „სრულად და საბოლოოდ“ გამარჯვებულად გამოცხადებულია სოციალიზმი და იწყება გამალებული ბრძოლა ოც წელიწადში ნანატრი კომუნიზმის დასამკვიდრებლად!

ხალხი? ის ადამიანები, ვინც თავის დროზე „ნათელი მომავლისთვის“ ბრძოლაში ზღვა სისხლი დაღვარა? — ის ხალხი — შეშინებული, მშიერი, მოტყუებული, უფლება და საკუთრებანართმეული ხალხი მქუხარე ტაშით ხვდებოდა ბელადების და პარტია-ჰეგემონის უკლებლივ ყველა უაზრო და კაცთმოძულე გადანყვებილებას, მოითხოვდა ახალ-ახალი „მტრების“ მხილებას და სიკვდილით დასჯას; პარტიას, სოციალისტურ სამშობლოს, მშობლიურ ბელადებს ლექსებს და სიმღერებს უძღვნიდა; ღამით მშიერი კუჭით და დამთრგუნველი შიშით იძინებდა, რათა დილით, მაღაროში თუ მინდორში სამუშაოდ, კვლავ დროშების ფრიალით, მარშების გრიალით და ხელში ბელადების პორტრეტებით წასულიყო...

კიდევ ერთხელ გავიხსენოთ ჩვენი კარგი ნაცნობი, ინგლისე-

ლი მწერალი ჯორჯ ორუელი. 1948 წელს გამოვიდა მისი რომანი „1984“. რომანში გასაოცარი სიზუსტითაა აღწერილი საბჭოთა სინამდვილე, სიცრუისა და დაშინების მანქანის კბილანებში მოყოლილი ადამიანების ხვედრი, თვით ამ დაუნდობელი მანქანის მოქმედების პრინციპი. ეს შემადრწუნებელი სიმართლე ძალიან მნიშვნელოვანია, მაგრამ, ჩემი აზრით, მთავარი ამ რომანში მაინც სხვა რამეა — თანდათანობით როგორ ეუფლება ადამიანის სხეულს და გონებას ყოვლისმომცველი პარტია-ჰეგემონი და, საბოლოოდ, ორივეს სპობს. რომანის ორივე მთავარი გმირი, უინსტონ სმიტი და ო'ბრაიანი — მსხვერპლი და ჯალათი, ორივე ერთნაირად უბედურია. ვისაც საბჭოთა რეჟიმის თარეშისას უცხოვრია, მისთვის ეს იოლი გასაგებია.

გთხოვთ, დაიმახსოვროთ — ორუელმა დაგვანახა, როგორ ეუფლება ტოტალიტარული სახელმწიფო ადამიანის სხეულს და გონებას და რა ტრაგედია მოსდევს ამას.

ეს რომანი, ისევე, როგორც მრავალი სხვა მხატვრული ნაწარმოები თუ მეცნიერული გამოკვლევა, იყო მოწოდება კაცობრიობისთვის — ადამიანებო, უფრთხილდით ტოტალიტარიზმს!

ბუნებრივია, ეს გაფრთხილება ახლანდელი თაობის (XXI საუკუნის დასაწყისს ვგულისხმობ) გასაგონადაც იყო ნათქვამი, გამგონმა გაიგო კიდეც (მაგალითად, აღმოსავლეთ ევროპისა და ბალტიისპირეთის ქვეყნების ხალხებმა), მაგრამ, როგორც ჩანს, ამ ხმას საქართველოში ყური მოვუყრეთ.

მე, განვითარებული სოციალიზმის ეპოქაში ნაცხოვრები ადამიანი, XX საუკუნის მიწურულს დარწმუნებული ვიყავი, რომ რაიმონდ არონის სიფრთხილე ყოვლად უსაფუძვლო თუ არა, მეტისმეტად გადაჭარბებული მაინც იყო. ვფიქრობდი, რომ ნებისმიერი პოლიტიკური ძალა საქართველოში ხელისუფლების უზურპაციას ველარ შესძლებდა. ჩვენ, ქართველები ხომ პირველები ვიყავით, ვინც სოციალიზმის ნანგრევებზე „ნამდვილი დემოკრატიის“ მშენებლობა დავიწყეთ! ოღონდ ჯერ სოციალიზმის ეპოქაში ჩვენივე ხელით და გონებით შექმნილი ყველა ფასეულობა ნაცარტუტად ვაქციეთ, ყველა ჭაში ჩავაფურთხეთ, ყველა საფრთხე დავივიწყეთ და შენება ისე დავიწყეთ.

და დავისაჯეთ კიდეც. იმ უბრალო მიზეზის გამო დავისაჯეთ, რომ არ ვიცოდით, ან არ გვინდოდა გვცოდნოდა, როგორი სახელმწიფო უნდა აგვეშენებინა და როგორ უნდა აგვეშენებინა.

ნათქვამი არ ნიშნავს, რომ იმ ეპოქაში გონიერი საქართველო

აღარ არსებობდა, ქვეყნის მოჭირნახულე ადამიანები აღარ არსებობდნენ, ქართული ჟურნალისტიკა კი საკუთარი ქვეყნის მომავალს პრეზიდენტ შევარდნაძის ადმინისტრაციის ტუალეტიდან უყურებდა — არა, ყველა და ყველაფერი იყო, უბრალოდ, ხელისუფლებაში არ იყვნენ გულმხურვალე და გამჭრიახი ადამიანები. პრესაშიც ხშირად ქვეყნდებოდა ისეთი შინაარსის სტატიები, ახლა რომ შემოგთავაზებთ. იგი გაზეთ „დრონი“, გამოქვეყნდა 2001 წლის 27 ნოემბერს, „ვარდების რევოლუციამდე“, ზუსტად ორი წლით ადრე!

სტატიაში შეფასებულია იმდროინდელ საქართველოში შექმნილი პოლიტიკური და სოციალური ვითარება და ერთადერთი მოკლე წინადადებით მოცემულია დასკვნაც — „საქართველოს მრისხანე და დაუნდობელი პროლეტარული რევოლუცია უახლოვდება!„

გთხოვთ, ყურადღება მიაქციოთ, რომ სტატიაში მოცემული ყველა განსჯა საბოლოოდ მოცემული დასკვნის დასაბუთებას ემსახურება. ეს დასკვნა, შესაძლოა, ყოფილიყო სტატიის დასაწყისში, შუაში ან, სულაც, შესავალში — ეს, უბრალოდ, გემოვნების საქმეა. მთავარია, მტკიცებულებათა დამაჯერებლობა და სტატიის მკითხველზე ზემოქმედების ხარისხი, ერთი სიტყვით — ჟურნალისტიკის ოსტატობა. თუ შედეგის მიხედვით ვიმსჯელებთ, პრესაში გამოქვეყნებულმა ამ და ბევრმა სხვა პოლიტიკური პუბლიცისტიკის ჟანრის ნაშრომებმა მიზანს ვერ მიაღწია: მოხდა ის, რისიც ეშინოდა განათლებულ და პატიოსან საქართველოს — სახელმწიფო გადატრიალება, რომელსაც ფარისევლურად დაერქვა რევოლუცია. ამის ერთ-ერთი მთავარი მიზეზი შევარდნაძის ხელისუფლების მხრიდან მედიის სრული უგულებელყოფაც იყო. საინტერესოა, რომ ხელისუფლებაში მისვლის შემდეგ ზუსტად ამ გზას დაადგა სააკაშვილის „ჩემი გუნდი“. ამიტომ სავსებით კანონზომიერი იქნება, რომ იგი ადრე თუ გვიან წინამორბედის ხვედრს გაიზიარებს.

## რევოლუცია მოდის

ძალიან მიყვარს პირველობა. ვამაყობ, რომ პირველმა მე გამოვაცალე აგური უმტკიცესი კომუნისტური დულაბით ნაგებ საბჭოთა იმპერიას — სამტრედიაში გადავუკეტე რკინიგზა და ეკონომიკურ ბლოკადაში მოვაქციე; პირველმა გამოვაცხადე

დამოუკიდებლობა და ავირჩიე პირველი პრეზიდენტი; პირველ-მა შევეყავი თავი გრდემლსა და უროს შორის; პირველმა დავინყე სამოქალაქო ომი და პირველი ვარ, ვინც იგი ვერ დავამთავრე; პირველი ვარ კაცობრიობის ისტორიაში, ვისაც თავის სარჩენად თვეში ექვსი დოლარი ჰყოფნის; მე ვარ პირველი კავკასიელი, ვინც გახდა ევროპელი...

კაცობრიობის წინაშე საკუთარი უპირატესობის დასამტკიცებლად კიდეც ბევრი არგუმენტის მოყვანა შემიძლია. მაგალითად, ასეთის: მე ყველაზე დამაჯერებლად ვცრუობ; ყველას გამორჩეულად ვუყვარვარ; ვარ ყველაზე მიმტევებელი ქრისტიანი; ყველაზე დიდი მებრძოლი (იელოველთა და სხვა ანტი-ქრისტიანთა წინააღმდეგ); ყველაზე დიდი პატრიოტი...

მაგრამ მაინც მთავარი ჩემი ღირსება გახლავთ ის, რომ ყველაზე დიდი კორუფციონერი ვარ!

იქნებ ზოგი რამ ბაქიაობად ჩამითვალონ, მაგრამ ამაში არავინ შემედავება: მართლაც ყველაზე დიდი კორუფციონერი ვარ. ამას მთელი მსოფლოო აღიარებს, თვით საქართველოს ხელისუფლებაც კი.

ამბობენ, რომ კორუფცია ცუდია; რომ სადაც კორუფციაა, იქ სახელმწიფო ვერ აშენდება, ოღონდ არ ამბობენ, რა არის კორუფცია და სად არის კორუფცია.

რადგან მე მსოფლიოში უმამაცესიც ვარ, გეტყვით ხმამაღლა: კორუფცია არის სახელმწიფო მოხელეთა ორგანიზებული, სისტემატიზებული მექრთამეობა. შესაბამისად, იგი სუფევს ხელისუფლების, სახელმწიფო მმართველობითი სისტემების სხვადასხვა ეშელონში.

ანუ ამ გრანდიოზულ და უჩინარ ურჩხულს სულ ტყუილად ეძებთ ერგნეთის ან ელიავას ბაზრობებზე, „დეზერტირებზე“ და „ყაზბეგის“ ლუდხანებში. იგი უნდა ეძებოთ პარლამენტის, სახელმწიფო კანცელარიის, მინისტრებისა და გენერლების გაკრიალებულ კაბინეტებში. თქვენ, ძვირფასო ხარაზებო, დურგლებო, ხუროებო, ზეინკლებო, გლეხებო, პოლიციელებო, ყურნალისტებო, მწერლებო, მეცნიერებო და პარიკმახერებო, სულ ამაოდ ოცნებობთ, რომ ოდესმე კორუფციონერის საპატიო ნოდებას მოიპოვებთ.

კორუფცია არ არის სამუშაოზე გამოუცხადებლობა, დავალების შეუსრულებლობა, შემოსავლების მალვა, კერძო პირისგან ზედმეტი გასამრჯელოს გამოძალვა, გაბერილი ჰონორარე-

ბის მოთხოვნა და მიღება, მზეთუნახავ ქალზე ოცნება და მისი ლოგინში ჩანვენაც კი. კორუფცია არის ის, რაც უკვე მოგახსენეთ — ძალაუფლების გამოყენებით სახელმწიფო ან კერძო ქონების ორგანიზებული დატაცება. ძალაუფლების გამოყენებით! ვინაიდან კორუფცია მხოლოდ ჩინოსანი სახელმწიფო მოხელეებისა და მმართველობის სახელმწიფო სისტემებისათვის დამახასიათებელი ინფექციური დაავადებაა, მის წინააღმდეგ ბრძოლა არსებული კანონმდებლობით და ამ კანონმდებლობაზე მორგებული სახელმწიფო მაკონტროლებელი სტრუქტურების მეშვეობით შეუძლებელია. საქართველოს პრეზიდენტი მექრთამეობა-კორუფციას და სხვა „მავენ“, ტრადიციებს უხსოვარი დროიდან, გასული საუკუნის სამოციანი წლებიდან ებრძვის. იცვლებოდნენ მთავრობები, კანონები, სახელმწიფო წყობილებები — რაიკომის მდივან შევარდნაძის, შინაგან საქმეთა მინისტრ შევარდნაძის, ცეკას მდივან შევარდნაძის, პრეზიდენტ შევარდნაძის თავდადებულმა ანტიკორუფციულმა ბრძოლამ კი ის შედეგი გამოიღო, რომ კორუფციის მასშტაბები უსაზღვროდ გაიზარდა და სახელმწიფო მმართველობის სისტემის უკლებლივ ყველა რგოლი მოიცვა.

აღმოჩნდა, რომ კანონების გასასტიკება (ავადსახსენებელი 96-ე პრიმა მუხლის ამოქმედება და მექრთამე-დამტაცებელთა სიკვდილით დასჯა), ნაირნაირი რეიდების და რაუნდების ჩატარება, ლოზუნგები და მოწოდებები, თანამდებობის პირთა ცვლა, სპეციალური ანტიკორუფციული კომისიების შექმნა, თვით საბჭოთა კავშირიდან გასვლა და დამოუკიდებლობის გამოცხადებაც კი მხოლოდ სასურველის საწინააღმდეგო შედეგებს იძლევა — კორუფციის მასშტაბები იზრდება. ყველაფერი ეს ნიშნავს, რომ შევარდნაძის ეპოქის საქართველოში ამ მიმართულებით გადადგმული ყველა ნაბიჯი იყო შეცდომა. უფრო ზუსტად, ყველა ეს ნაბიჯი მიმართული იყო კორუფციის, როგორც შედეგის წინააღმდეგ. მისი მიზეზების ძიებაზე კი თავს დიდად არც იმ „უხსოვარ დროს“, ინუხებდა ვინმე და, სამწუხაროდ, არც ახლა ინუხებს. ძიებას არც ჰქონდა აზრი — კორუფციაზე აგებული მმართველობის საბჭოთა სისტემის პირობებში კორუფციის წინააღმდეგ რეალური ბრძოლა, უბრალოდ, შეუძლებელი იყო. ამას მეტ-ნაკლებად ყველა დროისა და ყველა ხალხის უდიდესი ბელადი, იოსებ სტალინი ახერხებდა. როგორ ახერხებდა, მოდი, ამას ნულარ გავიხსენებთ — სადარდო და სადავიდარაბო ისედაც ბევრი გვაქვს.

თვალი გავუსწოროთ სიმართლეს: რომ არ არსებობდეს გრანდიოზული კორუფცია, საქართველოს არ ეყოლებოდა ხელისუფლება — არც აღმასრულებელი, არც საკანონმდებლო, არც სასამართლო; არ ეყოლებოდა პოლიცია და პროკურატურა, არ ეყოლებოდა გამგებლები და რწმუნებულები...

მართალია, გულწრფელად არ გვინდა კორუფცია, მაგრამ უმისოდ არსებობაც რომ არ შეგვიძლია? პოსტკომუნისტური ეპოქის ერთადერთი ქართველი ჩინოვნიკი, ვინც გულახდილად ლაპარაკობდა „თავის„ უწყებაში კორუფციის მძვინვარებაზე, იყო შინაგან საქმეთა მინისტრი კახა თარგამაძე.

თითქმის არავინ (ყურნალისტების გარდა) არ ლაპარაკობდა და არ ლაპარაკობს უშიშროების სამინისტროს, საზღვრის დაცვის დეპარტამენტის, პროკურატურის, სასამართლოს, საბაჟო და საგადასახადო სამსახურების, კონტროლის პალატის, მინისტრების, პარლამენტის წევრების, „აპარატჩიკების„ მექრთამეობაზე....

საქართველოში შექმნილი ვითარება არც ახალია და არც ისე ტრაგიკული, როგორც ეს ერთი შეხედვით შეიძლება მოგვეჩვენოს — მსგავსი გზა მსოფლიოს ბევრმა ქვეყანამ გაიარა ან ახლა გადის. კორუფცია მეტ-ნაკლები დოზით მსოფლიოს თვით ყველაზე დემოკრატიულ ქვეყნებშიც კი არსებობს. ამავე დროს, ამ ქვეყნებში არსებობს კორუფციასთან ბრძოლის ეფექტური საშუალებები და ამიტომ ამ მომაკვდინებელი სენის ლოკალიზება, მისი რალაც დონეზე შეჩერება შესაძლებელია. ანუ დასაშვებია მისი არსებობა გამონაკლისის და არა ცხოვრების წესის სახით.

ისტორიაც გვიდასტურებს, რომ საზოგადოების დემოკრატიზაციისა და ეკონომიკური კეთილდღეობისაკენ მიმავალი გზა, როგორც წესი, კორუფციაზე გადის. კორუფცია არის რევოლუციური გარდაქმნების აუცილებელი ატრიბუტი. ვერ გავზედავ თქმას და ამის არც საბუთი მაქვს, რომ პრეზიდენტი შევარდნაძე არის კორუნიპირებული. სავსებით შესაძლებელია, იგი, პიროვნულად, უბრალო იყოს, მაგრამ იგი ნამდვილად არის კორუმპირებული მთავრობის მეთაური. ამას, ფაქტობრივად, თვითონაც აღიარებს, როცა ანტიკორუფციულ კომისია-კომიტეტებს ქმნის.

ბუნებრივი და კანონზომიერია საქართველოს მოსახლეობის უდიდესი უმრავლესობის უკიდურესი გაჭირვებაც, ფინანსური ოლიგარქიის ჩამოყალიბებაც, ხალხის დრტვინვაც და ხელისუფლების დამხობის სურვილიც. ბუნებრივია ხელისუფლების ე. წ.

„რეფორმატორული“ ფრთის აქტიურობაც. თუმცა, მათი აქტიურობიდან ძალაუფლებისაკენ ლტოლვა უფრო გამოსჭვავის, ვიდრე ხალხის და სახელმწიფოს კეთილდღეობაზე ზრუნვის სურვილი ვიყოთ რეალისტები: სიტყვის თავისუფლებისთვის მებრძოლი ახალგაზრდობის ენერჯია და ვნება სწორედ „ახალგაზრდა რეფორმატორთა“ ძალისხმევით გადაიზარდა ჯერ მთავრობის, მერე პრეზიდენტის გადადგომის, მერე რიგგარეშე საპარლამენტო არჩევნების მოთხოვნებში. დღეს უკვე შეიძლება ითქვას, რომ რევოლუციურად განწყობილი „ახალგაზრდა რეფორმატორების“ უსისხლო ბრძოლა პრეზიდენტთან „რევოლუციონერთა“ მარცხითა და შევარდნაძის მორიგი გამარჯვებით დამთავრდა. ესეც კანონზომიერია, რადგან „რეფორმატორების“ განზრახვა არ იყო გულწრფელი: ხალხი, ამ შემთხვევაში, სტუდენტობა მათ ჭირდებოდათ საკუთარი პოლიტიკური მიზნებისათვის და არა მაღალი იდეალებისთვის. მათ მმართველობის სისტემის შეცვლა კი არა, არსებულ სისტემაში სტრატეგიული სიმაღლეების დაკავება სურდათ. რაც მთავარია, მიზნის მისაღწევად აირჩიეს კულუარული ბრძოლის მეთოდი, ანუ ის, რის ხელოვნებასაც ვირტუოზულად ფლობს მათი უშუალო ოპონენტი, ედუარდ შევარდნაძე.

ახალი პრეზიდენტი, ახალი პარლამენტი, ახალი მთავრობა საქართველოში არსებულ ვითარებას ვერ შეცვლის. უცვლელია, სამწუხაროდ, არ ნიშნავს ადგილზე დგომას, არსებული სტატუს-ქვოს შენარჩუნებას. ეს ნიშნავს ვითარების უკიდურესად დაძაბვას, ქვეყანაში რევოლუციური (პროლეტარული) განწყობის შექმნას და, საბოლოოდ, მრისხანე სოციალურ აფეთქებას.

ეტყობა, ხელისუფლებაში მყოფ „ძველებს“ პროლეტარული რევოლუციების მწარე ისტორიული გამოცდილება დაავინყდათ, „ახლებმა“ კი ისტორია, საერთოდ, არ იციან, თორემ საკუთარ ხალხს და ქვეყანას თუ არა, საკუთარ თავებს მაინც გაუფრთხილდებოდნენ.

ლიბერალური დემოკრატიისაკენ მიმავალ გზაზე საქართველო არც პირველია და არც უკანასკნელი — ეს გზა თვით ამერიკის შეერთებულმა შტატებმაც კი წამებით გაიარა. გამოსავალი საკმაოდ უბრალოა — ძირეული სამართლებრივი რეფორმები... და რაც შეიძლება სწრაფად: საქართველოს მრისხანე და დაუნდობელი პროლეტარული რევოლუცია უახლოვდება (**„დრონის“ ინფორმაცია**).



## მარად ცოცხალი ლევიათანი

თავის უკვდავ ნაშრომში („ლევიათანი, ანუ მატერია, ფორმა და საეკლესიო თუ სამოქალაქო სახელმწიფოს ძალმოსილება“) თომას ჰობსის სახელმწიფოს ასე განმარტავს (სხვათა შორის, მოგვიანებით ამ განმარტებას „მოკვდავი ღმერთის“ თეორია უწოდეს): ერთადერთი გზა, რომელიც ადამიანებს შიდა და გარე საშიშროებებისგან დაიცავს, მის გამოკვებას, მშვიდობას და კეთილდღეობას უზრუნველყოფს, არის ხალხის მიერ მთელი ძალაუფლების ერთი პირის ან პირთა ჯგუფისთვის გადაცემა. ეს ადამიანი, ან რჩეულთა კრებული არის ხალხის წარმომადგენელი და მისი ინტერესების დამცველი. ეს უფრო მეტია, ვიდრე თანხმობა ან ერთსულოვნება. ეს არის რეალური ერთობა, რომელიც განსახიერებულა თვითეულის შეთანხმებით ყველასთან ისე, რომ თვითეულს შეუძლია უთხრას სხვას: ამ ადამიანს, ან ადამიანთა ჯგუფს გადავცემ მართვის საკუთარ უფლებას იმ პირობით, რომ შენც ასევე გადასცემ მას შენს წილ უფლებას და დადასტურებ ყველა მის ქმედებას. თუ ასე მოხდა, ერთ პირად გაერთიანებულ უამრავ ადამიანს დაერქმევა სახელმწიფო (civitas). ასე იბადება მოკვდავი ღმერთი — ლევიათანი.

არჩეული ადამიანის ან საკრებულოს ხელში თავს იყრის უსაზღვრო ძალაუფლება. მისგან მოგვრილი შიში არჩეულ ადამიანს ან რჩეულთა კრებულს აიძულებს მთელი ხალხის ნება შინაგანი მშვიდობის დაცვისა და საგარეო მტრის წინააღმდეგ გაერთიანებისკენ მიმართოს. ამ ადამიანში ან რჩეულთა კრებულში ძევს სწორედ არსი სახელმწიფოსი, რაც ასე უნდა განიმარტოს: **სახელმწიფო არის ერთიანი სახე, რომელსაც ორმხრივი შეთანხმების საფუძველზე, ყველა თავის ქმედებაზე პასუხისმგებლობა დააკისრა ადამიანთა უზარმაზარმა რაოდენობამ იმ ანგარიშით, რომ ამ პირმა (ან რჩეულთა კრებულმა) საჭიროების შემთხვევაში შეძლოს ყველა მათგანის ძალისა და საშუალებების გამოყენება.** შეგახსენებთ, რომ ეს გახლავთ თომას ჰობსის აზრი, ხოლო მისი ნაშრომი „ლევიათანი...“ დაწერილია 1851 წელს.

სამართლიანობისთვის ისიც უნდა ითქვას, რომ სახელმწიფოს ამგვარ განმარტებას არ ეთანხმება ძალიან ბევრი მეცნიერი და მათ შორის მარი ნ. როტბარდი. მისი აზრით, „სახელმწიფო არასდროს არ შექმნილა საზოგადოებრივი კონტრაქტის სა-

## **ფუძველზე; იგი ყოველთვის დაპყრობისა და ექსპლუატაციის შედეგად ჩნდებოდა“.**

კიდევ ერთხელ მივუბრუნდეთ გენიალური ჰობსის დასკვნას — „ასე იბადება მოკვდავი ღმერთი — ლევიათანი (ანუ სახელმწიფო)“. ლევიათანი ბიბლიაში რამდენჯერმეა ნახსენები (ფსალმუნები, იობის წიგნი, ისაია). იგი წარმოდგენილია, როგორც ღმერთის მიერ შექმნილი გრანდიოზული ძალისა და ბოროტების განსახიერება. ხმელეთზე — ბეჰემოთის, ხოლო ზღვაში — ნიანგის მსგავსი უზარმაზარი ცეცხლის მფრქვეველი ურჩხული, რომელსაც, საბოლოოდ, ღმერთმა „თავი გაუჭყეჭყა“.

ჩემი აზრით, ჰობსი სახელმწიფოს (შესაბამისად, სუვერენს) არ აიგივებს ლევიათანთან, როგორც ბოროტების, დაუნდობლობისა და ძალმომრეობის სიმბოლოსთან. სახელმწიფო-ლევიათანი, ამ შემთხვევაში, არის ყველა ადამიანის გაერთიანებული, ერთი მიზნისკენ მიმართული ძალ-ღონე, ინტელექტუალური და მატერიალური შესაძლებლობები, უზარმაზარი ძალა, რომლის დამარცხება მხოლოდ მისსავე შემოქმედს, ღმერთს, ხელენიფება. სახელმწიფო ეფუძნება ადამიანთა საყოველთაო შეთანხმებას და მოქმედებს მკაცრად განსაზღვრული კანონიერების ფარგლებში. ჰობსის სახელმწიფო, მოკვდავი ღმერთი, არ არის ბოროტების საწყისი. როცა არჩეული პირის ან რჩეულთა კრებულის სუვერენიტეტი გადაიქცევა აბსოლუტურ და განუყოფელ საკუთრებად, რომელიც არ ცნობს ხელისუფლების განაწილების შესაძლებლობას, შედეგად ვიღებთ აბსოლუტიზტურ სახელმწიფოებს, მაგალითად, საბჭოთა კავშირს, კუბას, ლიბიას, ერაყს და ა. შ. ამ შემთხვევაში, შეგვიძლია ვიმსჯელოთ სახელმწიფოს ისეთ ტიპზე, რასაც XX საუკუნის განათლებულმა სამყარომ „ბოროტების იმპერია“ უწოდა.

**სახელმწიფო ბოროტების წყაროდ მაშინ გადაიქცევა, როცა გაიგივდება, ან ერთმანეთში აირევა სამი უმნიშვნელოვანესი ცნება: ნაცია, პოლიტიკური საზოგადოება (კავშირი, პარტია) და სახელმწიფო.**

ფრანგი ფილოსოფოსისა და პოლიტოლოგის, ჟაკ მარიტენის აზრით, ამ სამი ცნების აღრევა ან გაიგივება იყო თანამედროვე (იგულისხმება, XX საუკუნე) ისტორიის წყევლა.

ამ ცნებების გამიჯვნა რაიმე გადაულახავ სირთულეებთან დაკავშირებული სულაც არ გახლავთ — მეცნიერებამ მათ დიდი ხანია მიუჩინა ადგილი. მთავარი ის არის, რომ ცნებების აღრევა

ან გაერთიანება სურს აბსოლუტურ ძალაუფლებაზე მეოცნებე ხელისუფლებას და ამას, როგორც წესი, აკეთებს კიდეც.

მართალია, მარქსისტები თავის დროზე დაუნდობლად აკრიტიკებდნენ „მეფის ღვთაებრივ უფლებათა“ თეორიას (გაიხსენეთ ლუდოვიკო XIV უკვდავი გამოთქმა — „სახელმწიფო, ეს მე ვარ!“) თუმცა, სინამდვილეში, თვითონ ესწრაფოდნენ და შექმნეს კიდეც აბსოლუტისტური სახელმწიფო, რომელმაც, ვაჟას „მაოხრებელი მკვდარივით“, გარდაცვალების შემდეგაც კაცობრიობას ბევრი თავსატეხი გაუჩინა.

მე წარმოვადგენ იმ თაობას, რომელსაც უნივერსიტეტში სავალდებულო საგნებად ასწავლიდნენ სკკპ (საბჭოთა კავშირის კომუნისტური პარტია) ისტორიას, ისტორიულ მატერიალიზმს, მეცნიერული ათეიზმის თეორიას, მარქსიზმის „კლასიკოსების“ ნაშრომებს. ამიტომ, თუ ნებას დამრთავთ, მთავარი სათქმელის საილუსტრაციოდ, ვისარგებლებ ამ ცოდნით და გავაცნობთ ზოგიერთ ყველაზე ცნობილ გამონათქვამს და მოწოდებას:

**„ჩვენ ყოველი მხრიდან მტრებით ვართ გარშემორტყმული და თითქმის ყოველთვის მათ ცეცხლქვეშ მუშაობა გვიხდება.“**

**„ყოველი რევოლუციის მთავარი საკითხი არის ძალაუფლების საკითხი“.**

**„ჩვენ უნდა აგველო ძალაუფლება, რადგან არავის არ უნდოდა მისი დაცვა“.**

**„იმისთვის, ვინც პროლეტარიატის ინტერესების დაცვა იკისრა, ყველაფერი ნებადართულია“.**

**„სამკვდრო-სასიცოცხლო ბრძოლა უნდა გამოვუცხადოთ მდიდრებს, მუქთახორებს და ბურჟუაზიულ მუქთამჭამელებს, ომი გაიძვერებს, წურბელებს და ხულიგნებს... ეს არის კაპიტალიზმით ნაკვეთი პარაზიტების ორი მთავარი წყება...“**

**ამ მიმართებით გამოჩენილი ყოველგვარი სისუსტე, ყოველგვარი ყოყმანი, ყოველგვარი სენტიმენტალობა იქნებოდა უდიდესი დანაშაული სოციალიზმის წინააღმდეგ“.**

ციტატები ამოღებულია ლენინის ნაშრომებიდან: „რა ვაკეთოთ“, „ორხელისუფლებიანობის შესახებ“, „როგორ მოვანყოთ სოციალისტური შეჯიბრება“.

ლენინის ბოლო ამოსუნთქვიდან ნახევარ საუკუნეზე მეტი ხნის შემდეგ, 1977 წელს, „განვითარებული სოციალიზმის კონსტიტუციის“ პრეამბულაში ასეთი რამ ჩაინერა: „ეს არის (სა-

ბჭოთა) საზოგადოება, სადაც პატრიოტებმა და ინტერნაციონალისტებმა ორგანიზაციის, იდეოლოგიისა და შეგნების მაღალ დონეს მიაღწიეს; სადაც დაკანონებულია ყველას ზრუნვა თვითეულის კეთილდღეობაზე და თვითეულის ზრუნვა ყველას კეთილდღეობაზე. ეს არის ჭეშმარიტი დემოკრატიის საზოგადოება, სადაც პოლიტიკური სისტემა ყველა სოციალური ძალის ეფექტური მართვის, სახელმწიფოს ცხოვრებაში მშრომელთა უფროდაუფრო აქტიური მონაწილეობის გარანტიას იძლევა; სადაც მოქალაქეთა თავისუფლებები და უფლებები განუყოფელია საზოგადოების წინაშე მათივე ვალდებულებებისა და პასუხისმგებლობისაგან“.

საბჭოთა ლოზუნგები და მოწოდებებიც გავიხსენოთ:

**„პარტია ჩვენი ეპოქის ჭკუა, ღირსება და სინდისია!“**

**„პარტია ჩვენი მესაჭეა!“**

**„კომკავშირი პარტიის ღირსეული ცვლაა!“**

**„დიდი ოქტომბრის სოციალისტური რევოლუცია — ახალი ერის დასაწყისი კაცობრიობის ისტორიაში!“**

**„სკკპ მიგვიძღვის კომუნიზმის გამარჯვებისაკენ!“**

**„ჩვენი შრომითი ნობათი სკკპ ცკ-ის პლენუმს!“**

საბჭოეთში კომუნისტური პარტია აღიარებულია თვით ღმერთზეც მაღლა მდგომ სუბსტანციად. პარტია ბრძენი, უმნიკვლო და ყოვლისშემძლეა, ძალისა და ენერჯის უშრეტი წყაროა, ჩვენი გონებისა და ქმედებების მესაჭეა (руководитель), სამართლიანობის და უსაფრთხოების გარანტია...

ოქტომბრის გადატრიალების შემდეგ დედამიწის ერთ მეექვსედზე ძალიან სწრაფად შეიქმნა და ადამიანების გონებაში ცეცხლით და მახვილით ჩაიჭედა სოციალურ-პოლიტიკური მითი ძლევა-მოსილ, გამარჯვებულ, მშრომელი ხალხის ინტერესების ერთადერთ დამცველ პარტიაზე, პარტია-ჰეგემონზე, საბოლოოდ — პარტია-სახელმწიფოზე. ანუ ერთ-ერთი პოლიტიკური კავშირი, კერძოდ, სკკპ თვითონ იქცა ჯერ ხელისუფლებად, შემდეგ — სახელმწიფოდ. სკკპ იქცა საბჭოთა ხალხის სინონიმადაც.

ეს არის სწორედ ცნებათა ის აღრევა, რისიც ასე ეშინოდა განათლებულ ევროპას.

ყურადღება მიაქციეთ იმ ძალიან მნიშვნელოვან ფაქტს, რომ სკკპ არ ყოფილა ერთადერთი პარტია-სახელმწიფო იმდროინდელ ევროპაში — გასული საუკუნის 20-იანი წლებიდან ცენტრა-

ლურ ევროპაში, გერმანიაში პოლიტიკურ არენაზე გამოვიდა კომპარტიაზე არანაკლებ ამბიციური ნაციონალ-სოციალისტური პარტია ადოლფ ჰიტლერის მეთაურობით.

თუ საბჭოთა კომპარტიის იდეოლოგია, ძირითადად, ინტერნაციონალიზმს, მშრომელთა საერთაშორისო სოლიდარობაზე აგრესიულ ლაყბობას ეფუძნებოდა, ნაციზმი გერმანული რასის განსაკუთრებულობაზე, უპირატესობაზე და კაცობრიობის წინაშე მის ღვთიურ მისიაზე ქადაგებდა. რასაკვირველია, ისიც უკიდურესად აგრესიული ფორმით. რუსულ და გერმანულ პარტია-სახელმწიფოებს შორის განსხვავება მხოლოდ ფორმალურ მოტივაციაშია — ერთგან ინტერნაციონალიზმი, მეორეგან — რასიზმი, თუმცა, ერთიც და მეორეც, საბოლოოდ, არის PR-ტიქნოლოგია საკუთარი ნამდვილი (მონოპოლისტური, გოტალიტარული) ზრახვების შესანიღბად და უსასტიკესი პარტია-სახელმწიფოს შესაქმნელად.

კომუნისტურ და ნაცისტურ მმართველობით რეჟიმებს შორის მსგავსება, უბრალოდ, გასაოცარია — დროშების ფრიალი, ალღუმები, პომპეზური თავყრილობები, ბელადების გამოსვლები, ახალგაზრდული ორგანიზაციები (კომკავშირი — ჰიტლერიუგენდი) და ბანაკები, გრანდიოზული მშენებლობები, ფეიერვერკები, მარშები, მილიტარისტული ლოზუნგები, თავბრუდამხვევი „გამარჯვებები“, მონოდებები და, რა თქმა უნდა, მტრები, მტრები, მტრები!...

არაფერი მითქვამს რეკვიზიტებზე (ერთგან — ბურჟუები და კულაკები, მეორეგან — კომუნისტები, ებრაელები, პოლონელები, სლავები) და ინტელიგენციის დევნაზე...

ამ გასაოცარ მსგავსებაზე იმიტომ ვამახვილებ ყურადღებას, რომ ვთქვა: **ნაციზმი და კომუნიზმი, ნაცისტური და კომუნისტური პარტია-სახელმწიფოები არ ყოფილა კერძო შემთხვევა, ეს იყო ისტორიული კანონზომიერებებით განპირობებული მოვლენები. რაც მთავარია, მინდოდა მეთქვა, რომ კომუნიზმი არ მომკვდარა სტალინის გარდაცვალების ან მსოფლიო სოციალისტური სისტემის დაშლისთანავე. არც ნაციზმი მომკვდარა ნიურბერგის პროცესის დაშლისთანავე.**

პარტია-სახელმწიფოები XX საუკუნის მსოფლიოში საშიშრად ბევრი იყო. მათი რიგები შესამჩნევად გაიზარდა ყოფილი საბჭოთა კავშირის რესპუბლიკების ხარჯზე. ძალიან ვწუხვარ, მაგრამ უნდა ვაღიარო, რომ XXI საუკუნის დასაწყისში საკუთარი თვა-

ლით ვუყურე „დამოუკიდებელი და სუვერენული“ საქართველოს ტოტალიტარული ტიპის სახელმწიფოდ ჩამოყალიბების პროცესს.

როგორც ადრე ბევრჯერ გავიმეორე, ყველაფერი დაიწყო ეგრეთ წოდებული „ვარდების რევოლუციით“. პრეზიდენტ შევარდნაძის მშობარა და, სავარაუდოდ, კორუმპირებულმა ხელისუფლებამ ძალაუფლება, ფაქტობრივად, უბრძოლველად დათმო „ახალგაზრდა რეფორმატორთა“ სასარგებლოდ. ხელისუფლების რევოლუციურ ცვლას დაუყოვნებლივ მოჰყვა ისტორიიდან კარგად ცნობილი ფაშისტურ-კომუნისტური სერიული „ნმენდები“, მძლავრი რეპრესიული აპარატის ჩამოყალიბება, დასმენის უცხო და ამაზრზენი სისტემისა და თაობებს შორის ხელოვნური დაპირისპირების შექმნა, სახელმწიფოებრივ დონეზე მეცნიერების და, საერთოდ, ინტელიგენციის სრული უგულვებელყოფა, გაუთავებელი კონსტიტუციური ცვლილებები ძალაუფლების განმტკიცების მიზნით, პოლიციისთვის უსაზღვრო უფლებების მინიჭება, პარლამენტის სრული სტაგნაცია, ნაციონალური (მმართველი) პარტიის გაფეტიშება, ოპოზიციური აზრის უგულვებელყოფა-გატრიზავება, მილიტარისტული დემარშები, საჩვენებელი მკვლევარობები, არარსებული გამარჯვებებით ტრაბახი, ყველა წინა ხელისუფლების უმსგავსი და გაუთავებელი ლანძღვა-გინება, საზოგადოებისთვის ცრუ-ინტელიგენციის შეჩერების მცდელობები, რეფორმების საფარქვეშ განათლების სისტემის და სასამართლო ხელისუფლების სრული პოლიტიზაცია, ყოვლად უსაფუძვლო ამბიციები საგარეო პოლიტიკაში, „კარგი ხელისუფლების“ სინდრომი, ბოლოს — ბელადომანია და ნაცისტურ-კომუნისტური ლოზუნგ-მოწოდებები...

შორს მიმავალი დასკვნების გამოსატანად არა, მაგრამ ისე, განსჯისთვის ერთ ისტორიულ ანალოგიას შეგახსენებთ: 1933 წლის 30 იანვარს ცხოვრებისგან დაღლილმა პრეზიდენტმა ჰინდენბურგმა ხელისუფლება გერმანიის ნაციონალ-სოციალისტურ პარტიას და მის ბელადს, ადოლფ ჰიტლერს ჩააბარა. ამაზე ისტორიკოსები დღემდე კამათობენ, მაგრამ დარწმუნებული ვარ, ეს გადაბარება არ მომხდარა მრავლისმნახველი გრაფის წრფელი სურვილით. მან დაახლოებით მაინც იცოდა, რა განსაცდელი ელოდა გერმანიას ნაციონალ-სოციალისტების სახით, მაგრამ სისხლისღვრას მოერიდა და ხელი ჩაიქნია. გერმანელთა უმრავლესობის აზრიც გაითვალისწინა. იმ უმრავლესობისა,

რომელიც გერმანიის „გაბრწყინებაზე“ ოცნებობდა და თავდა-  
ვინყებით გაჰკიოდა — ჰაილ! ჰაილ! ჰაილ!

2003 წლის 23 ნოემბერს პრეზიდენტმა შევარდნაძემ ხელისუ-  
ფლება მშვიდობიანად გადააბარა საქართველოს ნაციონალურ  
პარტიას და მის ბელადს, მიხეილ სააკაშვილს — ისიც სისხლის  
ღვრას მოერიდა და ხელი ჩაიქნია. ქართველთა უმრავლესობის  
აზრიც გაითვალისწინა. იმ უმრავლესობისა, რომელიც საქარ-  
თველოს „გაბრწყინებაზე“ ოცნებობდა და თავდავინყებით  
გაჰკიოდა — მიშა! მიშა! მიშა!..

ორივე შემთხვევაში, საღ აზრზე ეგზალტირებულმა ბრბომ  
იმძლავრა, მაგრამ ამჯერად კაცობრიობას გაუმართლა, რადგან  
1933 წლის შემდეგ 70 წელიწადს ჩაევილო, თანაც, საქართველო  
არ იყო ცენტრალური ევროპის 60-მილიონიანი ქვეყანა.

გრაფი ჰინდენბურგი 1934 წელს, 87 წლისა გარდაიცვალა. მან  
ვერ ნახა, რა უბედურება მოუტანა კაცობრიობას მისმა მშვი-  
დობისმოყვარულმა შესტმა — ხელისუფლების ნებაყოფლობით  
დათმობამ.

2006 წელს პრეზიდენტ შევარდნაძეს 76 წელი შეუსრულდა.  
მან საკუთარი თვალით ნახა, რა განსაცდელი მოუვლინა სააკა-  
შვილმა და მისმა ნაციონალურმა პარტიამ საქართველოს. ვწუ-  
ხვარ, მაგრამ მეჩვენება, რომ მთავარი განსაცდელი მაინც წინ  
გველის. შევარდნაძე, ღვთის ნებით, იმასაც ნახავს და ეს არის  
მისი ტრაგედია. ამას იმ ჟურნალისტების და ისტორიკოსების,  
ყველა იმ ადამიანის საყურადღებოდ ვამბობ, ვინც ოდესმე XXI  
საუკუნის დასაწყისის საქართველოს ისტორიაში გარკვევას  
მოინდომებს...

1945 წლის ადრიან გაზაფხულზე მესამე რაიხში ბოლო ტოტა-  
ლური მობილიზაცია გამოცხადდა. თოფქვეშ დადგა 14-დან 70  
წლამდე ასაკის ყველა გერმანელი მამაკაცი.

სულიერად და ფიზიკურად გატეხილი ფიურერი 14-15 წლის  
ბიჭებისგან შემდგარ „შერენგას“ მიუყვება და ლოყაზე ხელს  
უთათუნებს მისგანვე სასიკვდილოდ განწირულ მცირეწლოვან  
„ჰიტლერიუგენდელ“ ჯარისკაცს. ჯარისკაცები სმენაზე დგე-  
ბიან, მარჯვენა ხელს გაშლილი მტევნით თავს ზემოთ სწევენ და  
სათაყვანო ფიურერს ესალმებიან — ჰაილ ჰიტლერ!...

2006 წლის ოქტომბერში მშვიერი საქართველოს ახალგაზრდა,  
მხნე, ენერგიული პრეზიდენტი პირზე ბედნიერების ღიმილდა-  
ფრქვეული თბილისის ერთ-ერთ რუსულენოვან სკოლას სტუ-

მრობს. პრეზიდენტის შესახვედრად სკოლის კიბეებზე, ორივე მხარეს, ახალთახალ სასკოლო ფორმებში გამოწყობილი 6-7 წლის გოგო-ბიჭები ჩამწკრივებულან. პრეზიდენტი ერთ-ერთს უახლოვდება და ლოყაზე ხელს ალერსიანად უთათუნებს.

ბავშვები ერთხმად ესალმებიან სათაყვანო პრეზიდენტს:

— მიშა, მიშა!..

2006 წლის შემოდგომაზე ნაციონალური პარტიის (დაუკვირ-დით!) ინიციატივით, თბილისში გაიმართა გრანდიოზული ფოლკლორული ფესტივალი კოდური სახელწოდებით... „ნაციონალური ხმა“.

ძალაუფლების სრული უზურპაციის პროცესი, სიმბოლურად, ამით დასრულდა.

### **ჩვენ გადავითხარეთ!..**

2003 წლის შემდეგ საქართველოში განვითარებული მოვლენები ძალიან ჰგავს 1917 წლის შემდეგ რუსეთში და 1933 წლის შემდეგ გერმანიაში განვითარებულ მოვლენებს. მსგავსია ძალაუფლების უზურპაციისთვის ბრძოლის ტექნოლოგიები და, რაც მთავარია, მსგავსია შედეგები — სახელმწიფოთა ტიპი.

XXI საუკუნის დასაწყისის საქართველოს და XX საუკუნის 30-იანი წლების გერმანიის რეჟიმების ქმედებები თვით უმცირეს დეტალებშიც კი ემთხვევა ერთმანეთს: ხალხმრავალ მიტინგებზე ფიურერების სიტყვაუხვი და არაფრისმთქმელი გამოსვლები; ახალგაზრდების გადაბირება და გარყვნა ძალაუფლებით; დემონსტრაციული „ხალხში გასვლები“; პომპეზური დღესასწაულები, მათ შორის — ღამღამობითაც; ინფორმაციებით მანიპულაციები; ქუჩებისა და მოედნებისთვის „ვარდების რევოლუციის“ ჩინიანი და უჩინო „მოღვაწეების“ სახელების დარქმევა; გრანდიოზული ძეგლების მშენებლობა; მოაზროვნეთა უგულვებლყოფა და დევნა; ბრძოლა რეალობის წინააღმდეგ...

ორიოდე სიტყვით სწორედ ამ უკანასკნელზე შევჩერდები. ყველა ტოტალიტარული რეჟიმი ძალაუფლების შენარჩუნების მიზნით, იძულებულია, უპირველეს ყოვლისა, შექმნას მძლავრი რეპრესიული აპარატი — არმია, სპეციალური და საიდუმლო სამსახურები, პოლიცია, აგენტურული ქსელი, „საკუთარი“ სასამართლო სისტემა და, რაღა თქმა უნდა, საკუთარი „თავისუფალი“ მასმედია. ყველაფერი ეს მოითხოვს ძალიან დიდ თანხებს.



დაუმატეთ ამას სანახაობები, რიტუალური მშენებლობები, დაგეგმილი „გამარჯვებები“, არჩევნები და მრავალი სხვა ბიუჯეტში ოფიციალურად ვერ გასათვალისწინებელი ხარჯი.

ძალიან სწრაფად ფულის შოვნის ერთადერთი გზა არის საკუთარი მოსახლეობის ძარცვა. ასე იქცეოდა ჰიტლერის ხელისუფლებაც და სტალინისაც. სხვა გამოსავალი არ ჰქონდა თავისუფლებანაჩუქარი საქართველოს ხელისუფლებასაც — 2003 წლის „ვარდების რევოლუციის“ შემდეგ ქვეყანაში ტოტალური რეკვიზიციების ეპოქამ დაისადგურა. რუსეთის, გერმანიის, ბელორუსის, ყაზახეთის, თურქმენეთის, უზბეკეთის, აზერბაიჯანის და სხვა ქვეყნებისგან განსხვავებით, საქართველოს საკმაოდ მწირი მატერიალური რესურსები მალე გამოილია. „მეგობარი ქვეყნების“ დახმარება სიმბოლური აღმოჩნდა, ყოველ შემთხვევაში, ვერავითარი პოზიტიური გავლენა ვერ მოახდინა მოსახლეობის აბსოლუტური უმრავლესობის მატერიალურ მდგომარეობაზე. ამიტომ საჭირო გახდა ახალ-ახალი შინაური და გარე მტრების აღმოჩენა, ყველა უბედურების მათზე გადაბრალება და პროპაგანდისტული მანქანის მთელი ძალით ამუშავება. შინაური მტრები, რა თქმა უნდა, მალე და მრავლად გამოინახა — ოპოზიციურ პარტიებში, წინა ხელისუფლების მომხრეებში, ბიზნესმენებში, ინტელიგენციაში, სახელმწიფო სტრუქტურებში, თვით მმართველ პარტიაში და საპარლამენტო უმრავლესობაშიც კი.

ქვეყნის უდიდეს და პირსისხლიან მტრად, როგორც მოსალოდნელი იყო, რუსეთი დაისახა.

თუ გავითვალისწინებთ, რომ კენიგსბერგიდან (კალინინგრადიდან) ვლადივოსტოკამდე გადაჭიმულ რუსეთთან ჩვენი მარადიული მეზობლობა ღმერთმა ინება, მასთან ურთიერთობების გაფუჭებით, თითქოს, დაინტერესებული არავინ არ უნდა ყოფილიყო. მაგრამ, როგორც მოგახსენეთ, რეალობის წინააღმდეგ ბრძოლა ტოტალიტარული სახელმწიფოს ერთ-ერთი მთავარი ნიშანია.

ალარაფერს ვამბობ პრეზიდენტ სააკაშვილის საჯარო გამონათქვამებზე, რომლებიც არაფრით ჩამოუვარდება, ზოგჯერ აშკარად აჭარბებს კიდევ ლენინის ზემოთ მოყვანილ გამონათქვამებს. განსაკუთრებით, ეს ეხება კატეგორიულ მოთხოვნებს „დამნაშავეთა“ ლიკვიდაციაზე, პარლამენტის მიერ მისთვის სასურველი კანონების მიღებაზე („ვინც ამ გადაწყვეტილებას ხმას არ მისცემს, პირადად ჩემთან ექნება საქმე“) და ა. შ.

ლენინი თავის მოწინააღმდეგეებს ასე მოიხსენიებს: „ხული-გნები, სისხლისმსმელები, მუქთახორები, მორიელები, საზიზღარი მწერები...“

სააკაშვილს, სავარაუდოდ, ლენინის ნაშრომები არ უსწავლია, მაგრამ თავის ოპონენტებს მაინც ლენინისეული ეპითეტებით ამკობს: „მჩმახავეები, ცრუპენტელები, მექრთამეები, დამნაშავეები, უსაქმურები, წურბელები, სინდისგარეცხილები, ცრუ მეცნიერები...“

საინტერესოა ისიც, რომ სააკაშვილი და მისი პოლიტიკური პარტია „ნაციონალური მოძრაობა“ (შეგახსენებთ: ადოლფ ჰიტლერის პარტიას „ნაციონალ-სოციალისტური“ ერქვა!) ხელისუფლების სათავეში ისე მივიდა, ქვეყნის განვითარების არავითარი ეკონომიკური გეგმა არ ჰქონია. მეტიც, მსგავსი დოკუმენტი არც ხელისუფლების სრული უზურპაციის შემდეგ არ წარმოუდგენია. მთელი გეგმა ორიოდ მაგიური სიტყვით ითქმის — ჩვენ გავაკეთებთ!

ბუნებრივია, რეალობა წინააღმდეგობას უწევს ძალადობას. ცხოვრება თავისას მოითხოვს — ეკონომიკის განვითარების კანონზომიერება ვერ ჰგუობს კარჩაკეტილობას. ტოტალიტარულ პარტია-სახელმწიფოს ძალაუფლების შესანარჩუნებლად ყოველდღე მეტი და მეტი რესურსი სჭირდება. ამიტომ იგი სასწრაფოდ და დაუფიქრებლად ჰყიდის ქვეყანაში არსებულ ყველა მატერიალურ ფასეულობას, ამკაცრებს რეკვიზიციების პროცესს („სოციალისტური ამოღების“ პოლიტიკა!), ეძებს და პოულობს ახალ-ახალ მტრებს.

ახალგაზრდა „პატრიოტების“ თანხლებით, პრეზიდენტი ხშირად ჩნდება უკვე საბოლოოდ გატეხილ-დამორჩილებული ქართული ტელეარხების ეკრანებზე და მუქარანარევი ტონით დიდაქტიკურ ტირადებს წარმოთქვამს, რომლებსაც მუდამ ერთნაირად იწყებს: „მე უნდა გითხრათ თქვენ, რომ... თქვენ უნდა იცოდეთ, რომ...“ და მუდამ ერთნაირად ამთავრებს: „რაც არ უნდა იყიყინოს ჩვენმა ეგრეთ ნოდებულმა ოპოზიციამ, დანყებულ საქმეს მივიყვანთ ბოლომდე... არსად — ევროპაში, ბალტიისპირეთში, პეტერბურგში, პარიზშიც კი არ არის ამ დონის სკვერები, სათამაშო მოედნები, შადრევნები... მტრების ჯინაზე, ჩვენ კიდევ უფრო გავანათებთ ქუჩებს, დავაგებთ ასფალტს... ჩვენ გვყავს შესანიშნავი საპატრულო პოლიცია და ბრწყინვალედ მუშაობს ჩვენი გენერალური პროკურორი... რუსებს ეგონათ გავგტეხა-

ვდა, ხალხს ხელისუფლების წინააღმდეგ აამხედრებდა, მაგრამ, ნურას უკაცრავად, ვერ მივართვით... ვინ გვიცნობდა ჩვენ? — არავინ. ჩვენ გაგვიცნო მსოფლიომ ჩვენი რევოლუციით... ჩვენ გავხსენით ასი უფასო სასადილო, გადავთხარეთ ასი ქუჩა, ავაშენეთ ასი ხელოვნურ საფარიანი მინი სტადიონი...”

არავითარი მინიშნებაც კი მოქალაქეთა უდიდესი უმრავლესობის უმძიმეს სოციალურ პირობებზე, ქვეყნიდან მოსახლეობის, განსაკუთრებით, ახალგაზრდობისა და ინტელექტუალური ნაწილის მიგრაციაზე, ეკონომიკის კრახზე, მიტოვებულ სოფლებზე, გრანდიოზულ უმუშევრობაზე... არცერთი სიტყვა ქვეყანაში რეალურად არსებულ ვითარებაზე.

ძალიან საგულისხმოა პრეზიდენტ სააკაშვილის მიერ „რთველის მინისტრად“ დანიშნული სამხედრო მინისტრის, „ფელდ-მაჟარ“ ოქრუაშვილის მრავალთაგან ერთი საჯარო განცხადება კახელი გლეხების მისამართით და საქართველოს ყველა მოქალაქის გასაგონად: „ყველა მიიღებს იმას, რაც ეკუთვნის. თუ ვინმე მიტინგებს მოაწყობს, ჩვენ ადექვატურ ზომებს მივიღებთ. ფრთხილად იყავით, მთელი თქვენი ნაშრომის ციხეებში მიტანა არ დაგჭირდეთ“.

საზოგადოების ნაწილი, დაახლოებით 12-15 პროცენტი, მაინც მხარს უჭერდა არსებულ ხელისუფლებას. ეს გამოჩნდა 2006 წლის ოქტომბერში მმართველობის ადგილობრივი ორგანოების არჩევნებზე, სადაც ამომრჩეველთა დაახლოებით 32 პროცენტი გამოცხადდა და უმრავლესობამ მხარი პარტია-ჰეგემონის კანდიდატებს დაუჭირა. აქ მოქმედებს ორი ძველი და ნაცნობი სინდრომი — „ეს თუ არა, მაშ ვინ?“ და „შეჩვეული ჭირი სჯობს შეუჩვეველ ლხინს“. რა თქმა უნდა, გასათვალისწინებელია ხელისუფლების მიერ არჩევნებისთვის საკუთარი ადმინისტრაციული რესურსებისა და საბიუჯეტო სახსრების, უმძლავრესი პროპაგანდისტული მანქანის შესაძლებლობების განუკითხავი გამოყენება და შიშის სინდრომიც.

საქართველოში 2003 წლის „ვარდების რევოლუციის“ შედეგად მიღებული სურათი დაახლოებით ასეთი იყო: ძალაუფლების სრული კონცენტრაცია პარტია-სახელმწიფოს ხელში, ლიდერის (პრეზიდენტი) კულტი, ძალადობისა და დაშინების სამეფო, ადამიანური ურთიერთობების გახრწნა, „შეთქმულთა“ წინააღმდეგ ერთიანი ბრძოლისკენ გაუთავებელი მოწოდებები, საკუთარი გამარჯვებებით და უძლევლობით ტრაბახი, მასმედიის (ძირი-

თადად, ტელეარხების) თითქმის სრული მონოპოლიზაცია, „ჩაშვების“ ინსტიტუტების ამოქმედება, სასამართლო სისტემის შს სამინისტროსთვის დაქვემდებარება, შიშისმომგვრელი სპეციალური რაზმების განუკითხავი თარეში, უმაღლესი საკანონმდებლო ორგანოს წმინდა წყლის ფორმალობად გადაქცევა...

პარტია-სახელმწიფო (ნაციონალური მოძრაობა) საკუთარ მოქალაქეებს არაორაზროვნად ეუბნება: „მე ვარ ძალა, მე ყველაფერი შემიძლია. შენ, ინდივიდი, პარტია-სახელმწიფოს წინაშე ხარ არარაობა!“

როგორც ოდესღაც გერმანიაში, რუსეთში და სხვაგან, რევოლუციურმა რეჟიმმა XXI საუკუნის დასაწყისის საქართველოში ადამიანი გადააქცია რეჟიმის მონად. როგორც ჯორჯ ორუელმა დაგვანახა, ეს ეხება მსხვერპლსაც და ჯალათსაც — რეჟიმის მონად იქცა ყველა ქართველი მინისტრი, პარლამენტის წევრი, ბიზნესმენი, მდიდარიც და უქონელიც.

სამწუხაროდ, „სარდლებად დადგენილმა ბიჭ-ბუჭებმა და ქარაფშუტებმა“ ახალგაზრდობის, გამოუცდელობისა და, უბრალოდ, უვიცობის გამო, საკუთარი სავალალო მდგომარეობა ვერ დაინახეს. გამოცდილებმა და გონიერებმა კი შიშის გამო ხმა თავად ჩაიგდეს, ან ხმა ძალით გააკმენდინეს, ან ხმა აღარსად მიუწვდებოდათ.

საბჭოთა კავშირის დაშლის შემდეგ საქართველოს ყველა ხელისუფლებამ, თავისთვისაც მოულოდნელად, მოქმედების უსაზღვრო თავისუფლება მიიღო. უსაზღვრო თავისუფლებას, როგორც ცნობილია, უსაზღვრო ტირანიამდე, აბსოლუტურ ძალაუფლებამდე მიყვავართ. აბსოლუტური ძალაუფლება კი, მოგეხსენებათ, აბსოლუტურად რყვნის.

რასაც საქართველოს მაგალითზე ვამბობ, სავსებით შეესაბამება ბევრ პოსტსაბჭოთა რესპუბლიკას. იქაც არიან ადამიანები, ვისაც მსგავსი პრობლემები ანუხებთ და ამის შესახებ წერენ კიდევ. მე, საქართველოს მოქალაქეს, საქართველოს მომავალი მამფოთებს და მინდა, რომ ამაზე ჩემმა თანამოქალაქეებმაც იფიქრონ. იფიქრონ ახლაც და მომავალშიც, რადგან აბსოლუტური ძალაუფლების სიყვარული მხოლოდ ჩემი თანამემამულეების ან მხოლოდ ჩემი ეპოქის სენი არ გახლავთ. იგი მარადიულია და კაცობრიობას თავს კიდევ ბევრგან და კიდევ ბევრჯერ შეახსენებს.

## საქართველოს რუსული პოლიტიკა და ქართული ჟურნალისტიკა

იმის გამო, რასაც ახლა ვიტყვი, ჩემი თანამედროვე პარტია-სახელმწიფოს წარმომადგენლები, ოპოზიციონერები და გაალმასებული ურა-პატრიოტები უთუოდ შემაჩვენებენ. ამიტომ მოვასწრებ და ქვეყნის გასაგონად დავიყვირებ: გაუმარჯოს დამოუკიდებელ საქართველოს! ძირს რუსეთის ბოროტი იმპერია!

1801 წელს საქართველო რუსეთს შეუერთდა. თვრამეტი წლით ადრე რუსეთ-საქართველოს შორის გეორგიევსკში ხელმოწერილი ტრაქტატით მოვლენათა ამგვარი განვითარება გათვალისწინებული არ ყოფილა. ახალგაზრდა, დიდმპყრობელური ყინით შეპყრობილმა რუსულმა იმპერიამ ინდოეთისკენ მიმავალ გზაზე პატარა საქართველო ისე გადაყლაპა, რომ სამოკავშირეო ხელშეკრულება არც გახსენებია. ერთ დროს ძლიერი და აყვავებული, ახლა კი დაშლილ-დაუძღურებული ქვეყანა რუსეთის უკიდევანო იმპერიის შორეულ პროვინციად იქცა.

ამიერ და იმიერ (აღმოსავლეთ და დასავლეთ) საქართველოში სასწრაფოდ გაუქმდა მეფობა და ავტოკეფალური ეკლესია. დაინყო ქართული სამეფო-სამთავროების შემომტკიცება. სამიოდე წელიწადში ყველაფერი დამთავრდა: აღარც მეფე, აღარც მთავარი, აღარც სამეფო კარი, აღარც სახელმწიფო, აღარც საზრუნავი... იმ ნარჩენებს, რასაც ოდესღაც საქართველო ერქვა, ამიერიდან რუსი დაეპატრონა!

ამიერკავკასიის (სამხრეთ კავკასიის) დედაქალაქად გამოცხადებულ ტიფლისში რუსი გენერალ-გუბერნატორი მორჭმით დაჯდა. რუსი სალდათი ყველაზე საშიშ და ყველაზე საპატივცემო პერსონად იქცა. საქართველოს სახელმწიფოებრიობის ისტორიის წიგნი ორასი წლით დაიხურა.

აი, ნავიკითხე ეს სიტყვები და ტანში მეც თქვენსავით გამცრა.

ბარემ ისიც ვთქვათ, რა მიიღო რუსეთის ყოვლისშემძლე იმპერატორმა, ალექსანდრ პავლოვიჩმა, საქართველოს სახით: დაახლოებით 700 000-იანი მოსახლეობა; ერთმანეთზე სამკვდრო-სასიცოცხლოდ გადაკიდებული ქართული სამეფო-სამთავროები; გაუთავებელი ლეკიანობა; ადამიანებით ვაჭრობის ტრადიცია; საქართველოსადმი ამკარად მტრულად განწყობილი მეზობლების კამპანია; არცერთი საერო სკოლა, საშუალო-

ტექნიკური, ან უმაღლესი სასწავლებელი; არცერთი ფაბრიკა ან ქარხანა, არცერთი ბიბლიოთეკა, არცერთი მანუფაქტურა და ადმინისტრაციული შენობა; საზღვრები — მორღვეული, ჯარი — დაფანტული, გზები — დანგრეული, სოფელი — დაქცეული, ხაზინა — ცარიელი, იმედი — გადანურული.

ამის გარდა, არ არსებობდა ცენტრალიზებული ან ადგილობრივი სამმართველო სტრუქტურები, სასამართლო სისტემა, საკანონმდებლო ბაზა; რაც მთავარია, არ არსებობდა მყარი საზოგადოებრივი აზრი საქართველოს სახელმწიფოებრიობის აუცილებლობაზე.

ასეთი იყო ჩვენი ისტორიის ეს უნუგეშო მონაკვეთი.

ბებერი საქართველო ბედნიერი და აყვავებული ქვეყანა რომ ყოფილიყო, ახალგაზრდა და ამბიციური რუსული იმპერია, სურვილის შემთხვევაში, მის დამორჩილებას მაინც შეძლებდა. ისევე, როგორც ოდესღაც ეს მოახერხეს სპარსელებმა, არაბებმა, მონღოლებმა თუ ჯალალედინმა. მაგრამ მაშინ, მეცხრამეტე საუკუნის გარიჟრაჟზე, საქართველოს უკანასკნელი ძლიერი ხელისუფლის, ერეკლე მეორის კატასტროფული მარცხისა და ქვეყნის სულიერი და ფიზიკური გაპარტახების შემდეგ, მართლმადიდებელი რუსული იმპერია საქართველოსთვის ერთადერთი ნუგეში იყო.

დიდმა იმპერიამ საქართველოს ისტორიულად კუთვნილი ტერიტორიების დიდ ნაწილს საზღვარი შემოავლო და მას საქართველო უწოდა; შექმნა ცენტრალური და ადგილობრივი ადმინისტრაციული ერთეულები, მართვისა და რეპრესიული სისტემები; სასამართლო სისტემა, საკანონმდებლო ბაზა. დაიწყო სკოლებისა და სხვა საგანმანათლებო სტრუქტურების მშენებლობა, სოფლის მეურნეობისა და მანუფაქტურების აღორძინება, ქალაქმშენებლობა, ახალგაზრდა ქართველ თავადაზნაურთა გაგზავნა სასწავლებლად იმპერიის ინტელექტუალურ და ადმინისტრაციულ ცენტრებში; გამოიცა პირველი გაზეთი, რასაც 1828 წელს სოლომონ დოდაშვილის მეცადინეობით, ჯერ პირველი რუსულენოვანი ქართული გაზეთი („ტიფლისსკიე ვედემოსტი“), მალევე კი ქართულენოვანი „ტიფლისის უწყებანი“ მოჰყვა...

იმპერია ატარებდა აშკარა რუსიფიკატორულ პოლიტიკას — კანონმდებლობაც რუსული იყო, მმართველობის სისტემაც, საკანონმდებლო ბაზაც, სწავლებისა და სამოხელეო ენაც, სახელმძღვანელოებიც, ჯარიც, ჩაცმულობაც და მიხვრა-მოხვრაც.

ყველაფერი ეს კარგს არაფერს უქადდა ქართულ კულტურას და, საერთოდ, საქართველოს, მაგრამ იმასაც ნუ დავივინწყებთ, რომ იმპერიის მხრიდან მისი ერთ-ერთი სამხრეთული პროვინციის სასწრაფო რუსიფიკაცია იყო ერთადერთი სწორი პოლიტიკა... იმპერიისთვის. რუსეთი საქართველოში (და უკლებლივ ყველა სხვა დაპყრობილ თუ „შემოერთებულ“ ტერიტორიაზე) ატარებდა იმ პოლიტიკას, რაც მისაღები და სასარგებლო იყო რუსული იმპერიისთვის. თუ გნებავთ, კიდევ ერთხელ გავიმეორებ: რუსეთი აშკარა რუსიფიკატორულ პოლიტიკას ატარებდა იმპერიის მთელ ტერიტორიაზე — პოლონეთში, ბალტიისპირეთში, ციმბირში, შუა აზიაში, ჩრდილო და სამხრეთ კავკასიაში; იყენებდა ამ პოლიტიკის შესატყვის ტექნოლოგიებს ძალადობის ჩათვლით. მწარედ ცდება, თუ ვინმე ფიქრობს, რომ რუსებს საქართველოში ქართული სკოლები უნდა ეშენებინათ, კანონმდებლობა ისტორიულ ქართულ სამართლებრივ ძეგლებზე და ადათებზე უნდა დაეფუძნებინათ, ქართული არმია და პოლიცია უნდა შეექმნათ, სიღნაღში, კავთისხევში და საჯავახოში ქართული უნივერსიტეტები უნდა გაეხსნათ, ქართული ინტელიგენციისა და ქართული პოლიტიკური ისტებლიშმენტის ჩამოყალიბებაზე უნდა ეზრუნათ...

ასეთი რამ ისტორიაში არასდროს არ მომხდარა და, დარწმუნებული ბრძანდებოდეთ, მომავალშიც არასდროს არ მოხდება. ხოლო, რაც საქართველოში რუსეთთან შეერთების შემდეგ მოხდა, მსოფლიო ისტორიაში კიდევ ბევრჯერ განმეორდება. რალა შორს მივდივართ: ამერიკელებთან დამეგობრებიდან რალაც ხუთიოდ წელიწადში მთელი ქართული მთავრობა ინგლისურად „აჟღურტულდა“, ინგლისურენოვანი საბავშვო ბაღები, სკოლები და უმაღლესი სასწავლებლები გაიხსნა; ქართველები სასწავლებლად ოკეანის გაღმა დაიძრნენ; ჯარი და პოლიცია ამერიკულ ყაიდაზე გაეწყო; კანონმდებლობა ევრო-ამერიკული დაფუძნდა; ქართულ-რუსული აბრები ინგლისურით შეიცვალა; რუსულენოვანის ნაცვლად, ინგლისურენოვანი ჟურნალ-გაზეთები გამოვიდა; მელაანის ქუჩას თბილისში უმცროსი ჯორჯ ბუშის სახელი დაერქვა; ძველი მინათმოქმედები მეტრდოტელებად, „სტილისტებად“, პორტიელებად და ხელზე მოვაჭრეებად, ქართველი ბიჭები — მამლუქებად, გოგოები — „ოპერმედხენებად“ და მეძავებად იქცნენ...

ოდესლაც რუსი ჯარისკაცის ხიშტით გაერთიანებულ და XXI საუკუნემდე მოტანილ საქართველოს (სადაც 1990 წლისთვის

ხუთი მილიონი ადამიანი ცხოვრობდა!) დამოუკიდებლობის მოპოვების შემდეგ ყოველწლიურად ასი ათასობით მოქალაქე ტოვებდა და ვინც რჩებოდა, თვალი მასაც გაქცევაზე ეჭირა. ნუ გაგიკვირდებათ და, წამსვლელთა ნახევარზე მეტი ყოფილ „იმპერიაში“, რუსეთში დამკვიდრდა.

XIX საუკუნის დასაწყისში რუსეთმა საქართველო ფიზიკურ განადგურებას გადაარჩინა. ფუნქცია დაკარგულ საქართველოში ევროპული კულტურა და განათლება რუსეთიდან შემოვიდა. ქართველი განმანათლებლები („თერგდალეულები“) საქართველოს რუსეთიდან მოვევლინენ. ქართული მეცნიერება, ქართული საზოგადოებრივი აზრი რუსულ მეცნიერებაზე, რუსულ საზოგადოებრივ აზრზე აღმოცენდა. ბოლო ორასი წლის განმავლობაში რუსისგან დამოუკიდებლად და რუსული ფულის გარეშე საქართველოში არ აშენებულა არაფერი, თვით საზოგადოებრივი ტუალეტიც კი ჯაპანის რკინიგზის სადგურზე.

გეთანხმებით, საქართველო არ ყოფილა არც რუსეთის და მსოფლიოს არც ერთი სხვა ქვეყნის ღირსეული პარტნიორი, რადგან იგი იყო ჯერ მეფის რუსეთის, შემდეგ საბჭოთა რუსეთის ერთ-ერთი პროვინცია. რომ არა რუსეთი, საქართველო XXI საუკუნემდე ვერასდიდებით ვერ მიაღწევდა. ანუ ჩვენ, ქართველები, რუსებისგან საკუთარი სიცოცხლით ვართ დავალებული.

რუსეთის მმართველმა წრეებმა, შესაძლოა, არ იცოდნენ, რა ხდებოდა საქართველოში XIX საუკუნემდე, მაგრამ შესანიშნავად იციან, რა მოხდა და რა ხდება 1801 წლიდან მოყოლებული. XXI საუკუნის დასაწყისის რუსულ პოლიტიკურ ელიტას (და რუსულ პლებსსაც) საქართველოც, სომხეთიც, აზერბაიჯანიც, ჩრდილო კავკასიაც, უკრაინაც და ბელორუსიც, მოლდოვაც და შუა აზიაც თავის საკუთრებად მიაჩნია. დარწმუნებულია, რომ ამგვარი განწყობისთვის არსებობს საკმარისი ისტორიული და სამართლებრივი საფუძველი. სხვა თუ არაფერი, მათ ხომ ამ ტერიტორიების დასაპყრობად და შესანარჩუნებლად ზღვა სისხლი დაღვარეს!

ნუ გავკიცხავთ რუსებს ამ განწყობისთვის — ვინ იცის, როგორ მოვიქცეოდით მათ ადგილზე ჩვენ, ქართველები! იმასაც ნუ დავივიწყებთ, რომ უმადურობას არასოდეს არავისთვის სიკეთე არ მოუტანია.

არც მეცხრამეტე საუკუნეში, არც მანამდე და არც მას შემდეგ რუსეთი არ ყოფილა დემოკრატიის აკვანი. ჩვენ, ვინც თითქმის ორასი წელიწადი გავატარეთ რუსეთის შემადგენლობაში, ეს



უნდა გვცოდნოდა. ამით იმის თქმა მინდა, რომ ღვთის შეწევნით და განათლებული მსოფლიოს უზარმაზარი ძალისხმევით დამოუკიდებლობანაჩუქარ საქართველოს ხელისუფლებებს, რუსეთთან ურთიერთობისას გაცილებით ფრთხილი, მოქნილი და მოზომილი პოლიტიკის გატარება მართებდათ. ალბათ — მეტი მოთმინებაც.

ისტორიულ ურთიერთობებს რომ თავი დავანებოთ, რუსეთი ობიექტურად არის მსოფლიოს ერთი ყველაზე დიდი, პრაქტიკულად, ამოუწურავი ბუნებრივი რესურსების და უდიდესი საომარი გამოცდილების მქონე საკმაოდ აგრესიული საგარეო პოლიტიკის მატარებელი ქვეყანა. დამოუკიდებელი საქართველო ამ თვალწინდელი, მსოფლიო ჰეგემონობაზე მეოცნებე და ეკონომიკურად მზარდი ქვეყნის კარის მეზობელია. საქართველოს კეთილდღეობა, მისი არსებობაც კი, რუსეთის კეთილგანწყობაზეა დამოკიდებული. არ ვამბობ, რომ ამავე პერიოდის რუსეთის ქართული პოლიტიკა, თავის მხრივ, სანიშნოდ იყო, მაგრამ ჩვენმა რევოლუციურმა ხელისუფლებამ რომ თავი მამლაცინურად, უკაცრავად პასუხია და, ცოტა ხულიგნურად დაიჭირა, ამასაც ვერსად გავექცევით.

საკაპშილის (და ყველა წინა) ხელისუფლება ხშირად ხაზს უსვამს საქართველოს გეოგრაფიულ მდებარეობას მსოფლიო რუკაზე. დარწმუნებულია, რომ ეს მნიშვნელოვანი და საკმარისი კოზირია რუსეთ-ამერიკისთან პარტნიორებთან თამაშისას. უცნაურია, რომ ქართველ პოლიტიკოსებს ამ რუკაზე არ უნდათ დაინახონ საქართველოს უახლოესი გარემოცვა და რუსეთ-ამერიკის „სასიცოცხლო ინტერესები“ მახლობელ აღმოსავლეთთან დაკავშირებით. ძალიან უბრალო ამბავია: თუ რუსეთი და ამერიკა ირანის თაობაზე ერთმანეთში გარიგდნენ, „მეგობარ“ ციციქნა საქართველოს მიმართ ზუსტად იმდენი ინტერესი დარჩება, რამდენიც აქვს მას სხვა ნებისმიერი მეტნაკლებად „მზიური“ და ცოტა ველური ქვეყნისადმი, სადაც კარგი ციკვა-თამაში იციან, კარგად სვამენ და ეკოლოგიურ ხინკალსაც კარგად აკეთებენ. ხოლო, ღმერთმა დაგვიფაროს და, თუ ვერ გარიგდნენ, ანუ ამერიკამ მუქარა შეასრულა და ირანში ამერიკული დემოკრატიის საექსპორტოდ „მეგობარი“ საქართველოს ტერიტორია გამოიყენა, საქართველოს არსებობა ამერიკული ბომბდამშენების ირანული ოპერაციიდან დაბრუნებისთანავე დამთავრდება.

კავკასიაში საქართველოს ორიოდე პოტენციური მოკავში-

რე ჰყავს — სომხეთი, აზერბაიჯანი და ჩრდილოეთ ოსეთი. 2006 წლის გადასახედიდან, ოსებთან სრულფასოვან თანამშრომლობაზე საუბარი საკმაოდ შორეული პერსპექტივის ამბავია. სომხეთი ჩვენი „მოსისხლე მტრის“, რუსეთის ძმა, მეგობარი და სტრატეგიული პარტნიორია. აზერბაიჯანის პოლიტიკა საქართველოსადმი, კარის მეზობლის პირობაზე, საკმაოდ ცივი და ოფიციალურია (თუმცა, ამას სააკაშვილის ხელისუფლება პრინციპულად არ იმჩნევს).

ფაქტია, რომ რუსეთის ავტორიტეტი მსოფლიოში კოლოსალურია. კიდევ უფრო საინტერესოა, რომ იგი ზრდის ტენდენციით გამოირჩევა. რუსეთი სჭირდება მსოფლიოს, რუსეთს უფროსიან და პატივს სცემენ — ევროპაშიც და ამერიკაშიც! რუსეთზე ბევრადაა დამოკიდებული საქართველოს ტერიტორიული მთლიანობა, ეკონომიკის აღმავლობა და, აქედან გამომდინარე, საქართველოს სახელმწიფოებრიობა.

აი, ამ რუსეთს ჩვენი ბიბლიური „ბიჭ-ბუჭებით“ დაკომპლექტებული ხელისუფლება კრიჭაში უდგას, გამუდმებით უტევს და ზედიზედ „ზეიმობს“ მასზე რიტუალურ გამარჯვებებს (ნახეთ, სააკაშვილმა რა თქვა?! ბოკერია რუსები მიწასთან გაასწორა!.. საინფორმაციო ომი მოვიგეთ! რუსეთის ნამდვილი სახე მსოფლიოს დავანახეთ!).

იმ დროს, როცა საქართველოს ხელისუფლება რუსეთზე მორიგ „გამარჯვებას“ ზეიმობს, ჩვენი ხელისუფლების უსაქციელობის გამო, რუსეთი საზღვრებს გვიკეტავს, თავისი ტერიტორიებიდან ქართულ საქონელს და ეთნიკურ ქართველებს უბოდიშოდ აძევებს, გაზის ფასს გვიძვირებს, საერთაშორისო მასშტაბით დაუძლეველ სირთულეებს გვიქმნის, „მსოფლიოში უნიჭიერეს“ საქართველოს სახელისუფლო გუნდს ახალ-ახალი უმძიმესი შეცდომებისკენ უბიძგებს...

**რუსეთის სახით, საქართველომ დაკარგა არა მხოლოდ უდიდესი და უძლიერესი სამხედრო და ბიზნეს პარტნიორი, არა მხოლოდ უსაზღვრო გასაღების ბაზარი, არამედ დაკარგა მართლმადიდებელი კულტურის მატარებელი უზარმაზარი ქვეყანა, ბუნებრივი მოკავშირე, ერთადერთი დასაყრდენი საკუთარი მართლმადიდებლური კულტურის და, შესაბამისად, ეროვნული თვითმყოფადობის გადასარჩენად. კიდევ ერთხელ გავიმეორებ — ეს მოხდა XXI საუკუნის დამდეგს!**

ორასი წლის წინათ უზარმაზარმა რუსულმა პითონმა მარ-

თლაც გადაყლაპა პატარა საქართველო, საკუთარ სხეულში გაათბო, მოალონიერა, გამოზარდა და უკანვე გადმოაგდო. თან რკინიგზები, სკოლები, ბიბლიოთეკები, თეატრები, უნივერსიტეტები, მეცნიერები, ლაბორატორიები, აეროპორტები, იარაღის საწყობები, გენერლები, პარტიები და იდეები ამოაყოლა.

თხუთმეტწლიანი დამოუკიდებლობის განმავლობაში საქართველომ საკუთარი ეკონომიკური პოტენციალის განადგურებაც მოასწრო და რუსული ამაგის პირნმინდად დავიწყებაც. რუსულის ნაცვლად ახლა საკუთარი ნებით ყბაში თურქულ პითონს ჩაუვარდა. ისიც ნება-ნება შეექცევა ნუგზარ ლუკმას და ისე მოინელებს, ნასახსაც არ დატოვებს. მერე კი რუსი, არაბი და ამერიკელი მეცნიერები ერთობლივად დაიწყებენ ქართველთა ნაკვალევის ძებნა-შესწავლას საქართველარ სამხრეთ კავკასიაში.

საინტერესოა, რომ რუსეთთან ურთიერთობის საკითხში ხელისუფლებამ და მისმა რადიკალურმა ოპოზიციამ საკვირველი ერთსულოვნება გამოაჩინა. მეტიც, ოპოზიცია, რომელიც ხელისუფლების თითქმის ყველა ნაბიჯს ინუნებდა, რუსეთთან კიდევ უფრო მკაცრი და კატეგორიული პოლიტიკის მომხრე აღმოჩნდა. ხელისუფლება-ოპოზიციის გაერთიანებულმა უგუნურებამ ერთადერთი გამოსავალი დაინახა: საქართველოს მოსახლეობამ უნდა გაიჭიროვოს, გაუძლოს შიმშილს, სიცივეს, უსამართლობას. სამაგიეროდ, ოდესმე უთუოდ შევალთ პრესტიჟულ სამხედრო ბლოკ NATO-ში და მთელი საქართველო ფოჩიანი კანფეტებით, ხალვით, რაჭათ-ლუხუმით, ჰამერებით და ლამაზი მულატი ბოზებით აივსება!

საკუთარ კარიერაზე თავდავიწყებით შეყვარებული პოლიტიკოსების გარდა, საქართველოს მოსახლეობის დიდი უმრავლესობა რუსეთთან კეთილმეზობლური, ურთიერთდამთმობი, რბილი პოლიტიკის და ოდინდელი ბიზნეს-კავშირების აღდგენის მომხრე იყო და არის. ბრძენმა ქართველმა კაცმა იცის, რომ კარის მეზობელთან დაუბრება, ჩხუბი, აყალ-მაყალი და ძველი ცოდვების წამოძახება არ შეიძლება. მაშინაც კი არ შეიძლება, თუ იმ მეზობელს არაფრით არ ჩამოუვარდები და უმისოდაც იოლადა გახვალ. ხოლო თუ შენი სული, მომავალი, სიტბო და სინათლე იმ ძლიერი მეზობლის ხელშია და მასთან საჩხუბრად შორეული და უცხო ახალგაზრდა მორჩეული ძმაკაცის იმედად მიდიხარ, შენი საქმე წასულია — ისე გაისრისები, როგორც კოზაკი აქლემების ჩხუბში.

XXI საუკუნის რუსულ-ქართული პოლიტიკისადმი ქართული

ჟურნალისტიკის დამოკიდებულება ქალწულებრივად კდემამოსილი აღმოჩნდა. ეს კდემამოსილება გამჟღავნდა ქართული და არა რუსული პოლიტიკისადმი დამოკიდებულებაში. ამის ასახსნელად, ალბათ, კიდევ ერთხელ უნდა გავიხსენოთ, ზოგადად, თავისუფლების და, კერძოდ, პრესის თავისუფლების პრობლემა.

ქართულ მედიაზე, როგორც ჩანს, დამთრგუნველად იმოქმედა საკუთარი არასრულფასოვნების კომპლექსმა. წარმოიდგინა, რომ თუ ქართულ-რუსულ ურთიერთობაზე სიმართლეს იტყოდა, ეს ლაჩრობად ან ანტისახელმწიფოებრივ ქმედებად ჩაეთვლებოდა. საბჭოთა ისტორიას რომ თავი დავანებოთ, 1989 წლის 9 აპრილს თბილისში დატრიალებული ტრაგედია რუსეთთან, რუსულ არმიასთან, რუს ჯარისკაცთან გაიგივდა. ე. წ. „ეროვნული მოძრაობის“ ლიდერთა უდიდესმა უმრავლესობამ პოპულარობა სწორედ აბსტრაქტული „რუსის“ მხილებით და დაუნდობელი ლანძღვა-გინებით მოიპოვა. ქართული რევოლუციური და, ნაწილობრივ, მისი წინამორბედი მთავრობებიც ყველა ჩვენი უბედურების სათავედ „რუსს“ სახავდნენ. ეს სტერეოტიპი ქართულ ჟურნალისტიკას, ეტყობა, მძიმე ტვირთად დაანვა და იგი საკუთარი წარმოდგენების ტყვეობაში აღმოჩნდა. რა თქმა უნდა, თავისი გააკეთა რევოლუციური ხელისუფლების უმძლავრესმა პროპაგანდისტულმა მანქანამაც — ქართული ჟურნალისტიკა რუს რეაქციონერ პოლიტიკოსებთან და მათ მხარდამჭერ ჟურნალისტებთან უსაგნო, არაფრისმომცემი კინკლაობის ქაობში ჩაეფლო. ქართველი ჟურნალისტები ცეცხლივით უფრთხოდნენ ამ თემაზე (პოლიტიკური) ოპოზიციის წარმომადგენლებთან პოლემიკასაც — ვაითუ ვინმეს მათ სიმამაცეში ეჭვი შეეტანა და ხელისუფლებასთან „გარიგება“ დაენამებინა! ყველაფერი ეს შესანიშნავად გამოჩნდა იმ პერიოდის სატელევიზიო პოლიტიკურ შოუებში (რომელთა პროფესიული დონე ვერავითარ კრიტიკას ვერ უძლებს) და საგაზეთო სტატიებში. სამწუხაროდ, ორიოდე ჟურნალისტის თავგამოდება საერთო სურათის შესაცვლელად საკმარისი არ აღმოჩნდა.

შეიძლება ითქვას, რომ ამ პერიოდის ქართული ჟურნალისტიკა, პირდაპირი გაგებით, „გაბავშვდა“. სერიოზული ანალიზის ადგილი უმაქნისმა ენაკვიმატობამ და ფაქტების მექანიკურმა გადამღერებამ დაიკავა.

ქართული ჟურნალისტიკა საზოგადოებრივი აზრის წარმმართველის და „პოლიტიკური მოდის“ კანონმდებლის ნაცვლად,

ფაქტების უბრალო აღმნუსხველად და მოვლენათა პასიურ დამკვირვებლად იქცა. ბუნებრივია, ვგულისხმობ, ობიექტურობის პრეტენზიის მქონე პრესისა და ელექტრონული მედიის წარმომადგენლებს, რომელთა რაოდენობა ხელისუფლების მხარდამჭერ ე. წ. „მდუმარე ჟურნალისტებთან“ შედარებით მუდამ გაცილებით მცირეა.

ისიც უნდა ითქვას, რომ ჟურნალისტები, ტრადიციულად, გალიაში (თუნდაც, ოქროსი) ყოფნას დიდი ხნით ვერ ეგუებიან და ადრე თუ გვიან მათი „საშინელი გამოღვიძება“ (გალაკტიონი) გარდაუვალია. უპირველეს ყოვლისა, ეს ლეთარგიული ძილით შეპყრობილ ქართულ სახელისუფლო სატელევიზიო არხებს (საზოგადოებრივი მაუწყებელი, რუსთავი-2, მზე, აჭარა, ალანია...) ეხება.

იქნებ ვცდები კიდევ, მაგრამ XXI საუკუნის ქართული ჟურნალისტიკის აგრესიული „მდუმარება“, დეზორგანიზაცია, არსებული საფრთხეების წინაშე პანიკური შიშიც, საქართველოს მრავალსაუკუნოვანი უსახელმწიფოებრიობის ბრალი უნდა იყოს — თუ გულში ღრმად ჩავიხედავთ, უთუოდ დავინახავთ, რომ ჩვენ, საქართველოს მოქალაქეთა უმრავლესობას, არ გვაქვს სამშობლოს განცდა. უფრო ზუსტად, სამშობლო მხოლოდ სადღეგრძელოებში გვიყვარს. რაც შეეხება ხელისუფლების წარმომადგენლებს, ისინი სამშობლოს ჩვენზე მეტად აფასებენ, რადგან იგი საკუთარი პოლიტიკური და ბიზნეს ამბიციების დაკმაყოფილების საშუალებად მიაჩნიათ.

## **მაკიაველის\* მორალით**

1469 წლის სამ მაისს ფლორენციაში, გაღარიბებული არისტოკრატის ოჯახში დაიბადა ადამიანი, ვისაც ბედად ეწერა სამუდამო და განსაკუთრებული ადგილი დაეკავებინა მსოფლიო პოლიტიკის, ფილოსოფიის და დიპლომატიის ისტორიაში.

მეთექვსმეტე საუკუნის 30-იანი წლების დასაწყისიდან, მას შემდეგ, რაც პირველად გამოქვეყნდა მისი ნაშრომები, არ წყდება მძაფრი კამათი ამ კაცის მორალზე, ღვთისმგმობელობაზე, პატრიოტიზმზე, ცინიზმზე და გენიალობაზე. მას აღმერთებენ, აკრიტიკებენ და ლაფს ესვრიან; იგი უყვართ და სძულთ; მის სახელს დღესაც კრძალვით იხსენიებენ ის ადამიანებიც კი, ვისაც მისი ნაშრომების შესახებ ყურმოკვრით თუ გაუგია.

ამ კაცის სახელია ნიკოლო დი ბერნარდო მაკიაველი.

ლეგენდად ქცეულ მაკიაველის ყველა ეპოქაში და ყველა ქვეყანაში მაქებარზე, თანამგრძნობზე და ნეიტრალურ ინტერპრეტატორზე მეტი მქირდავი და მაგინებელი ჰყავდა. ეს არც მის ღირსებას აკნინებს და არც მისი კაიკაცობის ნიშნად გამოდგება. თუმცა, ერთი რამის გათვალისწინება ნამდვილად არ გვანყენდა: ნიკოლო მაკიაველი ჩაგრულთა მეოხად და პროლეტარიატის ინტერესებისთვის თავდადებულ მებრძოლად მიაჩნდათ მარქსიზმის „კლასიკოსებს“ და, ბუნებრივია, საბჭოთა ისტორიოგრაფიასაც. მართალია, ამ გენიალურად უბრალო მოაზროვნის შემოქმედებაზე დანვრილებით საუბრის საშუალება აქ არ გვექნება, მაგრამ, ალბათ, ამ უცნაური სიყვარულის ნამდვილ მიზეზს ნათქვამიდანაც იოლად დაასკვნით.

მაკიაველისთვის ადამიანთა სამყარო ორ ნაწილად იყოფა; რჩეულები (ზეადამიანები), რომლებმაც უნდა მართონ; და აბსოლუტური უმრავლესობა, რომელიც უნდა იმართოს.

„ზეადამიანმა“ იცის, რომ ადამიანთა უმრავლესობა უმადური, მატყუარა, თვალთმაქცი, გულშავი, ხარბი, ქედმაღალი, გაიძვერა და უვიცია. მათ გვერდით არსებობენ აგრეთვე ქრისტიანული მორალის უსაზღვროდ პატივისმცემელი, რელიგიური ფანატიზმით ან რელიგიური ექსტრემიზმით შეპყრობილნიც. ადამიანებს არ ადარდებთ თავისუფლება, რადგან მათთვის პიროვნების სახელი რეალობაზე ძვირად, ხოლო თავისუფლება საკუთრებაზე და შურისძიების წყურვილზე იაფად ფასობს. ისიც შესანიშნავად იცის, რომ ადამიანი უნდა გარყვნა, რომ მერე მისი მართვა გაგიიოლდეს. თანაც, ადამიანის გარყვნა ხომ ასე ადვილია! მართალია, არსებობის უფლება ყველას აქვს, მაგრამ საზოგადოების მართვა, ძლიერი, მდიდარი, ბედნიერი „სამთავროსკენ“ ხალხის გაძლოლა და აღთქმულ მიზნამდე მიყვანა მხოლოდ რჩეულის, „ზეადამიანის“ ხვედრია.

„ბედნიერი სამთავროსკენ“ მიმავალი მმართველისთვის, მაკიაველის აზრით, ცოდნა აუცილებელია — კარგი ქვეყანა რომ ააშენო, უნდა იცოდეს, როგორ უნდა ააშენო. სხვათა შორის, ზუსტად ამ აზრს სიტყვასიტყვით იმეორებს მეოცე საუკუნის უდიდესი „ზეადამიანი“, იოსებ სტალინი: რომ ააშენო, უნდა იცოდეს, რომ იცოდეს, უნდა ისწავლო! თუ სტალინის მოღვაწეობას, მისი მართვის მეთოდებს, მის მიერ შექმნილ სამმართველო რეჟიმს გადავხედავთ და ახლახან რომ ვთქვი, ისეთ გამონათქვამებ-

საც გავიხსენებთ, დავასკვნით, რომ იგი ბრწყინვალედ იცნობდა მაკიაველის (და არამარტო მის) მოძღვრებას. რაც მთავარია, ეს მოძღვრება იყო უმძლავრესი იარაღი ცივი გონების და ცივისისხლიანი დიქტატორის ხელში — მან შექმნა მსოფლიო „სამთავრო“, რომლის ბოლომდე დანგრევა დიქტატორის გარდაცვალებიდან ორმოცდაათი წლის შემდეგაც კი ვერ მოხერხდა. მაკიაველის სათაყვანო ჩეზარე ბორჯია\* სტალინთან შედარებით მამა აბრამის ბატკანია. საბჭოთა იმპერია რომ ენახა, დარწმუნებული ვარ, მაკიაველი ძალიან იამაყებდა თავისი მოძღვრებით.

მორალი მაკიაველის მიაჩნია არა თავისთავად არსებულ, არამედ რალაც დამხმარე ღირებულებად ძლიერი სახელმწიფოსკენ მიმავალ გზაზე. კარგად სტრუქტურირებული, ძლიერი სახელმწიფო, მისი აზრით, თავად არის მორალი. უფრო მარტივად — მორალი არის სახელმწიფოს სამსახური, სიმტკიცე, სიმამაცე, ნესრიგი, სტაბილურობა. ხოლო თანაგრძნობა, გულმონყალება, მსხვერპლის გაღება, მიტევება, ხორციელ სიამოვნებაზე უარის თქმა, სულიერებაზე ზრუნვა, საიქიო ცხოვრების რწმენა — არაფრის მაქნისი ქრისტიანული იდეალებია.

მისი აზრით, ტრადიციული ქრისტიანული იდეალების მიმდევარი ადამიანები მხოლოდ მაშინ შეძლებდნენ ძლიერი სახელმწიფოს აშენებას და მართვას, ქვეყანაში ყველა ადამიანი ასეთი (ქრისტიანული მორალის მატარებელი) რომ ყოფილიყო. ვინაიდან ადამიანები არ არიან და, სამწუხაროდ, არც ოდესმე გახდებიან ასეთები, მათ ლაგამი უნდა ამოსდო!

ადამიანები უნდა განვიხილოთ ისეთებად, როგორებიც ისინი არიან, ხოლო მათი განვითარების გზები უნდა ვეძებოთ შესაძლებლის და არა შეუძლებლის საზღვრებში.

ასეთია მაკიაველის მორალი, რომელსაც ნუნს ვერ დასდებ. ჩვენი დედამინა მხოლოდ მართლმორწმუნე ქრისტიანებით რომ ყოფილიყო დასახლებული, დაპირისპირებები და ომები მაინც არ აგვცდებოდა, რადგან ყველა ქრისტიანი მართლაც არ არის ქრისტიანულად ზნეკეთილი. ამპარტავნობა, შური, მუცელმერთობა, ავხორცობა, სიხარბე და სხვა მანკიერებანი ადამიანის ისეთივე განუყოფელი თვისებებია, როგორიც მიტევება, უანგარობა, გულუხვობა, სასოება და ჭირთათმენა.

მაგრამ საქმეც ის არის, რომ თავისი ამ „სწორი“ მოძღვრებით, მაკიაველი ქადაგებს „ძლიერი“, ჩვეულებრივ ადამიანურ შესაძლებლობებზე მაღლა მდგომი პიროვნებების უპირატესობას.

მისი აზრით, სახელმწიფოს მართვაში უპირატესობა ენიჭება არა სისტემას (მაგალითად, მართვის ლიბერალურ-დემოკრატიულ სისტემას), სამართალს, არამედ პიროვნებას, „ზეადამიანს“. რიგითი მოკვდავი, ასეთ შემთხვევაში, არის არა სახელმწიფოს მართვაში მონაწილე საზოგადოების ღირსეული წევრი, არამედ უპიროვნო მასის შემადგენელი ნაწილი.

მაკიაველის აინტერესებს სახელმწიფო საქმეები: ქვეყნის უსაფრთხოება, წარმატება, დიდება, ძლიერება; მიწიერი და არა ზეციერი ბედნიერება; წარსულზე მყარად მდგარი ანწყობა და მომავალი; რეალური და არა წარმოსახვითი სამყარო. იგი დარწმუნებულია, რომ ვინაიდან ადამიანი არ არის ის, რასაც ქრისტიანული მორალი მოითხოვს, ხშირად აუცილებელია მის მიმართ სასტიკი მოპყრობა.

თუ ჩემი აზრი გაინტერესებთ, იმ მეცნიერებს ვემხრობი, ვისაც მიაჩნიათ, რომ, თუმცა მაკიაველი სისასტიკის აუცილებლობას და ეკლესიის უსუსურობას (ძალიან რბილად რომ ვთქვათ) ქადაგებს, იგი არ არის ამორალური — უბრალოდ, გონებადამხვილი დამკვირვებელია და აღწერს იმას, რაც რეალურ ცხოვრებაში ნამდვილად არსებობს.

სწორედ თავისი შემზარავი უბრალოების გამო არის მაკიაველის მოძღვრება ასე მომხიბლავი „რევოლუციით ნაწრთობი“ მეტისმეტად ენერგიული, „ისტორიაში ჯერ არნახული“ სახელმწიფოს მშენებლობის იდეით შეპყრობილი „მესამე სამყაროს“ მმართველებისთვის. მით უფრო, რომ ძალადობის, უსინდისობის, ორპირობის, ფარისევლობის გამართლება, თუნდაც საკუთარი მშვიერი თანამოქალაქეების თვალში, ყოველთვის შეიძლება სამშობლოზე და ხალხზე ზრუნვის მოტივით.

სამაგიეროდ, ხალხისთვისაც და თავად კონკრეტული მმართველისთვისაც, საკმაოდ რთული ასახსნელია ის ფაქტი, რომ სისასტიკე, რამაც ცხრაასზე მეტი წლის შემდეგ წმინდანის სახელი მოუტანა დავით აღმაშენებელს, სრულიად გამოუსადეგარია XXI საუკუნის დემოკრატიულობაზე პრეტენზიის მქონე ხელისუფლისთვის. დღევანდელობაში გადმოტანილი მაკიაველისტური მართვის პრინციპები განუხორციელებელი და ამაზრზენია.

მაკიაველი მორალის ორ სტანდარტს გვთავაზობს: შეგიძლია აირჩიო ცხოვრების ზნეობრივი გზა, იცხოვრო, როგორც ერთმა ზნეკეთილმა კერძო პირმა, განერიდო საზოგადოებას და იპოვნო კიდევ შენი პატარა კუთხე. ასეთ შემთხვევაში, ვერასდროს



ვერ იკისრებ პასუხისმგებლობას სხვა ადამიანების ცხოვრებაზე და არ გექნება რაიმე სერიოზული წარმატების შანსი. მატერიალური თვალსაზრისით, მზად უნდა იყო უგულბებლყოფისა, ან, სულაც, განადგურებისთვის.

ხოლო თუ გინდა, მოიპოვო დიდი წარმატებები, გავლენა და ძალაუფლება, უნდა დაივიწყო „დამპალი ქრისტიანული მორალი“ და მიაღწიო მიზანს, თუნდაც, ზღვა სისხლის ფასად.

აქედან გამომდინარე, არსებობს ორი კატეგორიული მორალური კოდექსი — პირადი ცხოვრებისა და საზოგადოებრივი ორგანიზაციის (სახელმწიფოს) ცხოვრებისა. ამ ორ ურთიერთ დაპირისპირებულ ღირებულებათა სისტემას შორის ადამიანმა ერთ-ერთი უნდა აირჩიოს.

იმისთვის, ვინც საზოგადოებრივი ორგანიზაციის ცხოვრების მორალის სასარგებლოდ უკვე გააკეთა არჩევანი, მაკიაველის თავისი უტყუარი რეცეპტები აქვს. კერძოდ, იგი ერთ-ერთი პროვინციის დამპყრობელს ურჩევს, დაპყრობილ ტერიტორიაზე გადააკეთოს ყველაფერი: დაანესოს ახალი მმართველობა ახალი სამართლითა და ახალი ადამიანებით; ბიბლიური დავითის მსგავსად, გაალატაკოს მდიდრები და გაამდიდროს ლატაკები; დაანგრის ძველი ქალაქები და ააგოს ახლები; ხალხს შეუცვალოს საცხოვრებელი ადგილები; ქვეყანაში ძველ ადგილას არ დატოვოს არც სახელი, არც წოდება, არც დანესებულება, არც თანამდებობა — არაფერი, რაც დაკავშირებული არ იქნება ახალ მმართველთან (ანუ დაკავშირებული იქნება წინამორბედებთან).

ამგვარი ქმედების სისწორის დასადასტურებლად მაკიაველი ფილიპე მაკედონელის მოღვაწეობას იშველიებს და, რასაკვირველია, სავსებით სამართლიანადაც.

ვფიქრობ, არც მე შევცდები, თუ ამგვარი ქმედებების საილუსტრაციოდ მაკიაველის გარდაცვალებიდან (1527 წ.) ოთხასი წლის შემდეგ განვითარებულ მოვლენებს და პიროვნებებს მოვიშველიებ.

„დიდი ოქტომბრის სოციალისტურმა რევოლუციამ“ დედამიწის ერთ მეექვსედზე მართლაც ქვა ქვაზე არ დატოვა — ცეცხლით და მახვილით გადაუარა გიგანტურ სივრცეებს; პირწმინდად დაანგრია მმართველობის არსებული სისტემები, ქალაქები და სოფლები; ძველი დასახლებები ახლებით შეცვალა; ახალი ქალაქები ააშენა, ახალი „რელიგია“ (ლენინიზმი) გამოიგონა;

ახალი საკულტო ნაგებობები ააგო; მმართველობის მანამდე არნახული სისტემა დანერგა; ნაშალა ყველაფერი, რაც ძველს, ტრადიციულს უკავშირდებოდა; გაანადგურა მილიონობით ადამიანი; ფაქტობრივად, მოსპო საზოგადოების მოაზროვნე ნაწილი — ინტელიგენცია; რევოლუციის, ანუ ხალხის სახელით აგრეთვე ფიზიკურად მოსპო საზოგადოების შეძლებული ფენა...

ამის სულისჩამდგმელი იყო „მშობლიური“ კომუნისტური პარტია-ჰეგემონი იოსებ სტალინის მეთაურობით.

ამავე პერიოდში ზუსტად იგივე გააკეთა გერმანულმა ნაციონალ-სოციალისტურმა პარტიამ „ჩემი ფიურერის“ (mein Führer), ადოლფ ჰიტლერის მეთაურობით.

არც ჩინეთის, ვიეტნამის, კორეის, კუბის, ლიბიის, თურქმენეთის, კიდევ ბევრი სხვა ქვეყნის მაგალითების და პიროვნებების დავიწყება ღირს: მათ ძე დუნი, ხო ში მინი, კიმ ირ სენი, ფიდელ კასტრო და მრავალი სხვა. არჩევანი ცალსახად და უყოყმანოდ გააკეთა პრეზიდენტმა სააკაშვილმა: XXI საუკუნის საქართველოს მოსახლეობის შემეცნებაში ხელისუფლება ფიქტად ნერგავდა სოციალურ-პოლიტიკურ მითს, რომ საქართველოს ისტორია იწყება 2003 წლის 23 ნოემბრის „ვარდების რევოლუციიდან“; ქურჩებს და მოედნებს დაერქვა „სნორუპოვარ“ რევოლუციონერ-პოლიტიკოსთა სახელები; აიგო გრანდიოზული ძეგლები; დაიდგა გრანდიოზული სპექტაკლები; გამოცხვა გრანდიოზული ხაჭაპური; შეიქმნა ახალი სახელმწიფო სიმბოლიკა; ნაიშალა მმართველობის „რევოლუციამდელი“ სისტემის ნაკვალევი; შეიცვალა კონსტიტუცია; დაიწყო დაუსრულებელ საკადრო გადაადგილებათა ციებ-ცხელება ყველა სახელმწიფო დანესებულების ყველა დონეზე; დადგა წმენდების, დაპატიმრებების, შეკვეთილი და პოლიტიკური მკვლევლობების ეპოქა...

ბრძენი მაკიაველი მმართველს ურჩევს, ყველა „დიდი“ საქმე ხალხის სახელით აკეთოს. ამის იურიდიული უფლება რომ გქონდეს, ხალხმა ბელადად თვითონ უნდა აგირჩიოს, თანაც, ხმის უფლების მქონეთა რაც შეიძლება დიდმა რაოდენობამ.

**კომუნისტურ საბჭოეთშიც და ნაციტურ გერმანიაშიც დიდ-პატარა „ბელადებს“ ხმების აბსოლუტური უმრავლესობით ირჩევდნენ. ყოველ შემთხვევაში, ხმებს ასეთი პროპორციით ითვლიდნენ. ეს ხელისუფლებას მხოლოდ ხალხის სახელით სამოქმედოდ და საკუთარი დანაშაულის ხალხზე გადაკისრების მიზნით სჭირდება. მხოლოდ ასეა შესაძლებელი**

სახელმწიფოს, ხალხის, პარტიის, ბელადის ცნებების გაიგივება (საბჭოეთი—სკკპ—საბჭოთა ხალხი—სტალინი) და უსაზღვრო თვითნებობისკენ ხელისუფალს გზა ხსნილი აქვს. სააკაშვილის „ჩვენი გუნდიც“ სხვა არაფერია — საქართველო—ხალხი—ნაც-მოძრაობა—მიშა. აქედან გამომდინარე, ხელისუფლების მიერ ჩადენილი ნებისმიერი ფანტასტიური დანაშაულის უშუალო ჩამდენის აღმოჩენა, ფაქტობრივად, შეუძლებელია. ამიტომაც ელტვიან მმართველები მაკიაველის.

საკაშვილი თავისი ალღოს, უზღვავე ენერჯის, ყოვლისშემძლვე მეგობრებისა და მისი უდიდებულესობა ბედისწერის წყალობით, ზუსტად საჭირო დროს აღმოჩნდა საჭირო ადგილას და ერთადერთი შანსი ხელიდან არ გაუშვა — ვლადიმერ ულიანოვის მსგავსად, უმაღვე დაეპატრონა ხელისუფლებას, რომელიც, თურმე, „ალარავის აღარ უნდოდა“ (ლენინი). დიდი და მსუქანი თევზის დასაჭერად მას არ შეეშინდა ფეხების დასველებისა; სანამ სხვები ყოყმანობდნენ, გადანყვეტილება მიიღო და შეასრულა კიდეც — პრეზიდენტის სავარძელი დაისაკუთრა. დანარჩენი უკვე „წვრილმანი“ იყო. მაკიაველის მოძღვრების თანახმად, როცა საზოგადოების გარდაქმნას დაიწყებ, იგი უნდა გააგრძელო ნებისმიერი საშუალებით: ყოველგვარი ყოყმანი, შეფერხება, უკან დახევა, სინდისის ქენჯნა დასახული მიზნის ღალატს და, შესაბამისად, დამარცხებას ნიშნავს. სააკაშვილს ხელის გულზე ედო ინტელიგენტი მიხაილ გორბაჩოვის მწარე გამოცდილება და მან ის არ გაიმეორა. როცა ექიმობა გინდა, პროფესიონალი უნდა იყო — თუ საჭიროა, უნდა ამოშანთო და უნდა ამოკვეთო კიდეც, პაციენტის ვაებამ და კონვულსიებმა გული არ უნდა აგიჩუყოს. დანდობა, გულკეთილობა, მიტევება, სასოება და ქრისტიანული მორალის მიერ აღიარებული სხვა ღირებულებანი, იცოცხლეთ, კარგია, მაგრამ ისინი აბსოლუტურად გამოუსადეგარია მაკიაველის „მთავრისთვის“, ანუ სააკაშვილისა და მისი „ჩვენი გუნდისთვის“. სააკაშვილმა არჩევანი გააკეთა და ამის შემდეგ უკან მიხედვა მის უეჭველ დაღუპვას ნიშნავდა. თუმცა, ისე ნუ გავიგებთ, თითქოს მისი „ჩვენი გუნდი“ ქრისტიანული მორალის არსებობას არ აღიარებდა. აღიარებდა კიდეც და ყოველნაირად ცდილობდა, ქვეყნის მოქალაქეებს სწორედ ამ მორალის მოთხოვნათა ზედმიწევნით დაცვით ეცხოვრათ. უბრალოდ, თვითონ არ შეეძლო ამ მორალით ცხოვრება.

თითქმის ხუთი საუკუნეა, რაც კაცობრიობას სძულს ნიკო-

ლო მაკიაველი (ფრიდრიხ დიდი\* მას „ადამიანთა მოდგმის უბოროტეს მტერს“ უწოდებდა). თანამედროვე დემოკრატიული მმართველობებისთვის ერთმნიშვნელოვნად მიუღებელია მისი მოძღვრება. მის შეგონებებს ირონიულად უყურებენ თვით ბუში უმცროსის ტიპის დემოკრატები. მაგრამ თუ საქმე ძალაუფლებას ეხება, მაკიაველის მაქსიმები ერთბაშად მომხიბლავ და აუცილებელ შეგონებებად გადაიქცევა. თვით ასეთებიც კი:

— ვითარების შესაბამისად, უნდა გამოიყენოთ ტერორიც და გამოიჩინოთ გულმონყალებაც;

— როგორც წესი, სისასტიკე უფრო ეფექტურია, მაგრამ კეთილი ნაყოფი ზოგჯერ ჰუმანურობასაც მოაქვს;

— უნდა დათესოთ შიში, მაგრამ არასოდეს — სიძულვილი, რადგან, საბოლოოდ, სიძულვილს თქვენი განადგურება შეუძლია;

— უმჯობესია, ადამიანები მუდმივ გაჭირვებაში და განუწყვეტელი ომების შიშში ამყოფო: ეს მოგაშორებს ნამდვილი მორჩილების ორ უმთავრეს მტერს — პატივმოყვარეობას და მონყენილობას. — თანაც, თქვენს ქვეშევრდომებს მუდმივად ექნებათ დიდი წინამძღოლის მოთხოვნილება;

— თუ გინდა, რომ მოწყალება გასცე, უმჯობესია, ეს თვითონ გააკეთო, ბინძური საქმის კეთება კი სხვებს დაავალო: ხალხი დაადანაშაულებს მათ და არა ხელისუფალს. ხელისუფალი მოწონებას დაიმსახურებს, თუ (ბინძური საქმის მკეთებლებს) დროულად დააყრევინებს თავებს, რადგან ადამიანები შურისძიებას და უსაფრთხოებას თავისუფლებაზე მაღლა აყენებენ;

— აკეთე ის, რასაც გინდა რომ აკეთებდე, მაგრამ თავი ისე მოაჩვენე, თითქოს ამას ხალხის საკეთილდღეოდ აკეთებ;

— თუ დანაშაულის ჩადენას აპირებ, ამის შესახებ წინასწარ ნუ გამოაცხადებ, რადგან მტრები მანამდე გაგანადგურებენ, ვიდრე შენ მოასწრებდე მათ განადგურებას;

— ნუ შემოიკრებ მეტისმეტად გავლენიან მსახურებს — სჯობს თავიდან მოიშორო ძლევამოსილი გენერლები, თორემ ისინი მოგიშორებენ შენ;

— ადამიანები ან უნდა მოთაფლო, ან უნდა გაანადგურო; მშვიდობისმოყვარე და ნეიტრალური პოლიტიკა ყოველთვის დამლუპველია;

— ადამიანები მანამ ეცდებიან შენს მოტყუებას, სანამ მათ

## სიმართლის თქმას არ აიძულებ, ანუ სანამ არ შექმნი ისეთ ვითარებას, როცა ტყუილი ნამგებია...

ასეთი მაგალითები ტიპიურია „ემშაკთან ნილნაყარი“ (ისაია ბერლინი\*) ნიკოლო მაკიაველისთვის. ისინი იქნებ მცდარია, საშიშია, საზიზღარაც კია, მაგრამ აბსოლუტურად გულწრფელია. მთელი მისი მოძღვრების არსი ორიოდ სიტყვით ასე შეიძლება გადმოიცეს: დიადი მიზნის მისაღწევად — იდეალური სახელმწიფოს და საზოგადოების ასაშენებლად — ყველა გზა გამართლებულია, მათ შორის, გვამების მთებზე გადავლაც.

ასე იქცეოდა ყველა დიდი მმართველი სოლომონ ბრძენიდან\* სადამ ჰუსეინამდე. გადაშალეთ ძველ ისტორიკოსთა წიგნები და, თუნდაც, ბიბლია — ისინი არ კიცხავენ ამგვარ ქმედებას, პირიქით, მას მისაბამ მაგალითად სახავენ. ჰკითხეთ მაკედონელის\*, იულიუს კეისრის\*, ნაპოლეონის, სტალინის, თუნდაც, დავით აღმაშენებლის თაყვანისმცემლებს და ისინი, თქვენი უვიცობით და ინტრიგანობით აღშფოთებულები, ორიოდ წუთში „დაგისაბუთებენ“ მაკიაველის მოძღვრების ჭეშმარიტებას. თანაც, ამ ადამიანებს საკუთარი თავი ღრმად მორწმუნე ქრისტიანებად და ქრისტიანული მორალის თაყვანისმცემლებად მიაჩნიათ.

ბოლო ხუთასი წლის განმავლობაში მაკიაველის მორალზე ძალიან ბევრი თქმულა და დაწერილა. ეს არის თავისი უბრალოებით შემადრწუნებელი და ძალზე ეფექტური კაცთმოძულე თეორია. მაკიაველის „მთავარი“, „მსჯელობანი“, იქ მოცემული მაქსიმები დღესაც ბევრ მმართველს უმღვრევს გონებას და „კაცობრიობის გაკეთილშობილებისთვის“ ბრძოლის საბაბით, ხელისუფლების უზურპაციის, დიქტატორული რეჟიმის დამყარებისა და საზარელი დანაშაულობების ჩადენისკენ უბიძგებს.

კიდევ ერთხელ ვისარგებლებ თქვენი მოთმინებით და კიდევ ერთხელ გავიმეორებ: სულაც არა ვარ დარწმუნებული, რომ პირადად პრეზიდენტი სააკაშვილი და მისი „ჩვენი გუნდის“ წევრები ზედმინევნით იცნობდნენ ნიკოლო მაკიაველის, თომას ჰობსის, თომა აკვინელის\* ან სხვათა თეორიებს და ყველაფერს ზუსტად მათი მოძღვრების მიხედვით აკეთებდნენ.

ფუნდამენტური განსხვავებაც მაკიაველისეულ მართვის თეორიასა (აღბათ, სჯობს, პრინციპები ვუნოდოთ) და XXI საუკუნის საქართველოს მმართველობით რეჟიმს შორის სწორედ აქ უნდა ვეძებოთ. მართალია, სააკაშვილი ცდილობდა თითქმის ზუსტად გადმოელო ხუთი საუკუნის წინათ შექმნილი თეორია,

მაგრამ ეს ვერ მოახერხა ერთი უბრალო, მაგრამ ძალიან მნიშვნელოვანი მიზეზის გამო — სააკაშვილს და მის „ჩვენს გუნდს“ არ ამოძრავებდათ ძლიერი, აყვავებული, მდიდარი „სამთავროს“ შექმნის დიადი მიზანი. მათ აინტერესებდათ „ძალაუფლება ძალაუფლებისთვის“ და ცხოვრება პოლიტიკის ხარჯზე. აქედან გამომდინარე, მაკიაველიც აინტერესებდათ მხოლოდ იმდღევანდელი გადასახედიდან. ნუ დავივინწყებთ, ზოგადად, სააკაშვილის ხელისუფლების უკიდურეს გამოუცდელობას, დემოკრატიზაციას თამაშის სურვილს და, მაპატიეთ, უვიცობასაც. ამიტომაც, რომ მათ ხელში მაკიაველიზმი ვერ იქცა ისეთ მრისხანე იარაღად, როგორც იგი, შესაძლოა, ყოფილიყო მიზანდასახული, ჭკვიანი, გამოცდილი „ჩვენი გუნდის“ ხელში და, რა თქმა უნდა, სხვა ეპოქაში და სხვა ქვეყანაში.

კაცმა რომ თქვას, ნიკოლო მაკიაველის არაფერი არ აღმოუჩენია — მან, უბრალოდ, თქვა ის, რაც იყო მანამდე, იყო მის ეპოქაში, არის დღეს და, სამწუხაროდ, იქნება მომავალშიც. მან კაცობრიობას მთელი სიგრძე-სიგანით დაანახა ის, რის გამოზეულებას მანამდეც და მის შემდეგაც ყველა ტირანი ერიდებოდა.

მაკიაველის მოსწონდა რესპუბლიკური წყობა და ათენური რესპუბლიკის მსგავსი „სამთავროს“ შესაქმნელად ადამიანთა მსხვერპლად შეწირვაზეც უარს არ ამბობდა. იგი აღმერთებდა ჩეზარე ბორჯიას, ესპანური წარმოშობის არისტოკრატს (რომის პაპის, ალექსანდრე VI ვაჟიშვილი), იტალიის გაერთიანების იდეით შეპყრობილ და „ფლორენციის რესპუბლიკის“ შემქმნელ ადამიანს. ახალგაზრდა მაკიაველიმ მის კარზე თოთხმეტი წლის განმავლობაში იღვანა („ათეულის“ საბჭოს წევრად) და, სავარაუდოდ, კაცობრიობის ისტორიაში ერთ-ერთი ყველაზე სასტიკი ტირანისთვის რჩევა-დარიგებანიც არ დაუშურებია.

\*\*\*

ზემოთ მაკიაველის უამრავი შეგონებიდან ათიოდე მოვიშველიე. თუ მოთმინება არ შემოგელიათ, მოდი, კიდევ ერთხელ გავიხსენოთ მათგან რამდენიმე და ქართულ სინამდვილეს მივუსადაგოთ — იქნებ დავადგინოთ, მართლა მაკიაველის გზით იარა თუ არა XXI საუკუნის დამდეგის საქართველოს ხელისუფლებამ.

— ვითარების შესაბამისად, უნდა გამოიყენოთ ტერორიც და გამოიჩინოთ გულმონყალებაც.

ქართულმა ხელისუფლებამ, ისევე, როგორც კაცობრიობის ისტორიაში ცნობილმა ყველა სხვა რევოლუციურმა ხელისუფლებამ, მოღვაწეობა დაიწყო სწორედ ტერორით. ერთბაშად ციხეებში აღმოჩნდა წინა ხელისუფლების ასობით წარმომადგენელი და თანამგრძობი; მრავალმა ათასმა თავს გაქცევით უშველა. განსაკუთრებით თვალშისაცემია ეგრეთ წოდებული „აბაშიძის კლანის“ განადგურება. სინამდვილეში, ეს იყო სასტიკი შურისძიება არა აჭარის მმართველ „პატარა დიქტატორ“ ასლან აბაშიძეზე და მის „ოჯახზე“ (სიცილიური მაფიის გაგებით), არამედ მთლიანად ავტონომიურ რესპუბლიკაზე და მის მოსახლეობაზე. რევოლუციურმა ხელისუფლებამ, უპირველეს ყოვლისა, სამართლებრივი თვალსაზრისით ერთბაშად არარაობად აქცია ავტონომიის სტატუსი, ყველა სახელმწიფოებრივად მნიშვნელოვან თანამდებობაზე უცნობი ქარაფშუტები დანიშნა, ყველა მნიშვნელოვანი კომერციული ობიექტი ადგილობრივი მოსახლეობის დაუკითხავად გაასხვისა; ვინც ხმის ამოღება გაბედა, ან დააპატიმრა, ან დააშინა.

ასეთი ქმედებით სააკაშვილის ხელისუფლებამ არამარტო თავის იურისდიქციაში არსებულ ტერიტორიაზე, არამედ აფხაზეთისა და სამხრეთ ოსეთის „რესპუბლიკებში“ მცხოვრები მოქალაქეებიც დაატერორა და დედა-საქართველოს წიაღში დაბრუნების სურვილი დაუკარგა. ვფიქრობ, ეს იყო მაკიაველის ამ შეგონების გაუკულმართებული გაგებით გამოწვეული საბედისწერო შეცდომა. კერძოდ, მაკიაველი მმართველს ტერორის გამოყენებას ურჩევს **„ვითარების შესაბამისად“ და არა „ნებისმიერ ვითარებაში“**. აღმოჩნდა, რომ სააკაშვილმა იცოდა ტერორის გამოყენების აუცილებლობა (ანუ მაკიაველის მოძღვრება), მაგრამ არ იცოდა, რა ვითარებაში და როდის უნდა გამოეყენებინა იგი. რაც შეეხება გულმონყალებას, როგორც ჩანს, თვითონ სააკაშვილს და მისი „ჩემი გუნდის“ წევრებს მაკიაველის ეს შეგონება ბოლომდე არ წაეკითხათ, ან გულმონყალება უფასო სასადილოების გახსნა ეგონათ.

ამასთან დაკავშირებით, ერთი მრავლისმეტყველი ფაქტის აღნიშვნაც ღირს. საახალწლოდ, თბილისში, მერიის ინიციატივით, გინესის წიგნის საკადრისი ზომა-წონის ხაჭაპური გამოაცხვეს. მშვიერი მოქალაქეები რიგში დილაადრიან ჩადგნენ, მაგრამ ხაჭაპური მხოლოდ 11 საათისთვის გაიჭრა. მერიის კეთილმონყობის სამსახურის ყმანვილმა უფროსმა ტელეკამერების წინ

საკუთარი ხელით ჩამოჭრა ერთი ზორბა ნაჭერი და... პირდაპირ ხალხში მოისროლა(!), ზუსტად ისე, როგორც მანანალა ძაღლს გადაუგდებენ ხოლმე ლუკმას. ამ სიმბოლური ჟესტით ხელისუფლებამ საკუთარ ძღვევამოსილებას ხაზი გაუსვა და საკუთარ ხალხს კიდევ ერთხელ მჭევრმეტყველურად მიანიშნა, რომ იგი არის არარაობა, უპიროვნო მასა, რომელიც მხოლოდ ამგვარ „გულმონყალებას“ იმსახურებს.

— **უნდა დათესოთ შიში, მაგრამ არასოდეს — სიძულვილი, რადგან, საბოლოოდ, სიძულვილს თქვენი განადგურება შეუძლია.**

ბევრჯერ ვთქვი, რომ რევოლუციურმა ხელისუფლებამ, უპირველეს ყოვლისა, შექმნა პატარა საქართველოსთვის შეუფერებლად ბუმბერაზი რეპრესიული აპარატი. კუნთმაგარი ნიღბიანი ბიჭების მოულოდნელმა თავდასხმებმა კომერციულ ოფისებზე, რესტორნებზე და კაფეებზე; მიტინგების და მანიფესტაციების, ბაზრობებისა და ლტოლვილთა თავშესაფრების, თვით საკულტო დაწესებულებების უმონყალო დარბევებმა საქართველოს მთელი მოსახლეობა შეაძრწუნა. ამას ზედ დაერთო პრეზიდენტ სააკაშვილის ყოვლად უპასუხისმგებლო განცხადებები „ნულოვანი ტოლერანტობის“, ანუ სისასტიკისა და დაუნდობლობის ლეგალიზაციაზე, ცვლილებები სისხლის სამართლის და საპროცესო კოდექსებში სასჯელის დამძიმების თვალსაზრისით; რეპრესიული აპარატის ხელმძღვანელთა ქება მსხვერპლით დამთავრებული ყოველი პოლიციური ოპერაციის შემდეგ. პოლიციური, საგამოძიებო, ოპერატიული, დაზვერვის და კონტრდაზვერვის სამსახურების გაერთიანებით მიღებულმა მონსტრმა მთლიანად განადგურა სამართლებრივი სისტემა, ყოველგვარი ფუნქცია დაუკარგა სასამართლოს, პროკურატურას და იუსტიციის სამინისტროს.

ხალხი ჩურჩულით, მაგრამ მაინც, უმაღლესი ხელისუფლის ჯერ გამოუცდებლობაზე, მერე — რეალობისადმი არაადეკვატურ დამოკიდებულებაზე, მერე — სიძულვილზე ალაპარაკდა. საინტერესო და ძალზე სახიფათო ის იყო, რომ ეს „ჩურჩული“ (რომელიც ხშირად ხმამაღალ ლანძღვა-გინებაში გადადიოდა და ტელეეკრანებიდან და ჟურნალ-გაზეთებიდანაც სულ უფრო ჯიუტად გაისმოდა), ფორმალურად, პრეზიდენტამდე ვერ აღწევდა. უფრო ზუსტად, უმაღლეს ხელისუფალს თავი ისე ეჭირა, თითქოს ვერც რამეს ხედავდა და არც რამე ესმოდა.



ქართულმა ხელისუფლებამ ვერ მოახერხა, საზოგადოებაში არსებული ხელისუფლებისადმი შიში ხელისუფლებისადმი სიძულვილში არ გადაეზარდა.

— **უმჯობესია, ადამიანები მუდმივ გაჭირვებაში და განუწყვეტელი ომების მდგომარეობაში ამყოფო: ეს მოგაშორებს ნამდვილი მორჩილების ორ უმთავრეს მტერს — პატივმოყვარეობას და მონყენილობას. თანაც, თქვენს ქვეშევრდომებს მუდმივად ექნებათ „დიდი წინამძღოლის“ მოთხოვნილება.**

ამ მხრივ, საქართველოში იდეალური ვითარება შეიქმნა — მოქალაქეთა ოთხმოცი პროცენტზე მეტი სტაბილურად გაჭირვებულ მდგომარეობაში, პატივყრილი და ღირსებანართმეული აღმოჩნდა. მეტიც, ქვეყნის უკიდურესი გაჭირვება დიდი წარმატებით დაბრალდა „ერთ უცხო სახელმწიფოს“ (პრეზიდენტ სააკაშვილის ტერმინია).

საზოგადოებაში დიდი მონდომებით ინერგებოდა აზრი, რომ „რუსეთთან მოლაპარაკება შეუძლებელია, რადგან... რუსეთთან მოლაპარაკება, საერთოდ, შეუძლებელია“. იქიდან გამომდინარე, რომ რუსეთის სახელმწიფოს დედამიწის სხვა რეგიონში (მაგალითად, ანტრატქტიდაში) თვით საქართველოს ძლევამოსილი „მეგობრებიც“ კი ვერ გადაიტანენ, გამოდის, რომ ჩვენი ქვეყნის გაჭირვებაც და სააკაშვილის ხელისუფლებაც მარადიული ყოფილა! ასევე მარადიული ყოფილა სააკაშვილის ქვეშევრდომთა მოთხოვნილება „დიდ წინამძღოლზე“.

ამავე დროს, ტერიტორიული პრობლემების ავად თუ კარგად გადანყვეტამდე საქართველო, ფორმალურად მაინც, ომის პირობებში რჩებოდა, რაც იდეალურ პირობებს უქმნიდა ხელისუფლებას. ამიტომ იგი არ ცდილობდა სამშვიდობო მოლაპარაკებების გააქტიურებას. პირიქით, საომარი რიტორიკის გამძაფრებით არსებულ უაღრესად დაძაბულ ვითარებას ინარჩუნებდა — მან ქვეშეცნეულად იცოდა, რომ ომის დამთავრება და მტრის ხატის გაქრობა ქართულ საზოგადოებაში ხელისუფლებისადმი პროტესტს გააასმაგებდა.

სწორედ ამ ისტორიული გამოცდილებიდან გამომდინარე, შემოიძლია თითქმის ასპროცენტიანი ალბათობით ვივარაუდო, რომ სააკაშვილის ხელისუფლება, ადრე თუ გვიან, იძულებული გახდება, ახალ-ახალი მტრები გამოიგონოს. თუ 2006 წლამდე ესენი იყვნენ შევარდნაძე და „მისი კლანი“, ბიზნესმენები, ოპოზიციონერები, ჟურნალისტები, „ჩარეცხილი ინტელიგენცია“,

სეპარატისტები, აგენტები და მოღალატეები, ხვალ მთელი ეს გალერეა უეჭველად დაკარგავს აქტუალობას — ასეთია ისტორიული კანონზომიერება. საზოგადოების დასაშინებლად, მისი „პატივმოყვრეობისა და მონყენილობის დასათრგუნავად,“ დიდ წინამძღოლზე მოთხოვნილების შესანარჩუნებლად აუცილებელი იქნება ახალი ძღვევამოსილი მტრის ხატის შექმნა. თანაც, ეს „მტერი“ ჩვენზე ბევრად აღმატებული უნდა იყოს. მხოლოდ ამ შემთხვევაში შეძლებს სააკაშვილის ხელისუფლება ძალაუფლების შენარჩუნებას. წინასწარმეტყველის ნიჭი სულაც არ სჭირდება იმის გამოცნობას, ვის აირჩევს „ჩვენი გუნდი“ საოცნებო მტრად — ეს იქნება პუტინის რუსეთი.

ქართული რევოლუციური ხელისუფლება მოვლენათა მხოლოდ ამგვარი განვითარების შემთხვევაში შეძლებს საკუთარ ქვეყანაში საზოგადოების მორჩილებისადმი პროტესტის ჩახშობას. თუმცა, არსებობს ორი დიდი საფრთხეც: გამოგონილი მტრის რეალურ მტრად გადაქცევა და ყოვლისნამღეკავი სოციალური აფეთქება. ერთიცა და მეორეც, უკეთეს შემთხვევაში, გაურკვეველი ხნით გადასწევს საქართველოს სახელმწიფოებრიობას, უარეს შემთხვევაში — მიწის პირისგან სამუდამოდ აღგვის იმ პოლიტიკურ ერთეულს, რომელსაც ჯერ კიდევ საქართველო ჰქვია.

**— თუ გინდა, რომ მოწყალეობა გასცე, უმჯობესია, ეს თვითონ გააკეთო; ბინძური საქმის კეთება კი სხვებს დაავალო: ხალხი დაადანაშაულებს მათ და არა ხელისუფალს. ხელისუფალი მოწონებას დაიმსახურებს, თუ (ბინძური საქმის მკეთებლებს) დროულად დააყრვეინებს თავებს, რადგან ადამიანები თავისუფლებაზე მაღლა შურისძიებას და უსაფრთხოებას აყენებენ.**

XXI საუკუნის დამდეგის საქართველოს უმაღლესი ხელისუფალი ზუსტად ასე იქცეოდა — საკუთარი ხელით დიდი სიამოვნებით გასცემდა მოწყალებას, რომელიც ისედაც ამ ხალხს ეკუთვნოდა — უზარმაზარი რეპრესიული აპარატის მეშვეობით ატარებდა რეკვიზიციებს, დებდა საიდუმლო გარიგებებს საეჭვოდ გამდიდრებულ ადამიანებთან; გენერალურ პროკურატურაში, შინაგან საქმეთა სამინისტროში, თავდაცვის სამინისტროში ქმნიდა ფონდებს, სადაც თავს იყრიდა დიდი ოდენობით საიდუმლო ან გაურკვეველი წარმომავლობის ფულადი სახსრები. პარალელურად, შეიქმნა ე. წ. „პრეზიდენტის ფონდი“, სადაც აგრეთვე დიდ-

ძალი ფული იყო თავმოყრილი. სწორედ ამ ფონდების კუთვნილი ფულით პრეზიდენტი აშენებდა ატრაქციონებს და შადრევნებს, აფინანსებდა „პატრიოტთა ბანაკებს“ და რეზერვისტების „სწავლებლებს“. ხსნიდა უფასო სასადილოებს.

საქმე ხშირად კურორთებამდე მიდიოდა: ხელისუფლების წარმომადგენლები უსირცხვილოდ ითვისებდნენ კერძო ბიზნესის წარმომადგენელთა საქველმოქმედო ნაღვანს — მაგალითად, „პსპ ჯგუფის“ მიერ შექმნილი მედიკამენტები და საახალწლო საჩუქრები უამრავი ტელეკამერის თანხლებით დაარიგა... ჯანმრთელობის მინისტრის მოადგილემ, ხოლო სახელმწიფო ბიუჯეტით ნაყიდი სანავაი — პირადად პრეზიდენტმა!

ამავე დროს, პრეზიდენტი და სხვა მაღალჩინოსნები დემონსტრაციულად, ასევე ტელეკამერების წინ უარს ამბობდნენ „ჩვენი გუნდის“ დაბალჩინოსნებისგან მირთმეულ უბრალო საჩუქრებზე.

რევოლუციურ საქართველოში ბინძური საქმეების აბსოლუტური უმრავლესობის შემსრულებლებად გენერალური პროკურორი, შინაგან საქმეთა მინისტრი, იუსტიციის მინისტრი, ყველა დონის მოსამართლეები და თვითონ უზენაესი სასამართლოს თავმჯდომარე მოგვევლინნენ. ამ მხრივ, მაკიაველის მოძღვრებასთან სრული ჰარმონია სუფევდა, თუმცა, ბინძური საქმეების მთავარი შემოქმედი „თავების დასაყრევინებლად“, ანუ თანამდებობიდან გადასაყენებლად ვერ იმეტებდა უშუალო შემსრულებლებს. განსაკუთრებით, ეს ეხება შს მინისტრ მერაბიშვილს, რომელმაც თავისი უმძიმესი შეცდომებით და აშკარა დანაშაულებრივი ქმედებებით საზოგადოებას თავი სასტიკად შეაძულა. საკმარისია, დავესახელოთ ე. წ. „ვირგვლიანის საქმე“, სადაც ახალგაზრდა კაცის განზრახ ბარბაროსულ მკვლელობაში ცხადად ჩანს შს სამინისტროს მაღალჩინოსნების, ამავე სამინისტროს საზოგადოებასთან ურთიერთობის დეპარტამენტის თავმჯდომარის და თვით შს მინისტრის მეუღლის თანამონაწილეობა.

როგორც ისტორია გვასწავლის და მაკიაველიც ამასვე ადასტურებს, პირადად პრეზიდენტს ამგვარი „ჭუმანიზმი“ ძალიან ძვირად დაუჯდება — „ჩვენი გუნდი“ ხომ ხელისუფლისგან მსხვერპლშენივას, ანუ საძულველ ადამიანებზე შურისძიებას ითხოვს. გაიხსენეთ ლენინი, ჰიტლერი, სტალინი, სხვები რა გასაოცარი სიიოლით იშორებდნენ ერთგულ თანამებრძოლებსა და თანამზრახველებს. ლენინური ეთიკაც ხომ მისსავე კაცთმო-

ძულე თეორიას ეფუძნებოდა — „ეთიკურია ყველაფერი, რაც კომუნიზმის მშენებლობას ემსახურება“.

**— თუ დანაშაულის ჩადენას აპირებ, ამის შესახებ წინასწარ ნუ გამოაცხადებ, რადგან მტრები მანამდე გაგანადგურებენ, სანამ შენ მათ განადგურებას მოასწრებდე.**

როგორც ჩანს, პრეზიდენტი სააკაშვილი ამ საკითხში მაკიაველის კატეგორიულად არ ეთანხმებოდა. ვერ ვიტყვი, საკუთარი დანაშაულებრივი განზრახვის გამო-მეთქი, მაგრამ, საერთოდ, რის გაკეთებასაც აპირებდა, ამაზე წინასწარ საჯაროდ აცხადებდა კიდეც (თუმცა, ზოგჯერ ყოვლად მოულოდნელ ნაბიჯებსაც დგამდა) და თავისი ამ განზრახვის თეორიულ დასაბუთებასაც ცდილობდა. ეს „დასაბუთებანი“, უმრავლეს შემთხვევაში, ყოვლად აბსურდული იყო (მაგალითად, საპრეზიდენტო და საპარლამენტო არჩევნების ერთდროულად ჩატარების აუცილებლობა), მაგრამ იგი მაინც ჯიუტად აგრძელებდა თავისას. ამით სააკაშვილი ძალიან წააგავდა ადოლფ ჰიტლერს, რომლის დევიზი სწორედ ასეთი იყო — „ჯერ სიტყვა, მერე საქმე“ (იოსებ სტალინი პირიქით მოქმედებდა — „ჯერ საქმე, მერე სიტყვა“).

საკაშვილის მეტისმეტი გულახდილობა მისსავე მეტისმეტი თავდაჯერებულობიდან მომდინარეობდა — იგი ხომ მმართველად ხმების აბსოლუტური უმრავლესობით აირჩიეს! თუმცა, ის, რაც ამომრჩევლებს ავანსად არ ენანებათ კანდიდატისთვის — მხარდაჭერას ვგულისხმობ — ძალიან ენანებათ უკვე არჩეული მმართველისთვის. ამიტომ ამომრჩეველთა იმედის გამცრუებელ პრეზიდენტს, როგორც წესი, მხარდამჭერთა დაკარგვა ემუქრება, რაც, საბოლოოდ, „ჩვენი გუნდის“ დაშლას და გუშინდელი ბელადის ჩამორიგითებას (რუსული სამხედრო ტერმინოლოგიით — разжалование до рядового), ანუ სწორედ იმას ნიშნავს, რასაც მაკიაველი წინასწარმეტყველებს — მტრები მანამ გაგანადგურებენ, სანამ შენ მოასწრებდე მათ განადგურებას. მოსისხლე მტრები კი, მენდეთ, თვით აბრაამ ლინკოლნის და ჯონ კენედის მსგავს უსაყვარლეს მმართველებსაც ჰყოლიათ.

პრეზიდენტი სააკაშვილი კი, მრავალ სხვა სიკეთესთან ერთად, გულწრფელი მხარდამჭერებისა და აპოლიტიკური მოქალაქეების მოსისხლე მტრებად მოკიდების ნიჭითაც იყო შემკული.

**— ნუ შემოიკრებ მეტისმეტად გავლენიან მსახურებს — სჯობს თავიდან მოიშორო ძლევამოსილი გენერლები, თორემ ისინი მოგიშორებენ შენ.**

სააკაშვილმა მმართველობის პირველივე დღიდან დაიწყო და ძალიან მალე შექმნა ფავორიტ „გენერალთა“ ჯგუფი (გენერალური პროკურორი ადეიშვილი, შს მინისტრი მერაბიშვილი, თავდაცვის მინისტრი ოქრუაშვილი, პარლამენტის წევრი ბოკერია, ელჩი ჩუბინიშვილი, თბილისის მერი უგულავა, ეკონომიკის მინისტრი არველაძე). ეს უბიოგრაფიო ადამიანები „გენერლებად“ მხოლოდ სააკაშვილის წყალობით იქცნენ. ბუნებრივია, ეს იცოდნენ „გენერლებმა“, იცოდა თავად მათმა შემქმნელმა და „ჩვენი გუნდის“ დანარჩენმა უფუნქციო და ამბიციურმა წევრებმაც.

მართალია, სააკაშვილმა მოახერხა ერთი ხელის დაკვრით მოეკვითა მათ შორის ერთ-ერთი ყველაზე გავლენიანი და „მეამბოხე“ ოქრუაშვილი, მის ადგილზე პაიკი კეზერაშვილი დაესვა, მაგრამ „გენერალთა“ ამბოხის საშიშროება ამით არ შემცირებულა. პრეზიდენტის უახლოეს გარემოცვაში დარჩა ადეიშვილი-მერაბიშვილის ყოვლისშემძლე ტანდემი. ამ წყვილის ხელში, ისევ პრეზიდენტის წყალობით, ცივილიზებული სამყაროსთვის უპრეცედენტო ძალაუფლება აღმოჩნდა. იგი დადგა აღმასრულებელ, საკანონმდებლო და თვით სასამართლო ხელისუფლებაზე მაღლა. ის, რომ სააკაშვილს ბევრი რამ „არ ესმოდა“, ამ წყვილის უდიდესი დამსახურებაა — სწორედ იგი ამყოფებდა სააკაშვილს ინფორმაციულ წყვედიადში და მოქმედების გეგმასაც ის კარნახობდა. მის ხელში პრეზიდენტი ძვირფასი ტიკინად გადაიქცა. ამავე დროს, შუა საუკუნეებისგან განსხვავებით, თითქმის არ არსებობდა საშიშროება, რომ ეს წყვილი უახლოეს მომავალში პრეზიდენტის დამხობას შეეცდებოდა — თუ ცივი გონებით განვსჯით, ეს მისთვის რეალურად არაფერს მოიტანდა. პირიქით, ეს წყვილი, პრეზიდენტს თვალის ჩინივით უნდა გაფრთხილებოდა.

ხოლო თუ თავად პრეზიდენტი ოდესმე მიხვდებოდა, რა საბედისწერო შეცდომა მოუვიდა ადეიშვილ-მერაბიშვილის უზომო გაძლიერებით, მაშინ ამ „გენერლებისთვის“ „თავების დაყრევინება“ სასახლის კარის გადატრიალების ტოლფასი მოვლენა მაინც იქნებოდა. იმასაც ვერავინ ივარაუდებდა, რომ იმ მომავალ ბრძოლაში მაინცდამაინც სააკაშვილი გაიმარჯვებდა — ოპერატიული ინფორმაცია და უზარმაზარი რეპრესიული აპარატი ხომ, ფაქტობრივად, იყო „ტანდემის“ ხელში და არა პრეზიდენტისა.

— ადამიანები ან უნდა მოთაფლო, ან უნდა გაანადგურო;

## **მშვიდობისმოყვარე და ნეიტრალური პოლიტიკა ყოველთვის დამლუპველია.**

პრეზიდენტი და მისი „ჩვენი გუნდი“ სწორედ ასე იქცეოდა — სასუქების და საწვავის დარიგება, საჩვენებელი „ხალხში გასვლები“, ატრაქციონები, შადრევნები, „პატრიოტთა“ ბანაკები, ძალიან ხშირი სატელევიზიო გამოსვლები, სხვათა წარმატებებით გაუთავებელი ტრაბახი, რუსეთთან ძალის პოზიციებიდან ლაპარაკი, ნატოში შესვლის მიუქარა, აფხაზეთის და სამხრეთ ოსეთის „რესპუბლიკებისთვის“ თითის ქნევა, ურჩთა და მოაზროვნეთა ხელისუფლებიდან განდევნა... ყველაფერი ეს მაკიაველის ამ შეგონების მიხედვით მოქმედებას ჰგავს. სწორედ ამ პრინციპით მოქმედებდა ის სულწაყმედილი და განდიდების მანიით შეპყრობილი ჩეზარე ბორჯიაც, მაკიაველის კუშირი.

თუ კიდევ ერთხელ გავიხსენებთ მაკიაველის მთავარ შეგონებებს და სააკაშვილის მთავარ ნათქვამ-ნამოქმედარებასაც, დიდი განჩხრეკა-გაანალიზების გარეშე დავასკვნით, რომ ქართველი მმართველი ზერელედ, უგულისყუროდ, მაგრამ მაინც იცნობდა მაკიაველის მოძღვრებას; სულითა და გულით მონადინებული იყო, როგორმე მნიშვნელოვან სახელმწიფო ფიგურად ქცეულიყო. ხელისუფლების სათავეში მოსვლით მან ეს ნაწილობრივ მოახერხა კიდევ. ახლა მას შინაური და გარეული მტერ-მოყვრისთვის უნდა დაემტკიცებინა (უფრო ზუსტად, შინაური და გარეული მტერ-მოყვარე უნდა დაერწმუნებინა), რომ მისი გაპრეზიდენტება არ ყოფილა ბრმა შემთხვევა, არც ღვთის წყალობა და არც შევარდნაძის მადლიერი ამერიკელი ან გერმანელი ხალხების საჩუქარი საქართველოსადმი.

საკაშვილ-მმართველს მართლაც მძიმე სოციალ-პოლიტიკური მემკვიდრეობა ერგო, მაგრამ განუზომლად უკეთესი, ვიდრე მის წინამორბედ ედუარდ შევარდნაძეს 1992 წელს. თანაც, ამ მძიმე სოციალური და პოლიტიკური ვითარების შექმნაში დიდი იყო ე. წ. რეფორმატორთა ჯგუფის „დამსახურება“ პირადად სააკაშვილის მეთაურობით.

მრავლისმნახველი, დინჯი და ცხოვრებისგან დაბრძენებული „თეთრი მელასგან“ განსხვავებით, უზარმაზარი ენერჯით აღსავსე, ყველას და ყველაფრის სასწრაფოდ გადაკეთების მწველი სურვილით ანთებული აჯილლა ყველას და ყველაფერს ერთდროულად დაეძგერა.

იგი გულწრფელად იყო დარწმუნებული, რომ მას, მიშა სააკაშ-

ვილს, მხოლოდ მთელი საქართველო კი არა, მთელი ცივილიზებული სამყარო მხარში ამოუდგებოდა და აღთქმულ მიზანს უთუოდ მიაღწევინებდა — იგი ხომ ახალგაზრდა, ახოვანი, ამერიკულ ყაიდაზე აღზრდილი, ქალების გულთა მპყრობელი პოლიგლოტი იყო და არა ვინმე „მამათელი ნაფერშლალ-ნაცეკასმდივნარი უემოციო მოხუცი“.

საკაშვილს, მურაბების სანყოფინში მოხვედრილ თავნება ბავშვს, გამორჩა მთავარი — ჩეზარე ბორჯიას მატარებელს დიდი ხნის წინათ ჩაევლო და დიდი ქართველი მეფის, დავით აღმაშენებლის საფლავზე დაფიცება მას უკან ვერ დააბრუნებდა.

მან ირეალურ სამყაროში ცხოვრება აირჩია — „ჩვენ ერთი გუნდი“ ვართ, მაშასადამე, მე ვარ კოლექტიური გონი და ყოვლისშემძლე ღონე, მე ყველაფერი ვიცი, ყველაფერი მეპატიება და არაფერი არ მევალება!

ყველაფერზე პასუხს „ჩვენი გუნდი“ აგებს, ანუ პასუხს არაფერზე არასდროს არავინ არ აგებს!

საკაშვილის გაპრეზიდენტებიდან ძალიან მალე ცხადი გახდა, რომ მას, „ამერიკულ ტრადიციებზე აღზრდილ“ ბიჭუნას, შინაგანად სძულდა დემოკრატია, რადგან იგი არეული ქვეყნის მმართველისგან უდიდეს და მრავალმხრივ ცოდნას, მოთმინებას, გამოცდილებას მოითხოვდა, ხელისუფლის უცილობელ ცვლას და უმადურების მთელი არმიის არსებობასაც გულისხმობდა.

არეული ქვეყნის ბელადობისთვის იგი ამკარად მოუშზადებელი აღმოჩნდა. სააკაშვილმა იწამა მაკიაველისა, რომ ადამიანთა უმრავლესობისთვის პიროვნების სახელი (ავტორიტეტი) თვით რეალობაზე და თავისუფლებაზე ძვირად ფასობს. მისი სულიერი წინამორბედის, ზვიად გამსახურდიას მსგავსად, თავი საკუთარ გენიალობაში და უახლოესი გარემოცვის უანგარობაში დაირწმუნა. „სამთავროს“ მართვა ერთობ საეჭვო გონებრივი შესაძლებლობების „გუნდელებს“ მიანდო. მურაბების სანყოფინში მოხვედრილი საკუთარ თავზე შეყვარებული და საკუთარ უცდომელობაში დარწმუნებული ჭირვეული „ზეადამიანი“ ბიჭუნა კი ამასობაში ზედიზედ ასუფთავებდა მურაბით სავსე ქილებს ტკბილეულის სანყოფინში. ამით სააკაშვილმა, გამსახურდიას მსგავსად, საკუთარ თავს საკუთარი ხელით განუშზადა ტრაგიკული დასასრული. განსაკუთრებული სიცხადით ეს მისი მმართველობის მესამე წლისთავზე გამოჩნდა...

იმ ეპოქის ქართულ ბეჭდურ პრესას, მოვლენათა ტრაგიკულ

განვითარებაზე მეტად, ვინმე მესამეხარისხოვანი ქართველი მოდელის მეორე ქმართან განშორების საიდუმლო აღელვებს. საგაზეთო ბაზარი გადაჭედილია ფსევდო-ელიტური „ყვითელი“ ყურნალ-გაზეთებით. ოპოზიციური პოლიტიკური ძალები კი, ძირითადად, ქილიკით ერთობიან.

საბედისწერო შეძახილამდე, — „ძირს დიქტატორი!“ — ძალიან მცირე დრო რჩება...

ყველაფერი იმ დაწყევლილი ნიკოლო მაკიაველის ბრალია, ვის სიკვდილსაც, ხუთასი წელიწადია, საშველი არ დაადგა.

## უწესო თამაშები

ანუ

### პრესა, როგორც პოლიტიკური მანიპულაციების ინსტრუმენტი

როგორც წესი, საქართველოში ამ თემაზე ხმამაღლა საუბარს ელიტური პოლიტიკის წარმომადგენლებიც გაუბრძიან და სერიოზული პრესისაც. მართალია, პრესის მნიშვნელობას არავინ უარყოფს, მაგრამ იგი შეგნებულად დაჰყავთ ლენინისეული „კოლექტიური აგიტატორის“ დონემდე. არადა, უკვე ძალიან დიდი ხანია, პრესა (აქ და ყველგან იგულისხმება მთლიანად მასობრივი ინფორმაციის საშუალებები, როგორც ბეჭდური, ისე ელექტრონული, ინტერნეტისა და ზეპირი გამოსვლების ჩათვლით) პოლიტიკური მანიპულაციების, საზოგადოებრივ ცნობიერებაზე ზემოქმედების უძლიერეს და შეუცვლელ იარაღად იქცა. ევროპასა და ამერიკაში, თვით რუსეთშიც მაღალ მეცნიერულ დონეზეა დამუშავებული „მანიპულაციების თემა“ და იგი უდიდესი წარმატებით გამოიყენება პოლიტიკური დაპირისპირებების დროს.

მანიპულირება, როგორც სოციალური მართვის მეთოდი, უდიდეს მოქნილობას მოითხოვს. მას ძალიან დიდი უპირატესობა აქვს ძალისმიერ და ეკონომიკურ მეთოდებთან შედარებით — ხორციელდება მართვის ობიექტებისთვის შეუმჩნეველად; პოლიტიკური ოპონენტების მოსასყიდად და დასამშვიდებლად არ მოითხოვს დიდ მატერიალურ დანახარჯებს, არავითარ სისხლსა და მსხვერპლს. პრესას მასობრივ (საზოგადოებრივ) ცნობიერებაზე ზემოქმედებისთვის, ფაქტობრივად, უსაზღვრო შესაძლებლობები გააჩნია.



შევეცდები, ძალიან მოკლედ ჩამოვაყალიბო პრესით პოლიტიკური მანიპულირების ძირითადი მიმართულებები. აქვე აღვნიშნავ, რომ მანიპულირების მიზანია, მასობრივ შემეცნებაში ჩანერგოს ის სოციალურ-ეკონომიკური მითები, ილუზორული იდეები, რომლებიც განმტკიცებული იქნება, ძირითადად, რწმენით და არა რაციონალური, კრიტიკული გააზრებით; იმის ცოდნით და გათვალისწინებით, რომ ადამიანის შემეცნებაზე ზემოქმედება სავსებით შესაძლებელია იმ არხებით, რომლებსაც ყველაზე ნაკლებად აკონტროლებს გონება. ეს მეთოდი მით უფრო ეფექტური იქნება საქართველოში, სადაც მოვლენათა რაციონალურ გააზრებას თითქმის არავინ არ ცდილობს (ცოდნის დაბალი დონის გამო).

XXI საუკუნის დასაწყისის საქართველოში მმართველი ელიტის ბატონობის განსამტკიცებლად რამდენიმე სოციალურ-პოლიტიკური მითი მოგვევლინა:

**1. ხელისუფლება ქვეყანას მართავს დემოკრატიზმის პრინციპებით;**

**2. მიმდინარეობს სამართლებრივი რეფორმები და სულ მალე კანონის უზენაესობის პირობებში ვიცხოვრებთ;**

**3. სოციალური სიდუხჭირე გამოწვეულია არა ხელისუფლების უუნარობით და მომხვეჭელობით, არამედ გარე ბნელი (რუსული, ამერიკული) ძალების მოქმედებით ან „მშრომელი ხალხის ხარჯზე გამდიდრებული ვიგინდარების“ გამო;**

**4. კორუფცია არის საზოგადოების ერთადერთი დაუძინებელი მტერი და ხელისუფლების მხრიდან მიმდინარეობს მასთან დაუნდობელი ბრძოლა;**

**5. საქართველოს ყველა მოქალაქე, მიუხედავად ეთნიკური წარმოშობისა და რელიგიური მრწამსისა, თანაბარი უფლებებით სარგებლობს;**

**6. ქართველი ერი ყველაზე ტოლერანტულია მსოფლიოში;**

**7. პრესა თავისუფალია და ამის ნათელი დადასტურებაა თვით „ვარდების რევოლუციის“ ბელადის არცთუ მოკრძალებული კრიტიკა.**

მითი სხვაც ბევრი გავრცელდა (მრეწველობა გადაგვარჩენს, „ტრუბა“ გადაგვარჩენს, რუსეთი ან აშშ გვიშველის, მდიდრებს ნავართმევთ და ღარიბებს დავურიგებთ, მიმდინარეობს სასამართლო რეფორმა, განათლების სისტემის რეფორმა, სოფლის მეურნეობაზე ზრუნვა...), მაგრამ, ვფიქრობ, ზემოთ ჩამოთ-

ვლილი არის მთავარი. ყველა ეს მითი ადამიანების აზროვნებაში ინერგებოდა და ინერგება პრესის საშუალებით.

ამერიკელი სოციოლოგის, პარენტის თქმით, სწორედ პრესა (აქ და ყველგან „პრესაში“ იგულისხმება მთლიანად მასობრივი ინფორმაციის საშუალებები თ. ქ.) არჩევს იმ ინფორმაციას და დეზინფორმაციას, რასაც ჩვენ სოციალ-პოლიტიკური სინამდვილის შესაფასებლად ვიყენებთ. პრობლემების და მოვლენებისადმი ჩვენი დამოკიდებულება, თვით იმის აღქმაც კი, რა მივიჩინოთ პრობლემად და მოვლენად, დამოკიდებულია იმ ხალხზე, ვის ხელშიც არის პრესა. დედამიწაზე ყოველნუთიერად მილიონობით მოვლენა ხდება, ჩვენ კი ვსარგებლობთ მათი იმ ნაწილით, რასაც პრესიდან გვანვდიან.

ჩვენ ვცხოვრობთ პრესის მიერ შექმნილ წარმოსახვით (ვირტუალურ) სამყაროში. ეს სამყარო ან კომშარულია, ან იდილიური, გააჩნია, ვინ გველაპარაკება — ოპოზიციური, თუ სახელისუფლო პრესა.

თავის მანიპულაციურ შესაძლებლობებს პრესა ყველაზე მეტად საარჩევნო (საპარლამენტო, საპრეზიდენტო, ადგილობრივი) კამპანიის დროს ავლენს. **განსაკუთრებით ეფექტურია სოციოლოგიური გამოკითხვებით მანიპულირება — ერთიდაიგივე ციფრი სხვადასხვა კონტექსტში შეიძლება აუდიტორიას მიაწოდო, როგორც წარმატება, ან, როგორც კატასტროფა.**

მანიპულირება, როგორც აუდიტორიაზე ზემოქმედების მეთოდი, ერთობ მიმზიდველი რამ გახლავთ იმ ხალხისთვის, ვინც დაუოკებლად ელტვის ხელისუფლებას.

მანიპულირების წინააღმდეგ ბრძოლა პრაქტიკულად შეუძლებელია იმ უბრალო მიზეზით, რომ მის (მანიპულირების) საფუძვლად გვევლინება სიტყვა, როგორც კომუნიკაციის საშუალება — შეუძლებელია ვინმეს პასუხისმგებლობა დააკისრო სიტყვის თავისუფლების გამოყენების გამო! მსოფლიოს მასშტაბით ჯერაც ვერანაირი შედეგი ვერ მოიტანა ნაირნაირი ეთიკური კოდექსების წერამაც.

ახლა უფრო დანვრილებით განვიხილოთ პრესის მიერ გამოყენებული პოლიტიკური მანიპულირების ხერხები. როგორც ვთქვით, პრესა მანიპულირებს ინფორმაციით, უფრო ზუსტად, ინფორმაციის მართვით.

**შესაძლებელია ინფორმაციის:**

— გაყალბება და საზოგადოებისთვის შეჩერება, როგორც ნამდვილის;

— დამახინჯება რომელიმე მხარის სასარგებლოდ;

— რედაქტირება საკუთარი გამონაგონისა და კომენტარების დამატებით;

— ინტერპრეტაცია მანიპულატორისთვის სასარგებლო მიმართულებით;

— რომელიღაც მნიშვნელოვანი დეტალის მიჩქმალვა.

ამის გარდა, პრესას შეუძლია:

— ამომრჩეველთა ყურადღება გაამახვილოს საკუთარი (მანიპულატორის) პოზიციების განმამტკიცებელ ფაქტებზე;

— ობიექტურად გადმოცემულ მასალას შეურჩიოს შინაარსის აბსოლუტურად შეუსაბამო, ან საწინააღმდეგო სათაური;

— რომელიმე გამომსვლელს მიაწეროს განცხადება, რომელიც მას არ გაუკეთებია;

— ობიექტური ინფორმაცია გამოაქვეყნოს მას შემდეგ, რაც მან უკვე დაკარგა აქტუალობა;

— გამოაქვეყნოს დამახინჯებული ციტატა, გამოსვლის ნაწილი ან ფრაზები, რომლებიც კონტექსტის გარეშე სხვა, ზოგჯერ ნათქვამის საწინააღმდეგო აზრს იძენს.

ზემოთ აღნიშნული ილეთები შეიძლება გამოყენებული იყოს კომპლექსურად, ან მოთხოვნილების შესაბამისად. ოღონდ, ყველაფერი უნდა გაკეთდეს ვირტუოზულად, მაღალ პროფესიულ დონეზე.

პრესის ხელთ არსებული სამანიპულაციო არსენალი ძალიან მდიდარია — ზოგიერთი ფაქტის მიჩქმალვითა და სხვა ფაქტების წარმოჩენით რეალური ვითარების წინასწარ განზრახული დამახინჯება, ცრუ ინფორმაციების გამოქვეყნება, ვიზუალური ან სიტყვიერი საშუალებებით აუდიტორიაში ნეგატიური ემოციების გამონვევა და მრავალი სხვა.

მართალია, ისინი განსხვავდებიან ზემოქმედების ძალითა და შინაარსით, მაგრამ აერთიანებთ ერთი რამ: ყველაფერი მიმართულია აუდიტორიაში სასურველი ემოციური და ფსიქოლოგიური განწყობის შესაქმნელად.

მანიპულირების ფუნდამენტური მექანიზმი გახლავთ ე. წ. სუგესტია, ანუ კონკრეტული მსჯელობით ადამიანის დარწმუნება რაიმე ლოგიკური მტკიცებულებების გამოუყენე-

**ბლად.** თვალსაჩინოებისთვის მოგახსენებთ, რომ ამ მეთოდს პოლიტიკური ოპონენტების წინააღმდეგ ერთობ წარუმატებლად იყენებდა (ცდილობდა გამოეყენებინა) ყოფილი პრეზიდენტი გამსახურდია და მისი გარემოცვა (პეტრიაშვილი, ქობულაშვილი, გუგუშვილი, ქორიძე...). ამით იმის თქმა მინდა, რომ მათ იცოდნენ პოლიტიკური მანიპულირების ხერხების არსებობის შესახებ, მაგრამ არ იცოდნენ მისი გამოყენება. სამწუხაროდ, მას შემდეგ თხუთმეტი წლის განმავლობაში საქართველოში ბევრი არაფერი შეცვლილა.

სხვათა შორის, ნათქვამი ეხება სახელისუფლებო (რომელიც საქართველოში, ტრადიციულად, შუასაუკუნეობრივი მეთოდებით ებრძოდა და ებრძვის პოლიტიკურ ოპოზიციას) ძალებსაც და ოპოზიციურსაც. თუ ოდნავ კრიტიკულად განვიხილავთ, მაგალითად, ნათელაშვილის ლეიბორისტული (შრომის) პარტიის მოღვაწეობას, დავინახავთ, რომ ეს პოლიტიკური ძალა მოქმედებდა აბსოლუტურად გაუაზრებლად. პოლიტიკური მონინააღმდეგეების დასამარცხებლად მისი ერთადერთი იარაღი იყო ზოგადი, დაუსაბუთებელი, ხშირად, ცილისმწამებლური განცხადებები: მთავრობა კორუმპირებულია, თბილისის მერი მექრთამეა, ბიუჯეტი კორუფციის წყაროა, პრეზიდენტი ქვეყნის და ხალხის მტერია და ა. შ. ანუ ნათელაშვილის ჯგუფი საზოგადოებაში ავტორიტეტის მოხვეჭას მხოლოდ სხვისი სახელის უხეში დისკრედიტაციის გზით ცდილობდა. მისი ლოგიკა, დაახლოებით ასეთი იყო: სააკაშვილი „ცუდი ბიჭია“, ესე იგი, ნათელაშვილი „კარგი ბიჭია“. ანუ ამ პარტიისთვის უცნობი იყო საზოგადოებრივ ცნობიერებაზე ზემოქმედების მეცნიერული მეთოდები.

დავუბრუნდეთ განსახილველ საკითხს და განვიხილოთ სუგესტიის რამდენიმე ხერხი:

**ა) სტერეოტიპების გამოყენება.** სტერეოტიპში იგულისხმება ადამიანთა მიერ რომელიმე სოციალური ობიექტის გაუბრალოებულად, სქემატურად აღქმა. ადამიანის რომელიმე „სოციალურ ტიპზე“ მიკუთვნება სავსებით ბუნებრივი მოვლენაა. ზოგიერთი „სოციალური ტიპი“ ადამიანის შემეცნებაში მყარად არის დაფიქსირებული და საკუთარი გამოცდილებით შემომნებას არ ექვემდებარება. მაგალითად, ქართველი ადამიანების შემეცნებაში ჯერ კიდევ მყარად „ზის“ ისეთი სტერეოტიპები, როგორიცაა, „ნაცისტი“ (ნაციონალ-სოციალისტი), „ფაშისტი“, „მადიმანი“, „კაპიტალისტი“, „ებრაელი“, „სომეხი“ და სხვა. აქედან

გამომდინარე, პრესა ძალიან ადვილად ახერხებს არასასურველი პიროვნების გაიგივებას სტერეოტიპთან: გერმანელმა ნაციონალისტებმა ქვეყანა დააქციეს, უამრავი ადამიანი დახოცეს. სააკაშვილი — კემულარია — გრიგალაშვილი (ნაციონალური მოძრაობის წევრები) ნაციონალისტები არიან. ანუ ეს ჯენტლმენები ნაციისტები, კაციჭამიები ბრძანდებიან. ან უფრო მარტივი მაგალითი: „სომეხი“ საქართველოს დაუძინებელი მტერია. ბეჟუაშვილი — „სომეხია“.

საგულისხმოა, რომ 2000 წლის შემოდგომიდან მოყოლებული, ამ ხერხს ქართველი პოლიტიკური ოპონენტები სულ უფრო დაჟინებით და სულ უფრო უხეშად იყენებდნენ პირადად ჟვანიას, სააკაშვილის, მერაბიშვილის, თევდორაძის და სხვების წინააღმდეგ. ამ უგუნური კამპანიის გვირგვინი გახლდათ ერთდროულად ორ ყოველკვირეულ გაზეთში გამოქვეყნებული წერილების სერია საერთო სათაურით „ოთხი დღე, რომელმაც შესძრა საქართველო“, რომელიც მალე წიგნადაც გამოიცა (შეგახსენებთ, რომ ეს საკითხი საკმაოდ დაწვრილებით განვიხილეთ ჟურნალისტურ გამოძიებაზე საუბრისას).

ოპოზიციური ძალების ხელისუფლებაში ტრიუმფით მისვლას, ნებისთი თუ უნებლიედ, დიდად დაეხმარა დაბალ პროფესიულ დონეზე შესრულებული, მოუზომავი და გაუაზრებელი კრიტიკის, უფრო ზუსტად, უარგუმენტო დედაკაცური ლანძღვა-გინებისა და წყევლა-კრულვის ნიაღვარი.

ზუსტად საპირისპიროს თქმა შეიძლება 2001-2003 წლების ქართულ ოპოზიციურ პრესაზე — ეს იყო ხელისუფლების წინააღმდეგ მიმართული მაღალ ინტელექტუალურ და მეცნიერულ დონეზე შესრულებული PR კამპანია.

ვიმეორებ, რომ არა სახელისუფლო პრესის სრულ უფიცობაზე დამყარებული წინააღმდეგობა, ოპოზიცია ამგვარ ყოვლისმომცველ გამარჯვებას ვერ მოიპოვებდა. თუმცა, ნუ გამოგვრჩება მთავარი — იმჟამინდელი ქართული საზოგადოების გაუსაძლისი სოციალური სიდუხჭირე, რამაც, ძირითადად, განაპირობა კიდევ მასობრივი გამოსვლები ხელისუფლების წინააღმდეგ.

**ბ) იარლიყების მიკერება.** ეს არის კარგად ცნობილი მეთოდი საბჭოთა სინამდვილიდან. მის გამოყენებას (კომუნისტებისგან განსხვავებით) წარუმატებლად ცდილობდა პრეზიდენტ გამსახურდიას გარემოცვა გასული საუკუნის 90-იანი წლების დასაწყისში (სიგუა ნარკომანია, ნათაძე ქურდია, შვეარდნაძე

რუსეთის აგენტი...)). დაახლოებით იგივე სურათი მივიღეთ თითქმის 15 წლის შემდეგაც. მართალია, ეს არის პოლიტიკური ბრძოლის ერთ-ერთი ძლიერმოქმედი იარაღი, მაგრამ იგი ძლიერ სახიფათოცაა, ვინაიდან იარღიყების მიკერება საზოგადოებას ჩვევად ექცევა ხოლმე. „მოლაღატი“, „მტერი“, „აგენტი“, „მექრ-თამე“ და სხვა, საბოლოოდ, ჩვეულებრივ, ყოველდღიურ სიტყვებად აღიქმება და ნამდვილ მნიშვნელობას კარგავს. თანაც, ლექსიკონიდან აძევებს მონათესავე, არანაკლებ აგრესიულ ცნებებს.

ვერ ვიტყვი, რომ მიხეილ სააკაშვილი საქართველოს პრეზიდენტად არჩევამდე არ იცნობდა „უნესო თამაშების“ წესებს. რომ არ სცოდნოდა, „ვარდების რევოლუციის“ მოსამზადებელ პერიოდში მისი გუნდი პრესას ასე ეფექტურად ვერ გამოიყენებდა. ალბათ, „იარღიყების მიკერების“ ტექნოლოგიასაც იცნობდა. ამის დასტურად ის გარემოება გამოდგება, რომ რევოლუციამდე და უმაღლეს ხელისუფლებაში მისვლის შემდეგ, სააკაშვილი პოლიტიკურ ოპონენტებს უხვად ურიგებდა მექრთამის, ქურდის, ბანდიტის, მოლაღატის იარღიყებს. შემდეგ ამას დაემატა „ყიყინი“, „ჩმახვა“, „წკმუტუნი“ და მისთანანი. ასე გაგრძელდა მრავალი თვის განმავლობაში. შედეგად კი ის მივიღეთ, რომ თუ თავიდან სააკაშვილის ამ გამოთქმებს საზოგადოებრივ ცნობიერებაზე მართლაც შეეძლო ზემოქმედება, შემდეგ მნიშვნელობა დაკარგა და მხოლოდ ღიმილისმომგვრელ ასო-ბგერათა უაზრო გროვად იქცა.

**გ) ინფორმაციის გამეორება.** ცნობილია, რომ 30 წუთის შემდეგ აუდიტორიას მიღებული ინფორმაციის შინაარსის მხოლოდ 60 პროცენტი ახსოვს. დღის ბოლოსთვის იგი 40, ხოლო კვირის ბოლოსთვის — 10 პროცენტამდე მცირდება. აქედან გამომდინარე, პრობლემა თავისთავად ქრება ათიოდე დღის განმავლობაში. ამიტომ აუცილებელია მნიშვნელოვანი ინფორმაციის ახალი ფაქტებით გამდიდრება და გარკვეული პერიოდულობით გამეორება, რათა იგი დროულად მიიღოს აუდიტორიამ და „ჩაჯდეს“ მასების შემეცნებაში.

**დ) მტკიცება.** არა ვარ დარწმუნებული, რომ ეს მანიპულირების საუკეთესო საშუალებაა, მაგრამ პრესაში საკმაოდ ხშირად გამოიყენება. ვგულისხმობ ისეთ ვითარებას, როცა პრესა უგულვებელყოფს ოპონენტს და საკუთარი თეზისის დასაცავად შიშველ მტკიცებულებებს სჯერდება.

**ე) ხმების გავრცელება.** ხერხი უბრალო და გენიალურია: პრესის საშუალებით ისმის რაციონალური კითხვა მრავალმნიშვნელოვანი მინიშნებებით („გვარს არ დავასახელებ, ჩვენი კოლმეიურნეობის თავმჯდომარე“...). აუდიტორია იძულებულია, თვითონ განავითაროს აზრი და დასკვნაც თვითონ გამოიტანოს. პრესამ შესანიშნავად იცის საზოგადოების მოთხოვნილება ამა თუ იმ ინფორმაციაზე. იცის ამ თემის მნიშვნელობა აუდიტორიის ამა თუ იმ ნაწილისათვის. ამიტომაც პრესა შეგნებულად „აგდებს“ საზოგადოებას, იძლევა რიტორიკულ შეკითხვას. ერთი შეხედვით, უცნაური არაფერი ხდება — პრესა მხოლოდ კითხვას სვამს და პასუხი არც აინტერესებს. შედეგად, საზოგადოებაში ვრცელდება უამრავი ჭორი, რაც, ბუნებრივია, ვნებს პოლიტიკური ოპონენტის რეპუტაციას (ნუთუ, პრეზიდენტი სააკაშვილი მართლა მექრთამე, გრანტიჭამია და მექალთანეა?!).

**ვ) ნახევარსიმართლე.** ამ მეთოდს პრესა აუდიტორიის ნდობის უზრუნველსაყოფად იყენებს. იგი შეგნებულად სავსებით ობიექტურად და დანვრილებით განიხილავს კონკრეტულ უმნიშვნელო დეტალებს იმ მიზნით, რომ ასევე შეგნებულად წაუყრუოს მნიშვნელოვან მოვლენებს, ან მოგვცეს მათი ცრუ (თვითნებური) ინტერპრეტაცია.

**ზ) გამასხარავება.** ეს არის მასების შემეცნებაზე ზემოქმედების ყველაზე გავრცელებული და საინტერესო მეთოდი. შეიძლება გავამასხარავოთ, როგორც პიროვნებები, ისე შეხედულებები, იდეები, პარტიები, მოძრაობები, უწყებები, ინსტიტუტები, პროგრამები და ა. შ. ამ მეთოდის საიდუმლო ის გახლავთ, რომ გამასხარავების საგანი შეიძლება იყოს ადამიანის რაიმე გამონათქვამი ან მისი საქციელის რაიმე დეტალი, რაც შემდეგ ვრცელდება მთლიანად ამ ადამიანის მოღვაწეობაზე და საქციელზე. შედეგად, ამ ადამიანს (პარტიას, ორგანიზაციას, მოძრაობას) უვარდება არასერიოზულის, არაკომპეტენტურის სახელი. სახელი ისეთი სუბიექტისა, ვისი წინადადებები და იდეები არ შეიძლება იყოს სერიოზული განსჯის საგანი.

თვალსაჩინოებისთვის ერთ საგულისხმო მაგალითს შემოგთავაზებთ. ე. წ. „სამთავრობო საათზე“ პარლამენტში არ გამოცხადდა შინაგან საქმეთა მინისტრი. დეპუტატებისთვის მისი გამოუცხადებლობის მიზეზი იყო არა მოუცლელიობა, არამედ პარლამენტისთვის საკუთარი ძლევამოსილების დემონსტრირება. ამის პასუხად, ერთ-ერთმა დეპუტატმა საჯაროდ ჩამოაყალ-

იბა მინისტრის გამოუცხადებლობის საკუთარი ვერსია: „ბატონი მინისტრი იმიტომ არ ცხადდება პარლამენტში, რომ იგი შეჩვეულია წუთნახევრიან ბრიფინგებს, რადგან მისი გონება მეტ დატვირთვას ვერ უძლებს“.

გასათვალისწინებელია, რომ ადამიანის ბუნება მიისწრაფვის მიღებული ინფორმაციის უკიდურესი გაუბრალოებისა და მის შემეცნებაში უკვე არსებულ კატეგორიებთან შერწყმისკენ (კატეგორიზაცია). პრესა, რომელმაც მშვენივრად იცის ადამიანის ამ თვისების შესახებ, ცდილობს, მაქსიმალურად გაამარტივოს ინფორმაცია, დაიყვანოს იგი „ცუდ“ ან „კარგ“ კატეგორიამდე და ამით სასურველი (ძლიერი) ზეგავლენა მოახდინოს საზოგადოებრივ აზრზე. სხვათა შორის, ამ მეთოდის გამოყენებით, XX საუკუნის დასაწყისში უზარმაზარი წარმატებები მოიპოვა სხვადასხვა რელიგიურმა სექტამ.

ამჯერად არ შევუდგები პრესის მიერ ისეთი მძლავრი იარაღის გამოყენებაზე საუბარს, როგორც გახლავთ ნეიროლინგვისტური პროგრამირება, პოლიტიკური რეკლამით მანიპულირება და ზოგიერთი სხვა. თუმცა, ამ თემებზე დანვრილებით საუბარი ნამდვილად ღირს.

**მანიპულირება უზრნალისტური კომენტარებით.** თუ არ ვცდები, 2002 წლის თებერვალში ტელეკომპანია „სი-ენ-ენმა“ გაავრცელა ასეთი ვიდეოინფორმაცია: ტელეეკრანზე ჩანს 30-იანი წლების ბერლინის შავ-თეთრი გამოსახულება. ფაშისტები კოცონზე წვავენ გერმანელი და მსოფლიო კლასიკოსების, მათ შორის, თომას მანისა\* და ბერტოლდ ბრეხტის\* წიგნებს. ეკრანზე ჩნდება წარწერა: **„ბერლინი, გერმანია, 1933 წელი“**. შავ-თეთრს დაახლოებით იმავე სიუჟეტის ფერადი გამოსახულება ენაცვლება — შავებში ჩაცმული გავემებული ბრბო კოცონზე წვავს რელიგიურ ლიტერატურას, მათ შორის, ბიბლიას. ეკრანზე იცვლება წარწერა: **„თბილისი, საქართველო, 2002 წელი“**. არავითარი სიტყვიერი კომენტარი!

მსოფლიოს ერთ-ერთმა უდიდესმა და ავტორიტეტულმა ტელეკომპანიამ მთელ ცივილიზებულ სამყაროს აცნობა, რომ XXI საუკუნეში არსებობს ქვეყანა, სადაც ჯერ კიდევ მძვინვარებს ინკვიზიციის „წმინდა კოცონი“. არავის უთქვამს, რომ ეს არის უძველესი კულტურის მქონე ქვეყანა; რომ ქართველ ერს ეკუთვნის ერთ-ერთი დღემდე შემონახული დამწერლობათაგანი; რომ ამ ქვეყანაში ქრისტიანობა ჯერ კიდევ IV საუკუნის დასაწყისში აღი-



არეს სახელმწიფო რელიგიად; რომ ეს არის უაღრესად სტუმართ-  
მოყვარე, ნიჭიერი ხალხით დასახლებული სუვერენული სახელმ-  
წიფო და ა. შ. „სი-ენ-ენმა“ ორიოდ სამსიტყვიანი წინადადებით  
მთელ ცივილიზებულ მსოფლიოს ამცნო: **ერიდეთ „მეგობარ“  
საქართველოს, იქ კაციჭამიები ცხოვრობენ!**

როგორც წესი, ასეთი მჭევრმეტყველური, „უსიტყვო კომენ-  
ტარები“ ჟურნალისტიკაში იშვიათობაა, ვინაიდან იგი უზარმა-  
ზარ ოსტატობას მოითხოვს. გაცილებით უფრო გავრცელებუ-  
ლია სიტყვიერი კომენტარებით მანიპულირება.

ჟურნალისტური ეთიკა ღალატებს, რომ **პროფესიონალმა  
ჟურნალისტმა ინფორმაცია ობიექტურად უნდა გააშუქოს;  
ინფორმაციის განგებ დამახინჯება, ან ზედაპირული შეფასე-  
ბა დაუშვებელია.** ამის მიუხედავად, ჟურნალისტიკაში არსებუ-  
ლი ვითარება ძალიან შორსაა ეთიკისგან. ჟურნალისტი-კომენ-  
ტატორები სასურველი საზოგადოებრივი აზრის შესაქმნელად  
მრავალ ხერხს იყენებენ:

**1. აზრების კითხვა.** ჟურნალისტს თავი ისე უჭირავს, თითქოს  
სხვადასხვა ადამიანის აზრებს გვთავაზობდეს. სინამდვილეში,  
გვთავაზობს ერთ რომელიმე მოსაზრებას, როგორც საზოგა-  
დოებრივ აზრს.

**2. ინფორმაციის გაფილტრვა.** ჟურნალისტი ცდილობს,  
ეთერში (გაზეთის ფურცლებზე) არ მოხვდეს ის ინფორმაცია, რო-  
მელიც მას არ მოსწონს ან ხელს არ აძლევს. ჟურნალ-გაზეთებში  
ამის გაკეთება ძალიან ადვილია. თუმცა, არც ელექტრონულ მე-  
დიაშია ძნელი: „ახლა რეკლამის დროა“; „სიტყვას მოგვიანებით  
მოგცემთ“; „ახლა განსხვავებული აზრი მოვისმინოთ“; „ამაზე  
ხომ უკვე ვისაუბრეთ“ და ა. შ.

2004 წლის მაისში გავრცელდა ინფორმაცია, რომ გაეროს  
გენერალურმა მდივანმა, კოფი ანანმა თავის მრჩეველად მი-  
ინვია საქართველოს ყოფილი პრეზიდენტი ედუარდ შევარდ-  
ნაძე. ბუნებრივია, ეს იყო ერთგვარი პატივის მიგება 76 წლის  
შევარდნაძისთვისაც და მისი სამშობლო საქართველოსთვისაც.  
ტელეკომპანია „რუსთავი 2-მა“ მაშინვე გადასცა სიუჟეტი ყოვ-  
ლად ოდიოზური ფიგურის, მანანა არჩვაძის საპროტესტო მიტ-  
ინგის თაობაზე, სადაც პრეზიდენტი გამსახურდიას ქვრივი შე-  
ვარდნაძის გასამართლებას და დასჯას მოითხოვდა! წამყვანმა  
გაკვრით ისიც თქვა, ეს საპროტესტო აქცია კოფი ანანის კეთილ-  
შობილურ შესტს მოჰყვაო.

**3. შეუფარავი ქება.** ჟურნალისტი დაუფარავად გამოხატავს თავის სიმპათიებს რომელიმე მოვლენის მიმართ, აიდეალებს რომელიღაც პიროვნებას, ჯგუფს ან პროცესს.

**4. დამცირება (დაკნინება).** ამ შემთხვევაში ჟურნალისტი ცდილობს გააკიცხოს ინდივიდის, ჯგუფის (პარტიის) ან პროცესის მორალური მხარე.

ჟურნალისტურ არსენალში არსებობს დამცირების რამდენიმე უტყუარი ხერხი:

**ა) პირდაპირი შეტევა.** იშვიათად, მაგრამ ჟურნალისტურ პრაქტიკაში ასეთი რამეც გვხვდება. ამ შემთხვევაში, ჟურნალისტი აშკარად გამოხატავს არა საკუთარ, არამედ შემკვეთის აზრს. თუმცა, ვიმეორებ, საკუთარი თავის პატივისმცემელი ჟურნალისტები ამ ხერხს თითქმის არ იყენებენ.

**ბ) ირიბი შეტევა.** ჟურნალისტი უტევს არა უშუალოდ რომელიმე მისთვის საინტერესო პერსონას, არამედ მის გარემოცვას („პრეზიდენტი იდეალურია, აი, მისი მინისტრები კი მექრთამეები და მატრაბაზები არიან“). ხოლო თუ შეტევის ობიექტი დეპუტატობის (პრეზიდენტობის) კანდიდატია, უტევს მის მომხრეებს. მაგალითად: „თოფაძე შესანიშნავი მრეწველი და პოლიტიკოსია, მაგრამ მის მომხრეთაგან ერთი — არაკომპეტენტურია, მეორე — სასაცილოა, მესამე — დემაგოგია...“

თუ რომელიმე პარტიის დისკრედიტაცია გვსურს, ამისთვის სულაც არ არის აუცილებელი მისი ლიდერის სახელის გამტეხი ფაქტების გამოგონება — საკმარისია დავახასიათოთ მისი უახლოესი გარემოცვა. ამ ხერხს გაპრეზიდენტებამდე საკმაოდ წარმატებით იყენებდა საქართველოს ნაციონალური მოძრაობის ლიდერი მიხეილ სააკაშვილი. მაგალითად, ოპონენტ ნათელაშვილთან ერთ-ერთი სატელევიზიო დებატების დროს, მას სიტყვაც არ დაუძრავს პირადად ნათელაშვილის ან მისი პარტიის არასწორ ქმედებაზე. სამაგიეროდ, საჯაროდ გამოფინა ნათელაშვილის პარტიაში მეორე კაცის საეჭვო მოქმედება, რითაც ოპონენტი მწყობრიდან გამოიყვანა და აიძულა თავი ემართლებინა.

**გ) დარტყმა წელს ქვემოთ.** ჟურნალისტები ობიექტს უტევენ იმ იარაღით, რასაც არ იყენებენ სხვა ობიექტების წინააღმდეგ. უფრო ზუსტად, სამზეოზე გამოაქვთ ობიექტის ის ნაკლი (ნამდვილი ან გამოგონილი), რომელიც საერთოა სხვა ობიექტებისთვისაც. მაგალითად, პროფესორ ჯაბა იოსელიანს გამუდმებით აკრიტიკებდნენ მისი კრიმინალური წარსულის გამო, თუმცა,

იგივე ნაკლი არ გაუხსენებიათ დეპუტატობის სხვა კანდიდატისთვის. სოფლის მეურნეობის ყოფილ მინისტრს, ბაკურ გულუას, აკრიტიკებდნენ ამერიკული გრანტების „შეჭმისთვის“, თუმცა, ბიუჯეტის ძარცვისთვის არავის გაუკრიტიკებია ფინანსთა ყოფილი მინისტრი ჭკუასელი.

მოქალაქეთა კავშირს აკრიტიკებდნენ, რომ არ გააჩნდა ქვეყნის ეკონომიკური განვითარების (გნებავთ, ტერიტორიული მთლიანობის აღდგენის) მკაფიო გეგმა, თუმცა, ასეთი გეგმა არ გააჩნდა არც ერთ სხვა პოლიტიკურ ძალას.

**დ) იუმორი, სარკაზმი, სატირა, ირონია.** ჟურნალისტური არსენალის ამ გამანადგურებელი იარაღით შესაძლებელია არაარაობად იქცეს ნებისმიერი პოლიტიკური ოპონენტის შეხედულებები, იდეები, დოქტრინები, მთელი მოღვაწეობა. ოღონდ, საჭიროა ზომიერება და უდიდესი ტაქტი. არაფერს ვამბობ იმაზე, რომ ამ იარაღის წარმატებით გამოყენება შეუძლია მხოლოდ იუმორის ნიჭით დაჯილდოებულ ადამიანებს.

როცა იუმორი (სარკაზმი, ირონია) შეურაცხყოფაში გადაიზრდება, იგი ყოველგვარ აზრსა და მნიშვნელობას კარგავს. თანაც, ამ იარაღის გამოყენება არ შეიძლება პიროვნების ფიზიკური ნაკლის ხაზგასასმელად. როცა იუმორი შეურაცხყოფაში გადადის, იგი, როგორც წესი, მომაკვდინებელ იარაღად ავტორსვე უბრუნდება. ნიჭიერ ადამიანს სასაცილოს დანახვა თვით ტრაგიკულ სიტუაციაშიც კი შეუძლია. ვინაიდან ბუნებაში არ არსებობს უნაკლო ადამიანი, იუმორის ასპარეზიც უსაზღვროა. თუმცა, ვიმეორებ, საჭიროა ზომიერება.

**ე) ასოციაციური ბრალდებები.** ესეც საკმაოდ პოპულარული ჟურნალისტური ტექნიკაა — საზოგადოების ყურადღების ცენტრში ხვდება რომელიმე პოლიტიკური ჯგუფის ან მისი ლიდერის ნამდვილი ან გამოგონილი ამორალური მიდრეკილებები. ფაქტობრივად, პრესაში გამოქვეყნებულმა ამგვარმა ბრალდებებმა იმსხვერპლა საქართველოს უშიშროების საბჭოს ყოფილი თავმჯდომარე ნუგზარ საჯაია (თავი მოიკლა). გთხოვთ, ყურადღება მიაქციოთ იმ ფაქტსაც, რომ პრესის მხრიდან იყო საჯაიას მიმართ გამოთქმული ბრალდებების სხვა პირებზე გავრცელების მცდელობებიც. თავის დროზე, დაახლოებით ასეთივე ასოციაციური ბრალდებები გამოითქვა ზურაბ ჟვანიას, მიშა სააკაშვილისა და სხვათა მიმართაც.

**5. ყალბი ნეიტრალიტეტი.** ამის მაგალითებს ყოველდღიურად

ვხედავთ მსოფლიოს ტელეარხებზე. საინფორმაციო გადაცემების რედაქტორები (ნამყვანების უაქტიურესი მონაწილეობით) ცდილობენ, პროგრამის ნამყვანი ნეიტრალურ პიროვნებად წარმოაჩინონ. ამ დროს ამკარაა, რომ მთლიანად გადაცემა და, ბუნებრივია, ნამყვანიც მონდომებით ემსახურებიან რომელიღაც პოლიტიკური ძალის ინტერესებს. ბუნებრივია, ეს კეთდება შეფარვით, არაპროფესიონალისთვის დაფარულად. თავს უფლებას მივცემ, განზრახვის შენიღბვის უამრავი ვარიანტიდან რამდენიმე შემოგთავაზოთ:

**ა) ყალბი კომპლიმენტი.** ჟურნალისტი თავმდაბლად აღნიშნავს პოლიტიკური მოღვაწის ინტელექტუალური შესაძლებლობებს, შემდეგ კი მთლიანად უარყოფს ნათქვამს და ამით მიწასთან ასწორებს ოპონენტს. მაგალითად, ჟურნალისტი ამბობს, რომ დეპუტატი ზურაბ ქაფიანიძე არის კარგი მსახიობი, თამადა, მოლექსე, პოლიტიკური მოღვაწე და ლინგვისტი. შემდგომ საუბარში კი არკვევს, რომ პარლამენტში მოღვაწეობის განმავლობაში ქაფიანიძეს მონაწილეობა არ მიუღია არც ერთი კანონის შემუშავებაში, პარლამენტს არ გაუთვალისწინებია მისი არც ერთი წინადადება, მის თეორიულ ნაშრომებს არ აღიარებს არც ერთი მეცნიერი, ხოლო არ აკრიტიკებენ იმის გამო, რომ ღირსეულ პარტნიორად არ მიაჩნიათ. აქედან გამომდინარე, ხელთ შეგვრჩება პოლიტიკური მოღვაწის ასეთი პორტრეტი — ყოფილი მსახიობი, თამადა, მოლექსე, ანუ შემთხვევითი კაცი პოლიტიკურ ელიტაში. ამავე დროს, ობივაციელის თვალში ჟურნალისტი „ობიექტურია“. მან წარმოაჩინა პიროვნების ნაკლიცა და ღირსებაც. სინამდვილეში, მან ყალბი კომპლიმენტების გამოყენებით „გააშიშვლა“ ერთი პოლიტიკოსი და ამით საქმე გაუკეთა მეორეს.

**ბ) ყალბი კრიტიკა.** ეს გახლავთ ყალბი კომპლიმენტის შებრუნებული ვარიანტი. ჟურნალისტი მამაცურად აკრიტიკებს, ვთქვათ, დეპუტატ მიშველაძის მოსაზრებას პირადობის დამადასტურებელი დოკუმენტებიდან ეროვნების მიმანიშნებელი რეკვიზიტის ამოღებასთან დაკავშირებით. თავისი პოზიციის განსამტკიცებლად კი მოჰყავს ისეთი (უსუსური) არგუმენტები, რომლებიც იოლად იმსხვრევა დეპუტატის „რკინისებური“ ლოგიკით. საბოლოოდ, მაყურებელთა (მსმენელთა, მკითხველთა) ცნობიერებაში რჩება მამულისთვის თავდადებული პოლიტიკოსის ხატი. ჟურნალისტის (სიუჟეტის დამკვეთის) მიზანიც ეს იყო.

**გ) სერიული სიყალბე.** მე, ჟურნალისტი, ვინცებ საქართ-

ველოს პრეზიდენტის პოსტზე ხუთივე კანდიდატის კრიტიკას. განვიხილავ პირველი ოთხის შეცდომებს, ხოლო მეხუთეზე... ვცვლი საუბრის თემას. ამით აუდიტორიას ვაძიებ იფიქროს პირველი ოთხის შეცდომებზე. იმის გარდა, რომ, მე, ჟურნალისტი, ობიექტური ანალიტიკოსის სახელს ვიხვეჭ, საზოგადოებას მეხუთის (ანუ ჩემი ფავორიტის) სასარგებლოდ განვანყო. თანაც, უკან დასახევ გზასაც ვიტოვებ — მე ხომ „მეხუთე“ არ შემეჩია, მეტიც, მასზე კრინტიც არ დამიძრავს!

\*\*\*

ის, რაც ზემოთ მოგახსენეთ, არ არის გამონაგონი, მით უფრო, არ არის საუნივერსიტეტო თეორიული ჟურნალისტიკის შემადგენელი ნაწილი. დარწმუნებული ვარ და თქვენც დარწმუნებული ბრძანდებოდეთ, რომ მსოფლიოს არც ერთ უნივერსიტეტში ჟურნალისტიკის ფაკულტეტის სტუდენტებს მანიპულატორებად და ფალსიფიკატორებად არ წვრთნიან. სამწუხაროდ, კაცობრიობას თვითონ ცხოვრებამ უკარნახა პრესის „ახალი“ დანიშნულება. ვიმეორებ, ეს არის უძლიერესი და უტყუარი იარაღი ნიჭიერი ადამიანების ხელში. აქ განგებ არ ვხმარობ განსაზღვრებას „ნესიერი“, ვინაიდან პრესით პოლიტიკურ მანიპულირებას საერთო ბევრი არაფერი აქვს ნესიერებასთან, ანუ მორალთან. მაგრამ ვიდრე არსებობს პოლიტიკური დაპირისპირებები, ე. წ. „პოლიტიკური თამაშები“ და არსებობს პრესა, იარსებებს უზარმაზარი მოთხოვნა კანონიერების ჩარჩოში მოქცეულ „უნესო თამაშებზე“. ეს არაეთიკურია, ამორალურია, მაგრამ ეს არის მეცნიერება, რომლის უცოდინრად და გამოუყენებლად ხელისუფლებამდე ვერასოდეს ვერ მიაღწევს ვერც ერთი ნესიერი ადამიანი (Homo moralis).

## ქველი ახალი სამყარო

ზემოთ შევეცადე, ძალიან მოკლედ და ძალიან ზოგადად შემეხსენებინა თქვენთვის პოლიტიკის რაობა და XXI საუკუნის დასაწყისის საქართველოში შექმნილი პოლიტიკური ვითარება. რა თქმა უნდა, ახალი არაფერი მითქვამს, ვინაიდან, ამ თემაზე ახლის თქმა თითქმის შეუძლებელია. სამწუხაროდ, არც ისე მამაცი ვარ, რომ კაცობრიობის ისტორიაში პლატონის, არისტოტელეს,

თომა აკვინელის, მაკიაველის, ჰობსის, კანტის, ჰეგელის, სხვათა არსებობის შესახებ ვიცოდე და პოლიტოლოგიაში ახალი სიტყვის თქმა გავბედო. თანაც, საქართველოში თავზეხელაღებულე-ბი უჩემოდაც საკმარისზე მეტია.

როგორც დიდი ფრანგი განმანათლებელი, ჟან დე ლაბრიუ-ერი ბრძანებდა, „**ზეიმებით, სანახაობებით, სიამოვნებებით, სიმდიდრით, ფუფუნებით ხალხის მიძინება, ზიზილ-პიპილოე-ბით მოთაფვლა და მისი პატივმოყვარე, უსასოო და უმაქნის ბრბოდ გადაქცევა არის ის უტყუარი პოლიტიკა, რასაც უხსოვარი დროიდან მრავალ სახელმწიფოში მიმართავენ.**“

ჟან დე ლაბრიუერის გარდაცვალებიდან (1696 წ.) სამ საუკუ-ნეზე მეტი ხნის შემდეგ ტოტალიტარული სახელმწიფოები ისევ არსებობენ, ძალაუფლებას ისევ ელტვიან, დროშებს ისევ აფრი-ალებენ, ისევ ცრუობენ და ისევ ძალადობენ. საქართველოშიც ახალი არაფერია, მაგრამ ეს ვითარება ნამდვილი დემოკრატიისა და თავისუფლებისთვის ბრძოლაზე უარის არგუმენტად არ გამოდგება. ხოლო რომ იბრძოლო, უნდა კარგად იცოდე, რატომ და რის წინააღმდეგ იბრძვი. იარაღით ხელში ბრძოლას არ ვგუ-ლისხმობ — სიტყვით გამოხატული გონი ხმაღზე გაცილებით ბასრი და ეფექტურია.

ჩვენ, მსოფლიოს ბევრი სახელმწიფოს ხალხებთან ერთად, ჯერ კიდევ ვცხოვრობთ სიცრუის სამეფოში, სადაც მოქმედებს რეალური სოციალიზმის (გნებავთ, რეალური ფაშიზმის) სამი ძირითადი პრინციპი:

**ბოროტი და კეთილი ძალები მუდამ იყოფდნენ ქვეყნიერე-ბას და ასე იქნება სიკეთის საბოლოო გამარჯვებამდე (ანუ ასე იქნება უსასრულოდ);**

**პარტია მუდამ და ყველას წინაშე მართალია;**

**საბჭოთა კავშირი სიკეთის და სამართლიანობის განსახ-იერებაა (ბენეტონი).**

ის ყველა ხმაღზეც უფრო ბასრი და ეფექტური იარაღი, წელან რომ ვახსენე, ხელში ჟურნალისტიკას უჭირავს (უნდა ეჭიროს!) და გორდიას კვანძის გახსნას, ანუ ანალიზს და სალი საზოგა-დოებრივი აზრის შექმნას, სწორედ ის უნდა ემსახურებოდეს. სწორედ მან უნდა დაანახოს თანამოქალაქეებს ის საბედისწერო ისტორიული პარალელები, რაზეც ზემოთ ვისაუბრეთ და, მგონი, გუნებაც წავიხდინეთ.

სწორედ ჟურნალისტიკამ უნდა დაასაბუთოს სრული უნი-

ადაგობა ყველა ტოტალიტარული ხელისუფლების მტკიცებისა, თითქოს ხელისუფლებაში მისი მოსვლით „ძველი სამყარო ახლით შეიცვალა“; რომ სიტყვა, ახალია, საქმე — ძველებური; რომ ჯერ არ წასულა რეჟიმების დრო; რომ „ჯერარნახულ, არგაგონილ“ დემოკრატია და ბრწყინვალე გამარჯვებაზე ლაყობა ნაადრევია.

ტოტალიტარული რეჟიმის პირობებში ჟურნალისტიკაზე საუბარი ძალიან ძნელია, ვინაიდან, პრესა, მთლიანად მასმედია, უსასტიკეს მარწმუნებში ექცევა. თუ მას დავეუმატებთ მოსახლეობის უდიდესი უმრავლესობის მატერიალურ სიდუხჭირეს, ჟურნალისტიკის მდგომარეობა ტრაგიკულად შეიძლება შეფასდეს — იგი ყოფნა-არყოფნის მიჯნაზე დგას. საქართველოსნაირ, შედარებით პატარა ქვეყნებში ეს ტრაგიზმი კიდევ უფრო მწვავე, მნიშვნელოვანი და თვალშისაცემი ხდება. პრობლემები თანამედროვე ლიბერალური დემოკრატიის ქვეყნების ჟურნალისტიკის წინაშეც დგას, მაგრამ ისინი, ძირითადად, შემოქმედებითი და კონცეპტუალური ხასიათისაა. თანაც, პრობლემების გადაჭრაში ჟურნალისტურ წრეებთან ერთად აქტიურად მონაწილეობენ სხვა შემოქმედებითი კავშირები, სახელისუფლო და ოპოზიციური პოლიტიკური პარტიები, საზოგადოებრივი და არასამთავრობო ორგანიზაციები, ბიზნესგუფები, სახელმწიფო სტრუქტურები, მეცენატები, სამეცნიერო წრეები, სტუდენტური ორგანიზაციები და ა. შ. ანუ სრულფასოვანი, ძლიერი, თავისუფალი ჟურნალისტიკის არსებობით გულწრფელად დაინტერესებულია ყველა, მათ შორის, ხელისუფლებაც და ოპოზიციაც. ეს იმ უბრალო მიზეზით ხდება, რომ ყველამ იცის ურყევი ჭეშმარიტება: თავისუფალი პრესა ხელს უწყობს საზოგადოების, ქვეყნის წინსვლას; პრესის თავისუფლებით შეიძლება შეფასდეს მთლიანად ქვეყანაში არსებული დემოკრატიის, მოქალაქეთა უფლებებისა და თავისუფლებების ხარისხი.

მოქალაქეთა უფლებები და თავისუფლებები კი ლიბერალური დემოკრატიის ქვეყნებში ძალზე ძვირად ფასობს.

XX საუკუნის 90-იანი წლებიდან, ცოტა უფრო ადრეც, ქართულ ჟურნალისტიკაში იმედისმომცემი მოძრაობა შეინიშნებოდა — გაჩნდა მოვლენათა სერიოზული ანალიზის ტენდენციები. რა თქმა უნდა, იყო გულუბრყვილობაც, ტენდენციურობაც, ურა-პატრიოტიზმიც, წმინდა ტექნიკური წუნიც, მაგრამ მაინც, ჟურნალისტიკა მიდიოდა იმ ადგილისაკენ, რაც მას დემოკრა-

ტიული საზოგადოების ცხოვრების კანონებით ეკუთვნოდა. იგი თანდათან ყალიბდებოდა რაციონალურ ავტორიტეტად, ანგარიშგასაწევ ძალად მთელი საზოგადოებისთვის. უპირველეს ყოვლისა, ეს ეხება სახელმწიფო ტელევიზიის I და II არხებს, გაზეთებს „ლიტერატურულ საქართველოს“, „თბილისს“, „რეზონანსს“ „დრონს“, „7 დღეს“, ზოგიერთ რეგიონულ ტელევიზიას და ბეჭდურ გამოცემას.

ამ მხრივ, განსაკუთრებით აღსანიშნავია გაზეთ „დრონის“ ფენომენი. სწორედ მან პირველმა შესძლო რედაქციის ირგვლივ შემოეკრიბა მოაზროვნე ადამიანების დიდი ჯგუფი და შეექმნა ე.წ. გონებრივი ცენტრი, რომელმაც 1991 წლიდან მოყოლებული, ათწელიწადზე მეტ ხანს იარსება.

„დრონის“ შემდეგ ამ როლის შესრულება სცადეს გაზეთებმა „ლიტერატურულმა საქართველომ“, „24 საათმა“ და „საქართველოს რესპუბლიკამ“, ტელეარხებმა „იბერია“ და „რუსთავი 2“-მა, „მზემ“, „იმედმა“, „I არხმა“, „კავკასიამ“, „202“-მა, მაგრამ ამ ნამოწყებიდან არაფერი არ გამოვიდა და არც შეიძლებოდა გამოსულიყო.

საქმე ის არის, რომ ისტორიულად, რევოლუციებს სძულთ თავისუფალი აზრი, რადგან მისი ეშინიათ. უბრალოდ, ასეთია რევოლუციების ბუნება.

ევროპასა და ამერიკაში განსწავლული, თანამედროვე დასავლურ ცივილიზაციას ნაზიარები ქართული რევოლუციის „მამები“, მართალია, სიტყვით იბრძოდნენ სიტყვის თავისუფლებისა და ქვეყანაში დემოკრატიზმის პრინციპების დასამკვიდრებლად, მაგრამ ზუსტად იმ დღემდე, ვიდრე ხელისუფლებაში მივიდოდნენ. თუნდაც, მათი ბრძოლის მეთოდებიდან გამომდინარე, გონიერი ადამიანისთვის ძნელი სულაც არ იყო რევოლუციონერთა ნამდვილი და საბოლოო მიზნის გამოცნობა — პარტია-ჰეგემონის შექმნა და ხელისუფლების სრული უზურპაცია. 1995 წლიდან მოყოლებული, 2003 წლის შემოდგომამდე „ახალგაზრდა რეფორმატორებმა“ ქვეყნის მთელი მედიასივრცის მნიშვნელოვან ნაწილზე საკუთარი კონტროლის დამყარება შეძლეს. ცოტა უცნაურად მოგეჩვენებათ, მაგრამ რევოლუციონერთა შეტევებს სერიოზული წინააღმდეგობა უღარიბესმა ქართულმა ბეჭდურმა მედიამ გაუწია. თუმცა, გამოსავალი აქაც გამოიჩინა — რევოლუციამდე კარგა ხნით ადრე გამოვიდა მომხიბლავი რევოლუციური ლოზუნგებით გაჟღენთილი და ქართული სინამდ-



ვილისთვის შესანიშნავად დაფინანსებული მრავალგვერდიანი ყოველდღიური გაზეთი („24 საათი“), სხვადასხვა მიზეზით დაიხურა ზოგიერთი საღად მოაზროვნე გამოცემა („დილის გაზეთი“, „დრონი“, „რესპუბლიკა“). სხვებისთვის კი ხელისუფლებამ მართლაც ნოვატორული ხერხი გამოიყენა — სრული უგულებელყოფა. პირადად ამერიკაში ნასწავლმა და ამერიკული პოლიტიკური წრეების აშკარა მხარდაჭერით გაპრეზიდენტებულმა მიხეილ სააკაშვილმა რამდენჯერმე საჯაროდ (ტელევიზიით!) განაცხადა, ქართულ გაზეთებს არ ვკითხულობო და სხვებსაც ამისკენ მოუწოდა. ეს „სხვები“, ბუნებრივია, სხვადასხვა რანგის სახელმწიფო ჩინოვნიკები იყვნენ და პრეზიდენტის „რჩევა“ კანონად და მონყალვად მიიჩნიეს.

ძალიან გთხოვთ, წარმოიდგინეთ რომელიმე ევროპული ქვეყნის პრეზიდენტი, რომელსაც ძილის წინ თავში ამგვარი აზრი გაუელვებს და დილით ისევ პრეზიდენტად გაიღვიძებს!

რევოლუციის შემდეგ, პირველივე თვეებში ხელისუფლებამ, მცირე გამონაკლისის გარდა, მთელი ქართული ელექტრონული მედიის მონოპოლიზება მოახერხა: გაუქმდა ტელეკომპანია „იბერია“, გაჩერდა „202“, სასწრაფოდ ჩაესვენა ერთობ სიმპათიური ტელეკომპანია „მზის“ მზე — იგი სახელისუფლებო ტელეკომპანია „რუსთავი 2-მა“ შეიძინა, თვითონ „რუსთავი 2-დან“ გაათავისუფლეს რევოლუციაში ღვანლდადებული ყურნალისტები, აბსოლუტური კონტროლი დაამყარეს „პირველ არხზე“ და „აჭარაზე“, აშკარად დააშინეს მილიონერ ბადრი პატარკაციშვილის ტელეკომპანია „იმედი“, რომელიც ამბიციების დაკმაყოფილებას ქვეყანაში შექმნილი მძიმე სოციალური ვითარების, პოლიციის თვითნებობის და საპროტესტო მიტინგების ამსახველი სიუჟეტებით შეეცადა...

სატელევიზიო ეკრანები მთლიანად დაიპყრო უდაბლესი ხარისხის, უცნობ ქართულ ჟარგონზე თარგმნილმა სამხრეთ-ამერიკულმა სერიალებმა.

დასავლური კულტურის ცოდნაზე პრეტენზიის მქონე ქართულმა პროვინციულ-რევოლუციურმა ხელისუფლებამ, სრული შემადგენლობით(!) კატეგორიული უარი განაცხადა... ნებისმიერი დონის ტელედებატებზე! ხელისუფლებაში მისვლიდან მთელი სამი წლის განმავლობაში ქართულ ბეჭდურ პრესაში არ გამოჩენილა ხელისუფლების არც ერთი წარმომადგენლის არც ერთი, ვიმეორებ, არც ერთი ანალიტიკური სტატია!

2005 წელს „საქართველოს რესპუბლიკაში“ გამოვაქვეყნე საკმაოდ ვრცელი წერილების ორი სერია რუბრიკებით „ახალი პოლიტიკური ლექსიკონი“ და „თექვსმეტი ნაბიჯი დიქტატურისკენ“ (სულ ოცამდე წერილი). ეს იყო ანალიტიკური პუბლიცისტიკა ისტორიული ანალოგიებით და თანამედროვე ქართული პოლიტიკურ-სოციალური ვითარების მძაფრი შეფასებებით.

გამომეხმაურნენ დედამიწის თითქმის ყველა კუთხეში მცხოვრები ქართველები, საქართველოში მცხოვრები ქართული ინტელიგენციის წარმომადგენლები, უბრალო ადამიანები — ზოგი დამეთანხმა, ზოგმა გამამხნევა, ზოგს ჩემი დასკვნები და დახატული სურათი გადაჭარბებულად მოეჩვენა, ზოგმა პირიქით — გამბედაობა დამინუნა...

არც ოფიციალურად, არც პირადად არ გამომხმაურებია ხელისუფლების (ანუ პარტია-ჰეგემონის, ანუ პარტია-სახელმწიფოს — ნაციონალური მოძრაობის) არც ერთი ჩინიანი წარმომადგენელი და არც ერთი ოპოზიციური პარტიის არც ერთი ე. წ. ლიდერი!

ერთი გენიალური ქართული (კახური) სიმღერის ტექსტი მახსენდება: „პურსა სჭამენ და ღვინოს სმენ, სიმღერას არ იტყვიანო, არ ვიცი, ვისმეს ჰგლოვობენ, არ ვიცი, არ იციანო...“ მეც არ ვიცი, რა ვიფიქრო — ერთ სუფრასთან მსხდომ იმ ჩვენს ახალგაზრდა რევოლუციურ ხელისუფლებას და მის ოპონენტებს სიჩუმის აღთქმა ჰქონდათ დადებული, თუ მშობლიურ ქართულ ენაზე წერილობით ან სიტყვიერად აზრის გადმოცემა არ შეეძლოთ.

ეს ისე, ხუმრობით, სინამდვილეში, ალბათ, ხელისუფლებას სერიოზული პოლემიკის დონეზე სათქმელი მართლაც არაფერი ჰქონდა. რაც ძალიან საგულისხმოა, სათქმელი არ ჰქონდა არც ოფიციალურ ოპოზიციას. ვგულისხმობ იმ პოლიტიკურ ძალებს, რომლებიც ხელისუფლების უშვერი ლანძღვა-გინებით ათენალამებდნენ.

ამის მიზეზი ის უნდა იყოს, რომ დამოუკიდებელი საქართველოს ყველა ხელისუფლების ძირითადი ოპოზიციური ძალები სახელისუფლო წიაღიდან იშვებოდნენ: პრეზიდენტ გამსახურდიას „მრგვალი მაგიდის“ ხელისუფლების დამხობის ორგანიზატორებად გამსახურდიასვე თავგადაკლული მომხრეები მოგვევლინენ; პრეზიდენტ შევარდნაძის „მოქალაქეთა კავშირის“ ხელისუფლება შევარდნაძის ყველაზე ერთგულმა მომხრეებმა

დაამხეს; სააკაშვილის „ნაციონალური მოძრაობის“ ყველაზე რადიკალურ მონინალმდეგეთა რიგებიც იმ ადამიანებმა შეავსეს, ვინც გუშინ „ნაციონალური მოძრაობის“ ყველაზე „ცნობადი სახეები“ იყვნენ. დაქსაქსულმა და მრავალთავიანმა ოპოზიციურმა პარტიებმა საზოგადოებას ვერ შესთავაზეს ქვეყნის განვითარების მეტნაკლებად რეალური და დამაჯერებელი კონცეფცია; ვერ მოახერხეს გაერთიანება და ხელისუფლებისთვის ანგარიშგასანევ ძალად ჩამოყალიბება; მათ რიგებს, ისევე, როგორც თავის დროზე პარტია-სახელმწიფო „კომუნისტურ პარტიას“, პარტია-სახელმწიფო „მოქალაქეთა კავშირს“, პარტია-სახელმწიფო „ნაციონალურ მოძრაობას“ უამრავი მედროვე და ვიგინდარა მიეტმასნა. შექმნილი ტრაგიკული ვითარების სერიოზული და ყოველმხრივი ანალიზის ნაცვლად, საზოგადოებამ მიიღო ისევე ის, რასაც მას თავის დროზე სთავაზობდნენ კომუნისტური, ზვიადისტური, შევარდნაძისეული რეჟიმების მონინალმდეგეები. შეგვიძლია ცოტა უფრო შორსაც წავიდეთ: ხრუშჩოვის კომპარტია სასტიკად აკრიტიკებდა სტალინისას, ბრეჟნევისა — ხრუშჩოვისას, ანდროპოვ-ჩერნენკოსი — ბრეჟნევისას, გორბაჩოვისა — ყველა წინამორბედისას ერთად, ელცინისა — გორბაჩოვისას... ანუ იცვლებოდნენ პოლიტიკური ფიგურები, რეჟიმი კი ძველებური რჩებოდა.

ხალხის მეხსიერება არც ისე მოკლეა, როგორც ეს ახალგაომომცხვარ „ლიდერებს“ ჰგონიათ. ხალხი, მართალია, პასიურია (სტენკა რაზინის ეპოქისგან განსხვავებით, შურდულებით, ფინლებით და ნაჯახებით შეიარაღებული, ჯერჯერობით, ქუჩებში არ გამოდის და მასობრივ დარბევებს არ იწყებს), მაგრამ მას ყველაფერი ახსოვს და ამიტომ ისევე ვერ ენდობა ოპოზიციას, როგორც ხელისუფლებას. თავისას შვრება კომუნისტური მემკვიდრეობაც — მაინც არაფერი გამოგვივა!

## **ბინდათ, რომ გაქვბდნენ?**

პრესამ, თავისი ეპოქის და თავისი საზოგადოების ღვიძლმა შვილმა, XXI საუკუნის დასაწყისის საქართველოში, ისტორიის უაღრესად მნიშვნელოვან ეტაპზე გათამაშებულ დრამაში მთავარი გმირის როლზე უარი თქვა და საპატიო სტუმრის ლოყაში თვლემამ ამაჯობინა. ვინმეს კი არ ვსაყვედურობ, უბრალოდ,

მოგახსენებთ საკუთარი დაკვირვების შედეგს, რაც, შესაძლოა, მცდარიც იყოს.

დამოუკიდებელ საქართველოში ჟურნალისტიკის დონე დაეცა-მეთქი, ნამდვილად ვერ ვიტყვი, რადგან საბჭოთა საქართველოში ჟურნალისტიკის რაიმე დონეზე საუბარი ძალზე საჭოჭმანო საკითხია. სხვა საქმეა, რომ იყვნენ ნიჭიერი ჟურნალისტები, რომლებსაც არ ჰქონდათ საკუთარი ნიჭის და შესაძლებლობების გამჟღავნების საშუალება და უფლება. როგორც ვთქვი, ჯერ „7 დღემ“ და „დრონმა“, შემდეგ „რეზონანსმა“, „24 საათმა“ და „საქართველოს რესპუბლიკამ“ სცადეს ანალიტიკოსის, გზის მაჩვენებლის და, შესაბამისად, საზოგადოებრივი აზრის წარმმართველის როლის ტვირთვა, მაგრამ მათი მცდელობა კრახით დამთავრდა. პრესამ ვერ შესძლო რაიმე ზეგავლენა მოეხდინა ეგრეთ წოდებულ რეფორმებზე სამართლებრივ და განათლების სფეროებში, სახელმწიფოს მონყობის პრობლემებზე, ხელისუფლების საგარეო, შიდა ეკონომიკურ, თუ ფისკალურ პოლიტიკაზე, ჩინოვნიკების თვითნებობის აღკვეთაზე, ძალიან გახმაურებული კრიმინალური საქმეების სრულფასოვნად გამოძიებაზე, თვით სახელმწიფო სიმბოლიკის (ჰომინი, დროშა, გერბი) დადგენაზეც კი.

პრესა და ტელევიზია, ანუ ამ პერიოდის მთელი ქართული ჟურნალისტიკა გონებრივი ცენტრის, ლიდერის ნაცვლად თავად დაეშვა ბრბოს დონეზე. მან ნებაყოფლობით დათმო შუამავლის როლი ობიექტურად არსებულ გონსა და ათასი საზრუნავით დატვირთულ საზოგადოებას შორის.

ჟურნალისტიკას სიყვითლის სენი შეეყარა. იგი, როგორც ქართული საზოგადოების დიდი ნაწილი, ლუკმაპურისთვის, სიცოცხლის გადარჩენისთვის ყოველდღიურ განამანიაში ჩაება.

არ ვამბობ, რომ ხელისუფლებას, მის გადანყვეტილებებს, კანონებს, პიროვნებებს, ფაქტებს და მოვლენებს არ აკრიტიკებდნენ. „რეზონანსი“, „ასავალ-დასავალი“, „ალია“, „ჯორჯიან თაიმსი“, „ქრონიკა“, „ახალი ვერსიები“ და სხვა, მართლაც ხმალამოღებული იბრძოდნენ, მაგრამ ეს ბრძოლა თავიდანვე განწირული იყო დასამარცხებლად, რადგან არ არსებობდა არავითარი სტრატეგია, არ ჩანდა გამოკვეთილი მიზანი, არ ჩანდა მოვლენათა ანალიზი, არ იყო ოპტიმალური გზის მინიშნების მცდელობა. სააკაშვილი და მისი ხელისუფლება ცუდია! — და მეტი არაფერი.

ისიც საინტერესოა, რომ ამ პერიოდის პრესა ისევე ერიდებოდა ოპოზიციის კონსტრუქციულ კრიტიკას, როგორც ოდესღაც კომუნისტური პრესა ერიდებოდა საბჭოთა რეჟიმის კრიტიკას. მაგალითად, ქართულ მასმედიაში ძალიან მწარე შენიშვნები გამოითქვა პრეზიდენტ სააკაშვილის მისამართით, როცა მან ერთმანეთში აურია შოთა რუსთაველი და გრიგოლ ორბელიანი. თუმცა, იგივე არ მომხდარა, როცა ლეიბორისტების ლიდერმა ნათელაშვილმა ერთმანეთში აურია ანდერსენი და ძმები გრიმები. ანუ ნაციონალური პარტიის იქნებ სამართლიანი, მაგრამ აშკარად დაუსაბუთებელი კრიტიკით მე, საქართველოს მოქალაქე უნდა მივმხვდარიყავი, რომ ძალიან კარგია ლეიბორისტული პარტია. მით უფრო, თუ ამ პარტიის ნამდვილი გეგმები ჩემთვის არავის არ გაუცვნიან!

მიმტკიცებდნენ (სამართლიანად!), რომ, ვთქვათ, სამტრედიის გამგებლის თანამდებობისთვის აშკარად შეუფერებელი იყო ვინმე ავთო სტურუა, მაგრამ არ მეუბნებოდნენ, რატომ იყო ამ თანამდებობისთვის ზედგამოჭრილი დეპუტატ ზვიად ძიძიგურის ძმა, კობა!

ამომრჩეველი, რა თქმა უნდა, ამგვარ ლოგიკას ვერ ეთანხმება და, საბოლოოდ, მთელი ეს თავგამოდებული ანტისახელისუფლო კამპანია წყალს ასხამს სწორედ ხელისუფლების ნისქვილზე.

შეგახსენებთ, რომ ჩვენ ვსაუბრობთ არა ჟურნალისტიკის პოლიტიკაზე, არამედ, ზოგადად, ჟურნალისტიკის და პოლიტიკის ურთიერთდამოკიდებულებასა და ურთიერთ ზეგავლენაზე. ტოტალიტარული რეჟიმის, უფრო ზუსტად, თანამედროვე მოდერნიზებული ტოტალიტარული რეჟიმის პირობებში ეს ზეგავლენა ცალმხრივია — რეჟიმი არ ცნობს ჟურნალისტიკის თავისუფლებას. ქართულ ჟურნალისტიკას საქმეს კიდევ უფრო ურთულეს დაბალი პროფესიონალიზმი, ისტორიული უსახელმწიფოებრიობის განცდა, დემოკრატიული ჟურნალისტური ტრადიციების სიმწირე, მატერიალური სიდუხჭირე, სრულფასოვანი ჟურნალისტური სკოლების ფაქტობრივი არარსებობა და, რა თქმა უნდა, ბიზნესწრეების ჟურნალისტიკისადმი ზერელე, ხშირად ნიჰილისტური დამოკიდებულება, რაც, თავის მხრივ, ბიზნესისადმი რეჟიმის დამოკიდებულების პირდაპირი შედეგია.

თუმცა, ნათქვამი არ ნიშნავს, რომ ჟურნალისტიკა უნდა ელოდოს, როდის მოიღებს მოწყალებას რეჟიმი და მისდამი კეთილ-

განწყობას გამოიჩინეს. XXI საუკუნის დასაწყისის ქართულ ჟურნალისტიკაში ბევრი ნიჭიერი და მამაცი ადამიანი მოღვაწეობს. საჭიროა მათი ძალების გაერთიანება და ერთი მიზნისკენ წარმართვა. ამას კი დრო უნდა.

თუ ისტორიას ვენდობით, ეს დრო დადგება. აი, მაშინ კი აუცილებლად გაიხსენეთ ბრძენი ფრანგი ჟან დე ლა ბრიუიერი\*:

**„ზოგი (ჟურნალისტი) ქების და დიდების ღირსია იმის გამო, რომ კარგად წერს, ზოგი კი იმის გამო, რომ, საერთოდ, არაფერს არ წერს“.**

თქვენც ეცადეთ, მუდამ ქება დაიმსახუროთ.

## თავი XIII

### ენა და ჟურნალისტიკა

2004 წლის სექტემბერ-ოქტომბერში საფუძვლიანად შევისწავლე საქართველოს განათლებისა და მეცნიერების სამინისტროს მიერ მომზადებული კანონპროექტი ზოგადი განათლების შესახებ (კოდური სახელწოდებით „ილია ჭავჭავაძე“).

მხოლოდ კარგა ხნის შემდეგ დავადგინე, რომ ამ კანონპროექტის და მთლიანად „განათლების რეფორმის“ ერთ-ერთი შემოქმედი და სულისჩამდგმელი ყოფილა ფილოსოფიის პროფესორი გიგი თევზაძე.

დოკუმენტის ნაკითხვის შემდეგ პირველი შთაბეჭდილება თავზარდამცემი იყო — კანონპროექტის ავტორებმა არ იციან მშობლიური ენა! არცოდნაში ვგულისხმობ ქართული ენის გრამატიკას, ლექსიკას, ორთოგრაფიას, პუნქტუაციას, აზრის წერილობით გადმოცემის ხელოვნებას.

როგორც გაირკვა, ენთუზიასტ-რეფორმატორთა ჯგუფს, რომელსაც, მათივე „ნაშრომიდან“ გამომდინარე, ერთობ ბუნდოვანი წარმოდგენა ჰქონდა კანონშემოქმედებაზე, სამართალზე, პედაგოგიკაზე, მართვაზე, განათლების სისტემაზე, ქართული ენის ნორმებზე და პროფესიულ სინდისიერებაზეც, რამდენიმე უცხო ენიდან ეთარგმნა რამდენიმე უცხო ქვეყნის შესაბამისი კანონების ფრაგმენტები.

მადლობა ღმერთს, მაშინ პარლამენტმა არ განიხილა ეს აბდაუბდა. ეჭვი მაქვს, რომ პატივცემულმა დეპუტატებმა ვერ დაადგინეს, რა ეწერა კანონპროექტში. ეს ის შემთხვევაა, როცა გულწრფელად ვუთანაგრძნობ ჩვენი პარლამენტის უმრავლესობას — მართლაც ძნელია ასეთი ნორმების გაგება:

**„საქართველოს მთავრობა წარუდგენს დასამტკიცებლად საქართველოს პარლამენტს ზოგადი განათლების ეროვნული მიზნების დოკუმენტს“;**

**„განათლებისა და მეცნიერების სამინისტროში მონაცემთა რეგისტრაცია იწვევს მათ ძალაში შესვლას“;**

**„ზოგადსაგანმანათლებლო დაწესებულების მიმართ, რომელიც არსებობს კერძო სამართლის იურიდიული პირის სახით, ვრცელდება ამ კანონის I, II, III და IV თავები“;**

„ამ ჩვევების გამომუშავება უნდა მოხდეს სასკოლო გარემოს სრული ჩართვით...“

„ეროვნული სასწავლო გეგმა — დოკუმენტი, რომელიც მოიცავს ზოგადი განათლების ყველა საფეხურისთვის საათების განაწილებას, მოსწავლეთა მაქსიმალურ და აუცილებელ დატვირთვას, იმ მიღწევების (უნარ-ჩვევების და ცოდნის) ჩამონათვალს, რომელსაც მოსწავლე უნდა ფლობდეს ყოველი საფეხურის დამთავრებისას და ამ უნარ-ჩვევებისა და ცოდნის მიღწევის საშუალებების აღწერას“.

ასე და უფრო უარესიც თავიდან ბოლომდე.

რა თქმა უნდა, მინახავს არანაკლებ პატივცემული დაწესებულების მიერ შეთხზული ბევრი არანაკლებ ბრიყვული დოკუმენტი, მაგრამ სახელდობრ ეს კანონპროექტი იმიტომ გავიხსენე, რომ იგი შეიქმნა სწორედ განათლებისა და მეცნიერების სამინისტროში. თანაც, მტრის თვალის დასაყენებლად და მოყვრის თვალში ნაცრის შესაყრელად, საქართველოს ისტორიაში ერთ-ერთი საუკეთესო მოქართულის და ქართული ენის უდიდესი მოამაგის — ილია ჭავჭავაძის სახელს ამოეფარა.

ენის მნიშვნელობაზე საუბარი შორს ნაგვიყვანს და, იქნებ, ისეთ უღრანებში შეგვიტყუოს, უკან დაბრუნება რომ გაგვიჭირდება. ამიტომ ძალიან მოკლედ გავიმეორებ ორიოდ ძალიან გავრცელებულ მოსაზრებას.

ენა არის ერის კულტურის გამომხატველბაც და პიროვნების ამ კულტურისადმი კუთვნილების საზომიც.

ენა ადამიანის, პიროვნების გონებრივი შესაძლებლობების საზომიცაა. მაგალითად, ენა ერთნაირად მნიშვნელოვანი არ გახლავთ, ვთქვათ, პროფესორ ნადირაშვილისთვის\* და თავისთვისაც კი მოულოდნელად გადუბუტატებული ქალბატონი ნადირაძისთვის. ბატონი პროფესორისთვის ენა არის ინსტრუმენტი ურთულესი ფილოსოფიური კატეგორიების რაც შეიძლება უბრალოდ (გასაგებად) გადმოსაცემად. ამიტომ, პროფესორის ენა მდიდარი, ფერადი (მრავალფეროვანი) და სადაა. ქალბატონი დეპუტატისთვის კი ენას აქვს მეორე დეპუტატისთვის საკუთარი უპირატესობის დამმტკიცებლის ფუნქცია („იცით, რა, მე ეს მაგონებს იმას, როცა თქვენ, ისა... სად იყავით ვარდების რევოლუციის დროს, თქვენ არა გაქვთ ამ თემაზე საუბრის უფლება...“). ამიტომ დეპუტატის ენა ისეთივე პრიმიტიულია, როგორც მისივე აზროვნება.



ენა, როგორც კომუნიკაციის საშუალება, აზრის სწორად და ლაკონიურად გადმოცემის, აზრის დამახინჯების, ან აზრების დაფარვის (კოდირების) ხელოვნებასაც გულისხმობს. საგაზეთოს გარდა, არსებობს მხატვრული სიტყვის, სამართლის, დიპლომატიის, მეცნიერების, კომპიუტერის, ბრძანებების, პროტოკოლის, რეკლამის, ჟესტებისა და მიმიკების, მუსიკის, კინოს, არქიტექტურის, ფუტკრების და ა. შ. ენა.

ენა მეორადია. პირველია აზრი, ანუ გონება. ენა ვერასოდეს ვერ ასწრებს აზრს, თუ აზრი, საერთოდ, არის. ანუ ენის სიღარიბე გონების შეზღუდულობაზე მიუთითებს. ხოლო თუ კამათისას არგუმენტად ძალა (მუშტი, ნიხლი, დედის გინება) გვევლინება, საქმე სრულ უგონობასთან გვაქვს.

უკვე მესმის პროტესტის ხმა, რომ ენა, შესაძლოა, თავად იყოს აზროვნების წყარო, ანუ ადამიანი ენით აზროვნებდეს, მაგრამ პირადად მე ამ ფილოსოფიური თეორიის გაზიარება ძალიან მიჭირს.

## დამიმახინჯეთ თქვენი მხარდაჭერა

„თქვას“ მნიშვნელობის გადმოსაცემად, ქართულ ენას უმდიდრესი არსენალი აქვს: ბრძანა, ილაპარაკა, ისაუბრა, იბაასა, იმუსაიფა, იმეტყველა, იყვირა, იუბნა, განაცხადა, გააბა, ილაყბა, იბაზრა, ილაქლაქა, იკაპასა, ირატრატა, ირაკრაკა, იტლიკინა, იტიკტიკა, იჟღურტულა, იბუხუნა, იჭიკჭიკა, ინრიპინა, ისისინა, იჯაჯღანა, იჯუჯღუნა, იჭუკჭუკა, იჩურჩულა, ინკმუტუნა, იკაკანა, იკნავლა, ითლიფინა, იბურდღუნა, იბღავლა, იჭაჭყანა, იტატყანა, იდადღანა, იდუდღუნა, იბურტყუნა, იყაყანა, დაფქვა, იყიყინა, დაბეჭდა, ბეჭედი დაუსვა, ენა გამოიბა, ენა მიუტანა, ენა მოიქაფა, ენა ამოიდგა, ენა აილესა, ენაზე წავიდა, ენა ზურგზე გადაიგდო, ენით ზურგი მოიფხანა, პირი გააღო, პირი აიქაფა, პირი აიდუღა, გუდას პირი მოხსნა, ტვინი წაიღო, ტვინი შეჭამა, ხმა ამოიღო, ყური გახვრიტა, ყური წაიღო, გული შეაღონა, ლაყაფი გააბა, ტრიბუნა ჩაიგდო, რადიო გადაყლაპა, თვით—მესიჯი გაუგზავნაც კი...

ამ მრავალფეროვნებიდან მოაზროვნე ადამიანი ვითარები-სთვის შესაფერის გამოთქმას ირჩევს. თუ დარბაისელ ადამი-

ანს გულისხმობს, იტყვის იმუსაიფაო; თუ ანჩხლ დედაკაცს — იკაპასაო; თუ ვინმეს შეურაცხყოფა სურს — პირი აიქაფა, ტვინი წაილოო; — თუ ვილაცის გველთან შედარება უნდა — ისისინაო; თუ ლომთან — იბუხუნაო, თუ ბაყაყთან — იყიყინაო და ასე შემდეგ, უსასრულოდ.

როცა საქმე პოლიტიკასთან და პოლიტიკოსებთან გვაქვს, მაშინ არჩევანი შეზღუდულია — პოლიტიკოსს არა აქვს უფლება, თქვას ყველაფერი, რასაც გულში გაივლებს და რაც ენაზე მოადგება. როცა დეპუტატი ბრძანებს, ყველა უზრდელობაზე უზრდელობით ვუპასუხებო, კოლეგა დეპუტატს ის ვუთხარი, რაც დაიმსახურა და რასაც მასზე ვფიქრობო, ეს ზნეობის საყოველთაო და კატასტროფულ დაცემაზეც მეტყველებს და, ზოგადად, უვიცობაზეც.

ალბათ, დაჯერება გაგიჭირდებათ, მაგრამ რასაც ახლა ვიტყვი, სრული სიმართლეა: ოდესღაც, 21-ე საუკუნის დასაწყისში, საქართველოს ჰყავდა ახალგაზრდა, ენერგიული პრეზიდენტი, რომელმაც არ იცოდა სალიტერატურო ქართული ენა და არც პატივს სცემდა მას. ამიტომ პოლიტიკური ოპონენტების მისამართით ხშირად იმეორებდა, „წკმუტუნებენ, ყიყინებენ, აჩმახებენო“. ამით იგი არაორაზროვნად მიუთითებდა იმ ოპონენტების უსუსურობაზე, უჭკუობაზე და უმნიშვნელობაზე. ასე ეგონა თვითონ და ამასვე გულმოდგინედ იმეორებდნენ პრეზიდენტის „ერთგული“ მაღალი და დაბალი რანგის ჩინოვნიკები.

ეს არის სწორედ ენის მნიშვნელობის უცოდინრობიდან მომდინარე საბედისწერო შეცდომა. თუ პრეზიდენტს, მთლიანად ხელისუფლებას ოპონენტი და ხელისშემშლელი არა ჰყავს, რაღა საჭიროა საპარლამენტო დებატები და ამდენი იწილო-ბიწილო — მიდი და აკეთე, რაც გინდა, გამარჯვებებისთვის დაფნის გვირგვინიც შენ გერგება და დამარცხებისთვის — რიყის ქვაც.

პრეზიდენტმა არასოდეს არავის, თვით მოსისხლე მტრის მისამართითაც კი არ უნდა იხმაროს ასეთი გამოთქმები: ყიყინებს, აჩმახებს, წკმუტუნებს, ყმუის, ბლავის, გიჟი ხომ არა ხარ, მეტი საქმე არა მაქვს, სხვა კიდე რა უნდათ, ვერ მოგართვი, ნურას უკაცრავად, ცივი წყალი დალიოს, დავსჯი, დავიჭერ, მივუზღავ, დამნაშავეა, ხროვა, ბრბო, ვიგინდარები, ხელმოცარულები, უსაქმურები, კრიმინალები, წურბელები, მოუსავლეთში წავიდა და სხვა.

ჩვენი მაშინდელი პრეზიდენტი შინაც და გარეთაც, თვით ბიუჯეტის კანონის განხილვის დროსაც კი სიტყვით ზეპირად,

„უშპარგალკოდ“ გამოდოდა. ვილაცის რჩევით, თუ საკუთარი ინტუიციით, დარწმუნებული იყო, რომ პუბლიკას ამით თავს უფრო მოაწონებდა. ესეც ბავშვური გულუბრყვილობაა: ერთი და იმავე შინაარსის გამოსვლები, ერთი და იმავე არარსებული წარმატებებით კვებნა, უადგილო, უკბილო იუმორით შეზავებული კომენტარები, ოპონენტების და წინა ხელისუფლების გაუთავებელი ლანძღვა-გინება ახალგაზრდა პრეზიდენტის სახელს აშკარად ვნებდა, მისი ფარისეველი „მეგობრები“ კი ამაზე არაფერს ეუბნებოდნენ. პირიქით, აქეზებდნენ კიდევ.

ადამიანის განათლება, კულტუროსნობა, ცოდნა, გაზრდილობა, განზრახვა, ოჯახიშვილობა, რთული აზრების უბრალოდ და კორექტულად გადმოცემის უნარი — ყველაფერი ეს ადამიანის მეტყველებიდან ჩანს. სამწუხაროდ, ყველაფერი ეს აკლდა იმ ეპოქის ქართველ პოლიტიკოსთა უდიდეს უმრავლესობას. რაც მთავარია, სწავლის სურვილიც არავის ეტყობოდა.

გეფიცებით, არ მინდა პოლიტიკაზე და პოლიტიკოსებზე საუბარი, მაგრამ გვერდის ავლასაც ვერ ვახერხებ. გთხოვთ, წაიკითხოთ 2003 წლის შემდეგ მაღალ სახელმწიფოებრივ თანამდებობებზე დანიშნული პირების მოკლე ბიოგრაფიები. ისინი გამოქვეყნებულია პრესაში. უკლებლივ ყველგან მითითებულია, რომ ამან და ამან იცის ინგლისური, ფრანგული, გერმანული, რუსული, არაბული... ენა (უფრო ზუსტად, ასე წერენ: ფლობს ... ენას). არსად, არავის ბიოგრაფიაში მითითებული არ არის, რომ ამ კაცმა — საქართველოს მინისტრმა, გუბერნატორმა, გამგებელმა, დეპუტატმა, დეპარტამენტის თავმჯდომარემ, მოსამართლემ... იცის მშობლიური ენა. თითქოს საზოგადოების ამ ნაწილისთვის მშობლიური ენის ცოდნა არც საჭირო იყოს და არც სავალდებულო. ამიტომაც, პატივცემული პოლიტიკოსები, აი, ასე მეტყველებდნენ:

- გთხოვთ, დააფიქსიროთ თქვენი თავი;
- მინდა სწორად ვიყო გაგებული;
- რასაც იგივეს ითხოვს ნატო ჩვენთან;
- მე ვარ ამაყი და ამაღლებული იმ ზომაზე, რომ...
- ეს არის (ასეთია) ჩემი მესიჯი;
- ვიმუშავეთ და მივიღეთ ახალი კომბინირებული სისტემა, რომელიც ითვალისწინებს იმას, რომ ადგილი ჰქონდეს რეალურ ანგარიშვალდებულებას“..

მოდით, ქართველი მედიკოსების ჩანაწერებსაც გავეცნოთ, დარწმუნებული ვარ, ძალიან იხალისებთ:

— მიმღებ განყოფილებაში ავადმყოფს გული გაუჩერდა და თავი უკეთ იგრძნო;

— მეორე დღეს მუხლი უკეთ გამოიყურებოდა, მესამე დღეს კი, საერთოდ, გაქრა;

— მიუხედავად გაფრთხილებისა, ავადმყოფმა განავალი მაინც სხვა კლინიკაში დატოვა;

— ავადმყოფი ყინულზე წაიქცა და ფეხები შუა დეკემბერში ურთიერთსაპირისპირო მიმართულებით გაუცურდა;

— სუნთქვის გაძნელება ფილტვის შეშუპების აშკარა ნიშნებით, ავადმყოფს დაეწყო სახლში, სქესობრივი აქტის დროს, რომელიც მიმღებ განყოფილებაში თანდათან გაურთულდა;

— ავადმყოფი პალატაში არ არის, ე. ი. მდგომარეობა დამაკმაყოფილებელია;

— უჩივის მხედველობას: ქალიშვილს ქალისგან უკვე ვეღარ არჩევს;

— მკურნალობდა შინაური მეთოდებით: დილით სვამდა არაყს, სადილად—ღვინოს;

— ავადმყოფმა დანიშნული რეჟიმის დარღვევით ორგანიზმში შეიყვანა შემწვარი გოჭი და აჯიკა;

— ავადმყოფს აღენიშნება მდგომარეობის გაუმჯობესება: ფეხებს უკვე დამოუკიდებლად ჭიმავს;

— ავადმყოფი დეპრესიაშია და გამუდმებით ტირის, ამავე დროს, ჩანს, რალაცაზე გულნატკენია;

— ავადმყოფი ნ. გ. ასაკი 70 წელი. დიაგნოზი: მწვავე ქოლერისტიტი, თანმხლები პათოლოგია — ქალწულობა;

— ავადმყოფს აღენიშნება ცოლი, ორი ქალიშვილი და საზარდულის თიაქარი...

სიცილი სიცილად, მაგრამ ამ წინადადებების ნაკითხვის შემდეგ მეც იმ პაციენტის მდგომარეობაში ვარ, „გამუდმებით რომ ტირის და ამავე დროს, ჩანს, რალაცაზე გულნატკენია.“

ვფიქრობ, კომენტარი არ ღირს. მხოლოდ ერთ ჭეშმარიტებას გაგახსენებთ — ვინც მშობლიური ენა არ იცის, სიტყვის (Lingua) მნიშვნელობა არ იცის, იგი ვერ იქნება საკუთარი ერის კულტურის მემკვიდრე და, შესაბამისად, ვერ იქნება პატრიოტი. ანუ ვერ გამოდგება პოლიტიკოსად. არ ვლაპარაკობ ენის მეცნიერულ ცოდნაზე, — უბრალოდ, აზრის გამართულად და დაუმახინჯებლად გადმოცემის შესაძლებლობაზე მოგახსენებთ.

თუმცა, რას ვერჩით „ტლუ“ დეპუტატებს, როცა იმ შორეულ

ეპოქაში ასეთი წინადადებით საუბრობს ერთ-ერთი სამეცნიერო-კვლევითი ცენტრის ხელმძღვანელი: **„დავადგინეთ ის მიზეზები, რომელთა გამოც მოხდა შენობის ავარიულობა“**.

გული რომ არ დაგწყდეთ, ცნობილი და სახელიანი ქართველი ჟურნალისტების გამოთქმებსაც გავიხსენებ:

— **თუ რომელი პროექტით იქნება აშენებული, მთელი დარბაზის სურათი თქვენ სახეზე გაქვთ;**

— **ალბათ, ოდნავ დააგვიანებს ამ შეხვედრის გამართვა;**

— **ახლა კი, თუ რას ელიან ის ხალხი, რომლებიც სალამოს კონცერტს ელის;**

— **დაპირებული 2000 ბუშტი ბავშვებთან ერთად საქართველოს პრეზიდენტმაც გააფრინა.**

მოდით, არც ამ წინადადების ავტორის გვარს გავამხელ: **„სოციოლოგიური კვლევები აჩვენებს, რომ ქვეყანაში სააკაშვილის მერე ყველაზე რეიტინგული ქალბატონი ბურჯანაძეა“**.

ეს საგაზეთო ინფორმაციაა. მით უფრო, გასაოცარია მისი ავტორის უფიცობა თუ წინდაუხედაობა. თუ სპიკერ ბურჯანაძეს ქალბატონობით მოიხსენიებ, პრეზიდენტ სააკაშვილს რაღას ერჩი — ის რა, რანგით ქალბატონ ბურჯანაძეზე ნაკლებია?! თუმცა, ამ წინადადებაში მთავარი ის არის, რომ ავტორს პრეზიდენტი მიხეილ სააკაშვილი მდედრობითი სქესისა ჰგონია! ამიტომაც ამბობს, **„საკაშვილის შემდეგ ყველაზე რეიტინგული ქალბატონი ბურჯანაძეა“**, ანუ ამ ორი ქალბატონიდან (ბურჯანაძე და სააკაშვილი) ბურჯანაძე მეორე ადგილზეაო...

## მეცნიერების ენა

თავადაც ვხვდები და უთუოდ თქვენც შეამჩნიეთ, რომ გამოთქმა — **„მეცნიერების ენა“** — ორაზროვანი და ცოტა გაუგებარიცაა. არ არის ნათელი, რაზეა საუბარი — მეცნიერებზე, თუ მეცნიერებაზე. მე კი მინდოდა დამენერა ის, რასაც ქართულად ნიშნავს „язык науки“ და არა „язык ученых“. ბუნებრივია, ასეთ შემთხვევაში, სჯობდა მეთქვა „მეცნიერული ენა“ და არც ეს ახსნა-განმარტებები დამჭირდებოდა. მაგრამ მაშინ გამიჭიანურდებოდა მთავარ სათქმელთან მისვლა: ერთიდაიგივე აზრი შეიძლება მრავალნაირად ითქვას, მაგრამ ეს არ გახლავთ ერთფეროვანი ნაირგვარობა — ყველა სიტყვას და გამოთქმას თავადაც ვხვდები და უთუოდ თქვენც შეამჩნიეთ, რომ გამოთქმა — „მეცნიერების ენა“ — ორაზროვანი და ცოტა გაუგებარიცაა. არ არის ნათელი, რაზეა საუბარი — მეცნიერებზე, თუ მეცნიერებაზე. მე კი მინდოდა დამენერა ის, რასაც ქართულად ნიშნავს „язык науки“ და არა „язык ученых“. ბუნებრივია, ასეთ შემთხვევაში, სჯობდა მეთქვა „მეცნიერული ენა“ და არც ეს ახსნა-განმარტებები დამჭირდებოდა. მაგრამ მაშინ გამიჭიანურდებოდა მთავარ სათქმელთან მისვლა: ერთიდაიგივე აზრი შეიძლება მრავალნაირად ითქვას, მაგრამ ეს არ გახლავთ ერთფეროვანი ნაირგვარობა — ყველა სიტყვას და გამოთქმას თავადაც ვხვდები და უთუოდ თქვენც შეამჩნიეთ, რომ გამოთქმა — „მეცნიერების ენა“ — ორაზროვანი და ცოტა გაუგებარიცაა.

ვისი კონკრეტული მისამართი, მხოლოდ მისთვის დამახასიათებელი ელფერი, სუნი და გემო აქვს.

ბოლო ორი საუკუნის განმავლობაში საქართველოში გაბატონებული იმპერიული აზრით, ქართული მეცნიერული ენა უნდა ყოფილიყო მშრალი, აუცილებლად უცხო ტერმინოლოგიით გადატვირთული, მთავარი აზრი ღრმად ჩამალული უნდა ყოფილიყო სტრიქონებს შორის, დანერილი უნდა ყოფილიყო მრავლობით რიცხვში (აღმოვაჩინეთ, დავადგინეთ, გამოვიკვლიეთ) და წინადადებები აგებული უნდა ყოფილიყო რუსული ენის გრამატიკის შესაბამისად. სახელმძღვანელოები, სამეცნიერო ლიტერატურა, ძირითადად, რუსულენოვანი და, ნაწილობრივ, რუსულიდან ძალიან ცუდი თარგმანის სახით არსებობდა.

ვითარება ახლაც ზუსტად ძველებურია ერთადერთი განსხვავებით — ინგლისური რუსულის ნაცვლად.

გასათვალისწინებელია ერთი გარემოებაც — ადრე წიგნების, მით უფრო, სამეცნიერო ლიტერატურის გამოცემა ძნელი საქმე იყო (დიდმა მეცნიერმა და მთარგმნელმა, ბაჩანა ბრეგვაძემ\* თავისი ნაშრომების გამოცემა დღემდე ვერ მოახერხა!). ახლა ამ მხრივ სრული დემოკრატია, ანუ სრული განუკითხაობაა — ოღონდ ფული იყოს და, გამოეცი, რაც გინდა და რამდენიც გინდა!

ნაშრომი, რომელზეც მინდა ორიოდე სიტყვა ვთქვა, ჯერ კიდევ 1997 წელს გამოსულა. ამ წიგნს მხოლოდ ქართული ენის ინტერესებიდან გამომდინარე შევხები და ისიც გაკვრით, თორემ მის საფუძვლიან კომენტარს, ალბათ, მრავალი წლის თავაუღებელი გარჯა დასჭირდება.

საუბარია ჟურნალისტიკის და ფილოსოფოსის (ასე უნოდებს ავტორი საკუთარ თავს), ჯანრი კაშიას ნაშრომზე „თავისუფლება და ფედერალიზმი“.

ჯერ ეს ციტატა ვნახოთ:

„ცივილიზაციათა ტიპების ამგვარი მოდელირების უფლებამოსილებას, ცხადია, ვერავინ შეენინაალმდეგება, მაგრამ საკითხავი სწორედ ისაა, ამ ცივილიზაციათა მაკონსტიტუირებელ მატრიცას რა წარმოადგენს, ცოდნის რა ტიპოლოგიაში (ველში და ჰორიზონტში) თავსდება ისინი, რა სტრუქტურა აქვთ ამ ტიპებს და, არსებითი საკითხი: რითი არის განსაზღვრული აღნიშნულ ცივილიზაციათა (ვთქვათ, ებრაულის, ან ჩინურის) ტიპოლოგიურობა? თუ ეს ცივილიზაციები თავისთვის ტიპოლოგიურები არიან, ამგვარი ნებისმიერი

ცივილიზაციაა, ხოლო თუ ეს ცივილიზაციები რაღაც სხვა, უკვე ცნობილი ზეცივილიზაციის მიმართ იდგენენ ტიპოლოგიურობას, მაშინ ეს ზეცივილიზაციაა ჯერ განსასაზღვრი და მისი ტიპოლოგიურობა დასადგენი, და შემდეგ კი სხვადასხვა ცივილიზაციებისა, რელატივისტურ ისტორიოსოფიაში ხან ერები (ებრაელი, ჩინელი, ელინი და სხვ.) გამოდიან ცივილიზაციის ტიპებად, ხან რელიგიები (ქრისტიანული, ბუდისტური და სხვ.)“.

ბატონი კაშია ამ გრანდიოზული ნაშრომის შექმნას, ალბათ, დიდ დროს და ენერგიას შეაღწევდა. მიზანიც ფრიად კეთილშობილური დაუსახავს — ჩვენთვის, ფილოსოფიაში არცთუ გაცნობიერებული თანამემამულეებისთვის, თავისუფლებისა და ფედერალიზმის არსის წარმოჩენა. მადლობის მეტი რა გვეთქმის, მაგრამ არის ერთი გარემოება, რაც წყალში ყრის მეცნიერის და ჟურნალისტის ნაჯაფს — ენა, რომელსაც იგი საკუთარი ნააზრევის გადმოსაცემად ირჩევს.

სამწუხაროდ, არ მქონია ბედნიერება ბატონი კაშიას სხვა ნაშრომებშიც წამეკითხა („თავისუფლება და ფედერალიზმი“ მისი პირველი და უკანასკნელი ნაშრომი არ იქნება!). იმედია, ისინი უფრო გასაგებ ენაზე დაინერებოდა. ალბათ, ჩემი გაუნათლებლობის ბრალია, რომ არ მესმის ჟურნალისტის და ფილოსოფოსის ასეთი „უბრალო“ აღმოჩენაც კი: „**საფრანგეთის რევოლუციამ პირველი დიდი ბზარი გააჩინა საფრანგეთის შიდასაზოგადოებრივი ერთობის ურთიერთგამოსაცნობობის თვალსაზრისით**“. ქართული ენის გრამატიკის გათვალისწინებით, ეს წინადადება, სჯობდა, ასე დაწერილიყო: „**საფრანგეთის შიდასაზოგადოებრივი ერთობის ურთიერთგამოსაცნობობაში პირველი დიდი ბზარი რევოლუციამ გააჩინა**“. თუმცა, ეს ბევრს ვერაფერს შეცვლის, რადგან უბრალო მოკვდავთათვის გაუგებარია მთავარი — „**შიდასაზოგადოებრივი ერთობის ურთიერთგამოსაცნობობა**“.

„ერის“, როგორც სოციალური კატეგორიის გააზრება გარკვეულ სირთულეებთან არის დაკავშირებული, რადგან ამ ცნებათა შორის არის გარკვეული წინააღმდეგობა ღირებულებითი თვალსაზრისით“.

კაცი, რომელიც ენას ასე ეპყრობა, ამ ენაზე არ უნდა წერდეს. ალბათ, აჯობებდა, ბატონ კაშიას თავისი ნაშრომები ფრანგულად დაეწერა და მერე ისინი პროფესიონალ მთარგმნელს ქართულ

ენაზე ეთარგმნა. ნებისმიერი საკუთარი თავის პატივისმცემელი მთარგმნელი ასეთ რამეებს არ დანერდა: „ხდება ურთიერთობების გამწვავება“; „ხდება ვითარების აღწერა“; „აქვს უნივერსალიზებისაკენ მისწრაფება“; „იდეოლოგიზირებული აზროვნება“; „ონტოლოგიალური ისტორიულობა“; „ტიურგოს კალმის ქვეშ წარმოქმნილი ცნების გამოქვეყნებისას“; „ამ ეპოქიდან ერთ მხარეს გვაქვს ცივილიზებული ხალხები, მეორეს კი ველური“; „ცივილიზაცია წარმოადგენს კულტურის გარკვეულ ფორმას“...

ესეც მეცნიერის ნააზრევი გახლავთ: „მეტყველება ინტონაციათა და რეგისტრთა მონაცვლეობა. მონოტონურობის კომპლარი მუდამ თან სდევს რიტმულად დაუნაწევრებელ ბრწყინვალე სტრიქონებსაც. ოცნება ბრუნავს წრის გარშემო. ვარიაციები და განწყობილებათა ტრიალი. მოძრაობა არსაით. ჩაკეტილი სწრაფვა. ცნობიერების უსასრულო დინება. ზმანებათა ლენტა გვაზიარებს რეალობის დარბილებულ ნამსხვრევებს. ფერადი ფიქრები მუსიკალურ კომპოზიციადაიგება. რემინისცენციათა სიჩქარე და სიმბოლიკური პარაბოლები, ლამაზი და რაფინირებული ფრაზები გადმოშლიან ფურცლებს პოეტის გონების წიგნისა, ხოლო მის ყოველ გვერდს ფირფიტა ეწოდება“.

ეს მრავლისმეტყველი ციტატა აღებულია ლიტერატურის კრიტიკოსის, პროფესორ სოსო სიგუას სტატიებისა და მონოგრაფიების კრებულიდან „ავანგარდიზმი ქართულ ლიტერატურაში“.

კრიტიკოსი რენე კალანდიას პოეზიაზე გვესაუბრება. ალბათ სურს გვითხრას, რომ მას მოსწონს პოეტის ლექსები. მგონი, იმის თქმაც სურს, რატომ მოსწონს და ჩვენ, საბრალო მკითხველებსაც რატომ უნდა მოგვწონდეს. ყველაფერი ეს ისეთ ბურუსშია გახვეული, გზის გაგნება წარმოუდგენელია. შესაძლოა, საქმე უფრო პროზაულადაც იყოს: კრიტიკოსს არ მოსწონს რენე კალანდიას პოეზია, ხათრს ვერ უტყვის მეგობარ პოეტს და მასზე განზრახ ისეთ რამეს წერს, რასაც ძეხორციელი თავს და ბოლოს ვერ მიაბამს. არსებობს კიდევ ერთი მოსაზრება, რომელსაც ბატონი პროფესორი უთუოდ დაეთანხმება: მე, თეიმურაზ ქორიძე (და ნაწილობრივ თქვენც, ვინც ეცადეთ და ვერ ჩანვდით სიგუასეულ სტრიქონებს შორის საიმედოდ ჩამარხულ აზრებს!) ვერ ვერკვევი თანამედროვე ქართულ ავანგარდულ პოეზიაში. შე-



საბამისად, რამე არც ავანგარდული პოეზიის მეცნიერული კრიტიკისა გამეგება... ბატონი სიგუა კი საზოგადოების იმ ნაწილისთვის იღვწის, ვინც იცის და ვისაც გაეგება.

ახლა მცირე ხნით მეცნიერების სხვა სფეროს, ფილოსოფიას მივუბრუნდეთ. უფრო ზუსტად, გავაგრძელოთ საუბარი მეცნიერების ენაზე.

1999 წელს სამეცნიერო-პოპულარულმა ჟურნალმა „საქართველოს ტელეკომუნიკაცია“ გამოსცა პ. კერვალიშვილისა და ნ. ჯიბლაძის ნაშრომი „სამეცნიერო პოლიტიკის რამდენიმე საკითხი“. მას წინ უძღვის ჩვენთვის უკვე ნაცნობი ფილოსოფიის დოქტორის, პროფესორ გიგი თევზაძის წინასიტყვაობა. იგი საკმაოდ მცირე მოცულობისაა და აქ მთლიანად გთავაზობთ.

„ეს წიგნი უნიკალურია იმით, რომ ის, ერთი მხრივ, საინტერესო და სასარგებლო შეიძლება აღმოჩნდეს მათთვის, ვინც საქართველოში თავს პოლიტიკოსებს მიაკუთვნებს, ხოლო მეორე მხრივ, ისინიც უნდა დააინტერესოს, ვისაც თავი საქართველოს სამეცნიერო საზოგადოების წევრად წარმოუდგენია.

მთავარი, რაც დღეისათვის შეიძლება იყოს ღირებული ქართველი მკითხველისათვის ამ წიგნში, არის მეცნიერების როლის და ადგილის აღწერა როგორც განვითარებულ, ასევე განვითარებად ქვეყნებში. გარდა ამისა, წიგნში სოციალისტური ქვეყნების მეცნიერებათა სისტემის საინტერესო ანალიზია ჩატარებული; როგორც ანალიზიდან ირკვევა, მეცნიერების მსგავსი პოლიტიკა და სისტემა მხოლოდ ისტორიის საკუთრება არ არის და თავს სხვადასხვა გამოვლინებით დღესაც გვახსენებს.

წიგნის ავტორები ცხადად წარმოადგენენ, თუ რით განსხვავდება განვითარებული ქვეყნის მეცნიერება სახელმწიფოს ურთიერთობა სხვა ქვეყნების ანალოგიური მიმართებებიდან: თუ განვითარებულ ქვეყნებში პოლიტიკოსები აქცენტს აკეთებენ მეცნიერების პოლიტიკის შემუშავებაზე, სოციალისტურ და პოსტ-სოციალისტური სახელმწიფოების უმეტესობაში ხელისუფლების რეპრეზენტატორები თავს ვალდებულად თვლიან უხელმძღვანელონ მეცნიერების განვითარებას და ერთიანი, ცენტრალიზებული მართვის სისტემა დააფუძნონ.

იდეა, რომელიც ამ წიგნს ლაიტმოტივად გასდევს, არის მეცნიერების ორი სახელმწიფო გაგების (განვითარებული ქვეყნისათვის და სოციალისტური ქვეყნისათვის დამახასიათებელი) დაპირისპირება: 1. ქვეყანაში არსებული მეცნიერების სისტე-

მა, როგორც სახელმწიფო სოციალურ-პოლიტიკური გადან-  
ყვეტილების მიღების მონაწილე, და 2. მეცნიერება, რომელსაც  
ხელისუფლება უყურებს როგორც დამხმარე ინსტრუმენტს,  
ცნობარს, რომელიც ყოველი შემთხვევისთვის ხელთ უნდა  
ჰქონდეს.

ეს ანალიზი მით უფრო მნიშვნელოვანია საქართველოსათვის,  
რადგანაც, სულ ცოტა ხნის წინათ, საქართველოს მეცნიერების  
ოფიციალური სისტემა საკანონმდებლო დონეზე დაფიქსირდა,  
როგორც ხელისუფლების სამეცნიერო მრჩეველი.

„სამეცნიერო პოლიტიკის რამდენიმე საკითხი“ დაინტერესე-  
ბულ მკითხველს სთავაზობს არჩევანს: ან მეცნიერების პოლი-  
ტიკა და გახსნილი გზა, როგორც გონივრული სახელმწიფო  
პოლიტიკის საწარმოებლად, ასევე საერთაშორისო სამეცნიერო  
ურთიერთობებში ჩასართველად, ან მეცნიერების ხისტი მართვა  
და კვლავ მართვის სოციალისტური სისტემის გადმონაშთებში  
ტრიალი.

ისევე როგორც ადამიანის ყველა შემოქმედებას, ამ წიგნსაც  
აქვს რამდენიმე სადავო თეზისი: შეიძლება მეცნიერების ისტო-  
რიაში გათვითცნობიერებულ მკითხველს ზოგი ადგილი საკა-  
მათოდ მოეჩვენოს, ანდა, ზოგიერთი ცხრილის მართებულობაში  
დაეჭვდეს. მაგრამ, ავტორებთან წარმოებული პოლემიკა, რო-  
მელიც მათი ნაშრომის კითხვის დროს წარმოიშობა, როგორც  
წესი, უფრო საინტერესოდ აქცევს წიგნის გაცნობის პროცესს  
და მკითხველს აიძულებს იფიქროს.

### **გიგი თევზაძე**

ფილოსოფიურ მეცნიერებათა დოქტორი  
თბილისის სახელმწიფო უნივერსიტეტის პროფესორი  
ივნისი, 1999“

ვნახოთ, რა სახე მიიღო პროფესორის ამ ნააზრევმა არცთუ  
საფუძვლიანი სტილისტური, გრამატიკული და პუნქტუაციური  
კორექტივების შემდეგ:

„ეს წიგნი, შესაძლოა, საინტერესო და სასარგებლო  
აღმოჩნდეს მათთვის, ვისაც საქართველოში თავი პოლი-  
ტიკოსად ან სამეცნიერო საზოგადოების წევრად მიაჩნია.  
წიგნში გაანალიზებულია მეცნიერების როლი და ადგილი  
განვითარებულ და განვითარებად ქვეყნებში: თუ ერთგან

ხელისუფლება განსაკუთრებულ ყურადღებას მეცნიერების პოლიტიკის შემუშავებას უთმობს, მეორეთა უმეტესობაში მეცნიერების ხელმძღვანელობას და მეცნიერების მართვის ერთიანი ცენტრალიზებული სისტემის დამკვიდრებას ესწრაფვის.

ნიგნის დედააზრია მეცნიერების ორი სახელმწიფოებრივი გაგების დაპირისპირება: ქვეყანაში არსებული მეცნიერების სისტემა, როგორც სახელმწიფოებრივად მნიშვნელოვანი სოციალურ-პოლიტიკური გადაწყვეტილებების ერთ-ერთი მიმღები; და მეცნიერება, რომელსაც ხელისუფლება დამხმარე ინსტრუმენტად მიიჩნევს.

ეს ანალიზი მით უფრო მნიშვნელოვანია საქართველოსთვის, რადგან ახლახანს საქართველოს მეცნიერების სისტემა ოფიციალურად აღიარეს ხელისუფლების სამეცნიერო მრჩევლად.

„სამეცნიერო პოლიტიკის რამდენიმე საკითხი“ დაინტერესებულ მკითხველს სთავაზობს არჩევანს — ან მეცნიერების პოლიტიკა და ღია გზა გონივრული სახელმწიფო პოლიტიკის წარმართვისთვის საერთაშორისო სამეცნიერო ურთიერთობაში ჩართვის მიზნით; ან მეცნიერებაზე ძალადობა და კვლავ მართვის სოციალისტური სისტემის ნარჩენებში ტრიალი.

ბუნებრივია, რამდენიმე სადავო თეზისიც შეგხვდებათ. თუმცა, ავტორებთან კამათი, როგორც წესი, უფრო საინტერესოდ აქცევს ნიგნის გაცნობის პროცესს და მკითხველს ბევრ რამეზე დააფიქრებს“.

მართალია, წინასიტყვაობა საგრძნობლად შემცირდა, მაგრამ ეს დიდი უბედურება არ უნდა იყოს — ფრანსუა რაბლეს\* „გარგანტუა და პანტაგრუელის“ გერმანულ თარგმანს ჰერმან ჰესემ\* სულ რაღაც ხუთიოდე სტრიქონი წაუმძღვარა.

გეთანხმებით, დიდი ბედენა არც ეს გასწორებული ტექსტი გამოვიდა, მაგრამ ძველი ჟურნალისტური სიბრძნე ხომ გახსოვთ — შესაძლებელია მხოლოდ კარგად დაწერილის გასწორება!

ალბათ, მარადიულ საიდუმლოებად დარჩება, რატომ სთხოვეს ავტორებმა პატივცემულ პროფესორს წინასიტყვაობის დაწერა თავიანთი ნაშრომისთვის, ან პროფესორი რატომ დაეთანხმა ავტორების თხოვნას. მე თუ მკითხავთ, გაცილებით სარგებლიანი იქნებოდა, ნაშრომს კვალიფიციური რედაქტორი რომ ჰყოლოდა — მშობლიური ენისადმი ასეთი უმაგალითო დაუდევრობით

მოპყრობის უფლებას იგი არც წიგნის ავტორებს მისცემდა და არც წინასიტყვაობისა.

**„ჰაიდეგერის\* მიერ კითხვის დასმამ ძირითადი თემის ისეთივე ამოგლეჯა მოახდინა ინტელექტუალური სივრციდან, როგორც პოლიტიკიდან. ამ ამოგლეჯამ საბოლოოდ განსაზღვრა არალეგიტიმური და ლეგიტიმური გარემოს შეჭიდულობის და ურთიერთგადაფარვის დისკურსული ანარეკლი“** (გიგი თევზაძე, „ერთი შეკითხვის ისტორია“, ჟურნალი „ენა და კულტურა“).

ამ ციტატის პირველი წინადადება, ალბათ, ასე უნდა დანერვილიყო: **„ჰაიდეგერის შეკითხვამ ძირითადი თემა ინტელექტუალური სივრციდანაც ამოგლიჯა და პოლიტიკიდანაც“**. ანუ იმ ცამეტსიტყვიან წინადადებაში ხუთი სიტყვა აშკარად ზედმეტია (მიერ, დასმამ, ისეთივე, მოახდინა, როგორც). განსაკუთრებით საგულისხმოა ბოლო ათწლეულების ქართულში დამკვიდრებული ტრაფარეტული სიტყვათშეთანხმებანი: **„ჰაიდეგერის მიერ კითხვის დასმამ“** და **„ამოგლეჯა მოახდინა“** (ამავე პერიოდის ქართული ტელეენის ანალოგიები: **„სერიალი თარგმნილია ტელეკომპანია რუსთავი ორის მიერ“** და **„დაჯდომა განახორციელა“**).

ციტატის მეორე წინადადების თანამედროვე არამეცნიერულ (ადამიანურ) ქართულ ენაზე თარგმნა ძნელია, მაგრამ თუ მას ზედმეტ სიტყვებს მოვაშორებთ, მივიღებთ ამ მარტივ წინადადებას: **„ამოგლეჯამ... განსაზღვრა... ანარეკლი“**.

ეს წინადადება სინტაქსურად დიახაც გავამარტივებთ, მაგრამ შინაარსობრივად ისევ ბუნდოვანი დარჩა. იმის გათვალისწინებითაც კი, რომ **„ანარეკლი დისკურსულია“** და, საერთოდ, საუბარი **„არალეგიტიმური და ლეგიტიმური გარემოს შეჭიდულობას და ურთიერთგადაფარვას“** შეეხება.

ნათქვამით ბატონი პროფესორის ხსენებულ ან სხვა ნაშრომთა მეცნიერული ღირებულების დაკნინებას სულაც არ ვაპირებ. ვლასარაკობ ძალიან საშიშ ტენდენციას — ქართული ენისადმი ფარისევლურ და აგდებულ დამოკიდებულებაზე საქართველოში მოღვაწე საკმაოდ ცნობილი ქართველი მეცნიერების (პოლიტოლოგი, ფილოლოგი, ფილოსოფოსი)... მხრიდან. დარწმუნებული ბრძანდებოდეთ, ხსენებული და სხვა ქართველი მეცნიერები უცხო ენაზე მსგავსი აბდაუბდის დაწერას არც საკუთარ თავს აკადრებდნენ და არც იმ უცხო ენას. ბატონი გიგი თევზაძე კი

მხოლოდ იმიტომ გამოვარჩიე, რომ ქართულმა რევოლუციურმა ხელისუფლებამ მას ქართული განათლების სისტემის რეფორმატორის მისიაც დააკისრა და თბილისის რამდენიმე პრესტიჟული უმაღლესი სასწავლებლის გაერთიანებით მიღებული უნივერსიტეტის რექტორობაც.

რეფორმატორი პროფესორის მოღვაწეობის შედეგს ოდესმე აუცილებლად ვნახავთ, მაგრამ, სამწუხაროდ, განათლების სისტემაში რეფორმების საწყის ეტაპზე მის კეთილ ნაყოფზე საუბარი, რბილად რომ ვთქვათ, პრობლემატურია. სავსებით შესაძლებელია, რეფორმები მართლაც განხორციელდეს, მაგრამ გაქრეს სალიტერატურო ქართული ენა, ანუ არსებობა შეწყვიტოს ცოცხალმა ქართულმა კულტურამ, ადათმა და, საერთოდ, ყველაფერმა ქართულმა.

რა თქმა უნდა, არსებობს „მეცნიერების“ ისეთი ენაც, რომელიც სპეციალურად მომზადებულ მკითხველს გულისხმობს და ხშირად გადატვირთულია ტერმინოლოგიით. სავსებით შესაძლებელია, ფილოსოფიის პროფესორმა ვერაფერი გაუგოს მედიცინის პროფესორის ნაწერს თუ ნაამბობს. სხვათა შორის, ამის თვალსაჩინო მაგალითია ქართულ ტელეარხებზე ექიმთა არცთუ იშვიათი ინტერვიუები, საიდანაც, თუ სამედიცინო ტერმინოლოგიაში კარგად ვერ ერკვევი, ვერ გაიგებ, რა სჭირს და რა შეიძლება დაემართოს პაციენტს (ამ მხრივ, განსაკუთრებით კოლორიტულად გამოიყურება ტელეკომპანია „რუსთავი 2-ის“ გადაცემა „პატრული“). მათემატიკოსები, თავის მხრივ, იმის გარდა, რომ უხვად იყენებენ უცხო ტერმინებს, მტკიცების პროცესში ხშირად გამოტოვებენ ხოლმე ლოგიკური მსჯელობის საფეხურებს, რადგან დარწმუნებული არიან, რომ მათი მკითხველი (მსმენელი) მათთან ერთად „გადაახტება“ ერთ ან რამდენიმე საფეხურს. მსჯელობის სპეციფიკურობისა და სპეციალური ტერმინოლოგიის გამოყენების წინააღმდეგ კი არ გამოვდივარ, უბრალოდ, მიმაჩნია, რომ მკითხველზე ემოციური ზემოქმედების მიზნით, წმინდა მეცნიერული ნაშრომის მეტაფორებით და შედარებებით გადატვირთვა მხოლოდ აძნელებს ამ ნაშრომის აღქმას. ხოლო აზრის ხელოვნურად გაბუნდოვანება მეცნიერის დაბალ კვალიფიკაციაზე და რთული ვითარებიდან „თავის დაძვრენის“ სურვილზე მიუთითებს.

მეტაფორები, შედარებები, ალიტერაციები, ე. წ. სახეებით აზროვნება დიდ პოეზიას უხდება და, საბედნიეროდ, ქართულ ენაზე ამის უამრავი ბრწყინვალე ნიმუში გვაქვს:

„მხოლოდ ნისლის თარეშში, სამუდამო მხარეში,  
ზევით თუ სამარეში, წყევლით შენაჩვენები,  
როგორც ზღვის ხეტიალი, როგორც ბედის ტრიალი,  
ჩქარი გრგვინვა-გრიალით ქრიან ლურჯა ცხენები“.

ეს გალაკტიონია. თუ მის ამ სტრიქონებს ძირითადი აზრის დასადგენად ისევე შემოვაცლით შედარებებისა და მეტაფორების მთელ წყებას, როგორც ეს გიგი თევზაძის ნაშრომის ერთი წინადადების განხილვისას გავაკეთეთ, ისევე სამსიტყვიან მარტივ წინადადებას მივიღებთ: „**მხარეში... ქრიან... ცხენები**“. აქ, მართალია, ყველაფერი გასაგებია (შედარებისთვის: „ამოგლეჯამ... განსაზღვრა ... ანარეკლი“), მაგრამ გალაკტიონი რომ ასე მოქცეულიყო, მაშინ გაუგებარი დარჩებოდა მთავარი — რატომ დანერა პოეტმა ეს სიტყვები („მხარეში... ქრიან... ცხენები“).

თავს ვერ დავდებ, არ ვცდები-მეთქი, მაგრამ ამ ლექსით გალაკტიონი კიდევ ერთხელ შეგვახსენებს ბიბლიურ ჭეშმარიტებას, რომ ამქვეყნად ყველაფერი წარმავალია: მხოლოდ სამყარო, მხოლოდ ღმერთი და მხოლოდ მისი პოეზიაა მარადიული! ამისთვის სჭირდება ღვთიურ გალაკტიონს რითმების, მეტაფორების, შედარებების, ალიტერაციების „წყებათა-წყება“. ვიმეორებ, სჭირდება აზრის დამაჯერებლად, ნათლად და შთამბეჭდავად გადმოსაცემად და არა მკითხველის მოსატყუებლად ან საკუთარი უვიცობის შესანიღბავად.

საბედნიეროდ, ჩვენი ისტორიიდან და თანამედროვეობიდანაც, შეგვიძლია დავასახელოთ ასეულობით მოღვაწე, მოკრძალებული გადამწერებიდან და კირითხუროებიდან (ქართულ ტაძრებზე სამშენებლო წარწერებს რომ ტოვებდნენ), ენის მკვლევარებამდე და მხატვრული სიტყვის დიდოსტატებამდე, ვინც **„ესე ენაჲ, შემკული და კურთხეული სახელითა უფლისაჲ“** შთამომავლობისთვის გადასაცემად დღემდე შემოგვინახა და მისი რუდუნებით მოვლა-პატრონობა გვიანდერძა.

ქართული ენის მოამაგეებმა შესანიშნავად იცოდნენ და იციან: — **„რა ენა ნახდეს, ერი დაეცეს.“** ანუ ენის ნახდომა-დაკნინება ამ ენაზე მოლაპარაკე ხალხის ისტორიის ასპარეზიდან გასვლას ნიშნავს.

სხვათა შორის, ერის იდენტიფიკაციის უპირველეს ნიშნად ენა მიაჩნდა მსოფლიო სოციალისტური იმპერიის შემოქმედს იოსებ სტალინსაც, რომელიც ორივე ენაზე უზადოდ წერდა და

მეტყველებდა. შესანიშნავად გრძნობდა სალიტერატურო რუსული და ქართული ენების უმცირეს ნიუანსებსაც კი და ენის საკითხებზე ერთობ კომპეტენტურ შენიშვნებსაც იძლეოდა. ვიმეორებ, საუბარია სტალინზე, გიგანტური იმპერიის შემქმნელსა და მმართველზე, ვინც ყოველთვის პოულობდა დროს ქართული პოეზიის ნიმუშების რუსულად თარგმნის პროცესისთვის თვალყურის სადევნებლად.

მეორე მხრივ, სტალინის ლექსიკონში მრავლად იყო სიტყვები და გამოთქმები, შიშის ზარს რომ სცემდა მილიონობით ადამიანს, მთელ სახელმწიფოებს — მტრები, მოლალატეები, მავნებლები, იმპერიალისტები, ტროცკისტები, მენშევიკები, კულაკები, წითელი ტერორი, სოციალისტური სამშობლო საფრთხეშია, სიკვდილი კონტრრევოლუციონერებს და მრავალი, მრავალი სხვა.

იოსებ ჯულაშვილის სხეულში ჩასახლებული ორი პიროვნება — იოსებ სტალინი და სოსო ჯულაშვილი, სხვადასხვანაირად მოქმედებდა, სხვადასხვანაირად აზროვნებდა და სხვადასხვანაირად მეტყველებდა კიდეც. ერთი — კაცობრიობის ისტორიაში უმაგალითო იმპერიის ერთადერთი და დაუნდობელი მმართველის შესაფერისად, მეორე — ალალი და გულთბილი გორელი ბიჭის, ბრწყინვალე მომღერლისა და პოეტის, მეგობრისთვის თავდადებული კაცის, ხელოვნებისა და ლიტერატურის მცოდნისა და დამფასებლის შესაფერისად.

ნათქვამი იმის დადასტურებაა, რომ ენა, როგორც წესი, სხვა მოვლენებზე ნათლად (და სწრაფადაც) ასახავს სოციალურ რეალობას.

მაგალითებისთვის არც შორს წასვლა დაგვჭირდება და არც ფილოსოფიური წიაღსვლები. გავიხსენოთ, რა ენაზე ელაპარაკებოდა თავის ხალხს სააკაშვილი-ოპოზიციონერი და მოგვიანებით — სააკაშვილი-პრეზიდენტი. ზუსტად პრეზიდენტის დარად და სწორად ლაპარაკობდნენ მისი მხარდამჭერებიც — ხომ განათდა მთელი თბილისი, ხომ ავაშენეთ მსოფლიოში საუკეთესო საავადმყოფო, ხომ გავიყვანეთ გვირაბი, ხომ ვართ ერთი გუნდი!.. ამ წარმოსახვითი „გუნდის“ წევრთა დიდი უმრავლესობა (უფრო ზუსტად, ის ადამიანები, რომლებიც ცდილობენ, „გუნდის“ ბელადს თვალში მოხვდნენ), ანუ ერთი სოციალური ჯგუფი საკუთარი ლიდერის ენაზე ლაპარაკობს — შეძლებისდაგვარად იმეორებს მის ლექსიკას, ფრაზეოლოგიას, საუბრის

მანერას, ჟესტებსა და მიმიკებსაც კი. იმიტომ კი არა, რომ განსაკუთრებით მოსწონს, ან ჰგონია, რომ ბელადს მოსწონს ეს ენა. უბრალოდ, ასეთია კანონზომიერება — **როგორც კი ადამიანთა ერთი ჯგუფი გამოეყოფა კოლექტიურ ერთობას, მაშინვე იწყება ახალი, ამ ჯგუფისთვის დამახასიათებელი ენის ჩამოყალიბება.**

რუსულ ბოლშევიკურ ელიტას პროლეტარიატთან სასაუბროდ არ სჭირდებოდა პუშკინის და ტოლსტოის, ესენინის და ცვეტაევის, არც პეტერბურგული დახვეწილი სალონური ენა. ბოლშევიკურ პოლიტიკურ ელიტას სჭირდებოდა პრიმიტიული, უხამსი, ბრბოსთვის და ამ ბრბოდან გამოსული სალდათების და ჩეკისტებისთვის გასაგები ენა.

XXI საუკუნის დასაწყისის ქართულ პოლიტიკურ „ფაშისტ“ (სამწუხაროდ, მას ელიტას ვერ დავარქმევთ) სალიტერატურო ქართული ენა არ სჭირდებოდა რამდენიმე ძალზე სერიოზული მიზეზის გამო:

**1. საზოგადოებაში ბრბოს სინდრომის დანერგვა.** 2003 წლის ნოემბრის სუსხიან დღეებში ბრბოდ ქცეულმა საქართველოს მოსახლეობამ, განსაკუთრებით, მისმა ახალგაზრდულმა ნაწილმა, თავისი მისია პირნათლად შეასრულა — აჰყვა „ლიდერთა“ მონოდებებს და ხელისუფლების სათავეში რევოლუციური ტრიუმფირატი მიიყვანა. ამით ბრბოს მისია ამოიწურა, მაგრამ თვითონ ბრბოს დარჩა არცთუ უსაფუძვლო ამბიციის ქვეყნის აღმასრულებელ ხელისუფლებაში მონაწილეობისა. მსურველთა რაოდენობა ბევრად აღემატებოდა ნომენკლატურულ თანამდებობათა რაოდენობას. თუ ხელისუფლება ბრბოსთან სალიტერატურო ქართულ ენაზე გააბამდა დიალოგს, ეს მასთან თავის გაყადრებას, თანასწორობას და მისი ამბიციებისთვის ანგარიშის განევას ნიშნავდა. სახელისუფლო კასტა საზოგადოებას ჯერ ფიზიკურად მოწყდა — ლიმუზინებში და კაბინეტებში ჩაიკეტა, დაცვა დაიყენა, ხაზგასმულად მაღალი ხელფასები დაინიშნა; მერე კი მსოფლმხედველობრივად და ენობრივადაც — „გაებუტა“ პრესას და ტელევიზიას, უარი თქვა საჯარო დებატებზე ნებისმიერ ოპონენტთან და სასწრაფოდ შეცვალა ყოფილ მოკავშირესთან (ბრბოსთან) სალაპარაკო ენაც. ახლა იგი საზოგადოებას (რომელიც აღარ იყო ბრბო) ისე ელაპარაკებოდა, როგორც მწყემსი ნახირს — შორისდებულებით.

ამით პოლიტიკური „ფაშისტ“ ხაზს უსვამდა საკუთარ განსა-



კუთრებულობასაც და საზოგადოების უსასოობასაც — შენ ხარ არარაობა, უპიროვნო მასა, პირუტყვთა კრებული, რასაც გიბრძანებენ, ის უნდა გააკეთო, ყველა დამცირება უნდა აიტანო. მეტიც, დამცირება წყალობად უნდა მიიღო.

**2. საზოგადოებაში ცოდნისადმი ნიჰილისტური დამოკიდებულების დანერგვა.** ნებისმიერი ქვეყნის პოლიტიკური ელიტა, ამავდროულად, არ განეკუთვნება სამეცნიერო ელიტასაც — მეცნიერები ძალიან ძნელად ელევიან საყვარელ საქმეს. პოლიტიკოსები, ძირითადად, უპროფესიო, ან ხელმოცარული ადამიანები ბრძანდებიან. რა თქმა უნდა, არის გამონაკლისებიც, როცა პოლიტიკურ სარბიელზე ნიჭიერი და უაღრესად განათლებული ადამიანებიც ჩნდებიან. XXI საუკუნის დასაწყისის ქართულ პოლიტიკაში ასეთები თითო-ოროლა თუ იქნება და ისინი, ბუნებრივია, „პოლიტიკურ ამინდს“ ვერ ქმნიან.

პოლიტიკოსებმა, ქვეშეცნეულად მაინც, კარგად უნციან, რომ საშუალო ან უფრო დაბალი გონებრივი შესაძლებლობების ადამიანები არიან (თუმცა, ამაში საკუთარ თავსაც არ უტყდებიან!). სამაგიეროდ, მათ ხელშია ძალაუფლება, რითაც საკუთარი ნაკლის გადაფარვას, უფრო ხშირად კი ამ ნაკლის ღირსებად წარმოჩენას ცდილობენ — მოჩვენებითი სიღარბაისლით, აგრესიულობით, შეუფერხებელი ლაყობით, ან, სულაც, „ბრძნული“ მღუმარებით.

XXI საუკუნის დასაწყისის საქართველოს ხელისუფლების წარმომადგენელთა სულ მცირე, 90 პროცენტისთვის სალიტერატურო ქართულ ენაზე საუბრის მცდელობა კატასტროფა იქნებოდა — ჯერ ერთი, ამ ენაზე რომ ილაპარაკო, იგი უნდა იცოდე; მეორეც, სალიტერატურო ენაზე საუბარი მაშინაა საჭირო და აუცილებელი, თუ თვითონ საუბრის თემა არის ინტელექტუალური. მაგალითად, უნიჭო ინტრიგების გაბმას ან რომელიმე დეპუტატის პირომანიაში დადანაშაულებას დიდი განათლება არ სჭირდება\*. მაგრამ თუ პარლამენტი, კრიმინალის აღმოფხვრის მიზნით, 10-12 წლის ბავშვებისთვის სისხლის სამართლის პასუხისმგებლობის დამკისრებელი კანონის მიღებას აპირებს, ამას სამართლის თეორიის, პედაგოგიკის, ისტორიის, ფილოსოფიის, ფსიქოლოგიის, ლოგიკის და კიდევ ბევრი სხვა რამის საფუძვლიანი ცოდნა სჭირდება. ფარული კონფლიქტი პოლიტიკოსებსა და საზოგადოებას შორის სწორედ აქ იწყება — **საზოგადოება მოითხოვს ხელისუფლების ნებისმიერი გადაწყვეტილების**

**სრულფასოვან თეორიულ დასაბუთებას. ხელისუფლებას ეს არ შეუძლია (არც ცოდნა ჰყოფნის და არც სურვილი აქვს) და იძულებულია, იფარისევლოს, ილაყბოს ან უხეშად იცრუოს.**

ცოდნადსაღდებაარა, ზოგადად, კომპეტენცია, არამედ რომელიმე უცხო ენაზე ლაპარაკის შესაძლებლობა, პარტიული კუთვნილება, პირადად პრეზიდენტისადმი ერთგულება. ამ მხრივ, კლასიკურ მაგალითად შეიძლება ჩაითვალოს ვინმე ყმანვილი არველაძის საქართველოს ეკონომიკური განვითარების მინისტრად დანიშვნა: პრეზიდენტმა ჯერ ბევრი ილაპარაკა ეკონომიკის მნიშვნელობაზე. თქვა, რომ ეს იყო „ფრონტის ხაზი“, „გადამწყვეტი უბანი“, „რუბიკონი“, „ყველაზე მნიშვნელოვანი“ და ა. შ. ამიტომ ამ პოსტზე „ყველაზე მძიმეწონიან პოლიტიკოსს“, ანუ თავდაცვის ყოფილ მინისტრს, ირაკლი ოქრუაშვილს ვნიშნავო. ოქრუაშვილმა, როგორც მოსალოდნელი იყო, არც კომპლიმენტები მიიღო და არც ახალი თანამდებობა. მაშინ პრეზიდენტმა ეკონომიკის მინისტრად საკუთარი ადმინისტრაციის ყმანვილი უფროსი დანიშნა. ქართული პოლიტიკური „ელიტა“ „მსუბუქწონიანი“ არველაძის დანიშვნას ზუსტად ისეთივე დიდი კმაყოფილებით შეხვდა, როგორითაც ორიოდე დღის წინ ამავე თანამდებობაზე „მძიმეწონიანი“ ოქრუაშვილისას. რაც მთავარია, ყველამ ერთხმად და „დამაჯერებლად“ განმარტა, რომ ეკონომიკურად გაჩანაგებული ქვეყნის ეკონომიკის მინისტრობას სულაც არ სჭირდება... ეკონომიკის ცოდნა!

უპროფესიო, თინეიჯერული ასაკის ადამიანები საკანონმდებლო, აღმასრულებელი და სასამართლო ხელისუფლებაში, ხელისუფლების მხრიდან უნივერსიტეტების პროფესორისადმი ცინიკური დამოკიდებულება, განათლების სისტემის სრული პოლიტიზაციის მცდელობა, საუნივერსიტეტო ავტონომიების გაუქმება, სკოლების „ოპტიმიზაცია“ — ყველაფერი ეს საზოგადოებაში ცოდნისადმი ნიჰილისტურ დამოკიდებულებას ამკვიდრებდა.

### **3. საზოგადოებაში გაუცხოების სინდრომის დანერგვა.**

„თავისუფალ“ საქართველოში, 2003 წლის „რევოლუციის“ შემდეგ, ერთი შეხედვით უცნაური ვითარება შეიქმნა — თვით უდაბლესი რანგის სახელმწიფო ჩინოვნიკისთვისაც კი სავალდებულოდ იქცა ინგლისური ენის ცოდნა. ნებისმიერი ენის ცოდნა, თავისთავად, კარგია, მაგრამ საქმე ის არის, რომ პრინციპულად არავის არ აინტერესებს, იცის თუ არა ვინმემ სახელმწიფო (ქა-

რთული) ენა. ამას ზედ დაერთო უმძლავრესი პროპაგანდა უახლოეს მომავალში საქართველოს ტურისტულ ქვეყნად გადაქცევის თაობაზე. პროპაგანდა განმტკიცდა საქმიანად — საქართველოში დაიწყო სასტუმროების, საერთოდ, ტურისტული ინდუსტრიის გამაღებელი მშენებლობა.

ხელისუფლების აზრით, მე, საქართველოს მოქალაქე, ისტორიული მინათმოქმედი, მშენებელი, უმდიდრესი კულტურული მემკვიდრეობის შექმნელი, ვარ ბრბო. მე არ მჭირდება ცოდნა და განათლება, არც მრენველობა და მინათმოქმედება, არც ფრესკების ხატვა, არც ლიტერატურა, არც მშობლიური ენა. აღარ მჭირდება არაფერი, რაც საკუთარი თავის ქართველი ერისადმი მიკუთვნების (იდენტიფიკაციის) საშუალებას მომცემდა. აღარც სამშობლო მჭირდება — ჩემი სამშობლო ჩემი ლამაზი სასტუმროა, სადაც ყოველ დილას მოსირმულ ლივრეაში გამოწყობილი მივდივარ და უცხოელ სტუმრებს მათსავე ენაზე თავაზიანად ვესაუბრები; ვცდილობ, ყველაფერი ვასიამოვნო და ამისთვის გასამრჯელო დავიმსახურო!

ტურისტული ინდუსტრია საქართველოში ფეხს მხოლოდ ახლა, XXI საუკუნის დამდეგს, იდგამს. იმედია, სომეხ და ყაზახ ბიზნესმენებს მალე გვერდით არაბი, აფრიკელი და ინდოჩინელი კოლეგებიც ამოუდგებიან და, ღვთის წყალობით, საქართველო სასტუმროებით, რესტორნებით, კაზინოებით, კემპინგებით, საროსკიპოებით და კეთილმოწყობილი მოსასაქმებელი დაწესებულებებით მოიფინება.

აბორიგენი ქართველებისთვის ენას ერთადერთი — უცხოელ ტურისტებთან, საერთოდ, უცხოელებთან ურთიერთობის ფუნქცია დარჩება. სამწუხაროდ, ამისთვის ქართული ენა არ გამოდგება. ამიტომ, თუ ინტეგრაციაზე, გლობალიზაციაზე და ფულის იოლად შოვნაზე ვოცნებობთ, ოდესღაც მშობლიურ ქართულს უნდა დავემშვიდობოთ.

ეს იქნება ხვალ. მაგრამ უკვე დღეს ჩემთვის, საქართველოს მოქალაქისთვის, „სამშობლო“ ასოების და ბგერების უაზრო გროვად ქცეულა — არ ვიცი, რატომ უნდა მიყვარდეს, ან რატომ უნდა ვემსახურებოდე სწორედ ამ გეოგრაფიულ წერტილში აღმოცენებულ ადმინისტრაციულ ერთეულს, რომელსაც „საქართველო“ ჰქვია! — სახელმწიფოებრიობის ნიშნების მქონე ეს პოლიტიკური წარმონაქმნი ხომ მე, მის მოქალაქეს, არც რამეს მაძლევს და არც რამეს მპირდება. ამიტომ, მირჩევნია, კარგად

ვისწავლო ინგლისური, ავითვისო ლაქიის მანერები, გავყიდო მამის საფლავზე დადებული გრანიტის ფილა და პირდაპირ კუალა-ლუმპურისკენ ავიღო გეზი — იქ ფეშენებლური სასტუმროები, კარგა ხანია, აშენებულა...

XXI საუკუნის დამდეგის საქართველოს მოქალაქე გაუუცხოვდა საკუთარ წარსულს, ტრადიციებს, სამშობლოს და საკუთარ თავსაც. იგი აღარ არის ფარნავაზის ამაყი შთამომავალი, არც ოპიზარებისა, არც ერეკლე მეფისა, არც გურამიშვილის და საბასულხანისა... მისი არსებიდან განიდევენა ერთადერთი და განუმეორებელი „მე“. სწორედ ის, ვინც აზროვნებდა, მის გრძნობებს განაგებდა, საკუთარი საქციელის გამო პასუხისმგებლობას აკისრებდა. „მეს“ ადგილი დაიკავა უსამშობლო, უტყვემა, უგრძნობელმა „სხვამ“ — მექანიკურმა ხორცსაკეპმა, რომლის ერთადერთი დანიშნულება საკუთარ სხეულში პროდუქტების გატარებაა.

## სანამ სტიქია ჯეპირს გაარღვევდეს

როცა ენის და ჟურნალისტიკის ურთიერთობაზე ვსაუბრობთ, ენის უამრავი ცნობილი და ჯერ კიდევ დასადგენი განმარტებიდან ერთ-ერთი ყველაზე მისაღები, ალბათ, ეს უნდა იყოს: **ენა ის კი არ არის, რასაც მოვიაზრებთ (რასაც ვფიქრობთ), არამედ ის, რადაც გარდაიქმნება ჩვენი აზრი. ანუ ენა არის ადამიანის აზროვნების ცხადი გამოხატულება — ზეპირი, წერილობითი, შესტებით და მიმიკებით, მუსიკით, არქიტექტურით და ა. შ.** აქედან გამომდინარე, თუ ვენდობით მეცნიერებას, რომ ფუტკრები, დელფინები, თახვები, ძაღლები... ერთმანეთში საუბრობენ, მაშინ ისინი აზროვნებენ კიდევ. თუ აზროვნება პრიმიტიულია, ან ნაკლოვანია, ბუნებრივია, პრიმიტიული და ნაკლოვანი (ადამიანური თვალთახედვით) იქნება მისი გამოხატვის საშუალებაც — ენა. როცა ამტკიცებენ, რომ „ადამიანი აზროვნებს ენით“ (მაგალითად, პროფესორი ჯანრი კაშია), ალბათ, ამას გულისხმობენ.

ვფიქრობ, ყველა პროფილის ჟურნალისტიკისთვის ენის მნიშვნელობაზე საუბარი საჭირო არ უნდა იყოს. მაგრამ, ალბათ, საჭირო და აუცილებელია საფუძვლიანი საუბარი ქართულენოვანი ჟურნალისტიკისთვის მშობლიური ენის, ენის ფილოსო-

ფიის სწავლებისა და ენისადმი გულისყურიანი დამოკიდებულების თაობაზე. ეს გახლავთ ურთულესი სახელმწიფოებრივი პრობლემა, რომლის გადასაჭრელად ზრუნვა ერთდროულად უნდა დაინყონ მეცნიერებმა და სახელმწიფო სტრუქტურებმა. ჯერჯერობით (2006 წლის მიწურულს) ეს ერთეულთა კეთილსურვილად რჩება და ხელისუფლების მხრიდან ახირებულთა აკვიატებად აღიქმება.

ენის ერთი მთავარი ფუნქცია ისაა, რომ იგი კომუნიკაციის საშუალებაა (სხვათა შორის, ბევრი ქართველი პოლიტიკოსი დარწმუნებულია, რომ ეს არის ენის ერთადერთი ფუნქცია და თუ პირზე კლიტეს დაიდებს, მის აზრს ველარავინ შეიტყობს). ესე იგი, არსებობს გადამცემი — ერთის სამეცხველო აპარატურა და მიმღები — მეორის მოსასმენი აპარატურა, რომელიც მიღებულ ინფორმაციას გასაანალიზებლად და გადანყვეტილების მისაღებად მყისიერად გზავნის „კომპიუტერულ ცენტრში“ — ტვინში.

ვიმეორებ, შემოსული ინფორმაციის გაანალიზების საფუძველზე ადამიანის ტვინი იღებს გადანყვეტილებას. ეს ინფორმაცია, თავის მხრივ, არის ბგერების, ასოების, სხვა ნიშნების საკმაოდ რთული სისტემა. ამიტომ სუსტ, ზარმაც ტვინს უჭირს მისი გაანალიზება და არცთუ იშვიათად, სინამდვილისადმი არაადეკვატურ გადანყვეტილებას იღებს.

ფანტასტიკური ტექნიკური მიღწევების საუკუნეში ეს სქემა, შეიძლება, ასე წარმოვიდგინოთ: ვთქვათ, თბილისის ზღვაზე დამონტაჟებულია რალაც ტივტივას მსგავსი მოწყობილობა. როგორც კი წყლის დონე კრიტიკულ ზღვარს მიაღწევს, სპეციალურ ეკრანზე ინთება წითელი ნათურა, რაც საგანგაშო ვითარებაზე მიგვანიშნებს. სპეციალური სამსახურის მაშინვე იწყებს ზრუნვას წყალსაცავში წყლის დონის შესამცირებლად. თუ ასე არ მოხდა, ანუ სპეციალური სამსახურის თანამშრომლებმა განგაშის ნიშანს ყურადღება არ მიაქციეს და ადეკვატური ღონისძიებები არ გაატარეს, კატასტროფა გარდაუვალია — წყალი ჯებირებს გაარღვევს და დიდი ქალაქის მოსახლეობას წალეკავს.

ზუსტად ასეთივე მექანიზმი მოქმედებს ლიბერალური დემოკრატიის სახელმწიფოშიც: სპეციალური სახელმწიფო და არასახელმწიფო ინსტიტუტები უზარმაზარ წარმოსახვით ეკრანზე აკვირდებიან საზოგადოების ყველა სფეროდან წამოსულ სიგნალებს, ანალიზებენ მათ და იღებენ შესაბამის ზომებს.

ეს სიგნალები, შესაძლოა, გადმოცემული იყოს პირდაპირ, „ლია ტექსტით“ (როგორც ამას, ჩვეულებრივ, აკეთებს რადიკალური ოპოზიცია), ან ე. წ. ნიშნების, ანუ კინოს, თეატრის, ქანდაკების, პოეზიის, მუსიკის, არქიტექტურის და ა. შ. ენით.

ვთქვათ, თავგადაკლული ოპოზიციონერი ნათელაშვილი ყველა ხერხით ცდილობს პოლიტიკური დივიდენდების მოპოვებას, ხელისუფლების დისკრედიტაციას და როცა ამბობს, ქვეყნის აღსასრული ახლოვდებაო, მის სიტყვას არ დაეჯერება. ხელისუფლება ასეც იქცევა და ლეიბორისტების ხმაურს ყურადღებას არ აქცევს. ამავე დროს, პრესაში ქვეყნდება აპოლიტიკური პოეტის ლექსი:

„აქ არაფერი აღარ შეცვლილა —  
სულ უნუგემოდ წივის მზენვია;  
საწყალობელად სულ ბღავის კრავი,  
ერთადერთ ნოტზე ყრანტალებს ყვავი...  
აქ არაფერი აღარ შეცვლილა —  
ქვეყანა დადის თოხით და ბარით,  
გადახუნებულ ნივთებს და საგნებს  
წმენდს და ალაგებს ყალიჩას ქალი.  
ჯახუც, ნუგზარიც, ჯამუც, ბექიაც  
დახუნძლულია ისევე ვალით.  
აქ არაფერი აღარ შეცვლილა...“

### ბადრი ცირამუა

იმ გრანდიოზულ წარმოსახვით ეკრანზე, სადაც ქვეყნის ცხოვრებაა ასახული, ამგვარი პოეტური სტრიქონების გამოჩენა ავის მომასწავებელია — ქვეყანა გაქვავებულა, ადამიანები უნუგემოდ დარჩენილან, ყელამდე ვალებში ჩაფლულან, რეალური საკეთებელი წართმევიათ და საკუთარი არსებობის გამართლებას „გადახუნებული“ ნივთების წმენდა-ლაგებითა ცდილობენ.

2006 წლის გაზაფხულზე თბილისის ერთ-ერთი სკოლის ქართული ენისა და ლიტერატურის გონებამახვილმა მასწავლებელმა თავის მოსწავლეებს მისცა წერიტი დავალება პირობითი სათაურით, „იყო და არა იყო რა“. ბავშვებს „თხზულების“ დასაწერად სულ ხუთიოდე წუთი ეძლეოდათ. ბუნებრივია, ეს დრო მხოლოდ ერთი წინადადების დასაწერადაა საკმარისი:

— **იყო და არა იყო რა... იყო მოსალოდნელი ტრაგედია, საშინელება და არ იყო მისი შემჩერებელი;**

— იყო და არა იყო რა... იყო ერთი ადამიანი, კეთილი, ჭკვიანი, სათნო, ყურადღებიანი, მაგრამ არ იყო იმ სიკეთის და სიყვარულის უკან დამბრუნებელი, სიკეთის დამფასებელი;

— ერთხელ სიზმარში ვნახე, რომ ყველაფერი, რაც რეალობაში არეული იყო, დალაგებულიყო. სიზმარში ისე ბედნიერი ვიყავი, რომ აღარც კი მახსოვდა რეალობა და მივხვდი, რომ არა იყო რა;

— იყო და არა იყო რა, ...იყო ერთ დროს სამართალი, მაგრამ ეხლა აღარ არის. იყო ერთ დროს სიყვარული და ოცნება, მაგრამ ჩაქრა და სევდიან წარსულს ფიქრებად გაჰყვა:

— იყო ოცნება, მაგრამ გამქრალიყო,  
იყო სურვილი, სურვილიც აღარ იყო,  
იყო მონატრება — ცრემლით გამთბარიყო...  
ღმერთო, ყველაფერი იყო და აღარ იყო?

ამას წერენ 12-13 წლის გოგო-ბიჭები. ამ ასაკის ბავშვები, სამართალზე, არეული ქვეყნის დალაგებაზე, „სევდიან წარსულს ფიქრებად გაყოლილ ოცნებაზე“, მწარე იმედგაცრუებაზე, „ცრემლით გამთბარ მონატრებაზე“ არ უნდა ფიქრობდნენ. რახან ფიქრობენ და ამას წერენ კიდევ, ქვეყანაში რაღაც დიდი სოციალური უბედურება ტრიალებს. ასეთ შემთხვევაში, ხელისუფლება ვალდებულია, იმოქმედოს, რათა მოსალოდნელი კატასტროფა თავიდან აიცილოს. ბოლოს და ბოლოს, თავი მაინც გადაირჩინოს.

იმ დროს, როცა ამ გოგო-ბიჭებს ცივ საკლასო ოთახში გაუნაფავი ხელით ასოები გამოჰყავდათ და მშვიერი პოეტი გულისშემძვრელ სტრიქონებს წერდა, პრეზიდენტის მიერ თბილისის მერად დანიშნულმა ჯეელმა გიგი უგულავამ ყველა თბილისურ ოჯახს დაუგზავნა საკუთარი გალიმებული პორტრეტით დამშვენებული ღია ბარათები, სადაც სიტყვა-სიტყვით ნათქვამი იყო: „ჩვენი ამოცანაა, თბილისში არ დარჩეს არც ერთი უბანი, ქუჩა თუ ეზო სადაც არ იქნება სპორტული მოედანი ან თუნდაც ერთი კეთილმოწყობილი კალათბურთის ფარი, რათა ვიცოდეთ სად და რისთვის ვუშვებთ ეზოში ჩვენ შვილებს. ჩხუბი, ნარკოტიკი და უსაქმურობა ჩავანაცვლოთ ჯანსაღი ცხოვრების წესით...“

მოზარდ თაობას ყველა პირობას შევუქმნით იმისთვის, რომ მოცილდეს ქუჩის მავნე ზეგავლენას, მიიღოს სპორტული აღზრდა და ჩემპიონად თუ არა, ნორმალურ მოქალაქედ

## მაინც ალიზარდოს“.

ასეთია ხელისუფლების ოფიციალური პასუხი ქვეყანაში შექმნილ ტრაგიკულ ვითარებაზე.

დედაქალაქის მერის ხელმონწერილი და ასიათასობით ეგზემპლარად გამრავლებული ეს ერთი შეხედვით უწყინარი ბარათი არ არის მხოლოდ დემაგოგიური პოლიტიკური რიტორიკა, პოლიტიკური ლოზუნგების უნესრიგო კონგლომერატი. მისი უმთავრესი დანიშნულებაა, მკითხველის (მოქალაქის) მოტყუება და მისი ყურადღების უმწვავესი სოციალური პრობლემებიდან შედარებით ნაკლებ სერიოზულზე გადატანა (სპორტული მოედნები, „ქუჩის მავნე ზეგავლენა“, უსაქმურობა, ნარკოტიკი). აქ არის დაპირებაც (და ეს არის სიცრუე), რომ ხელისუფლება („ჩვენ“, „ჩვენი გუნდი“) ყველა პირობას შექმნის“.

სიცრუე და დემაგოგია არის ძალადობა ადამიანის გონებაზე, რასაც, როგორც წესი, ყოველთვის მოსდევს მოქალაქეთა ფიზიკური იძულება სახელმწიფოს რეპრესიული აპარატის ყველა შესაძლებლობის გამოყენებით. ანუ ამგვარი პოლიტიკური განცხადებები არის ქვეყანაში არსებული მკვეთრი სოციალური დისბალანსის და ამ წინადაგზე მოსალოდნელი სოციალური დაპირისპირების უტყუარი ნიშანი.

როგორც ვთქვი, ავტორის, ან ავტორთა ჯგუფის გონებრივი შესაძლებლობების დადგენა ძალიან ადვილად შეიძლება ტექსტის უბრალო ლინგვისტურ-ფსიქოლოგიური ანალიზით, თვით პუნქტუაციური და კორექტურული შეცდომების მიხედვითაც კი. ჩვენს შემთხვევაში, პირველივე წინადადების ამ მონაკვეთში **„... ქუჩა თუ ეზო სადაც არ იქნება სპორტული მოედანი ან თუნდაც ერთი...“** სულ მცირე, ოთხი პუნქტუაციური უზუსტობაა.

**„ჩვენი ამოცანაა, თბილისში არ დარჩეს არც ერთი უბანი, ქუჩა თუ ეზო სადაც არ იქნება სპორტული მოედანი ან თუნდაც ერთი კეთილმონყობილი კალათბურთის ფარი, რათა ვიცოდეთ სად და რისთვის ვუშვებთ ეზოში ჩვენს შვილებს“.**

„კეთილმონყობილი კალათბურთის ფარი“ უხერხული და გაუგებარი სიტყვათმეთანხმებაა, რასაც **„კალათბურთის ფარის“** მსაზღვრელად **„კეთილმონყობილი“** ზედსართავის გამოყენება იწვევს. სჯობდა, უბრალოდ, **„კალათბურთის ფარი“** ეთქვა, მაგრამ ავტორმა მკითხველზე ემოციური შთაბეჭდილების გაძლიერება მოინდომა და, საბოლოოდ, სისულელე გამოუვიდა. ქუჩაში რაიმე სპორტული ნაგებობის, თუნდაც, საკა-



ლათბურთო ფარის დადგმა (თუ ქუჩის დანიშნულებას გავითვალისწინებთ) ყოვლად წარმოუდგენელია. ამიტომ, აღნიშნულ კონტექსტში „ქუჩის“ ჩაკვებაც კვლავ მკითხველზე ემოციურ ზემოქმედებაზეა ნავარაუდები. წინადადების დასკვნითი ნაწილი („**რათა ვიცოდეთ სად და რისთვის ვუშვებთ ეზოში ჩვენ შვილებს**“), ერთი შეხედვით, ელემენტალური უფიცობის, ხოლო სინამდვილეში, საზოგადოების აბუჩად აგდების თვალსაჩინო მაგალითია: თუ მე საკუთარ შვილებს „**ვუშვებ ეზოში**“, ვიცი, რომ შვილებს ვუშვებ ეზოში და ჩემს წინაშე ლოგიკურად არ შეიძლება დადგეს კითხვა — **სად ვუშვებ შვილს?** მით უფრო, არ დადგება მეორე კითხვა — **რისთვის ვუშვებ?**

უხეში დემაგოგიის თვალსაჩინო ნიმუშია შემდეგი წინადადება-ლოზუნგი: „**ჩხუბი, ნარკოტიკი და უსაქმურობა ჩავანაცვლოთ ჯანსაღი ცხოვრების წესით**“.

შეგახსენებთ, რომ მერის ღია ბარათში საუბარია ბავშვებზე. ხოლო ქალაქის მერისგან **ბავშვების ნარკომანებად და უსაქმურებად მოხსენიება ერთდროულად არის სიბრყვე და ყველა თანამოქალაქის თავხედური შეურაცხყოფა**. რაც შეეხება კინკლაობას, მუშტი-კრივს ან სიტყვიერ შეურაცხყოფას (რასაც სიტყვა „**ჩხუბის**“ მნიშვნელობა გულისხმობს), მათ ყოვლად ფეშენებლური სპორტული არენებიც ვერ გამოირიცხავს. საქართველოს საფეხბურთო სტადიონებზე გახშირებულ აყალ-მაყალებს რომ თავი დავანებოთ, ამის დასტურად, 2006 წლის მსოფლიო საფეხბურთო ჩემპიონატის ფინალში ორი სუპერვარსკვლავის, იტალიელი მატერაცისა და ფრანგი ზიდანის ინციდენტიც საკმარისია\*.

ის ბავშვები, ვისაც ეზოში სათამაშოდ გასასვლელად მშობლების ნებართვა სჭირდებათ, არ შეიძლება იყვნენ მოჩხუბრები, ნარკომანები ან უსაქმურები. აქედან გამომდინარე, მათი ამ სენისგან განკურნებაზე საუბარი უსარგებლო ლაყბობის გარდა არაფერია. დოკუმენტის ავტორი, უბრალოდ, ცდილობს ხელისუფლება, კონკრეტულად, დედაქალაქის მერი, საზოგადოებაზე თავგადაკლულ მზრუნველად მოგვაჩვენოს. ამის დასამტკიცებლად მას, ეტყობა, სხვა არგუმენტი არა აქვს და ფონს გასვლას სიტყვების უაზრო დახვავებით ლამობს. ამის მჭევრმეტყველური მაგალითია იდიოტური ლოზუნგიც: „**ჩხუბი, ნარკოტიკი და უსაქმურობა ჩავანაცვლოთ ჯანსაღი ცხოვრების წესით**“.

ჩხუბი, თავისი უსასრულოდ ბევრი გამოვლინებით, ცხოვრ-

ების არაჯანსაღი, ანუ ავადმყოფური ნესის მაჩვენებელი არ არის და ამ კონტექსტში სრულიად უადგილოა. რაც შეეხება „ნარკოტიკს“ (ლოგიკურად, კონტექსტში უნდა იყოს სიტყვა „ნარკომანია“) და „უსაქმურობას“, ერთი და მეორეც არის, ძირითადად, სოციალური პრობლემა და ვერავითარი „კეთილმონყობილი კალათბურთის ფარი“ მათ ვერ „ჩაანაცვლებს“.

თუ გამოვალთ წინადადების კლასიკური განსაზღვრებიდან (სიტყვა, ან სიტყვათა ჯგუფი, რომელიც გამოხატავს დამთავრებულ აზრს) და „აზრის და მნიშვნელობის“ ფილოსოფიურ მნიშვნელობას გავითვალისწინებთ, აღნიშნული წინადადება წმინდა ლინგვისტური თვალსაზრისითაც სასაცილოდ უაზრო აღმოჩნდება („ჩხუბი... ჩავანაცვლოთ... ნესით“). განსაკუთრებით აღსანიშნავია ხელოვნური ზმნა „ჩავანაცვლოთ“, რომელიც მხოლოდ პოლიტიკურ უარგონზე საუბრისას გამოიყენება და უცხობა სალიტერატურო ქართული ენისთვის.

ახლა, რაც შეეხება მოყვანილი ციტატის ბოლო წინადადებას: **„მოზარდ თაობას ყველა პირობას შევუქმნით იმისთვის, რომ მოცილდეს ქუჩის მავნე ზეგავლენას, მიიღოს სპორტული აღზრდა და ჩემპიონად თუ არა, ნორმალურ მოქალაქედ მაინც აღიზარდოს“.**

ამ წინადადების ავტორი „ქუჩაში“ ოჯახის გარეთ ყოფნას გულისხმობს. „ქუჩას“, „გარეთ ყოფნას“ თავისთავად არ შეუძლია ადამიანზე რაიმე „მავნე ზეგავლენის“ მოხდენა. „მავნე ზეგავლენა“ ადამიანზე, შესაძლოა, მოახდინოს ქუჩაში, სკოლაში, ოფისში, ხელისუფლებაში, ქვეყანაში, ოჯახში ან, სულაც, მსოფლიოში შექმნილმა ექსტრემალურმა ვითარებამ (ომი, შიმშილობა, სახადი, მინისძვრა, რევოლუცია, კორუფცია..). აქედან გამომდინარე, ადამიანი კი არ უნდა მოვგლიჯოთ შეჩვეულ გარემოს, ან მასთან ურთიერთობა შევუზღუდოთ, არამედ უნდა ვცადოთ ამ გარემოს გაკეთილშობილება. თუ ბავშვს შია და ქუჩაში თანატოლებთან ერთად ფუნთუშების მოსაპარად გადის, „მავნე ზეგავლენის“ შიშით მშობლებს ბავშვების სახლში გამომწყვდევა კი არ უნდა მოვთხოვოთ, არამედ ღირსეული სამუშაო უნდა შევთავაზოთ და ოჯახის რჩენა შევადლებინოთ.

**„მიიღოს სპორტული აღზრდა“** იმდენად ბრიყველი გამოთქმაა, სალაპარაკოდაც არ ელირებოდა, მისი გაგრძელება რომ არა — **„და ჩემპიონად თუ არა, ნორმალურ მოქალაქედ მაინც აღიზარდოს“.** სამწუხაროდ, „მიიღოს სპორტული აღზრდას“ ავტორის

პროტოტიპები ქართულ საზოგადოებაში ბლომად არიან. მთელი უბედურება ისაა, რომ ეს უნიგნური ადამიანები წერილობითი დოკუმენტების შედგენას ბედავენ. მეტიც, ისინი, თანამდებობრივი მდგომარეობის გამო, ადამიანების ბედს განაგებენ. **თბილისის მერის ქკუის ადამიანებს „ჩემპიონად“ საკუთარი პერსონა წარმოუდგენიათ, ხოლო ყველა დანარჩენი — არარაობად, ანუ, მათი სიტყვებით, „ნორმალურ ადამიანებად“.** ამ კონტექსტიდან სწორედ ეს იკითხება — „ჩემპიონების“ და „ნორმალური ადამიანების“, ანუ ხელისუფლებისა და დანარჩენი საზოგადოების დაპირისპირება.

ფვიქრობ, რაც ახლა თბილისის მერის ერთი პანანინა ღია ბარათის გამო ითქვა, საკმარისი საბუთი უნდა იყოს იმ მოსაზრების გასაზიარებლად, რომ ენა მართლაც არ არის ის, რასაც მოვიაზრებთ — ენა არის ის, რადაც ჩვენი აზრი გარდაიქმნება. ენა არც ნიშნების, ბგერების, სიტყვების, წინადადებების, ტექსტების, ნოტების, კადრების და ა. შ. გროვია.

როგორც ნობელის პრემიის ჩინელი ლაურეატი გაო სინძიანი ამბობს, **„ენა არ არის მარტო ცნებებისა და წარმოდგენების საცავი. უშუალო შეგრძნებების დახმარებით, მას შეუძლია გააღვიძოს ინტუიცია და გრძნობა — კიდევ ერთი მიზეზი იმისა, რატომ არ შეუძლია ნიშანს ან მშრალ ინფორმაციას, შეცვალოს ცოცხალი ადამიანის ენა“.**

ჩვენი ამ საუბრის დროს, მეც ვეცადე ყურადღება გამემახვილებინა ცოცხალ სამეტყველო ენაზე და არა ნიშანთა სისტემაზე.

ზემოთ მოხმობილი მაგალითები მონიშნავს, რომ საზოგადოებიდან წასული საგანგაშო სიგნალები ხელისუფლებამდე ვერ აღწევს, ან ხელისუფლება ამ სიგნალებს არაადეკვატურად ეხმაურება. იმასაც მონიშნავს, რომ მთლიანად მოშლილია უკუკავშირი — ხელისუფლება-საზოგადოება. ასეთ შემთხვევაში, როგორც ნესი, სოციალური აფეთქება გარდაუვალია.

ახლა მთავარი, რისთვისაც, საერთოდ, დავინწყე ეს საკმაოდ ხანგრძლივი საუბარი ენისა და ჟურნალისტიკის ურთიერთობაზე.

ჟურნალისტიკის ვალია, იცოდეს ენის „კითხვა“. ანუ მან უნდა გაიგოს, რა მნიშვნელობა აქვს მეცნიერის, პოლიტიკოსის, პლენების, არისტოკრატის, ხელოვანის სიტყვით ან სხვა რამ ხერხით გამოსატულ აზრს და იგი (ეს აზრი) შეძლებისდაგვარად

დაუმახინჯებლად მიიტანოს მკითხველამდე. ყველამ, ვინც კი ხალხის სახელით და ხალხის გასაგონად ლაპარაკს ბედავს, უნდა იცოდეს, რომ ამქვეყნად არსებობენ ადამიანები, რომლებიც, თუნდაც პოლიტიკურ აბდაუბდაში, ხედავენ ერთადერთ კანონ-ზომიერებას, წვდებიან აზრის მნიშვნელობას და საზოგადოების დამცირებას არავის არ აპატიებენ. ამისთვის კი გაცილებით მეტი ცოდნაა საჭირო, ვიდრე ეს აქვთ XXI საუკუნის დასაწყისის ქართველ ანალიტიკოს ჟურნალისტებს.

**თუ ქვეყანაში არსებობს ასეთი „მკითხველი“ ჟურნალისტიკა, იქ დიქტატურა დიდხანს ვერ იბოგინებს.**

## საოცარი ნიშნი არა მხოლოდ ჟურნალისტიკაზე

— გამარჯობათ, მე თეიმურაზ ქორიძე ვარ! — ხელი გამო-  
მინოდა უცხო სტუმარმა და სახეზე მასპინძლის დაბნეულობით  
გამონვეული ერთგვარი კმაყოფილება გამოეხატა.

— რას ბრძანებთ, თეიმურაზ ქორიძე მე გახლავართ. თქვენ  
კი, ალბათ, რალაც გეშლებათ, — მივმართავ უცნობს და ის  
გრძნობა მეუფლება, ადამიანი მოულოდნელობით აღძრული  
ცნობისმოყვარეობის გამო რომ განიცდის.

„საუბრების“ ავტორთან ამ პირველი შეხვედრიდან უკვე  
ოცდახუთი გრძელი წელიწადი გავიდა, მაგრამ ჩემს მეხსიერება-  
ში სწორედ ის თეიმურაზ ქორიძე აღიბეჭდა: გამოუსწორებლად  
მოულოდნელი, საინტერესო და, რალა თქმა უნდა, — ლალი იუ-  
მორით აღსავსე მოსაუბრე.

რა დასამალია და, არც იმას ველოდი, რომ „საუბრების“ წი-  
ნასიტყვაობის დაწერის პატივი სწორედ მე მერგებოდა. სხვა  
რომ არა იყოს რა, ჩემმა სეხნიამ კარგად უნყის, რომ მის წიგნში  
გამოთქმული ზოგიერთი მოსაზრება სრულიადაც არ ემთხვევა  
ჩემს პრინციპებსა და შეხედულებებს\*.

ამით იმის თქმა მინდა, რომ თეიმურაზ ქორიძეს შეიძლება  
ვეკამათოთ კიდეც — „საუბრების“ მიმზიდველობის საიდუმ-  
ლოც სწორედ ის არის, რომ ავტორი თავად გინვევს საკამათოდ,  
მას მოსაუბრე ენატრება და საუბარი სწყურია. საკამათოს და  
განსასჯელს კი აქ ყველა დაინტერესებული იპოვის, რადგან  
წიგნის შინაარსი დიდად სცილდება ერთი რომელიმე თემატიკის  
ფარგლებს და ჩვენი კულტურულ-ისტორიული ყოფის, განსა-  
კუთრებით, ქართული ჟურნალისტიკის უმწვავეს პრობლემათა  
სიღრმისეულ ანალიზს ეძღვნება.

აქ კი, როგორც იტყვიან, თეიმურაზ ქორიძე თავს ჩვეულ  
სტიქიაში გრძნობს და მართლაც შეუდარებელია! ქართულმა  
საზოგადოებამ გულწრფელად იწამა, რომ მასობრივი ინფორმა-  
ციის საშუალებათა თავისუფლებას ამქვეყნად მხოლოდ დიქტა-  
ტორული რეჟიმები ემუქრებიან; რომ მხოლოდ ტირანები და დე-  
მოკრატიის მტრები ახშობენ თავისუფალ აზრს, დევნიან მართალ  
სიტყვას და შემოქმედებითი ცხოვრებით გატაცებულ ადამიან-  
ებს მხოლოდ ისინი აიძულებენ ჩადგნენ სიყალბისა და სიცრუის  
სამსახურში. არადა, ამ კეთილშობილურ, მაგრამ გულუბრყვი-

ლო თვალსაზრისს უკვე კარგა ხანია, რაც ყავლი გაუვიდა. ჯერ კიდევ გასული საუკუნის შუა ხანებში პოზიტივიზმის ფუძემდებლად აღიარებული კარლ იასპერსი\* პირდაპირ მიუთითებდა იმ საშიშროებაზე, რომელიც დღეს მასების გემოვნებისადმი ჟურნალისტიკის დამოკიდებულებაში იჩენს ხოლმე თავს. „ნამდვილი საშინელებაა, — წერდა ის, — რომ ჟურნალისტიკის პასუხისმგებლობა და სულიერ-შემოქმედებითი თავისუფლება კითხვის ნიშნის ქვეშ დგება სხვადასხვა პოლიტიკურ-ეკონომიკური ძალის სურვილებზე დამოკიდებულების გამო... იმისთვის, რომ მოგება მიიღოს, პრესა იძულებულია გაითვალისწინოს მილიონების ინსტიქტები, უმრავლესობას მიაწოდოს მასის ცნობიერებისთვის გასაგები სენსაცია, ვულგარულობა და ასე შემდეგ. ასეთ შემთხვევაში პრესა ითვისებს შეგნებული სიცრუის ხელოვნებას, რომელიც, თავის მხრივ, სულისთვის უცხო ძალაზეა გათვლილი. იგი ქედს იხრის ამ ძალის წინაშე!“ (კარლ იასპერსი, „ისტორიის არსი და დანიშნულება“).

თეიმურაზ ქორიძის „საუბრები“ ჟურნალისტიკაში სწორედ ამ „შეგნებული სიცრუის“ (თვითონ ამას „სავალდებულო სიცრუეს“ უწოდებს) დაძლევის დაუცხრომელი სულისკვეთებით არის აღსავსე. თუკი იმასაც გავითვალისწინებთ, რომ ამასთან ერთად, ის თავად არის ჩინებული მთხრობელი, მოსაუბრე, — უნდა ვივარაუდოთ, რომ წიგნს ასეთივე მკითხველი, ანუ „კაცი ვარგი“ უხვად გამოუჩნდება.

**თემურ ქორიძე,\***  
ლიტერატორი  
2010 წლის ივნისი

## სახელთა სავიწკარავი

- ა**  
აბაკელია ვაჟა 221  
აბაშიძე ასლან 359  
აბაშიძე დოდო 143  
აბაშიძე ვახტანგ 163  
აბსანძე გურამ 68, 69, 70  
ადამსი ჯონ 318  
ადეიშვილი 365  
ავრელიუსი მარკუს 268, 284  
აინშტაინი 84  
აკვინელი თომა 357, 381  
ალექსანდრე II 210  
ალექსანდრე VI (რომის პაპი) 358  
ალუდა ქეთელაური 199, 200, 201, 202, 277  
ალხასტაიძე 113  
ალილუევა სვეტლანა 103  
ანანიაშვილი ნინო 30  
ანდერსენი 389  
ანდროპოვი 219, 387  
ანტონიანი 264, 265  
არველაძე 318, 365, 410  
არისტოტელე 84, 113, 276, 306, 314, 381  
არონი რაიმონდ 322  
არჩვაძე მანანა 377  
ასათიანი ლადო 203  
აფციაური ჯემალ 73  
ამკენაზი 264, 265
- ბ**  
ბაგაური ანატოლი 153, 154  
ბაგრატიონი 116, 117, 266  
ბატისტა 211  
ბაციკაძე კახა 181  
ბაქრაძე 318  
ბალათურია ჯონდი 199, 200, 201, 202, 318  
ბახტაძე გიორგი 169  
ბახტურიძე ვახტანგ 167  
ბეგაშვილი 318  
ბენეტონი 382
- ბეჟუაშვილი 373  
ბერაძე მერაბ 61  
ბერია ლავრენტი 24, 57, 101, 102, 104, 105, 106, 107, 108, 196  
ბერია სერგო 105, 106  
ბერიაშვილი ირაკლი 15, 43, 80, 159  
ბერლინი ისაია 357  
ბექაური 318  
ბისმარკი 318  
ბოკერია 318, 346, 365  
ბორჯია ჩეზარე 351, 358, 366  
ბოცვაძე ზეინაბ 13  
ბრეგვაძე ბაჩანა 398  
ბრეჟნევი ლეონიდ 23, 67, 219, 387  
ბრეტტი ბერტოლდ 376  
ბროლაძე 35  
ბუაჩიძე ბერდი 145  
ბუაჩიძე ელგუჯა 143  
ბურბონი 194  
ბურჯანაძე ნინო 138, 191  
ბუსა 264  
ბუში ჯორჯ 262, 356
- გ**  
გაგუა ოთარ (რიჩა) 143  
გამსახურდია ზვიად 34, 35, 189, 190, 191, 194, 196, 212, 225, 227, 228, 230, 377, 386  
გამსახურდია კონსტანტინე 22, 23, 24, 70, 143, 278  
გამყრელიძე ოთარ 221, 241  
გეგეჭკორი ნინო 101, 107, 108 109  
გეგეჭკორი საშა 101, 102  
გეგეშიძე გურამ 145  
გელაძე ჰამლეტ 130, 134  
გერგედავა ამბროსი 167  
გვაზავა ნუნუ 240, 243  
გილიგაშვილი როლანდ 167  
გირგვლიანი 343  
გოგელია არჩილ 13, 14, 15, 16, 19, 43, 80, 81, 170  
გელოვანი აკაკი 111

გენშერი ჰანს-დიტრიხ 318  
გოგიჩაიშვილი აკაკი 279  
გოგორიშვილი 318  
გოდერძიშვილი ლია 15, 43  
გოლდბაუმი 265  
გორბაჩოვი მიხეილ 62, 219,  
222, 255, 355, 387  
გორელიშვილი გურამ 21, 22  
გოცირიძე ირაკლი 134  
გრაკლელი 172, 173  
გრანელი ტერენტი 183  
გრიგალაშვილი ნოდარ 133, 224, 373  
გუგავა 318  
გუგუშვილი 372  
გულუა ბაკურ 98, 99, 379  
გურამიშვილი დავით 182, 203

## დ

დავით IV აღმაშენებელი 312, 313, 357  
დანტონი 193  
დე გოლი 218, 318, 321  
დედა ტერეზა 88  
დეკარტი 84  
დემულენი 193  
დიზრაელი ბენჟამინ 321  
დირიხლე 115  
დიუმა ალექსანდრე (მამა) 192, 193  
დოდაშვილი სოლომონ 159, 342  
დონ კიხოტ ლამანჩელი 74  
დოჩანაშვილი გურამ 92, 115

## ე

ეკერმანი იოჰან პეტერ 110, 111, 112  
ელია 271  
ელცინი ბორის 387  
ენგელსი ფრიდრიხ 84, 182  
ეპიკურე 276  
ერაძე ოთარ 58  
ერბონონაშვილი 210  
ერშოვი 103

## ვ

ვარაზი ავთო 169  
ვარდოსანიძე იაგო 143

ვაჟა-ფშაველა 182, 183, 199,  
200, 201, 202, 203, 276, 277  
ვაშლომიძე ზურიკელა 181  
ვაშინგტონი ჯორჯ 318, 321  
ვაჩნაძე თენგიზ 145  
ვებერი მაქს 271, 319, 321  
ვერუსი 268, 284  
ვიშინსკი ანდრეი 196  
ვოლტერი 84

## ზ

ზანაზანი 264  
ზაქარეიშვილი მიტო 143  
ზინოვიევი 24  
ზირაქაძე ალექსანდრე 167

## თ

თაბუკაშვილი რეზო 145  
თარგამაძე გივი 264, 318  
თევდორაძე ელენე 50, 264, 265, 373  
თევზაძე გივი 391, 401, 402, 404  
თევზაძე დავით 39  
თვარაძე რეზი 141, 154  
თოფურიძე ლევან 18

## ი

იაშვილი ლევან 209  
იასპერსი კარლ 7  
ილფი და პეტროვი 182  
იობი 330  
იოანე 220  
იოანე-პავლე II 136  
იოსელიანი ჯაბა 191, 251, 378  
ისაია 330  
ისაკაძე გურამ 208, 209, 210  
იულიუს კეისარი 357

## კ

კაკაბაძე ზურაბ 142  
კაკაბაძე ნოდარ 145  
კაკაბაძე პოლიკარპე 226  
კალანდაძე ირინა 169



კალანდია ზაურ 183  
 კალანდია რენე 400  
 კამენევი 24  
 კანტი იმანუელ 276, 381  
 კარნევი დეილ 29, 82, 83, 115  
 კარაულოვი ანდრეი 37  
 კასტრო ფიდელ 196, 218, 311, 354  
 კაშია ჯანრი 398, 399, 412  
 კელენჯერიძე მიტროფანე 167  
 კერატიშვილი შოთა 209  
 კერესელიძე უშანგი 167  
 კერვალიშვილი პ. 401  
 კვარაცხელია ვალერი 228  
 კვაჭანტირაძე თამაზ 225, 226  
 კვირიაა შოთა 224  
 კემულარია 373  
 კიერკეგორი 276  
 კიკნაძე გიორგი 71  
 კიმ ირ სენი 354  
 კისინჯერი ჰენრი 318  
 კიტოვანი თენგიზ 191  
 კინმარიშვილი ეროსი 257  
 კლინტონი ბილ 38  
 კობახიძე იუზა 167  
 კოლი ჰელმუტ 318  
 კორდე შარლოტა 193  
 კოსიგინი 219  
 კოსტავა მერაბ 31  
 კოტეტიშვილი ვახუშტი 145  
 კოფი ანანი 377  
 კრუტინი ვალერი 167  
 კულუმბეგოვი 129  
 კურნაკოვი სერგეი 139  
 კუტონი 193

## ლ

ლა ბრიუიერი 381, 389  
 ლა როშფუკო 84  
 ლონდონი ჯეკ 59, 157  
 ლენინი 84, 142, 191, 198, 209,  
 271, 287, 331, 338, 355, 363  
 ლესინგი გოტჰოლდ ეფრაიმ 289

ლეონიძე გიორგი 144  
 ლინკოლნი აბრაამ 321  
 ლომაძე სერგი 181, 182  
 ლორთქიფანიძე გრიგოლ 321

## მ

მადამ ბოვარი 217, 218  
 მავზარაშვილი თენგიზ 167  
 მაისურაძე მარინა 15  
 მაკიაველი ნიკოლო 349, 350, 351,  
 352, 354,  
 355, 356, 357, 358, 359, 363, 366,  
 367, 368, 381  
 მაკედონელი ალექსანდრე 357  
 მალარმე სტეფან 84  
 მალკინა ტატიანა 37  
 მალენკოვი 104  
 მაილსი რიჩარდ 198  
 მამარდაშვილი მერაბ 249  
 მანი თომას 376  
 მანჯგალაძე ეროსი 71  
 მარატი 191, 193  
 მარგომშილი ვეფხია 259  
 მარქსი 83, 182, 191  
 მაო ძე დუნი 196  
 მალრაძე დავით 74, 75, 76, 146  
 მაჭავარიანი მუხრან 228  
 მაჰათმა განდი 321  
 მელიქიძე ნელი 169, 170  
 მენალარაშვილი კარლო 145  
 მერაბიშვილი ივანე 363, 365, 373  
 მეტრეველი თეიმურაზ 19, 82  
 მეფე ლირი 109  
 მირიანაშვილი თემურ 134  
 მიქავა უტუ 194  
 მიქოიანი ანასტას 104  
 მიშველაძე რეზო 380  
 მკალავიშვილი ბასილ 297  
 მოპასანი 183  
 მოცარტი 145  
 მსხვილაძე რეზო 167  
 მუამარ კადაფი 196  
 მუსოლინი ბენიტო 289, 290  
 მუცალი 201, 276

**ბ**

ნადირაშვილი შოთა 392  
 ნადირაძე აკაკი 153  
 ნადირაძე მიაა 318, 392  
 ნათაძე ნოდარ 373  
 ნათელაშვილი შალვა 93, 94, 372, 378, 389  
 ნანეიშვილი ირაკლი 144  
 ნაპოლეონი 193, 194, 218, 270, 312, 357  
 ნიკალა (ნიკო ფიროსმანიშვილი) 75  
 ნიცშე ფრიდრიხ 3, 144  
 ნოზაძე თენგიზ 144

**ო**

ოზგანი კონსტანტინე 129  
 ორბელიანი გრიგოლ 74, 389  
 ორბელიანი სულხან-საბა 79  
 ორუელი ჯორჯ 270, 323  
 ოქრუაშვილი ირაკლი 339, 365, 410

**პ**

პავლე I (იმპერატორი) 289  
 პარენტი 266, 370  
 პატარკაციაშვილი ბადრი 138  
 პატარკაციაშვილი ნანა 150  
 პატაშური გიორგი 161, 208  
 პელშე 219  
 პეტრიაშვილი 372  
 პლატონი 84, 110, 276, 314, 381  
 პლუტარქე 289, 290  
 პოდგორნი 219  
 პოლიანსკი 219  
 პუგაჩოვი 194  
 პუტინი ვლადიმირ 258, 262, 362

**ჟ**

ჟვანია ზურაბ 191, 224, 254, 257, 258, 260, 261, 262, 264, 265, 373, 379  
 ჟირინოვსკი ვლადიმირ 93, 94

**რ**

რაბლე ფრანსუა 403  
 რაზინი სტენკა 387

რამიშვილი ნინო 31  
 რამიშვილი შალვა 280  
 რატიშვილი მერაბ 19  
 როსტროპოვიჩი 31  
 რეიგანი რონალდ 83  
 რემბო არტურ 84  
 რიკოვი 24  
 რობაქიძე გრიგოლ 143  
 რობესპიერი მაქსიმილიან 192, 193  
 რობესპიერი ოგიუსტ 193  
 როტბარდი მარი ნ. 329  
 რუზველტი ფრანკლინ 318  
 რუსთაველი შოთა 114, 181, 182, 203, 389  
 რცხილაზე ავთანდილ 209

**ს**

სააკაშვილი მიხეილ 191, 195, 196, 197, 202, 254, 258, 260, 261, 262, 264, 289, 295, 305, 315, 338, 345, 346, 354, 357, 359, 360, 361, 362, 364, 365, 366, 367, 372, 373, 374, 375, 378, 379, 387, 388, 389, 407  
 სააკაძე გიორგი 167  
 სადამ ჰუსეინი 196, 357  
 სავატსკი ჯონ 155  
 საშა პარტნოი 105  
 საჯაია ნუგზარ 379  
 სიგუა 191, 373  
 სიგუა სოსო 400, 401  
 სიმონიშვილი სოსო 19  
 სოკოლოვი დავით 190  
 სოლომონ ბრძენი 357  
 სოროსი ჯორჯ 27, 197, 198  
 სპარტაკი 194  
 სპენსერი ჰერბერტ 268  
 სპინოზა 276  
 სტალინი 24, 83, 103, 104, 107, 124, 142, 193, 194, 195, 318, 321, 326, 333, 350, 351, 354, 357, 363, 364, 387, 407  
 სტურუა ავთო 389

სტურუა ვანო 104  
სტურუა პ. 24  
სტურუა მელიორ 23  
სურენი 264  
სუსლოვი 219  
სხირტლაძე გურამ 145

**ტ**

ტაბიძე გალაკტიონ 182, 183, 188,  
203, 289, 406  
ტაბიძე ტიცვიან 143  
ტალიერანი 84, 318, 321  
ტანდოვეა 264, 265  
ტეტჩერი მარგარეტ 138, 321  
ტიკარაძე დიტო 261

**უ**

უგულავა გიგი 365, 415

**ფ**

ფალავა რეზო 143  
ფაცაცია გერმანე 50  
ფეტელავა ზაზა 154  
ფირცხალავა გია 145  
ფიხტელიუსი ერიკ 156  
ფლობერი გუსტავ 218  
ფორესტი ლუი 44  
ფრიდრიხ დიდი 356  
ფრომი ერის 273, 274, 275, 276  
ფულერი 298

**ქ**

ქართველიშვილი 102  
ქაფიანიძე ზურაბ 380  
ქიქოძე გერონტი 143  
ქობულაშვილი 372  
ქორიძე თეიმურაზ 14, 19, 421  
20, 83, 109, 126, 127, 128, 129,  
130, 131, 132, 134, 172  
ქორიძე თემურ 7, 9, 229, 372  
ქორიძე უჩა 208, 210  
ქუთათელაძე ვახტანგ 224  
ქურდაძე ნოდარ 209, 211

**ყ**

ყაველაშვილი 71  
ყვარყვარე 226  
ყიფიანი დიმიტრი 321

**შ**

შავედია გოგი 144  
შაიო ანდრაშ 5  
შამანიდი გურამ 183, 185  
შამოევი 210  
შარაძე გურამ 186  
შატბერაშვილი 318  
შატაძე ნუგზარ 159, 160, 208  
შაფაქიძე პელო 227  
შევარდნაძე ედუარდ 27, 28, 38,  
39, 40, 69, 72, 156, 191, 195, 197,  
224, 258, 262, 267, 305, 306, 318,  
324, 335, 361, 366, 373, 377, 386  
შენგელაია გიორგი 145  
შენგელაია ელდარ 145, 182  
შექსპირი 204, 206  
შოთა 247, 248  
შოპენი 145  
შოპენჰაუერი არტურ 268, 269, 276

**ჩ**

ჩარკვიანი გელა 39, 40  
ჩარკვიანი ჯანსუღ 145, 222, 228  
ჩარკვიანი ჯიმი 145  
ჩე გეგვარა ერნესტო 191  
ჩერედნიჩენკო ვლადიმირ 27, 44,  
58, 139  
ჩერენკო 219  
ჩერჩილი 144, 318, 320, 321  
ჩიქვანაია თამაზ 217, 218  
ჩიქოვანი თამარ 19  
ჩოჩიშვილი გიორგი 19  
ჩოჩიევი ალან 129  
ჩოხელი არჩილ 68  
ჩუბინიშვილი 365  
ჩუმოურიძე მიხეილ 167

**ც**

ცარციძე უჩა 153, 154  
 ცირამუა ბადრი 414  
 ცისკარიშვილი პეტრე 259, 260  
 ციციაშვილი აზონ 83

**ძ**

ძიძიგური ზვიად 389  
 ძიძიგური კობა 389  
 ძმები გრიშები 185, 389  
 ძოძუაშვილი მარიამ 226

**წ**

წერეთელი აკაკი 203  
 წერეთელი ირაკლი 48, 228  
 წვერიკმაზაშვილი 208, 210  
 წინნალაშვილი 122, 209, 210

**ჭ**

ჭავჭავაძე ილია 157, 290  
 294, 321, 391, 392  
 ჭავჭავაძე ნიკო 289  
 ჭანტურია გია 44, 228  
 ჭკუასელი ვახტანგ 261  
 ჭკუასელი (მინისტრი) 378  
 ჭკუასელი როლანდ 157

**ხ**

ხაბეიშვილი სოლიკო 44,  
 ხეტეშვილი უშანგ 75  
 ხო ში მინი 196, 354

ხრუშჩოვი ნიკიტა 322, 387  
 ხუნდაძე ლუკა 145  
 ხუციშვილი ოთარ 15

**ჯ**

ჯაბაური გიორგი 58  
 ჯაბუშანიური გაბრიელ 104  
 ჯავახიშვილი ივანე 181, 213  
 ჯავახიშვილი მიხეილ 143, 203  
 ჯაველიძე ბიძინა 145  
 ჯაველიძე ელიზბარ 145  
 ჯამარაული 71  
 ჯამრულიძე ლევან 30  
 ჯეფერსონი 84  
 ჯიბლაძენ. 401  
 ჯოხარიძე ნანა 43, 169, 208  
 ჯულაშვილი იაშა 103  
 ჯულაშვილი სოსო 407

**კ**

კაიდგეგერი 404  
 კამლეტი 109, 196  
 კეგელი 276, 381  
 კემინგუეი 157  
 კეროსტრატე 185  
 კესე ჰერმან 403  
 კინდენბურგი 334, 335  
 კიტლერი 333, 334, 338,  
 354, 363, 364  
 კობსი თომას 276, 321,  
 329, 330, 357, 381

## შენიშვნები და განმარტებები

1. **ფრიდრიხ ვილჰელმ ნიცშე (გვ. 3)** — 1844-1900 წ.წ. გერმანელი ფილოსოფოსი; ავტორი ნაშრომებისა: „შოპენჰაუერი, როგორც აღმზრდელი“, „ადამიანური, ძალიან ადამიანური, ანუ ნიგნი თავისუფლად მოაზროვნეებისთვის“, „გარიჟრაჟი, ანუ აზრები მორალურ გადმონაშთებზე“, „მხიარული მეცნიერება“, „ამას ამბობდა ზარათუსტრა“, „სიკეთისა და ბოროტების მიღმა“, „ანტიქრისტიანი“, „მორალის გენეალოგიისათვის“ ...
2. **ანდრე შაიო (გვ. 5)** — თანამედროვე უნგრელი სამართალმცოდნე-კონსტიტუციონალისტი; უნგრეთის აკადემიის წევრი; აშშ სამართლის ინსტიტუტის წევრი; ადამიანის უფლებათადაცვის ევროპული სასამართლოს წევრი; აშშ სამართლის ინსტიტუტის წევრი; ავტორი ნაშრომებისა სახელმწიფოსა და სამართლის, საკონსტიტუციო სამართლის, პოლიტიკური ისტორიისა და პრაქტიკის, სამართლის ფილოსოფიის საკითხებზე.
3. **„მის ნიგნში გამოთქმული ზოგიერთი მოსაზრება სრულიადაც არ ემთხვევა ჩემსპრინციპებსა და შეხედულებებს“ (გვ. 6)** — იგულისხმება ავტორის მიერ წინამდებარე ნაშრომსა და პუბლიცისტურ წერილებში გამოთქმული მოსაზრებები ზვიად გამსახურდიას ხელისუფლების მოღვაწეობაზე (1990-1991 წ. წ.).
4. **კარლ თეოდორ იასპერსი (გვ. 7)** — 1883-1969 წ.წ. გერმანელი ფილოსოფოსი, ფსიქოლოგი და ფსიქიატრი, ეგზისტენციალიზმის ერთ-ერთი თვალსაჩინო წარმომადგენელი. ავტორი ნაშრომებისა: „ზოგადი ფსიქოპათოლოგია“, „მსოფლმხედველობის ფსიქოლოგია“, „ფილოსოფია“, „ეგზისტენციალური ფილოსოფია“, „ჭეშმარიტების შესახებ“, „გერმანული დანაშაულის პრობლემა“, „ფილოსოფიური რწმენა“, „ისტორიის წარმოშობისა და მიზნის შესახებ“, „გამოჩენილი ფილოსოფოსები“, „ატომური ბომბი და კაცობრიობის მომავალი“, „ტრანსცენდენციის შიფრები“...
5. **თემურ ქორიძე (გვ. 421)** — დაიბადა 1954 წელს. ქართველი ლიტერატურისმცოდნე და კრიტიკოსი; საქართველოს პარლამენტის წევრი 1990-1991 წლებში. მრავალი ლიტერატურული ესსეს და პუბლიცისტური ნაშრომის ავტორი.
6. **„აფხაზები რომ შემოვიდნენ შრომაში...“ (გვ. 21)** — იგულისხმება ქართულ-აფხაზური კონფლიქტი 1993 წლის ზაფხულში; შრომა — სოფელი სოხუმთან ახლოს.
7. **კონსტანტინე გამსახურდია (გვ. 22)** — 1893-1975 წ.წ. ქართველი მწერალი, პოეტი და მთარგმნელი, საქართველოს მეცნიერებათა აკადემიის აკადემიკოსი; ავტორი ისტორიული რომანებისა: „დიდოსტატის კონსტანტინეს მარჯვენა“, „დავით აღმაშენებელი“, „მთვარის მოტაცება“, „ვაზის ყვავილობა“, „ბელადი“.
8. **ბრეჟნევი, კოსიგინი, პელშე, პოდგორნი, პოლიანსკი, ჩერნენკო, ანდროპოვი, სუსლოვი, გრომიკო... (გვ. 23)** — საბჭოთა კავშირის პოლიტი-

- კური ხელმძღვანელობის წევრები გასული საუკუნის 60-80-იან წლებში.
9. **ზინოვიევი, კამენევი, ბუხარინი, რიკოვი...** (გვ. 24) — საბჭოთა პოლიტიკური მოღვაწეები, სოციალიზმის ცნობილი თეორეტიკოსები, რომლებიც სტალინურმა ხელისუფლებამ 30-იან წლებში სამშობლოს და სოციალიზმის მტრებად, „მავნებლებად“ შერაცხა და სიკვდილით დასაჯა. მათ დასჯას წინ უძღოდა გრანდიოზული ე.წ. „სახალხო განხილვები,“ რაც აგრეთვე ინსპირირებული იყო საბჭოთა ხელისუფლების მიერ.
  10. **ლავრენტი ბერია** (გვ. 24) — 1899-1953 წ.წ. საბჭოთა პოლიტიკური და სამხედრო მოღვაწე, სკკპ პოლიტიბიუროს წევრი, საბჭოთა კავშირის მარშალი, სტალინის უახლოესი თანამებრძოლი. სამშობლოს და სოციალიზმის ღალატის ბრალდებით დახვრიტეს 1953 წელს.
  11. **„ამ სტრიქონებს იმ დროს ვწერ“... (გვ. 25.)** — იგულისხმება 2005-2006 წ.წ.
  12. **ჯორჯ სოროსი (დიორდ შოროში, გვ. 27)** — დაიბადა 1930 წ. უნგრული წარმოშობის ამერიკელი მილიარდელი, ფინანსისტი, ინვესტორი და ფილანტროპი; „ლია საზოგადოების“ თეორიის მომხრე; საერთაშორისო „სოროსის ფონდის“ დამაარსებელი; მის მოღვაწეობას მსოფლიოში სხვადასხვაგვარად აფასებენ. არსებობს მოსაზრება, რომ მან დაგეგმა და დააფინანსა ქართული „ვარდების რევოლუცია“ 2003 წლის 23 ნოემბერს.
  13. **დეილ კარნეგი** (გვ. 29) — 1888-1955 წ.წ. ამერიკელი პედაგოგი, ფსიქოლოგი და მწერალი; ადამიანთა შორის უკონფლიქტო და დაუძაბავი ურთიერთობების თეორიის შემქმნელი; ავტორი პოპულარული ნაშრომებისა: „ორატორული ხელოვნება და საქმიან პარტნიორებზე ზეგავლენის მოხდენა“, „უცნობი ფაქტები ცნობილი ადამიანების ცხოვრებიდან“, „როგორ შევიძინოთ მეგობრები“, „როგორ შევიძინოთ თავდაჯერება საჯარო გამოსვლის დროს და ზეგავლენა მოვახდინოთ ადამიანებზე“, „როგორ ვძლიოთ მღელვარებას და დავიწყოთ ცხოვრება“.
  14. **მსტისლავ როსტროპოვიჩი** (გვ. 31) — 1927-2007 წ.წ. გამოჩენილი რუსი ვიოლონჩელისტი და დირიჟორი; საბჭოთა კავშირის სახალხო არტისტი; საზოგადო მოღვაწე — ადამიანის უფლებებისა და თავისუფლებების დამცველი.
  15. **„ქალბატონი ჟურნალისტი ამავე დროს გახლდათ პრეზიდენტის პრესსამსახურის თანამშრომელი...“** (გვ. 38) — იგულისხმება ტელე-ჟურნალისტი, იმჟამად პრეზიდენტ შევარდნაძის პრესსამსახურის ხელმძღვანელი ნატო ონიანი.
  16. **ბილ კლინტონი (უილიამ ჯეფერსონ კლინტონი გვ. 38)** — დაიბადა 1946 წელს. აშშ 42-ე პრეზიდენტი (1993-2001 წ.წ.); დემოკრატიული პარტიის წევრი.
  17. **ჯეკ ლონდონი (ჯონ გრიფიტ ჩეინი, გვ. 59)** — 1876-1916 წ.წ. ამერიკელი მწერალი და ჟურნალისტი, ავტორი სათავგადასავლო მოთხრობებისა და რომანებისა: „თოვლის დედოფალი“, „წინაპართა ძახილი“, „ქემფთონ უაისის წერილები“, „ზღვის მგელი“, „თამაში“, „თეთრი ეშვი“, „ადამის გაჩენამდე“, „რკინის ქუსლი“, „მარტინ იდენი“, „მენამული ჭირი“, „მზის შვილი“, „მზიანი ველი“, „ამბოხი ელსინორზე“, „დიდი სახლის პა-

- ტარა დიასახლისი“, „კუნძულები ჯერი“, „ჯერის ძმა“, „სამთა გული“...
18. **მიხაილ გორბაჩოვი (გვ. 62)** — დაიბადა 1931 წელს. რუსი საბჭოთა პოლიტიკური მოღვაწე; სკკპ წევრი 1952-1992 წ.წ. სკკპ ცკ-ის გენერალური მდივანი 1985-1992 წ.წ. საბჭოთა „პერესტროიკის“ მთავარი ინიციატორი; საბჭოთა კავშირის პირველი და უკანასკნელი პრეზიდენტი (1990-1991 წ.წ.); მსოფლიო სოციალისტური სისტემის დაშლის ერთ-ერთი ორგანიზატორი; ნობელის მშვიდობის პრემიის ლაურეატი; ავტორი ნიგნებისა: „XX საუკუნის მორალური გაკვეთილები“, „ფიქრები ოქტომბრის რევოლუციაზე“, „ახლებური აზროვნება“, „ფიქრები წარსულზე და მომავალზე“, „გარდაქმნის შეცნობა“...
  19. **„ადამონ ნიხას“ (გვ. 62)** — სეპარატისტული პოლიტიკური მოძრაობა საქართველოს სამხრეთ ოსეთის ავტონომიურ ოლქში გასული საუკუნის 80-იანი წლების დასასრულსა და 90-იანის დასაწყისში. „ადამონ ნიხას“ ოსურიდან — „ხალხის სიტყვა“.
  20. **„ასეთი მაგალითები ამ ეპოქის ნებისმიერ გაზეთში შეიძლება შეგზედეს“ (გვ. 69)** — იგულისხმება გასული საუკუნის 90-იანი წლები.
  21. **„ვხედავ, ერთი ჩემი ნაცნობი პროფესორი მოდის, ეროვნებით ოსი...“ (გვ. 73)** — საუბარია გასული საუკუნის 80-იანი წლების ბოლოსა და 90-იანის დასაწყისში საქართველოში მძვინვარე ქსენოფობიურ აფეთქებაზე. „ნაცნობ პროფესორში“ ავტორი, პროფესორი ჯემალ აფციაური, ოსური წარმოშობის ცნობილ ქართველ მეცნიერს, ფილოსოფოს ოთარ ჯიოევს გულისხმობს.
  22. **„მე ნიკალასთან ერთად გახლდით ორთაჭალის დუქანში, ჯამბაზთა ყიყინამ რომ დაიგრავინა...“ (გვ. 75)** — იგულისხმება გამოჩენილი ქართველი მხატვარი-პრიმიტივისტი ნიკო ფიროსმანაშვილი (ნიკალა) და ჰაფეზის პოპულარული ლექსი, რომელიც ამ სიტყვებით იწყება: „ბაზრისთავს უცებ ჯამბაზთა ყიყინამ დაიგრავინაო...“
  23. **როსლად უილსონ რეიგანი (გვ. 83)** — 1911-2004 წ.წ. აშშ მე-40 პრეზიდენტი; ყოფილი მსახიობი; კალიფორნიის გუბერნატორი; ცნობილია თავისი განსხვავებული ეკონომიკური პოლიტიკით („რეიგანომიკა“); საბჭოთა კავშირს პირველად მან უწოდა „ბოროტების იმპერია“; მსოფლიოში ანტიკომუნისტური მოძრაობების მხარდამჭერი. აღიარებულია ერთ-ერთ ყველაზე წარმატებულ პრეზიდენტად აშშ ისტორიაში.
  24. **რენე დეკარტი (გვ. 84)** — 1596-1650 წ.წ. ფრანგი ფილოსოფოსი და მათემატიკოსი; რაციონალური ფილოსოფიის ერთ-ერთი ფუძემდებელი; „თანამედროვე მათემატიკის მამა“. ანალიზური გეომეტრიის ფუძემდებელი; ცვლადი სიდიდეების, კოორდინატთა მეთოდების დამნერგავი.
  25. **ფრიდრიხ ენგელსი (გვ. 84)** — 1820-1895 წ.წ. გერმანელი პოლიტიკოსი, ფილოსოფოსი, სამხედრო ისტორიკოსი და მეწარმე. კარლ მარქსთან ერთად მარქსისტული მოძღვრების ფუძემდებელი; „კომუნისტური პარტიის მანიფესტის“ თანაავტორი; ავტორი ნაშრომებისა მარქსთან ერთად: „გერმანული იდეოლოგია“, „წმინდა ოჯახი“, „სტატეები ჩრდილოეთ ამერიკაში სამოქალაქო ომის შესახებ“, „კაპიტალი“; და-

მოუკიდებლად: „მუშათა კლასის მდგომარეობა ინგლისში“, „გლახთა ომები გერმანიაში“, „რევოლუცია და კონტრრევოლუცია გერმანიაში“, „ანტი-დიურინგი“, „სოციალიზმის განვითარება უტოპიიდან მეცნიერებაამდე (ბუნების დიალექტიკა)“, „ოჯახის, კერძო საკუთრებისა და სახელმწიფოს წარმოშობა“, „ლუდვიგ ფოიერბახი და გერმანული კლასიკური ფილოსოფიის დასასრული“...

26. **ფრანსუა VI დე ლაროშფუკო (გვ. 84)** — 1613-1680 წ.წ. ცნობილი ფრანგი ფილოსოფოსი-მორალისტი; „მაქსიმებისა“ და „ემეუარების“ ავტორი.
27. **ვოლტერი (ფრანსუა მარი არუე, გვ. 84)** — 1694-1778 წ.წ. დიდი ფრანგი ფილოსოფოსი-განმანათლებელი; მწერალი, პოეტი, სატირიკოსი, ისტორიკოსი და პუბლიცისტი; ადამიანის უფლებათა დამცველი; ვოლტერიანელობის ფუძემდებელი. 28 კლასიკური ტრაგედიის ავტორი, მათ შორის: „ოიდიპოსი“, „ბრუტუსი“, „კეისარი“, „ალ-ზირა“, „მუჰამედი“, „მეროპა“, „სემირამიდა“, „ჩინური ობლობა“, „ტანკრედი“... ავტორი ფილოსოფიური რომანებისა: „ბაბუკის მოჩვენება“, „ზადიგი ანუ ბედისწერა“, „მოკრომეგასი“, „კანდიდი“, „ზღაპარი ბაბილონელ პრინცესაზე“, „შცარმენტადო“ და სხვა.
28. **პლატონი (გვ. 84)** — ძვ.წ. 427-347 წ.წ. დიდი ბერძენი ფილოსოფოსი; სოკრატეს მოწაფე და არისტოტელეს მასწავლებელი. ფილოსოფიური დიალოგების ავტორი.
29. **ტაღეირანი (შარლ მორის დე ტაღეირან-პერიგორი, გვ 84)** — 1754-1838 წ.წ. ფრანგი სახელმწიფო მოღვაწე, პოლიტიკოსი და დიპლომატი; იყო სასულიერო პირი — ეპისკოპოსი; საფრანგეთის საგარეო საქმეთა მინისტრი; თავისივე ირონიული განცხადებით, პოლიტიკური კარიერის განმავლობაში თოთხმეტ ხელისუფლებასთან დადო ერთგულების ფიცი და არცერთი არ შეუსრულებია.
30. **სტეფან მალარმე (გვ. 84)** — 1842-1898 წ.წ. ფრანგი პოეტი-სიმბოლისტი; მისმა პოეზიამ მნიშვნელოვანი გავლენა იქონია ცისფერყანწილებზე (გალაკტიონ ტაბიძე, ტიციან ტაბიძე, პაოლო იაშვილი, ვალერიან გაფრინდაშვილი, კოლაუ ნადირაძე, შალვა აფხაიძე, სანდრო ცირეკიძე...).
31. **დედა ტერეზა (აგნეს გოჯა ბოიაჯუ, გვ. 88)** — 1910-1997 წ.წ. ალბანური წარმოშობის მაკედონელი კათოლიკე მონაზონი. „ქველმოქმედების მისიონერი“; ნობელის მშვიდობის პრემიის ლაურეატი; გარდაცვალების შემდეგ რომის პაპმა იოანე-პავლე II წმინდანად შერაცხა; აღიარებულია XX საუკუნის სიკეთისა და სათნოების სიმბოლოდ.
32. **საშა (ალექსი) გეგეჭკორი (გვ. 101)** — 1887-1928 წ.წ. რევოლუციონერი-ბოლშევიკი; სოფლის მეურნეობის მინისტრი საბჭოთა მთავრობაში. ნინო გეგეჭკორის ბიძა. სიცოცხლე დაამთავრა თვითმკვლელობით.
33. **სვეტლანა ალილუევა (მოგვიანებით — ლანა პეტერსი, გვ. 103)** — დაიბადა 1926 წ. იოსებ სტალინისა და მისი მეორე ცოლის, ნადეჟდა ალილუევას ქალიშვილი. ისტორიკოსი, ფოლოლოგი და მთარგმნელი; 1967 წელს წავიდა ემიგრაციაში (ინდოეთში); 1984 წელს დაბრუნდა საბჭოთა კავშირში და საჯაროდ მოინანია თავისი საქციელი. ორი წლის შემდეგ ისევ წავიდა — ამჯერად აშშ-ში. არის ოთხი მემუარული წიგნის



ავტორი: „ოცი წერილი მეგობარს“, „მხოლოდ ერთი წელიწადი“, „ნიგნი ჩემი შვილიშვილებისთვის: „მოგზაურობა სამშობლოში“, „შორეული მუსიკა“. ამჟამად ცხოვრობს აშშ-ში, ვისკონსინის შტატში.

34. **სერგო ბერია (გვ. 105)** — 1924-1998 წ.წ. ფიზიკოსი, პროფესორი, რადიოლოკაციური სისტემების ცნობილი სპეციალისტი. ავტორი ნიგნის „მამაჩემი ლავრენტი ბერია“.
35. **იოჰან პეტერ ეკერმანი (გვ. 110)** — 1792-1854 წ.წ. გერმანელი პოეტი, მწერალი და ლიტერატურისმცოდნე. თითქმის ათი წელიწადი გაატარა გოეთეს გვერდით და გერმანული პუნქტუალობით ჩაინერა დიდი პოეტისა და მოაზროვნის გამონათქვამები. მის ნაწარმოებს ასეც ეწოდება — „გოეთეს საუბრები ეკერმანთან“.
36. **ბაგრატიონი (გვ. 116)** — საქართველოს სამეფო დინასტია 809-1810 წლებში. საკუთარ წარმოშობას ბაგრატიონები ბიბლიურ დავით წინასწარმეტყველს უკავშირებდნენ. ამ საგვარეულოს პირველი წარმომადგენელი საქართველოში იყო ქართლის ერისმთავარი 575-590 წლებში გუარამ I კურაპალატი.
37. **„თუმცა, ხელისუფლებამ გადაწყვეტილება მაინც ნაჩქარევად და ასეთ შენთხვევაში გათვალისწინებული საპროცესო ნორმების უგულვებლყოფით მიიღო...“ (გვ. 118)** — ავტორი გულისხმობს იმ ფაქტს, რომ ისტორიული ქართული დროშა მიიღეს სათანადო თეორიული დასაბუთების გარეშე და პარამეტრების დაუდგენლად, ხოლო გერბს საერთო არაფერი აქვს ქართულ ისტორიულ გერბთან.
38. **„ბაღუაშ-ორბელიანები, კონსტანტინე და გიორგი ბატონიშვილები“ — (გვ. 121)** — იგულისხმება ძლევამოსილი ქართველი დიდებულები, რომელთა თავკერძობა ალაგმა დავით IV აღმაშენებელმა; კონსტანტინე ბატონიშვილი, იგივე კოსტან-მირზა, შაჰ-აბასის კარზე აღზრდილი ქართველი უფლისწული, რომელმაც 1608 წლის 12 მარტს, შაჰისვე დავალებით ალავერდის ტაძარში მოკლა მამა — მეფე ალექსანდრე მეორე და ძმა — გიორგი; ინფორმაცია გიორგი ბატონიშვილზე (ავ-გიორგი) იხ. გვ. 59.
39. **იოანე-პავლე II (ერისკაცობაში კაროლ იოზეფ ვოიტილა, გვ. 136)** — 1920-2005 წ.წ. რომის პაპი 1978-2005 წ.წ. პაპობის ისტორიაში პირველი არაიტალიელი წმინდა პეტრეს ტახტზე.
40. **მარგარეტ ტეტჩერი (გვ. 138)** — დაიბადა 1925 წელს; ბრიტანელი სახელმწიფო და პოლიტიკური მოღვაწე; კონსერვატიული პარტიის ლიდერი; დიდი ბრიტანეთის პრემიერ-მინისტრი 1979-1990 წ.წ. 2002 წელს პოლიტიკური სარბიელი სამუდამოდ დატოვა. ისტორიაში შევიდა „რკინის ლედის“ სახელით.
41. **გერონტი ქიქოძე (გვ. 143)** — 1885-1960 წ.წ. ქართველი მწერალი, კრიტიკოსი, მთარგმნელი და ლიტერატურისმცოდნე. კლასიკურადაა მიჩნეული ფრანგულიდან მის მერ თარგმნილი: „წითელი და შავი“, „ტრისტან და იზოლდა“, „იტალიური ქრონიკები“, „შაგერენის ტყავი“, პროსპერ მერიმეს მოთხრობები და სხვა.
42. **მიხეილ ჯავახიშვილი (გვ. 143)** — 1880-1937 წ.წ. ქართველი მწერალი, ჟურნალისტი და საზოგადო მოღვაწე; რომანებისა („არსენა მარაბ-

დელი“, „თეთრი საყელო“, „ჯაყოს ხიზნები“) და მრავალი მოთხრობის ავტორი. სიკვდილი დასაჯეს 1937 წელს „მავნებლური ანტისაბჭოთა მოღვაწეობისთვის.“

43. **ტიციან ტაბიძე (გვ. 143)** — 1893-1937 წ.წ. გამორჩენილი ქართველი პოეტი და საზოგადო მოღვაწე; ცისფერყანწელი; დახვრიტეს 1937 წელს ანტისაბჭოთა პროპაგანდის ბრალდებით.
44. **გრიგოლ რობაქიძე (გვ. 143)** — 1882-1962 წ.წ. ქართველი მწერალი, პუბლიცისტი და საზოგადო მოღვაწე; ფილოსოფიის დოქტორი; ანტიბოლშევიკი; მოღვაწეობდა გერმანიაში; გერმანული ნაციზმის თანამგრძობი. საქართველოს მწერალთა კავშირის დაარსების ერთ-ერთი ინიციატორი (1917 წ.) ავტორი რომანებისა „ფალესტრა“, „გველის პერანგი“, „იმამ შამილი“... გარდაიცვალა ჟენევაში. დასაფლავებულია ლევილში, პარიზის გარეუბანში.
45. **ზურაბ კაკაბაძე (გვ. 144)** — 1926-1982 წ.წ. ქართველი ფილოსოფოსი, პოეტი და მთარგმნელი; ავტორი ნაშრომებისა: „ხელოვნება, ფილოსოფია, ცხოვრება“; „ფილოსოფიური საუბრები“; „აღამიანი, როგორც ფილოსოფიური პრობლემა“, „ხელოვნების ნაწარმოების გაგების პრობლემა“ და სხვა.
46. **გიორგი (გოგლა) ლეონიძე (გვ. 144)** — 1899-1966 წ.წ. ქართველი მწერალი, პოეტი და საზოგადო მოღვაწე; საქართველოს სახალხო პოეტი; საქართველოს მეცნიერებათა აკადემიის აკადემიკოსი.
47. **უინსტონ ჩერჩილი (სერ უინსტონ ლეონარდ სპენსერ ჩერჩილი, გვ. 144)** — 1874-1965 წ.წ. ბრიტანელი პოლიტიკოსი, საზოგადო მოღვაწე, მწერალი, ორატორი და მხატვარი; დიდი ბრიტანეთის პრემიერ-მინისტრი 1940-1945 და 1951-1955 წ.წ. ფაშისტური გერმანიის წინააღმდეგ საერთაშორისო კოალიციის შექმნის ერთ-ერთი მთავარი ორგანიზატორი. ნობელის პრემიის ლაურეატი ლიტერატურის დარგში. ისტორიკოსების აზრით, „ჩერჩილის გარეშე XX საუკუნის ისტორიის დაწერა შეუძლებელია“.
48. **ვოლფგანგ ამადეუს მოცარტი (გვ. 145)** — 1756-1791 წ.წ. ავსტრიელი კომპოზიტორი; გენიალური ოპერების („მოტაცება სერალიდან“, „ფიგაროს ქორწინება“, „დონ ჟუანი“, „ასე იქცევა ყველა ქალი“, „ჯადოსნური ფლეიტა“), სიმფონიების, სხვა მუსიკალური ნაწარმოებების ავტორი.
49. **ფრედერიკ ფრანციშეკ შოპენი (გვ. 145)** — 1810-1849 წ.წ. დიდი პოლონელი კომპოზიტორი და პიანისტი; პოლონელების, ნოქტიურნების, ვალსების, ბალადების ავტორი. წერდა, ძირითადად, ფორტეპიანოსთვის.
50. **ერნესტ მილერ ჰემინგუეი (გვ. 157)** — 1899-1961 წ.წ. ამერიკელი ჟურნალისტი და მწერალი; ნობელის პრემიის ლაურეატი; ავტორი დოკუმენტური პროზის, მოთხრობების და რომანებისა „აღმოხდების მზე“, „მშვიდობით, იარაღო!“ „იქ, სადაც სინათლე და სისპეტაკეა“, „ქონა და არქონა“, „ვის უხმობს ზარი“, „მდინარის გაღმა, ხეების ჩრდილქვეშ“, „მოხუცი და ზღვა“, „კილიმანჯაროს თოვლიანი მთა“, „ედემის ბაღები“, „მარტინ იდენი“...
51. **სოლომონ დოდაშვილი (გვ. 159)** — 1805-1836 წ.წ. ქართველი ფილოსოფოსი, პუბლიცისტი, ლიტერატორი და საზოგადო მოღვაწე; პირვე-

ლი ქართული რუსულენოვანი გაზეთის „ტიფლისსკიე ვედემოსტი“ დამაარსებელი და რედაქტორი (გამოდიოდა 1828-1832 წ.წ.); 1832 წლის აჯანყების მონაწილე; ავტორი სამეცნიერო ნაშრომებისა „ლოგიკა“ (რუსულ ენაზე) და „ქართული ღრამატიკა“. გარდაიცვალა გადასახლებაში, ვიატკაში.

52. **ივანე ჯავახიშვილი (გვ. 181)** — 1876-1940 წ.წ. ქართველი ისტორიკოსი და საზოგადო მოღვაწე; პირველი ქართული უნივერსიტეტის თანადამფუძნებელი (1818 წ.); საქართველოს და კავკასიის ისტორიის სამეცნიერო სკოლის ერთ-ერთი ფუძემდებელი; საბჭოთა კავშირის და საქართველოს მეცნიერებათა აკადემიების წევრი; ავტორი ნაშრომებისა: „ძველი ქართული საისტორიო მწერლობა“, „ქართული ნუმისმატიკა“, „ქართული დიპლომატიკა“, „ქართველი ერის ისტორია“ (ხუთ წიგნად), „საქართველოს საზღვრები“, „საქართველოს ეკონომიკური ისტორია“, „ქართული სამართლის ისტორია“...
53. **დავით გურამიშვილი (გვ. 182)** — 1705-1792 წ.წ. გამოჩენილი ქართველი პოეტი და მოაზროვნე; რუსეთის არმიის ოფიცერი; მონაწილეობდა რუსეთ-ოსმალეთის, რუსეთ-შვედეთისა და რუსეთ-პრუსიის ომებში. 1759 წლიდან სიცოცხლის ბოლომდე ცხოვრობდა უკრაინაში, მირგოროდში. ავტორი ფილოსოფიური პოეტური ნაწარმოებების კრებულისა „დავითიანი“.
54. **გალაკტიონ ტაბიძე (გვ. 182)** — 1891-1959 წ.წ. დიდი ქართველი პოეტი; სიმბოლისტი და ცისფერყანწელი; საქართველოს სახალხო პოეტი; საქართველოს მეცნიერებათა აკადემიის აკადემიკოსი; „საქართველოს პოეტების მეფე“; 1959 წლის 17 მარტს სიცოცხლე თვითმკვლელობით დაამთავრა.
55. **ტერენტი გრანელი (კვირკველია, გვ. 183)** — 1897-1934 წ.წ. ქართველი პოეტი და პუბლიცისტი.
56. **გი დე მოჰასანი (ანრი რენე ალბერ გი დე მოჰასანი, გვ. 183)** — 1850-893 წ.წ. გამოჩენილი ფრანგი მწერალი და ჟურნალისტი; მისი მოთხრობების პირველი კრებული (1881 წ.) „ტელიეს სახლი“ ორ წელიწადში თორმეტჯერ გამოიცა. ავტორი გახმაურებული რომანებისა: „წუთისოფელი“, „პიერი და ჟანი“, „ლამაზი მეგობარი“.
57. **“შენნაირი გაქანების კაცი რომ ერმა დაიმახსოვროს, სულ ცოტა, სვეტიცხოველი უნდა დანვა...” (გვ. 185)** — იგულისხმება ისტორიაში შესვლის აკვიატებული იდეით შეპყრობილი ვინმე ჰეროსტრატე, რომელმაც ძვ.წ. 356 წლის 20 ივლისს გადანვა ძველი მსოფლიოს ერთ-ერთი საოცრება — არტემიდას ტაძარი ეფესოში.
58. **ერნესტო ჩე გევარა (რაფაელ გევარა ლინჩ დე ლა სერნა, 191)** — 1928-1967 წ.წ. კუბელი რევოლუციონერი, ფიდელ კასტროს თანამებრძოლი; პროფესიით ექიმი-ქირურგი; კომუნისტური პარტიის წევრი; მრეწველობის მინისტრი კასტროს ხელისუფლებაში (1961-1964 წ.წ.); რევოლუციის ექსპორტის იდეოლოგი და შემსრულებელი. მოკლეს ბოლივიაში რევოლუციის მონაწილის მცდელობისთვის.
59. **ზურაბ ჟვანია (გვ. 191)** — 1963-2005 წ.წ. ქართველი პოლიტიკოსი;

საქართველოს „მწვანეთა პარტიის“ დამაარსებელი და ლიდერი; საქართველოს „მოქალაქეთა კავშირის“ (მმართველი პარტია პრეზიდენტ შვეარდნაძის დროს, 1994-2003 წ.წ.) გენერალური მდივანი; საქართველოს პარლამენტის თავჯდომარე და პრემიერ-მინისტრი; გაურკვეველ ვითარებაში დაიღუპა 2005 წლის 3 თებერვალს.

60. **ზურაბ კაკაბაძე (გვ. 144)** — 1926-1982 წ.წ. ქართველი ფილოსოფოსი, პოეტი და მთარგმნელი; ავტორი ნაშრომებისა: „ხელოვნება, ფილოსოფია, ცხოვრება“; „ფილოსოფიური საუბრები“; „ადამიანი, როგორც ფილოსოფიური პრობლემა“, „ხელოვნების ნაწარმოების გაგების პრობლემა“ და სხვა.
61. **მარატი, დანტონი, დემულენი, რობესპიერი, კუტონი... — (გვ. 191)** — იაკობინური მოძრაობისა და საფრანგეთის დიდი რევოლუციის (1789-1793 წ.წ.) დიდი ლიდერები. აღსანიშნავია, ამ და სამ ათასამდე სხვა რევოლუციონერმა სიცოცხლე გილიოტინაზე დაასრულეს (გარდა მარატისა, რომელიც საკუთარ სანოლში ხანჯლით აჩეხა შარლოტა კორდემ). სიმბოლურად, გილიოტინაზე თავი მოჰკვეთეს იმ ადამიანებსაც (მაგალითად, მაქსიმილიან რობესპიერს), რომლებმაც განაჩენის აღსრულებაზე სიცოცხლე თვითმკვლელობით დაასრულეს.
62. **ალექსანდრე დიუმა (მამა, გვ. 192)** — 1802-1870 წ.წ. გამოჩენილი ფრანგი მწერალი, დრამატურგი და ჟურნალისტი; ავტორი სათავგადასავლო და ისტორიული რომანებისა: „სამი მუშკეტერი (ტრილოგია), „გრაფი მონტე-კრისტო“, „ორი დიანა“, „დედოფალი მარგო“, „ჰენრი მეოთხის ცხოვრება“, „შავი ტიტა“ და მრავალი სხვა.
63. **ნაპოლეონ ბონაპარტე (გვ. 193)** — 1769-1821 წ.წ. ფრანგი სახელმწიფო, პოლიტიკური და სამხედრო მოღვაწე; ერთ-ერთი უდიდესი სტრატეგი და მხედართმთავარი კაცობრიობის ისტორიაში; საფრანგეთის დიდი რევოლუციის შემდეგ პირველი კონსული და შემდეგ იმპერატორი (1804-1815 წ.წ.). უდიდესი დამპყრობელი და რეფორმატორი. გარდაიცვალა გადასახლებაში, ატლანტის ოკეანის სამხრეთში მდებარე წმ. ელენეს კუნძულზე.
64. **ბურბონები (გვ. 194)** — ფრანგული არისტოკრატიული წარმოშობის საგვარეულო. საფრანგეთის მეფეები 1589-1830 წ.წ. ესპანეთის მეფეები 1700 წლიდან დღემდე; ვანდომის, ორლეანის და პარმის ჰერცოგები; კონდესა და კონტის პრინცები; სუვერენული და ნომინალური ჰერცოგები... სამეფო საგვარეულო სათავეს იღებს ცნობილი კაპეტინგების სამეფო სახლიდან (რობერ კაპეტინგი 1256-1317 წ.წ.).
65. **სპარტაკი (გვ. 194)** — დაბადების თარიღი უცნობია. გარდაიცვალა ძვ. წ. 71 წელს. მსოფლიოს ისტორიაში მონათა უდიდესი აჯანყების მეთაური (74-71 წ.წ.) წარმოშობით — თრაკიელი; რომაელების წინააღმდეგ ბრძოლისას ტყვედ ჩავარდა და გაქცევის მცდელობის შემდეგ გაჰყიდეს გლადიატორად ქალაქ კაპუაში. აქედან დაიწყო მონათა აჯანყება სპარტაკის მეთაურობით, რომელიც თითქმის სამი წლის განმავლობაში გაგრძელდა და საბოლოოდ მარცხით დამთავრდა. თვითონ სპარტაკი ბრძოლაში დაიღუპა.

66. **ემელიან პუგაჩოვი (გვ. 194)** — 1742-1775 წ.წ. დონელ კაზაკთა ატამანი; იმპერატორ ეკატერინე მეორის წინააღმდეგ კაზაკთა გრანდიოზული აჯანყების მეთაური (1773-1774 წ.წ.). თავს ასაღებდა იმპერატორ პეტრე III. სიკვდილით დასაჯეს მოსკოვში 1775 წლის 10 იანვარს.
67. **უტუ მიქავა (გვ. 194)** — 1812-1878 წ.წ. წალენჯიხელი გლეხი, მჭედელი და ზეინკალი; სამეგრელოს გლეხთა აჯანყების მეთაური (1856-1857 წ.წ.).
68. **ანდრი ვიშინსკი (გვ. 196)** — 1883-1954 წ.წ. საბჭოთა მეცნიერი, პოლიტიკური და სახელმწიფო მოღვაწე; იურისტი და დიპლომატი; საბჭოთა კავშირის მეცნიერებათა აკადემიის აკადემიკოსი; სახკომსაბჭოს თავჯდომარის მოადგილე; საგარეო საქმეთა მინისტრი; გენერალური პროკურორი; სამართლის თეორეტიკოსი და „რეფორმატორი“. 40-იანი წლების ბოლოს მისი ინიციატივით გატარებული სამართლებრივი რეფორმების წყალობით, კანონს ენიჭებოდა უკუქცევითი ძალა, ხოლო ექვმიტანილის აღიარება მიჩნეული იყო „მტკიცებულებათა დედოფლად“, რაც უსაზღვრო მასშტაბებს ანიჭებდა ბოლშევიკურ რეპრესიებს.
69. **მაო ძე დუნე (გვ. 196)** — 1893-1976 წ.წ. ჩინური კომუნიზმის ფუძემდებელი და მთავარი იდეოლოგი; ჩინეთის კომუნისტური პარტიისა და მისი შეიარაღებული ძალების შემქმნელი; ჩინეთის პოლიტიკური და სამხედრო ლიდერი გასული საუკუნის 30-იანი წლებიდან; ჩინეთის სახალხო რესპუბლიკის ერთპიროვნული მმართველი 1949-1976 წ.წ. ჩინეთში ე.წ. „კულტურული რევოლუციის“ ორგანიზატორი, რომელმაც მრავალი მილიონი ადამიანის სიცოცხლე შეინირა; „თავმჯდომარე მასო“ კულტი XXI საუკუნის დასაწყისის ჩინეთშიც ძალიან აქტუალურია.
70. **ფიდელ კასტრო (ფიდელ ალესანდრო კასტრო რუსი, გვ. 196)** — დაიბადა 1926 წელს. კუბის კომუნისტური პარტიის წევრი; 1959 წლის 1 იანვარს, სამხედრო გადატრიალებისა და დიქტატორ ბატისტას დამხობის შემდეგ, როგორც პრემიერ-მინისტრი, სათავეში ჩაუდგა კუბის ხელისუფლებას. 1976-დან 2008 წლამდე ერთდროულად იყო კუბის პრეზიდენტი, სახელმწიფო საბჭოს თავმჯდომარე, პრემიერ-მინისტრი და უმაღლესი მთავარსარდალი. 2008 წელს, ჯანმრთელობის გაუარესების გამო ძალაუფლება უმცროს ძმას, რაულ კასტროს გადააბარა.
71. **მუამარ კადაფი (მუამარ ბენ მუჰამედ აბუ მენიარ აბდ ას-სალამ ბენ ჰამიდ ალ-კადაფი, გვ. 196)** — დაიბადა 1942 წელს მწყემსი ბედუინის ოჯახში; ლიბიის სახელმწიფოს მეთაური 1970 წლიდან (საერთო-სახალხო კონგრესის გენერალური მდივანი, პრემიერ-მინისტრი და თავდაცვის მინისტრი). მარქსისტი; ხელისუფლების სათავეში მივიდა მისი ხელმძღვანელობით განხორციელებული რევოლუციის (სახელმწიფო გადატრიალების) შედეგად, რომელმაც დაამხო მეფე იდრის I ხელისუფლება. აღიარებულია საერთაშორისო ტერორიზმის მფარველად და მსოფლიოს 1 ტერორისტად.
72. **სადამ ჰუსეინი (სადამ ჰუსეინ აბდ ალ-მაჯიდ ათ-თიქრითი, გვ. 196)** — 1937-2006 წ.წ. ერაყელი სამხედრო და პოლიტიკური მოღვაწე; დაიბადა მეცხვარის ოჯახში ქალაქ თიქრითთან ახლოს; ერაყის პრემიერ-მინ-

ისტრი 1979-2003 წ.წ. პრეზიდენტი — 1994-2003 წ.წ. მმართველი ბაასის პარტიის გენერალური მდივანი; ერაყის მარშალი და რევოლუციური სამხედრო საბჭოს თავმჯდომარე; 1980 წელს წამოიწყო ომი ირანთან, რომელიც 8 წლის განმავლობაში გაგრძელდა; ბრალად ედება ერაყელი ქურთებისა და შიიტების გენოციდი; 2003 წლის მარტში, იმ მოტივით, რომ საიდუმლოდ მზადდებოდა ბირთვული იარაღი, აშშ ინიციატივით ერაყში კოალიციური ჯარები შევიდა, რომელმაც ძალიან სწრაფად დაამხო სადამის ხელისუფლება. იმავე წლის 13 დეკემბერს სადამ ჰუსეინი შეიპყრეს, 2006 წლის 30 დეკემბერს სიკვდილით დასაჯეს.

73. **სო ში მინი (ნგუენ შინ კუნგი, ნგუენ ტატ თხანი, ნგუენ აი კუო-კი, გვ, 196)** — 1890-1969 წ.წ. მსოფლიო კომუნისტური მოძრაობის აქტივისტი, საბჭოთა კომუნისტური სკოლის აღზრდილი, საფრანგეთის კომუნისტური პარტიის წევრი, ინდოჩინეთისა და ვიეტნამის კომუნისტური პარტიების დამაარსებელი, ვიეტნამის სოციალისტური გადატრიალების ორგანიზატორი, ვიეტნამის პრემიერ მინისტრი და პრეზიდენტი 1946-1969 წ.წ. ჩრდილოეთ ვიეტნამისთვის დღესაც ურყევი ავტორიტეტი, ყველა ხალხის და ყველა დროის უბრძნესი ბელადი.
74. **„უმორჩილესად ვთხოვ ჯონდის მასწავლებელს, ამის წამკითხველი გულში ტყვიას ნუ დაიხლის“ (გვ. 200)** — იგულისხმება აკაკი წერეთლის ცნობილი პოემის, „გამზრდელის“ პერსონაჟი ჰაჯი უსუბი, რომელმაც თავისი ნამონაფარის დანაშაულის გამო თავი მოიკლა.
75. **ფულხენსიო ბატისტა (გვ. 211)** — 1901-1973 წ.წ. კუბის დიქტატორი 1933-1944 და 1952-1958 წლებში. ფიდელ კასტროს რაზმების შეტევისგან თავის არიდების მიზნით, კუბიდან ესპანეთში გაიქცა 1959 წლის პირველ იანვარს.
76. **შარლ დე გოლი (გვ. 218)** — 1890-1970 წ.წ. ფრანგი სამხედრო და პოლიტიკური მოღვაწე; მეორე მსოფლიო ომის დროს საფრანგეთის გათავისუფლების მოძრაობის ლიდერი და დროებითი მთავრობის თავჯდომარე; საფრანგეთის პრეზიდენტი 1958-1969 წ.წ.
77. **გუსტავ ფლობერი (გვ. 218)** — 1821-1880 წ.წ. ფრანგი რომანისტი, ავტორი გახმაურებული რომანებისა: „მადამ ბოვარი“, „გრძნობების დამორჩილება“, „ბუვარი და პეკიუშე“, „სალამბო“.
78. **პოლიკარპე კაკაბაძე (გვ. 226)** — 1893-1972 წ.წ. ქართველი დრამატურგი; ავტორი პიესებისა: „გზაჯვარედინზე“, „სისხლი სინათლემდე“, „სამი ასული“, „ლისაბონის ტუსალები“, „კოლმეურნის ქორწინება“, „ციცინათელა“, „პეკრობა“, „კახაბერის ხმალი“... საყოველთაო აღიარება მოუტანა პიესამ „ყვარყვარე თუთაბერი“.
79. **ყვარყვარე (გვ. 226)** — ქართულ ლიტერატურაში კონფორმიზმისა და ფარისევლობის სიმბოლოდ აღიარებული პოლიკარპე კაკაბაძის ამავე სახელწოდების პიესის პერსონაჟი.
80. **მამარდაშვილი მერაბ (გვ. 249)** — 1930-1990 წ.წ. ცნობილი ქართველი ფილოსოფოსი და საზოგადო მოღვაწე. ავტორი ნაშრომებისა: „აზროვნების ფორმები და შიგთავსები“, „სიმბოლო და ეჭვი“, „რაციონალიზმის კლასიკური და არაკლასიკური იდეალები“, „როგორ მესმის ფი-

ლოსოფია“, „კარტეზიანული განსჯანი“, „კარტეზიანული ვარიაციები“, „შემეცნების ისარი“, „ლექციები ანტიკურ ფილოსოფიაში“.

81. **ნიკო ჭავჭავაძე (გვ. 249)** — 1923-1997 წ.წ. ქართველი ფილოსოფოსი და საზოგადო მოღვაწე; საქართველოს მეცნიერებათა აკადემიის აკადემიკოსი; მეორე მსოფლიო ომის მონაწილე; საქართველოს ფილოსოფიის ინსტიტუტის დირექტორი 30 წლის განმავლობაში; ავტორი ნაშრომებისა: „ესთეტიკის საკითხები“, „ესთეტიკური საგნის ბუნებისათვის“, „კულტურა და ღირებულებები“.
82. **ჰერბერტ სპენსერი (გვ. 268)** — 1820-1903 წ.წ. ინგლისელი ფილოსოფოსი და სოციოლოგი; ევოლუციონიზმის ერთ-ერთი ფუძემდებელი; ავტორი ნაშრომებისა: „სინთეტური ფილოსოფიის სისტემა“, „ადამიანი და სახელმწიფო“, „ფილოსოფია და რელიგია“, „სახელმწიფო ხელისუფლების აუცილებელი საზღვრები“, „გონებრივი, მორალური და ფიზიკური აღზრდა“, „ეთიკის შესახებ“, „სამართლიანობა“, „მეცნიერული, პოლიტიკური და ფილოსოფიური ესსეები“.
83. **არტურ შოპენჰაუერი (გვ. 268)** — 1788-1860 წ.წ. გერმანელი ფილოსოფოსი, ირაციონალიზმის ერთ-ერთი უდიდესი წარმომადგენელი; მისტიკოსი; ავტორი ნაშრომებისა: „მხედველობისა და ფერბის შესახებ“, „სამყარო, როგორც ნებელობა და წარმოდგენა“, „ნებელობის თავისუფლების შესახებ“, „მორალის საფუძვლების შესახებ“, „ეთიკის ორი ძირითადი პრობლემა“.
84. **ჯორჯ ორუელი (ერიკ არტურ ბლერი, გვ. 270)** — 1903-1950 წ.წ. ინგლისელი მწერალი და ესსეისტი; ავტორი გახმაურებული რომანებისა: „ცხოველების ფერმა“ და „1984“.
85. **ერიხ ფრომი (გვ. 273)** — 1900-1980 წ.წ. გერმანელი ფილოსოფოსი, სოციალური ფსიქოლოგი და ფსიქოანალიტიკოსი; ავტორი ნაშრომებისა: „გაცქევა თავისუფლებიდან“, „ადამიანი საკუთარი თავისთვის“, „ადამიანური დესტრუქციულობის ანატომია“, „ფროიდის თეორიის დიდებულება და შეზღუდულობა“, „სიყვარულის ხელოვნება“, „ფსიქოანალიზის კრიზისი“...
86. **ეპიკურე (გვ. 276)** — 341-270 წ.წ. ძვ. წ. ბერძენი ფილოსოფოსი, მორალისტი და ათეისტი. ეპიკურიზმის ფუძემდებელი ფილოსოფიაში; სამასამდე ნაშრომის ავტორი.
87. **იმანუილ კანტი (გვ. 276)** — 1724-1804 წ.წ. გერმანელი ფილოსოფოსი, გერმანული კლასიკური ფილოსოფიის ფუძემდებელი. ავტორი ნაშრომებისა: „წმინდა გონების კრიტიკა“, „პრაქტიკული გონების კრიტიკა“, „ზნეობრიობის მეტაფიზიკის საფუძვლები“, „ბერდება თუ არა დედამიწა ფიზიკური თვალსაზრისით“, „ლექციები ეთიკაზე“ ...
88. **სიორენ კიერკეგორი (გვ. 276)** — 1813-1855 წ.წ. დანიელი ფილოსოფოსი, თეოლოგი და მწერალი, თანამედროვე ეგზისტენციალიზმის ერთ-ერთი ფუძემდებელი. ავტორი ნაშრომებისა: „ჯერ კიდევ ცოცხლის ჩანაწერებიდან“, „ირონიის გაგებისათვის“, „ჭკუისსასწავლებელი სიტყვები“, „შიშის გაგებისათვის“, „შიში და თრთოლვა“, „ქრისტიანობის შესავალი“...

89. **ბენედიქტე სპინოზა (ბარუხ დე სპინოზა, გვ. 276)** — 1632-1677 წ.წ. ებრაული წარმოშობის ნიდერლანდელი ფილოსოფოსი; ახალი დროების ფილოსოფიის (რაციონალიზმის) ერთ-ერთი უდიდესი წარმომადგენელი; ავტორი ნაშრომებისა: „ეთიკა“, „საღვთისმეტყველო-პოლიტიკური ტრაქტატი“, „ღმერთის, ადამიანისა და მისი ბედნიერების შესახებ“, „ტრაქტატი გონის სრულყოფილების შესახებ“, „პოლიტიკური ტრაქტატი“.
90. **ჰეგელი (გეორგ ფრიდრიხ ვილჰელმ ჰეგელი, გვ. 276)** — 1770-1831 წ.წ. გერმანელი ფილოსოფოსი; გერმანული კლასიკური ფილოსოფიის უდიდესი წარმომადგენელი; ავტორი ნაშრომებისა „სულის ფენომენოლოგია“; „ლოგიკა“, „სამართლის ფილოსოფია“, „ნატურფილოსოფია“, „ისტორიის ფილოსოფია“, „რელიგიის ფილოსოფია“, „ლექციები ესთეტიკაში“, „ქრისტიანობის არსი და მისი მომავალი“...
91. **თომას ჰობსი (გვ. 276)** — 1588-1679 წ.წ. ინგლისელი ფილოსოფოსი, სახელმწიფოს წარმოშობისა და საზოგადოებრივი შეთანხმების თეორიის ფუძემდებელი; ავტორი ნაშრომებისა „ფილოსოფიის საფუძვლები (ფილოსოფიური ტრილოგია)“, „ლევიათანი, ანუ სასულიერო და საერო სახელმწიფოს ფორმა და ძალაუფლება“.
92. **გოტჰოლდ ევრაიმ ლესინგი (გვ. 289)** — 1729-1781 წ.წ. დიდი გერმანელი მწერალი, ფილოსოფოსი და განმანათლებელი; ავტორი პიესებისა: „ახალგაზრდა მეცნიერი“, „ქალთა მოძულე“, „შინაბერა“, „ებრაელები“, „თავისუფლად მოაზროვნე“, „მის სარა სამფსონი“, „მინა ფონ ბარნჰელმი“, „ემილია და გალოტი“, „ნათან ბრძენი“...
93. **ბენიტო ამილკარე ანდრეა მუსოლინი (გვ. 289)** — 1883-1945 წ.წ. ფაშისტების ფუძემდებელი და პროპაგანდისტი; იტალიაში ფაშისტური გადატრიალების ორგანიზატორი 1922წ. იტალიის დიქტატორი 1922-1945 წლებში.
94. **პლუტარქე (გვ. 289)** — ძვ. წ. დაახლოებით 46-130 წ.წ. კაცობრიობის ისტორიაში ერთ-ერთი ყველაზე ცნობილი და პოპულარული ბერძენი მწერალი, ლიტერატორი, ფილოსოფოსი და ისტორიკოსი; სახელგანთქმული „პარალელური ბიოგრაფიების“ ავტორი.
95. **დავით IV აღმაშენებელი (ბაგრატიონი, გვ. 312)** — 1073-1125 წ.წ. საქართველოს მეფე 1089-1125 წ.წ. „მეფე აფხაზთა, ქართველთა, რანთა და სომეხთა“; საქართველოს გამაერთიანებელი და ერთ-ერთი ყველაზე გამოჩენილი მეფე საქართველოს ისტორიაში; ძირეული საერო-პოლიტიკური და საეკლესიო რეფორმების ინიციატორი და განმახორციელებელი; არაბთა ბატონობისგან საქართველოს განმათავისუფლებელი.
96. **ჰენრი ალფრედ კისინჯერი (ჰაინც ალფრედ კისინგერი, გვ. 318)** — დაიბადა 1923 წელს. ამერიკელი სახელმწიფო მოღვაწე, დიპლომატი, ექსპერტი საერთაშორისო საკითხებში; აშშ რიგით 56-ე სახელმწიფო მდივანი; ნობელის პრემიის ლაურეატი; 2002 წელს აღიარეს პირველ ნომრად მსოფლიოს ას საუკეთესო ინტელექტუალს შორის.
97. **ჰელმუტ კოლი (ჰელმუტ იოზეფ მიხაელ კოლი, გვ. 318)** — დაიბადა 1930 წელს. გერმანელი სახელმწიფო და პოლიტიკური მოღვაწე; გერმანიის ფედერალური კანცლერი 1982-1998 წლებში; უდიდესი წვლილი



მიუძღვის გერმანიისა და ევროპის გაერთიანებაში, „ცივი ომის“ დამთავრებასა და „ახალი მსოფლიო წესრიგის“ შექმნაში.

- 98. ფრანკლინ დელანო რუზველტი (გვ. 318)** — 1882-1945 წ.წ. აშშ 32-ე პრეზიდენტი; ერთადერთი აშშ ისტორიაში, ვინც პრეზიდენტის პოსტზე ოთხჯერ აირჩიეს; იგი და მისი მეუღლე ელენორა ითვლებიან თანამედროვე ლიბერალური დემოკრატიის ფუძემდებლებად; სტალინთან და ჩერჩილთან ერთად, უდიდესი ღვაწლი მიუძღვის ანტიჰიტლერული კოალიციის შექმნასა და გერმანული ფაშიზმის დამარცხებაში. მოიხსენიება აშშ სამ უდიდეს პრეზიდენტს შორის.
- 99. ჯორჯ ვაშინგტონი (გვ. 318)** — 1732-1799 წ.წ. ამერიკელთა ბრიტანულ-ფრანგული კოლონიზაციის წინააღმდეგ ბრძოლის ორგანიზატორი და მეთაური; აშშ უმაღლესი მთავარსარდალი; აშშ პირველი პრეზიდენტი (1789-1797 წ.წ.) ერთ-ერთი უდიდესი პოლიტიკური მოღვაწე მსოფლიო ისტორიაში.
- 100. ჯონ ადამსი (გვ. 318)** — 1735-1826 წ.წ. აშშ ერთ-ერთი ყველაზე გავლენიანი დამაარსებელი; აშშ ვიცე პრეზიდენტი ჯორჯ ვაშინგტონის პრეზიდენტობისას (1789-1797 წ.წ.); აშშ მეორე პრეზიდენტი (1797-1801 წ.წ.); აშშ მეექვსე პრეზიდენტის, ჯონ კუინსი ადამსის მამა; ცოლთან, აბიგაილ ადამსთან ერთად, ადამსების პოლიტიკური ოჯახის დამაარსებელი.
- 101. ჯეიმს ადისონ ბეიკერი (გვ. 318)** — დაიბადა 1930 წელს; ამერიკელი პოლიტიკური მოღვაწე; პრეზიდენტ რეიგანის ადმინისტრაციის ხელმძღვანელი; აშშ 61-ე სახელმწიფო მდივანი (1989-1992 წ.წ.). 1992 წელს იმყოფებოდა საქართველოშიც და მიენიჭა „საპატიო მხედრიონელის“ წოდება.
- 102. ჰანს-დიტრიხ გენშერი (გვ. 318)** — დაიბადა 1927 წელს. გერმანელი პოლიტიკური მოღვაწე; გერმანიის თავისუფალი დემოკრატიული პარტიის წევრი; გერმანიის საგარეო საქმეთა მინისტრი 1974-1992 წ.წ. გერმანიის შინაგან საქმეთა მინისტრი 1969-1974 წ.წ. გერმანიის ბუნდესტაგის წევრი 1965-1974 წ.წ. მნიშვნელოვანი როლი შეასრულა „ცივი ომის“ დასრულებასა და „ახალი მსოფლიო წესრიგის“ ჩამოყალიბებაში; ავტორი მემუარული ხასიათის წიგნისა „მოგონებანი“.
- 103. ბისმარკი (ოტო ედუარდ ლეოპოლდ ფონ ბისმარკ-შიონჰაუზენი, გვ. 318)** — 1815-1898 წ.წ. გამოჩენილი გერმანელი დიპლომატი და პოლიტიკური მოღვაწე; გერმანიის გამაერთიანებელი და პირველი კანცლერი (1871-1890 წ.წ.); საპატიო გენერალ-ფელდმარშალი; „სამთა კავშირის“ (გერმანია-ავსტრია-იტალია) შექმნის მთავარი ინიციატორი. მას მიანერენ გამოთქმას: „თუ გინდათ ააშენოთ სოციალიზმი, აირჩიეთ ქვეყანა, რომლის დალუპვაც არ დაგენანებათ“.
- 104. მაჰათმა განდი (მოჰანდას ყარამჩანდ მაჰათმა განდი, გვ. 321)** — 1869-1948 წ.წ. ინდოეთის დამოუკიდებლობისათვის არაძალადობრივი გზებით ბრძოლის თეორეტიკოსი და ორგანიზატორი, ინდოელი ხალხის სულიერი წინამძღოლი თავისუფლებისთვის ბრძოლაში; იურისტი და ფილოსოფოსი. ტიტული „მაჰათმა“ („დიდი სული“) მის მიმართ პირველად გამოიყენა დიდმა ინდოელმა მწერალმა, რაბინდრანათ თაგორმა 1915 წელს.

- 105. დიმიტრი ყიფიანი (გვ. 321)** — 1814-1887 წ.წ. ქართველი საზოგადო მოღვაწე, პუბლიცისტი და ეროვნულ-გამათავისუფლებელი მოძრაობის თავკაცი. თბილისისა და ქუთაისის გუბერნიების თავადაზნაურობის წინამძღოლი; თბილისის ქალაქისთავი (1876-1879 წ.წ.) თბილისის სასულიერო სემინარიის რექტორის მკვლელობის გამო ეგზარხოსმა პავლემ ქართველი ერი შეაჩვენა, რის გამოც მას დიმიტრი ყიფიანმა საქართველოს დატოვება ოფიციალურად მოსთხოვა. ამისთვის დიმიტრი ყიფიანი თანამდებობიდან გადააყენეს და სტავროპოლში გადაასახლეს, სადაც ერთი წლის შემდეგ მძინარე მოჰკლეს. 2007 წ. იგი საქართველოს საპატრიარქომ წმინდანად შერაცხა.
- 106. ბენჟამინ დიზრაელი (გვ. 321)** — 1804-1881 წ.წ. ებრაული წარმოშობის ბრიტანელი სახელმწიფო მოღვაწე; იურისტი, მწერალი და ჟურნალისტი. ბრიტანეთის კონსერვატიული პარტიის ლიდერი; დიდი ბრიტანეთის პრემიერ-მინისტრი 1868 და 1874-1880 წ.წ. ლორდთა პალატის წევრი 1876 წლიდან; მას მიენერება ცნობილი გამოთქმა — „მიზანი ამართლებს საშუალებას“.
- 107. აბრაამ ლინკოლნი (გვ. 321)** — 1809-1865 წ.წ. აშშ მე-16 პრეზიდენტი (1861-1865 წ.წ.). ამერიკული მონობის წინააღმდეგ მებრძოლი; რესპუბლიკური პარტიის ლიდერი.; სამოქალაქო ომის გმირი და ამერიკის გამაერთიანებელი. აღიარებულია საუკეთესო პრეზიდენტად აშშ ისტორიაში. 1865 წლის 14 აპრილს სასიკვდილოდ დაჭრა „სამხრეთელთა“ მხარდამჭერმა ჯონ ბუთმა.
- 108. გრიგოლ ლორთქიფანიძე (გვ. 321)** — 1881-1937 წ.წ. ქართველი პოლიტიკური და საზოგადო მოღვაწე; 1918-1921 წლებში ასრულებდა განათლების და სამხედრო მინისტრის, პრემიერ-მინისტრის მოადგილის მოვალეობას. ბოლშევიკური ოკუპაციის დროს დარჩა საქართველოში და ხელმძღვანელობდა აჭარიდან თურქი ოკუპანტების განდევნის ოპერაციას; აწარმოებდა მოლაპარაკებებს ბოლშევიკურ რევკომთან საქართველოს პოლიტიკური მოწყობის თაობაზე; როგორც პოლიტიკურად არასაიმედო, რეპრესირებული იყო ბოლშევიკების მიერ; დახვრიტეს 1937 წელს. ავტორი ფილოსოფიურ-ესსეისტური ჟანრის ნაწარმოებებისა: „ფიქრები საქართველოზე“ და „პოლიტიკური ანდერძი“.
- 109. ნიკიტა ხრუშჩოვი (გვ. 322)** — 1894-1971 წ.წ. საბჭოთა პოლიტიკური მოღვაწე; სკკპ ცკ პირველი მდივანი 1953-1964 წ.წ. სსრკ მინისტრთა საბჭოს თავჯდომარე 1958-1964 წ.წ. საბჭოთა კავშირის გმირი, სამგზის სოციალისტური შრომის გმირი; 50-იანი წლების „ცივი ომის“ მთავარი ინსპირატორი; ერთ-ერთი ყველაზე ოდიოზური მმართველი საბჭოთა ისტორიაში.
- 110. ჰინდენბურგი (პაულ ლუდვიგ ჰანს ანტონ ფონ ბენეკენდორფ ფნდ ფონ ჰინდენბურგი, გვ. 334)** — გერმანელი პოლიტიკოსი და მხედართმთავარი; პირველი მსოფლიო ომის დროს გერმანიის აღმოსავლეთის ფრონტის მთავარსარდალი; გენერალური შტაბის უფროსი; პრუსიის გენერალ-ფელდმარშალი. გერმანიის რაიხსპრეზიდენტი 1925-1933 წ.წ. 1933 წლის 21 მარტს სამოქალაქო დაპირისპირების თავიდან აცილების

მიზნით, ხელისუფლება ნებაყოფლობით გადააბარა ადოლფ ჰიტლერს და მის ნაციონალ-სოციალისტურ პარტიას.

- 111. ნიკოლო დი ბერნარდო მაკიაველი (გვ. 349) — 1469-1457) ნ.წ.** იტალიელი (ფლორენციელი) ფილოსოფოსი, მწერალი და პოლიტიკური მოღვაწე. მისი თეორიის თანახმად, სახელმწიფოს, ხელისუფლების ძლიერების განსამტკიცებლად და შესანარჩუნებლად ნებისმიერი საშუალება გამართლებულია. ფლორენციის სამთავროში ასრულებდა სახელმწიფო მდივნის თანამდებობას. მაკიაველის ძირითადი ნაშრომებია „მთავარი“ და „მსჯელობანი“. დაწერილი აქვს აგრეთვე ისტორიული ნარკვევები, ლირიკული და დრამატული ნაწარმოებები, რომანი.
- 112. ჩეზარე ბორჯია (გვ. 351) — 1475-1507 ნ.წ.** ესპანური წარმოშობის იტალიელი დიდგვაროვანი; კარდინალ როდრიგო ბორჯიას, შემდგომში — პაპი ალექსანდრე VI ვაჟიშვილი; გონფალიერი და წმინდა ეკლესიის გენერალ-კაპიტანი; ჰერცოგი ვალანსელი, გრაფი დიოსელი, ანდრიის პრინცი; პიომბინოს, კამერინოს და უბინოს მმართველი; ცნობილია თავისი სისასტიკით და დაუნდობლობით; იტალიის სამეფო-სამთავროების გაერთიანებისთვის მებრძოლი; ლეონარდო და ვინჩის მეგობარი; ნიკოლო მაკიაველის კუმირი.
- 113. კიმ ირ სენი (კიმ სონ ჩჰუ, გვ. 354) — 1912-1994 ნ.წ.** მარქსიზმის კორეული ვერსიის (ჩუჩხე) ავტორი; ჩრდ. კორეის სახელმწიფოს დამაარსებელი; კორეის შრომის პარტიის გენერალური მდივანი, სახელმწიფოს მეთაური და პრეზიდენტი; კორეის მარშალი და გენერალისიმუსი; ოფიციალური ტიტული — „დიდი ბელადი, ამხანაგი მარშალი კიმ ირ სენი“. სიკვდილის შემდეგ გამოცხადდა მარადიულ პრეზიდენტად.
- 114. ფრიდრიხ დიდი (ჰოჰენცოლერი, „ბებერი ფრიცი“, გვ. 356) — 1712-1786 ნ.წ.** პრუსიის მეფე 1740-1786 ნ.წ. ევროპული განათლებული აბსოლუტიზმის ბრწყინვალე წარმომადგენელი და პრუსიულ-გერმანული სახელმწიფოებრიობის ერთ-ერთი მთავარი ფუძემდებელი; მეფე-ფილოსოფოსი და მეფე-მუსიკოსი; პოლიგლოტი, უმამაცესი მეომარი და მხედართმთავარი. უმნიშვნელოვანესი საერო და საეკლესიო რეფორმების ორგანიზატორი.
- 115. გაიუს იულიუს კეისარი (გვ. 357) — ძვ. წ. 100-44 ნ.წ.** ძველი რომის და კაცობრიობის ერთ-ერთი უგამოჩინებულესი პოლიტიკური და სახელმწიფო მოღვაწე; მხედართმთავარი, რეფორმატორი, მწერალი და ორატორი. მოკლეს შეთქმულებმა. ერთ-ერთი ვერსიით, კეისარის მკვლელობა ერთმმართველობისკენ მისმა სწრაფვამაც გამოიწვია.
- 116. თომა აკვინელი (გვ. 357) — 1225-1274 ნ.წ.** გვიანი შუა საუკუნეების ერთ-ერთი ყველაზე ცნობილი და გავლენიანი იტალიელი ფილოსოფოსი; თომიზმის (კათოლიციზმის უმთავრესი ფილოსოფიური მოძღვრება) ფუძემდებელი; ავტორი ნაშრომებისა: „თეოლოგიის შეჯამება“, „შეჯამება წარმართთა წინააღმდეგ“, „ჭეშმარიტების შესახებ“.
- 117. ისაია ბერლინი (გვ. 357) — 1909-1997 ნ.წ.** ინგლისელი ფილოსოფოსი და ისტორიკოსი, თანამედროვე ლიბერალური პოლიტიკური ფილოსოფიის ერთ-ერთი დამაარსებელი; ბრიტანეთის აკადემიის პრეზიდენტი

1974-1978 წლებში. ავტორი ნაშრომებისა: „ზღარბი და მელა“ (შესულია XX საუკუნის ას საუკეთესო არაბელეტრისტულ წიგნს შორის), „ისტორიული გარდუვალობა“, „თავისუფლების ორი კონცეფცია“, „ოთხი ესსე თავისუფლებაზე“, „ცნებები და კატეგორიები“, „რუსი მოაზროვნეები“, „დინების სანინაალმდეგოდ“...

- 118. ალექსანდრე მაკედონელი (გვ. 357)** — ძვ.წ. 356-323 წ.წ. მაკედონის მეფე 336-323 წ.წ. ერთ-ერთი ყველაზე სახელოვანი მხედართმთავარი კაცობრიობის ისტორიაში; მაკედონის მეფე ფილიპე II და მისი მეოთხე ცოლის, ოლიმპიადას ვაჟიშვილი; არისტოტელეს უსაყვარლესი და უნიჭიერესი მოწაფე. მისი მეთაურობით ჩატარებული ბრძოლები დღემდე სამხედრო სტრატეგიის ნიმუშებადაა აღიარებული.
- 119. სოლომონ ბრძენი (გვ. 357)** — ისრაელ-იუდეის სახელმწიფოს მესამე მეფე (დაახლოებით ძვ.წ. 965-928 წ.წ.); მეფე დავითის მესამე ვაჟიშვილი; ღმერთის რჩეული და განსაკუთრებული სიბრძნით დაჯილდოებული. მის სახელს უკავშირდება მრავალი ლეგენდა და მითი; მასვე მიენერება ეკლესიასტეს ავტორობაც.
- 120. პაულ თომას მანი (გვ. 376)** — 1875-1955 წ.წ. გერმანელი მწერალი და ესსეისტი; ნობელის პრემიის ლაურეატი ლიტერატურის დარგში; ანტიფაშისტისტი; ჰაინრიხ მანის ძმა; კლაუს და ერიკა მანების მამა; ავტორი ეპიკური რომანებისა: „ბუდენბროკები“, „ჯადოსნური მთა“, „დოქტორი ფაუსტუსი“, „ლოტა ვაიმარში“, „იოსები და მისი ძმები“, „რჩეული“...
- 121. ბერტოლდ ბრეხტი (ოიგენ ბერტოლდ ფრიდრიხ ბრეხტი, გვ. 376)** — 1898-1956 წ.წ. გერმანელი პოეტი, დრამატურგი და რეჟისორი; თეატრის რეფორმატორი, თეატრ „ბერლინის ანსაბლის“ დამაარსებელი. ავტორი მსოფლიოში ცნობილი დრამატული ნაწარმოებებისა: „ბაალი“, „დაფდაფები ლამეში“, „სამგროშიანი ოპერა“, „გამონაკლისი და წესი“, „III რაიხის შიში და გაჭირვება“, „კავკასიური ცარცის წრე“, „ანტიგონე“ და სხვა.
- 122. კოფი ანანი (გვ. 377)** — დაიბადა 1938 წ. ვანელი დიპლომატი, გაეროს გენერალური მდივანი 1997-2006 წ.წ. ნობელის მშვიდობის პრემიის ლაურეატი.
- 123. ბორის ელცინი (გვ. 387)** — 1931-2007 წ.წ. საბჭოთა და რუსეთის პოლიტიკური და სახელმწიფო მოღვაწე; რუსეთის პირველი პრეზიდენტი 1991-1999 წ.წ. რუსეთის საზოგადოებრივ-პოლიტიკური და ეკონომიკური მოწყობის რადიკალური რეფორმატორი. აკრძალა სკკპ მოღვაწეობა და დაშალა საბჭოთა კავშირის უმაღლესი საბჭო.
- 124. სტეფან (სტენკა) რაზინი (გვ. 387)** — 1630-1671 წ.წ. დონელ კაზაკთა ატამანი; ყირიმელ თათართა წინააღმდეგ ლაშქრობის ხელმძღვანელი; მძარცველთა დიდი შეიარაღებული ბანდის მეთაური; ირანის წინააღმდეგ თვითნებური ლაშქრობის ორგანიზატორი; რუსეთის იმპერიის წინააღმდეგ კაზაკთა და გლეხთა უდიდესი აჯანყების მეთაური (1670-1671 წ.წ.); რუსული ფოლკლორის უსაყვარლესი გმირი; სიკვდილით დასაჯეს მოსკოვში 1671 წლის 16 ივნისს.
- 125. ჟან დე ლა ბრიუიერი (გვ. 390)** — 1645-1996 წ.წ. ფრანგი ფილოსოფო-

სი-მორალისტი; მსოფლიო სახელი და დიდება მოუტანა ერთადერთმა ნაწარმოებმა — „ხასიათები“.

- 126. შოთა ნადირაშვილი (გვ. 392)** — დაიბადა 1926 წელს; ქართველი ფილოსოფოსი, ფსიქოლოგი და საზოგადო მოღვაწე; საქართველოს მეცნიერებათა აკადემიის აკადემიკოსი.
- 127. ზაჩანა ბრეგვაძე (გვ. 398)** — დაიბადა 1936 წელს. გამოჩენილი ქართველი მთარგმნელი და ლიტერატურისმცოდნე; თარგმნის ძველი ბერძნული, ლათინური, იტალიური, ფრანგული და ესპანური ენებიდან. თარგმნილი აქვს პლატონის „ნადიმი“, „ფედონი“, „იონი“, „დიდი ჰიპია“, „მენონი“, „კრიტონი“; მარკუს ავრელიუსის „ფიქრები“; დანტეს „ახალი ცხოვრება“; აგრეთვე ფრანსის, ვალერის, ლორკას, მისტრალის, ლა ბრიუიერის თხზულებები და მრავალი სხვა.
- 128. ჰერმან ჰესე (გვ. 403)** — 1877-1962 წ.წ. გერმანო-შვეიცარიელი მწერალი, პოეტი, კრიტიკოსი და მხატვარი; ნობელის პრემიის ლაურეატი; ავტორი ნაშრომებისა „პეტერ კამენციდი“, „ბორბლებქვეშ“, „ჰერტრუდა“, „კლინი და ვაგნერი“ „კლინგ ზორის უკანასკნელი ზაფხული“, „სტეპების მგელი“, „ნარცისი და გოლდმუნდი“, „ბისერის თამაში“...
- 129. ფრანსუა რაბლე (გვ. 403)** — 1494-1553 წ.წ. რენესანსის ეპოქის ფრანგი მწერალი-ჰუმანისტი; თანამედროვე ლიტერატურული ფრანგული ენის ფუძემდებელი; ავტორი რომანისა „გარგანტუა და პანტაგრუელი“.
- 130. მარტინ ჰაიდეგერი (გვ. 404)** — 1889-1976 წ.წ. გერმანელი ფილოსოფოსი; თანამედროვე ეგზისტენციალიზმის ფუძემდებელი; გერმანიის ნაციონალ-სოციალისტური პარტიის წევრი; ავტორი ნაშრომებისა: „დრო და ყოფიერება“, „რა არის ფილოსოფია?“ „მეტაფიზიკის შესავალი“, „ფენომენოლოგიის ძირითადი პრობლემები“, „ნიცშე და სიცარიელე“, „კანტი და მეტაფიზიკის პრობლემა“, „პლატონის მოძღვრება ჭეშმარიტების შესახებ“...
- 131. „რომელიმე დეპუტატის პირომანიაში დადანაშაულებას დიდი განათლება არ სჭირდება“ (გვ. 409)** — იგულისხმება საქართველოს პარლამენტის გადამწყვეტილება (2004 წ.), რითაც დეპუტატ გელაშვილს ბრალი დაედო თბილისის ერთ-ერთი საჯარო სკოლისთვის ცეცხლის ნაკიდების მცდელობაში და ამ საბაბით შეუწყდა უფლებამოსილება (პირომანია — ბერძ. ცეცხლის ნაკიდებისადმი დაუძლეველი ლტოლვა, ფსიქოპათიის გამოხატულება).
- 132. „იტალიელი მატერაცისა და ფრანგი ზიდანის ინციდენტი“ (გვ. 417)**  
— იგულისხმება ინციდენტი, როცა ფრანგი ფეხბურთელი ზინედინ ზიდანი მსოფლიო ჩემპიონატის ფინალურ მატჩის დროს იტალიელ მცველ მატერაცის მძიმე სიტყვიერი შეურაცხყოფის გამო ფიზიკურად გაუსწორდა, რის გამოც მსაჯმა მოედნიდან გააძევა.

## ბიბლიოგრაფია

1. Milton Friedmann, „Capitalism and Freedom“, University of Chikago Press. ISBN 0226264211.
2. იაშა ლანგი, „მედია და არჩევნები“, თბილისი, 2002.
3. საუბრის წარმართვა, სერია — “რჩევები მოხელეთათვის“, თბილისი, 2005.
4. В. В. Ворошилов, „Журналистика“, С.-Петербург, 2000.
5. Raymond Aron, „Essai sur les Libertes“, Paris: Calmann-Levi, 1995.
6. Аристотель, „Никомахова этика“ (ძვ. ბერძნული - *Ἠθικά Νικομάχεια*).
7. არისტოტელე, „ათენელთა სახელმწიფო წყობილება“, თბილისი. 1978.
8. Аристотель; „Политика“, М. 1986.
9. მარკუს ავრელიუსი, „ფიქრები“, თბილისი, 1972.
10. Архив Троцкого, в 4-х т., М. 1990.
11. ბანძელაძე, „ეთიკა“, თბილისი, 1969.
12. მოსე ბელენკი, „სპინოზა“, თბილისი, 1966.
13. Isaiah Berlin, „Four Esseys on Liberti“, Oxford University Press, 1969
14. Исайя Берлин, „Оригинальность Маккиавелли“, ж. „Человек“ №2-4, М. 2001.
15. И. Р. Галперин, „Текст как объект лингвистического исследования“, М. 1981.
16. „გოეთეს საუბრები ეკერმანთან“; ბათუმი, 1988.
17. Томас Гоббс, „О свободе и необходимости“, М. 1989.
18. Thomas Hobbes, „Leviathan, or the Matter, Forme, and Power of a Commonwealth, Ecclesiasticall and Civil“.
19. ჰანს-დიტრიხ გენშერი, „მოგონებანი“, ორ ტომად, თბილისი, 2002.
20. Хосэ Ортега и Гассет, „Избранные труды“, М. 2000.
21. Е. Гусерли, „Логические исследования“, М. 1909.
22. ჰამლეტ გელაძე, „კიდევ ვის უნდა რესპუბლიკა?“ გაზ. „საქართველოს სამრეკლო“, თბილისი, 08. 12. 1992.
23. ნორბერტო ბობიო, „დემოკრატიის მომავალი“, თბილისი, 2003.
24. ნოდარ გრიგალაშვილი, „ამის მეტს აღარ გიტყვი...“ გაზ. „საქართველო“, თბილისი, 18. 12. 1992.
25. დემოსთენე, „ფილიპიკები“, თბილისი, 1984.
26. Клод Давид, „Франц Кафка“, Харьков, 1984.
27. „რაზე გვწყდება გული“; გაზ. „დრონი“, 12. 01. 1993.
28. Умберто Эко, „Пять эссе на темы этики“, Пер. с итал. Е. Костюкович — СПб.
29. Умберто Эко, „Отсутствующая структура. Введение в семиологию“, Пер. с итал. В. Резник А. Погоняло. — СПб.: Trattato di semiotica generale (1975 - English translation: A Theory of Semiotics. 1976); La Struttura Assente (1968 – „The Absent Structure“).
30. ჟ. „ენა და კულტურა“ 2, თბილისი, 2001.

31. Н. Вайнонен, „Каждый пишет так, как дышет“, ж. „Журналист“, 8 М.1997.
32. ვაჟა-ფშაველა, პოემები, თბილისი, 1990.
33. Макс Вебер, „Избранные труды“, М. 1990
34. И. И. Зилберфарб, „Идеи и традиции Великой французской революции“, М. 1971.
35. И. М. Захер, „Движение „Бешенные“, М. 1961.
36. ავლიბ ზურაბაშვილი, „პიროვნების ფსიქოლოგიისა და პათოფსიქოლოგიის პრობლემები“, თბილისი, 1969.
37. გ. თავაძე, „გერმანული ნეოკანტიანელობის შემეცნების თეორია“, თბილისი, 1963.
38. რეზი თვარაძე, „უბანი“, გაზ. „თბილისი“, 04. 04. 1989.
39. „როცა მხარდაჭერას გრძნობ“, გაზ. „თბილისი“, თბილისი, 08. 04. 1989.
40. Karl Jaspers, „The Origin and Goal of History“. Translated by Michael Bull-ock. New Haven, CT: Yale University Press.
41. Газета „Южная Осетия“, 17. 12. 1992.
42. Alberte Camus, „Le Mythe de sisyphé “ (1945).
43. Иммануил Кант „Критика чистого разума“, Пер. с нем. Н. Лосского сверен и отредактирован Ц. Г. Арзаканяном и М. И. Иткиным; Примеч. Ц. Г. Арзаканяна. — М.: Эксмо, 2007. — 736 с. — ISBN 5-699-14702-0
44. ვახტანგ კოტეტიშვილი, „ხალხური პოეზია“, თბილისი, 1961.
45. Е. А. Лазарева, Т.Б. Черкасова, „Заглавия в местных газетах“, Свердловск. 1997.
46. Сьерен Киеркегор, „Страх и трепет“, М. 1993.
47. ჯანრი კაშია, „თავისუფლება და ფედერალიზმი“, თბილისი, 1997.
48. პაატა კერვალიშვილი, ნოდარ ჯიბლაძე, „სამეცნიერო პოლიტიკის რამდენიმე საკითხი“, თბილისი, 1999.
49. „Красная книга ВЧК“ в 2-х томах, М. 1990.
50. ზურაბ კაკაბაძე, „ნარკვევები“, თბილისი, 1990.
51. К.М. Какабадзе, „Человек, как философская проблема“, Тбилиси, 1970.
52. ი. კაჭარავა, „საქართველოს კუ ბრძოლა მემარჯვენე ოპორტუნისტული იდეოლოგიის და პრაქტიკის წინააღმდეგ“, საქართველოს ისტორიის ნარკვევები, ტ. VII, თბილისი. 1976.
53. С. В. Лаине, „Заглавие, как вид литературы“, М. 1996.
54. Г. В. Лазутина, „Параметры журналистского текста“, ж. „Журналист“, 8. М. 1982.
55. Fransua de La Rochefoukauld, „Maxsimes“.
56. ნიკოლო მაკიაველი, „მთავარი“, თბილისი, 1972.
57. Жак Маритен, „Человек и государство“, М. 1998.
58. А. Манфред, „Французская буржуазная революция конца XVIII века“, М., 1956;
59. С. Муратов, „Мораль, как апетдик“, ж. „Журналист“, 1, М. 1998.
60. К.П. Новицкий, „От самодержавия до диктатуры пролетариата“, М. 1920.
61. Friedrich Wilhelm Nietzsche, „The Antichrist“.

62. Viktor Marie Hugo, „Quatrevingt-treize“, 1874.
63. „ოთხი დღე, რომელმაც შეძრა საქართველო“, თბილისი, 2002.
64. А. О Лари „Политическая история Французской революции“, М. 1938.
65. Georg Orwell, „Animal Farm“.
66. Georg Orwell, „1984“ (Nineteen Eighty-Four).
67. ჯ. ოდიშვილი, „საქართველოს რუსეთთან შეერთების ისტორიული მნიშვნელობა“, „მ. ტ.“ 8, თბილისი, 1983.
68. პლატონი; „ფედონი“, თბილისი, 1966.
69. Платон, „Сочинения“, М. 1988.
70. Плутарх, „Избранные биографии“, в 2-х томах, М. 1987.
71. „Принципы описания языков народов мира“, Коллективная монография, М. 1976.
72. გიორგი ჰაიჭაძე, „გეორგიევსკის ტრაქტატი და მისი ისტორიული მნიშვნელობა“, თბილისი, 1980.
73. Е.П. Прохоров, „Введение в теорию журналистики“, М. 1996.
74. И. Ц. Попов, „Теофраст Рендо — основоположник французской журналистики“, „Вестник МГУ“ 4, М. 1978.
75. მარი ნ. როტბარდი, „სახელმწიფოს ანატომია, ლიბერალიზმი და ძალაუფლება“, წიგნი II, თბილისი, 2004.
76. „Религия и общественная мысль народов востока“, М. 1971.
77. Gustav Radbruch, „Rechtsphilosophie“, Studienausgabe, herausgegeben von Ralf Dreier und Stanley L. Paulson, C. F. Müller, 2. Aufl., Heidelberg 2003.
78. David Randall, „The universal Journalist“.
79. Жан Жак Руссо, „О политическом договоре“, М. 1938.
80. Жан Жак Руссо, „Об общественном договоре“, М. 1998.
81. А. Собуль, „Парижские санкюлоты во время диктатуры якобинцев“, М. 1966.
82. Bill Kovach, Tom Rosenstiel, „The Elements of Journalism“. New York: Crown Publishers, c2001.
83. John R. Searle, „Studies in the Theory of Speech Acts“.
84. სსრკ ისტორია (1917-1937) თბილისი, 1980.
85. Константин Симонов, „Размышления о И. Б. Сталине“, М. 1990.
86. Д. Сидоров, „Организованные расстрелы общественных деятелей в московской Бутырской тюрьме“, Ростов на Дону, 1999.
87. Б. В. Стрельцов, „Основы публицистики, жанры“, Минск, 1990
88. Гурам Тевзадзе, „Иммануил Кант“, Тбилиси, 1979.
89. Лев Троцкий, „Сталин“, в 2-х томах, М. 1990.
90. James George Frazer, „Volk-lore in the Old Testament“.
91. Sigmund Freud, „Introduction to Psychoanalysis“ (Vorlesungen zur Einführung in die Psychoanalyse) .
92. Sigmund Freud, „The Fututre of an Illusion“ (Die Zukunft einer Illusion).
93. Erich Fromm, „Psychoanalyse & Ethik“, 1946, ISBN 3-423-35011-3.
94. Friedrich Ludvig Gotlob Frege, „Über Sinn und Bedeutung, Zeitschrift für Philosophie und philosophische Kritik“, (1892): 25-50.



95. Friedrich Ludvig Gotlob Frege, „Der Gedanke. Eine logische Untersuchung“, ნიგნში: „Beiträge zur Philosophie des Deutschen Idealismus!“, 58-77
96. ქსენოფონტი, „მოგონებები სოკრატეზე“, თბილისი, 1969.
97. „ქართული მწერლობა“, ტ. I, თბილისი, 1987.
98. Татьяна Малкына, Андрей Караулов, „Автопортрет“, გაზ. „Независимая газета“, М. 16. 09. 1991.
99. თამაზ კვაჭანტირაძე, „ვაგლახ, უკვდავი“; გაზ. „დრონი“, 12, თბილისი, 1991.
100. ავთანდილ ქურხული, „... და რომ გახსოვდეს“, თბილისი, 2004.
101. თეიმურაზ ქორიძე, „დიდი წვრილმანები“, თბილისი, 2002.
102. თეიმურაზ ქორიძე, „ჩემი ქმარი ლავრენტი ბერია“, გაზ. „7 დღე“, 1, თბილისი, 1990.
103. თეიმურაზ ქორიძე, „ომი უნდა დავამარცხოთ“, გაზ. „დრონი“, თბილისი, 27. 11. 1992.
104. თეიმურაზ ქორიძე, „საით მივდივართ...“ გაზ. „თბილისი“, თბილისი, 25. 02. 1993.
105. თეიმურაზ ქორიძე, „სანამ ჯამში ღვინო აქაფდებოდეს...“ გაზ. „კვირას“, თბილისი, 14. 10. 2004.
106. თეიმურაზ ქორიძე, „შექსპირის მოტივები თანამედროვე ქართულ კანონმემოქმედებაში“, გაზ. „კვირას“, 14, თბილისი, 2004.
107. თეიმურაზ ქორიძე, „ბარონი წვერიკმაზაშვილი და სხვები“, გაზ. „7 დღე“ 16, თბილისი, 1991.
108. თეიმურაზ ქორიძე, „რევოლუცია მოდის!“, გაზ. „დრონი“, 27. 11. თბილისი, 2001.
109. გიორგი პატაშური, „ინკასატორი“, გაზ. „ტფილისის უწყებანი“ 11, თბილისი, 1996.
110. გურამ შამანიდი, „დანვი სვეტიცხოველი...“ გაზ. „დრონი“, 23, თბილისი.
111. ნანა ჯოხარიძე, „პორტრეტი ინტერიერში“, გაზ. „დრონი“ 36, 1999. თბილისი, 2000.
112. ნუგზარ შატაიძე, „ინსპექტორები“, გაზ. „ტფილისის უწყებანი“ 6, თბილისი, 1996.
113. იამზე ასანიშვილი, „გურამ დოჩანაშვილის ცხოვრების ქრონიკა“, გაზ. „დრონი“ 32, თბილისი, 1992.
114. კონსტანტინე გამსახურდია, „ზღვისფერი გაქვს თვალები...“ თხზულებანი 10 ტომად, თბილისი, 1985.
115. БСЭ, Александр Дюма-отец, т. XV, М. 1952.
116. Carl Shmitt, „Politische Theologie. Vier Kapitel zur Lehre von der Souveränität“, 1922.
117. Carl Shmitt, „Die Diktatur. Von den Anfängen des modernen Souveränitätsgedankens bis zum proletarischen Klassenkampf“, 1921.
118. Arthut Schopenhauer, „On the Will in Nature“ (Über den Willen in der Natur), 1836 ISBN 978-0-85496-999-9On.

119. Arthut Schopenhauer, „the Freedom of the Will“ (Über die Freiheit des menschlichen Willens), 1839 ISBN 978-0-631-14552-3
120. ანდრამ შაიო, „ხელისუფლების თვითშეზღუდვა“, თბილისი, 2003.
121. Rudolf Steiner, „Theosophy: An Introduction to the Spiritual Processes in Human Life and in the Cosmos“, (1904) ISBN 0-88010-373-6.
122. Rudolf Steiner, „The Education of the Child“ (1907) ISBN 0-85440-620-4
123. М. Шостак, „Оперативное комментирование“, ж. „Журналист“, 12, М. 1997.
124. М. Шостак, „Давай сочиним заглавие“, ж. „Журналист“, 3. М. 1998.
125. Владимир Чередниченко, „Основы журналистики“, Краснодар, 1998.
126. М. С. Черепახов, „Проблемы теории публицистики“, М. 1978.
127. ს. წერეთელი, „ანტიკური ფილოსოფია“, თბილისი, 1968.
128. ილია ჭავჭავაძე, „თხზულებანი“, ტ. II,
129. ივანე ჯავახიშვილი, „ქართველი ერის ისტორია“, წიგნი I-II, თბილისი, 1913.
130. „სასამართლო ჟურნალისტიკის სახელმძღვანელო“, თბილისი, 2002.
131. გალაკტიონ ტაბიძე, „რჩეული“, თბილისი, 1966.
132. „საქართველოს ისტორიის ნარკვევები“, ტომი IV, რედაქტორი მამია დუმბაძე, თბილისი, 1973.
133. Biorn Erik Fichtelius, „Nyhetsjournalistik“ – Tio gullene regler, version 2.0 ISBN 978-91-25-08004-3
134. Фихтелиус Э. „Десять заповедей журналистики“, Стокгольм, 1999. С. 78.
135. Jon Savatski, „How To Ask Powerful Questions“, ლექციების კურსი, ჟურნალისტიკის ევროპული ცენტრი, მასტრისტი, 2000.
136. Шумилина Т. „Метод и жанр: диалектика взаимодействия - Методы журналистского творчества“, М. 1982
137. Шумилина Т. „Мастерство журналиста“, М.. 1977. С. 98-120.
138. Теплюк В. „Этика журналистского творчества“, М., 1980.
139. Муратов С. „Нравственные принципы тележурналистики“, М. 1995.
140. Лазутина Г. „Основы творческой деятельности журналиста“, М. 2000.
141. Шостак М. „Репортер - профессионализм и этика“, М., 1999.
142. Killenberg G., Anderson R. „Before the Story. Interviewing and Communication Skills for Journalists“. St. Martin's Press, 1989.
143. „ქართული ენის განმარტებითი ლექსიკონი“, მთ. რედაქტორი არნოლდ ჩიქობავა, თბილისი, 1986.
144. ალექსანდრე ნეიმანი, „ქართულ სინონიმთა ლექსიკონი“, თბილისი, 1978.
145. ილია აბულაძე, „ძველი ქართული ენის ლექსიკონი“, თბილისი, 1973.
146. „ქართული ოთხთავის ორი ბოლო რედაქცია“, ტექსტი გამოსცა და გამოკვლევა დაურთო ივანე იმნაიშვილმა, თბილისი, 1979.
147. ბიბლია, თბილისი, 1989.
148. Г. Гече, „Библейские истории“, М. 1989.
149. Коран (არაბ. كِتَابُ ارْكَاد. კრაჩკოვსკის თარგმანი), М. 1990.

## სარჩევი

ზეგ არ იქნება გვიან .....	3
..... 6	

### თავი I

უმოკლესი გზა პოპულარობისკენ .....	8
ვინ არის ჟურნალისტი? .....	10
როგორ გავხდით ჟურნალისტი .....	12
ჟურნალისტის პროფესია — მითი და სინამდვილე .....	16
მწერლები და ჟურნალისტები .....	22
რატომ კითხულობენ გაზეთს? .....	25

### თავი II

ყოვლისმცოდნე ჟურნალისტები .....	31
როგორ მოვამზადოთ საგაზეთო სტატია .....	31
ყოვლისმცოდნეობა საშიში სენია .....	38

### თავი III

სტატია იწყება სათაურიდან .....	43
სათაური .....	43
პირველი გვერდი .....	51
ლიდი .....	55
რუბრიკა .....	62

### თავი IV

საგაზეთო ენა და სტილი .....	66
ერიდეთ მაღალფარდოვნებას! .....	73
„როგორც არისტოტელე ამბობდა“, ანუ ციტირების ხელოვნება .....	82

### თავი V

ძველი და მარადიული პრობლემები .....	87
ინტერვიუ .....	87
შეცდომები .....	93
ჟურნალისტიკა შეკითხვების ხელოვნებაა .....	95
მეტოქე, თუ თანამოაზრე .....	96
მონოლოგი .....	100

დიალოგი .....	110
პოლემიკა .....	112
რეპორტაჟი .....	137
იფიქრეთ, სანამ იკითხავდეთ .....	155

## თავი VI

ჟურნალისტური პუბლიცისტიკა .....	157
ჩანახატი .....	159
ნარკვევი .....	161
სტატია .....	163
ინტერვიუ .....	169
პოლემიკური პუბლიცისტიკა .....	171
ირონიული პუბლიცისტიკა .....	179
პოლიტიკური პუბლიცისტიკა .....	186
მეცნიერული პუბლიცისტიკა .....	203
სოციალური პუბლიცისტიკა .....	207
უმიზნო, ანუ ცრუ პუბლიცისტიკა .....	212

## თავი VII

ყოვლისშემძლე პრესა .....	219
დრონი მეფობენ .....	225
ხელისუფლება და პრესა .....	230

## თავი VIII

ჟურნალისტური გამოძიება .....	235
პირველი საქმე .....	235
როგორ დავინყოთ? .....	238
მოდი, გამოვიძიოთ... ..	244
როგორ მოვამზადოთ საგაზეთო მასალა	
გამოძიების შედეგებზე .....	252
აქლემების მარულა .....	254

## თავი IX

ეთიკა და ჟურნალისტიკა .....	268
ღორების რევოლუცია .....	268
ავტორიტარული და ჰუმანისტური ეთიკა .....	273
არაფერია მზის ქვეშ ახალი .....	281

## თავი X

სამართალი და ჟურნალისტიკა .....	285
რა არის სამართალი? .....	287

## თავი XI

თავისუფლება და ჟურნალისტიკა .....	299
ხეიბარი თავისუფლება .....	299
ჩემი მშვენიერი თავისუფლება .....	303
იგივეობათა ჯაჭვი .....	306
ჩემი ნება ხალხის ნებაა! .....	310
აღმსარებლობის თავისუფლება .....	311
ჟურნალისტიკა ჭაობში .....	314

## თავი XII

პოლიტიკა და ჟურნალისტიკა .....	318
მარად ცოცხალი ლევიათანი .....	329
ჩვენ გადავთხარეთ! .....	336
საქართველოს რუსული პოლიტიკა და ქართული ჟურნალისტიკა .....	341
მაკიაველის მორალით .....	349
უნესო თამაშები, ანუ პრესა, როგორც პოლიტიკური მანიპულაციების ინსტრუმენტი .....	368
ძველი ახალი სამყარო .....	381
გინდათ, რომ გაქებდნენ? .....	381

## თავი XIII

ენა და ჟურნალისტიკა .....	391
დამიმესიჯეთ თქვენი მხარდაჭერა .....	393
მეცნიერების ენა .....	397
სანამ სტიქია ჯებირს გაარღვევდეს .....	412
საოცარი ნიგნი არა მხოლოდ ჟურნალისტიკაზე .....	421
სახელთა საძიებელი .....	423
შენიშვნები და განმარტებები .....	429
ბიბლიოგრაფია .....	446
სარჩევი .....	451

